





京学編

北京大學《儒藏》編纂與研究中心

圖書在版編目(CIP)數據

儒藏. 精華編. 四六/北京大學《儒藏》編纂與研究中心編. 一北京: 北京大學出版社, 2014. 3

ISBN 978-7-301-11764-4

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2014)第 028322 號

書 名: 儒藏(精華編四六)

著作責任者:北京大學《儒藏》編纂與研究中心編

責任編輯:王 應 吴遠琴

標 準 書 號: ISBN 978-7-301-11764-4/B • 0450

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博:@北京大學出版社

電子信箱: dianjiwenhua@163.com

電 話: 郵購部 62752015 發行部 62750672 編輯部 62756694 出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 45.5 印張 530 千字 2014 年 3 月第 1 版 2014 年 3 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

儀禮鄭註句讀

〔清〕張爾岐 撰

	儀禮鄭氏註公食大夫禮第九 一九一
	儀禮鄭氏註覲禮第十 二○四
目録	儀禮鄭氏註喪服第十一子夏傳 二一四
	儀禮鄭氏註士喪禮第十二 二四八
交站兑月 一	儀禮鄭氏註既夕第十三 二七二
養豊鄭注 可賣字(黄図林) 一杯黑言用	儀禮鄭氏註士虞禮第十四 二九五
曹鄭主可賣亨(領炎	儀禮鄭氏註特牲饋食禮第十五 三一〇
豊鄭註句讀字(劉孔懷)	儀禮鄭氏註少牢饋食禮第十六 三三二
儀禮鄭註句讀序 (李斯孚) 六	禮鄭氏註有司徹第十七
儀禮鄭註句讀序 (張爾岐) 八	儀禮監本正誤附 三七〇
禮鄭氏註十	禮石本誤字附
儀禮鄭氏註士昏禮第二 二〇	東仁部語・・・・・・・・・・・・・・・・・・・・・・・・・・・・・・・・・・・・
儀禮鄭氏註士相見禮第三 三九	像禮鄭記右韻跋(故德琳) 三八三
儀禮鄭氏註鄉飲酒禮第四 四六	
儀禮鄭氏註鄉射禮第五 六五	
儀禮鄭氏註燕禮第六 九九	
儀禮鄭氏註大射儀第七 一一九	
儀禮鄭氏註聘禮第八 一五一	

校 點 説 明

源,咸 稷若,蒿菴 摩挲墳典,著有《周易説略》、《夏小正傳註》、《蒿菴 句,有動於心,遂 罹兵難,處士慟憤交集,讀《蓼莪》 一六一二)生於山東濟陽,嘗爲諸 》等書,而《儀禮鄭 至清乾嘉中,復大顯於世,而 元 推蒿菴處士爲先導。 明以降,三《禮》衰微,治《禮經》者, 其 號 也 顏所居曰蒿菴。 註句讀 又號汗 》最爲後 漫道 處士姓張,名爾岐,字 人。 當 詩「匪莪伊蒿」之 自 生。 人稱道 時 此 萬 諸 堅卧不仕, 崇禎中,父 曆四十 儒尋本追 代不 年 數

王、周 世運反覆,風 已,又以居鄉少明禮者,故尤耽 處士生當鼎革之際,於故國 公、孔子, 俗 而 丕變,君子行禮,當 求其 是。 聖 人之書, 心 衣 禮 學。 冠留戀不 返 諸二 莫 大 非 體 帝、三 禮 能 以 也。 自 爲

離

禮 特尊朱子,而斥象山、陽明,於時亦異數矣。 已達人爲仁義,聖人之道,無以復加 符節,以就於中。 極 古者,道 之倫彝典則以表大業,要之誠 之所待以徵事者也。 禮 一而已,統論 始之天命 明以 約 於禮。 説 立本 爲 以著 中 事,發而 故 庸, 從 處 克 士

其起 明。 實有感焉。 三事, 日分節, 移,人不能通,固其宜也。 名物之紛雜,文脈之猥 禮》一經,專記周人行事之節文,其辭質,其數繁, 者多苦《儀禮》難 功幾三十年,其間辛苦,備載於書前自 年過三十始讀《儀禮》,至五十九歲《句讀》稿成, 從事舉業、泛濫雜學,兼以僻在鄉 合; 之訖。 夫禮制 處士幼而 進退 是以 揖 篇中 茫 讓 受經,然時遭喪亂,未暇 分 日 昧,文字古奥,諸 苴 繪圖,日 節之法, 迎拜對答之儀,又非章句不 讀,究其緣由,泰半在章句之不 經尊 複,更較他書爲 俎 一釋例, 漢 昔賢 諸 師 物,非 已具, 論讀之之法,倡 而以 經皆 野,少有文籍,故 句 分節爲 然, 而 讀 序。 深 甚,世易 大 不 至若《儀 造, 備 能 自 先務, 於 能 來 不 辨 賈 析 用 调 其 以 時 學.

疏。 雜 朗眉清; 孜孜所求,尤在禮文之科段與鄭 來作者,咸 疏,詳標句讀,自《喪服》篇及若干記文外,悉爲 本,確爲禮學 説,均 後列標題,章之下復設小節,可 逮 朱 加 又旁及他家經解, 子 刊 踵其意。 創 落亦 正 爲《經 途。 清 傳 處 今觀其書,全録 整可喜。 通 士之學,猶遵 解 間附己 每 朱子《通 註 節 謂 意,於元明浮 之然否,原 後 鄭 提綱挈領, 漢 施 注,節 宋 以 解》, 遺 標 規, 題 處 原 取 士 本 分 詞 目 賈 而 後

沈、 傳,世人每以此多之。 假人,獨於先生廣爲揚譽,許其能得山東三《禮》之 必盡是,而清世校讎《 菴故步。 顧、阮諸家繼 處士又勘正監本、石本訛謬,其所 起,遂口 儀 得後出 禮》之風 轉精。 實 由 此開,金、盧 顧亭林不輕 論 雖 未

異代所見固有出乎

同

然

者。

晚出之《章句》、《

集

編》、《正義》,點讀、

節目

容

有異同,然大體不

脱

蒿

雖未之見,然其

節目往往相近,因知《禮

經》嚴

密,

自

解

×,

熙十三年(一

底本既劣,事倍功半,處士 然《禮 經》向 無善本。 雖 此 書據 頻 加 明 是 企正,然 監 本爲底本, 訛 誤糾

> 吴澄、 已當以十數,豈 不 究竟未廣,故所得不能 韻》、《字彙》諸 與夫《大戴》、《家語》、《説文》、《五 勝 裁之可也。 糾 陳澔、 脱 落 徐 亦 書,凡十餘家,在 師 非 無 曾、李之藻、 可惜。 由 校 弘 補 深,其 處士别採 即 張 鄭 論説 鄉 鳳 註 間 翔、 陳 經文字》、《 之當 項, 亦 祥 顧 屬 炎武之説 道、朱子、 此 否, 難 本所闕 得, 讀 者 但

懷。 六十有六。 之本多種,俱和衷堂本之支與流裔。 刻不絶,今日存 天禄,而《四 年胡德琳復據此板增補 八年(一七四三),高氏和衷堂始付之剞劂,三十八 未果,乃傳抄者衆,而大吏進呈京師 於一二年内能爲之,吾無所憾。」念兹在兹,令人感 六七四)始改今名。 東省賢達以處士一生精力所粹,屢欲梓之 句讀》初名《節 「庫》乃 其手書遺 者 有 謄 越三年,歲杪,而處士殁矣,年 尚 λ 囑 德堂刻 》、《節釋 經部《儀 重印, 謂 「《儀禮》欠一定本,若 適 本與 禮 朝 康 》類。 廷徴 晚 者 清 再。 書,遂 士林 書 局 泊 登 乾 刻 E 而 傳 之 降 印

 \equiv

於字右,今變爲小字,列於所釋字右下, 點,前後矛盾,一仍其舊。 本。 則唯在句讀之處施以標點,以便讀者稍見蒿菴原 與今日習慣不同,點校本於經註及鄭《目録》原文, 引原文,亦加比勘,苟非顯誤,不予校改。凡參校 庫全書》對刊本各有改正,遂取以參校。《句讀》所 序跋二篇於後。又、《四庫全書薈要》與《文淵 有借鑒,謹此致謝。 林、楊天宇、陳戊國、王暉諸先生《儀 如四聲圈點等,難於保留,概行省略。 仿其式矣),至引疏及處士自言等類,則未盡依原 意(書名號、引號除外;《句讀》有句有讀,今無能依 本文字異同,非關經義者不録。句讀以刊本爲準, 偶遇經註句讀脱落處,如辭不能通,則 今以和衷堂所刊爲底本,新增胡氏印本 原書尚有于湜音字,標 禮》整理本多 校點者於彭 部份符號 增删標 閣 新 刻

點者 張 濤

校

儀禮鄭註句讀序

至戦國 孔子 煌煌 燼之餘 爲 知周之德,周之所 韓宣子聘魯,觀書於太史氏 有 風 命 夢 乎,周 氣 國於天地,必有與立,禮是也。 載在《虞書》,夏 學典 ,僅有存者,則今之三《禮》是已。 而典籍彌缺,再經秦,漢儒搜索於煨 想周公,問 公之制 而 忘 以王。 剡 其 作, 問 祖 造 萬世莫之能 聃,卒隆 古 殷 蓋是時列國已自 不獨 因,以 , 歎周禮在魯, 删 籍談 定之業。 周 易 自秩宗 爲盛 也 矣。

遺,雜以《公孫尼子》、《吕覽》之文,難以盡宋之王氏以誤用貽譏。《禮記》本二戴之《周禮》爲周公致治之書,而漢之劉氏、

信。 苦其難讀。 爲之疏,然賈疏冗漫,往往略本文 牲》、《冠義》等篇 註 即有《儀禮》以詳 合、《儀禮》即 列學官,於是幾成絶學。 義,又傳世久遠,錯簡 最顯,唐賈公彦兼採黄慶、李孟悊之 惟《儀 禮 近代以 周 爲 儀 特 高 其 也 經義 堂 度數,而《禮記 其義 訛 生所 有《周谱 字 取 疏 士、《儀禮》 傳 觸 焉 禮》以 目 耳 與 生疑 淹 爲 · 郊 而 漢 中 綱 説 亦 學 敷 古 惟 未 别 特 經 而 鄭

書未 既 則 意,勒成一書,題曰《儀禮鄭註 章分節解,全録 達,取《儀禮》石經、監本互讎 承乏東省,獲見是書,亟 以 以還朝 是書刻成,乞序於余,且曰「此公夙 刻爲憾。癸亥夏,教諭 濟陽張處士稷若,積學好古, 不果,與彼都賢 鄭註 精 加 擇賈 士大夫别 校 高 訂 之,刊誤 疏 君 句 期 前 讀》。 走書都下, 編諸 , 猶以是 不 附 辨疑 余昔 求 以 己

也。

之業。 後能 即 節目 開 新。 相襲, 時 學之苦心,與高 而 於是書,删煩就 治光昌, 纂修三《禮》,又開館局校理經史,籤帙 風之治,此非學古有獲,不能也。 言增名山之藏,并不欲以賈、鄭 數千 '乾隆癸亥十月既望,北平黄叔琳序。 爲 惟 欲 黼 淑其性情。 而 是書前已進在上方,今復雕 余撫 而日用常行之準,必納 觀其 百年 明 黻 乃觀其自序之意,不惟 遺經畢 於詁 書 太平之助,庶幾 會通,恍然見 塵封之籍,家絃 一而歎: 訓 簡, 君 顯,固運 合萬物之性情 而不苦於難讀。 剞 竊惟 劈理分肌,彈皓首 劂 流 制作之體,三代 會使然乎? 成周致治之隆,而 傳 無 而户誦之,詳 之盛舉也夫 負 民 不欲以 處 以,成一 功臣 於軌 本行 今天子方 1: 今而後, 嘉 自居, 物, 世,文 一家 惠 窮 處 道 後 其 經 士 百 而

儀禮鄭註句讀序

所謂 焉 ? 定命 之所以爲治,孔子之所以爲教,舍禮其 黨》一篇,皆動容周旋中禮之效。 悉,語其子伯魚曰:「不學禮,無以立。」《鄉 治人之具。是以孔子之聖,猶問禮於老聃 儀三千。」禮者,本於人心之節文,以爲自治 而其與弟子答問之言,雖節目之微,無不備 命也。 也。 記 劉康公有言:「民受天地之中以 \forall 曰:「優優大哉! 是以有動作禮義威儀之則,以 禮儀三百, 然則周 何 生, 以 威

《儀禮》一經。漢鄭康成爲之註,魏、晉已下三代之禮,其存於後世而無疵者,獨有

宗,學者便其簡易,群然趨之,而 則 皋比,稱講師,門徒數百,自擬濂、雒,而 三《禮》之書,而卒不能勝夫空虚妙悟之學, 爲一切鄙爲末事,賴有朱子正言力辯,欲脩 或至脱一簡一句,非唐 身未讀此經一徧者。若天下之書,皆出於 此新説之爲經害者二也。 官,而此經遂廢。 中,王安石變亂 國子監所頒, 南渡已後,二陸起於金谿,其説以德 至唐、宋,通經之士無不 後儒無繇以得之矣。 以爲定本,而此經誤文最多, 舊制,始罷《儀禮 此新法之爲經害者一也。 石經之尚 講求 沿至於今,有 於此。 存 於制 於關 不 自 性 立學 度 熙 終 坐 文

參定監本脱誤凡二百餘字,并考石經脱誤略以己意斷之,名曰《儀禮鄭註句讀》。又名,録《儀禮》鄭氏註,而采賈氏、吴氏之説,名,録《儀禮》鄭氏註,而采賈氏、吴氏之説,濟陽張處士稷若,篤志好學,不應科

後世太平之先倡乎? 亡之歎不發於伊川矣! 其義以通制作之原,則夫子所謂「以承天之 凡五十餘字,作《正誤》二篇,附於其後, 吳顧炎武書。 利,使毋失其傳,此又有天下者之責也。 本,復立之學官,以習士子,而姑勸之以禄 道而治人之情」者,可以追三代之英,而禮 君子,因句讀以辨其文,因文以識其義,因 諸家塾。 時方多故,無能板行之者。 若乃據石經,刊 如稷若者,其不爲 後之 東 監 藏

儀禮鄭註句讀序

怏 禮 囊 嘗 事 由 不可易者一究心,十三經内,獨於《儀禮》未 鈍,不能博 怏 鄭 也 中見濟 展卷,竊憾之。 求 是」一 註 而 余讀《西漢書》至《 節釋 返 因訪之歷 :陽張稷若先生《蒿菴集》内有《儀 言, 涉群書, 序》,急欲得觀,緣不識先 深 下,乃識其人,未見其書, 癸丑 服 故凡所 膺 河間 夏,於樂安李象先 焉 校閲,必欲 獻王傳》,於「實 蓋 自 惟 材 生,無 質 得 縢 庸 確

鄭註句讀》,蓋以章句之儒自居謙也。且以先生始以手録《儀禮》付之,易其名曰《儀禮一今夏,余門人于湜至濟上,得識先生,

卒業。 篇 書屬 記 其儀法度數,則《儀 者,舍是奚從哉 存者,三《禮》而已。 確 則 處 滅學,漢、晉諸儒 ·味於衆人之所不味」者。 間 即即 不 ,乃其義疏耳。」觀此,則修學好古以 •郊特牲》、《冠》、《昏》、《祭》、《 有去取 미 余參訂。 標 大約 易, 書上,又命湜音字 且多前 7,而時 其 書於鄭註則 余偕同 悉 於段 力補緝 人所未 《周 禮》乃 後 人 凡禮 》固 附 李 竟無 發,誠 朱子曰:「遭 録 其 發聲,凡三 以 君蓼 其全,於 本 爲 己説,所 全 禮 經 昌 袁 鄉 綱 書 黎 僭 対影等 而 「, 其 領 月 求是 所 見 賈 評 禮 至 頗 秦 謂 皆 疏 乃 數

甲 朽,而實事求是 寅 刻,今其書盛行。 、陽月中院、長 吾鄉惟堂邑張 處 Ш 則 蓬玄先生 同學弟劉孔 此 且 書出 駕 而 自 鳳 上之矣。 與 翔 懷謹 之並 有《禮經 康 傳 熙 不

儀禮鄭註句讀序

高 也。 官》, 蒼學 記》 綱 然。 也; 謂 而 大、小 堂 ; 又摭 有 戴德、戴 生至今爲 蓋《 而 識 儀 周禮》六官,經也,《儀禮》十七篇 周 諸 者以 專家,然 禮 周 戴之記傳, 禮》、《儀禮》,元公治世之大經 其零膏 儒 》以 官》六 之議 爲不 聖,則 詳 禮 河 剩 典 禮白 於 經 類,是衛 間 馥 以 則孔 士 杼 師 王以《考工 耳。 統 柚 虎 庶 朝 及宋 觀 者, 餘 門撰述爲多。 在 野 道 論 ,亦言人人殊 漢 提 貴 而失於陋 以來,鄭 也。 時 其 賤 | 補 ; 曲 紀; 者 是亦 綴《 臺 總 註、 ^ 緯 也, 者 冬 戴 或 其 不 后

久矣。 要; 使註 之體 《禮經會元》百篇,其文奧博雄 讀》 以 蓋 用 賈 不 而 不考古,考古不尊經,而妄逞臆説 以代《考工》,是又獻王之罪人也。 司 禮》,獨 寇 辭下學離 余所見,濟 惑 采五官之有類事 於世,以爲不急之務,學 疏 又 取 後 喬新 以 也。 書, 憫學者無 束之高 釋 惟 世,及視 絶古今。 經,疏 監 及 今博雅 南 本、石 邱吉 經章句之務,而潛心鄭、賈,務 宋葉文康公萃薈三《 閣 北 以 張 古經 視《儀 甫,有 家 經,訂 證註,註舉其全,疏 然文章之 蒿 猶傳 路問 典者,强 菴 爲 禮 先 變 難 津,而 其 其 生《 亂 如 讀, 士家 書。 差舛, 隸之《冬官》, 體 古 周 儀 皆 示以 而 深, 官 禮 禮 明 廢 淺 茂先 錦 》之書 明 鄭 夫讀 貫 禮 置 非 旴 寶筏 學 穿 白 註 註 摘 江 不 無 耳 講 其 句 儒 書 作 洞 何 疏 所

斯孚題。 世,豈非幸哉! 則是編也,不祗爲鄭、賈 也,豈非幸哉! 則是編也,不祗爲鄭、賈 也,豈非幸哉! 則是編也,不祗爲鄭、賈 之功臣,而實《禮經》之羽翼矣! 長山李

七

八

儀禮鄭註句讀序

謂 無 得 號 朝 之,吾從周」,「文王既没,文不在兹乎?」 文武。」孔子亦自 其大體爲《周官》,其詳 此 所 其 秉禮 廷、鄉國 失 也。 書 周 在 墜。 一昔周 遺文尚 德既衰 而 學焉,與 日者,勒 公制禮, 子思曰: 列 在 謂 爲 國 門 用 典 曰 : 孔子以大聖生 異 弟子 一件 節 籍 致太平,據當 政 :尼祖 「吾學 備 ,脩其 與天下 典 文則 述 籍 儀 周 爲《儀 散 堯 禮, 共守之。 Ļ, 定 | 平其 舜 時 其文, 禮 今用 憲章 獨 施 地, 並 魯 於

生傳《儀禮》十七篇。武帝時,有李氏得《周秦氏任刑廢禮,此書遂熄。漢初,高堂

旨也。 九篇 以 賢相、士君子之所 禮》則周公之所定,孔子之所述,當 疑《周官》者,尚 取士,而二《禮》反 官》 疑信各半,而《儀 十三家,其所發明,皆《 淹中,其中十七篇與高 成六篇奏之。 難 五. 讀 無 篇, 師説, 廢 十三家獨 ,可乎? 河 間 後遂 後復得《古經》五 獻 以 禮 小戴大顯,近 王 遵 逸。 日微。 新 以《)則苦其 行, 莽、 堂生所 周 《漢 考 可 官》及 荆 蓋 T. 志》 斷然不疑 難 或 先 **>** 傳同 補 讀, 爲 儒 代 所 此 十六 於《周 載 口 列 冬 故 + 餘 時聖君、 實,《 篇於 官 於 傳 也。 七 篇 經 禮 \equiv 官 + 儀 之 者 魯 而 以 共

之。 類 中言 解 ,皆無所是正 讀莫能 及,或 無從得 愚三十許時,以其 阻 其 通 一,旁無 傳 且 ,且多謬誤,所守者唯鄭註 本,坊 笑 之。 師 周 刻《考註 友 聞 孔 可 有 手 以 朱 澤,慕 質 子 問 解 經 偶 加 詁 傳 欲 於 通 讀

要,取 焉,彷彿 爲 文郁 容如 莫測 取 易 賈 止 喬 讀已又默存 之也,遥望光氣, 末,以便省覽。 書者或少省心目之力,不至如愚之屢 五十九矣,勉讀六閲月,乃克卒業焉。 止,久而始通也。 野鄙 經 彬彬矣! 疏 而 了 ,讀不 竟 郁 其所言者何等也。 與註章分之,定其句讀,疏則節 可 而 足明 其斯 른 止 僿 睹 戴 一,不幾 無 也 數 弁 註 註文古質,而 而心歷之,而後其俯仰揖遜之 所 繙 爲 忠 垂 雖 而止。 且欲公之同志,俾世 於望 肖 輒 紳 不 郁 厚 以爲非 似 從 藹 因自歎曰: 郁 可 罷 辟 也 矣 惻之情如 或偶 施之行事,時一神往 去。 事 雕之威 ! 乎其 及其 周 使當 疏 有一 君子彬彬,其 孔 至 説又漫衍,皆 間 莫能 庚 矻矻乎讀之, 儀 時 將 方愚之初 得 戌 而 , 忘其身之 遇難 遇 爲 歲 之 亦 卻 也 已 而 :步不 讀 於是 讀 附 録 愚 耳, 止 斯 讀 周 是 其 屢 於 不

> 者 前 者 ,勿徒憚 乎? 其 噫, 難 愚 也 則 幸 矣 ! 願 世之讀是

書

濟 陽 張 爾 岐 撰

長 山 劉 孔 懷 友 生

参訂

李斯 孚蓼

于 湜 正 夫 音 字

陽 後 學高 之 玬 又 振

濟

高 之 璿 蘊 字

之以衍其傳,不 梓,爲一生憾 存之,以俟名公質焉。 本,間有 木,談及《儀 月 「蒿菴三十餘 書經 適 一二字「夏五」、「盟密」之疑,亦不敢妄爲参訂,姑 會 禮 」城,過 註 事。 句 句 致湮没焉耳。」予每佩斯訓 讀 讀 年精神命脈,畢萃於此。 命 高 以 爾 一苑學博 及字畫 輩 予 幼遵 手録 君 素 單 卷 者, 知 父訓,手録 君 點 此 雲谷、 固 悉遵 書 欲 爾粗 深 蓬 蒿 是 玉 萊學博 有 惜力緜不 菴 知大 書 之授梓, 先 志未逮。 , 時 生 義, Ξ 家 手 且 君 亦 能 君 定 代 代 任 癸 藉 每 原

0

虧於一 月 夙願矣。 幸賴同人不惜資助,共勷厥事,克竣其工,集腋爲裘,不致 閱校對,蚊蠅趨附,汗 先生苦心。 易放過。 刻 過 而 其時三十餘工,齊集鄙舍,所需瑣碎繁雜之用,日不暇給, 解》、鄭註、賈疏及曩日手抄舊本,參互考證,以定格式。 取艾大司寇家所藏蒿菴先生手定原本,與朱子《經傳通 也。」遂公議捐資,付之剞劂,群諉予董其 製徵刻文啟, 也。 詳 ,濟陽後學高廷樞景桓謹識 頁,刷印數紙,班、璿兩人對面唱答,一 細對閱,胥借力于男之班、侄之璿,蓋若輩亦曾手録 簣也。 既敷于板,又命侄之玫、之璐對勘,而後交工。 如是者,又三繙,乃敢云成。 書成,録其原委附焉。 是年炎熱甚於往歲,六月初旬,午夜篝燈,繙 辭 庶足以酬良友之素志,亦可以 頗典 麗。 流浹背,復值旱魃肆虐,物力維 歸里,謀 讀者鑒諸。 諸 同人, 僉曰: 其難其慎,惟 事。 點一畫不許 仰副 乾隆 乃 偕 八 嚴 同 年桂 君之 素志 恐失 艱, 人 每 輕

儀禮鄭氏註士冠禮第

子

濟 陽 張 爾 岐句讀

亡耳。 鄭《目録》云:「童子任職居士位,年二十而冠。 諸侯,同十二而冠。 子之士,亦同此禮,惟主人冠服 兄之皆士也。 者,見行事有 是統心、《儀禮》是踐履,外内相因,首尾是一。」又云: 禮》、《儀禮》,並是周公攝政太平之書。」疏云:「《周禮 大、小戴及《别録》,此皆第一。」○賈公彦《序》云:「《周 者 冠 十,其父兄爲加冠之禮。 「《儀禮》亦名《曲禮》。 四民世事,士之子,恒爲士。 朝服,則是仕於諸侯。天子之士,朝服皮弁素積。 士既三加,爲大夫早冠者,亦依士禮三加。 曲折。」士冠禮,是童子任職爲士,年及二 其云「仕於諸侯」,明非天子之士,實則天 自有天子諸侯冠禮,但《儀禮》之内 言儀者,見行事有威儀, 鄭引《齊語》,以證冠者與其父 有異。 冠禮 於五禮屬 疏又云:「天子 主人玄 嘉 言曲 若天 禮 古

伯

冕矣。 子,不得四加,與士同三加可 子之冠擬冠。」則天子元子,亦擬諸侯四加。若諸侯之 布皮弁爵弁,後加玄冕。天子亦四加,後當加衮冕矣。 聖所録與劉向所爲《别録》皆有此十七篇目,惟 也。鄭又云「大、小戴及《别録》此皆第一」者,戴德、 萬民」下,云「以冠昏之禮親成男女」,❶是冠禮 加玄冠朱組纓,次加皮弁,三加爵弁,四加玄冕,五 布冠、繢矮,次加皮弁,三加爵弁,四加玄冕。 天子則 天子始冠,則不以緇布而以玄冠。」若然,則諸侯始加 冠緇布冠,自諸侯下達」,所以異於大夫士者,繢緌耳 侯之冠也。」鄭氏曰:「皆始冠之冠。」考之於《禮》,「始 藻》曰: 『玄冠、朱組纓,天子之冠也, 天子之子,亦用士禮而冠。

〕案《家語·冠頌》云:「王大 載尊卑吉凶,次第倫叙,故鄭用之,於二戴則皆不從 諸侯則多,故《大戴禮·公冠》篇云:「公冠四 》所掌五禮「吉、凶、軍、賓、嘉. ○愚案: 疏又云:冠禮於五禮屬嘉禮者,據《周禮• 篇目下 語,與經註同 知。 一而言。 陳氏祥道云: 出康成,必别之曰 緇布冠、 宗伯「以 、績矮,諸 别 屬嘉 嘉禮 加 大宗 | ≪ 玉 加 録 禮 衮 緇

0 冠昏」,薈要本據《大宗伯》改「昏 冠」,是。

也 所

廣

本以 既 故每篇以 者,當篇之小號。 氏註」五字,疏 首 亦 日 鄭《日 書 存舊、實未當理、故寧從近本。 散《目録》於每篇之首,乃以 ,故殊異於註 《目録》别爲 「儀禮鄭氏註」五字於篇目下,皆前人之偶失也 録 儀禮鄭氏註」冠之,謂之「配註 云 云: 者 也。 退大名在下者,取配註之意也。」蓋鄭 以 篇,註文正從「士冠禮筮于庿門」 「「儀禮」者, 又案: 其 自 爲 註 疏 「儀禮」之名屈居其下,雖 篇 於篇目下,繫 又唐石經有經 疏 部之大名;『士 者 始 」,誠是 分於各 儀 也。 無註 篇之 禮 起 冠 疏 鄭

乃禮 門 朝 賓。 也。 日 庿 易 服者,十 東,西 次 謂 业。 筮必朝 反。 冠期前事,凡五節。 ,再繚四寸,屈垂三尺。 戒賓,至前期 禰 庿。 冠 冠 主人玄冠、 五升 面。主人,將冠者之父兄也。 必 服,尊蓍龜之道也。 禮: 不 筮日 於堂者,嫌蓍之靈由 布 衣而 筮于庿門。 三日又筮賓,宿賓,前 於 庿 素裳也。 朝服 門者,重以 ○冠,古亂反。 素鞸, 緇 緇 衣不言色者,衣 筮者,以蓍問日吉凶 帶 白 帶、 成 庿 韋鞸也,長三尺,上 黑繒帶 人之禮 神。 素 筮,市 期 玄冠,委 舞,即 〇將冠, 也。 日又爲期 成 例反。 子 與 士 貌也 位 孫 先 帶 冠 禰 也 于 告 於 博 筮 口

> 事。 服以朝,玄端以夕,是朝服尊 視朔,朝服以日視朝。 弁,皮彦反。 繞之乃四寸 六人與? 其臣,玄冕以視朔,皮弁以 也。 而裳異。 尺,下 正行冠禮,服玄端、爵轉,此服朝服,故云尊蓍龜 繒, 廣二 〇主人欲筮日, 先服此 自 「士帶博二寸」三句、《玉藻》文。 也。 緅,側留反。 陵反。 尺 ○朝,直遥 其 繚音了。 頸 凡染黑,五人爲緅,七人爲緇, 五. 4 有司 日 反。 於玄端 視朝。 肩 長,直 緇,側 革 如 服 帶 主人 也。 諸 一亮反。 即 博 侯與 其 位 玄端與 反。 服 禰 寸。 再 其臣,皮弁 廣,古 庿門外以 即即 韠 繚 燃四寸, 音畢,蔽 朝 天子 曠 位 服 玄則 反 于 再 以 衣 待 與 朝

具,俱 者,所以 辟,必亦反。卒,子忽反。 吏與屬吏不同,屬吏,君命之士,群吏,則府史胥徒也。 所自辟除、府史以下也。 卦 西方,東 者,具 也。 畫 西 地 面 饌 塾, 記 北 于 爻。 門 西 外西 上。 《易》 塾。 堂也。 今時卒吏及假吏,皆是也。 有司,群吏有事者,謂 Ĭ 假,古雅反。 筮所 六六 0 以 問 庿 畫 門 吉凶 而 東西 成 筮、 卦 謂 有 蓍 與席、 四 主人之吏 饌 也。 塾, 陳 内 所 0 也。 所 外 群

膝

同

⁰ 「三」,薈要本改作「二」。

各二。 也。 命 以占也。 并執之。 者,當知所筮 筮人,有司主三易者 筮 魚列反。 者,疊見於註,或言古文某爲某,或言今文某爲某。 所得也。 今文、古文者,今文,高堂生所傳,古文,魯恭王壞孔子宅 音 者,謂之韇 云「門中」者,以大分言之,闌西閾外,則 「蹙」。 面 連山》、《歸藏》、《周易》也。 畫 人執筴、抽上韇、兼執之、進受命於主人。 佐 地記爻之木,俱陳于門外西堂也。 宰,有 闑 筮不 〇布席,將 爻,户交反。 主人告所以 此 鄭以今古字並 門橜也。 閾音域。 橜,其月反。 ○筴,初革反。韇音獨。 丸也。 司 時蓍尚在下韇,待筮時,乃取 Œ 也。 當門中, 主 政 坐以 ○筴即蓍 兼,并也。 筮 閾,閩 教 布席于門中, 闑西、閾外, 也。 也。 者 筮 而在 也。 較,擇義勝者著于經,其所不從 也。 也。 韇,藏筴之器 少 ,兼執之者,兼 闑 筮得 進,前也。 自 西 儀 前具之西塾,至此乃布之。 古文「闑」爲「槷」,「閾」爲 槷,魚列反。蹙,子六反。 西 由 日 一卦,而三人各據一易 面 也。 宰自右少退, ,故將筮,而蓍 贊幣自 ○饌,直轉 也。 贊,佐 自西方而 布 出以筮。三 席處 上韇與 今時藏弓矢 也。 左, 韶 也。 下 前 反。 命,告 ○闑 受命 註云 韇而 與 辭 易, 贊 西 塾 席 自

卦也。 筮矣。 也。 待・ 吉,則及遠日,又筮日如初。」此大夫諏 儀。 東 之,以示主人。 執以 左。 至「告吉」也。 必待上旬,乃更筮之。 吉,乃更筮中旬,又不吉,乃更筮下旬。 冠禮是吉事,故先筮近日,不吉,乃更筮遠日,是上 之。古文「旅」作「臚」。若不吉,則 畫地識爻者也。○士蓍三尺,故坐筮。 右。) 筮人許諾, 右還, 即席坐, 『筮於庿門』已下至『告吉』是也。」愚案:《少牢》云:「若不 他· 面,旅占,卒,進告吉。 〇主人既知卦體,還之筮人,令占吉凶。 日. 即,就 遠日,旬之外。 〇先畫地識爻,至六爻畢,卦體成,筮人更以 示主人。卒,已也。 卦者在左,亦西向。 其 也。 云 二如初 此士冠禮,若筮上 方,版也。主人受眡,反之。 東面受命,右還北 儀 〇疏曰:「《曲禮》『吉 其云「如初」,乃自 止 從 ○還音旋。 書卦者,筮人以方寫所 進受命于主人」以下至「告 旅,衆也。 旬不吉,即 行就 日· 云『如初儀』者,自 筮 大夫蓍五尺, 席。 西 筮於 而筮,上旬 卒筮,書 遠 事先近日」,此 還與其屬共占 面,卦者 筮 卦 日, 筮人還 者,有 中 庙門」已下 ·旬, 不· 反,還 如 不吉 方寫 得之 則立 旬 卦 司 在 初 更. 不

位

也。宗人告事畢。宗人,有司主禮者也。吉」而已,不自「筮于庿門」也。徹筮席。徹,去也,斂

右筮日。

送。 辭,並 則欲與賢者哀戚之。 主人之僚友。古者,有吉事,則樂與賢者歡成之, 主人親至賓大門外,賓西面,主人東面 ○主人筮日訖,三日之前,廣 辭而許 退,去也,歸也 見後。 主人戒賓,賓禮辭,許。 也。 主人再拜,賓答拜。 再解而許, 曰固辭。 今將冠子,故就告僚友使來。 戒僚友,使 解 戒,警也,告也。 戒之。其戒辭、對 來觀禮。 主人退,賓拜 日 一終辭,不 有凶 戒賓者 許 禮 事, 也 辭 賓

右戒賓。

禮。 日: 僚・ 空二日也。 ·友中專筮一人,使爲加冠之賓也。 「主人某,爲適子某加冠,筮某爲實,庶幾從之。」若 「古者冠禮,筮日、筮賓,所以敬冠 重禮,所以爲國本。」○前者戒賓,汎及僚友,此又於 前 期三日,筮寳,如求日之儀。 筮賓,筮其可使冠子者。 事。 賢者恒 疏云: 敬冠事,所以 命筮之辭 吉。 前 期三 冠 義 日 庶 蓋 重

> 可耳。 子,則云「庶子某」。愚意「主人」二字似未安,亦言其銜

右筮賓。

者爲之。 必宿。 如之。 拜。 坐櫛、設纚、 下士也。 親致宿之之辭也。 致其辭。 賓答拜。 主人服,出與相見。 筮得吉,遂進之,使至冠日必來。 乃宿賓。 主人東面 其不宿者爲衆賓,或悉來,或否。 贊冠者,佐賓爲冠事者,謂賓若他官之屬,中士若 ○重言「乃宿賓」者,上文言主人往行此禮,此 宿之以筮賓之明日。 卒紘諸事。 主人退,賓拜送。「乃宿賓」者,親相 答拜。 賓 辭並見後。 乃宿賓。 如 助賓成 主 宿,進也。 人服,出 禮 ○「佐賓爲冠事」,即下文 宿贊冠者一人,亦 賓許。 擯者傳 故取其屬降於賓 宿者必先戒,戒 門左, 主人朝服。 辭 主人再拜, 入告賓,賓 西 面 〇既 見 乃 如 再

右宿賓、宿贊冠者

門東。 厥 兄弟 明 夕,爲 在其南,少 期 于 廟 退,西面 門 之外。 北北 主 上。 人立 有 于

者告期于賓之家。 弟及有 也。 事 司 ,猶言約期也。 皆 宰告 宿服 擯者,有司 如 司。擯者告也。 日 宿 朝 服, 服。 且 日 佐禮者。 擯者請期。 〇宿賓之明夕,冠 立于西方, 正 明行冠事。 ○前所戒賓皆告也 在主人曰擯,在客曰介。 告事 東面、北上。厥,其 宰告曰:「質明 畢。 擯,必刃反。 前一日之夕也。 宗人告也。 告兄 質,正 行 擯 爲

右爲期。

九・節・ 爲之,故有東西翼。 其南北則以堂爲淺深。 三加之禮,加 服器物,主賓各就内外之位,主人迎賓及贊,冠者人,乃行 水在 有器承此 也,士用鐵。 水器,尊卑皆用金罍,及大小異。 而 江洗東。 夙興。 冠禮 漉六水。 成,賓出矣。 榮,屋翼也。 冠畢,賓醴冠者,冠者見于母,賓字冠者,凡 夙,早也。 設洗,直于東榮,南北以堂深, 其器曰 天子諸 以 盥手、洗爵,皆 洗,堂下設洗,其東西當屋東翼 罍 興,起也。 周 侯則 貯水 制,自卿大夫以下,其室爲夏 四 ,在洗之東。 阿阿 洗,承盥洗者棄水器 〇至期, 先陳設 一人挹水沃之,下 釋文》曰: 夏屋 「凡度 兩下 冠

有旒。 焉。 絲耳。 不 者,俛也,低前一寸二分,故得冕稱。 長尺六寸,廣八寸,績麻三十升布,上以玄,下以纁,前 之下即次數爵弁,亦言其尊也。 助祭於公之服,服之尊者。 陳,而言於上,以冠名服耳。 組 載 也。 四人與? 裳。凡染絳,一人謂之縓,再人謂之赬,三人謂之纁,朱 赤而微黑,如爵頭然,或謂之緅,其布三十升。纁裳,淺絳 服。《雜記》曰:「士弁而祭於公。」爵弁者,冕之次。 爵 皮弁服次 服、玄端三服也。 領 淺深曰深。」〇 得冕名。 弁服: 北北 今齊人名蒨 先裳後衣者,欲令下近緇,明衣 其爵弁制大同,唯無旒,又爲爵色,爲異。 上。 士組載而幽衡,合韋爲之,士染以茅蒐, 南、玄端最 純衣,絲衣也。 其尊卑次於冕,故云冕之次也。」又云: 纁裳、純衣、緇帶、靺韐。 墉,墙。 深,申鴆反。 爲韎幹。 房在堂上之東。 南 ○所陳、 也。 餘衣皆用布,唯冕與爵弁服 云「爵弁者冕之次」者 **載之制** 陳服于房中西墉下, 今文「纁」皆作「熏」。 冠時 之服,即下文爵 疏云:「凡冕,以木爲體 先 似轉,冠 北上者, 爵弁服 其爵 用 與 卑服,北上 帶 弁則前後平, 弁 同色。 此與君祭之 者,不 弁服、皮弁 謂 因以 又名冕 韎 便 「陳服 在 此 其 與 幹 北 東 色 故 後 ± 衣 名 用 則

六

南,初: 黄裳、 其 正 士 服 也 雜 玄端,即 陳之在爵弁南,第二加所 積 與· 弗。 妹。 也 以 則 五. 〈名也。 者 裳。 (冠同色,故不言衣也。 () 猶辟 於房 爵, 升,其色象焉。 君・ 弁 幅爲之,但 |愚按: 天玄而地黄。」士皆爵 蒨,七見反。 ,是爲緇布· 視・ 在 章。」〇此士 加· 雜裳者,前玄後黄、《易》曰:「夫玄黄者,天地之雜 朔· 服 雜裳 緇 緇. 朝服之衣,易其裳耳。 也,以素爲裳,辟蹙其要中。 又此服 之·服· 上 布・ 布 此 朝 並 冠· 冠 服,第三 可也 冠陳之。 言 也。 所· 服素轉,轉裳同 縓,七絹 平 皮、 服也。 之者 向暮之時,夕君之服,服之下,陳皮弁服 〇此 皮弁服: 時皆著玄冠服之,當以玄冠名其服,今 爵 皮弁者, ,緇帶,爵 視朔 以 弁 加· 《玉藻》曰: ○要,一 反。 在 玄端與朝服 服・ 所· 冠 韋爲舞, 時 堂 服・ 弁表 以 頳, 丑 下, 素積、緇帶、素鞸。 君 言裳不言 也。 色,此用 上士玄裳,中士黄裳,下 白 臣 韠。 遥反。 明 是 鹿 同服 其爵同。 貞反。 冠 0 韠: 其 同 皮弁之衣,用布亦十 皮爲冠,象上 纁, 服 弁 用緇色十五升 此莫夕於朝之服 三等裳爵舞 之服,卑於爵 玄端: 衣者,用白布 耳, 不 許 君朱,大夫素 緼 與 音温。 不以玄冠 不 服 云 反。 謂 同 玄裳、 同 陳 古 故 韍 韎 陳 布 衣 弁· 也 此· 異 名 士: 音 音 之 今

也。 笄; 各 所 不言者 蓋 有 弁之貌,非弁上之物也。 也. 以 爲 足以韜髮而結之矣。 屬,猶著。 今未冠笄者著 中,隅爲四 組纓,屬 有類者弁」之「類 所傳。 有 用 飾 謂 Ŀ 紹布 註謂「缺,讀如『有類者弁』之『類」」,案《詩 凡六物。 一,共二物。 缺項,青組纓屬于缺 爵弁 皮弁笄一 無笄者,纓 以 讀 冠 纚,今之幘 [綴,以 加 于缺 制小, 缺爲類, 笄; 冠 隋 卷 時 物; 方曰 凡六物,同篋貯之,待冠時,隨各 而結其條。 固 幘, ; 纔 以 緇 冠 無所經見。」今註 足容髮,又無笄,故 緇 配緇布 爵弁笄一 篋。 梁也。 笄,今之簪。 類象之所 緇 組 也。 纙 布冠無笄者,著 陳氏祥道云: 紘 0 冠故 共 項 此 廣 纁邊 終, 中 纁邊: 物; 所 終 物; 生 有 也 充 陳者,飾冠 組側 「緇組 幅,長六尺, 也。 有笄者,屈 編, 也 緇 及 緇 「鄭説缺項之制、 亦 別爲 疏 纙 赤也 同 滕、 纙 頭, 圍 布 紘, 由 所言缺 篋。 冠 之物,非 薛 物,並 古 缺 幅, 名 皮弁、 髪際 缺 項 同 組 頍 肖 缺, 爲紘, 皷) 篋,謂 長 爲 項 項 虛 以 冠 緇 皮 之制 之耳 結結 六尺 爲 一繞髮 爵 謂• 頍 致 讀 布 頍 弁 蓋 垂 爲 用 弁 冠 冠: 此 項 如

❶ 「音」,原作「爲」,據薈要本、文淵閣本改。

弁、

緇

布

冠

各

匴

執

以

待

于

西

坫

南

音

海。

答,力呈

反。

뼺

九

于

反。

音

武

爵

皮

觶,之豉反。 廡

柶

音四。

筵,席 反。 有笄者而設,加 章玉反。 遶 冠 \circ 云「有笄者屈組爲紘」也。 櫛 頭下,自 時,先以 也。 有 理 側 綴 髮具 纚,山綺反。 右向 金 纙 以 連 反。 韜 也。 爲冠子,一 弁,以 上仰屬於笄,屈繫之有餘,因 髮,結之乃加 冠,下有 隋, 0 笄横貫之,以 櫛, 他 編,紀屈 纓 果反。 莊 以 爲醴子也。 ○缺,依註音頻,去藥反。 Z 結 冠 反。 反。 頭下。 櫛 也。 實 卷,去圆反。 蒲 條組於笄左頭 其 緇 在南,在三服之南 于

第
。 筵二。 緇 繩,韜 組 紘 垂爲飾,故註 髮之帛, 則 **簞**,笥 蔮,古内 在 爲二 繁定 南 屬, 也 弁 加

有篚 通· 側 指缺項 尊 實勺 甒 、纚、笄、組、櫛等,不專言蒲筵。 醴, 觶 在服 角 北」也。」側尊 柶 脯 醢。 南 甒 上。 **禮**,在 疏云: 側,猶 服北 「對下文 特 也

字用。 無偶日 豆 也 次篚。 篚 狀 側。 竹 甒 如 古文「甒 器如答者。 音武。 匕,以角爲之者,欲滑也。 置 酒 日 勺,上若反。 作「廡」。 尊。 勺,尊升,所以 側 者,無玄酒。 0)側尊 單 뼺 南上 酒 設 服 也。 也。 者 北 者, 篚 尊字 爵 次尊, 纁 作 升 裳 醢 虚 日 北 籩

> 以占反。 也。 西,以待冠事。 又無玉象邸飾。 諸侯及孤卿大夫之冕皮弁,各以其等爲之。」則士之皮弁, 無繅耳。《周禮》:「王之皮弁,會五 爲「篹」,「坫」爲「襜」。 名,今之冠箱也。 面 東上。 ○匴,素管反。 賓升 賓未入,南面序立,賓升堂,則 緇布冠,今小吏冠,其遺 執之者,有司也。 繅音 則東 〇有司三人,各執 早。 面 璂 音其。 爵 弁 站在堂角。 采玉 者, 篡,素管反。 基,象 制如冕,黑色, 象 冠, 也 歌,玉 東 豫 古文「匴 匴 面 在 , 竹器 向 西 笄。 階 賓 但

右冠日 陳設

服 弟畢 端是士自祭其先之服,與上所陳爲子加緇布冠之玄端 帶 賓客也。 親 立 西 處,與堂上 韠 戚 也,但玄冠耳。 面 也。 位 袗玄, 主人玄端爵 在 玄端,士入廟之服 畢 堂 洗 猜 東西墻謂之序。 東墻 東 立于 盡 退 也。 相直。 主人服此服,立阼階 於主 洗東,西 韓, 袗 ○阼,才故反。 同 ル也。 立 也。 不 ○案《特性 一于阼階 阼 爵韓 面 ',猶 玄者,玄衣玄 北 北 者 酢 降 下,以待賓至。 也,東階所以 》祭服用玄端, 上。 酢,才各反。 下, 於主 直 兄弟,主人 人也。 裳也 東 答 序 其 緇 玄 古 酢

八

門之外。外門,大門外 女九反。 錦緣,錦紳,并紐,錦束髮,皆朱錦也。」紒,結髮,古文「紒」 采衣,未冠者所服。《玉藻》曰:「童子之飾也,❶緇布衣 玄端,亦然。 則與主人不同可知,當衣冠同而裳異也。下文贊者别言 ○擯者立此,以待傳命。 擯者玄端,負 文「袗」爲 ○紒,音介,《字彙》曰:同結。 賓如主人服,贊者玄端從之,立于外 均 將冠者,采衣,紒,在房中,南 也。 東 塾。 袗 訓 疏謂别言玄端,不言如主人服 同 東塾,門内東堂。 同 玄、衣、裳、帶、韠皆 緣,以絹反。 負之,北 玄也。 面 紐 面

右主人與賓各就内外位。

文,對殷右宗庿也。 又揖。 曲 者賤,揖之而已。又與賓揖,先入道之。贊者隨賓。 人以東爲右。 左,西面再 揖。 擯者告。告者,出 ○疏云: 周左宗 拜。 主人揖贊者。 周 庿。 左宗庿者、《祭義》與《小宗伯 言此,欲見入大門東向入庿。云「入 賓答拜。 入外門,將東曲,揖, 請入告。 左,東也。 與賓揖,先入。 主人迎,出門 直庿 出 以 將 東爲 》俱有此 北 左 曲 每 贊

> 也。 者止一人,云「南上」者,與主人之贊者爲序 面 鄉、許亮反。 西 宜揖,皆因變伸敬以道賓也。 牲之碑,在堂下,三分庭之一在北,是庭中之大節,至此又 當階,主賓將北面趨階,與賓相見,又宜揖, 庿,主人趨東階,賓趨西階,是主人將右,欲背賓,宜揖, 揖,當碑,揖。 爲二揖; 外 三揖,至于階,三讓。 門 揖 南上。 面 南上,尊於主人之贊者。 也, 將 東曲揖 通下將入庿又揖,三也。 至庿南,主人在東,北面,賓在西,北面 賓西序,東 贊者盤于洗 盥於洗西,由賓階升也。 〇上文「每曲揖」,據入大門向庿 者, ,主人在 面。 南,賓在 入門,將右曲,揖, 古文「盥」皆作「浣」。 西,升,立于房 主人賓俱升,立相 主人升,立于序端 北,俱 至于 立于房中,近 潮門, 向 東,是 庿中測影、 也。 時。 是一 將北 中 揖 鄉。 曲 既 盤 0 其 改故 曲 西 0 音 贊 麗 既 人

右迎賓及贊冠者入。

管。

浣,户管反

❶ 「飾」,薈要本據《禮記》改作「節」。

降,下也。 者即 等,東面授賓。 正纙者,將 前 於初。古文「壹」皆作「一」。 爲賓將盥,不敢安位也。辭對之辭未聞。 〇古人坐法,以膝著地,兩蹠向後,如今之跪。 奠,停也。 贊者奠纚笄櫛于筵南端。 〇疏云:「案《匠人》天子之堂九尺,賈、馬以爲傍九等爲 揖,壹讓,升。 將冠者出房,南面。 人之贊者,其屬中士若下士。 坐,正纚,興,降西階 適子冠於阼,少北,辟主人。 **始** 维。 諸 |宜三尺,則三等階,故 主人之贊者筵于東序,少 賓降,主人降; 侯堂宜七尺,則七等階,大夫堂宜五尺,則五 下一等,升一等,則中等相授。 古文「櫛」爲「節」。 贊者坐,櫛,設纚。 主人升,復初位。 南面,立於房外之西,待賓 鄭 ○復初位,東序端也。 賓辭,主人對。主人降, 以 筵,布席也。 賓揖: 一等。執冠者升 加冠,宜親之。 中等解之也。」賓右 贊者,賓之贊冠 〇爲將 將 北 冠 即,就。 揖讓皆壹者,降 冠,緇 賓盤卒,壹 冠者布 東序,主 者。 西 興,起 經凡言坐 布 面 設, 賓筵 將 席 冠 者 人位 命。 施 也 也 也。 也。 手 冠 等 主

> 容體 鞸。 七良反。 卒,謂設缺項,結纓也。 至則立祝。 冠。 執 項,左手執 出房,南 興,復位。 冠者興,賓揖之。適房,服 坐如初,坐筵前。 面 前, 贊者卒。 復出房南面者, 進 〇項,冠之後也,非缺項。 容, 興,起也。 乃 進容者,行翔 祝 復位,西 加 坐 禮成,觀衆以 ൬ 如 玄端爵 前 序 0 東 鶬 鶬 面 乃

右初加。

此益盛,乃言之耳 容者,整其威儀容觀 韓,容,出房,南 設之。○屬音燭。 紒内安髮之笄,非固冠之笄,其 弁,必脱去緇布冠,更櫛也。 見者言也。 祝,加之,如初。復位。贊者卒紘。 如初,降二等,受皮弁,右執項,左執 賓揖之,即筵坐,櫛,設笄。 卒紘,謂繫屬之。 興,賓揖之。 也。 面 方 容者,再 加 方櫛訖,即云設笄,疏以爲 緇 即即 固冠之笄,則 布 冠時 加彌成,其儀 筵坐櫛者, 適房,服素積 其 賓 出 加冠 亦有容, 如初,爲不 盤 當 益 前 時實 再 Œ 加 素 進 纙 至 0 自 此 皮

九

0

i i

右再加。

幹。其他如加皮弁之儀。 降三等, 下至地。他, 實降三等, 受爵弁,加之。 服纁裳韎

右三加。

謂卒紘、容出

洗, 盥 隅 庿制: 之,乃前其葉以扱 贊者前其葉以 酌者,贊者自 也。 贊者洗于房中, 于户西,南 布冠也。冠者著爵弁以受醴,至見姑姊訖,乃易服。 者、主人之贊者爲之。 葉, 柶大端。 而洗爵者。 在洗東,北 近北一 徹皮弁、冠、櫛、筵,入于房。 ○註引《昏禮》,證房中别有洗,非在庭之洗也。 酌,還自 架,西爲室,東爲房。 面。 授賓者,欲賓得前其 面盤。 《昏禮 醴 贊 筵,主人之贊者。 而 側 一酌 ○將醴冠者,故徹去此等。 薦 祭也。 者, 酌 ĕ ∃ : 側酌者,言無爲之薦者。 也。 賓尊,不入房。 醴,加柶,覆之,面葉。 房中之洗,在北堂,直室東 柶,類今茶 柶 用 時仰之,贊者不自 柄以 室户之西,客位 户 授冠 匙。 西、室户西。 古文「葉」爲 葉即 徹者, 贊 者,冠者得 面,前 冠,緇 匙 用 也。 頭 筵 0 側 冠

> 扱音插 東,室户東。 禮》,始扱 拜皆如初。 解,拜,執觶興。 三,興,筵末坐,啐醴,捷 冠者即筵坐,左執觶,右 序東面,故註云「異於答主人」。 觶,乃復西序之位答之。賓答主人拜,當西階北面,此 人與爲禮,異於答主人。 筵西拜,南面拜也。賓還答拜於西序之位,東面者,明成 ○枋,彼命反。 賓至室户東受之,筵前北面。 賓受醴于户東,●加柶 故覆之以授也。 一祭,又扱再祭也。 古文「啐」爲「呼」。 今文「枋」爲「柄」。 冠者筵西拜受鱓,賓東 賓揖, 賓答拜。 〇冠者拜訖,進受鱓。 冠者就 "; 面 〇啐,七内反。 致祝當在此時,祝辭見後。 ○酌醴者出房向西 〇三祭, I 祭 脯 薦脯 柶,興; 捷柶,扱柶於醴中。 枋,筵前 筵,筵 醢,以 醢。 疏 降筵,坐 以 西 捷,初洽反。 贊冠 爲 北 面 柶 答拜。 面。 南 賓 如 者也。 祭 授 既授 面 其 奠 賓 醴 户 西

右賓醴冠者。

❶ 「受」,原作「授」,據薈要本改

降自 送,母又拜。 時母在闈門之外,婦人入庿由 凡奠爵,將舉者於右,不舉者於左。 西階,適東壁,北 冠者奠觶于薦東,降筵,北 婦人於丈夫,雖其子,猶俠拜。 面見 聞門。 適東壁者,出闡門 于母。 母 面 拜受,子拜 坐取 薦 東,薦左。 ○俠,古 脯 也。

右冠者見于母。

右賓字冠者。

許。 見贊者、見姑姊爲一 節,主人醴賓又一節,凡三節 之。○此下冠禮既成賓出就次以後諸事。 賓就次。 賓出,主人送于廟門外。 此醴,當作禮。 節、易服、見君、見鄉大夫先生爲一 請 次,門外更衣處也,必 醴 賓,賓禮 不出外門, 冠者見兄弟 將醴 帷

> 答拜。 母。 者,蓋冠畢則已見也。不言者,從可知也。」 姑與姊亦俠拜也。 拜,則見兄弟東面拜。 幕簟席爲之。 人,入寢門也。 見贊者,西 冠者見於兄弟,兄弟再拜,冠者 不見妹,妹卑。 庿在寢門外。 贊者後賓出。 面 拜,亦如之。 入見姑姊 疏云: 如見母者,亦 「不見父與賓 見贊者西 ",如見 北 面

右冠者見兄弟、贊者、姑姊。

言之耳。
 乃易服,服玄冠玄端爵鞸,奠摰見於君。遂以摯見於鄉大夫先生,鄉中老人,爲卿大夫致君,非朝事也。擊,雉也。鄉先生,鄉中老人,爲卿大夫致君。遂以摯見於鄉大夫鄉先生。易服不朝服君。遂以摯見於鄉大夫鄉

右冠者見君與鄉大夫、先生。

獻。 凡醴 牲、少牢饋食之禮獻尸,此其類也。 已即燕。 賓醴不用柶者, 沸其醴。 ,事質者用糟,文者用清。 乃醴賓,以壹獻之禮。壹獻者,主人獻賓,而 無亞獻者,獻、酢、酬,賓主人各兩爵而 《内則》曰: ○註引《内則》者,明醴 士禮 「飲,重醴清糟。」 獻,卿大夫三 禮 成。 特 有

之節一行之。 賓之輔,以贊爲之,尊之。 冠者爲介。 玉將幣,士東帛儷皮,獻數多少不同。 古文「儷」爲「離」。 酬,所以申暢厚意也。 主人酬賓,東帛 清有糟 ○與音預。 前 醴子用 ○儷音麗。 贊者,衆賓也。 糟,此 ○酬賓,大夫用東帛乘馬,天子諸侯以 儷皮。 東帛,十端也。 醴 飲,於鴆反。 飲酒之禮,賢者爲賓,其次爲 賓其清者也。 飲賓客而 皆與,亦飲酒爲衆賓。 其酬幣,唯於奠酬 儷皮,兩 贊者皆與,贊 從之以財 〇沸,子禮反。 鹿 貨,日 皮 介, 也。

右醴賓

獻之禮,有薦有俎,其牲未聞。使人歸諸賓家也。賓出,主人送于外門外,再拜,歸賓俎

右送賓歸俎。

皆文不具也。

反。 酒; 折俎; 不用 加 不祝,至醮時有醮 西待賓命; 即 從尊在房,醮篚從洗在庭, 醴側尊在房,醮兩尊于房户之間; 以降如初」,説夏殷冠子之法。」愚按: 曰:「自此以上,説周禮冠子之法, 而審行之」是也。 祭祀之禮、居喪之服、哭泣之位,皆如其國之故,謹修其 行,聖人用焉不改者也。 之器也。名之爲禁者,因 勺,南枋。 醮; 醴者每加入房易服,出房立待賓命,醮則每醮訖,立 ,猶設之,不忘古也。 尊于房户之間 若不 醴贊冠者酌授賓,賓不親酌,醮則賓自降取爵,升 醴萬用脯 醴者每 醴, 房户間者,❶房西,室户東也。 則 辭。 酌 加冠必祝,醴時 醢,醮每 而 醮 其餘儀節並不異 無酬 《曲禮 用 爲酒 C兩 醮皆用脯 醴待三加 酒 酢 兩無, 甒, 成也。 日 》曰「君子行禮,不求變俗 醮, 若不 又有 有禁,玄酒 醴用鱓,醮用爵; 自 軍乃一 醢,至三醮又有 玄酒, 醴亦當爲禮。 酒尊, 醴醮二法,其異者 此以下,至『取 醴 醴 也。 解; 謂 新水也,雖今 舉,醮每 或 醮者加 玄酒尊 〇醮,子召 有 禁,承 在 舊 西, 醴篚 俗 冠 乾 籩 尊 時 酌 肉 加 脯 疏 法 可

^{●「}户」,原作「中」,據薈要本改。

洗,有 弁, 爵在庭,酒在堂,將自酌 降 音成。 者 冠者乃奠爵 于 筵 冠 辭主人降也。 冠於東序,醮之於户西,同 謂當更 序之筵。 亦薦之。 面拜受,賓授爵 如 辟 末坐,啐 初 如 薦東,立 者升筵,坐 如 篚 後 初 加 ,亦以盛勺鱓 初 始 篚 加 贊者筵于户 ○降筵、 ○賓亦筵 皮 加 儀 也 在 弁 薦 卒 于 酒 東,其節 凡 也。 西 洗 不 醮 薦、出 東 · 方 左 執 降筵 再 奠爵而後 筵 徹 升 前 面 用 南 徹 醮 西。 筵 西,實升 陳於洗 答拜, 北 尊,三 自東房。 脯 順 亦 薦 酌 也。 面 攝 當與 拜。 爵 冠 醢 爵 耳。 釋. 拜,執爵興,賓乃答拜。 如 右祭 酒 辭降 西。 洗 者 加 醴 始 醮• ,揖冠者就筵,乃酌。 醴 筵 立俟賓命,賓揖之,則 始醮 可 賓答拜。 加 禮 冠者拜受,賓答 賓 庭 同。 其 如 南順,北 也。 相 尊 者,言一 洗 訖· 降 他 初,如 脯 亦 因 記,冠者 註 不 當 薦 取 皆 於賓答拜 醢,祭酒 云「就 由 東 徹 脯 將冠 爵 爲 グ祭, 如 加 便 乃南 醢。 冠者奠爵 上 也 于 初 東 徹 時,降 醮 也。 南 費 賓降 序之筵 面 篚 薦與 冠 也 北 加 拜 攝 拜 興。 (者則 者南 0 就東 拜 以 訖 受 盤 者 皮 辭 猶 爵 盛 加 堂

析曰脯 頓之, 籩 脯 此 母。 否。 註 下言其殺牲者,又醮法之不同者 爲 右 \Box 鼎 反。 同 而七體以乾之,及將升于 ○《周禮 折 整 鄉 胖。 [亨,在 也。 云 飲酒 鉉」,古文「鼏 故名乾肉折俎。 俎 設 服音鍜。 醮當亦攝酒,下文「卒醮取 扃 凡牲 皆不言者,互文見義也。 乾 示新也 整 離 , 棰之而 1鼎日 舁 扃 肉, 》皆用右胖,此合升左右胖,或以嘉 嚌 酒謂 割 腊人》鄭註云: 皆用 鼎 鼏 之。 牲 升,在 也。 撓之。 若殺 鼏 體 左胖」, 施 加 爲 特豚 薑 之脯 割 覆 其 爵 俎曰 桂日 肺 嚌之,亦 密」。 鼎者也。 今文 分,如 他 者 則 也。 疏以爲 載。 腵 特 俎 如 豚 「大物解肆 使 「攝」爲 脩。」乾 0 也 則 豚 山. 載 祭而 折 初)上醮 〇扃 後月川以 初 祭也 合升 鄭 節 其 也。 ○折, 凡 載合升,離 儀。 後 折 體 一聶 肉 據夏殷之法」,未知 子用 牲皆 古螢 北 者,明 爲二十 案《特 可 嚌 乾之,謂之乾 與 以 降, 0 之設 也。 脯 面 爲 乾肉,不殺牲, 嚌 用 反。 ○撓 脩别言 亨與 取 也。 俎 左 此 醮 禮故異之與 牲》、《少牢 反。 再 取 鼏 胖。 脯 體 , 有 醮 嚌, 今文「扃 載 謂 脯 肺 嚌 言 與 肉。 當 蓋 皆 更 煑 7, 實 嘗 見 歷 攝 乾 於 燕 益 合 亦 豚 反。 影及 之。 酒 于 于 内 然 計 薄 此 左 鑊 取 禮 解 整

31

ĮЦ

胖,普 有二嚌 鄭破 亦薦脯 爲祭,字之誤也。 嚌 鸁 豆籩而加設此牲 蝸。 肺。 醮 醢 「嚌之」爲「祭之」者,以先祭後嚌,此是定法,又不宜 * 醢, 0 ,其所嚌即其所祭者也 攝 反 攝酒 兩籩,栗、脯。 嬴,力禾反。 徹 酒 薦爵,筵尊不徹矣。 如 如 俎・也。 再醮,則再 户 祭俎 再 郭 反。 醮。 如初,如祭脯 婋 其祭,亦止祭俎肺,不復祭 亨,普 音 醮亦攝之矣。 羸醢,蜣蝓醢。 加 移。 俎 卒醮,取 庚反。 再醮 蝓 醢。 音 嚌之,皆如 俞。 兩 始 0 加俎嚌之,嚌當 籩 加俎 醮, 蝸,力禾 今文「嬴」爲 豆,葵菹 脯 者,不 如 以 脯 降 初 初 · 反。 醢 徹:

右夏殷冠子之法。

如

初。

○謂亦見于母

冠主 主人紒而 士之無父者加冠之法。 紒」爲「結」。今文「禮」作「醴 若孤子,則父兄戒宿。 禮 於阼。 迎賓,拜,揖,讓, 冠主,冠者親父,若宗兄也。 戒宿,戒賓、 _ 〇有父加冠,則將冠者 立于序端,皆如 宿賓也。 父兄,諸父諸兄。 冠之日 古文 0

> 南面; 子加冠之主人。 得申禮,盛之,父在,有鼎 若殺,則舉鼎陳于門外, 于西階上答拜。 阼,此其異也。 紒而俟于房中; 賓答拜于序端, 凡拜,北 孤子則: 有父加冠 ○父在加冠:受醴户西,拜于筵西, 東 紒而迎賓。 面。 不陳于門外 面于阵階上,賓亦 ,則醴于室户西; 此則 直東 拜、揖、 與 塾 賓各 讓、立、皆如 1專階 北 孤子 面 北 則 北 面 孤 醴 面 子 于 爲

右孤子冠法。

西。 尊。 皆於房外,同用醮矣。」又云: 外,謂尊東也。不於阼階,非代也。 醮; 疏云: 〇適子則冠于東序少北 夏殷庶子,亦依三醮。」 若庶子,則冠于房外,南面 「周公作經,於三代之下言之,則三代庶子冠禮 「周之庶子宜依適子, 西西 面 不醮於客位 或 醴 遂 或 離焉。 醮, 成 皆 醴用 于 而 户 不 房

右庶子冠法。

冠者母不在,則使人受脯 于 西階下。 0

母不在,謂有他故,非没也。使人受脯,當於後見之。

右見母權法。

加布於某之首,吾子將莅之,敢宿。」賓對 從。」敢不從,許之辭。 教之也。」實對 爲「秉」。 共事,以病吾子。 加冠行禮爲教之也。」實對曰:「某不敏,恐不能 名。 男子之美稱。古文「某」爲「謀」。○此下列言冠禮中 願吾子之教之也。」吾子,相親之辭。 日 祝、醮、醴、字之辭。 加 「某敢不夙興。」莅,臨也。 戒賓,曰:「某有子某,將加布於其首, 布,初加緇布冠也。 〇共音恭。 曰:「吾子 主人曰: 疏云:「上某,主人名,下某,子之 ○重,直用反。 敢辭。」病,猶辱也。 云『願吾子之教之也』者,即此 「某猶」 重有 今文無 宿曰:「某將 命,某 願吾子之終 吾,我也。 古文「病 敢 子, 戒 不

右戒賓宿賓之辭。

令、吉,皆善也。元,首也。 棄爾幼志,順爾成德。始加,祝曰:「令月吉日,始加元服。

丑也。 叶。 壽 音敬,又音景 德,慶叶疆,音羌。 成 黄髮也, 者,凍黎也,皆壽徵也。 其内也。 年,永受胡福。」胡,猶遐也,遠 德,即有是福,是勸之也。 冠,將責以父子君臣長幼之禮,即所謂 棄,禁絶之也。 有壽考之祥,大女之大福也。 祺 具在,以成厥 咸,皆也,皆加女之三服,謂緇布冠皮弁爵弁也。 眉 以歲之正,以月之令,咸加爾 「厥德」,言成此冠禮,是成其德也。 祥也。 考惟 作「麋」。 再加,曰:「吉月令辰, 申,重也。 内外夾持,順成 祺, 介、景,皆大也。 ○「敬爾威儀」,正其外 順成德,安養其成人之德也、冠義 介 德。 敬爾威儀,淑 爾 正、令二句 景 黄耇無疆 福。」爾, 德 因冠 服,蒲北反; 者當 又自 〇 幼 而戒,且勸之,女如 疆,竟。〇「兄弟具在,以 如 相叶。 乃申 慎 志,幼年戲弄之志 女 也。 ,受天之慶。」 黄 也。 首三句爲 是。 成德也。 爾 也。 服 福 淑 遠,無窮。 德。 爾 〇者 \equiv 筆 既 正,猶 慎爾德」,謹 服 加 冠 勒 聯,服 音 祝以有 眉 反, 爲 **※**云: 荷。 兄弟 辰,子 壽 是 成 善 曰 古文 與德 也 : 德。 萬 竟 既 則 叶 是

作本專言不言

右加冠祝辭。

善也。 祥。 定祥、 承休,與《易》「凝命」之旨相類,天人之理,微見於 承天之休,壽考不忘。 醴 善薦,謂 辭。 脯醢。 曰 : 「甘醴惟厚,嘉薦令芳。 芳,香也。 拜受祭之,以定 不忘,長有令名。 嘉 爾 \bigcirc

右醴辭。

醮

解。

曰 :

「旨酒既清,嘉薦亶時。

亶

此。

也。 辭醮之,其方加冠時,不用祝辭 再 句,與祝 友時格」,孝友極其至也。 行此乃能保之。 善兄弟爲友。 兄弟具來,孝友時格,永乃保之。」善父母爲孝. 誠 也。 醮 註 會註 古文「亶」爲「癉」。 凡醮者不祝」,謂 日 意。 相類, 一当 時,是也。 來,力之反,與時、 今文「格」爲「嘏」。 兼用之則複矣。 酒 既 格,至也。 用 湑,嘉 ○癉,丁但反。 教以盡孝友之道,乃可長保之 酒 以醮 也。 之叶。 薦 疏 者,每 詳 永,長也。保,安也。 凡 以 醮辭 伊 醮者不祝。 爲 加 脯 〇嘏,古 醮庶子 始 始 冠 畢, 加元 加元服 湑, 不用 但・用・ ○「孝 雅 清 服 等 也 反。 醮. 祝

> 俎。 伊,惟 俎。 醮之籩豆,不增改之,故云有楚。」咸加 籩豆有楚。 承天之枯。」枯,福也。 承天之慶,受福無疆。」〇亦兩句 肴升折俎, 也。 乃 申 旨,美也。 亦謂 爾 服,禮 豚。 0 楚,陳列之貌。 三醮,曰: 乾 儀有序。 肉折 俎與 爾服 八殺性 「旨酒令芳, 〇疏云:「用 祭 叶。 此 肴 體 皆 嘉 升折 謂 爵, 折 再

右醮辭。

爲也。 子爲字時命之也。 孔甫,是其類。甫字或作父。 甫,是丈夫之美稱,孔子爲尼甫,周大夫有家甫,宋大夫有 滋,嘉叶居之反,爲 之所宜,且宜之而至於大也。 髦士攸宜。 告爾字。 甫。」仲、叔、季,唯其所當。 字辭。 假,大也。宜之是爲大矣。 爰字孔嘉,昭 宜之于假,髦,俊也。 日 : 據《釋文》, 韻。 一禮 假 儀既備,令月吉 明也。 叶 ○此辭,賓 備與 永受保之。 音 〇此孔嘉之字,實髦 古 伯仲叔季,長幼之稱 H 爰,於也。 與 叶 甫 攸,所也。 直西序東・ 爲 爲 孔, 甚 韻。 韻 H 于,猶 伯 面,與· 字 顧 某 也。 昭 炎 音 1

武 云: 綜,不必二句 「備與字 韻 韻也。」〇 嘉 與 宜 甫音父 韻 假 與 甫 韻 古 1人文字

以

右字辭

忍反。 之絛。 博寸。 則 用 爵 灰註於上,使色白也。 白 繶,於力反。 故 玄裳爲正」者、玄端兼有黄裳、雜裳、 與 純,緣也。 言拘也,以 之屨 弁屨 Z 從夏、寒則從冬。 Ŀ 柎 服同陳者,屢賤,故别言之。 以玄裳爲 純 蛤 註 以黑爲飾。 以 屨者,順裳色。 夏用 疏云: 音閣。 謂 三者皆青。 也。 爲行戒,狀 魁 純,章允反。 繞 柎之, 正 〇此皮弁服之屨,再 口緣邊。 爵弁 也」。 葛。 爵弁尊,其 此玄端黑屨,初 如 博,廣也。 無 屨, ○魁,苦回反。 緇 約,在屨 玄端 刀衣鼻, 玄端黑屨 三者皆青色也。 縫,扶用 約 繶 飾 人履飾以 黑 黑 頭。 以繢次』者,案《冬官》『 在 夏葛屨,冬皮屨,春秋熱 〇此下言三服之屨。 純 反。 屨, 約 層獨用 屨 以玄裳爲正 加時 加時 繶,其牙底相 頭。 繢 繶 柎,方夫反。 純 青約 紃 所用。 次。 純 音 所· 博 **繶**,縫 ○約,其 黑,與玄同 用· 旬 4 繶 純 0 以 此 也。 註 博寸 中 純 接縫 魁 魁,蜃 一一万万。 蜃,上 素積 云以 紃 蛤之 絇之 加 色 也 不 純 中 畫 所

> 黑色爲飾,是用繢次,與舄同, 屨。 日: 之次」、「凡屨之飾如繡之次」。」上文黑屨青飾 欲見大功未可以冠子,故於屨末因禁之也。]○總音 得易屨也。 又鄭註《屨人》云:『複下曰舄,禪下曰屨」,『凡舄之飾 黑與青謂之黻」,繡以爲裳。 繢之事』云: 繡之次; 爲衣;『青與 總屨,喪屨 屨,經不言所陳 此爵 ○繢,户内反。 『青與 赤謂之文,赤與 介纁屨 也。 白 縷不灰治曰繐。 相 處, 而 次 疑在房-黑飾,不取比方之色,而 赤 冬,皮屨 是 與 (白謂之章,白 對方爲績次,比 (黑 故 中。 相 云「爵弁尊」 既 次,玄與 0 可 冠 疏云:「言此 也 而適房改 與 黄 白 黑謂之黼 方爲繡 也。 不 相 [腰黑飾 次一, 以 屨 服,并 朱子 對. 如 者 繐 繢 方· 繢

皆•

右三服之屨

篇不復言某義者,或欲 曰」,當在孔子後,不知定誰 記》,子夏爲之作傳,記當在子夏前。」愚謂此記已有 凡言記者,皆是記經不備 記: 冠義: 0 舉 周公作 兼記 所録。 例 經 餘 經外遠 也。 後賢復爲作 冠 義 又《戴 古之言。 又記中小 記 記。 亦 疏 一目,餘 有 孔 喪 云: 冠 服 子

0 旬 原作「甸」,據薈要本改。

義》,又後儒所爲,故與此異也。

之。 其所從來與古今因革之異。 ○記者以經有緇布冠、皮弁、爵 質無飾,重古,始冠冠其齊冠。 本無矮,又始冠加之,以存古意,加後 敝之可也。」太古,唐虞以上。 其緌 始冠,緇布之冠也。 也,孔子曰:「吾未之聞 此節記 弁、玄冠,四等之冠,各記 白布冠,今之喪冠是也。 矮, 纓飾。 太古冠布,齊則 不復更著也 緇布冠爲太古齊冠 未之聞,太古 也, 冠 緇 而

敬其名也。 名,敬其所受於父母之名,非君父之前 有成也。三加彌尊,諭其志也。 義之大者,故記者釋之。 〇著代,明其將代己也。 諭其志,教諭之,使其志存修德,每 適子冠於阼,以著代也。 名者,質,所受於父母,冠成人,益文,故敬 加 有成,加 不以 醮於客位 進 禮 呼 而 冠而字之, 於有 也。 上 也。 成 此 皆冠 敬其 一, 加 德 者

以安正容貌。章,明也,殷質,言以表明丈夫也。甫,或爲夏后氏之道也。或謂委貌爲玄冠。委,猶安也,言所委貌,周道也。 章甫,殷道也。 毋追,

反。 則冔 槃。 制 同用也,疑委貌以下節,當在適子節之前,與 其制之異未聞。 言所以自覆飾 冠制 形名之。三冠,皆所常服以行道也。 〇此因冠者冠畢,易服玄冠,故記之。 父,今文爲斧。 常以類從。 槃,大也,言所以自光大也。 三王共皮弁素積。 ,夏則收也。 ,此其同等者也。 也。 毋, 發 〇此因三加爵弁,而記其制之相等者,殷 ○ 冔, 况甫 收,言所以收斂 、聲也。 周弁,殷冔,夏收。 追,猶堆也。 反。 質不變。 **冔名出於幠**。 愛也。 槃, 其制之異同 道,猶制 畔 ○言三代再加・ 于反。 齊所服 夏后 (首節 氏質, 也,言三代 幠,覆 弁名出於 幠,火吴 未之聞 而 皆言 祭 以 也 也 所· 其 冠

之末,造也。 大夫者,其冠亦從乎士而已。 士冠禮可以上達之故。 官人也。大夫或時改娶,有昏禮是也。 猶服士服,行士禮。二十而冠,急成人也。 大夫者,周之初禮,年未五十而有賢才者,試以大夫之事, 而 后 爵,何大夫冠禮之有? 無大夫冠禮,而 造,作 也。 此言大夫無冠禮,如有未 有 自 公侯之有冠禮 其 夏初以 昏 據時 禮。 上,諸侯 ○自此至末 有未 五十乃爵, 古者 雖 冠 也 冠 父 而 Ŧi. 死 皆 而 命 + 夏 爲 明 重 爲

謚

今,謂周衰,記之時也。

古謂殷。

殷士生不爲爵,死

九

而貴者乎!

死而謚,今也,古者生無爵,死無

〇凡以官位爵人,皆以德爲等殺。

爵以待有德,安得有生

殺也。

殺,猶衰也。

德大者爵以大官,德小者爵以小官。

非生而貴者也,故其冠皆用士禮也。以官爵人,德之

矣,實以其象賢乃立之,天子元子,亦以象賢乃享天位,均

祖之賢,故使之繼世也。

〇諸侯繼世而立,疑其生

一而貴

繼世以立諸侯,象賢也。

象,法也。爲子孫能法先

子,猶用士禮,又不但公侯已也。天下固無生

而貴者也。

民不嫌也。 繼,年未滿五十者,亦服士服,行士禮,五十乃 《坊記》曰: 相亂,篡弒所由生,故作公侯冠禮,以 以此坊民、民猶得同姓以弒其君者。」○此言 君不與同姓同車,與異姓同車不同服 命 也。 正 君 至 示示 臣 其

之。 也。元子,世子也。 不獨大夫無冠禮,雖公侯冠禮,亦夏末始作,非古 造,猶言未世」,則二字連讀,制作義在末造之外,讀者 訓 天子之元子,猶士也,天下無生而貴者 :造爲作,則末字當一讀。近徐師曾解《郊特牲》云「末 無生而貴,皆由下升。〇天子之元 據

註

不爲謚; 升,故冠從乎賤,用 之時,士死則謚之,非也。 周 制 以士爲爵,死猶不爲謚耳,下大夫 士 禮。 謚之由魯莊公始也。 古者生不以士爲爵,死不爲之 ○爵以: 也。 今記

謚,士固賤者也

儀禮鄭氏註士昏禮第一

濟陽張爾岐句讀

商即三刻也。 嘉禮。大小戴及《别録》此皆第二。」〇商,漏刻之名,三以昏者,陽往而陰來。日人三商爲昏。昏禮於五禮屬以昏者,陽往而陰來。日人三商爲昏。昏禮於五禮屬鄭《目録》云:「士娶妻之禮,以昏爲期,因而名焉。必

者,取 徵、請 親納幣、非禮也。」〇采、七在反。 秋》莊公二十二年《穀梁傳 昏必由媒,交接設紹介,皆所以養廉耻。 人納其采擇之禮。 欲與彼合昏姻,必先使媒氏下通其言,女氏許之,乃後使 期、親迎是也。 其順陰陽往來。 昏禮: 下達。 《詩》云: 請期以上五禮,皆遣使者行之。 〇昏禮有六: 納采, \cong 「取妻如之何? 「納幣、大夫之事也。 用鴈。 主人筵于户西,西 納采、問 納采而用鴈 達,通達 匪媒不 名、納吉、納 也 公之 爲摯 得。 將

自執鴈。 揖。 讓。 猶問 音暮。 主人如賓服,迎于門外, 莫夕之服,又服以事其廟。 統於人、取「地道尊右」之義、故席西上、几在右也。 設席皆東上,以近主人爲上,是「統於人」。 設神坐,乃受之。西上,席首在西也。《鄉射》、《燕禮》等, 設几,神不統於人。 面致命。 ○當亦如《士冠禮》主人迎賓,主人西面、賓東 揖人。門外,大門外。不答拜者,奉使,不敢當其盛禮 通言,今使者至門,當知有昏事, 玄端至。 ,右几。主人,女父也。 也。 將以先祖之遺體許人,故受其禮於禰廟。 主人以賓升, 入三揖者,至内雷, 擯者出 禮不必事,雖知猶問之,重慎也。 至于廟門,揖入,三揖,至于 使者,夫家之屬,若群吏使往 主人阼階上 請 席有首尾。 事,入告。 西 面 將 有司緇裳。 北 曲揖; 筵、爲神布 面 賓 〇女家將受納采之禮,先 再 擯者,有司佐禮者。 愐 升 再 既 拜; 猶問 曲 拜。 凸 ○使,所吏反。 席 來者。 階 北 之,是 也。 賓不答拜。 ○前已有 今以神尊,不 面, 阿,棟也。 面。 當 席西上,右 户 揖; ·階,三 重慎 玄端,士 西 四 此 使者 [者,尊 時賓. 媒氏 當 也 請 東 莫 碑

 $\overline{0}$

=

近室處。 采升堂致命、授鴈而 事 阵階,授老鴈,立階下以待事。 納采禮畢,故賓降自西階,出 使者不敵,而 者於楹間,不敵者不於楹間,「君行 面,並授也。 于 名對實,實乃降階出門 賓受命,乃降」,是主人既 如 賓降,出 ○問名,問女子之名,將加諸卜也。 有 三深,示 有 楹 初 室户; 疏 無。 間 》皆云「當楣」,無當阿者,今使者當阿,是至中 <u></u> 親 故註 賓 親。 棟 南 「凡士之廟,五架爲之。 問 授於楹 ○授,謂授鴈。 執 南 \(\frac{1}{2}\) 名者 主人降,授老鴈。 面 今文「阿 鴈 「人堂深,示親親。」〇 度,君委反。 架,爲前楣 出 授於楹 將 間,明爲合好,故其遠近之節同 請 也。 也。 婦人 問 」爲「庪」。 受鴈,還 此· 一· 按記「主人受鴈,還 間,明爲合好,其 名,主人許。 楹間,兩楹之間。 其吉凶。 廟門, ,楣前接簷爲庪。』《鄉飲 使兼: 擯者出請。 復阼階之位,西 將行後禮。 中脊爲棟,棟 一,臣行二」是也。 0 如如 老,群吏之尊者。 以 古文「禮」爲 初 賓升, 禮・ 禮」者,亦 既 節 賓 凡授受, 與 不必賓之 主人降自 采, 西 同 北 入授, 賓 面 也 面 一醴」。 須 - 子・ 下・ 俱 對; 以 如 酒 1 楣 也 授 今 納 0 敵 南 升 女

若· 此· 拂、拭 賓以 賓禮 又云: 西階 上; 其 以 袂推拂几三。二手横執几,進授於尸前」,凡敵者拂 人拂几』者,案《有司徹》『主人西 古文「校」爲「枝」。 廟門外,揖 上 冠禮之設。 出 也。 事相 揖三讓也。 兩手執几兩端,尊者則以兩手於几間執之,授設皆然。」 請 側尊,亦言無玄酒,側尊於房中,亦有篚, ,卑於尊者則内拂之。 側 也。 上北面答拜。 辭,許。 几辟,北面設于坐,左之,西階上答拜 醴 「受時或受其足,或受於手間,皆横受之。 爲人設則東上者,統於主人也。 因 尊甒醴于房中。 賓; 故 拭 ○徹去其几,後將授賓也。 也。 几者,尊賓,新之也。校,几足。 『主人北面再拜』者,拜賓至此堂飲之。 讓 此 禮辭,一 擯 如 ○疏云: 醴 者 初,升。 亦 出 主人拂几授校,拜送; 辭。 當爲 『授校』者,凡授几之法,卑 請 『揖讓如初升』者,如 徹几改筵者,鄉爲神,今爲 主人徹几,改筵,東 面,左手執几,縮之,以 禮 主人北 賓 告 改筵,改西 禮 事 主 宣者, 面 人 再拜, 有籩豆, 迎 辟,逡遁 欲厚之。 及其 入告, Ŀ 納 賓 九. 采 而 主 賓 于 皆. 東 如

之,皆 也。 之,爲人則左之。不坐設之者,几輕 」是執其 旋 校, 几 胡飽 中間授之以其足,以 縱 執 反。 乃 設之于 辟,房益反。 坐 南 使者是彼群 北 贊者酌 故 面 陳 也。」愚 之位 吏,亦 醴 謂 爲 此 不敵 神 加 經 則 角 者 授 右

相 主人西北面疑立,待賓即筵也。 北 亦洗酌,加 柶 尊敬 面 古文「葉」作「擖」。主人受醴,面枋,筵前 面 ,此筵不主爲飲食起。 葉, 賓拜受醴,復位。 角 出于 柶,覆之,如冠禮矣。 房。 贊,佐也, ○主人執醴,筵 賓復位於西階上 主人 佐主人酌 出 房 作階 南 面,待主 前 事 上拜送。 西 也。 北面 北 人 贊 面 西 明 以 迎 者

待賓。 之法、率如此。 之位。主人乃於阼階上拜 賓拜于西階上,乃進筵前受醴,受訖,復西階 贊者薦脯 送此醴。 醢 薦 進。 賓 即 筵 北 相・ 坐 拜· 面

坐啐 拜。 左執 即 醴 解,祭脯 就 也。 建 柶 左 醢,以 執解 興, 則 坐 柶 祭以 奠 祭 觶 右 醴 手 \equiv 也。 遂 拜。 西 凡 祭,於 階 主 E 脯 人答 北 醢 面 之

者

成主人意。

建

, 猶扱

也

興,

起

也。先

奠, 停

也。

0

實即之

豆

間

必

所

爲

祭

者,

謙

敬,

示

有

所

也。

啐,嘗

也,

北 拜 拜,亦於西階, 筵 也。 坐 面 而 坐取 祭醴,南 ○扱,初洽反。 脯。 遂拜」者,因事曰 面· 坐: 主人辭。 也; 賓即筵,奠于薦左; 啐. · 醴・ 則・ 薦左, 籩豆之東。 西·階· 「遂」,坐奠觶,不 北. 元一之位。 降筵 奠 起 降,下 觶 而 遂 遂

也。 親 人,謂使者從者。 賓降,授人脯,出。 徹。 自取脯者,尊主人之賜,將 ○「即筵奠于薦左」,南面 授於階下,西面 主人送于門外, 歸 然後 奠之, 執 以 反 出 因祭酒 命。 去。 辭者, 之面)前 再 迎 拜 也 其 于

門外」,是大門外,此送亦大門外。

之儀。

右一

使兼

行

納采、問

名二

禮

及

禮

使

讓 復使使者往告。 升階、 納吉,用鴈,如納采禮。 致命授鴈及主人體實 婚姻之事 於是定。 取脯 出門之節 ○如 歸 ト於廟 納采 並 禮」,其 如· 之。 得 吉 兆 揖

右納吉。

帛,十 也, 使 端 使者納 納徵、玄纁 也。 《周 幣以 禮 成昏禮。 Ĭ : 束 帛 「凡嫁子 儷 用 玄纁 皮, 娶妻 者 如 人幣 納 象 陰陽 吉 純 帛 備 無 也 徴,成 過 束 Ŧī.

兩。」儷 以 必 帛」者,匹帛也。 纁束帛」者,合言之,陽奇陰偶,三玄二纁也。」鄭註《周 記》芸 大夫乃以玄纁束帛,天子加以 爲贄故也。 今文「纁」皆作 (純爲緇 五兩耳。」〇純,側其反 》「錦繡千純」,裴駰註曰: 兩 「納幣」 故 也。 周禮》「純帛」,緇帛也,是庶人用緇,無纁,士 疏以 「熏」。 執 束,束五兩,兩 鄭 東帛 緇爲庶人之禮。 改純爲緇 0 以)疏云: 致 『純,端名。』則《周禮 誤矣。 命, 此 五尋。』然則每端二丈。 穀圭,諸侯 兩 納微 皮爲庭 陳氏祥 庶人亦用玄纁,但不 無鴈者 加 實。 道云 以大璋。 以 皮, 》所云『純 有束 鹿 蘇 玄 禮 皮。 秦 帛 雜

右納徵。

納徴 家必先卜之得吉日,乃 同 節,皆如納采 禮。 請 期,用 主人辭者,陽倡 鴈。 使 主 使者往 人 陰 和 解; 期 辭 日 賓 即告之。 宜 許, 由夫家來也。 告 ○遞言 期 如 夫

禮

右 請 期。 禮

面,北上。 期 ,初昏,陳三 其實: 特豚,合升,去蹄 鼎 于寢門 外, 東 舉 方, 肺 北 脊

> 偶, 此得 竅,賤 凡魚之正,十五而鼎,减一 食時祭之。 所先舉也。 皆 也」,故與祭祀 爲「鈞」,「髀」爲「脾」。 左右胖,升於鼎也。 也。寝,婿之室也。 此下言親迎之禮: 一、祭肺二。 也。 時則祭之,飯必舉之,貴之也。 · 共三節。 腊 飪。 亦合《公食大夫》一 有祭肺 則左右 也。 肫,或作純,純,❶全也。 設 飪,熟也。 疏云: 肺者,氣之主也,周人尚焉; 者,《 舉肺脊, 體、脅相 扃 同二 鼏 郊特牲 魚 「祭時二 肺 北面 去蹄,蹄 十有 先陳同牢之饌,乃乘車往 扃,所以扛 食時所祭之肺與 配 也。」魚十有四,夫婦各 期, 今文「扃 命七魚之數。 爲 鄉鄉 》論娶婦『玄冕齋 爲十四者,欲其敵偶也。 取 一,故得全名。 肺俱有,生人唯有舉 四。 内也。 甲 妻之日。 不用 凡腊用全。 |作「鉉」,「鼏」皆作 鼎。 每皆二者,夫婦各一耳。 腊 特,猶 也。 **鼏,覆之。古文「純** 凡 脊 鼎三者,升 肫 脊者,體之正 他 也。 舉 戒, 唯大斂、士虞 也。 禮, 髀不升者,近 肺脊者, Ŧ, 迎,婦 一肺皆 祭肺 鬼 髀 牲 合升,合 神 體 古 豚 不 腊,兔 祭, 密」。 食時 陰 則未 魚腊 升。 用 取 至 也 成 敵 陽 今

腊

食

0 純 原不重,據文淵閣 本補

胖

音謹 東,無 忘古也。 外尊在房户東 几 略之也。 尊于室中北 涪 春時。」○敦音對。 六豆共巾也。 中 阼 步 皆 敦,皆蓋。 加勺,皆南枋。 外, 米反。 爵 用 煮 階 醯 左 羹齊視夏時。」今文「涪」皆作「汁」。 洗設作階 兩 肉 東 匏,自交反。 ※玄酒; 胖 將西 卺,凡六,爲夫婦各 夫婦 汁 絡,粗葛。 飪 南 ,不全,反吉故 也。 醯醬者, 而 酌於 巾 豆, ,爵卺篚在外尊 東南 墉 洗,所 甚 大古之羹,無 篚 爲禦塵、蓋 、内尊, 反。 齊,才計 下,有禁;玄酒 葅 酳 豆豆 在 墉,牆也。 今文「枋 以 以 以 南 醢 竅,苦弔反。 敦饌 也。 醯和醬,生人尚褻味。 承 其餘 勿反 實 几 盥 爲尚 反。 於房 〇去 南 洗之器棄 酌於 作 豆 禁,所以 鹽 四 温。 菜。 此 大 中 柄 爵 、外尊。 起 兼 同 羹湆 《周 扛 羹 升 合卺。 日 爨,火 牢 巾 庪甒者。 水 音 反。 在 日 在 饌 尊 禮 之 江。 者。 爨 爵。 ○ 涪,去急反。 合卺,破 設之次。 西; 在 ¥ ∃ : 于 上。 肫 無玄酒 内 爨。 兼巾之者 音 0 房 黍 饌 設 玄酒,不 尊 《周 「食齊視 純 絡幂, 鼎 户 在 匏 稷 于 洗 大羹 陳 0 室 也 者 之 禮 髀 房 JЦ 于 卺 寢

墨

右 將 親 迎 預 陳 饌

裧。 大夫以 今親迎乘大夫之車,故云 冕,天子親迎當衮冕,或然也。 爲爵弁,故云「冕之次」,士助祭於公用之,是士服之盛者, 仍據男家而言,故云「主人」。 〇「主人,壻也」,下文女父稱主 也,乘貳車從行者也。 袘,謂緣,袘之言施,以緇緣裳,象陽氣下 衣,不言衣與帶 迎者、鬼神之。 主。 墨 女 反。 車 鞔而漆之」,則士之棧車 車 爵 ,則自以 亦 攝 ,從車二乘,執 主人 上親 從,才用 弁而纁裳,玄冕之次。 如之者,車 盛 迎則 也。 爵 車送之。 鬼神之者,所以 反。 而言「袘」者,空其文,明 弁纁裳 執 皆冕服 -同等。 燭 迎, 前 談,車裳幃、《 畢,猶皆也。 馬, 魚 矣。 攝盛 燭 士妻之車 亦漆,但 緇 Œ 使 前 大夫以 疏 反。 一命大夫冕而 袘 「大夫乘墨車,士乘 從役 人,男 重之親之。 以 馬。 無革 案《巾 爲 從 《周禮 ,夫家共之,大夫以 婦 持 墨車,漆 上親迎,冕服。 稱壻, Ŧī. 主人, 壻也, 壻 者 車 炬 等諸 車 施。 》謂 其與 畢 火 亦 ※註 纁裳者 此 之「容」,車 無旒,士變冕 玄端 侯 車。 如 居 未至女家 從者,有 袘 云 亦 之, ○袘,以 前 俱 「棧車不 士 不 棧 7, 炤 用 車」, 過玄 而 爲 冕 道 緇 有 乘 緇 有 F. 乘 可 服 婦

豉

革

嫁

宵

姆

時

服

袇

外

翟

于户 容,則 編列髮爲之,若今假 <u></u> 今時髮也。 裧,昌占反。 禮,爲此服。《喪大記 女從者畢袗玄,則此衣亦玄矣。納,亦緣也,袇之言任 女次,純 衣,助祭之服 纁緣其衣,象陰氣上任也。 ,尋常不用纁爲袇,今用之,故云「盛昏禮,爲此服」。」○ 内 讀 婦 如占反。 「不言裳者,以婦人之服不殊裳。 『副之言覆,所以覆首,爲之飾,其遺象若今步 母。 祀 命 固 西 人年五十 爲 服之。 婦衣鞠衣檀衣者服編,衣椽者服次。」其副 有 《詩 蓋。 《周 西 衣纁袇,立于房中,南 》「素衣 紹髮, 笄,今時簪 髲,皮義反。 也。」又云:「此純衣即緣衣,是士· 至于門外。 士服爵 上,右几。主人,女父也。 禮 無子,出 如之者,亦墨 朱綃 紒。 追師》:「掌爲副編次。」純衣, 弁助 × E 而 」之「綃」,《 次,次第髮長短爲之,所 祭之服以迎,則士之妻亦 不 「復衣不以 姆 復 凡婦人不常施袇之衣,盛昏 婦家大門之外。 嫁, 纙 也。 車及從車、執 笄宵 能以婦 魯 纙 袇 詩 亦 《周 面 议 衣,在其 廣 道 明非常。 筵,爲神布 禮 充幅長六尺。 綃 教 燭等 次,首飾 爲 人者, 妻 主人 追 唯 摇 綺 謂髲髢。 助 也。 屬 師 絲 ,若今 祭之 服· 於三 衣。 編, 筵 也 也 席 0 註 疏

以

降 升,北面,奠鴈,再拜 賓,壻。 反。 黼於領上,假盛 衣,卿大夫之妻刺黼以 謂之襮。」《周 玄也。 纚 人,三揖,至于階,三讓。 人玄端迎于門外,西 玄,設飾以玄也。 《詩》: 飾也。 以 亦玄衣,以 自 笄, 顯,苦迥 婦 西階。 諸 額,禪 禮。 主人揖入,賓執鴈 《説文》曰: 被 娣從之,祁祁如 0 也。 潁 綃爲領,因以 禮》曰: 反。)姆,亡 飾耳。 黼, 主人不降送。 《詩 穎輔, 一侯反。 黼 『褧,森 「白與黑謂之黼。」天子諸侯后夫 * * : 爲 在 音 言被,明非常服。 以 領,如今偃領矣,士 甫。 其 雲。」 診,同 爲名,且 枲爲 「素衣朱襮。」《爾雅》云: 綃 面 稽首; 也,枲屬。』顏 後。 音消 襮 再 領而 音博。 從。 主人升 拜 相 女從 賓升奠鴈拜,主人不 刺 也。 女從者畢 别 降, 黼 耳。 至 賓 刺, 人者,謂 ○陳氏云: 也。」〇被, 與 同玄者,上下 于 出 東 、製、 Ł 姆 妻始嫁 廟 面 亦 在 蒜 姪 面 反 女右,當 婦 門 答 通 娣 皮義 衫, 施 人狄 從, 拜。 也 主 皆 衫 襌

設

詔 姆

0 苦」 原 作「若」,據薈要本 俟 壻 作 明 綏。 答 者,道之也。 制 於户。」「禮不參」者,禮賓主宜各一人。」壻御 加 休 明明 也。 蓋如明 景,乃 乘 憬 待也。 **一曲** 公羊傳 主 其 姆辭 面 驅 禮 爲 , 奠鴈, 再拜 行也。 車 ○景與絅、褧,音相 門外,壻家大門外 衣,加 》曰:「僕人之禮,必授人綏。」婦 授女耳。 驅 ·, 先, 俟于門外。 不受。 壻御者,親而下之。 男率女,女從男,夫婦剛 談註 云: 之,以爲行道禦塵,令衣鮮明 行,車 御 者代。 稽 主人不降送, 『夏后氏逆於庭,殷人逆於堂,周 首』,此時當在房外,當 輪 周, 近,義 乘以几者,尚安舒也。 御者乃代壻。 禮 壻 正同。 不 車在大門外,乘之先 柔之義,自 多。 綏,所以引升車 〇令,力呈反。 乘 0 火也。 婦車 疏 以 間,北 今文「景」 云: 此始 几 景,亦 ·, 授 景之 , 姆 「一賓 人逆 也。 面。

右 親 迎。

席 道 升 婦 自 入也。 婦 西 婦 尊 至,主人 階。 媵,送也,謂 西 媵 南 揖 布 面 女從者也。 席 婦 媵 于 以 御 奥。 沃 御當爲訝,訝, 盥 及寢門, 夫 交。 人 于 升 室, 自 揖 迎 西 階 即 也

對設二豆、二敦,則· 要方也。 贊 者,又在俎東也。 設 執匕者事畢,逆退,由便。 乃 面 北 從 階 徹 南 即 東 接,情有廉 謂 東,魚次,腊特 設 鼎 洗 面 壻 别出牲 坐,爲前後至之便故也。 設 南,西 尊 面 醬于席 也。 在 婦婦 從者 而 黍 載, 幂。 庭 人設之。 尚 北 于 〇二豆並 體,執俎者 也 K 耻 執 在 面 舉 醬 者逆退, 洗 前, 尊 媵 媵 愐 北上。 者盤, 在 西 東 沃壻 御 俟。 匕, 所 腊特設俎北 南 北 菹 列醬北,二敦直列醬東,此 交道其 爲婦。 于 堂 北 稷 盤於 面 俎 醢 面承取,載之于俎 執俎而立,俟豆先設。 出, 復位于門東, 以 在 **須** 至此乃著其位,略賤也。 在 K 南洗 北 志。 三俎夫婦共之。 别 媵,即 設饌 媵 其東,設 其 俎 除 出 若復東,則饌不 以 〇夫道 豆東, 牲體 御 鼏 北 從設,執上者、執 訖,乃設 姪娣; 證 沃 舉 反。 婦 也。 菹 婦 涪 俎 鼎 盤 醢之東。 御 御、夫家之女役 北 執 對 人, 設 俎 於 于 音訝。 入,陳于 室,先 席 設 北 爲夫設。 之而 面 ○執 醬 所 得 然後 洗, 對 以 南 方 西 ○魚次 于 俟 K 自 夫 贊者 載 俎者, 贊 故 揖 者 即 上 豆 婦 也。 豆 阼 也 者 于 下 饌 南 婦 席 始

黍也。 席。 之蓋。 啓,發 也。 内 禮 飯 舉 布 東 酳 郤,去逆反。 黍」作「稷」。 東面 也。 也 、祭薦 對 北 ,卒食。卒,已也。 酌 薦,菹 内尊。 也。 席 設 郤,仰 之言 以, 醬,婦婦 面 贊 贊 婦婦 黍 答拜。 拜當南 醢。 用 今文「啓」作 洗 爾 也 演也, 于 也。 贊 醬 也。 贊 爵, 稷)内尊,尊于室中 ○其祭之序,由 腊 也。 啓 授 爾、移也 告 肺 舉, 面、《少牢 開 用 安 北 酌 會 酳 設 者, 具, 敦蓋,各 也。 即 肺 之當 酳 郤 贊者 婦 「開」,古文 同 其 脊 謂 移置 脊。 揖 主 潄 牢 與 用 西 》「籑答拜」註 于敦 特 西 亦 人。 所 婦 仰 示親,不主爲食起,三飯 肺 稷, \Box 面 俎。 北墉下 近及遠。 席上,便 皆 以 如 置敦右。 也。 啜 即 告 潔口,且 食, 郤 之。 南 設 湆 1饌具 主人拜受, 菹 對 者也。 0 湆 爲「綌」。 筵。 用 其 以 醢 师 肺 也 對敦,于 皆祭。 云「在 食也。 于醬 指 ○會,古外反。 涪醬 演安其 在 指 子 师 疏 壻 皆坐,皆 闔 其 祭肺 醬。 揖婦 東 云: 北 反。 皆 ○會,敦 南 面 酳, 潄 贊 皆 所 食、食 「壻拜 古 非 使 北 席 而 食 户 祭 御 北 文 成 舉 即 者

肺

者,自 爵 無從。 則》。 拜。 拜,亦於户内北 東 服 于房中,爲媵 乃 皆答拜。 受爵,即 從,不以肝從也。 者,如自 有肴以安之。 振 巾 面 所以 祭, 酌 于房,媵受,婦 徹 拜 1酢也。 「女拜尚右手」。贊答拜 婦 于 自潔清。 于 嚌肝,皆實于 在 返之於篚 拜,見上篇「見母」 贊 房 西 户 洗爵 中,如 酳 坐祭,卒爵,拜。 面 御餕之。 主人出,婦 ○從,猶 外 面 席 今文「説 用 也。」〇漱 以 者 尊 别 卺,亦如之。 酳 南 設 下 取 則 面 説 徹尊不設,有外尊 至「答拜受爵」, 繼 于 爵 人 並 拜 作 章、此 菹 服 也。 再 室,尊否。 如 , 所又反 户, 「税」。 酳。 復 再 <u>고</u> 于室,御受, 故 振 酳 ,受爵。 篇 位 知 西 皆 之無從。 婦婦 肝, ○説,吐活反。 猶 婦 酳 亦無 北 舉 見奠菜」 拜 贊 答 復 則 肝 但 也 南 面 尊 用 以 徹 拜 炙 也 無 從 再酳 面 室中 西 卺 奠 酳 也。 從 也。 肝 卒 姆 南 興。 爵 爵 若 主 爲 從 之饌,設 不襲 章及《内 飲 面 爵 授 如 0 贊 異。 酒 之位。 贊 ψ̈́ 贊 拜。 如 初 答 衽 説 洗 皆 酌 贊 宜 無 初 婦

二八

外尊 足也。 也。 呯 禮畢,將卧息。 曰 于 著纓,明 夫席,皆與「媵 一 筵也。 奥, 則 婦 人者,從房還入室也。 聞 古文「止」作「趾」。 人稱夫曰 媵 有繫也。 上文媵受主人服,御受婦服, 衽 爲尊者有所徵求。 良席 御沃盤交」義同。 外尊,房户外之東尊。 媵餕主人之餘,御 「良」、《孟子》曰 蓋以 在 五采爲之,其制未聞。 東, ○設衽曰衽 婦人十五許嫁,笄而禮之,因 皆有枕 今文「侍」作 "「將覸良人之所之。」止 主人人,親説 北 ,猶置尊曰尊、 此御 媵 餕 侍于户外, 婦 啃 待 衽婦 燭 餘 席 衽 出 · 贊 婦之 媵 布筵 卧 酌 昏 衽 席

右 婦 至 成禮

即 姑 日 也 婦 婦 席 ,昏明日之晨。 古者命士以上,年十五,父子異宫。 舅 見舅姑 席 姑饗婦家送者,凡五節。 質 興,婦沐浴,纚笄宵衣以俟見。 于 贊 平 阼 也 者於舅姑堂上醴婦,婦 興,起 舅 房外, 即 也。 席; 房户外之西。 俟,待也,待見於舅姑寢門之 席 質明,贊見婦 于 房 饋舅姑於室,舅 〇此下言昏之明 外, 古 文 南 舅 面 夙,早 于 皆 姑 舅 作 姑

> 進,北 舅 矣。 殿,丁亂反 宰徹之。 棗栗笄也。 者,還於先拜處拜。 坐奠棗、栗于舅席。 舅立阼階上,西 拜,奠于席。 「咎」。 坐撫之,興,答拜。 進拜者,進 人,有司。 婦 面 ○婦 執 撫之者,示受也 拜,奠于 **幹** 見 東 面 姑執笄以 算,竹器而衣者,其形蓋如今之筥、筀 舅訖, 面乃拜。 婦人與丈夫爲禮 ○笄音煩。 婦自 栗,自門 復 席。 西階,進至舅 自 起 奠之者,舅 西 答婦拜 婦還, 姑 降階,受笲腶 階 衣,於既反。 降,受殿 坐 授. 舉 則 又 升 前 尊,不敢授 有 以 拜。「還 俠拜。 自 · 東 脩以 司 興,拜,授 徹 笙, 羗居 面 西 拜,拜 見 之。 脩 ○撫,撫 階 姑。 也。 又拜」 舅 反 已 進 \bigcirc 則 籚

右婦 見舅姑

醴于 僧。」 席 于 户 0 親厚之。 疑, 魚乙反。 房 贊 禮 中。 ○ 疏云: 婦。 牖 贊者 婦 間,室户西、 醴 疑 「案《司 當 酌醴 立 爲 于 禮 儀 席 加 註: 贊 牖 西 柶 禮 東 Ī 婦 面 疑, 南 者 於下 面 枋 以 IE. 位。 日 V. 其 禮 出房,席 自定之貌 婦 側 道 敵 尊 新 者 甒 H

拜。 夫始冠 南 取 取 以 婦 前 脯降 面 脯 柶 又 出出 啐 降, 贊答 祭醴 拜 面 出 成 醴東面,奠鱓又 授人,親徹,且 人之禮。 \equiv 拜。 出 婦 薦 授 東 脯 降席, 面 人 婦 酷 婦 拜 于 又 升 南 一榮得 受, 門外。 婦 拜。 席, 面 東 東 禮。 取 面 贊 面 左執 脯 奠于 坐 拜, 西 人,謂 則 奠于 啐 贊 階 北 觶, 薦 醴 北 面 F. 婦 薦東,升 面答之,變于丈 東,北 · 建 右 氏 北 人。 祭 面 柶 席奠之。 脯 拜 0 ; 面 祭 興 送, 醢 坐 醴

處

右 贊者醴婦

載之姑 孝養。 贊 時。 南 取女同牢之禮異, 上 爲上。 成祭,卒食, 並 其 俎 特豚 當作 其他,謂醬 他 姑人于室。 異尊 如 ,合升, 併 卑。 取 至 女禮。 一醬治 並南 湆 0 菹 酳 側 自 醢。 上者 婦盤 菹 側 載, 側 無 醢 載 女,謂 1,舅姑 載 饋 從 無 酒 以 者 饋 魚腊, 尊 下 婦 共席于 右 贊 等,則 也,如 者, 南 胖 成 載之舅 婦道 祭者,授處之。 無 上以上 奥,其 與之同 取 稷 既成,成 婦 禮 俎 饌 並 皆 同 左 各 婦 南 與 牢 以 胖 以

> 媵 餕 錯 娣

今文無 卒爵。 食,卒。 易醬。 餕 北 餘,御從夫而餕姑餘,是與舅姑始飯夫婦之位相交錯 古者嫁女,必娣姪從之,謂之媵。 前,婦所 姑酳之, 固先; 行房, 者,媵 尊, 也。」婦徹 姑之 墉 姪卑,若或無娣,猶先媵,客之也。 下。 餕,則 成 姑 餕舅餘,御餕姑餘 姑受,奠之。 奠于篚。 婦餕 雖 饌, 亦酳之。 雖 姑酳之。 無娣 也。 室中 設 者, 無 姑之饌。 御 而 0 北 娣,媵 即 席 贊 贊 牆 以 席 其酳 前 祭者,品 祭 下。 姪 將 婦拜受, 婦 爲 如 之次,先媵 餕 豆 也。 先。 媵 0 徹 也。 初 疏 授 黍、 媵 古文「始」爲 于 \Box 之, 於是 辭 姪,兄之子,娣,女弟 猶 西 房 先 肺、 易 姑 又處 ~ 而後 〇 舅 上。 醬 此 也。 中 與 拜送。 者 席 舉 置 御。 將爲婦· 始飯,謂 姑之饌並 始飯之錯 媵 婦 姑。 之也。 嫌 肺 媵 從婦 餕 娣 淬 御 姪 汙 脊, 坐 対
餕
之
位 而 具者, 舅 餕; 舅 也 設 餕 媵 也 姑 婦 辭 席

右 婦 饋 舅 姑

洗,姑洗于北 舅 姑 共 饗 洗 婦 奠酬 以 獻 以 之禮。 酒 食勞人曰 舅 洗 南 于 洗 南 在

庭,北 姑 於北洗」, 饗 故 明,舅姑共饗婦。」鄭彼註: 之。 則 者 婦氏人,丈夫送婦 正 西 一階,婦 婦,舅 》文。」歸 獻 薦 禮 知 更 明 階 《曲禮 此士同 《昏義》云: 後 脯 婦同 使人舉 Ē 洗 婦婦 更舉 醢 降 獻,姑薦脯醢」,但薦脯醢無盥洗之事,今云『姑 禮 在 也。」愚案註 洗者、洗爵 在客位也。」又云: 成,不 北 降 自 一 子 一爵。 婦 爵 日可也。 作階 堂。 自 行酬之事 俎 「舅姑入室、婦以 ○疏云: 復 阼 者。 設 事父母、『升降不由阼階』,今舅姑降 于 舉。 是 階。 兩 此與上事相因,亦於舅姑寢堂之上, ,則是舅 婦 授婦以 「其燕則更 使 洗 凡 ·, 非 有司 굸: 氏 「此饗婦之事,與上 酬酒 者,獻 授之室,使爲主,明代己。 「案下記饗婦 此 獻 『容大夫以上禮多,或異日。』 歸 室之事 經 ,皆奠于 以 酬 使 姑 所 特 婦 言俎,則 酢 酬, 人舉爵」 有。 豚饋 俎 也。 以 共 薦 潔 當 舅 成一 節註云『舅 『授之室』、《昏 左,不舉 明 清 以 響禮 者,汎言他 姑 婦 盥 爲 反命於女之 獻,仍 先 饋 敬。 順 有 也。 同 其 牲矣。 降 好共 日爲 0 無 奠 燕 自 酬 自 疏 經 妨 洗 厥·

右舅姑饗婦。

明其得禮

舅饗送者以一獻之禮,酬以束錦。送者,

也 館速之。」若異邦,則贈丈夫送者以東錦 者,隸子弟之妻妾。 司送之也。」姑饗婦人送者,酬 女家有司也。 錦」皆作「帛」。 ,就賓館。 〇既於饗酬之,又就館贈之也 爵至酬 〇疏云:「尊無送卑之法,士 凡饗,速之。 賓, 又從之以東錦 ○疏云: 以 , 所 束 以 凡速 錦 一無臣 相厚。 者 婦 故 人送 古文 皆 知 送 就 有

右饗送者。

終也。 嘉菜于皇舅某子。」帥,道也 祝 舅 北 東 無 云: 者之禮。 姑别席異面,象生時婦見之禮,與常祭同 廟可見, 方,墉下。 面,右 盤,婦盤,于門外。 若舅没姑存,則當時見姑,三月 祝告, 若舅姑既没, 奠菜者,以篚祭菜也,蓋用堇。 三月婦 ,或更 几。 ○席于奥者 稱 有 道 席 婦 繼室, 既 之姓 于 成, 則 北 自 舅 乃廟見, 婦 1然如 方, 日 席 婦 人三月,乃奠菜。 也。 : 常 執 南 禮 廟 因 某 席于 笲 人,人室也。 面。 也。 見舅; 禮婦, 〇此下言舅姑 氏 菜 北 廟,考 來 方者,姑 席 几者 若舅存 祝 響從 婦 于 帥 妣 某氏者 不 廟 者。 敢 婦 之廟。 姑 同 席· 奥, 既 没 也。 也 奠 以 疏 没

也。 子者,言若張子、李子也 齊女則 皇 日 君 姜氏,魯 也。 0 疏 女則 云: 日 盤于門 姬 顧 氏。 炎武云: 外, 來婦,言來爲婦。 此 婦婦 亦異于常 人内夫家 祭。 無 嘉 云 稱 某 美

疏之意,或以婦新入門,稱姓以告,故亦以姓稱其舅 其舅爲張子、李子者,『某子』云者,或謚、 或字之稱。」愚 與 謂

婦拜,

扱

地,

坐奠菜

于几東席上;

還,

又

拜

席。 子稽 云: 如 初。 又拜如 首亦 婦婦 人以 扱 拜 地,手至地 初,又扱地也。 中之重,故 肅拜爲正,今云『扱地』,則婦人之重拜也 也。 以 相 ○扱,初洽反。 婦 况 人扱 也。 地 愚 ,猶男子 案 此 席上, 婦降堂 稽首。 在・奥・ 0 取 男 疏

某氏。」奠菜于席, 笲菜,人。 祝 曰: 「某氏來 如初禮 婦, 降堂,階上 敢告于皇姑 也。 室 事

中, 出 祝闔 南 面 牖 , 如 户。 舅 姑 凡 醴 廟,無事則 婦 之禮 閉之。 大 於廟 老 見 醴 禮之。 婦 于 房 0

奠 北· 交乎户

坐之前以見姑

也。

「室事交乎户」、《禮器》文。

婦

,今降堂者,敬也。

於姑言敢告,

,舅尊

於

姑。

0

此

皮帛必

可

制。

摯,鴈

也。

皮帛,儷

皮東帛

也。

0

摰

必

疑此 亦象舅 老 姑 與 前 生 贊 時 因婦 者 並 是 來見遂 男子,乃 禮之也。 使 與 新 房 婦 中, 爲 禮 廟之房 在 前聖必 中。 自 嘗

> 説 非 末學所 可 臆 度 矣。 壻饗婦 送者丈夫婦

有

舅 姑 禮

如

記

右

舅姑没婦

廟見

及響婦饗送者之禮

辭無「不腆」, 士昏禮,凡行事必用昏昕, 無 辱 ___ 用 昕, 使 者; 受諸 用 昏 禰 壻 廟, 也

家時 迎時 不稱幣不善,主人不謝來辱。 壻,悉計反,從士,從胥,俗作 「不腆」者、《郊特 也。 也。 受諸 使者用昕、納采、問名、納吉、 禰 廟 男 家 禮至,並 「婿」,女之夫。 〇昕,朝旦 於禰廟受之也 納徵、請期 也。 腆,善 壻用 ,使向 也。 昏, 德 無 女 親 賓

也」,註 云「此二者 牲 所 》云「告之以直信,信事人也,信 以 教 婦 IF. 直 信 也 摰 不 用 婦 死

殺全。 生鴈,皮帛必可制爲 殽全者,不餒敗,不剥傷。 衣物。 腊 必 用 ○殽全指魚 鮮, 魚 用 其 鮒 體肉 必

右記 昏禮 時 地、 辭 命、 用 物

好

也。

此並據同

牢

時所用。

○鮒音附。

餒

奴

罪

反

女子許嫁 笄 而 醴 之, 稱 字。 許 嫁, 一受納

굸 也 家教之。大宗之家,謂别子之世適長子,族人所宗事者 廟者,皆教於公宫,可 共高祖者是緦麻之親,教之於公宫, 其共曾祖、共祖、共禰 家。○此謂諸侯同族之女將嫁之前教成之法。 親,就尊者之宫,教以 教于宗室。 廟未毁,教于公宫,三月。 徵 禮 笄女,許嫁者用醴禮之,未許嫁者當用酒醮之。 也。 笄女之禮 祖廟,女高祖爲君者之廟也。 猶 知也。 婦德婦言婦容婦功。 冠男 也,使主婦 若與君 若祖 絶服 女賓執其禮。 者,則 廟 宗室,大宗之 以有總麻之 已毀,則 於大宗之 其與諸侯 0 祖 疏

記笄女、教女之事。

乃降。 問 受鴈于兩楹間,南面。 名:主人受鴈,還,西 還于阼階上,對賓以女名。 面 對 賓受命

記問名對賓之節。

其記於此者,以問名諸禮皆醴賓故 名納吉納徵請期,還報于壻父。 脯,左奉之。 祭醴"始扱一祭,又扱再祭。 賓右取 乃歸,執以 反命。 〇凡祭醴之法,皆如此 也 反命,謂 使者問

在

退

記 祭醴 法

實。 位併。 《曲禮》曰 首。 幣,庭實所用 皮者之後,至其左,北面受之。 足,見文。 受,遂坐攝皮,逆退,適東壁。實致命,主人受 主人受幣。 向左,二人相隨入門,至庭則併立,以西爲上,三分庭之一 官長。自,由也。 幣,庭實所用爲節。 兼執足者,左手執前兩足,右手執後兩足。 前也 適東壁者,初二人相 在其南。 其執之之法,襞攝之,使文在内,兩手兼執其四足,首 隨人,西上,參分庭一,在南。 納徵:執皮、攝之、内文、兼 ○納徵之禮,賓執東帛人,別 「執禽者左首」。 隨人,爲門中阨狹。 主人堂上受命時,主人屬吏受皮者自東 ○阨,於賣反。 爲 節也。」既受皮,遂坐攝之,復使内文。 士受皮者,自東 〇賓堂上致命時,執皮者庭中 士,謂若中士下士不命者,以主人爲 隨自 東而 賓致命,釋外足,見文。 故註云:「賓致命,主人受 西,及退反東壁,則後者 有二人執皮以 出于後,自左 左首,象生, 攝,猶辟 執足,左 西上,中庭 釋 方 皮外 出 爲 逆 庭

而

記納徵禮庭實之節。

及門内,申父母之命。 面戒之,母送女至西階上,乃戒之也。 忘。 母出,南 奠爵于薦東,立于位而俟壻。 次,純衣,父醴之于房中。 戒諸西階上,不降。 左,父西面戒之,必有正焉。若衣,若笄,母 〇母在房户西,南面,女出房至母左時,父阼階 父醴女而 面房外,示親授壻,且當戒女也。 俟迎者,母 南 必有正焉者,以託戒之,使不 面,蓋母薦焉,重昏禮也。 壻至,父出, 南 面 父母不降送。 于 房外。 使擯者請 女出于母 庶· 母· 女既 上 事。 女 西

記父母授女。

物履之,但無文。今人猶用臺。」
「是后則履石。大夫諸侯亦應有几者,重慎之。○疏云:「王后則履石。大夫諸侯亦應有婦乘以几。從者二人坐持几,相對。持

記婦升車法。

酒,说水,貴 于尊,棄餘水于堂下階間 婦人寢門,贊者徹尊幂, 新。 昏禮又貴 新,故 事至 加 勺。 乃取之,三注 酌玄酒,三 屬,注 也 于 屬 尊 玄

爵

,皆洗。凡婦人相響,無降。

姑饗婦

人送者于房,

中。○屬音燭。涚,舒説反,音睡

記注玄酒之節

庭笲,其制未聞。今文「橋」爲「鎬」。○笲音煩。笲。被,表也。笲有衣者,婦見舅姑,以飾爲敬。橋所以笲,緇被纁裹,加于橋。舅答拜,宰徹

記算飾及受算之節。

洗,賓主敵者之禮,婦於舅則不敢 辟于房,不敢 酢舅,自薦脯醢,不以人贊也。 爵 室相連,謂之房,無北 東西直房户與隅間。 堂,所謂「北洗」。 婦,姑薦焉。 在 北堂,直室東隅。 , 白薦; 婦席薦,饌于房。醴婦: 更爵,男女不相因也。 舅姑共饗婦,舅 拜洗。 北 堂,房中半以北。 ○饗婦時姑洗于北: 壁,故得北堂之名。」婦 能 在 不敢與尊 不敢辭 獻爵、姑薦 東, 也。 ○婦得獻,卒爵 饗. 者 北 婦• 洗南 爲 舅 洗。 之席 洗 禮。 面 響婦, 脯 北直 盤。 疏 舅降 酢 醢 薦 C \(\frac{1}{2}\) 室東 獻 解 也。 舅, 洗 爵 婦 洗 更爵 房 在 隅 則 更 洗 饗 酬 拜 與 北

四

饗婦及姑饗婦人送者皆然。」 無降者,以北洗篚在上。 ○疏云: 「言『凡」者,欲見舅姑共

記 醴婦、饗婦饌具儀節

婦入三月,然後祭行。 入夫之室,三月之後,

於祭乃行,謂助祭也

記婦助祭之期。

婦也。 也 醮之於房外之西,如醴婦之儀。 饋者,共養統於適也。 婦酌之以醴,尊之,庶婦酌之以酒,卑之。其儀則同。 使人醮之,不饗也。 庶婦,則使人醮之,婦不饋。 〇亦昏之明日婦見舅姑時,因使人 酒不酬酢曰醮,亦有 婦不饋, 則舅姑亦不饗 庶婦,庶子之 脯 醢 不 適

記庶婦禮之不同於適婦者。

貺,賜 命。 擯者請事,告之辭。 名也。某也,使名也。 某有先人之禮,使某也請納采。」某,壻父 也。 「辭,曰:「吾子有惠,貺室某 室,猶妻也。某,壻名。○此下皆記昏禮中辭. 吾子,謂女父也。 對曰:「某之子意愚,又弗 稱有惠,明下達。 也。 昏辭,

> 能教。 之辭。 ○當有對辭,文不具。 無「能」字。○惷,失容反。 某,女父名也。吾子,謂使者。 吾子命之,某不敢辭。」對曰者,擯出納 愚意亦當與擯出納賓之辭不異 致命, 曰: 古文「弗」爲「不」, 「敢納采。」 賓

納采之辭。

之,某不敢辭。」卒曰某氏,不記之者,明爲主人之女。 當亦不異。 人之女。〇疏以爲使者升堂致命之辭,愚意告擯者之辭 女爲誰氏?」某,使者名也。 〇案前記問名節註云: 問名,曰:「某既受命,將加諸 對曰:「吾子有命,且 「還于阼階上,①對賓以女名。」 誰氏者,謙也,不必其主 以 備數 卜, 敢請 而 擇

問名之辭。

今文「於」爲「于」。對曰:「某既得將事矣,敢 有先人之禮,請禮從者。」言從者,謙,不敢斥也。 醴,曰:「子爲事故,至於某之室。 某

0 上」,原作「土」,據薈要本改。

固,如故。「某辭不得命,敢不從也。」賓辭也。不辭。」將,行。 「先人之禮,敢固以請。」主人辭。

醴賓之辭。

得

命者,不得辭己之命。

不敢 我兼在吉中,榮幸之言也。 之子不教,唯恐弗堪。 名也。某, 壻父名。 曰『吉』。使某也敢告。」駅,賜也。 辭。」與,猶兼也。古文「與」爲「豫」。 納吉,曰:「 ○疏於 吾子有貺命,某加 ○與音預 貺 子 」字載句。 有 古, 我 賜命,謂許 對 〇子既得吉 與 諸 曰:「某 在 下,占 以女 某

納吉之辭。

典,貺: 也,法 致 某有先人之禮,儷皮束帛 命, 也 納徵,曰:「吾子 某 曰: 重 「某 禮,某不 敢納 徴。」 敢辭 有嘉 ,敢不承命。」 對 ,使某也請 日: 命,貺 吾子順先 室 納 某 典,常 徴。」 也。

納徵之辭。

子。」「曰『某』」,壻父名也。 命也。 矣。 不許,某敢不告期!」曰某 以期當自壻家來,故辭之。 實與主人面相往復之辭。 申受命者,自納采以來,每度受 今之吉也。《雜記》曰:「大功之末,可以冠子嫁子。」○皆 族、謂父昆弟、己昆弟、子昆弟。 而告之也。 ○使者來時本受吉期於壻父,初執謙請之,此乃因 固惟命是聽。」使者曰:「某使某受命,吾子 受命矣,唯命是聽。」前受命者,申前事也。 有死喪。此三族者,已及子皆爲服期,期服 惟是三族之不虞,使某 請 ○億,於力反。卒,七忽反。 期,曰: 對曰:「 「吾子有 某敢不敬須。」須,待 티 : ○使者再請。 賜 虞,度也。 日。 某命某聽 命 對曰:「某既前 也 某,吉日之甲乙。 某 請 對 不億 則 既 吉 踰 日 申 命 年, 度 日 〇主人 其固 受 于吾 「某 謂 欲 及 辭 卒

請期之辭。

●「醉」,文淵閣本同,薈要本改作「許」,意長。阮校:毛

三六

敢以禮告。」告禮,所執脯。〇凡者,五禮使者皆然。凡使者歸,反命,曰:「某既得將事矣,

名。

兹,此

也。

將,行

也。

使某行昏

禮來迎。

對

日

主人曰:「聞命矣。」

使者反命之辭。

子 曰 : 常,不 亮反。 四字爲句,事、嗣叶,相、 相,以其爲夫之助也。 寢。 承 行,則當有常,深戒之。 也。若,猶女也。 相 我宗事 承 其儀當如冠子醮法。 可 父醮子,子,壻也。 勗帥 我宗事。 敬始 諾 當勉帥 以 而怠終也。」末句申勸之。〇勗,許玉 敬先妣之嗣。 勉帥 以敬,使其惟 唯恐弗堪,不敢忘命。」 相 註以「勗帥以敬」八字爲句,愚謂當 《詩》云:「太姒嗣徽音。」〇謂婦爲 助 、常首尾叶,若曰:「今往迎爾相,以 婦道,以敬其爲先妣之嗣。 也。 ○父爲子將迎婦,以酒醮之於 命之,辭曰:「往 宗事,宗廟之事。 先妣是嗣。 若則有常。」勗 女之敬,必有 0 迎 相 女之 一反。 息 爾 勉

父醮子辭。

初昏,使某將,請承命。」實,壻也。命某「某」,壻父賓至擯者請,對曰:「吾子命某,以兹

○鞶,步干反。

某固敬具以須。」

親迎至門,告擯者辭。

宗,尊也。 男鞶革,女鞶絲,所以盛帨巾之屬,爲謹敬。 「毋」爲「無」。〇即前記云「父西面戒之,必有正焉」之辭。 糸不從革。 夜無愆,視諸 帨,舒鋭反。 衣小帶,一云衣領。 事。」帨,佩巾。 母 違命。」風,早也。 正字,今文作「示」,俗誤行之。 識之也。不示之以衣笄者,尊者之戒,不嫌忘之。 命,命之曰:「敬恭聽,宗爾父母之言。夙 施衿結帨,曰:「勉之,敬之,夙夜無違宫 父送女,命之曰:「戒之,敬之,夙 您,過 視諸衿鞶 庶母及門内,施鞶,申之以父母之 也。 即 衿鞶。」庶母,父之妾也。 早起夜卧。 宫事,姑 者 諸,之也。 前記云「母戒諸西階上」之辭。於, 教 以見衿鞶即 命婦之事。 〇鞶,大帶,其訓 示之以衿鞶,皆 命,舅姑之教命。 憶父母之言 ○衿,其 磐,磐囊 申, 託 「視」乃 鴆 夜毋 戒,使 重 古文 也 反 也。

父 母 送女,戒命之辭。

今逸之矣。姆,教人者 也。」〇此節監本脱,據石經及吴本補入,或當有鄭 壻 授 (綏,姆 辭 曰:「未教,不 足 與 爲 註 禮 īfii

姆辭壻授綏之辭。

也。 以 母命之者,亦但命子之父兄師友,使之命使,不得稱母 者行之,故言使命所出,必自其父。 禮,「七十老而傳」,「八十齊喪之事不及」,若是者,子代其 秋》、「紀裂繻來逆女」是也。 見彼傳及何休註。 事,見成八年。 註引紀裂繻逆女事,見 父爲宗子,其取也,父命之。 公使公孫 通 使也。 稱 宗子者,適長子也。 宗子,無父,母命之,親皆没,己躬 其宗子 壽 親者没,不得已乃親命之。 來納幣」是也。 其昏禮不稱主人、母命不得 使者。 支子,則 《春秋》 弟 命之,命使者。 ○此因請期以上五禮皆命使 躬,猶親 言宗子無父,是有有父者。 》隱二年《公羊傳》。 則 稱 稱 其宗。 若無父者則 其兄。 也。 所以養 親命之,則 母命之,在 支子,庶昆弟 通使之義,並 弟,宗子 廉遠耻也。 母命之, 公孫壽 春 宋 命 13: 命

無

弟。 ○亦謂無父者

記 使 命所自 出

賜 也。 傳致之辭。主人 與? 稱姻。 以 爲壻而來見」,又似 祭祀,謂三月以前,婦未與祭也。 女父也。以白造緇曰辱。 數,某之子,未得濯溉於祭祀,是以未敢見。 父母之辭命儀節。 今吾子辱,請吾子之就宫,某將走見。」主人, 外」,亦彌親 : 「終賜」。 得爲昏姻之故,不敢 見。」非他故,彌親之辭。 對 曰: 自此至「敢不從」,並是壻在婦家大門外與擯者請 若 覿,見也。 某以 不親 ○非他故,謂以非 之辭。 「某以 得 迎, 爲 〇此下記不親迎者,婦 對 「他」、「故」二字連讀 豈. 外 ○唐石經 則婦 非 周 曰:「某以得爲 昏姻,請覿。」女氏稱昏, 公制 他故,不足以辱 ○擯傳主人之言。未得 命,謂 入三月,然 他人之故而來見。 古 禮 作 辱,謂來至門,是自屈 一辭,敢 ,因其舊俗而爲之節 「某得以 將走見」之言。 人三月,壻 不從!」不言 爲昏姻之故」。 對 外 後 命 日 昏 疏云「是 壻 請 濯溉 姻之 見 壻 某 屋 於 文 婦 氏 對·

三七

拜,出。 主人出 無幣。 道, 相見。 及揖 出。 事。 也。 壻再拜送,出。 也。 門者,異於賓客也,壻見於寢。 若用「醴」,則無酢酬,俟質。 面。 見主婦。 婦相見也。」愚謂壻出,更以請見主婦告擯者,乃入見也。 見主婦者,兄弟之道,宜相親也。 謂昏姻家爲兄弟。 扉,左扉。 摯,雉也。 讓 必先一拜者,婦人於丈夫,必俠拜。主人請 主婦 不親迎者見婦父母之禮 壻禮辭,許,受摯,人。主人再拜受。 門左, 及,與也。 出門,出内門。 主婦闔扉,立于其内。主婦,主人之婦 醴 ○扉即主人所出之内門扉也。 擯者以勢出,請受。欲使以賓客禮 拜,壻答再拜,主婦又拜。 西 以 無幣,異於賓客。 出,已見女父。〇疏云:「擬出更與主 面 一獻之禮。 ○扉音非。 入門,人大門。 壻 壻出,主人送,再拜。 入門, 奠摯者, 肾有子道, 不敢授 壻立于門外,東 〇「醴」疑當作「禮 主 東 闔扉者,婦人無外 婦薦,奠酬 面,奠摰, 出内門不出大 註「兄弟之 醴, 壻 再

儀禮鄭氏註士相見禮第三

有 執

濟 陽 張 爾 岐 句 讀

趨 封 有 之,故以士相見名篇。 記 鄭 又次言士大夫見於君,末及見尊長諸儀,皆自士相見推 經初言士相見禮,次言士見於大夫,又次言大夫相見, 士相見於五禮屬賓禮。 一月 而 》會葬禮曰: 相 相 退。鄭引之者,明相見者其恩誼較朋友爲疎,較相 揖、相問者爲厚也 趨也,出宫而退。 録》云:「士以職位相親,始承摯相見之禮。 『相見也,反哭而退。 《目録》引《雜記》會葬禮,原文又 相揖也,哀次而退。 大小戴及《别録》皆第三。」○據 朋友,虞袝而退。』 相問也,既 《雜

以命 左頭 命某見。」贄,所執以至者,君子見於所尊敬,必 奉之。 士相見之禮:摯,●冬用雉,夏用 티. 某 也願 見,無 由 達,某子 居音渠,

> 足以 也。 見; 成。 見。 也。 命某往見 子,亦所因者之姓名,以其前來通意,故主人自謙言其曾 又自辱來,序其意也。 家也,某將走見。」有,又也。某子命某往見,今吾子 曰:「某子 子,今所因緣之姓名也。 命謂主人請就家之命。 主人許而後往,以其許見,故云「某子以主人之命命之見 頭」爲「脰」。 倫 摯以將 ○腒, 敵而曰見,謙敬之辭。 也。 賓初以擊見,次請賓反見,次主人復還擊見 腒,乾雉 左頭,頭 辱命,請終賜見。」命,謂 其厚意 也。 雉必用死者,爲其不可生服 其 也。 陽 居 命某,見吾子有辱, 〇士與士相見之禮,再 某者,主人自 反。 也。 也。 某也願見,見,賢遍反。 奉, 士摯用雉 無由達,言久無因緣 走,猶往也。 不 芳勇反。 以命者,稱述 將見人,必先因 足辱,不敢 名 七世。 者,取 脰 賓對 請吾子之就家」。 今文無「走」。 也。 請 其耿介,交有 當也。 音 主人之意。 返,再 請吾子之就 豆豆 所知以 夏用腒 以 日 凡卑於尊 自 辭摯, 主 主人對 達 「某不 通誠 賓 備腐 人對 也。 時,别 ○某 今文 而 而 意 C 某 日 禮 後 臭

0 摯」,原作 「贄」,據阮刻《儀 禮 注 疏

三九

見己。 見於所 賓對 固,如 拜 辭 請 以 也。 聞 主 將 日 儀 Z 在門 一」。固以 不 習 「某將走見」。 走 。」言依於贄, 吾子稱 人 走,猶 固 賓答再 故 見。」 〇不 禮 對 日 尊敬 外, 擯. 得 某 謂 也。 堅固 日 命 請 不 出 敢 敢當其崇 而 一不敢爲 贄,敢 也 : 今文「不」爲 者 敢 某 古 無 拜。 堅 敢 傳 贄, 謙自 賓 言如 稱,舉 爲 辭。」言不 某 五固則如 也 不 言 對 嫌大簡。 儀,言不敢外 儀 辭 禮, 敬 不 也 固 主 以 卑也。 日: 也。 贄。」不 相 請終賜見也。 人 從。」○始聽其以贄 依 古 變・ 故。」實對 非 古 往 揖, 於贄, 文言 辭 辭其 足習禮者,不 請 0 復。 主 某 主 古 吾子之就 入門 人 某愚陋 得命者,不得見許 不 貌爲威 人 不 贄,爲其大崇也。 文云 出 對日: 對 以 得 日 不 迎 今文「不」爲 贄,不 右 :「某不 曰 命, 儀, 古 不 敢 于 敢 足 忠誠 以 當其 「某 見, 將 賓奉 門 見。 家 與 請 某 敢 習 外 走 欲 _ 0 八 崇 禮 也 以 也 古 不 敢 見 禮 非 往 古文 贄 上皆 之命 0 見 再 以 也 足 爲 也 古 某 來 疏

敢與同 出, 燕義。 敬 『主人』者,上言『主人』者 以 賓反人相見 見者、爲賓崇禮來、相接以矜莊、歡心未交也。 爲右,以東爲左, 右,就 命者,謂 某見,請還贄 主人復見之,以 燕矣,下云「凡燕見於君」至「凡侍坐於君子」,博記反見之 請 不受贄於堂,下人君也。 敢 人 以其贄, 已將,故出。 門 爵? 見,賓反見,退。 亦 右也。 左。 謂既 也。 臣初見於君,再拜奠贄 擯 謂 讓其來答己 相 曏 「今文無也」,指上文「某也固 ,將以 出 時 也。 左,就左也。 主 所 君 人君受贄於堂,此受於庭,是自下 人 於將 展權 人則以東爲右,以西爲左。 執來者 主人 亦 再 當 也。 其贄,曰: 燕。 遣 拜 命者。」復見之者,禮 今文無 對 主人 ,據前爲 也。 0 人 註言 受贄於庭,既 受; 日 留 疏 而出。 婦, 曩 티 : 之燕 送于 也。 臣 賓 主人而言; 「上言『主人」、 「婦 某 也。 初見於君再 也。 〇寶既出, 再 門 也 凡門, 拜受送,則 拜 者 外 將 以 辭 既 猶 吾子 Ŀ 送 入送贄訖,寶 此 句。 得 賓見 再 賓反見 尚 贄, 傳 主人復 出 云『主人』 拜 於君 往 拜 見 此 也。 奠 則 辱 主 來 主 出 亦言 贄 以 人 不 矣。 也 使 傳 則 請 而 西

者,謂 以上還 賓 之辭,亦皆擯者傳道。 謂不敢以還贄之事聞之主人,但固請 將命者。」言「不敢以聞」,又益不敢當。○「不敢以聞」, 固,如故也。 請 稱「賓」者即前主人。 不從。」許受之也。 謙之辭。 再拜送贄,出。 還贄於將命者。」言不敢求見,嫌褻主人,不敢當 主人對曰:「某也既得見矣,敢 前賓今在己家而説 主人對曰:「某也 賓對曰:「某不敢 賓對曰:「某也非敢 異日則出迎,同 賓奉贄人。 主人送于門外, \也。」此下凡稱「主人」者即前賓, 古 以 於將命者而已, . 日則 辭,不得 主人再 聞,固 否。 再拜。 0 以 古 拜受。)此賓主 命, 求 請 辭。 益自 È, 敢 於 0

右士相見禮。

答也。 拜其 辱 凡不 士見於大夫,終辭 拜,正禮也。 也; 答而受其贄,唯君於臣 賓退 送再拜,尊 一、送再 其贄; 拜。 育。 耳。 終辭其贄,以 若嘗爲臣者 於其 大夫於士,不出 人 也 將 不 則 親

> 對 :: 禮 受。受其贄而去之。 請。」言使某,尊 擯者對曰:「某也使某,不敢爲儀 不足以踐禮,敢固辭。」家臣稱私。 贄者請使受之。 敢辭。」辭君還其贄也。 其贄者,辟正君也。 者還其贄于門外,曰:「某也使某還贄。」還 贄,尊卑異,不親授也。 臣道也。 解。」禮解,一 「某臣也,不足 某也」,疏云「蓋主人之名」,賓言「某也」 某也 辭 其 **一命某**: 「某 贄,曰 賓人,奠贄,再拜;主人答壹 辭其 固 以行賓客禮。」賓客,所不答者,不受贄。 賓對 君也。 『某 非 辭,不得命,敢不從?」再 : 贄 賓對曰:「某也既 而許 某 古文「壹」爲「一」。 曰 : 或言命某,傳言耳。 敢 今文無「也」。 也。 也 爲 「某也,夫子之賤 辭,不 將 儀 不答 也。」敢 得 而聽其以贄人,有 則 擯者對曰: 踐,行也。 命,不 賓出 自名也。 也。 ○擯 以 得見矣, 請。」還 拜。 ·; 使 者 敢 固以 私 所 拜 擯 賓 固 奠 稱

右士見於大夫。

儀如之。 平敵,或以卑見尊,皆用摯, 相見; 莫兮反。 唯有新升爲臣、及聘朝、 執後足。 足,交出背上,於胷前結之也。「如麛執之」者,秋獻麛,有 之也。○索,悉各反。上大夫相見,以羔,飾之以 夫,此下大夫,是五大夫也。索,繩也。 謂裁縫衣其身也。 〇士與士相見,敵者之禮 云哀公執擊見己臣周豐者,彼謂下賢,非正法也。」○麝 成禮,如之。 夫,卿也。 布,四維之,結于面,左頭,如麛,執之。上大 索,如執雉。 常朝及餘會聚,皆執笏,無執贄之禮。 今文「頭」爲「脰」。 大夫 如士相見之禮。 羔,取其從帥,群而不黨也。 或曰:靡,孤之摯也。 相 鴈,取知時,飛翔有 見, 維,謂繫 及他國君來主國之臣見,皆執贄 以 也 鴈 尊 ○ 疏云: 聯其足。 兩大夫相見,亦敵者, 無執摯見卑之法。 大夫雖擊異 飾 其禮蓋謂 之 行 「凡以贄相見之法 0 以 如執雉,亦左頭奉 列 面,前也。 國有三卿、五大 也。 布 其 又執摯者,或 左執前足,右 (儀猶 飾之以布 維 《檀弓 繋聯四 之以 如 故其 士

右大夫相見。

也。 君來朝,此國之臣因見之,非特行也。」 受之也。臣無境外之交,今得以摯見他邦君者,謂 禮無受他臣擊法,賓如此法,不敢亢禮於他 再拜稽首受。 擊。」 賓對曰:「君不有其外臣,臣不敢 當作空首,九拜中 拜者,新升爲士,故答拜,或新使反也。 「一」。〇案《曲禮》「君於士不答拜」,此得與大夫同答 之容,進退唯疾走而已,即《曲禮》云「庶人僬僬」。 庶人謂在官者,府、史、胥、徒是也。 庶人見於君,不爲容,進 夫,則奠摯,再拜稽首,君答壹 ,則使擯者 拜,則於庶人不答之。 蹙,猶促也,促,恭慤貌 始見于君 ○疏云:「賓不辭即受摯,以君所不臣 還其 奇拜是 執 摰 也。 摯, 曰: 至下 庶人之摯,鶩。 也。 〇稽音啓。 退走。 容 其爲恭,士大夫一 其見於君,不爲趨翔 彌 寡 拜。 君答一拜,疏以爲 蹙。 容,謂趨 君使 君,故不辭即 若 古文「壹 言君答士大 他 下 他 翔。 邦 謂 某 解。 君所 二作 還 也。 之 \bigcirc

右臣見於君。

凡燕見于君,必辯君之南面。若不得,

君也。 嚮之。 面君。 非立賓主之燕者,以燕禮 辭、稱謂 夫見君 則 兼反見之燕,恐亦於事理不合。 立賓主之燕,則君升自阼階,賓主人升自西階矣。 本言士與士相見,遞推至見大夫、大夫與大夫相見、士大 在堂,升見無 定之階,或東或西,以近君者爲便,亦謂特見圖 正 方,不 此謂特見圖事,非立賓主之燕也。 或時不然,當正東面、若正西面,不得疑君所 君近東,則升東階; ,見禮已備。 諸儀法,殆 ·疑君。 方階,辯 **顭記文體例矣。** 此下博言圖事、 辯,猶 君在阼階、以 君近西,則升西階。 君 IE. 所 也。 疏蓋太泥前 在。 註 進 君 西面爲正・ 知此燕見是圖 言、侍坐、侍食、退 南 升見 疑,度之。 面,則 「反見」 ,升堂見於 〇升堂無 臣見 也。 事。 疏以爲 處,邪 ○經 註文 Œ 事, 君 若 北

右燕見於君。

則對,不待安坐也。古文「妥」爲「綏」。○此下言進言之 君言事也。妥,安坐也。 也,則必安坐 凡進言,唯承尊者之問 凡言、非對也,妥而後傳言。 而後出言,《大傳》曰 傳言,猶出言也。 而 對, 「易其 則不待安 心 而後語 若君問 凡言,謂己爲 坐。 苟 可 亦此 非 對 對

毋改。 者。 旨也。 否也。 也。 從。 立則視足,坐則視膝。 如也。今文「父」爲「甫」。古文「毋」爲「無」。 下於帶。子於父,主孝不主敬,所視廣也,因觀安否何 若是,其視之儀無異也。古文「毋」作「無」。今文「衆」爲 變動,爲嫌懈惰不虚心也。 多端,大旨所主不離乎此。衆,謂衆庶。居官,謂凡有 官,謂士以下。〇所與言之人不同,則言亦各有所宜。 大人,卿大夫也。言事君者,臣事君以忠也。祥,善也。 忠信。博陳燕見言語之儀也。 兄。與衆言,言忠信慈祥。 老者言,言使弟子。與幼者言,言孝弟於父 「終」。 中視抱,容其思之,且爲敬也。 凡與大人言,始視面,中視抱,卒視 與君言,言使臣。 ○毋音無。 註專指爲君言,似 毋改,謂傳言見答應之間,當正容體以待之,毋 衆皆若是。始視面,謂觀其顏色,可傳言 若父,則遊 泥。 衆,謂諸 與大人言,言事君。 不言,則伺其行起而已。 疏以 言使臣者,使臣之禮 目,毋上於面 卿大夫同在此者。 妥爲君安坐,亦 與居官者言,言 卒視面,察其納 若不言, 一, 毋 己 言雖 不 面 職位 與 居 自 言 口

右進言之法。

問其時 可也。 久也。 止卧。 晏、以食具告、改居,則請 以食具告,主人自變動其居處,皆倦怠厭客之意,故請 大夫及國中賢者也。 信」,「早」作「蚤」。 凡侍坐於君子、君子欠伸、問 數也。 古文「葷」作「薫」。 具,猶辯 夜侍坐, 膳葷,謂食之。 也。 問夜、膳葷,請 〇欠,引氣,伸,播體 志倦則欠,體 改居, 〇薤,户界反 謂 葷,辛物,葱薤之屬,食之以 自 變 退可 倦 動 則伸。 退 也。 也。 可 問日早晚,御者 古文「伸」作 問日晏,近 也。 君子,謂 日之早 問 夜 於 退 卿

右侍坐於君子之法。

若侍坐 俟,必待君命之食然後食。 臣先飯,示爲君嘗食也。 而俟,君命之食,然後食。 自嘗己前食,非嘗君前 既嘗庶羞 若君賜之食,則君祭,先飯,徧嘗膳,飲 而 君賜之食,則君 ,則飲,俟君之徧嘗也。 食,與膳宰正嘗食有異,故云 祭 此謂君與之禮 疏以爲此膳宰不在 而 臣 先飯 君祭先飯,食其祭食 , 徧嘗 今文「呫嘗膳 食。 庶羞 膳 則侍 啜 謂 「示爲 食者 進 飲 0 而 庶

三辭。 屨。 之爵, 嘗食。 然後食。 食大夫是也。 君爲己退 解 不敢辭其降,於己太崇,不敢當也。 食之飲之而退也。 辭。」君若降送之,則不 爵、待君卒爵乃飲是也。 燕飲禮,則君卒爵 文曰「若賜之爵」,無 至於授爵,坐授人耳。 而俟;君卒爵,然後授虚爵。 〇咕音貼,他箧反。 嘗食也」。 即即 君爲之興, 《周禮》: 臣辭興之語 則下席再拜稽首受爵 下亦降也。 一一个 將食,猶進食,謂膳宰也。 又云: 彼君前 則辭矣。 「膳夫授祭, 而後飲,案《燕禮 隱辟,俛而逡巡。 也。 此小小禮食法、非正禮食、正禮食則 〇士卑,不敢辭降。 若有將 「君」也。 則曰:「 無 必俟君卒爵者,若欲 食, 大夫則 〇比,毗志反。 退, ,此君臣! 品嘗食,王乃食。」若 敢 〇此亦燕見賜 食者, 坐 君 顧 辭退下, 取 俱 \bigcirc 無 辭 》當 興,起也。 ,升席祭,卒 有 君 屨,隱 爲 無 第 爵 受爵者,於尊 膳宰進食,則臣 則俟君之食, 食、故 大夫,臣中尊者 遂 無爲興,臣 興, 其 出 爵 爾 比 與彼異也 後得 臣 辟 法。 辭 然也。 及門, 謂 君 不 君 而 若大 君 不敢 興 君 所。 爵 敢 賜 後 賜 今 不 公 而 若

右臣侍坐,賜食、賜飲及退去之儀。

「主人敬賓,則先拜賓。」○某無以見,言無故不敢輕見也。降而來。走,猶出也。先見之者,出先拜也。《曲禮》曰:見之。先生,致仕者也。異爵,謂卿大夫也。辭,辭其自己,則曰:「某無以見,辭不得命,將走見。」先 若先生異爵者請見之,則辭,辭不得 若先生異爵者請見之,則辭,辭不得

右尊爵者來見士。

以君 已,若以君命出聘,公士爲擯,下大夫則曰「寡大夫」,上大 夫則曰 君之某」,言姓名而已。 「之老」二字。《玉藻》云「大夫私事,使私人擯,則稱名, 寡君之老」。謂擯贊者辭也。 儀。 命而有事他國,則擯辭不得稱曰「寡君之某」,稱名而 ,則曰『寡大夫」、『寡君之老』」,與此經 《檀弓》曰:「仕而 『寡君之老』。」○此經當有脱文,註引《檀弓》亦多. 非以君 寡君之老」。 不趨,主慎 命使,則不稱寡。 也。 凡 未有禄者,君有饋焉,曰『獻』; 大夫卿士,其使,則皆曰 以進 執幣者,不趨,容彌蹙以 而益 恭爲威儀耳。今文無 不稱「寡君」,不言 大夫士,則 相發明,謂非 「寡君之 曰 公 使

> 之異。 音致。 ○執玉 作「苗」。 職"「以宅田任近郊之地。」今文「宅」或爲「託 仕者。去官而居宅,或在國中,或在野、周 草之臣」,他國之人,則曰「外臣」。 臣」,在野則曰「草茅之臣」,庶人,則曰「刺 夫則曰「下臣」; 宅者,在邦 武、舒徐其足武、不敢疾趨也。鄭乃於「舒」字斷句。 舉前曳踵 武,舉前曳 皆是。」又云:「不趨者,不爲疾趨。」執玉者, 帛皆稱幣,下文别云『執玉』,則此幣謂皮、馬、享幣及禽墊 容」。 路,其業反。枻,以制反。 〇刺,七亦反 本朝聘鄰國之事,因言執贄相見,遂兼及之。 〇疏曰:「案《小行人》『合六幣』,玉、馬、皮、圭、 刺,猶剗除也。 ,備蹥跆也。 踵 唯舒者,重玉器,尤慎 今文無「者」,❶古文「曳」作 ○與君言之時,其自稱有此數者 凡自稱 則曰「市 也。 於君,士大 禮 宅者,謂 武,迹 古文「茅」 則 一》載師 井之 唯 ○蹥 也 壁 舒 舒 之

右博記稱謂與執贄之容。

「今」,原作「合」,據薈要本改。

0

儀禮鄭氏註鄉飲酒禮第四

濟陽張爾岐句讀

冬蜡祭;鄉大夫飲國中賢者,則無常時 此篇所載三年大比,賓賢之禮也,常以正月行之,將射 大夫、士飲國中賢者用鄉飲酒,四也。」 疏言鄉飲有四 行鄉飲酒,亦謂之鄉飲酒,三也, 亦謂之鄉飲酒,二也,《鄉射》州長春秋習射於州序,先 案《鄉飲酒義》云『六十者坐,五十者立侍』,是黨正飲酒 酒之禮,其名有四:案此賓賢能謂之鄉飲酒,一也; 乃第十,小戴及《别録》,此皆第四。」○疏曰: 於其君,以禮賓之,與之飲酒,於五禮屬嘉禮。 鄭《目録》云: 而飲,下篇所列是也,於春秋行之,黨正正齒位,於季 「諸侯之鄉大夫,三年大比,獻賢者能 案《鄉飲酒義》又有鄉 「凡鄉飲 大戴,此 又 者

鄉飲酒之禮:主人就先生而謀賓介。

也。 屬民 賓 此 焉。 之:一日 而 月,行此飲酒禮,以《黨正》每歲「邦索鬼神而祭祀,則 寶,而與之飲酒,是亦將獻之,以禮禮賓之也。 是以大夫就而謀之。 日 其君,蓋如此云。 王。」是禮,乃三年正月 夫,帥其吏、與其衆寡,以禮禮賓之。 行,察其道藝,及三年大比, 于司徒,退而頒之于其鄉吏,使各以教其所治,以考其 恤,三曰六藝,禮樂射御書數。」鄉大夫以「正月之吉,受灋 士賢者。 主人,謂諸侯之鄉大夫也。 飲酒禮有獻寶、有樂寶、有旅酬、 禮 「父師」,士名曰 戒賓、次陳設、次速賓、迎賓、拜賓、凡三節。 乙而飲酒 《孟子》曰: 成。 凡鄉黨飲酒,必於民聚之時,欲其見化,知尚 《周 六德,知仁聖義忠和,二曰六行,孝 此 下至 于序,以正 禮》大司徒之職: 「天下有達尊三: 「當楣 古者年七十而致仕,老於鄉里,大夫名 「少師」,而教學焉。 賢者爲賓,其次爲介,又其次爲衆 而 北面答拜 齒位 行也。 而興賢者能者。 先生,鄉中致仕者。 之説,然此篇 以 則 爵也,德也,齒也。」〇 諸侯之鄉大夫,貢 有無筭爵樂,凡四 鄉三 將飲酒之始事: 厥明,獻賢能之書於 恒 一物教 知鄉人之賢者 無 萬民 Œ 鄉老及鄉 疏云: 今郡國 · 友睦 监 賓 **門**尊長 位 而 介,處 大段 之事 士於 婣 賓 初謀 以 《周 案 禮 + 大 德 任 興

但略 戒耳。 賓。 白反。 戒賓時拜辱、請、 年還以貢之耳。 至賓門,欲相警告,非謂己戒之也。 爲來之事。 也、告也。拜辱、出拜其自屈辱、至己門也。 禮 去又拜辱者,以送謝之。 人至君所,其君簡訖,仍更行飲酒禮賓之於王。」〇索,色 》所言是天子鄉大夫貢士法、諸侯鄉大夫貢 「若據鄉貢一人,其介與衆賓不貢,但輔賓行禮 而不言。」 其許己也。 賓禮辭,許。 主人戒賓。 辭 不固辭者,素所有志。 而許者,德業既成,欲及時 許諸儀 大國三鄉,次國二鄉,小國一 主人退。 主人再拜。賓答拜。 也。 賓拜辱。 介亦如之。 疏 云: 賓拜 〇主人戒賓,言主人往 「衆賓必當遺人戒速、 至請賓,方是發 主人答拜,乃請 辱。 而 如戒賓也。 試 退 請告以 也。 鄉,鄉 \pm 猶 主人再 法 戒,警 去也。 〇 如 待 其所 送 亦 相 後 如

右謀賓、戒賓。

敷席。 上,東 面。 乃席賓主人介。 賓席牖前,南面,主人席 〇註 言 敷 席 面 位, 席,敷席 可 阼 訂 階上, 近 也。 日 西 鄉 夙 面, 飲 興 隅坐之失。 往 介席 戒 西 歸 |階 而

> 貯餘觶 之西。 兩壺。 也。 **篚**,此復設篚者,上篚所貯 堂深,謂以堂廉北至屋壁之遠近爲洗去堂之遠近也, 在 于阼階東南,南北以堂深,東西當東榮。 其形同。 有勺,以備挹酌。 玄酒,在西。 統資爲位,同南面也。」尊兩壺于房户間 者、不相續也、皆獨坐、明其德各特。 衆賓之席,皆不屬焉。 假令堂深二丈,洗去堂亦二丈,以此爲度」是也。 一洗東。 ○兩壺,酒與玄酒各一也。 也 設篚貯爵,在禁之南,向東陳之,其首在 斯禁,禁切地無足者。 若天子、諸侯承尊之物,謂之豐,上有舟。」設洗 篚在洗西,南肆。榮,屋翼。 設篚于禁南,東肆。 疏云:「士之棜禁、大夫之斯禁,名雖異 三爵 席衆賓於 每 斯禁以承壺。 玄酒在西,上也。 〇疏 爵 行畢即奠下篚,且 賓席 \(\frac{1}{2}\) ,斯禁,有 之西。 加二勺于 「雖不屬,猶 玄酒 ○南 西。 堂上設 肆,陳 壺各 不屬 疏 北 在 水 云 以 酒

右陳設。

定」者,「以與速賓時節爲限」。 主人速賓,賓拜辱,羹定。 肉謂之羹。定,猶孰也。○疏云:言「羹

階,一 西南 也。 北 衆賓皆入門 西向以待。 拜 與 迎賓於庠門外。 向身引之。」○厭,一涉反。 \Box 揖 之吏,擯贊傳命者。 衆賓後 亦 主 万賓, 育正 ,變於主人也。 如之。 衆賓皆人左」,無 , 揖 面 面。 言「及衆賓」,介亦在其中矣。 再拜, 賓 則 答拜 再拜賓,賓答拜,拜介,介答拜,相,主人 面隨 東西相 侧身向 也。 0 疏云: 至,非 如速賓也。 賓厭介,人門左;介厭衆賓,人; 先入門 還,賓 賓西 當,則 主人升,賓升。 左,北. 西 揖衆賓。 推手曰揖,引手曰厭,今文皆作「揖」,又 南 賓、介、衆賓在門外,位以北爲上,主人 同行相隨也。 門。 而 介與衆賓差在南,東面。 〇主人於群吏中立一人以相禮,與之 階上當楣 拜介、揖衆賓矣。」主人揖,先人。 西面。 拜 上。 賓及衆賓皆從之。 辱。 〇疏云:「『引手曰厭」者,以 主人與賓,三揖,至 差益卑也。 皆入門 〇主人導賓先人,至内雷 速 主人一相,迎于門 北面答拜。 〇主人速賓而還,賓及 主人阼階上 召 西,東面。 也 拜介、揖衆賓,皆 還 主人正西面 猶 賓之屬 三揖 從,猶隨 退 當 者 于 楣 介 手. 相

> 將進 堂,尊之。 三揖至階,介與衆賓亦相 爲賓之道,進宜難 揖、 當 ○ 陳, 陳 揖 堂 也。 當 塗 碑 也 當楣拜,拜 揖。 東西 隨至西階 楣, 兩向 前 至 梁 下。 也 堂之塗 也。 主人 復 也。 拜 升,實乃升 主 拜 人與 賓 至 弯 此

右速賓、迎賓拜至。

序,東 必進東 對,答 也。 辭。 節。 情 者, 盥訖, 取爵擬洗, 亦非謂遽已洗也。 而 爵而對,對已,乃復取 南 下至以「爵降奠於篚」,言主人獻賓、介、 也。 東行,東北向主人辭洗。 面 今文無 賓降。 也。 重以己事煩賓也。 坐 主人坐取爵于篚,降洗。 主人 行,示情。 面 奠 賓主之辭未聞。 奠」。 爵 言 坐奠爵 從主人也。 于 「復位」者,明始降 0 〇 篚 篚 賓降 爵成洗。 下 于 下, 立當 事 篚 註 盤 同日 主 當篚之下,非 主人坐奠 興 云「示情」 西序,至主人擬 洗。 人 賓進,東北 讓 坐 時, 對 事異日 已 取 位 者,示謙下主人之 下文因實 盤乃洗爵, 賓復 將獻 在此 爵 ()爵于 衆賓之儀 於篚 辭。 興 賓 位 洗 面 也 也。 主人 爵 階 適 賓 爵辛 致潔敬 乃進 復置 盤 對。 前, 洗 凡 0 洗 坐 西 洗 六 此

古人盥 復位。 西階 階 賓。 序。 盤。 洗者。 取 升 脯 反。 坋,步困反。 面者,賓在 坐奠爵,因不起而遂拜也。 仡然從於趙盾」之「仡」,疑,正立自定之貌。 爵。 席 上 醢 上位。 主人坐取爵,實之,賓之席前,西北 獻,進 ·拜,主人少退。 復盥,爲手坋汙。 卒盤 洗,並 卒洗,主人壹揖,壹 自 薦 主人阼階上拜 沃洗者西北 西階,欲其 西 進 ○賓進席 也,進酒於賓。 」,揖讓 賓降。 用人執器灌 方。 賓拜洗。 也。 進之者,主人有 升。 升由下 前受爵,復 (就席受爵,故西北向之也。 主人辭。 〇因事 沃,下 面。 少退,少避。 賓西 ○主人取爵實酒獻賓 後凡言「遂」者,皆因上事。 主人坐奠爵,遂拜 也。 送爵,賓少 日 别 沃洗者,主人之群 持此爵 升 階 有器 遂」,言「遂拜」者,主人 讓,升。 必中 司。 賓對,復位,當 上疑 承其 還西階 賓進受爵,以 席。 ○薦之席 退。 立。 棄水,故 0 俱升。 ○盾,徒 上位。 疏云: 疑,讀 復位,復 前 必 吏。 賓 面 古文 西 有 獻 降 賓 薦 西 西 案 爲 0 沃 北 本 0

禮,註 手。 繚; 也。 猶総也。 本, 俎。 酒 4 手,遂祭 之, 絶祭,不循其本,但絕末而已。 末以祭,不必繚 是以取時奠爵興,至加 之,乃絶其末。 興,加于俎; 坐, 左執 升 曲 拭手,遂執爵 (由下」者,以賓統於主人,以東方爲上也。) 禮》云: 士則否。 案《鄉射禮》取矢于福,卻手與覆手對。弗繚者,直 奠爵 坐,弗繚,右絶末 啐 牲體枝解 疏獨於此 亦嘗 大夫以上,威儀多,終絶之。 爵,祭 酒 于薦 『席南鄉 經文言「弗繚」, 也。 祭酒。 嚌,當也。 節折 處解作繚祭,不敢從。 也。 捝,拭 興,起也。 0 西,興, 脯 北 在俎。 繚 席 鄉 醢; ○捝,始鋭反。 也。 末 于俎又興 祭,以手從肺本循之,至末 ,以西方爲上。」今升席 ○《少儀》云 謂 肺,離之。本,端厚大者。 古文「挽」作 坐,坐 主人阼階 以 右 以賓固士 席之尾。 祭,尚 手 也。 於 取 大夫以 席。 興,席 0 尚左手 卻左手,仰其 取俎 肺 祭薦、)繚,音 也。 説。 左手, 嚌之, 東 祭 上 卻 脯醢者,以右 疑 他事 進 祭酒 了。 威 者,明 末 自西 乃設 俎 0 左手 立。 儀 坐 皆從 坐以 不 坐挽 多, 方,云 乃 坐 左 垂 嚌 繚 執 折 賓 啐 絶 肺 帨 + 乃 絶 手 绘

Ŧi.

皆於 旨; 旨,美 遂拜 於此盡酒者,明此 入也で 席 執爵 中, 賓 唯 興。 執 啐 西 酒 爵 階 主人阼階上答拜。 於席末。 興。 上 席 非專爲 北 主人 降席, 面 飲食起 阼 坐卒 階 坐 上答拜 爵, 奠 降席, 爵, 興; 席 拜, 卒,盡 坐 西 也 奠 告

右主人獻賓。

賓

降

洗。

將酢主人。

主人

降。

亦

從

賓

也。

即于篚 卒洗,揖 面。 降。」此亦然。」 也。 降 前獻賓,主人既 奠爵于篚, 人拜洗。 人奠爵,初在 0 ○擬洗。 立 以以 疏云: 作階東,西 已 讓 賓答拜,興、降盥,如主人禮。 **篚下,繼乃於篚,以** 聞 興對。 主人 「《鄉射》云: 如 盤而後辭 主人阼階東,南 主 初, 命 面。 對。 也。 升。 主人復阼階 洗,此 賓 賓 「賓西階前 賓 〇 如 坐 東 坐 則實未盥 一奠爵, 初未聞 獻 北 取 賓 面 面 爵,適洗 東 時 資命 東,西 興 盥 而 辭 面 已 辭。 坐 揖 洗。 也。 解 坐 一奠爵, 洗。 讓 取 面 南 西 賓奠爵 賓 興 階 故主 爵。 0 坐 主 0 北 如 辭 前

> 南鄉北鄉,以西方爲上。」凡升席 方降, 興。 階 俎及酒 崇 後酬賓訖,取此爵以獻介也。」李之藻云:崇,重 崇,充也,言酒惡,相充實。 面 降自南方,以啐酒於席末,遂因從席 人升席自北方、設折俎、祭如賓禮、祭者、祭薦 賓西階上拜送爵 人
>
> 作
>
> 階 主人。○主人在阼階,賓自主席前向之,故東 其從降辭對。 重己酒,不嫌其惡 階,是由便也。 上,北 再 由便也。 拜崇酒。 賓西階上答拜。 ,亦嚌啐。 上拜。 面坐卒爵,興; 賓實爵,主人之席,前 ○案《曲禮》: 不告旨,酒己物也。 主人坐奠爵于序端, 阼 賓少 賓西階上答拜。 也 退。 薦 〇疏云:「『奠爵于序端』者,擬 自 脯 席東鄉西 由下,降席由上。 席前者,啐酒席末,因從北 坐奠爵,遂拜 主人進受爵 醢,○亦主人有司。 北頭 鄉 東西墻謂 降, 自 ,以南 席 東 由 南 也。 方爲 南 階 席 今主人當 前 復 面 前 一之序。 上北 執 適 面 上 謝 以 位 爵 主 阼 主 酢 賓 滴

❶「食」,原作「酒」,據薈要本改。

右賓酢主人。

於獻。 坐奠觶 耳。 洗。 答拜 升。 獻用 賓舉 面。 興。 以勸賓也。 上北 以其將自 辭 坐祭,遂飲,卒觶,興; 降 此 爵 賓 賓 賓降 賓 面 賓 主 ○主人爲賓洗爵 觶 一西階 酬 酬 于 西 西 西 飲。 人 坐 賓不 也 用 拜 勸 · 薦 西。 階 辭 階 階 坐 奠 觶, 賓者,通其勸 0 上 賓 酒 辭 上答 上 取 上 觶)酬酒 如獻禮,升,不 也,酬之言周 <u>ज</u>ं 辭 洗,立當西序,東 疑 觶 拜。 升 賓已拜,主人奠其鱓。 遂拜 先 立。 日 拜。 于 坐 ,故賓降,辭如獻時,但升堂不 自飲 主人實 爵,三升 篚 取 主人少退。 意也。 ; 主人實觶 降洗。 ○主人導 乃酬 觶 坐奠觶 ,忠信爲周 執 日 解,賓之席 觶 賓, 復 答拜者,答其勸 觶。 拜 興。 位 故 飲訖。 遂, 洗。 註 面 賓 栅 卒 卒 云 〇先 賓 ○奠觶西,欲 降。 主 拜 賓, 拜。 洗 不拜 不 將 主 西 人 辭 自 前 自 揖 阼 人 階 洗 執 己 阼 主 飲 洗 進, 飲 也 人 階 北 降 觶 上 所 階 讓 拜 殺

> 也 疏 不 上 ,仍是辭其親奠,如《鄉 以爲辭主人復親酌己,愚以主人方酌 舉,君子不盡人之歡,不竭人之忠,以全交也。 拜 送。 賓 北 面 坐 射 奠 》「二人舉 觶 于 薦 觶 東, 時 時 不 耳 復 辭 位 殆 非)賓 酬 辭 酌 酒

右主人酬賓。

如賓禮 拜。 唯 階之時,介與衆賓亦相隨至階下。 人以 画。 階上,在席南,故主人西 爵,介之席 賓 東序端,降洗。 主人揖賓而自 也。 有升堂揖讓耳,無庭中三 介揖讓升, 主人將與介爲禮 主人 主人少退。 介西 升不 揖 階 降,賓 前 降。 拜 上 西南 立。 洗。 介降。 亦降 拜 介進 ,賓謙,不敢 賓降 如 南 面 辟 不言 介禮 揖 面 賓 階 獻 矣。 向之。 立于 主人 西 北 殺 禮。 介。 「疑」 面 也。 拜 今此 俟 居 者,省文。 以其與 受爵 辭降。 堂上。 如 階 介 〇介席東面,介立 主人 ○主人與 賓 云以 西 西 介 禮, 階 爲 坐 0 復 謂 介揖 當 介辭 禮 揖 八賓三 取 上 主 位 亦 也。 序 拜 降 讓 北 爵 人 至 揖 洗 升 者 實 于 主 東 主 面 西 如 至

立於此。 西階上北面坐也 爵興。主人介右答拜。 降席,北面坐,卒爵,興,坐奠爵,遂拜,執 ○在介右而又稍東,以設薦之時介方升祭,主人無事,故 降尊以就卑也。 如賓禮,不嚌肺,不啐酒,不告旨,自南 人介右 北 薦脯醢,介升席自北方,設折俎 面 今文無「北面」。主人立于西階 拜送爵。 介少退。 不嚌啐,下賓。 主人拜于介右 〇北面 祭 東。 坐 方

右主人獻介。

介酌。 階上立。 但授虚爵,不自酌者,介卑,不敢必主人爲己飲也。 爲己洗,一如賓酢時也。 升,授主人爵于兩楹 賓酢之時。 介降洗。 ○ 疏云: 酒者賓主共之。 ○「降辭如初」者,介辭主人從己降,主人辭 主人實爵,酢于西階上,介右坐奠 「主人自飲 主人復阼階。 卒洗。主人盤。盤者,當爲 之間。 〇揖讓升,一 而盥者,尊介也。」介揖 就尊南授之。 降辭 揖 一讓升也。介 如 初。 介不自 介西 讓 介 如

介答拜。莫爵西楹南以爵獻衆賓。
群。主人坐莫爵于西楹南,介右再拜崇酒。飲,卒爵,興,坐奠爵,遂拜,執爵興。介答爵,遂拜,執爵興。介答

右介酢主人。

經文自明, 疏以揖升爲揖衆賓升, 非也。 在堂下。至主人于西階上獻爵,衆賓始 實衆賓之長,升拜受者三人。長,其老者。言 于西楹 略之,與賓、介升堂拜至者異也。 之。註「示徧」,解主人三拜,「不備禮」,解衆賓答 也。○主人在阼階下,衆賓在賓介之南,故主人西南面拜 皆答壹拜。三拜、一拜,示徧、不備禮 與衆賓爲禮也。 向來主人與介行禮西階上,事訖,故復阼階。揖降者,將 「三人」,則衆賓多矣。○主人揖升,主人自升也,衆賓尚 「不升拜賤也」,言主人不升衆賓於堂而拜之,以其賤,故 主人復阼階,揖降。 下,降 主人西南面三拜衆賓。 洗,升實爵,于西階上獻衆。 主人揖升 介降立于賓南。 一一升受之耳。 也。 又記云「衆賓之 、坐取 不升拜,賤 衆賓 拜; 0

西,前 疏云: 拜受也。 既 未是。 醢 立飲立授,賤者禮簡。 三人以下也。不拜,禮彌簡。 長一人辭洗如賓」,當亦從堂下東行辭之, 人獻,則薦諸其 爵,授主人爵,降復位。 經 亦每獻薦於其位,位在下。 同。 「堂下立侍,不合有席,既不言席,知位在下。」〇 主人拜送。 云「衆賓之席皆不屬焉」是 衆賓獻,則不拜受爵,坐祭,立飲。 主人以爵降,奠于篚 ○一人飲畢,授爵,降,次一人乃升 於衆賓右。 席。 〇亦升受,但不拜耳。 謂三人也。 今文 也。 既,卒也。卒爵不拜 坐祭,立飲,不 「辯」皆作「徧」。 衆 不復用 疏以 ○席次賓、 賓 爲降 辩 也 有 一辭,亦 辯 拜 脯 每 介 次 0

酒禮第一段。 右主人獻衆賓。自初獻賓至此,爲飲

序升 讓升,謂主人,蒙上「以爵降」之文也。 揖。 揖 〇此下言 即 讓 席。 升。 序, 人舉 賓厭 次 解,待樂賓後,爲 也。 介 升, 即 介厭 就 也。 衆賓序升,謂 衆賓升, 旅酬之端 今 文 「厭 也 衆賓 皆 = 賓 揖 爲

> 堂上有 所。 宜再 人也。 奠鱓 觶。 拜; 之吏。 酬賓亦奠觶而不親授,似酬法當然,註以爲「下主人」,恐 上近西謂末,以其無席上拜灋也。 洗,升實鱓,立于西階 觶興,坐奠觶,遂拜, 人,以其將舉,故奠之於右。 議。 ○疏曰: 「云「賓席末答拜」者,謂於席西南面,非 所, 執觶 于薦西。 席者。 發 言坐受者,❶明行事相接,若親受,謙也。 薦 酒 舉觶者 興。 西 端 也。 日 舉。 人 賓席末答拜。 賓辭, 西階上 0 洗,升, 作樂後,立司 實觶 坐受以興。 執觶 拜 舉 上。 舉 西 送。 觶者降。 觶 已下賓拜皆然。」進 階 賓拜。 興。 Ē, 于賓,一人,主人 賓坐奠 坐祭,遂飲,卒 上 賓 賓答拜。 舉觶不授,下 坐 取 事 賓拜,拜將受 此 奠 Ė 觶 觶 ○案主人 觶 以 于 栅 謂 其 降 坐 遂 主 席

右一人舉觶。

設席于堂廉,東上。爲工布席也。側邊曰廉。

●「言」,原作「主」,據文淵閣本改。

挎,口 孔也。 持也。 序在前 相 西 孔,以指深入,謂之挎。 及席,子 堂廉也。」工四人:二瑟,瑟先。 欲證工席 大夫制也。二瑟,二人鼓瑟,則二人歌也。 工席更在階東。 寶,有歌,有笙,有間,有合,凡四節。 左何瑟,後首,挎音枯越,内弦,右手相。四人, 無禮 、鄉射禮》曰:「弟子相工如初人。」天子相工使視瞭者。 凡 樂正先升, 可鼓者在前; 者 階 1孤反。 東 東。 也。 内 相 日 Ė 也,故有扶之者。 瑟者,則爲之持瑟;其相歌者,徒相也。 在西階東。 面 弦,側擔之者。 席也」,固相 立于西階東」,則工席在階東。 相,扶工也,衆賓之少者爲之。 席 正,長也。 瞭音了。 坐,遂授瑟,乃降。 T. 此後首不面鼓,是「變於君」也。 此言近堂廉,亦在階東,彼云階東,亦 於西階上,少東。 據樂正於西階東而立,在工西,則 擔,丁甘反。 工人,升自 内弦,弦向内也。 師之道。 ○《燕禮》「小臣 師冕見,及階,子曰「階也」, 後首者,變于君 樂正先升,北面。」此 樂正先升,立于 疏云:「註引《燕禮 西 降 相者二人,皆 階,北 立于西方,近其 左何瑟,面鼓」, 瑟先者,將人, ○何,户可反 每工,一人, 此下作樂 也。 越、瑟下 面 瑟 底 坐。 挎, 有 近 知 樂 言

介降。 脯醢 爵。 樂歌也。 歸傷悲,忠孝之至,以勞賓也。《皇皇者華》,君遣使臣之 君勞使臣之來,樂歌也。 我以善道; 皆《小雅》篇也。 事。 樂,謂之大師, 而以自光明也。卒歌,主人獻工。工左瑟, 政之樂歌也。 工,大師也。 人相者,相其祭酒祭薦。 左,身在瑟右,以便受爵也。 人,工之長也。凡工賤,不爲之洗。〇工左瑟者,移瑟 偏。 拜,不興,受爵。 坐授之。 工歌《鹿 ,不祭。祭飲,獻酒重,無不祭也。今文「辯 ○祭飲,祭而後飲 此采其更是勞苦,自以爲不及,欲諮謀于賢知 主人辭降。 又樂嘉賓有孔昭之明德,可則傚也。 上既言獻工矣,乃言大師者,大師 此采其已有旨酒,以召嘉賓,嘉賓既 則爲之洗,尊之也。 衆工則不拜受爵,祭飲。 《鹿鳴》,君與臣下及四方之賓燕,講 鳴》、《四牡 也。 工飲,不拜既爵,授主 此采其勤苦王事,念將父母,懷 Ι. 主人阼 薦脯醢,使人相祭。 不 大師,則爲之洗。 》、《皇皇者華》。 辭 洗。 階上拜 賓介降,從主人也 大夫,若君 送爵。 或瑟或歌 厕 辯 來,示 賜之 1牡》, 道 二爲 有 人 使 修 者 于

通謂之工。獻之亦依瑟先歌後之序,但爲之洗爲不同。也。其獻之,瑟則先,歌則後。○大師在瑟歌四人之内,

右升歌三終及獻工。

也。 也。 也。 師 能存其亡者乎? 所以 聞。 也。 合白 古才反。 古必有譜 先儒又以爲 在磬者之南,北面 正、雅》《頌》各得其所。」謂當時在者而復重雜亂者也, 甚,禮樂之書,稍 ,歸以祀其先王,至孔子二百年之間,五篇而已,此其信 疏謂鄭君註《禮 《白華》,孝子之潔白也。 通情,相風切也。 《南陔》、《白華》、《華黍》、《小雅》篇也,今亡,其義未 .華》、《華黍》。 笙,吹笙者也,以笙吹此詩以爲 ○磬縣南 昔周之興也,周公制禮作樂,采時世之詩,以爲樂歌 笙入,堂下磬南,北 風,方鳳反。 如 魯鼓、 「有其義,亡其辭」,朱子則云「笙 面 稍廢棄。 也。 且正考父校商之名《頌》十二篇于周 薛鼓之類,而今亡矣」,爲得之。 其 》時尚未見《詩序》,故云「其義未聞」 南當有擊磬者。 《詩序》云:「《南陔》,孝子相戒以 其有此篇明矣。 主人獻之于西階上。 孔子曰:「吾自衛反魯,然後樂 《華黍》,時 面立,樂《南 此笙人磬南 後世衰微,幽厲尤 和歲豐,宜黍 詩有聲無 陔 》、 ○陔 北 人 辭 面 稷 樂 養 太

文「辯」爲「徧」。 醢,不祭。 也。 階上,以工在西階東也, 和 笙之長者也。笙三人,和一人,凡四人。《鄉射禮》曰:「笙 前坐祭立飲,不拜既爵,升授主人爵。 拜,盡階,不升堂,受爵。 一人拜于下。」〇一人拜,謂在地拜。 而成聲」、《爾雅》云「笙小者謂之和」。 衆笙則不拜受爵,坐祭,立飲。 亦受爵于西階上,薦之皆於其位,磬南。 此獻笙,在西階 主人拜 《鄉射記》云「三笙 前獻歌工,在 上,以笙在 送 辯 爵。 一人, 有 階 脯 階 今 阼 下

右笙奏三終及獻笙。

之基、民之父母,既欲其身之壽考,又欲其明德之長也 臺》,言太平之治,以賢者爲本, 以 有嘉魚》,言太平,君子有酒,樂與賢者共之也, 言太平年豐物多也; 間,代也,謂一 魚》,笙《崇邱》; 歌《南山 禮下 乃間歌《魚麗》,笙《由庚》, 賢者,賢者纍蔓而歸 歌則 此采其物多酒旨,所以優賓 吹。 六者,皆《小雅》篇也。 之,與之燕樂 此采其愛友賢者,爲邦家 有臺》,笙《 歌《 也。 此采其 由 南 《南 《魚雕》, 也。 有嘉 儀 Ш 《南 有

也。 邱》,萬物得 餘篇皆然。 由 庚》、《崇邱》、《由 0 笙繼之也,堂上歌《魚麗》方終,堂下笙即 麗,力知反。 《詩序》云:「《由庚》,萬物得 極 其高大也。 儀》,今亡,其義未聞。 由 儀》, 萬物之生 由 其道 間 吹 各 者, 也。 一由 得 庚》, 其 《崇 宜 歌

右間歌三終。

云: 國耳,文王作邑于豐,以故地爲卿士之采地,乃分爲二國 以興王業。 其法度。 德、《采蘩》言國君夫人不失職、《采蘋》言卿大夫之妻能循 后國君夫人房中之樂歌也。 樂,謂歌樂與衆聲俱作。《周南》、《召南》,《國風》篇也,王 耳》;《召南》:《鵲巢》、《采蘩》、《采蘋》。 言后妃之職,《卷耳》言后妃之志,《鵲巢》言國君夫人之 二,德化被于南土,是以其詩有仁賢之風者,屬之《召 ,周公所食,召,召公所食。 有聖人之風者,屬之《周南》焉。 刑于寡妻,至于兄弟,以御于家邦。」謂 乃合樂《周南 昔大王、王季,居于岐山之陽,躬行《召 及文王,而行《周南》之教以受命。 ¥ 《關雎 《關雎》言后妃之德、《葛覃 於時,文王三分天下有其 夫婦之道,生民之本 》、《葛覃》、《卷 此也。 南》之教 《大雅 其 始 合

> 降。 徐反。 樂 階之東北面,知降堂下亦然,在笙、磬之西,亦得監堂下之 與大國之君燕,升歌《頌》,合《大雅》。 升歌《大雅》,合《小雅 傳》曰:「《肆夏》、《繁遏》、《渠》,天子所以享元侯也; 盛者可以進取也; 之樂,《大雅》、《頌》,爲天子之樂。 方之賓燕,用之合樂也。 ○疏云:「鄭知『降立西階東北面』者,以其在堂上時, 工告于樂正 ○案此合樂即《論 王》、《大明》、《縣》,兩君相見之樂也。」然則諸侯相與 王 一政之端,此六篇者,其教之原也。 故知位在此也。」 樂正降者,以正歌備, 覃,大南反。 曰 : 語 燕合鄉樂,禮輕者可以逮下也。 卷,九轉反。 所謂 正歌 天子與次國小國之君燕,亦 鄉樂者、《風》也,《小雅 「《關雎》之亂」者也。 無事也。 備。」 召 鄉飲酒升歌《小雅 故國君 樂正 降,立西階東,北 音邵。 其笙間之篇未 與其 告于賓, 蘋, 毗 臣下 》,爲 〇雎,七 《春秋 人反。 如 在 及 つ聞。 諸 之 面 乃 西 文 禮 侯 四

正,是也。 酒禮第二段,並上段,鄭氏以爲禮樂之右合樂及告樂備。此作樂樂賓,是飲

主人降席自南方,不由北方,由便。○此下言

拜。 上, 北 賓,爲 之。 再 賓。」司正 相 主 者,禮殺 主人,遂立楹間 介不從。 人,主人酬 旅酬之儀: 迎賓門外者,至此復使 升, 拜 告賓於西階。 (拜,司 皆揖 ,賓西階上 有懈惰,立司 復 故 面 也。 介, 一受命 側 立 復席。 席 告于 司 正 介 , 特 以 作 答拜。 Œ 酬 相 也。 于主 司 正以監 賓。 以 衆 司 相 拜。 答 監 賓,衆 正 爲 降 正告于主人。 再拜,拜 拜。 酒 賓主 謂 公爲司 人。 洗 賓禮 作,使 司 之。 司 降 不實以 解,升 正; 階。 人既拜,揖 司正立于楹 正 拜,拜 正 賓許 主人日 也。 安賓、 辭 也。 次皆 主人獨降 司 許。 也。 其 禮樂之正 自 1編焉。 0 正 表 許。 監, 就 司 主人阼 西 禮 位,於是 席 IE. 爲 古銜 0 辭, 而 階 「請 既 賓欲 間 側 賓、 相 既 ; 以 反。 成 降 許 賓 即 介不 賓 阼 去 安 以 階 許 將 諾 酬 前 相 上 于 階 主 從 留 留 賓 主

右司正安賓。

觶 退共,少 司 Œ 實 觶, 立 降 階 間 自 北 西 面 階 東 西 階 節 間 也 北 其 南 面 北 坐 當 奠 中

> 祭,遂飲,卒 不 庭。 洗」,不云「盥」,俗本有「盥」者誤。」今案唐 奠之,示潔 洗、北面 階,至中 Ē? 共 ,拱手 庭 燕禮 時,右還 敬 坐 也。 ĕ ⊟ : 奠鱓于其所; 觶 立 少 一於其 興; 就 右 立,自 位。 南 還 坐 以察 北 0 正 奠觶, · 慎 共,九勇反。 面。」〇右還 衆。 其 退立于 位 0 遂拜 也。 疏 石 굸 北 己 觶 ; 坐 經 面 帥 有此 執 取 謂 南 而 執 觶 Œ 觶 降 觶 洗解 興, 孰 自 興 西 敢

右司正表位。

主人降 之。 主人。 賓 上,不與; 之解,謂作樂前 方,降席自 旅酬者少長以齒,終於沃 不偏, 坐 前主人酬賓奠于薦東之鱓不舉,故言 奠 賓 席不言自南自北,下 實 主人 北 觶 無第 南方」,指此文也。 連 面 無 遂 爵,然後 第爵 降 坐 一人舉觶 拜; 取 席 而言,下記云「主人之贊 俎 與」,其 執 立于賓 盥者皆弟 西之觶 奠于薦右者也, 觶 記云「主人、介,凡 註云 八實旅 興。 東。 阼 「終于沃盥」,言 長 栅 主 而 時 階 初 無 人 尚 俎 今爲 起 遺 上; 答拜。 未及沃 西 矣。 旅 者,西 升席 旅 酬 北 以 酬 櫃 0 也。 洗 面 别 自 面 爵 偂 俎 之。 也。 不 子 北 之 北 凡 西

祭。 人之西。 阼階上拜,賓少退。 授主人。 賓立飲卒解, ,今同階,故云『禮殺』也。」實揖,復 立 飲,不 旅酬同階,禮殺。 拜 卒 因 觶 主人受觶,賓拜送 更酌以鄉主人,將授。 ○疏曰:「決上正酬 不 洗 ; 席。 實 觶 酬主人訖 東 時不 一于主 主人 南 面 同

右賓酬主人。

之。 席。 西 授介,拜送於其東。 于主人之西,如賓酬主人之禮。 南 ○主人以所受于賓之觶往酬 面授之也 其酌實鱓 主人西 「階上酬介,介降席自南方, 西西 南 註「自 面 授 此 介。 以 下 自 旅酬酌者亦如之」, 介,亦先拜介自 此以下 旅酬 主人揖,復 , 酌者 飲 謂 實 亦 立 觶 皆 如

右主人酬介。

之。 某者,衆 降 席。 ○顧炎武云: 司 賓姓 旅,序 正升相 也。 也。 同 「《鄉射禮》『某酬某子』註『某子者,氏 旅,曰: 於是 姓 則 介酬 以 伯 「某子受酬。」受酬 衆賓、衆賓又以 仲别 之,又同 則 次 以 序 其字 相 者 恓 别

> 賓以下 也。 受之法,授由其右,受由其左,以尊介,故受由右。 受之,第二人以下受其前 位。 下便也。」受酬者自介右,由介東也,尊介,使不 者受自左」,即是司正立處,故須辟之,二則東面時費上贊 受酬者訖,退立于西序端東面 西階西,北 序端,東面 云」。 升受酬于西階上。」〇辯,辯衆賓之在下者,謂 辯,辯衆賓之在下者。 如常禮也。 傳》叔孫穆子言叔仲子、❷子服子之類。□司 今文無「衆」「酬」也。 衆受酬者受自左,後將受酬者,皆由 異也。 古人男子 面。 拜,興,飲,皆如 〇疏曰: 辯,卒受者 辟受酬者,又便其贊上 無 稱 《鄉射禮》曰: 姓 司 一人酬 者 〇衆賓首一人受介酬,自 正初時在堂上西階西,北 從 者,一則案此下文『衆受酬 以 ,皆自其左受之也。 鄉 賓酬 觶 射 「辯,遂酬在下者,皆 降, 禮 主 贊下也。 註 坐奠 人之禮。 IE. 爲 西,變 既 得。 退 酬 始 于 餘 立 堂上 如 升 人自 凡授 介右 失故 篚 於 面 **企**左 相 于 嫌 介

删

^{●「}叔孫穆子」下,原衍一「子」字,據《日知録》及《左傳》「云」,各本同,據《日知録》及《儀禮》註當作「也」。

又及堂下,無不徧也。引《鄉射禮》,證此與彼同。 司正

降復位。解南之位。

··· 右介酬衆賓、衆賓旅酬。此飲酒禮之

第三段。

拜;執 答拜。 之。 觶 階 逆降者,二人先後之序 證 者,賓於席西 于 吏,若有大夫,則舉觶于賓與大夫。《燕禮》曰:「媵爵 介坐受以興。 人舉觶,次徹俎,次坐燕,飲酒之終禮也。 洗南 此二人將舉觶,其盥洗亦如之也。 ,皆立于西 上,皆坐奠觶,遂 賓辭。 使二人舉觶于賓介,洗,升實觶 ,西面,北上,序進盥洗。」○此下言無筭爵, 解興。 皆坐祭,遂飲,卒觶興; 南 面答,介於席南東面答也。 坐 階 賓介席末答拜。二人,亦主人之 退,皆拜送,降。賓介奠于其 取 上。 觶 與 拜; 升時 以 賓介皆拜。 興。 執觶 相 反。 介 逆降,洗,升 興。 皆 則 賓、介席末答拜 進 於席末拜。 薦 坐 奠 觶, 註引《燕禮》, 賓介 一,薦 南 ; 奠之。 初 西 席 于 使二 者 奠 實 遂 末 西 0 立

各舉以酬,爲無筭爵者即此二鱓。○疏曰:「言「皆進」者,一人之賓所,奠鱓于薦西。」按此二人所舉之鱓,待升坐後賓、介所,奠鱓于薦西。」按此二人所舉之鱓,待升坐後賓、介所。賓言「取」,介言「受」,尊卑異文。今文曰「賓受」。

右二人舉觶。

燕。 面。 義。 者。 之者,不敢以禮殺當貴者。 非文武之道。 清肴乾,賓主百拜,强有力猶倦焉。 也。 上 降,階前命弟子俟徹俎。 主人所榮而遵灋者也,因以 曰:「請坐于賓。」賓辭 北面。 遵者,謂 俎者,主人之吏設之,使弟子 主人請徹俎 司正升,立于序 主人降席, 作階上北 司正升自 遵者降席 此鄉之人仕至大夫者也,今來助主 請坐者,將以賓燕也。 西 賓許。 階 席東南 ○前此皆立行禮,至此乃請 爲名。 端。 受命 以 亦司 西階前. 俎。 面 待 俟徹 或 張而不弛, 弛而 面。 于主 事。 正傳請告之。 俎 有無,來不 至此,盛禮俱成,酒 者,明 者,肴之貴者 也。 介降席 皆立,相須 賓降 弟子,賓之少 徹俎,賓之 來,用時 席 司 主 西 不 徹 張, Œ 俎 辭 坐

降。 取俎,還授弟子,弟子以降,介從之。 子,弟子以 事 還 諸公大夫,則使人受俎,如賓禮。 正 耳。 音旋。 階 西階相讓之位也 取俎者,皆鄉其席,既授弟子,皆降復初入之位。 司正以降,賓從之。主人取俎,還授 今文「遵」爲「僎」,或爲「全」。 向 席取俎,轉身以授人。 降自西階,主人降 註 云「復初人之位」者 賓取俎,還授 自 阼 衆賓 階 若 皆 弟 有 介

右徹俎。

先右。 也。 之愛之,所以厚賢也。 胾 坐 至末,更從上 大夫」,皆是。 人舉觶于賓與大夫」,又曰 醢也。 也。 賓主燕飲,爵行 説 今文「説」爲「税」。 必 震,揖 鄉設骨體,所以致敬也,今進羞,所以盡 説於下者,屨賤,不空居堂。 至下, 〇疏曰: 讓如 唯醉乃止。」 無數,醉 「引《鄉射禮》者 ○献, 壯吏反。 初,升,坐。 乃羞。羞,進也。 「執觶者洗升實觶,反奠於賓與 而 ıĿ. 無筭樂。 也。 《鄉 説屨,主人先左,賓 ,證此無算爵 説屨者,爲安燕當 無 射禮》曰 算 燕樂亦無數: 爵 所進者,狗 愛也 第,數 使二 ,從首 敬

來聘,請觀于周樂」,此國君之無筭。或間,或合,盡歡而止也。《春秋》襄二十九年「吴公子札

西 作賓出,衆賓皆出。」主人送于門 鼓。 師 也,終日燕飲,酒罷,以《陔》爲節 天子、諸侯備用之,大夫士鼓而已。 面 「以鍾鼓奏《九夏》」,是奏《陔夏》則有鍾鼓矣。 拜也。 《鄉射禮》曰:「賓興,樂正命奏《陔》。 賓出。 右坐燕。 賓介不答拜,禮有終也 奏《陔》。 此飲酒第四段,飲禮始畢。 《陔》、《陔夏》也。 ,明無失禮 蓋 外, 建 於阼階之西,南 賓降及階 再 也。 拜。 《周 陔之言戒 鍾 門 鼓者, 禮 陔 東 》鍾

右賓出。

故曰 諸公、大夫來助主人樂實,主人與爲禮之儀。 賓者,同從外來耳。 解,乃人。不干主人正禮也。 故此時乃入。 「不干主人正禮」,謂主人獻酢之禮也,樂作後,又後樂寶 「若有」。 賓若有遵者,諸公大夫, 當一人舉觶畢、瑟笙將人之時,乃人,註云 席于賓東,公三重,大夫再重。 大國有孤, 四命,謂之公。 遵者,諸公大夫也。 則 既 遵不必至 ○此 人 下言 謂之 舉 席

上席 繼賓而 等,皆如介之殺於賓也 迎 主 不 公,則大夫辭 如之也。 其降迎皆如下文所云也。 席,謙自同於大夫。○公若大夫人,言或公人,或大夫人, 去之;如,讀「若今」之「若」。主人迎之於門内也。 中,故云「不 賓而言耳,其實在酒尊 房户間,正在賓東,不容置席,則席遵者當又在其東, 者亦卿大夫。 此二者於賓東,尊之,不 齒; 一人降, ,揖讓升。公升如賓禮,辭 也。 則 於諸侯之國,爵爲大夫,則不齒矣。 西,是與相 辭 大夫席再重。 〇去,起吕 加 賓 與齒」也。 〇云「席于賓東」者,賓在户牖之間,酒 席,委于 介降,衆賓皆降,復 加席,主人對,不去加 齒,此特爲位於酒尊東,不在衆人行 反。 東也。 ○重,直 ○「如介禮」,其入門、升堂、 與 席端,主人不徹; 大夫 如賓禮,謂拜至、獻爵、酢爵 鄉 人齒 「不與鄉人齒」者,衆賓之席 龍反。 則 也。 如 天子之國,三 一席,使 公如大夫人, 介 初位; 不言「遵者」, 禮 席。 主人 無 有 一人 加 獻 辭 但 命 尊 席 諸 諸 並 列 酢 在 者

右遵者入之禮

也

召

0

同

因

也。 長也。 辱也。 服,昨 中 謝、 也。 力爲禮,於是可以來。 正。 服。 此亦彼此賓主皆不相見,造門外拜 如賓服,遂從之,拜辱於門外,乃退。」○引《鄉射禮》者,明 與 唯所欲。 也。 所 勞息諸事。 唯 八音預。 有 今文曰「實服鄉服 以告于先生君子可也,告,請也。 所欲 息,勞也。 釋朝服 日與鄉大夫飲酒之朝服 《鄉射 明 可也。 羞 無介,勞禮略也。 日 作,不從次也。 唯 鄉樂唯 賓介不 禮》曰:「賓朝服 不殺 ,更服玄端也。 賓服 所 主人如 勞賜昨 有。 則無俎。 鄉 與。 欲。 君子,國中有盛德 0 在 服 日贊執事 有何 賓 不 〇此下至篇末,言 以 禮瀆則褻。 鄉樂、周 司 ○殺,所八反。 歌 古文「釋 服 也。 以 拜 正爲實。 物。 《 鹿 拜賜于門外, 以 者。 賜 不言 鳴》《魚 拜 徵 謝 南 |作「舍」。 獨云司正 辱。 古文「與」爲「預 而 拜 唯 朝 ※ 召 不殺,市 者。 린 賜 麗 服 所 薦脯 拜賓復自 》者,辟 南》,六篇之 鄉 先生不以 謝 可 欲,徵,召 主人不 主 乃 飲 恩 者,召 司 服 明 醢 人 惠。 買,若 息 Œ, 國 H 以 , 見。 釋 司 不 筋 拜 朝 鄉

79

記:

爲禮 之者,恐其容有不能,令得肄習, 註指 宿 鄉 今郡國行鄉飲酒之禮,玄冠而衣皮弁服,與禮 戒,禮將有事,先戒而復宿戒。❶ 鄉 者,故不煩宿戒 人,恐義不盡。 人,謂 鄉, 朝 鄉 大夫也。 服 而 謀 也 謀 ,即經文「就先生而謀」之也。 朝 賓 服,冠 介, 今鄉飲實、介皆使賢 玄端,緇帶,素轉,白屨 皆 ○鄉 使能 ,謂鄉飲酒之禮 異。 不 宿 再 宿戒 戒爲 耐 戒 能

記鄉服及解不宿戒。

陽主 也。 其 薦 東 也。 萬物、聖 允反,又之門反。 北。 他 脯 幂,覆尊巾。 鄉 五. 蒲 射禮 用 人養賢以及萬民。」〇亨,普庚反。 祖陽氣之所始也 筵 房, 挺,横 觶 緇緇 **∀** ∃ : 饌 陳 爵尊,不褻用之。 布 祭半 處 尊, 其牲,狗也 祭于 純。 也 綌 職,職長尺有二寸。」在 其 紀禮 筵, 幂 陽氣主養。 上,出 席 ; 》之饌, ,狗,取擇人。 也。 賓 〇其 自 至, 純 左房。 《易》曰: 脯 他 緣也。 徹之。 謂 獻,用 醢 南 栅 東,陽 亨于 上 挺,猶 「天地養 及 絡,葛 純,章 爵 旅 也 酬 堂 曲 膱

> 有半挺: 兩見 今文 適西 二大夫,則大夫用臑與 者爲大夫俎。 賓主俎各三 凡前貴後 俎卑骨。 脛骨三,肩臂臑 脏、 肺 升。 横,於人爲縮,陳之左房,至薦 禮 本亦作「脡」,同。 Ĭ 也。 胳 胳、 階 亨狗既孰,載之俎,饌於東方。 主人 横於 ,升設筵前,不 以 賤。 《祭統》曰: 作 肺。 一體,而介俎肫、 脯 胳音 上,以 俎 骼」。 脩置 若有 離,猶 也 肺 格。 朐,其于反。 待祭。 脊、脅、 皆 者,左朐 0 後脛骨二、膊胳: 捶也。 「凡爲俎者,以骨爲 大夫,則大夫用 腠,千 由阼階也。 肫 離。 肫, 脯 而 胳 、臂、肺 胳 右 腠 豆反。 本 介用 並言者,以肩臂之下 皆右體 末。 即 横設 時乃出 理 俎 註 O 胳 也。 賓俎: 脊、脅、肩 脛,户 也。 人前 膞 由 薦 臑, 〇及其設之,由 之。 用 胳 進 進腠。 脯 介俎:脊、脅 尊者俎尊骨,卑 東壁,自 理,謂 上。 體 ,横祭者,於脯 而 用 定 〇挺,大熲 無 介用肫; 後 籩 反。 骨 常 脛二 , 其挺五 前 有貴賤。 臑, 凡牲,前 其 故 留 骨 本 西 肫、 若 東壁 乃 其 也 也 階 反 胳 貴 者 别 報 有 爲

⁰ 文淵閣本作「復」。 復 作 「後」, 阮 · 要本改作「又」。 校 録 張 爾 岐 語: 必 復 字。 改

反,又奴刀切,音猱。捶,苦圭反,音奎。

記器具、牲羞之屬。

其宜,不使相錯,唯 者,拜既爵。 徒 統 揖 堂,其辭洗亦自階下 爵」後,始言 下,不洗。 三人之中,復差有尊者,餘二人,雖爲之洗,不敢 **筹爵**,是也。 舉,於右 左,不飲者,不欲其 爵,雖坐卒爵,不拜既爵,與立卒爵者同 一人不敢往參,非又爲二人各一洗也。 於堂,或 衆賓升, 起,起必酢主人。 若有 以 爵 統於門。 ○主人統爲衆賓三長一 以 北 「衆賓之長升拜受者三人」,此時三人尚未 拜者,不徒作。 衆賓之長,一人辭洗,如 便也。 此 面 辭 立卒爵者,不拜 者, 洗 I 〇不拜既爵者,則不酢 〇立者,堂下衆賓 東行辭之。 ○一人舉觶爲旅酬,使二人舉觶 爲 不從此禮。 妨。 則 降 東 辭, ○主人酬賓之觶 上。 皆 作,起 誤 疏於前經以主人揖升 〇工無目,故不使立 洗,一人進與爲禮 賢 者衆寡 也。 既 也。 立 又按經文「洗 也。 爵。 者, 也。 言拜 東 凡奠者於 無常也。 賓 是也。 面 東 隆殺各從 坐卒爵 既爵者不 北 禮 解。 面 上 升 爲 將 北 統 或 爲 升 實 餘 其 於 無 卒

不人。 於其位。 面 禮 者,從 以 送 三爵。 于下 徒 尊 也。 於堂也。 大夫判縣, 無「上」。 爵,以異器示敬。 則不入矣。 齒於賓黨爲尊之。 皆縣 東西 一爵也。 樂正,同 爵。 春官・ 樂 士禮 能 。 爲 ○獻賓、介、衆賓一爵,獻大夫一爵,獻工與笙 正 如 後樂賢者。 謂獻賓、 從。 樂正位西階東,北 賓多,東面 於工,拜于阼階 磬,階間縮雷 宫 士特 於賓黨。 也。 小胥》: 獻工 明其異器 有墙 與立者,皆 鼓,猶 縣。 射則 獻大夫、獻工、皆 其笙,則獻諸 也 〇與音 與笙,取爵于上篚; 不言飲而言薦 凡 「掌正樂縣之位,王宫縣,諸 立不盡 一整在 〇大夫本爲助主人樂賢來,時 擊 敬 軒 縣鍾磬,半爲堵,全爲肆。」 也。 上者 也。 縣, 東。 預。 面。 大夫而 即即 薦 北 去 以 如 古文 其 凡 是,則 門・ 面鼓之。 ○樂正本主人官屬 以 其 西· 北 南 1有薦。 舉爵 以 娲 西 特 坐 面 「縮」爲「蹙」。 於西階 獻大夫亦然 明 縣,方 階 飲 三作 判 謂 面 上。 樂 也 其 東 縣,又去 縮 賓鄉 東 作 既 既 上,統 飲之次 侯軒 宫 從 謂 也。 ··, 大 飲 獻 人之賢 主人拜 也。 ○《周 既後, 而 縣 於門 其 皆 古 L 又 夫 奠 雷 北 几 卿 文 飵 以 薦

有磬者,以, 枚在 自 反。 縣磬而已。 夫,半天子之卿大夫,西縣鍾,東縣磬, 面 南 特 從,子容反。 方。 簾,謂之堵; 縣,又去其西 方賓賢,俯從士禮也。 此鄉飲酒 席南上,升由下,降由上,由 主人、介,凡升席,自 鍾 面 本諸! , 特 堵, 磬 立. 侯卿大夫,合鍾磬俱 面 堵,謂 ○縮,所六反。 而 己。 之肆。 士亦半天子之士, 鍾磬編縣之,十 便。 諸侯之卿大 北 司 (有,而直 霤, Œ 方, 力又 既

> 以其 設薦 與 酒 ; 主人之屬,故不與 俎 贊,佐 〇與 者。 音 西 也 預。 面 謂 北 主人之屬 無 上 獻,至燕乃得酒 算 統 於堂 爵 佐 也。 然 助 後 主 與, 人禮 與。 也。 及 也。 事, 燕乃及之。 徹 不及,謂 鼏 沃 盥 不

六四

獻

記 禮樂儀 節、隆 殺 面 位、次序

者,北 若 階 東。 之俎 不祭。 上, 從實、介、遵者來者也。 舉 ,則將燕矣。 有 觶 一解,而 統 而 上,統於公。 藏於東方。 於尊也。」 諸公,則大夫於主人之北, 陔》作。 ,受者以 薦之。 不甚 薦 潔也。 諸其位。 〇士本爲觀禮來。 凡旅、不洗。 降,遂 0 樂 主人之贊 〇疏曰:「若無諸公, 命,命擊 正 既旅,士不入。 〇從,才用反。 命奏《陔》。 出 司正,主人之屬 授 鼓 父從者; 者。 者, 敬 徹 俎: 禮 賓 西 殺 出 主人之俎,以 送之。 也。 則 西 面 也。 至 賓出,至 後正禮 大夫 賓 階 面 北 不 無 介遵 〇從 南 其 上, 獻 洗 也。 其 節 面 西 因 于 不 也 者 既 西 其 面

旅

0 尊」,薈要本、

儀禮鄭氏註鄉射禮第五

濟陽張爾岐句讀

行此禮,故名「鄉射禮 鄉大夫大比,興賢能訖,而以 據註,此州長射禮,而云「鄉射」 於五禮屬嘉禮。 之『鄉』者,州,鄉之屬,鄉大夫或在焉,不改其禮。 鄭《目録》云:「州長春秋以禮會民而射於州序之禮 鄉管五州,鄉大夫或宅居 大戴十一,小戴及《别録》皆第五。」○ 也 鄉 州之内,來臨此射禮, 」者、《周禮》「五州爲鄉」, 射之禮五 物詢衆庶,亦 射禮 又 謂

鄉射之禮:

拜, 射 事。 戒,猶警也,語 乃請。主人,州 主人戒賓。 不言「拜辱」,此爲習民 也。 長也。 賓出 出迎,出門也。 迎,再拜。 以禮 鄉大夫若在焉 樂,不主爲賓己也。 請,告也,告賓以 則 主人答再 稱鄉大夫 不

> 臨此禮 也; 賓以 射宫,省録射事。 拜,賓答再拜。 則性行含容,三曰主皮,貫革也, 德之一也, 二曰容,即六行之孝也,容爲孝者,人有孝行. 禮初事。 儀節並不殊也。 射已,更旅酬坐燕,並如鄉飲,凡賓至之前、賓退之後,其 酒,如鄉飲酒之儀,及立司正,將旅酬,乃暫止不旅而射, 其君,亦用此禮 而 謀賓者,時 五物詢衆庶」、《周禮·鄉大夫職》文,五物者,一曰 周 以鄉射之禮,五物詢衆庶」。 禮 五曰興舞,比於樂節也。 州 ,則州長戒賓之時不自稱,而稱鄉大夫以戒之也 中 鄉老及鄉大夫,三年正月,「獻賢能之書於王,退 註云「鄉大夫若在則稱鄉大夫」者,謂鄉大夫來 處 不 士賢者爲之,若大夫來爲遵,則易以公士。 獻 射 此下言將射戒賓、陳設、速賓,凡三節,皆 賢 無介。 能, 而 主人退;賓送,再拜。 詢衆庶乎? 事 輕 雖先飲酒,主於射也,其序 也。 賓禮辭,許。 諸侯之鄉大夫,既貢士於 今郡 四日和容,行禮有容儀 案此射禮先與 國 行 此 禮 主人再 以 退,還 和,六 季 っ 春 飲 賓

之禮略。

右戒賓。

乃席賓,南面,東上。不言「於戶牖之間」者

當東 陳也。 殊别。 但 縣磬,西 於天子之卿大夫、士。 簾 磬者,半天子之士,無 北 翼 首在西。 禁,禁切 斯 上,西 衆賓之席,繼 此射於序,序 此 也。 磬 射 東西各 西西 禁,左玄酒,皆加勺。 謂之堵。 於序。 無 榮。 〇下 ○鄉飲 0 鍾 縣鍾; 面 面 地無足者也。 兩壺,酒 設洗於阼階東南,南北以堂深, 也。 肆; 篚 水在 鍾一堵、 無 此縣,謂磬 阼 酒,則 亦 鄉 0 士 室,無 階, 飲 士特 以 縣音玄。 特縣,分 而 與 洗東。 酒於庠, 貯 (玄酒。 東 西。 衆賓之席不屬。 磬 鍾。 觶。 户 縣 階。 卿大夫判縣者, 設尊者北面 也。 牖 唯東 取 堵, 言 0 篚,以 可 庠 〇深,申 乃 尊 整而 篚 縣於東方,辟 繼」者 言,約 有室, 鍾 謂之肆。 於賓 張 在洗 篚 磬, 肆。 린 貯爵輝,尊 侯,下 ,西曰左,尚之也。 在 編 · 鴆 反。 故言「於户牖之間 其 甫 諸侯之卿大夫、士 西, 席 席 其 州 席 分一 縣之,十六 欲習衆庶,未有所 天子之卿大夫判 長,諸 之東, 主人於阼 南,東肆。 處 綱不及地, 射位 南 肆 亦 縣 南東向陳之 肆。 當户 於兩廂, 侯之士,故 於 也。 兩 枚 洗 東西 榮,屋 牖 但 在 壺 肆, 耳 階 東 ; 斯 東 半 縣

下

堂上 也。 也。 至也。 五步。 之綱。 云「北十丈, 侯道五十步,步六尺,計三十丈。 乏居三 獲者於此容身,故謂之容, 乏去侯,北十丈,西三丈。 之節,則尺二寸。 舌,用布三丈接躬下,左右各出五尺也。 右舌,用布四丈接於躬上,左右各出一丈,爲舌,下舌半上 以爲躬,中之上下,横接 有中、有躬、有舌、有綱、 迹,尺二寸。 武,侯,謂 綱, 三分侯道而居旁之一,偏西者五步, 也 〇中,丁仲反。 並綱與舌向 ○侯向堂爲面,以西爲左。 維其綱於榦者,又謂之縜。 容,謂之乏,所以爲獲者御矢也。 所射 西三丈」。 侯象人,綱即其足也,是以取數焉。 布 也。 東 不繫左下綱 乏,參侯道 掩束之,待司 必於此者, 綱, 、有縜。 幅,各二丈,謂之躬。 〇乏狀類 持 矢力不及,故謂之乏。 舌 中,其身也,方一 繩 取可 中,中, 也。 上下各有綱、下綱去 射事未至,故且 居 馬 曲屏,以革爲之。 命 察 武, 張 侯黨之 掩束之。 之一,西 中否 其持舌之繩,謂 此設乏之節也 侯道五十 侯乃脱 迹 也。 丈。 唱 倍 0 Ŧi. 中 躬爲 束 不 黨,旁 步,此 步,故 侯 繋綱 繋 事 倍 人之 制 西 唱 達 未 地 左 左 中

右 陳設。

爲異。賓、及衆賓,遂從之。 財寶輕也。戒時玄端。今郡國行此鄉射禮,皮弁服,與禮 再拜,主人答再拜,退。賓送再拜。速,召也。 定,多佞反。主人朝服,乃速賓。賓朝服出迎, 童定。肉,謂之羹,定,猶熟也,謂狗熟可食。○

右速賓。

亮反。 厭。 衆賓皆入門,左,東面北上。 據立爲賓者尊,故於衆賓云「差卑」。 皆與鄉飲酒禮同。 合樂樂寶,主人獻工與笙,乃立司正以安賓察衆,凡十節 獻衆賓,一人舉觶爲旅酬之端,遵入主人獻遵自酢,工 賓之事:迎賓拜至,主人獻賓,賓酢主人,主人酬賓,主人 賓答再拜。相,主人家臣,擯贊傳命者。 少進,差在前也。 以,猶與也。先人,入門右,西面。 及門,主人一相,出迎于門外,再拜, 「衆賓。 此爲射而飲,其後即詳射事。 差卑,禮宜異。 今文皆曰 「揖衆賓」。 ○同是鄉人無爵者,唯 主人以賓揖,先 賓少進。 賓厭 主人以賓 〇此下言飲 衆賓, 引手曰 〇相,息 笙

階上,當楣北面答再拜。主人拜賓至此堂。衆賓亦行。」主人阼階上,當楣北面再拜,賓西賓客之道,進宜難也。○疏云:「言『皆行』者,賓主既行,升。三讓而主人先升者,是主人先讓於賓。不俱升者,三揖,皆行。及階,三讓。主人升一等,賓三揖,皆行。及階,三讓。主人升一等,賓

右迎賓拜至。

也。 答。 降。 降。 興 彼於「東」字句,此於 浣 下,盥洗。 對 言 主人坐取爵,興,適洗,南面 重以主人事煩賓也。 從主人也。主人作階前 主人坐取爵于上篚,以降。 賓進,東北 「東北面」,則位南於洗矣。 賓反位。 盤手又洗爵,飲潔敬 「進」字句。 反從降之位也。 面 辭 今文無「阼階」。 洗 主人坐奠爵 ○《鄉 必進者,方辭洗, 西 也。 面 《鄉飲酒 飲酒 坐 坐奠爵于 將獻賓 古文「盥 奠爵,興 賓對。 》此處註異 Ě 也。 于 宜 占皆 當西 違位 篚 對 辭 飵 賓 作

❶「飲」, 薈要本改作「致」, 是。

爲末。 升席 壹揖 絶 執 東,又於席西拜便,故升降由下。」乃 賓 席之前 遂 西 序 解 阼階上拜送爵,賓少退。 賓進受爵于席 矜莊之色。 節 祭 答 西 爵 階 東 折 階 面。 自 壹讓升。 拜,乃 上 〇註 賓降。 卻左手執本,右手絶末以 右 以 嘗 上 北 實俎也。 西方。 主 也。 祭 ○疑,魚乙反。 西 卻 北 面 人 脯 北 左手 降。 面 右 拜 主人辭 卒 賓升, 手 醢 前,復位。 拜。 面 洗; 賓升降由 執本」用《鄉 主人 洗 在下, 乃 獻 奠 降,將 主人 賓。 主人 壹 阼 西階 降。 爵 絶 主人坐取爵,實之,賓 揖 以 階 下 于 八少退。 進 更 也。 飲 阼 授, 復位,西 祭也。 上疑 薦 賓 東 於賓 盥 壹 薦 酒 階 對。 脯 也。 口嘗 疑 讓 文。 設 ○疏云: 西, 也。 立 上北 <u>\frac{1}{12}</u> 醢 肺 少 折 階 古文「壹」皆 以 之。 興 尚 離,上爲本,下 退 凡進 主人卒 上 俎。 賓 疑,止也,有 薦,進。 位。 左手 取 賓坐,左 以 面 猶 興 升 物 少 奠 肺 主人在 牲 加 主 辟 日 體 盤 爵 獻 于 坐 嚌 賓 人 也 賓 枝 作

> 奠爵 日 酒; 爵 西 俎 階上北 興。 ; 日 坐 捝,拭也。 「酒!」執 卒,盡。 拜告旨; 捝 手, 面 啐,當 坐卒爵,興; 主人阼階上 爵 執 降席 興。 爵, 也。 遂 席 古文「捝 主 西 祭 人 也。 一答拜 酒 坐 阼 旨, 作 奠 階 興 一説。 爵, 美 上 也。 席 答 遂 降席 一件 拜。 末 拜 坐 · 坐 主 執 賓 啐

右主 人 獻實。

洗,北 0 拜,興,降 也。 奠爵于篚 洗,自外來。 坐 賓 人之席前 也。 - 奠爵, 「如初 主人 賓以 降立 面 者, 辭 興, 坐 洗, 作階 虚 盤, 主人阼階之東,南 東 揖一 興 奠 進 爵 辭 東,西 南 爵于 如 也。 對。 降。 降。 讓 面 主 如 面 酢主人。 賓卒洗。 人之禮。 篚下,興, 主人反 將洗以酢主人。 獻賓時。 主 當 人 東 序。 對。 位。 酢,報。 主人拜 揖 賓 賓升,實爵, 面 盥 賓 讓 西 反位,從 辭 洗。 主人 坐 階 如 洗。 洗 主人阼 取 賓 前 初, 降 爵 北 降之位 賓 東 升。 面 階 主 答 坐 適 面 触

從

告旨; 主 北 爵 乃 階 相 西 上 充滿 階 人 設 ŀ. 拜。 面 興 坐 上 答 折 拜 也。 酒 奠爵 俎 送 答 賓 拜。 坐 己物 ○奠爵序端, 爵 再 少 奠 祭如 拜。 自 退 于 爵, 自 薦 序 由 序端,東 遂 賓 席 脯 端 也 主 擬 禮 拜 前 醢 人 獻 啐 阼 ,祭薦俎、及 進 衆賓用之。 適 酒 序 階 執 主人升席 受爵 於 頭 阼 爵 上 席 也 階 末, 再 興 崇, 上 酒 復 拜 由 亦 充 崇 賓 自 位 前 北 也 嚌 降, 西 酒 面 啐。 北 謝 賓 階 便 坐 方。 酒 也 卒 不 賓 上 西 黑

右 賓 酢 主 人

觶 賓 觶 阼 揖 主 洗。 人奠 階 讓 ; 西 興 升 E 主 階 觶 人坐 北 F 坐 賓不 賓 辭 面 北 奠 西 取 坐 降 觶 辭 面 階 奠 觶 答拜。 洗 解 遂 上 于 賓 拜 疑 篚 不 對 遂 辭洗 ; 立 拜 以 主 東 執 以以 降 觶 面 主 執 其將 坐祭,遂 興 立 人 觶 將 實鱓 自 們 興 賓 飲 主 賓。 西 酬 人 酬 飲 卒 賓 坐取 階 勸 洗。 之, 降 卒 酒 上

> 觶 于 酬 洗 人復親酌己。 前 北 禮 于 薦 面 北 殺 西。 賓降 答 也。 面 東,反位 拜。 賓 賓辭 辭 怬 主人 ~; 如 西 0 賓 主 階 坐 獻 阼 人 賓 上 酬 先 取 禮 階 西 酒 立。 自 觶 不舉 階 上 飲 以 以 拜 上 將 主人 所 興,反 送。 拜。 酌 以 己。 爲 實觶 勸 位。 賓 主人 升, 也 北 ,賓之席 賓辭 不拜洗 坐 主 面 奠觶 人 坐 奠 降 主

右主 人 酬 薦

榮,何 也。 坐 主 西 長,其老者。 西 西 祭,立 階 人揖 序。 南 壹 常數之有 上 拜,不 面 主 主人將與 升, 人 獻 飲 拜 揖 衆 言「三人」,則衆賓多矣。 備 坐 賓 乎? 衆 不 降 禮 取 也 賓 衆賓爲禮, 拜 衆賓、 爵 賓 既 主 獻 于 衆賓 降 爵 人 賓 畢, 序 之長 拜 賓謙,不敢 東 端 授 皆答壹 乃與 送。 面 主 降 升 八衆賓 V. 國以 人 拜 于 拜 洗 獨 拜。 爵 送 拜 受者 多德行道 西 居 爵 敬不 升 降 於 階 一拜,示 衆 實 復 能 主 賓 藝爲 爵 位 並 人

位。 於。 坐 既 亦升受,但不拜。 一祭,立 盡 ○堂下之位。 〇此堂上三人有席者。 0 飲。 降 復 賓 自 每 南 第四 主人以 東 面 以下。 位。 人 虚 衆賓 獻 衆 又不拜受爵 爵降 則 賓 辩 薦 皆 有 奠于篚 諸 脯 不 拜 醢 其 禮 彌 席 受 略。 薦 不復 於其 爵 諸 0

右 主人獻 衆 賓

用

拜。 席。 奠于薦西 于 興。 坐 上 拜; 觶 其 奠 北 西階上坐奠觶,拜; 若親受然。 所。 執 觶 舉觶 面 揖 解興。 于 人洗,舉觶 讓 將進 薦 者 舉 升 业祭, 觶 西。 奠鱓。 舉 賓答拜。 者 賓 不授,賤不敢 觶 降 厭 遂飲 于賓, 賓拜。 者 衆 西 \bigcirc 賓 卒 射後,賓將舉之爲旅 降洗; 階 執 一人,主人之吏。 升, 拜受觶。 也。 觶 觶 E 興。 拜 ; 衆 賓 升實之,西 興,坐 送。 賓 辭, 舉 賓席末 皆 賓 觶 坐 升, 奠 升 反 者 取 쏌 解 階 答 奠 實 進 就 故 以

右 人 舉 觶

大夫西 席 席。 别於賓。 右 上。 尊東,明與賓夾尊也。 主 夫人也。 《鄉飲酒》 今文「遵 士也,於旅乃人; 大夫者也。 如· 人辭 至。 介禮 Œ 升,不 拜 辭之者 也。 送。 二者也。 」爲「僎」。 降。 》於篇末略言遵者之禮 階上拜,進受爵 大夫答 夫若有遵者,則 初位,門内東 賓及衆賓皆降, 賓 謂之遵者,方以禮樂化民,欲其 ·拜洗。 謙不以己 大夫 重 大夫 鄉大夫士非 席。 主人降。 ○言「若有」者,或有或無,不定 拜。 辭 不言「東上」,統於尊 辭 0 主人實爵,席 面。 尊 洗,如 疏 加 主人以爵 加 云: 主人揖 席。 賢 迎大夫於門 鄉人,禮 反 復 人門 者 「公士爲賓,亦 賓禮 此 初 也。 位。 主 經乃 左。 位 亦然 讓 人 不去者,大夫再 降 前 著其詳,正 主人大夫之 對 内 也。 不敢 遵 謂此鄉之人爲 以 獻 席 主於鄉 也。 一, 法之也。 大 大 於 于 0 居堂 重。」乃 不 大 夫 尊 夫 遵 也。 去 出 人 夫。 東。 俟大 席 降 升 所 門, 耳。 加 其 西 按 云

拜

堂時已立西階下。 將升賓。 爵,拜。 主人爵于兩楹間 者,雖將酌自飲,尊大夫,不敢褻。 主人 主人 不 薦 于賓南。 再拜崇酒。大夫答拜。 西階上,坐奠爵,拜。 大夫降洗。 嚌 賓皆升 脯 (答拜。 肺,不 復阼階。 醢 ○奠爵楹 大夫答拜。 雖尊,不奪人之正禮。 大夫升席。 就 啐酒,不告旨 將酢主人也。 凡所不者,殺於賓也。 席 降 南,擬旅時獻士用之。 主人揖 復位。 辭 如 主人坐奠爵于 初,卒洗。 大夫答拜。 大夫若衆,則 設 讓,以賓升,大夫及 主人復阼階,揖降。 西 主人實爵,以酢于 折 揖讓升。 ○賓及衆賓自大夫升 俎。 階 大夫升席 上卒爵 大夫降,立 祭 主人盤 辯獻,長乃 西 如 坐祭,卒 大夫授 由 楹 賓 東方。 南, 拜。 禮 酢 盤

右遵入獻酢之禮。

立于其西。言「少東」者,明樂正西側階,不欲大東,辟席工于西階上,少東。樂正先升,北面

射位。 昔大王王季文王,始居岐山之陽,躬行以成王業,❶至三分 中,磬東立,西面。 坐。 瑟,瑟先。 略合樂者,《周 蘩》《采蘋》。 也 鄉 鼓者,瑟首在前 手 相,扶工也。 弦,右手相,入,升自 位」,恐非經 執」者,内有弦結,手人之淺 歸 飲酒,欲其異於燕,在鄉射,欲其異於大射,皆爲變於 相, 雎》《葛覃》《卷耳》,《召 笙人,立于 由 相者坐授瑟,乃降。 0 便)按《鄉 也。 意。 面, 南 相者皆 也。 飲 越,瑟下孔,所以 不歌,不笙,不間 前 》《 召南 或是欲 酒 也。 縣 鼓謂可 ○縣音 デ 中 射,席 鼓在前,變於君 》之風,鄉 左何瑟,面 其當賓席 玄。 西 鼓處,與 西 也。 I. 階,北 面。 亦 乃 ,志在射 相者降,立 發 樂也 瑟先, 賤 與 耳。 合樂: 南 堂下樂, 此 越 鄉 1)《鵲 同。 其 不 飲 也。 面,東上。 一鼓,執 Ι. 聲 酒 略於樂也。 可 者先就 此 執 一西方。 四 相 也。 \wedge 》不同 略 巢 註 越 周 從 其 越, 云「辟 前 内 也。 * 南 者, 事 IF. 弦 0 越 也。 采 也 \perp 内 不 君 縣 在 面 言 右 射

^{●「}躬」,原作「射」,據薈要本改。

堂上正 而歌之。 于兄弟, 興者 非堂上,故以堂上决之也。」 者,對後無算樂非正樂也。 燕、鄉射飲 天下,乃 樂畢 以御于家邦 宣《周 [矇禮略也。 工不興,告于樂正 酒。 也。 南》、召南》之化,本其德之初,刑于寡 此六篇,其風化之原也,是以合金石 降立西階 ,故謂之鄉樂,用之房中,以 樂正告于賓,乃降。 東,北 下 射 面。 雖 一; 曰 : 歌 ○ 疏云: 《騶虞》,亦是堂下, 正 歌備。」不 云正 樂正降者 及朝 妻, 絲竹 廷 樂 饗 至

右合樂樂賓。

洗。 有 爵 薦 瑟者,身在瑟右,向主人也。 卒洗,升實爵。 賓降,主 左瑟,辭主人授爵也。一人,無大師,則工之長者。 ",授主 脯 脯 尊之也。 醢。 醢,不祭,祭飲不興受爵, 主人取爵于上篚,獻工。 一人爵。 人 使人相祭。 辭 君賜大夫樂,又從之以其人,謂之大師 降。 工不興,左瑟,一人拜受爵。 衆工 大夫不降,尊也。 人,相者。工飲,不拜 不拜,受爵,祭飲。 主人作階上拜送爵。 坐祭坐 大師,則爲之 Ι. 飲 不 辭 不 洗。 〇左 洗。 辯 也 既

> 人爵。 送爵。 席。 醢,不祭。 而衆笙不洗者,母笙賤於衆工,正君賜之,猶不洗 遂 人拜于下,盡階,不升堂,受爵。 獻 亦揖讓以賓升,衆賓皆升 笙 于 衆笙不 階 前 西 主人以 階 坐祭立 拜,受爵,坐祭立飲 上 0 爵降,奠于篚; 不 飲,不拜 洗 者, 賤 也 既 爵; 衆 T. 反 而 升 主 辩 升 也。 不 人 有 授 洗 拜 就 主 笙 脯

右獻工與笙。

階; 懈倦失禮,立司 洗 或佐之史。」主人升就席。 人再拜。 不從降。作相 觶 者 由楹内,適 主人降 當 酌 以 司正答拜。 正以監之,察儀法也。 表 席,自 爲 其位 作階 司 顯 Ē 南 其 上, 方,禮殺,由 爵備 事 司 也。 北 司 正 樂畢, 面受命于主 Œ 楹 禮辭, 内, 詩 洗 將留 便。 云: 觶 楹 北 賓以事,爲 許諾。 升 既 側 〇受命 Ì. 降 自 之監 ; 西 主 有 賓

❶ 「衆」,薈要本改作「著」。

阼階上 酒》立 進,坐 階; 楹間 也 文「坐取觶」無「進」,又曰「坐奠之拜」。 奠觶,拜; 人之命。 受請安于賓之命。 面 表其位也。 爲已安也。 立于觶南。 未以次序 中庭,北 以 司 取 正 再拜,賓 相 賓禮辭,許。 解; 即 少立,自修正,慎其位也。 今文「揖」爲 拜。 執 行 相 旅 酬, 解興,洗,北 興,反坐,不祭,遂卒鱓; 面 立觶南,亦其故擯位。 相,謂贊主人及賓相拜之辭。 酬,今此 西階 坐奠鱓; 以 西階上 將 「升」。 上,北 射 司 禮主 也。 正告于主人,遂立于 答再拜,皆揖就席。 一於射, 興,退,少立,奠解 司 旅則 面 面 正實觶 坐奠于其所; 請 故 古文曰「少退立」。 禮 安于賓。 興,少退,北 終也。 且未旅,急在 未旅。旅,序 降自 ○《鄉 興,坐 主人 傳 西 今 飲 主 射

右立司正。

選弟子之中德行道藝之高者,以爲三耦,使俟事於此。○三耦俟于堂西,南面東上。司正既立,司射

能」,謙 擘,補革反。 乘矢於弓外,見鏃 所以遂弦者也。 射、司馬命設福取矢、凡九節、射之第 射,司射請射于賓、命弟子納射器、比三耦、司 自 對曰:「某不能。 斂衣也。 著右大擘指,以 次,隱蔽而已。 司 西階,階 堂西,袒決遂,取弓于階西, 命 三番,以 不 接」。 · 倚 旌、 釋獲; 此以下始言射 請 射。」司射,主人之吏也。 也。 〇袒,徒旱 樂 樂節射。 第二番,賓、主,大夫、衆賓耦射,釋獲,升飲, 方持弦矢曰 上北 正遷樂器、三耦取弓矢、司 二三子,謂衆賓已下。○爲,于僞反。 韝,古侯反。鏃,七木反。弣,芳甫反。 鈎弦。 袒,左免衣也。 其非射時,則謂之拾,拾,斂也 事。 面告于賓,曰:「弓矢既 此下至「乃復求矢加 反。 於 驸 挾。 射凡三番:第一 闓, 爲二三子許諾。」言「某 南, 挾 乘矢,四矢也。 體 音 巨指 協。 也。 決,猶闓也,以象骨爲之, 於堂西袒決遂者,主人無 鈎弦。」古文 遂, 乘, 兼 射韝也,以韋爲之, 番,三耦之射,獲 繩 一番也。 射誘射、 挾 于楅」、言三耦之 證 《大射》曰 乘矢,升 反 馬命張侯又 一,所以 挾 乃作三耦 司 闓 具,有 射 司 音 一皆作 蔽 開。 射 自 賓 適 第 不 挾 而

七四

賓,賓許。」 適阼階上,東北面告于主人,曰:「請射于

右司射請射。

器。 也。 古活反。 在其上。上,堂西廉。矢亦北括。〇倚,於綺反。 西序,矢在弓下,北括。 乃納射器,皆在堂西。 旌中籌福豐也。 矢在其下,北括。 弟子,賓黨之年少者也。納,内也。 司 射 主人之弓矢,在東序東。 降自 賓黨東面,主人之吏西面。 西階,階前西 賓與大夫之弓,倚于 衆弓倚于堂西,矢 面,命弟子納射 射器,弓矢決拾 亦倚于 〇幅 音 東序 括 福

右弟子納射器。

子,尊辭也。○比,毗志反。
也。古文曰:「某從於子。」○御,進也,侍也。進而侍射於命下射曰:「子與某子射。」比,選次其才相近者三耦之南,北面,命上射曰:「某御於子。」三耦之南,北面,命上射曰:「某御於子。」

右司射比三耦。

侯也。 活反。 爾,今射,司 遂繫左下綱。事至也。 由西方、坐取旌、倚于侯中、乃退 司正 獲者,亦弟子也,謂之「獲者」,以事名之。 司馬又命獲者:「倚旌于侯中。」爲當負 正無事 一爲司馬。 司 兼官,由便 馬 今文「説」皆作「税」。 命 張 侯。 也。 立司 弟子 Æ ○説,土 説 爲 束, 蒞 酒

右司馬命張侯倚旌。

堂。 也。 者,亦左何瑟,右手相也。 當辟射也。 面北上坐。笱,矢幹也。 人,降自西階,阼階下之東南、堂前三笴,西 不與工序也 ○ 等,古可反。 樂正適西方、命弟子贊工、遷樂于下。 贊, 佐 也。 樂正北面立于其南。 遷,徙也。 矢幹長三尺,三笴者,去堂九尺 今文無「南」。 弟子 相工,如 〇相工如初入 北面,鄉 初

右樂正遷樂。

司射猶挾乘矢,以命三耦:「各與其

弓。 由 先立于所設中之西 而 遂授矢。受於納矢而授之。 耦 與其耦讓取弓矢拾」,即司射之所以命三耦者。 耦 釋獲者其設之之處,南當楅,西當西序,此時尚未設中,云 所設中之西南」者,擬將來設中之處也。 挾一个。未違俟處也。 讓 司 皆 更,迭也。〇拾,其刼反,除「決拾」之外,皆同。 ?射之西,立于其西南,東面 有司,弟子納射器者 袒 取弓矢、拾。」猶,有故之辭。 決 遂。 有 司 [南,東 也。 左 搢, 執 凡納射器者,皆執以俟 \equiv 插也,插於帶右。 驸, 面 耦 皆執弓, 右 〇中,謂鹿 北上 拾,更 執 三耦皆進 弦, 也。 而 拾 俟。 中。 搢 而 司 ○「各 其 事。 射 \equiv 授 \equiv 以 劫

右三耦取弓矢俟射。

愚詳 此; 據註 經上文「先」 經文,似當仍作「先後」字爲妥。 及疏,言司 爲當誘 司 射東 射也。 」字,非一 射 面 本 立于三耦之北,搢 立于中之西 固東面矣,復言之者,明卻 「先後」之「先」,乃「舊先」之「先」。 南,今命 此復言之者,欲言其 耦 三而 已,復 時 還。 挾 還 0 立

揖; 也。 其志在於射也。 物,不及併足,右足初旋,已 則是立也。 俯 及物,揖; 射。左物,下射所履,故云「下物」也。〇豫音榭,出 南而東也。 室,物近北,故鉤楹北 夏后氏之學,亦非也。 災」之「榭」、《周禮 制 爲鄉學、《鄉飲酒義》曰「主人迎賓於庠門外」是 無室,可以深也。 由 將誘射, 立榭者,下鄉也。 正足; 楹 ,有堂有室也。 將乘矢; 及階,揖; 外, 故復 南面視侯之中,乃俯視併正其足。 物者,以丹若墨畫地作十字形,射者履之以 方,猶併也。 當左物,北面揖; 從 左足履 立 將,行 不去旌,以其不獲。 今言「豫」者,謂州學也, 周立四代之學於國,而 左物,下物也。 》作「序」。 處說起 升堂,揖 而東, 庠之堂有室, 物近南, ○射者升堂揖訖,東行向物。 也。 物,不方足、還、視 志在於射,左足至,右足還,併足 耳。 南 行 凡屋無室日 面視侯,乃俯正足而立,是 四矢,象有 揖 豫 今文「豫」爲「序」,序 鉤 進; 則 楹 鉤 又以 繞 誘射,誘 一榭,宜 讀如 事 當 楹 楹 於四 有 而 階 内 〇左 「成周 從榭。 也。 虞氏 東 方。 侯 故 也。 北 足履 庠之 之庠 中, 猶 由 豫 宣 註 執 則 面 序 教 楹 無 乃 州 榭

射 弓不 刑。」〇反位,所設中之西 之,以反 當自此適堂西釋弓、脱決拾也。 迴適堂西者,疏以爲教衆耦威儀之法故也。 改,更也。 降,出于其位南,適堂西,改取一个,挾 ○司射位 挾,右執弦,不挾,矢盡。 位 在所設中之西南,東面,今乃出其位 不 扑, 射而挾之,示有 所 以 南 撻 東 犯 面 教者、《書》云: 遂適 也。 事也。 南 階 面 西 揖, 今文曰「適 衆耦射畢,皆 取 扑 揖 扑 如 南, 作 升 搢 北 教 序

右司射誘射。

左還。 使也。 射還 執 前。」至此未有他 旌,深有志於中。 旌 當階 負 司 〇三耦在司射之西南,東面,今欲 司 馬 侯 射 E 北 命獲者執 而 耦 反 俟。 西西 事、當亦 面 〇上文命張侯、倚旌,疏云: 位 揖; 面作上 俟,待也。 E 旌 西 及階,揖。 耦 階 以 前命之也。 揖 一耦射。 負侯。 今文「俟」爲「立」。 進, 上 還,左還也。 欲令射者見侯與 西面 上射先升三 射 獲 在 者適 同 命 左 射 是西 故 侯 作 並 司 知 階

南,適 也。 東行。 南。 鄉射威儀 東 射者之後也。 間;右執簫,南揚弓,命去侯。 交于階前,相左,由堂下西階之東,北 射之南,還其後,降 弓; 不決遂,因不射,不備。 侯中,皆傚誘射之儀。 揖,及物,揖,皆左足履物,還,視侯中, 少左,下射升。上射揖。 等,下射從之,中等。 西 足而俟。 . 階, 鉤楹, 由上射之後, 西 面 獲者執旌許諾,聲不絶,以至于乏,坐, 圍下射者,明爲二人命去侯。 偃 〇升堂少左,辟下射升階也。 堂西, 省。 旌 ○當物,上射當右物,下射當左物。 簫,弓末也。《大射》曰:「左執弣。」揚 偃,猶仆也。 興 釋弓; 而 俟。 司馬 襲,反 自 聲不絕,不以宮商,不絕 ○仆音赴。 中, 適堂西,不 出 西 猶間 于司 階; 位, 並 司 皆當其物 也。 行 南 射 射之南,升 反 立 司 鉤 面,立 進 ·決遂 于 楹,以當由 並 由 馬 射升堂, 併 司 履物還 司 出 與 礼袒 北 也。 射 于 面 射 于 司 而已 之 之 下 自 視 馬 物 執 面 L 視 併

○並

行

既

降階

愐

並

行。

與

升

射

者

相左,交于

階

司 1 射 射 退 命 反反 \exists 位 _; __ 無 射 射 獲, 獲, 謂 矢中 無 人 獵 也。 獲 獵 矢 上 從 射 傍 揖 0

南 疏 射」,食亦反。 而 云:「相左之時,在西階之西,司 射射,拾發,以 東 行, 各以 乃射。 左 相 近 將乘矢。 上射既 故云 相 馬由 發,挾弓矢,而 左 后,後也,當從后。 北而 也。」〇「無 西行,司 射 射 之 后 0 由

四 上射發第一矢,復挾二矢,下射乃發 (矢畢。 獲者坐而獲,射者中,則大言 矢。 如 獲。 是更發,以 獲,得 也 至

射,講武、田之類,是以中

爲

獲也。

舉

旌

以宫,

偃

旌

獲。 以 商, 但大言 宮爲 君, 獲,未 商 釋 爲 臣, 其 算。 聲 和 0 律 釋 吕 算, 相 所 生。 以 識 獲 中 而 之多 未 寡 釋

敷 ? 獲,是一矢而再言獲,恐未是。 註上下文皆言「大言獲」,疏 卒射, 皆 執 弓, 不 乃以宫爲大言 挾, 或 南 聲漸 面 揖 殺,各 獲,商 揖 有 爲 如 所 小 升 合 言

射。 少右,從之,中等。 不挾,亦右執弦,如司射。 並 行, 上 上射 射 降 於左。 三等; 降下。 下 射

> 曰 : 前, 馬 堂西,南 去扑,倚于 之南 相 「三耦卒射。」去扑乃 揖。 面 適 東上。 0 西階 堂 相 西 左者,降 之西; 釋弓,説 三耦 者由 升堂 卒射,亦 升,不敢 西,升 決 北 拾 者 佩刑器即 如之。 由 面 東 襲 告于 也 而 尊 俟 司 由 者之

射

于

司

右三 耦 射。 側。

賓揖。

以揖然之。

間; 執弓; 洗, 降 所設福,謂 南 矢,以旌指教之。 執 左,升自西階; 自 ,命弟子設福 旌許諾,聲不絶,以 東 西南 西階, 司 肆。 由 射 所 面,揖 其 降 擬以設福之處。 東肆 遂 位 ' ', 搢 司 統 滴 南, 鉤楹 弓,命 馬出 扑,反 於尊。 堂 福,猶 進, 前 自 于左物之南,還其後 旌 取 ○疏云:「弟子設 幅也 與 位。 乃設 北 矢。 負 右 司 面 ,所以承笥齊矢者。 侯 物之後,立 射 司 楅 揖,推之也。 立于 而俟。俟弟子取 交于 馬 于中庭 適 所設 階 堂 福,司 前 西 南 福之 獲 于 馬 當 物 相 袒

七八

之。」司

馬

由

司

之也。

而乘之。

撫,拊之也。

堂乃袒。

○疏云:「若司射,不問堂上、堂下,有

事即

袒。」

退。

反 位。

司馬襲進,當福南 上既言襲矣,復言之者,嫌 弟子取矢,北 射之南,退, 就委矢,左右手撫,而四 面坐委于福,北括,乃 ,北面坐,左右撫矢 有事 釋弓于堂西, 即袒 也。 凡事,升 口四數分 襲 獲者,凡十三節。 爲釋獲之射、三耦射、 司

也。 ○拊 加 袒執弓,如 于楅 弟子自西方,應曰:「諾!」乃復求矢, ,者甫反。❶ 增故 初,升命曰:「取矢不索。」索,猶 日 數,所主反。 加。 曏獲者許諾,至此弟子曰 若矢不備,則司馬又 諾 」,事 盡

右取矢、委楅,第一番射事竟

同,互

一相明

耦; 于賓, 君子務焉。 賓許諾。 言「若」者,或射或否,在時欲耳。 可 適阼階上,告于主人,主人與 射 大夫,遵者也。 賓、主人、大夫,若皆與射,則 倚扑于階西,升,請射于賓, 告賓曰: 「主人御于子。」告主 射者,釋己之志 如 賓 遂告 初 爲

> 别也。 里。 爲 南,適堂西,繼三耦 衆耦,如三 大夫耦、及衆賓也。 搢 賓之在下者及群士來觀禮者也。 夫皆與士爲耦,謙也。 士爲耦,以 矢乘矢、司射視釋獲者數獲、設豐飲不勝者、獻獲者、 賓、主、大夫、衆賓耦射、釋獲、升飲之儀,射之第二番 射請射比耦、三耦取矢于楅、衆耦受弓矢序立、乃設 曰:「子與賓射。」○自此至「釋獲者少西辟 上,若有東面 扑,由司馬之南,適堂西,立比 西階上,北面作衆賓射。 大夫爲下射,而云「御于子」,尊大夫也。 耦。 耦告于大夫曰:「某御 衆賓將與射者,皆降,由司馬之 遂告于大夫,大夫雖衆,皆 命大夫之耦曰:「子與某子射。」其命 者, 賓主人射、大夫射、衆賓射 來觀禮,同爵 而 則 立,東 北 上。 禮,一命已下,齒 自相 作,使。 上。 言「若有」者,大夫 與耦,則嫌 衆 大夫 于子。」大 薦反位」,言 耦 司射降 士,謂· 司 之耦 衆耦 於鄉 自 獻 馬 與 衆• 釋 中 取

⁰ 者」,各本同,據《釋文》當作「芳」。

士來觀 射,乃降就其耦,俱升射也。 大夫,皆未降。 賓射者降,比之,耦乃徧 「若有東面者」,或賓多,南面列不盡 禮、 及衆賓,多 言「未降」者,見其志在射。 無 數 也。 司 射乃比衆耦,辯。 〇司 也。 馬 位 賓、主人、 在 司射之 〇三耦、 南。 與 衆 卒

右司射請射,比耦。

北面向 之東西。 矢。 位,東面 面 揖 西 耦 其袒決遂來。 个,兼諸弣, 進 南 拾 作之者,還當上耦,如作 上 取矢,皆袒決遂,執弓,進立 遂命三耦拾取矢,司 楅 當 射 , 亦 〇上耦發位東行時,一 必袒決遂者,明將有射事。 揖。 楅 揖 ○「遂命」者,承上比耦畢,遂命之也。 東 順 進 横弓者,南踣弓也。 北 羽,且 ,坐,横弓,卻手自弓下 西 面 相並 揖 ; 興,執 也。 射。 及 南一北並行,及至楅 福,揖。 上 射反位。 司 弦而 射 卻手由弓下取矢者 司射作上 射 東 反 左還,退反 面 當福 于司馬 位 下 反位 楅 耦 取 上耦 射 者, Œ 南 之 西 取 南 俟

个; 矢也。 爲便 亦便。 射。 是在左、今仍在北、是於右、取其反位、北上爲便也。 上射轉居右,便其 北面, 搢三矢而挾 皆少進,當楅南,皆左還,北面,搢 周則背君故也。 也。」註云「不言『毋周』」, 者,以左手 者,謂以右手 言「毋周」, 羽,既又當執弦也。 以左手在弓表,右手從裏取之,便也。 坐横弓,覆手自弓上取 也。 福南,鄉當福之位。 覆手由弓上取矢者,以左手在弓裹,右手從表取之, 楅 〇亦南踣弓,左手執弓,仰而向上,故右手覆 南,前者進時北 既拾 在阼非 向 順羽之時 外 皆左還 〇弣,芳甫反。 而 取乘矢,揖,皆左還; 一 矢。 君, 反位也。 西 順羽者,手放而下, 回。 周 一,西面 則 可 面揖之位也。 揖,皆左還,上射於右, ○拾取乘矢,更遞而取,各得 對《大射禮》而言,彼有君在阼 「東面揖」者,揖下 興,故云『且興』也。 也。 下射左還,少南行,乃西 並 行。 一个,興,其 0 路,蒲北反。下射進) 疏曰: 前者進 兼,并 今退至此,皆左 備不整理也。 「言「順 一時,上 矢於弣,當 射,使取矢 南 三,挾 言『左還 他如上 羽且 一射在 面 揖 搭 興 北 面 與 不 四 矢 順

八〇

進者 之矢,挾五个。弟子逆受於東面位之後。 取矢,亦如之。 誘射之矢授也 而 ○進者自南東行,反位者自北西行,故得相左。 [取之,以授有司于西方,而后反位。 相 相 揖 後者遂取誘射之矢,兼乘矢 ,退反位。 相左,皆由進者之北。 ○「以授」者,以 三耦拾 取誘射

右三耦拾取矢。

北上。 挾 矢於有司,故不拾取矢。案三耦初射時,亦云「各與 未射,無楅上矢也。 讓取弓矢拾」,則衆賓不拾取矢又不僅以未射也 一个,由堂西進,繼三耦之南 後乃射有拾取矢禮也。 衆賓未拾取矢,皆袒決遂,執弓,搢 大夫之耦爲上。未,猶不也。衆賓不拾者, 言此者,嫌衆賓三耦同倫,初 ○衆賓初射,當於堂西受弓 而立,東面 時 人其耦 有 \equiv 射

右衆賓受弓矢,序立。

射猶挾一个,去扑,與司馬交于階前,升,命去侯,獲者許諾。司馬降,釋弓反位。司司射作射如初,一耦揖升如初。司馬

實八算,擬後來者用之。 執所取算。○八算者,人四矢,一耦八矢,一矢則一算。 坐取中之八算,改實八算于中,興,執 釋。」貫,猶中也。 反。 興,共而俟。 中,形如伏獸,鑿其背以受八算。算,射籌也。 遂視之。視之,當教之。○疏云:「教之,謂教其釋算、 西面立于所設中之東,北面命釋獲者設 知之矣,猶挾之者,君子不必也。 矢,以掌射事,備尚未知,當教之也, ○貫,古亂反。 坐實八算于中,横委其 坐設中,南當福,西當西序,東面, 執算以從之。鹿中,謂射於榭也。 安置左右及數算告勝負之事。」釋獲者執鹿 請釋獲于賓。 司射遂進,由堂下,北面命曰:「不貫不 上 興還北面受算,反東面實之。 猶,有故之辭。 不中正,不釋算也。 一射揖, 司射 餘 賓許。 退 司射既誘射,恒執弓 于中西 今三耦卒射,衆足以 反 古文「貫」作 於庠、當兕中。 位 降,搢 興受算 〇共,九勇 中,一人 南末; 釋 釋獲者 獲者 扑 挾

98

右司 射作 射 請 釋 獲

取中之八算,改實八算于中,興, 其南爲右,其北爲左,中西則其後也。 餘算,則反委之。委餘算,禮尚異 |耦卒射 个,釋一算。 ○釋,猶舍也,以所執之算,坐而舍于地。 乃射。 若中, 上射於右,下射於 則 釋 獲 者 坐 〇中,丁仲反。 也。 而 委之,合於中 釋獲。 左。 執 中首東鄉 而 若有 又 每

右三耦釋獲而射。

位,升,及階揖,升堂揖 卒,南面 亦如之。 堂東袒决遂,執弓,搢三挾一个, 言序,亦爲庠榭互言也。 序西,主人序 下射。 賓主人大夫揖,皆由其階降, 揖,皆由 皆當其物,北 皆由 東,皆 其階,階下揖,升堂揖。 其 賓主人射,大夫止於堂西 、階、階. 釋弓, 面揖,及物揖,乃射。 ,皆就 上 説 揖,降階 席 決 拾, 賓於堂西 揖。 或言堂,或 揖。 襲, 主人 主人 反 賓

賓、主人射

射,揖 席。 揖進,耦少退,揖如三耦,及階,耦先升, 弓于堂西, 西,出于司射之西,就其耦。 事,得 耦於庭下不並行,尊大夫也。 大夫袒決遂,執弓,搢 三挾 一个,由 如升射; 申。 襲; 耦先降 耦 遂 止于 降 階,耦 堂 在堂如上射之儀,近 西,大夫升 大夫爲 少退; 下射。 皆 就 釋 卒

右大夫與耦射。

其

上耦。 不升堂,告于賓曰 射,釋獲者遂以 則司射擯升降」,是雖不作,猶爲擯相之,但不請也。」卒 三耦卒射,司射請于公與賓。 者,釋獲者於是有事,宜終之也。 坐委餘獲于中西; 衆賓繼射,釋獲皆如初。 於是言「唯上耦」者,嫌賓主人射亦作之。 所 : 執 興,共而 「左右卒射。」 餘獲,升 ○疏云: 餘獲,餘 俟。 自 「記云」賓主人射 司射所作,唯 西 算 司射不告 也。 降,反 階 盡 無餘 大射 卒射 位

則空手耳。 俟,俟數也

右 衆賓繼射,釋獲告卒射。

位。 慎氏貢楛矢,銘其括。」今文「上」作「尚」。 矢,不可以殊於賓也。 於握上,則兼取之,順羽便也。 以茅,上握焉。兼束大夫矢,優之,是以不拾也。束 乘矢如 弟子委矢,如初。 司馬袒決執弓,升命取矢,如 以旌負 侯, 言大夫之矢,則矢有題識 如 初。 大夫之矢,則兼束之 握,謂中央也。 司 馬 降,釋 〇楛 初。 音户。 不東主人 也。 弓,反 獲者 司 肅

右司 馬命取矢、乘矢。 馬

初

手; 算爲純,純 矣,復言之者,爲其少南就右獲。 由 中東,立于 釋獲者東面于中 十純,則縮 司 射遂適 ,猶全也。 中 西 而委之,縮、從也。 南 階 耦陰陽。 北面 西,釋弓,去扑,襲; ·西坐 「視算。 〇右獲,上射之獲。 ,先數右獲; 純以取,實于左 釋弓去扑 於數者,東西爲 古 ,射事 東面 進

勝,則 鈞。」降復位 也。假如右勝,告曰:「右賢於左,若于純,若于奇。」若 者,亦曰奇。 多之算。若右勝,則曰:「右賢於左。」若左 獲,勝黨之算也。 執以升,自 謂所縮所横。 異之,是其變也。 至十純則委之,於左獲,則自左手而委於地,數至十純 十則異之,變於右。 面鄉之。 自前適左,東面; 奇,奇則又縮諸純下。 餘純,則橫於下,又異之也。 從。 左右鈞,則左右皆執 古文「縮」皆爲「蹙」。 曰"「左賢於右。」以純 坐,兼斂算,實于左手, 西 司射復位。 ,坐,兼斂算,實八算于中,委其 賢,猶勝也。 齊之而取其餘。 階,盡階,不升堂,告于賓。 其從横之法則同。 〇於右獲,則自地而實於左手,數 起,由中東,就左獲,少北於故,東 每委,異之; 一算以告, 奇,猶虧也。 釋獲者遂進 言「賢」者,射之以中爲 ○賢猶多也,賢獲,所 自近爲下。 數告; 其 餘 又從之。 曰:「左右 易校數。 如右 取賢獲, 純 若有 以 算爲 獲。 奇 賢 有 焦 則

餘于中西,興,共而俟。○斂算或實或委,爲後射

右數獲。

豫設

也

執弣。 不能用之也。 襲,説決拾,卻左手,右加弛弓于其上,遂以 執張弓,言能用之也。 爵,略之也。 勝者之弟子,其少者也。 升酌 司 遂袒執弓,挾一个,搢扑,北面于三耦之南 設于西楹之西,乃降。 豐,所以承其爵也。 射先反位。 [`南面坐奠于豐上,降,袒執弓,反位。 耦及衆賓。 司 耦及衆 固襲説決拾矣,復言之者,起勝者也。 射 執弓反射位,不俟其黨,已酌,有事。 適堂西,命弟子設豐。 兩 手執弣,又不得 射 居 豐形蓋似豆而卑。 者,皆 前,俟所命來。 勝者,皆袒決遂,執張弓, 右手執弦,如卒射。 耦不酌,下 與其 勝者之弟子,洗 執弦。 耦 ○所命, 無能 進 弟子奉 將飲不勝者,設 〇弛,尸 也。 立于射位 不勝者,皆 謂三耦、衆 執弛弓,言 酌 者不授 豐 司射 紙 升 觶 反

射。 尊也。 執爵 也。 夫飲,則耦 者,不宜自尊别。 三耦卒飲。 奠于豐上。 而升自西階,立于序端。 于司馬之南,遂適堂西,釋弓,襲 不由次。 右手執觶,左手執弓。不勝者先降,後升先降,略 豐下,與,揖。立卒觶,不祭不拜,受罰爵,不備禮 取豐上之觶,興,少退,立卒觶,進,坐奠于 面於西階,授者在東,飲者在西。」不勝者進 如 北 行升射。 Ļ 少右,辟飲者也,亦相飲之位。○疏云:「相飲者皆北 有執爵者。主人使贊者代弟子酌也。 者取觶 受鱓,以 司射作升飲者, 與升飲者相左,交于階前, 及階,勝者先升堂,少右 不升;以賓主人飲,耦在 降 升飲者如 賓主人大夫不勝,則 卒觶,授執爵者,反就席。 適 洗,升實之,以授 西 階上,北 執 初。 爵者坐取 如 作 每者輙酌,以至於徧 射。 面 立飲; 于 觶 而俟。 嫌其升 相揖 席 不 實之,反 於既 先升, 耦 北 執弓。 前 受罰爵 進 升 面 俟復 尊 也 出 华 優

八四

觶 以孤,無 大夫之耦不 徹 能 猶除 對。 也。 勝 衆 則 設豐者反豐於堂西 賓 繼 亦 飲 執 射 弛 爵 弓,特 者 ,執爵者反觶 辩 升 乃 飲 徹 尊 於篚 豐 者 與 可

右飲不勝者。

折 籩在東,豆 爲功,是以 獲者負侯, 祭侯,三處也。 鄉人獲者賤,明其主以侯爲功, 執其薦 負侯,負侯中 左个之西北三步,東面 再拜受爵」。 爲右个,以 俎 西 面 司 云「西面錯 一錯,以 俎與 與 馬 、獻焉。 在 俎從之, 洗 西,俎 北 也。 ○「負侯 南 北 薦 0 面爲正也。 爵,升實之,以降, 爲上,爲受爵于侯,薦之於位。 人,謂 面 皆三祭,脯之半脡、俎 拜 ,皆三祭。 者,據設人而言。 當其北也。 拜受爵。 送 北面拜受爵」是「受爵於侯」,下云 一爵 適右个,設薦俎 主人贊者,上設 設 不同 (薦)是 〇个音幹。 面 言使設,新之。 得 皆三 者,辟 司 「薦之於位」。 獻 馬 獲者執爵,使人 祭 也。 獻 獲 萬俎 正 西 之離肺,皆三 ,爲其 主 薦 者 獲者 面 者 也。 將祭侯 脯 南 拜 獲者,以 0 也。 經言「東 于侯。 醢 古 送 面 其 侯 文 設 設 東方 爲 坐, 也 也 設 侯 日 薦

> 之也。 个; 酒; 也。言「辟之」者,不使當位,辟 受爵,奠于 享侯之餘也。 負 俎從之,辟設于乏南 獲者薦右東面立飲,不拜既爵。 若神在中也。 左 侯 執 中,亦如之。 爲侯祭也。 而俟。 爵 凡他薦俎,皆當其位之前。 祭脯 篚 立飲薦右,近司馬,於是司 左个之西 ○俟後復射 亦二手祭酒,反注,如大射。 醢 復 先祭左个,後中者,以外即之至中, 位 執 爵 也 北 遷設薦 獲 興 三步,東 舉 者 旌 0 取 執 偃 辟 俎 肺 旌 就 其 扶 馬 也。 乏,明己所得 不就乏者 薦 面 坐 益 北 反。 設于 画。 設 興,適 使 薦 南,右 獲 遂 司 ,明其 俎 執 馬 禮

右司馬獻獲者。

中。 襲; 爵 其位,少南。 釋獲者薦 適洗,洗爵 釋獲者就其薦 司 射 滴 階 薦 右 西, 脯 東 升實之,以降,獻 醢 面 釋 拜受爵 折俎,有祭。 坐 弓矢,去 左執 司 爵 扑 射 不當其 祭 釋 出 説 脯 獲者于 面 決 (位,辟 醢 拜 送

興,取 獲者少西辟薦,反位。 面 立 飲,不 肺 ~·, 坐 拜 一祭,遂 既 爵 祭 司 酒 射受爵 辟 薦少西之者,爲復射 興,司 , 奠于篚。 射之 西 釋 北 妨

右司射獻釋獲者,第二番射事竟。司射視算也,亦辟俎。

及衆賓 矢授 賓 第三番 南 射作上射升射請 司射又請 事畢反位。 適 如如 ,又命取矢乘矢,又視算數獲,又設豐飲不勝者,又拾取 就 个, 搢扑,以 有司 馬之西 位。」 司 也。 也 堂 初。 射 射 乃説侯綱 西 自 既 命耦,三耦、賓、主人、大夫、衆賓皆拾取 適 位 南 司 賓許。 此下至「退中 命 , 射 堂 射去 之,即 東 命三 以樂爲節,三耦、賓、主人、大夫、衆 一西,袒 不面位 位 反 退 也。 位。 耦 扑, 反位,不 也。 旌 司 不言「射」者,以 及衆 退福、 與算而俟」,言以樂節射之儀。 射降, 搢 爲將復射。 決遂,取 倚 司 - 俟之也 于 射 賓: 退中與算,共九節 階 先反位。 西, 扑, 弓 ○司射獻釋獲者 皆 曏不言先三 當序 于 升 衵 由 階 言 取 決 百 請 西 先三 矢。 遂 馬 射 矢,司 賓卒 耦 執 之 于 挾 耦 0 之

> 堂下凡三位: 時射位始定,故註云「未有拾取矢位,無 未有 初射之位; 立 弓,各以其耦,進,反于射位。 〇先,悉薦反,下同。 以」爲「與」。 司 射之南,三 拾取矢位,無所 司 馬西 堂西 耦 拾取 [南東 南 先。 面,比 三耦及衆賓 矢,移位於 面,則 耦之位; 初,三 拾取矢以後至終射之位 司 耦 馬之西 司 在 皆 射 所先 以, 司 西 射 猶 袒 南 南 西 也。 與 決 南,及 東面,三 是 也 遂 又 拾• 今文 射 取・ 司 也 執 耦 者 矢•

右司射又請射,命耦反射位。

揖行也。 位。 及 塗 也。 西 堂 反位。 也。 耦 階 西 搢 三 卒, 皆袒 揖 賓主人大夫降 主人西 司 射 ,升堂揖 賓堂 挾 北 及福 作 一之處 面 一決遂 面 拾 西 揖 搢 賓 拾 取 同 三挾 東 執弓 就 主人堂東, 也 矢。 面,相揖拾 取 席 . 揖 ,皆進 揖 一个,亦 矢 如 退。 將袒 如 初。 耦 取 階 拾 皆 ,先言主人; 於三耦爲之位。 皆已揖 矢。 耦 前 主人 取 釋弓矢, 揖 不 矢 左還,各 北 及福 堂 南 如 面 面 揖 將襲,先 東 初 當 相 由 0 由 楅 俟 賓 反 其 與 便 東 而

八六

席。 反位 所以相接也。 耦 如 袒決遂於堂 言賓, 北 兼取乘矢者,尊大夫,不敢與之拾也。 矢束,説矢束者,下 揖 面 大夫不序於下,尊 進,坐 耦。 搢三 大夫遂 也 西 耦 挾一个,亦於三耦爲之位。 兼 大夫進坐,亦兼 東 就其耦於射位,與之拾取矢。 大 取 面 夫 適 乘 耦,以 ,大夫西 袒 序 也。 矢,順 決 西, 將 遂, 衆 拾 釋弓 賓繼 羽 取。 面。 執 取 而 弓, 興反 乘矢,如 相下 矢, 拾取矢, 興,反位 大夫進,坐 就 相尊,君子之 襲 位。 揖退。 揖皆 其 其 耦 升 皆 揖。 而 耦 進 后 説 如 耦 即 降

 耦

,以反位

命 耦 進一,終始 去侯。 揖 升 司 射 如 互 猶 初。 相 獲 挾 明 者 也。 進 許 前 个以進,●作 今文 諾 也。 (或言 曏言「還當上 司 馬 作 降, 升 E 射 射 釋 耦 如 弓 西 司 面, 初 反 馬 是言 位 升,

> 前也。 他賓客、 騶虞」之言,樂得賢者衆多,歎思至仁之人,以充其官。 曰: 還鄉大師也。 先以聽也。 五終,所以將八矢。一 鼓不釋。」不與鼓節相應,不釋算也。 字音洛。 也。 正,曰:「 樂于賓。 云 天子之射節也, 命大師,曰:「 司 射 「《騶虞》者,樂官備也。」其詩有「一發五豝、五豵,于 「云『間若 樂正亦許諾,猶北面 與司 不就樂正命之者,傳尊者之命於賤者, 鄉大夫則 司 請以樂樂于賓,賓許。」 E 射 馬 賓許諾 《騶虞》,《國風·召南》之詩 射 而用之者,方有樂賢之志,取 者 交于階前, 遂 歌《采 奏《騶虞》,間若一。」東面 揖。 重 適 節」者,謂 節之間,當拾發,四 階間 蘋》。 司 不還,以賓在堂。 司 射 射降,搢 堂下 去扑, Ŧi. 退反 間若 節 之間 北 一」者, 位 襲; 鄉射之鼓五節,歌 扑 面 長 節 東面,於西階 篇也。 命 四拾 短 ○「樂樂」,下 樂 東 升 重 其 遥號命之可 曰 : 希 節 宜 正 面 請 其 數 也 東 以 射 命 示 皆 0 義 面 樂 樂 節 之 如 疏 其 此 嗟 進

^{●「}射」,原作「正」,據文淵閣本改。

则 则 是重樂節也。」大師不興,許諾。 樂正 退 反

位。

右司射請以樂節射。

卒射,如初。卒,已也。今文曰「告于賓」。 降。皆應鼓與歌之節,乃釋算。降者,衆賓。 人、大夫,卒射皆升堂。 人、大夫、衆賓,繼射。 乃奏 《騶虞》以射。三耦卒射。 釋獲者執餘獲,升告左右 釋獲如初。 ○賓、主 卒射, 賓主

右三耦、賓、主人、大夫、衆賓以樂射。

釋弓反位。弟子委矢,司馬乘之,皆如初。 司馬升,命取矢。獲者許諾。 司馬降,

右樂射取矢、數矢。

視數 也 司射釋弓 釋獲者以賢獲與鈞,告,如初; 視算,如初。 算,獲算也。 今文曰 降

右樂射視算、告獲。

復位

디 射 命 設 豐。 設豐 一實輝, 如 初。 遂命

> 勝者執張弓,不勝者執弛弓,升飲,如 初。

右樂射飲不勝者。

射也。 夫。 執者,矢順并於弦而持之。 之前,主人以賓揖升。 升就席。 疏以爲一矢并於弦,三矢并於弣。 射也。不以反射位,授有司者,射禮畢。 遂,拾取矢,如初,矢不挾,兼諸弦弣以退, 反位。三耦、及賓主人大夫衆賓,皆袒決 持弦矢曰執。 諸弦,面鏃; 不反位,遂授有司于堂西。 三耦及弟子,自若留下。 司射猶袒決遂,左執弓,右執一个,兼 〇方持弦矢曰挾者,矢横弦上而持之, 側持弦矢曰 謂賓大夫及衆賓也。 面,猶尚也。 適堂西,以命拾 大夫及衆賓從升,立時,少退 尚其鏃者,鏃向上也。 并矢於弦,尚其鏃,將止,變於 ○衆賓,謂堂上三賓 相俟堂西,進立于西階 辯拾取矢,揖,皆 不挾,亦皆執之如司 取矢,如 ○「兼諸弦弣」 初。 司 一于大 射 側

右拾取矢授有司

司 射 乃 適堂 西,釋弓,去扑, 説決拾

執也。 而俟。 之,説,解也。 退,命弟子 不復射也。 襲 反 獲者、釋獲者,亦 位 諸所退,皆俟堂西 司 〇司 退 釋之,不復射,奄束之。 馬 楅 射 命 扑 弟 在 退其薦 司 階 子 射 備 西,今於堂西 復射 説 命 俎。 釋獲 侯之左下 也 0 註 旌言「以」者, 者退 命獲 [釋弓,亦去 云 備 中 者 綱 復 與 射 以 而 扑 旌恒 算 者 旌 釋 以

右退 諸射器 , 射 事竟

當

監

旅

觶,進西南面,立曏所酬。

主

人

揖

了就席。

若無

大

席,立于主人之西,

如賓酬

主人之禮。

其既

雷

旅酬後容欲燕射也

後將有 東南北 東北面 遷樂也 弟子相下 階 南者,司正北 上 送賓,以 北 無算 面,今當命弟子,又復來此也。 」,樂正告樂備後降立之位。 此下言射 司 降時 Ι, 馬 面 樂也 至明 反 面監衆之位。 栖 如初人。 如其降也,升自西 爲 日拜賜、息司 主 訖 賓北 司 飲酒之事: IE. 樂正反自西階東,北面。 一, 退 面 主 樂正命弟子贊工 正諸 坐 人 復 旅酬、二人舉 降席, 取 議、並同 觶 遷樂于下,則立 俎 南 階,反坐。 遷工反位,爲 西 而 立 鄉飲 之 立 觶 于 觶 酒・禮・ 賓 徹 即位 興 贊工, 西階 俎 旅酬 東。 阼 阼 階 觶 坐

就席。 人之西,北 賓 **觶于賓,賓奠于薦西** 者,酬而 祭,卒觶,不拜,不洗; 賓 少退。 坐 奠 禮殺 主人以 觶 少退,少 也。 面 拜 拜 賓立飲。 ; 解 逡遁 者 送。 執 適 也。 觶 也。 西 旅酬 興。 〇俎西之鱓,將 階 主人阼階 實之,進東 主人進受觶。 H 而 主 同 酬 階, 人 大夫; 禮殺 答 上北 南 拜。 射前,一 也。 面 大夫 面 賓主 賓不 賓 人舉 所不 拜。 降 揖

《春秋傳》曰: 席。 飲酒 也。 也。 受酬者曰:「某酬某子。」某者,字也。 ○註 夫, 稱酬者之字,受酬者曰某子,旅 則長受酬,亦如之。 始升相 「衆賓」,謂堂上三賓。 飲酒言「某子受酬」, 司 正 立. 退 「字不若子。」此言「某酬某子」者,射禮略於 階西北面 立于 ,西序端 以飲酒 司 衆受酬 Œ 長,謂以長幼之次酬衆 東 升自 爲 面 酬下爲上,尊 者 主。 西階 退 拜興飲, 受酬 立,俟 某子者,氏 相 旅 後酬 者 之也 作 作 賓 降

○疏云: 祵 人之贊者 如 賓 于 西 酬 引 階 西 主人之禮。 上 面 鄉鄉 北 飲 上,不 在下, 酒記》者 · 與 ; 調實 辩, 欲 無算爵 《黨也。 遂 見 栅 主 黨· 不· 然後與。」此 鄉鄉 在 下 飲 與 者, 酒記 一酬 之義。」卒 皆升 》曰:「主 異於 賓。 受

右 旅 酬 受者以

解降, 奠于篚

拜。 興。 坐 舉 授。 觶 賓 祭,遂飲,卒觶,興; 升實之,西階上北 二人,主人之贊者。 反 與大夫皆答拜。 觶 皆立于西階上,北 賓與大夫辭,坐受鱓以 賓與 者退 舉觶 司 奠于其 正 者皆進,坐奠于 大大夫 降 反位,皆拜送 復 所 位,使二人舉 皆席 ○以起無算爵。 興。 面、皆坐奠觶 末答 舉 坐奠 不舉 解者 面 乃 者, 拜。 東 輝, 薦 興。 舉觶 觶 逆降,洗; 降。 上。 盛 右 拜; 于 舉 禮 辭 已崇。 拜; 者皆 賓與 ,辭其坐 觶者 賓 坐奠之,不 賓與大夫 執 與 觶 洗 大 古 升 大 皆 執 奠鱓。 夫。 興。 觶 文 夫 實 坐 觶

降

東

正

南

夫 反 坐。 則 唯 ○退反位 賓。 長 反 人舉 西 階 觶 上 如 北 燕 面 飲 禮 酬 之位 媵 爵」之爲 若 無 大

右司 正 使二人舉

耳。 古者與 許。 子,賓黨也。 順 也。 以 席自 面 以 西 面 反命 司正升立于序端。 降 賓意也。 俎。 司正 0 階 司 人飲 至 俟弟子升受俎。 南方,作階 一此,盛禮已成,酒清肴乾,强有力者猶 上 正 司 自 食,必歸其盛者 于 俎者,肴之貴者也。 正 降 升 北 俎者,主人贊者設之,今賓辭之,使 西 主 以 上言「請 自西階 自 面 階。 人。 俎 請 西 出 階, 作階 坐 上 坐于賓」,此言「主人曰」,互相 賓從之降,遂立于階 階前 ,授從者。 主人曰 于 賓取 北 ,所以厚禮之。 賓。 面 賓降席,北面 辭之者,不敢 俎 命弟子 上受命于 請 : ,還授司 大夫降席, 坐,欲 「請 授賓家從 俟徹 主人 與 徹 以 賓 倦焉。 燕坐 IE. 俎 主 (燕,盡 來者 取 俎 其 人; 主 席 黨 西, 褻 俎 也 司 賓 賓 東 貴 俟 殷

徹

肴。

辭

勤

適

九〇

授從 南 取 人 還 ,明取俎各自鄉其席。 俎 降自阼階,西面 授弟子。 ,少退,北上。從降,亦爲將燕 者。 還 授弟子。 大夫從之,降立于賓 弟子受俎 立。以東,授主人侍者。 弟子以 衆賓皆降,立于大夫之 ,降自西 降,自 階 南。 西 以 階,遂 凡言「還 東 大夫 出 主

右請坐燕,因徹俎。

算爵。 者,狗 觶 主人行敵禮,故皆説屨堂下也。」乃羞。 説屨階下,公不見説屨之文,明公舄在堂。 尊者說屨在户内,其餘説屨於户外,尊卑在堂,則 在堂也。 賓 人說屨在堂,其餘説堂下。 飲 皆説屨,升,坐。 載醢 ,卒觶不拜。 主人以 使二人舉 説屨則摳衣,爲其被地。 也。 燕設啗具,所以案酒。 賓揖讓 輝。 二人,謂曏者二人也。 ,説屨,乃升。 説屨者,將坐,空屨褻賤 賓 是以《燕禮》、《大射》,臣 與大夫不 ○疏云: ○陷,徒覽 羞,進也。 此《鄉飲酒 「尊卑在 大夫及衆 興,取 使之升立于 反。 亦 室,則 不宜 尊者 所 》資 奠 無 進 皆

嫌有拜。 復位。 贊者。 之勸人耳,非逮下之惠也,亦自以齒與於旅也。 酬,猶不拜。 將旅酬,不以己尊於人也。 則多者無所酬,自與其黨迭飲也。 與衆賓等,則得交相酬。 其或多者,迭飲於坐而已。 之者,嫌坐卒爵者拜既爵,此 西 之,言「酬者不拜」者,嫌酬堂下,異位,當拜也。 者,大夫之末,飲而酬賓黨,亦錯焉。 旅在下者,于西階 者,實主人之觶,以之次賓也。 夫之觶,長受,長,衆賓長。 執 「受酬者不拜」。 階 解者受解,遂實之。 上,賓與大夫,將旅,當 若皆大夫,則先酬賓黨而已。 長受酬, 執 觶 辯旅、皆不拜。 者皆與 受酬者不拜受。 子 者 Ŀ 或大夫多於實,或賓多於大夫 旅。 不 皆不拜受,禮又殺也。○大夫 其末若皆衆賓,則 執解 拜,乃 衆賓之末,飲而酬主人之贊 賓鱓,以之主人,大 實賓長之觶,以之次大夫。 坐 嫌已飲,不 也。 主人之贊者,於此 于 辯,卒受者興,以 而錯,皆不拜。 席, 卒觶 不使執觶者酌, 執觶者酌在上辯,降 飲 禮殺,雖受尊 禮 卒觶, 者 既殺,不復 復飲 固不拜矣,著 先酬主人之 卒受者 古文曰 始 者之 以 崇。 實 使

于賓與 以 復奠于賓、大夫者,當復相酬· 之意也。 爵」,實鱓,觶爲之。 虚 觶 八大夫。 今文無「執 降 奠于篚。 復奠之者,燕以飲酒爲歡,醉乃止,主人 觶」、及賓「觶」大夫之「觶」,皆 〇旅於西階上,故卒受者降奠 執 以 觶 徧,所謂 者洗 升實解 「無算爵」也 反 觶。 奠 無 爲

· 右坐燕,無算爵、無算樂,射後飲酒禮 算樂。合鄉樂,無次數

賓田, 樂 正命奏《陔》。《陔》、《陔夏》,其詩 資則, 樂 正命奏《陔夏》。《陔夏》者, 天子、諸 亡。《周禮》:「賓醉而出,奏《陔夏》。』《陔夏》者, 天子、諸 資興, 樂 正命奏《陔》。《陔》、《陔夏》,其詩

右賓出,送賓。

門外,乃退。不見,不褻禮也。拜辱,謝其自屈辱。惠也。主人不見,如賓服。遂從之,拜辱于明日,賓朝服以拜賜于門外。拜賜,謝恩

右明日拜賜。

呼。 也。 勞倦 也。 有。 生,鄉大夫致仕者也。 古文「與」作「豫」。 使擯者而已,不立之。 升坐矣。 坐奠觶于其所,擯者遂受命于主人,請坐于賓,賓降 主人,主人不崇酒,不 升,不拜至,不拜洗。 貶於飲酒 一人舉觶,遂無算爵。 召 》之詩,在所 使人速。速,召賓。 也。《月令》曰:「勞農以休息之。」無 息,猶勞也。勞司正,謂賓之,與之飲酒,以其 以 用時見物。 主人釋服 告于鄉 不言「遂請坐」者,請坐主于無算爵。 也。此已下皆記禮之異者。 好 鄉 先 ,乃息司正。 徵唯所欲。 樂 生君子可 君子,有大德行不仕者。 賓不 唯 欲。 拜衆 薦 迎于門外,不拜。入 言「遂」者,明其間闕 與。 脯 不歌《雅》《頌 也。 釋服,説朝服,服玄端 賓。 昨日 徵 醢 無 不 召 告,請 也。 至尊 既 介。 殺。 俎 不可 獻 無 》,取 謂 也。 羞 勞 衆賓 無 司 也。 作日 所 賓 唯 褻也 禮 . 説 俎 鄉 欲 《周 正 所 酢 賓 先 請 屨 故 尤

九

九二

右息司 正

記:

夫也。 公士,在官之士。 大夫與,則公士爲賓。 鄉賓主用 處 不敢 士。 使鄉人加尊於大 使 能,不宿

其性,狗 也。 狗取擇人。 亨于堂東北。 《鄉 戒。

能者敏於事,不待宿戒而習之。

飲酒 義》曰: 「祖陽氣之所發也。」

尊, 綌幂。 賓至, 徹之。 以綌爲幂, 取其堅

潔。

夫多,尊東不受,則於尊西,賓近於西 席、北上。衆賓統於賓。 今乃有西序東面之席,豈三人非定法歟? 蒲筵,緇 要之爲地狹不容者擬設耳。 布 純。 筵,席也。 〇堂上自正賓外,衆賓三人而 則三賓 純,緣。 東面 西序之 疏以爲大 未知

拜者,不徒作。 獻用爵,其他用 以爵拜,謂拜 觶。 爵尊,不可 既 爵。 徒 褻 猶 也。 空也 以 作 爵

起也。 不空起,言起必酢主人。

薦: 脯用籩,五膱,祭半膱 ,横于上; 醢

> 縮也。 祭横于上,殊之也,於人爲縮。 右末。」是横設人前,祭半脡横其上,於脯 爲「胾」,今文或作「植」。 也。 豆、出自 ○膱音職 醢以 豆 東房。 豆宜 濡 物 職長尺二寸。 ○《曲禮》云: 也。 膱 膱,猶脡也,爲記者 廣狹 未聞 「以脯修置者,左 爲横、於人則 脯 也。 用 籩, 籩 古文「臓 異 宜 耳

物

以

大夫也。 ○註 謂前其本。 肩,主人用臂, 賓俎,脊脅肩 離,皆右體也。 「尊者」當作「遵者」,經云「大夫若有遵者」,此 俎 餘體,謂臑若膞若胳也。 由 右 東壁, 體,周 尊賓 肺,主人俎,脊 也。 進 所貴也。 自 腠。 離,猶 西 階 以骨名肉,貴 若有尊者,則 楏 升。 也。 狗既 腠, 脅 膚 亨, 臂 骨也。 俎 理 肺 載于 其 也 餘 所指 賓俎用 肺 東 體 進 也。 理 方。 皆

凡舉爵三作,而 不 徒 爵。 謂 獻 賓 獻 大夫、

獻工,皆有薦。

右。 便其舉也 凡奠者於左。 不飲,不欲其妨。 將 舉者於

衆賓之長,一人辭洗, 如 賓禮。 尊之於其

黨。 〇疏云:「獻三賓之時,主人唯爲長者一 人洗爵。」愚

謂 此爲衆賓統一洗,但辭之者一人耳。

樂作,大夫不入。後樂賢也 也。 諸 公,則大夫如賓禮。尊卑之差。 ○鄉射無介,此以飲 若有諸公,則 如賓禮,大夫如 酒禮中之賓、介,明其差等也。 諸公,大國之孤 介禮 無

賓黨。 樂正與立者齒。 《鄉飲酒·記》曰:「與立者,皆薦以齒。」 謂其飲之次也。 尊樂正 ,同於

人也。 《爾雅 三笙一和而成聲。三人吹笙,一人吹和,凡四 》曰:「笙小者謂之和。」〇和,户卧反。

篚。 也。 今文無「與笙 其笙,則 獻 工. 與笙、取爵 獻 諸 西階上。 于上篚。 奠爵于下篚,不復用 既獻,奠于下

禮者,與堂下衆賓齒。」 立者,東 面北上。 賓黨。 〇疏 云: 此謂 來 觀

百 正 既舉觶,而 薦 諸 其 位。 薦於觶南

之少者也。 耦者,使弟子,司射前戒之。 前戒,謂先射請 ,戒之。 ○請射于賓之前即 弟子,賓 戒

之也

事 也。 ○扑,普卜反。 司射之弓矢與扑,倚于西階之西。 便其

序司射事訖,乃及司馬,故記著其行事相 遂命倚旌。 射升堂告賓請射之時,司馬階前即命張侯倚旌 司射既袒決遂 著並行也。 而升,司 古文曰「遂 馬階前 命獲者 並. 也。 命張 倚 0 侯, 文

司

其 射 象於正鵠之處耳。 地,其地不采者,白布也。 張此侯,則經獸侯是也。 豕。 侯二正,而記此者,天子諸侯之燕射,各以 質,大夫布侯, 射熊虎豹,不忘上下相犯, 畫之,皆毛物之。 此所謂獸侯也,燕射則張之。 凡侯,天子熊侯,白質,諸侯 君畫一,臣 ○侯制有三,大射、賓射、燕射。 畫以虎豹; 由是云焉,白質赤質,皆謂 熊麋虎豹鹿豕,皆正面 畫二,陽奇陰耦之數 射 麋鹿豕,志在 士 鄉射及賓射,當張 布侯,畫以 其鄉 麋 君臣 射 畫 侯, 也。 之禮 相養。 其 大· 射· 采 頭, 鹿 赤 其 采 而

0 同 司 時,故鄭云『著並行事也』」凡十九字。 馬 階 前」以下,文淵閣本有「司 馬即階令倚旌 此

次蒼、 功」是 之· 侯· 之處」。 采侯二正,而記燕射之侯者,以 雲氣於側以爲飾,必先以丹采其地。 張侯爲異耳。 所言是也、《梓人》亦云「張獸侯以息燕」也。 采之侯,則遠國屬」是 正、去白、蒼、畫朱、緑、所謂 用麋,所謂 侯,正居一 用· 也。 次黄、而玄在 皮,王三等, 凡畫者,丹質。 焉。 賓射之侯用布,畫以爲正,王五正,中 「棲皮之鵠」、《梓人》云「張皮侯而 疏云: 若燕射之侯,則 虎、 外, 「據大射之侯若賓射之侯,則三 也。 熊 諸侯三正, 燕射之侯、畫 豹 畫 賓射之侯、 獸居 燕射 布日 諸 侯二等 損玄、黄; 丹淺於赤 正」、《梓人》云 亦 焉 用此 獣・以・ 燕射之侯, ,故云「象其 熊 棲鵠 象正. 鄉射之禮,但 此·鄉· 豹; 大夫、 朱、 鵠, 此 射・当・ 則 卿 次白、 一分其 士 張 皆 大 Œ 春 書 鵠 張• 記 Ŧī. 以 夫

在

凡適堂西,皆出

入于司

馬之南。

唯

賓

尊

者宜逸,

由

便

也

也。 也 與 事 長 而 跬 也。 南 武。 物 相應,射者進退 隨者 射 長如笴者,謂從畫之長短也。 謂 爲 自 自 射 [楹間 隨 楹 時 所立 横 武, 間 者, 畫 跡 也。 之節 謂射於庠 處 也 也,謂之物 物長如笴,其間容弓, 也。 始 尺二寸。 前 足至東 間容弓 也。 者 楹間,中 0 物猶 頭,爲 者,上下射相去六尺 笴,矢幹也,長三尺, 榭 鉤 事 楹 距,後足 ·央,東西之 也,君子所有 内, 堂 距隨 來合 由 節·

鄉大夫

命,其

州長士不

命。

不

命

者

無

物

此

翿

旌

也

外, 室,故物深淺異設。 架之屋 庠」,恐未是。 雖 不 也 同 正 皆 中 序則物當 當 Ė 以 棟,次日 此物南北之節 楹 中 央 棟、堂 楣 爲 東西 前 也。 則 日 之節 庪。 物 當 0 註 序 楣 云 無 一謂 室 是 射 堂 制 有 Ŧī. 於

己位,遥命之。 命 負侯者, 由 其位。 於賤 者 禮 略。 0 司 馬

自

《周禮 以 也。 也。 之所建也。 物 同 析 與大夫,降階,遂西取弓矢。 也。」 羽爲旌」,各别。 鴻 也 大夫、士同建物,而云「各」者,大夫五仞,士三仞,不 「通帛」者,通 脰 旌 旌,射 無 韜上 司常》云『九旗 ,各以其物。 物,則 言「各」者,鄉射或於庠,或於榭。 時 獲者 一尋。 體並 今名物爲旌者,散文通,故云「旌 以白 所執,各 是 通帛爲旜 経帛。 羽 旌,總名也。 無物者,謂 與朱羽 用平 「雜 時 ,雜帛爲物, 帛」者,中絳 所 小國 練、杠 建 雜帛爲物, 之州 故 云「各以 全 長也。 0 工羽爲旞 緣邊 ,大夫士 疏云 總 仞, 其 名 其

是。

江反。 反。 皆不言,疑亦縫帛爲之,其圓長若鴻項然也。 其杠三仞,又以鴻脰韜杠之上,長二尋。 鴻,鳥之長脰者也。 翿 ·翻」。〇不命之士不得用物,則以赤白雜羽爲翻旌以射。 亦所以進退衆者。 杠音江。 胆音豆。 八尺曰尋。今文「糅」爲「縮」,「韜」爲 糅者,雜 韜,吐刀反。 也。 杠,幢 翿,徒刀反。 鴻脰之制,註 也。 七尺曰 〇糅,女又 橦, 直 仞。 疏

手之第二指,此以食指將指挾之。○將,子匠反。 凡挾 矢,於 二指之間,横之。 二指,謂左右

司射在司馬之北。司馬無事,不執弓。

以不主射故也。

之。君子取人以漸。始射,獲而未釋獲,復釋獲,復用樂行

上射於右。於右物射。

也。直心背之衣曰當,以丹韋爲之。司馬左右撫矢而乘身相交也。蛇龍,君子之類也。交者,象君子取矢於楅上其中蛇交,韋當。博,廣也。兩端爲龍首,中央爲蛇其,中蛇交,韋當。博,廣也。兩端爲龍首,中央爲蛇其,中蛇

奉之,南面坐奠中庭,其南北與洗相直。○鬃,虚求反。北當洗。鬃,赤黑漆也。○福用漆爲飾。設之者横而之衣也。 楅,髹,横而奉之,南面坐而奠之,南之,分委於當。○「韋當」者,以韋束楅之中央,如人心背之,分委於當。○「韋當」者,以韋束楅之中央,如人心背

《書》曰:「扑作教刑。」本意在侯,去傷害之心遠,是以輕之,以扑撻於中庭而已。矢中人,當刑之。今鄉會衆賢,以禮樂勸民,而射者中人,矢中人,當刑之。今鄉會衆賢,以禮樂勸民,而射者中人,

文「與」爲「豫」。
衆賓不與射者,不降。不以無事亂有事。

者也。 因也。 位,乃福東西取矢之位,前經所云「上射東面,下射西 敬,故不相因。」註 位,東西望訖,上射乃更向前 之乘矢而取之。謂反位已,禮成,乃更進取之,不 取誘射之矢者,既拾取矢,而后兼誘射 〇疏曰:「云『不相因』者,既自拾取己之乘矢,反 但 .彼處疏云是下射取之,此乃云上射,未審何 所謂 「反位已」者,非司馬西南 兼取誘射之矢。禮以變爲 東面 | 者爲 面 之

古

九六

擯其升降,主於射。 而 反位卒事。擯實主人升降者,皆尊之也。 主 人射, 〇司馬本是司正,不主射事。 則 司 射擯 升降,卒 射即 不使司馬 席

先首,首向前也 者奉之,先首。 鹿中, 鬃, 前足跪, 鑿背容八算。 前足跪者,象教擾之獸,受負 也。 釋 獲 0

反。 夫與 士射, 久列於射位。○賓、主人、大夫同時降,賓主先射,大夫且 立于堂西,其耦在射位,俟當射,大夫乃就其耦升射。 耦少退于物。下大夫也。 大夫降,立于堂西,以 袒 纁 襦 不肉袒,殊於耦。 俟射。 既發則然 尊大夫,不使 0 襦 如朱 大

矢。 惟此二事,休武主文,釋弓矢耳。 司 射, 釋弓矢視算,與獻 然則擯升降不釋。 釋獲者 釋弓

雋也。 不 勝者降。 不主皮者,貴其容體比於禮,其節比於樂,不得 禮 言「不勝者降」,則不復升射 射 不主皮。 禮 射,謂 以 主皮之射者,勝者 禮樂射也,大射、賓射、燕射,是 也。 主皮者,無侯, 又射, 中爲 張

> 也取; 之侯,燕射張獸侯。 於蒐狩以閑之也。 獸皮而射之,主於獲也。 而不主於貫革」爲確。貫革之射,習戰之射也。 又主中,此主皮之射與?」天子大射張皮侯,賓射張 也於澤宫,揖讓之取也。 也,而賤勇力之取。 祭,取餘獲陳於澤,然後卿大夫相與射也。 番,故勝者又射,不勝者則不復射也。 不中者,雖中也 閑之者,貫之也。 ○「不主皮」,當依《論語》,作「主於中 嚮之取也於囿中,勇力之取, 不取。 澤,習禮之處,非所於行禮 尚書傳》曰: 何以 然? 貫之者,習之也。 戰鬭不可不習,故 所以貴揖讓之取 中 -者, 雖 其射 今之取 當亦 其射 Ŧi. 不 采 中

爵之時也。」 俊才,不可以 主人亦飲于西階 解罰。 ○ 疏云: 上。 「此謂 就射爵 主人在 不勝之黨受罰 而 飲 也。 己

其一不定,有臑則 之有無、多寡、取其餘體而已。 折,以大夫之餘體。 獲者之俎: 折脊脅肺 用臑 ○註言□ 無臑 「臑若膊胳觳之折」者,見 則三者皆 ○臑 臑。 ,奴報反 可用 臑 之,唯 若 膊 視 胳 大夫 科取・ 觳之

釋獲者之俎: 折脊脅 肺。 皆有 祭。 東方謂之右个。

侯以鄉

堂爲

面

也

無

反,寸上聲,割也。 ○獲者、釋獲者之俎,切肺之外,皆別有祭肺。 ○刌,寸本皆獲者也。祭,祭肺也。以言肺,謂刌肺不離,嫌無祭肺。

大夫説矢束,坐説之。明不自尊别也。〇謂

拾取矢時。

算。謂衆賓繼射者,衆賓無數也。每一耦射,歌五終也。歌《騶虞》、若《采蘋》,皆五終。射無

古也。 盛。 人,齒於鄉人。○「從正禮」當是「後 王禮樂之道也。疾今人慢於禮樂之盛,言語無節,故追 既旅,士不入。 古者,於旅 凡旅、不洗。 也 語。 從正禮也。 敬殺。 禮成樂備,乃 不洗者,不祭。 正禮 既旅,則將燕矣。 可 以 言 語 先 \pm 不 道

人門,揖,大夫乃出,拜送之。送于門外,再拜。拜送大夫,尊之也。主人送賓還,大夫後出。下鄉人,不干其賓主之禮。 主人

用布五丈。● 今官布,幅廣二尺二寸,旁削一寸。《考工尋。上幅用布四丈。○横長之數。中十尺。方者也,

也。 二尺,道九十弓之侯,用布三十六丈。 横幅,隨所目而異名。 各横接一幅,長二丈。 之博也。今文改「弓」爲「肱」也。 崇皆十尺,布幅廣二尺,故用布五丈。 丈,數起侯道五十弓,以計,道七十弓之侯,用布二十 尺,五八四十,五六三十,以此爲衰也。 人之形類也,上个象臂,下个象足,中人張臂八尺,張足六 半者,半其出於躬者也。 躬,身也,謂中之上下幅也。 把中側骨之處博二寸。 弓取二寸以爲侯中之數,故中十尺也。 步,而云弓者,侯之所取數,宜用射器也。 弓二寸,以爲侯中。 記 》曰「梓人爲侯、廣與崇方」,謂中也。 居兩旁,謂之个; 左右出各一丈。下舌半上舌。 左右出,謂之舌。 倍躬以爲左右舌。謂上个 ○骹,苦交反。 用布三丈。 言侯中所取數也。 用布各二丈。〇中上、中下 〇侯之遠近五十弓,每 所以半上舌者,侯 〇用布三丈,横綴: 骹中之博,謂弓弣 侯道 倍中以 〇中,即 凡鄉侯用布十六 ○即最上四丈之 正二寸者, 量侯道 五十弓, IE. 爲 也。 五丈 躬。 骹 以 廣• 中 貍

❶ 「丈」,原作「尺」,據薈要本、文淵閣本改。

下躬之下,左右出於躬各五尺。

城

小反。 之也。 爲籌,釋獲者所執之算也。 以十耦爲正,貴全數。 寸,其四寸,則刊之使白 「握」本一作 長尺有握,握素。 箭 籌 + 「膚」。 箭 其時衆寡從賓。 也。 ○握 篠 人四矢,耦 也。 握,本所持處也。 ,四指 籌 算 即 也。 八 0 四 、籌也。)箭,竹 寸。 籌 八 算 + 素,謂 0 也 長尺 篠,息 以 以 者 四 刊 竹 略

削之也。 楚扑長如笴。 〇刊、苦干反。 刊本尺。 刊其可持處。 〇刊,

則 襦 既 今文「皮樹」爲「繁豎」,「糅」爲「縚」。❶ 爵 搢 文「君射則爲下」。 中也, 矢,不挾矢。 則 以 皮樹 發,則答君 夾爵。 謂 射。 君射,則爲下 謂 君在不勝之黨也。 中 燕射 君尊。 夾爵者,君既卒爵,復自酌。 以 也。 授之,稍屬。 而俟。 翿 君,樂作 小臣 皮樹, 旌 獲 射。 答,對也。 以 獸 白 賓飲君,如燕 名。 巾 若飲 而 上 羽 執 后 射 以 與 就物。 矢以授。 君 此以下,雜記也。 翿 退 古文無 朱 旌 于物, 君,國中 獲 羽 賓勝觚于公之 如 糅; 以。 尚 燕 君,袒 君尊,不 文 則 德 或 射 笴。 〇知 也。 中 夾 朱 今

禮

射 也。 唯 命數不同,故云「各以其物」。 以 帛爲旜。 旜 學,以天子大學在國中,小學在郊。」於意,則 岐蹄。❷《周 公宫之左,大學在郊。」間,獸名,如驢,一 獲; 其燕主歡心,故旌從不命之士。 「云 「大射於大學」者,據諸侯而言也。 中是燕射者,燕在寢故 君有 其物獲。 則 古文「有」作「又」。 於竟,謂與鄰國 於郊,謂大射也。 肉 〇與鄰國君射,則 射于國 袒 書》曰: 兕, 不袒纁襦,厭於君也。 ,獸名,似牛,一角。 中,其餘否。 北 君射也。 今文無「其餘否」。 大射於大學、《王制 也。 唐以 賓射也。 賓射、大射 間。」析 士,鹿中,翻 畫龍於旜,尚文章也。 於郊,則 臣不習武事 羽爲旌。 〇大國、小國, 大夫, 兕中,各 天子大射則虞庠小 今文無「射」。 角; 則 ¥ E 閶 君在,大夫 不 或 虎中 中 在國 旌 0 E: 小 於君 以 疏 以 中,以 大夫 學 云 如 獲 龍 側 在 旌 通 驢

糅」,原作 「揉」 」,據薈要本、文淵閣本改。

⁰ 」,原作「間」,據薈要本、文淵閣本改

儀禮鄭氏註燕禮第六

濟 陽 張 爾 岐 句 讀

等。 之勞,二也,卿大夫有聘而來還,與之燕,三也, 戴及《别録》皆第六。」〇疏曰:「案上下經註,燕有 鄭《目録》云: 燕飲以樂之。 《目録》云『諸侯無事』而燕,一也,卿大夫有 「諸侯無事,若卿大夫有勤勞之功,與 燕禮於五禮屬嘉禮。 大戴第十二,小 四 王 群 方 事 四

臣

聘客,與之燕,四也。」

節 臣 此至「公升就席」,皆燕初戒備之事。 臣樂之。 與者,謂留群臣 一立於其位,有命大夫爲賓,有請 疏 燕禮:小臣戒與者。 小臣則警戒告語焉。 「《周禮・太僕》職 也。 君以 燕禮 云王 勞使臣,若臣 飲酒以合會爲歡也。 小臣相君燕飲之法。 命 燕飲 有戒與設具,有納 執 (役,有 則 有功, 相 其 納賓, 法」、《小 故 凡 與 0 戒 五. 諸 自 群

于阼階 磬也。 君 也。 西,兩圜壺。 方壺,左玄酒,南上。 陳 饌,謂 子 在 此 臣 用綌音 若錫,在尊南,南上。 言「東雷」,明亦有西雷。」司宫尊于東楹 異其文。 官,賤也。 西,南肆。 IE. 專此 也。 曰「膳夫」,掌君飲食膳羞者也。具官饌,具其官之所 君之服位者也。 東堂下」,師,長也。」諸侯小臣之長,猶天子之有太僕 諸侯禮、降於天子、故宜 》職云「凡大事佐太僕」,則 尊 酒也、牲也、 膳篚者、君象觚所饌也、亦南 酒 方壺,爲卿大夫士也,臣道直 國君無故不撤縣,言「縣」者,爲燕新之。 ○疏云: 也 東 當東霤者,人君爲殿屋也,亦南北以堂深。 南,當 《玉藻》曰 設膳 司宫,天子曰「小宰」,聽酒人之成要者 脯 「漢時殿屋,四向流水,故舉漢以况周。 膳宰具官饌于寢東。 醢也。 篚 東雷 在 使小臣相。 唯 寢,路寢。 其 公尊瓦大兩,有豐,幂 君 王. 北 罍水在東; 一燕飲,太僕相,小 面 尊。」玄酒 西 方。 陳。 尊士旅食于門 下文「小臣師 樂人縣。 画。 言一西 於東楹之西,予 在 設 之 南,順君之 設 篚 面, 此不言 膳宰,天 西 臣 在 縣,鍾 洗 佐 尊之 肆 兩 之。 洗 飵 其

之,與 形 公孤卿大夫之位」,又「以射法治 具於君。 並 屈 席 反。 以 也 公席, 阼階上西向, 尊在東楹之西, 南北並列, 尊 也。 壺之南 面 爲其 設席。 似 也。 大音泰。 也。 也。 |爲「緆」音昔。 緆 豆,卑 士 鄉鄉 幂, 衆食 諸侯之官,無司 在 也。 ,悉歷反。 瓦 筵,席也。 大 射人主此禮,以 尊南」,註云「在 ○純,之閏反,又章允反。 飲酒》賓主共之者不同 未是。 而 綌,去逆反。 尊 有虞氏之尊 謂 大。 士 未 旅食 幂 得 0 司 南上」,亦玄酒 席用 用給 諸 IE. 宫 者 几 侯之司 禄 筵也。 用圜 筵 其或射也。 蒲筵緇布純 方壺之南」, 錫,悉歷 若錫,冬夏 所 賓 謂 壶, 宫與天子之小宰所 射儀 于 ○諸 庶 變於卿 反。 在 户 故 人在 異 0 左 射 侯兼官,使司宫 謂瓦大在 無加 西 註 睘 也。 也。 周 人 云一予 大夫 音圓。 官 席,燕私 禮 告 東 1者」也。 在 睘 》射人「掌三 上 也 尊 具。 壺 方壺南,疏 君專 面 甒,亡 無 南 向 無 掌 旅 玄酒。 禮 今文 告 設 此 君 在 臣 同 加 衆 事 尊 甫 酒 設 方

右告戒,設具。

公升,即位于席,西 小 ·臣設公席于 鄉 阼 階 周 上 禮 西 鄉 諸 侯 設 昨 席 加 莞音 席

> 前 進 命引而 南 酢 尊 南 闡西』者,聘賓入門之法。」公降 \overline{Z} 面 上」,此是擬君揖位,君爾之,始就庭位。 之長一人,猶天子大僕,正君之服位 于門東,北面 莞音官。 由 面 者後 北 闑東,左則由闑 席,祭祀受酢之席也。 東上 面 鄉 「註『凡入門而右,由闑東』者,臣 上,此 爾 爾 人也。 也。 近 卿 士旅食者立于門西,東上。 小臣 ○註 也 士之定位,士賤,不 繅 士立 自 卿 席 移 納 士以下,從而 引 東上。 西。 畫 也 西 于西 卿 《周禮 純 面 揖而移之近之也 。」後 ○疏云: 大夫,卿大夫皆入 北 引之者,欲見燕席 小臣 方, 設公席者,凡 司 上; 入即位 几筵 東 「『卿大夫入門 待 立 師一人在東堂下, 爾 面 君 文。 大 于 者 耳。 朝君之法; 揖 北 也。 夫,大夫皆少 作階之東 即 昨 禮 士立于 上。 大夫猶北 師,長 就 與 音 卑 凡 定 酢 門 入門 右 納者,以公 者 義 位 祝史立 也。 席 一 西 先 如 也。」又 同。 北 面,少 [方,東 即 而 則 南 面 小 事, 右 北

右 君臣各就 位次。

00

臣

東

由

命。 顧。 也。 面 禮人。公揖卿大夫,乃升就 又命之,賓 ,射人北面請 禮辭,辭不敏 告賓許。 射人命賓,賓少進,禮辭。 射人請 再拜稽首許諾。 賓出,立于門外,東 可 賓。 也。 知。」公曰: 命 反命。 當 由 君 「命某 出 射人以賓之辭 席。 也。 又,復。 揖之,人之也 0 爲賓。」某, 命賓者,東 面。 疏云: 射 當更以 告 「其 人反 於 面 大 君 君。 賓 南 夫 南

右命賓。

階,房 者。 也 請 公,謂庶羞。 東上,玄酒之幂爲上也。 立于尊南 羞于 中西 執幂者,執瓦大之幂也。 小臣自阼階下,北 諸 異爲敬 面南上。 "; 北 公卿 乃命執幂者。 面 者。 不言之者,不升堂,略之也。 東 Ŀ 小 羞膳 臣 不請 以公命,於西階 者,從而 面請 方圜 執幂 而 壺 執 使膳宰,於卑者彌 東 無幂。 者升自 幂者、與 由堂東升自 前 羞膳,羞 命之也 西 膳宰 羞 階, 膳 略 北 於

請 命執役者。 禮

以

既入而左,北 賓人,及庭,公降 射人納 面 賓。 時。 公 射 人,爲 升 等 揖之。 就 擯 席。 者 也。 及,至 以 今文日 其 也。 將 與 至 主 擯 庭,謂 者」。 人 爲

右納賓。

禮, ①不參之也。

對。 降,鄉之。 燕之盛禮也。 賓、二人媵觶于公、公取媵觶酬 者,代君爲獻主,不敢由阼 拜賓來至也。天子膳夫爲獻主。 於其臣,雖爲賓,不親獻,以其尊莫敢伉禮也。 北 篚」,主人獻賓、賓酢主人、主人獻公、主人受公酢、主人酬 太宰之屬,掌賓客之獻飲食者也。 面至再拜。 對,答。 賓升自西階。 賓降,階西,東 主人北面 主人降洗,洗南 賓答再 主人亦升自西階, 階也。 盤,坐 拜。 面 賓遂 自 〇「主人亦升自 其位在: 取 主人,宰夫也。 此至 旅 西 主 觚 怬 北 人 洗 凡七節。 「以虚 洗· 面。 辭 北. 至再 降。 爵降 賓少進 西· 賓將 画。 宰夫, 賓 西 拜 . 奠于 此 階 者 右 賓 君

0 原脱據薈要本、文淵閣 本補

賓 揖 賓每 手 右 獻 物 奠 四 辭 亦 醢 執 坋,步困反。 鄉 升日 同 日 進者,又辭, 賓。 升。 觚 右 幂 洗 飲 皆 膳 先 執 也。 興 酒 拜 者 答拜 賓 膳 角, 升 爲「觶」。 爵 記》曰: 主 取 送 賓西 舉 升 賓 主 之言善 尊 遂 Ŧī. 肺 爵。 ·, 降 筵。 人 坐 賓降。 幂 人 也。 升 宜 坐 階 祭酒 升, 日 坐 「賓俎,脊脅肩肺。」〇引《鄉飲酒 〇凡觴,一升曰爵,二升曰觚,三升曰 違 左執 盤。 賓既拜 也。 散。 奠 主人升。 上 其 膳 主 絶祭,嚌之; 位 拜, 坐 觚 ; 人 主人 宰 酌 主人復 主人卒洗。 也。 興,席 爵,右祭 取 于 君尊者, 酌 設 前受觚 筵前受爵,反位。 觚。 篚 獻不 辭。 膳 折 盤。 賓拜 末 興 俎 退 尊賓也。 以 取觚,將 賓對。 執 爲拜,手 脯 爵 對。 興 坐 復位。 洗。 幂 折 醢 啐 加 辟 賓 俎, 者 賓 正 酒 于 就 主人 揖 奠 膳宰 卒 主) 分塵 主 牲 反 俎 瓦 反 ; 爵 也。 人 記》,明 盥 大 體 幂 乃 位 降 也。 主 賓 筵 坐挽 于 薦 酌 骨 升。 古 觶 也 膳。 薦 脯 人 前 賓 右 此 君 0 文 賓

> 奠爵 席,席 面,拜訖則告旨。」賓西階上 坐 云 降席 奠 7,遂拜。 西 爵 也。 席西」,不言 拜, 旨,美也。 告旨 主人答拜。 面。 〇疏 執 案前 云: 爵 北 例 遂拜 「降 興。 面 降 拜 坐 席, 席 主 卒爵; 既 席 坐奠爵,拜」, 人 爵 西拜 答 者,皆 興, 拜 南・ 坐 鄭 降

右主人獻賓。

膳、 洗; 降 謙 觚 爵 面少進對。」今文從此以下,「觚」皆爲「爵」。 南 面 也。 矣,復言觚者,嫌易之也。 盤。 坐 拜受爵 執幂 奠于篚 及階,揖 奠觚 賓以 今文無 主, 如 人降。 少少 虚 初, 下, 洗。 賓主· 爵 升。 進 以 降。 盥 辭 人之左 酢主人于 洗。 賓 主人 賓 降。 將 坐 辭 《大射禮》 酢 八升,拜 奠 主人。 降, 主人 拜 觚 西 卒 送 于 南。 Ĭ: 東 主 階 洗 爵。 盤 篚 面 人 如 上。 「主人西 主 對。 降。 揖 賓 興 賓 賓 既 主人 禮 升; 對 辭 南 階 上 坐 賓 面 西 既 洗 酌 北 賓 卒 取 洗 東

爵,乃之左。

主人

坐祭,不

·啐酒

辞

正

主

也。

未

在

以

也。 爵 不 醢,此主人是臣,故酢時不薦,至獻大夫後,乃薦于洗 者,臣也。○正主人皆有啐酒,唯不告旨。賓獻訖即薦 虚 爵降奠于篚。 ,拜,執爵興。 拜酒,不告旨,主人之義。 崇,充也。 賓答拜。主人不崇酒,以 不以酒惡謝賓,甘美君物 遂卒爵; 興,坐奠 北 脯

右賓酢主人。

階 之,尊公故也。 脯 折 也。 序。《大射禮》曰:「擯者以命升賓。」主人盥, 房,故言左房。 觚 射人升賓。 引《大射禮》者,證此脯醢從左房來。天子、諸侯有左右 **薀**,由 俎,升 ,
作
階
下
北 ,升實之,東北 取 賓降,立于西 象觚 左房。」〇疏云: 自 者 西 東 賓升立于序内,東 大夫、士無右房,故言東房。」公祭如賓 此公先拜受爵者,受獻,禮重也。」又云: 面 面。 階 拜 送爵。 面 公 薦,進 「凡此篇内公應先拜者,皆後 階 獻 拜受爵。 西。 于公。 也。 士薦 《大射禮》曰 既 受獻矣,不敢 象觚,觚有象骨 面。 脯 主人 **薀**,膳、 東西墻謂 降 字胥 自 洗 宰設 安 象 盛 西 薦 飾 之

> 爵,拜; 禮。 答拜,升受爵以降,奠于膳篚 膳宰贊授肺。 執 爵 興。 凡異者,君尊,變於賓也。 不 拜 酒,立 卒 爵; 主 坐 奠

右主人獻公。

于篚。 自酢,同 爵者,不敢襲至尊也。 遂卒爵,再拜稽首。公答再拜。 下,北面坐奠爵,再拜稽首。 更爵,洗,升酌 用觚,必更之者,不敢因君之爵。」主人坐祭, 古文「更」爲「受」。○疏云:「獻 膳酒,以 降 公答再拜。 主人奠爵 酢 于 阼 君 階 更

右主人自酢于公。

今文「媵」皆作「騰」。 讀或謂揚、揚、舉也。 坐奠爵,拜賓。 席 來,未有升筵之事,且《鄉飲酒》、《大射 者 主人盥洗,升媵觚 此 言 「降筵」,蓋 賓降筵,北 〇疏云: 酌散 誤。 者, 0 案實前受獻訖,「立于序内 于賓, 酌方壺 媵, 以 面 證 酒 答 酌 反。 洲 也。 拜。 散 前,賓皆無逆 散,思旦 於 媵,送 西 膳 階 爲 反 散 也

反位。 之類與? 彌尊也。 也。 賓 降 復 酒 賓已西階上拜者,以其 于 揖 辭者,辭 主 近賓筵,是 萬東。 位 , 其 賓 是 臣 , 急 承 君 席 西階 升。 洗 人 前北面 坐祭,)疏曰 其代君行酒,不立飲也,此降於正主酬 賓降。 主人拜送爵。 位彌尊者 賓降筵 E 不拜 0 遂者,因 疏 拜 「位彌尊」。 賓始西階上拜; 「案《鄉 遂 굸 洗。 拜者, 飲 , 其 西 主人 賓 一坐而 勸,不 不拜 飲酒》、《鄉射》主人酬賓,皆 京東 初 禮 《燕禮》、《大射》皆是主人代君 拜 賓 酬禮 得 彌卑,記 奠,不北面 辭 洗 獻, 南 其 辭 敢安暇,故先拜也。」主人 賓升席,坐祭酒 降。 酌 漸 酬 此及《大射》,主人始 立 面 殺 也。 丽 序内; 立。 卒 所 故云 禮 賓辭 謂 也。 爵 殺。 受爵 賓不立於序内,位 一禮彌卑 此酬 拜 奠之者,酬 張 洗。 主 訖 于 人 也。 賓 弛」者,是 立席 也 遂奠 卒洗 筵 酌 答 È 酌 拜 人 不 前 膳 膳 西 降 實 勸 時

右主人酬賓。

長,使 選卿大夫之中長幼可 小 臣 自 阼 階 下 請 使者。 媵 0 媵 公命 爵 者」,舉 長。 爵 于

> 階上北 興。 還而 升自 者。 次第而降,故註云「交而相待於西階上」。 階上,既酌,右還而反,往來以右爲上。 爵 先升者由西楹之北向散尊酌訖,右還復由西楹之北, 上,未盥 下 公,以 序,次第也 再拜稽首。 上大夫,不使之者,爲其尊。 皆奠觶 者立于洗南,西面北上,序進 遂卒觶 反。 小臣: 爲 公答再 西 面 相待之位。 旅酬 1階,序 二人往 相待; ,猶代也。 作下大夫二人媵 再拜 之端 公答再拜。 拜。 後升 來相遇 興, 進 也。 序進 稽首; 者亦 楹北,西楹之北 酌 媵 坐 「長 于楹之北 盤 散 爵 由西楹之北 奠 則 幼 媵 者 觶 執 可 交于 再拜稽的 北 爵 執 觶 面向洗。」又云: 使」,當 , 先酌者待後酌 再 者 觶 爵 興。 楹 也。 進 拜 首 待 阼 向 作,)疏云: 北 云 媵 盤 階 稽 于 交而相 公答 拜 尊所,酌訖,右 爵者皆 洗 君 年 F 使 首 洗 降 命也 長 也。 角 皆 二大 者至,乃 西西 南 再 待 īfīj 阼 觶 北 向 拜。 卿 面 於 口 階 坐 媵 觶 待 面 西 爲 使

❶ 「也」,薈要本改作「己」。

不敢必 北 北。 送觶。 優君 君命 亦 於右,今媵爵於公,爲將 尊北,又於楹北 訖,由尊北,又楹北,往君所奠訖,右還而反, 退反位。」○疏云:前二人酌酒,降自西階, 東行,奠訖,亦右還而反,相 坐奠于薦南,北上,降,阼階下 公答再拜。 致,則序進 反門右北面位也 此酌酒 奠于薦南,不敢必 也。 也。 君之舉也。 0 公答再拜。 , 奠於君所, 故交於東楹 或皆致,或一人致,取君 小 奠觶于篚,阼階下皆再拜稽 臣 媵爵者洗象觶 ,與反者相 請 引《大射禮 君舉 致 舉 者。 序進,往來由尊北,交於東楹之 交。 旅 也。 隨降自西階。 当者 當 先者於南 《大射 請 奠薦 ,見此二人阼階 使 之北。 ,升實之; 進止。 右 禮 人與? ₩ ⊟ : 皆再拜稽 而 西 凡奠爵,將 先 故交於西 奠於薦 [過,後 若君· 後 酌 勝爵 二人與? 酌者 者 下拜 序進 者 東 命 左 舉者 於北 亦於 | 楹之 者皆 首 面 訖 是 皆 首 酌

右二人媵爵於公。

西 階 公坐取大夫所 下 再 拜 稽 首。 **媵**觶 公 命 興 小 以 臣 幡 辭 賓 賓 賓 升 成

> 進受虚 禮殺 拜; 拜。 升 易 生分别,疏家援證雖多,亦未見確據。 易有故之辭。 凡爵不相襲者,於尊者言「更」,自敵以下言「易」,更 敢敵偶於君。 也。下不輙拜,禮殺也。 賓 也。 上」及「公反位」者,亦尊君,空其文也。 成拜」。 更」也,不敢襲用君爵,尊君也。 升再 ,再拜稽 不 ,或君親辭。 先時君辭之,於禮若未成然。 興以酬 洗,反 執 爵,降奠于篚,易 拜 觶 公答再 稽 興,立 賓,就其· 首。 進受虚爵,尊君也。 公坐奠觶 升 首。 君親辭 酌 拜。 下拜,下 卒 階. 不 膳 丽. 言 觶。 此賓拜于君之左,不言之者,不 拜 則聞 觶 酬. 答再拜; 於 成拜」者, 之・也。 亦未拜。 阼 下 命即升,升 賓 觶 階 註於「更」、「易」二義,太 拜 下 上 不言「公酬 洗。 公坐 升 也。 爲拜故 拜。 凡下未拜有二,或 成 公有命,則 小 拜, 君 執 乃拜,是以 ○愚謂 一奠鱓 於· 是· 臣 尊不酌故 觶 復 小 下, 定賓・ 賓 辭。 興。 再 臣 易 於 實 拜 作 西 不言 未 稽 旅· 新 也 不 賓 賓 再 猶 階 拜 首

❶ 「君命」二字,原互倒,據阮刻《儀禮注疏》改。

奠于 卒爵、 賓在 大夫飲 怬 也。 洗 觶 臣。 士 有坐祭,後酬者則不 大夫之右。賓位合在 卿徧,次至五大夫。 今文「辯」皆作 人,則必更矣。 夫」,則卿存矣。 興。 ,如受賓酬之禮,不祭。 ,升實散,大夫拜受,賓拜送。 祭立飲,卒鱓 西階 拜 篚。 註引《大射禮 膳 酒 既 以 觶 L 大夫答拜。 爵, 本 旅 酬卿,寶與卿並 卒,猶 射 非臣 「徧」。 栖 是禮 註 長者,尊 人作大夫,長升受 釋「更」字義,亦未可信 於 後 所 盛 賓,大夫之右 》奠鱓復位 祭,爲異。 也。 不 西 〇辯 西,而今在東者,相飲之位 可 也 拜。 襲, 先而卑 階 賓在右者,相 《大射 受酬 北面,賓在 以 H 若 酬 君 ,復門右北面· 云「大夫辯 皆 禮 膳 後。 愐 命故,得 旅 禮 卒受者以 觶 拜受拜 日 0 殺。 序 東,卿在西,是賓在 飲之位。 也 坐 卿稱上大夫,旅 「奠于 也。 言 旅。 0 受酬 奠觶 送。 之。位。 則 對酢 大夫辯 用 「更鱓」,卿 以 篚, 但 虚 降 0 次 言 之時 也。 拜 至 賓 復 疏 序 不 更 觶 作 及 位。 酌 初 云: 勸 受 降 · 坐 賓 執 觶 於 酬 他 尊 大 卿

右公舉媵爵酬賓,遂旅酬,初燕盛禮

受爵

卿

降

復

位

不

酢

辟

君

也

卿

無

俎

者,

燕主

成·

公又舉 帛純 後獻 也。 以君 註云「 稍· 殺· 卒 醢 徹 觚 食大夫記》云 上,統於君 兼 猶 遂祭 爵 卷」, 也。 卿 有 自此至「降奠于篚」,主人獻卿、 乃薦 去也。 重 是 主人 - 媵酬賓若長遂旅 主人洗,升, 加 則 ,别尊卑也。 也。 蒲 興,坐奠 席 司宫兼 也。 酒,不 筵 每 脯 兩 重席 拜 0 緇 卿異席也。 「司宫具几,與蒲筵常,緇布純; 重,此 醢 席自房· 布純 卷, 送 雖非 居 卷 爵 啐 觚 飲酒 雖 也。 卿 遠 實散 來。 酒; 蒲 加 重席,設于 拜 酬 反。 升 成於酬 猶 重 筵 卿 加席, 凡三節。 席,重蒲筵 席 降席 爲其重累去之, 重, 辭 重席, 執 種 獻 坐 也。 直容 則 重設,嫌其 重 爵 卿 於 但一 左 席 于 又二大夫媵 興。 此 西 0 反。 · 賓左 席 緇布純 獻卿)成於酬 執 西 上 階 種 設 爵 卿 主人 司 席,重設之,故 階 兩 上 加 而 辟君 異 也。 右 升, 東 宫 重,與 在席尋,玄 上 北 謂 席 解 上。 答拜 徹 燕禮 也。 卿 成 拜 如《公 面 於公、 之。 君 坐 於 酬 受 坐 脯 0 言 司 東 之 旅 而

階 人也。 於羞。 屈之也。 殷不改者也,故 國三人。」是方伯之國或有三公,故云「諸公」也。 國之孤也。 諸公,則先卿獻之,如獻 也。 奠于篚」。 典命》云:「上公得置孤卿一人。」後鄭從之,是孤卿 西 立三監,是殷法; 《王制》云:「天子使其大夫爲三監,監於方伯之國 〇獻公,主人酢于阼階 獻卿。 北 亦 面 射人乃升卿。 因 孤一人,言「諸」者,容牧有三監。 作階 東上, 鄭云 主人以虚 西位 「容」,容 周使伯佐牧,不置監,其有監者,因 無 近君 加 近, 席。 有異 爵降,奠于篚 下,此不酢者,嫌 卿 卿皆 君 代之法 之禮; 則 席 屈。 孤 升就席。 北 也。 親 面,爲其大尊 諸公者,謂大 寵 ○鄭司農註 席 苟 與 今文無 敬 獻 于 若 疏又 公司 本 私 阼 有 昵

右主 人獻卿或獻 孤

之坐

若命 又,復。〇二大夫媵 執觶待于洗南」,皆與前二一人媵爵」者同 長致,則 小臣 又 請 媵 媵 爵者奠觶 爵,自 爵 者。二大夫 「阼階下皆北面再 于篚,一人待于洗 也。 媵 拜稽首」至 爵 請致者 如 初

> 拜。 用酬賓觶之處。二人俱拜,以其共勸君。 之,坐奠于薦南,降,與立于洗南者二人皆 南。 觶,奠于薦南,知其在公所用酬賓觶之空處也 奠二觶於薦南,公取上觶爲賓舉旅,下觶 再拜稽首送觶。 必二人,後必一人也,欲互見其儀耳。 若命皆致」,此媵爵云「若命長致」,皆不定之辭, 命長致者,公或時 長致,致 者 阼 公答再拜。 未能 階 下 舉,自優暇 再 拜 奠于薦南者,於公所 稽 洗象鱓,升實 仍在。 也。 首 ○前二人媵觶 今又媵 公答 前 非 媵 爵云 謂 再 前

右再請二大夫媵觶

〇疏曰"「言"如初」者,一如上爲賓舉旅之節。」 之尊者也。 爵,先媵者之下觶也。 上,如初。 公又行一爵,若賓、若長,唯公所 賓則以酬長,長則以 大夫卒受者以 若賓若長,則賓禮殺矣。 酬賓。 虚鱓降, 奠于篚。 以 旅于西階 長,公卿 쨈

拜受觚。 主人洗升,獻大夫于西階上。大夫升, 右公又行爵爲卿舉 主人拜送觚。 旅 大夫坐祭,立卒爵 ,燕禮之再成。

不

拜

既

爵

主人受爵。

不拜之者, 禮又殺。

大夫降 復位 既, 盡 樂成則告備。 左何瑟,面鼓,執越,内弦;右手相。入,升 小 臣納 工 工四四 人,二瑟。

已,奏笙,間歌,合樂,爵樂更作以成三旅,禮又殺而樂大 樂正告公,主人獻大夫,未及旅而樂作,獻工後乃舉旅,旅 大夫,不但不酢,又不拜既爵,故云「禮又殺」。 ○前獻卿不酢,已是禮殺,今獻 自 此下至 工四人者,燕禮輕,從大夫制也。 自西階,北面東上,坐。 小臣坐授瑟, 面鼓者,燕尚樂,可鼓者

乃降。

小臣

後二人徒相,天子大僕二人也。 在前也。 越,瑟下孔 也。 内弦,弦爲主也。 臣四人, ①祭僕六人,御 相,扶工也。

僕十二人,皆同官。 工歌《鹿鳴》、《四牡》、《皇皇 小

脯

酷

無脅。

胥,膳宰之吏也。主人,大夫之下,先大

胥薦主人于洗北,西

面

備,所以致和樂之情也。

者華》。三者,皆《小雅》篇 賓,嘉賓既來,示我以善道,又樂嘉賓有孔昭之明德. 方之賓宴,講道修政之樂歌也, 也。 此采其已有旨酒,以 《鹿鳴》,君與臣下及 可 可 召 則 嘉 四

傚也。 念將父母,懷歸傷悲,忠孝之至,以勞賓也。 《四牡》,君勞使臣之來樂歌也, 此采其勤苦王事, 《皇皇者華》、

謀於賢知,而以自 1光明 也

右

1升歌

君遣使臣之樂歌

也

此采其更是勞苦,自以爲不及,欲諮

卒歌。 主人洗升獻 工。 工不興,左瑟,

右主 人獻大夫,兼有胥薦主人之事 夫。

大夫皆升就席

乃薦,略賤也。

亦獻而

后布席也。

卒,射人乃升大

辯獻大夫,遂薦之,繼賓以西,東上。編獻之

之位,而薦之堂下,故註云「上無其位也」。〇晉,之承反。

主人是宰夫,代君爲獻主。

君在阼階上,則己不得干正主

夫薦之,尊之也。

不於上者,上無其位也。

脅俎實。

〇此

日 工。 立 于其西。 《少牢饋 『乙賤工也。』」樂正,于天子,樂師也,凡樂,掌其序事, 席工于西階上,少東。 食 禮 工, 瞽朦 ≥ ∃ : 「皇尸 歌 誳 誦 命工祝。」《樂記》: 詩 者也。 樂正先升,北 凡執 技 藝者 師 面 Z 稱

⁰ 四」,原作「二」,據薈要本、文淵閣本改

備禮。 受爵,降奠于篚。 獻乃薦,此獻一人即薦,禮尚異,故「變於大夫也」。 工拜於席。 之,賤者先就事也。左瑟,便其右。 爵,坐祭,遂卒爵。 相祭。使扶工者,相其祭薦祭酒。卒爵不拜。賤不 人拜受爵。 主人受爵。 薦 脯醢。 主人西階上拜送爵。 將復獻衆工也。 遂,猶因也。 輙薦之,變於大夫也。○大夫徧 辯 有 脯 古文曰「卒爵不拜」。 醢,不祭。主人 一人,工之長者也。 衆工不 工,歌乃獻 ·拜受 使人

右獻工。

爲實、爲卿舉旅之節也。公舉之,爲大夫旅酬也。如初,如爵者奠於薦南之觶也。公舉之,爲大夫旅酬也。如初,如上,如初。言「賜」者,君又彌尊,賓長彌卑。○奠觶,媵公又舉奠觶,唯公所賜。以旅于西階

右公三舉旅,以成獻大夫之禮。

也、《鄉飲酒禮》曰:「聲南、北面。」奏《南陔》、《白華》、《華泰》。以笙播此三篇之詩。縣中、縣中央、文、旅畢也。笙人、立于縣中、奏《南陔》、

棄。 黍》,皆《小雅》篇也,今亡,其義未聞。 故笙入奏縣中,軒縣止闕南面 至孔子二百年之間,五篇而已,此其信 所。] 謂當時在者而復重雜亂者也,惡能存其亡者乎? 其有此篇明矣。後世衰微,幽、 制禮作樂,采時世之詩,以爲樂歌,所以 正考父校商之名《頌》十二篇于周大師,❶歸以 孔子曰:「吾自衛反魯,然後樂正、雅》《頌》各得其 、厲尤甚、禮樂之書 昔周之興也, 也。 通情 相 祀其先王, 諸侯軒縣 一,稍 風 切 周 稍 也。 宜 公

右奏笙。

受爵,降,坐祭,立卒爵。辯有脯醢,不祭。長者也。《鄉射禮》曰:「笙一人拜于下。」衆笙不拜,祭,立卒爵,不拜既爵;升授主人。一人,笙之際不升堂,受爵降。主人拜送爵。階前坐主人洗升,獻笙于西階上。一人拜,盡

右獻笙。

乃間歌《魚麗》,笙《由庚》,歌《南有嘉

❶「宜」,薈要本改作「且」。

弟,以 季,居 以 而 也。 樂 間 召 妃之德。 南 之基,民之父母,既欲其身之壽考,又欲其名德之長 臺》,言太平之治,以賢者爲本也,此采其愛友賢者爲邦 魚 國 鵲 由 南 公所食也。 故 以 》,言太平年豐物多 ,代也,謂一 行《周南》之教,以受命。 風 巢》,言國 庚》、《崇邱》、《由 有嘉魚》,言太平君子 《采蘋》,言卿 地爲卿士之采地,乃分爲二國: 禮下賢者,賢者纍蔓而歸之,與之宴樂也。 於岐 御于 》篇也,王后國君夫人房中之樂歌 笙 鵲巢》、《 周 《葛 山之陽,躬行《召 学 家 南 郑」, 君夫人之德。 覃》,言后妃之職。 於時文王三分天下有其二,德化被于 歌· 則· 邱 采 關 謂 大夫之妻,能 此 蘩》、《采蘋》。 也; 雎 歌《 儀》,今亡,其義 吹・ 也。 有酒 此 也。 南 南》之教 《大雅 ^ 其 《采蘩》,言國 采其物多酒旨 葛 始一 ,樂與賢者共之也; Ш 六 修其 覃 者皆《小 有 《卷耳》,言 一 或 周 \approx 以 臺 法 爾, 「刑于寡 未 也。 ^ 興王業。 周公所食也; 《周 度 \approx 文王 卷 聞 君 雅 也。 笙《 《關雎》, 南》、《召 所 夫人不 耳 后妃之志 篇 以 作 妻,至于兄 昔太 遂 ×; 由 優 及文王, 也 邑 南 此 歌 西 于 賓 儀 失職 ^ Ŧ 言 南 采 Ш 土 召 豐 也。 也。 召 王 鄉 **%** 魚 其 后 家 有

歌· 與· 君相 内 也,如 楹 0 歌及笙各三 師 正 士所用之樂也。 升 雅 遏》、《渠》,天子所以享元侯也。 鄉樂者,禮 爲天子之樂。 合樂也。 篇者,其教之原也。 屬之《周 是 世。 六師、《周 以六律爲之音者也。 歌《頌》,合《大雅》。 以 者 内 日 衆· 聲· 見之樂也。」然則 其 賜者宜何歌 : 以其立於堂廉也。 詩 東楹 南 正 天子與次國 俱, 鄉樂者《 有仁賢之風 輕者可 影焉。 終 禮 歌 之東,告 鄉飲酒升歌《小雅》,禮盛者可以進 》磬、鍾 間 此歌 夫婦之道者,生民之本,王 備。」大師,上工也 鄉飲 《風》也,《小雅》爲諸 以 也? 歌 逮下 故國君與其臣下及四方之實燕, 小國之君燕亦如之, 者, 諸 鄉 笙、鎛、 酒 其笙間之篇未聞。 終 子貢問 是明 樂、當 侯之相與燕,升歌《大雅》, ,屬之《召 也。 于公, 禮》云「合樂《周 復位,位 合樂 其掌 韎 亦然也。 師乙曰: 春秋傳 《文王》、《大明》、《緜 乃降 籥等六師 南 而 終 在 ,掌合陰陽之聲 東 知之也。 侯之樂、人大雅 **焉**; 爲 縣 復 吾 Ĕ : 大 之北 南淡召 與 0 有 備 位 也 聞聲歌各 | 肆 鄉樂者, 大國之君 政之端 聖 師 人之風 備 Œ. 告 取; 樂 南》, 夏》、《 言 歌 亦 于 IE. 者 初 由 成 教六 燕合 用之 有 大 此 燕 頌 樂 由 夫 繁 升 謂 兩 楹 宜.

128

IF. 與 T. 俱 在 堂廉; 今告 樂備 復降 在 東 縣 北 北 面 也

之也 散 皆 既立司正安賓,次主人獻士及旅食, 觶 卿 我故安。 以 北 算 媵 俱 備 遂 面 大夫。 自表 爵 相禮 作矣。 **觶于公、爲士舉旅酬,次主人獻庶子以** 對 爲 面 坐 降 興 無算樂、凡六 奠于 司 射 命 右 其 司 威 我者,君 或亦其 將留賓飲 人 歌 卿 IE 儀 南 事 坐 正 「諾,敢 可。 自 中 笙 多 大 面 不 降 也。 君 庭; 間 阼 夫 實不主意於賓 坐 自我 祭, ○自此至 許 自 酒 作, 節, 階 奠 君 其 升,東楹 · 更 不安?! 西 也。 意殷 下 觶 而 請 卒 遂合 君 立 燕禮 階 請 右 因 觶 言 司 E 勤 無算樂」,皆坐 命用 正以監 我 立 鄉 欲 也。 南 備 還 欲 奠 洗奠角 之東 以 司 樂 留 爲 留 面 之 0 我 賓飲 北 司 IE. 次 之, m 司 賓,當爲 司正 坐 或 安」。」 受 Ē IE. ,公許。 告樂備 觶于 面 察儀 下諸 射以 興, 酒 取 命 洗 燕·盡· 少 述君之言以 君三 中 我安 命 法 觶 立 角 臣 樂賓,次 再 庭 卿 卿 西 歡· 也 舉 乃 觶 一坐以 之事: 明 大 拜 升 坐 大 射 階 爵 射 夫 其 行 夫 稽 取 酌 上 南 人 樂 以 事 賓 人 留 命 無

宰徹 降。 洗,南 皆 者 夫祭 所 升 親 監 也。 命 坐,相親之心也。 坐 將 IF. 首 工必説屨 徹 奠解、 ,命賓命卿大夫也。 以 坐 酒 興 就 皆 ; 致敬 若君 出 少 降待 右還 薦。 公俎 公許。 席 立 君 命: 對 面 取 也, 者 ,腰賤,不 命 解,皆 賓 親 將 反 公以 也。 燕 降自 庶羞 徹 自 反也。 奠于 滴 乃祭薦,不 然。 嚴 告于賓。 君 南 觶 所以盡愛也,敬之愛之,厚賢之道 升 正 諾 羞庶 賓及卿 在堂也。 面 日 南 慎 其 阼 賓 卿 自 明 ! 以其位 起對必降席 先 所 階 無 大 反 西 羞 將 西 敢 敢 監 也 面 以 階 不 人,及 夫皆降, 禮者尚 賓 於 大夫皆 不 反奠虚觶 也。 堂 東。 謂 醉 盛 北 下 醉 東 左還 膙 成 必· 酒 敬 面 肝 卿 楹 膳宰 禮 從・ 司 儀 脊狗 敬多則 坐,乃 取 南 不不 也。 東 IE. 大 之 觶. 也。 皆 賓 降 退 西• 俎 夫 東 胾 面 空 立 反 面 及 自 北 司 以 位 爲 醢 西序 不 皆 北 請 安。 阼 坐 面 坐。 卿 IE. 也。 君 也。 親 出 階 拜 説 上. 徹 取 之在 端 大 升 者, 皆 燕安 凡 以 0 骨 屨 俎 觶 夫 受 膳 大 明 以 司 命 體 燕 賓 東

右 立 司正,命安賓

其位 獻,即東方卿位,是尊之」也。 之事,士中之尊,故亦先薦。」又云:「士位在西,有事者别. 拜,坐祭立飲。他,謂衆士也,亦升受爵,不拜。 拜受觶。 上設位之時,祝史在門東,小臣在東堂下,是在東方 士西方東面,是東方尊。 薦於其位。○疏云:「庭中之位,卿東方西面,大夫北 在觶南,北面東上也。」四者皆士,意亦於此時獻之而 侯則上士,其人數亦如之。 司正爲上。○疏云:「此等皆 薦司正,與射人一人、司士一人、執幂二人, 士而先薦者,以其皆有事,故先薦。 立于解南東上。天子射人司士,皆下大夫二人,諸 觶」作「觚」。 辯獻士。 乃薦士。 而薦之。次士獻之,已,不變位,位自在東方。○ 主人洗,升,獻士于西階上。士長升, 主人拜送觶。 士坐祭立飲,不拜既爵,其他不 每已獻 士既獻者,立于東方,西面北 今卿大夫得獻升堂,位空,士 而即位于東方,蓋尊之。 獻士用 祝史、小臣師,亦就 司士掌群士爵禄廢置 解,士 賤也。 畢 今文 乃 也。 獻 面 後

> 略之也。 坐祭立飲。 主人就旅食之尊而獻之。 亦畢獻乃薦之。 北面酌 ,南鄉獻於尊南。 主人執虚爵奠于篚,復位 旅食不拜,受爵, 不洗者,以其賤

右主人辯獻士及旅

命。 也。 旅 旅食乃射,是燕射主於飲酒」,以大射主於射,未爲大夫舉 於飲酒。 一君射 其爲司正者,亦爲司馬。 宜從其禮也。 大射正,射人之長者也。 加即射也 納射器而張侯,其告請先于君,乃以命賓及卿大夫。 若不射,則主人獻旅食後,實即 至 若射,則大射正爲司射, ○經云「若射」,不定之辭,或射,或否,唯 一龍 旜 「如」者,如其「告弓矢既具」至 亦其異者也。 如鄉射之禮者,燕爲樂卿大夫, 君與賓爲耦。 薦旅食乃射者,是燕射 媵 觶 如鄉射之禮。 《鄉 舉酬 射 退中與算 記》曰 註 云「薦 君 自 所 主

右因燕而射以樂賓。

拜。 降 此當言 等。 賓降 小 洗 「媵鱓」。 臣 ,升媵觚于公,酌散,下拜。公 辭 ,賓升,再拜稽首。 酬之禮,皆用觶,言「觚」者,字之誤 公答再

興,西 者也。 升酌 降拜 反位。 受者興以酬士」,即其命之之辭。 爲士舉旅 人,至此乃有代酌授之者。 禮,○如其自 不倦也。 所媵觶 再 也 依註 拜。 古者 士有 膳 쨈 席坐行之。坐行之,若今坐相勸酒。 其餘則否。 階 音 士。 反位,反席也。 小臣 賓降 興,唯公所賜。至此又言「興」者,明公崇禮 ,下拜。 ,故命之。 今文「觶」又爲「觚」。 盥升主酌授之者。 上 字 怬 「賓降」至「進受虚爵」也。 洗象觶,升酌 辭。 賓坐祭,卒爵 或 欲令惠均。 士。 司正命 作「角」旁「氏 相旅,固司 小臣辭。 賓升成拜。 今文曰「洗象觚」。 士: 升。 唯受于公者拜。 ○前三舉旅皆止於大夫,今 ○前三舉旅皆酬 執爵者爵辯,卒受者 IE. 受者 升成 職 再 膳,坐奠于薦南, 大夫奠爵 大夫卒受者以 由 也。 公答再拜。 拜稽首 此 拜。 誤 如初受酬之 降 執 爾。 公坐取 爵者爵 更爵洗, 公答拜。 者,自酌授 有執 拜。 0 公所賜 陸氏: 辯 爵 賓 賓 爵 1: 卒

> 答拜。 旅,序也。士以次序自酌相酬,無執爵者。 西階上,辯。 不拜,實之。 興酬士者,士立堂下,無坐位。 祝史、小臣,旅食,皆及焉。 士拜受。 大 夫 拜 大夫 送。 卒。 立卒爵, 士旅 旅

右賓媵觶于公,公爲士舉旅酬。

皆薦也。 之官也。 僕人士陪于工後。 于其北,北上。大樂正立于東縣之北。若射,則僕人正 宰樂正聯事。樂正亦教國子以舞。 左 臣,則磬人鍾人鑮人鼓人僕人之屬,盡獻 Œ 小臣,皆于阼階上,如獻庶子之禮。 如獻士之禮,辯; 正 六牲之體、及舞位,使國子修德學道,世子之官也,而 也。 右 正 僕 主人洗,升自西階,獻 小樂正立于西縣之北。 人正在西縣北 據 皆獻于阼階上,别於外内臣也。 ○諸侯之庶子,即天子之諸子,皆世子之官 庭中 - 之位 内小臣、奄人,掌君陰事陰令,后夫人 而 故 降洗,遂獻左右 言 H 右 大樂正 僕人正、 Ē 庶子 在 左右正,謂 「别於外内臣」者,在 東 僕人師、 縣 獻正,下及内小 可 于 北 知 IE. 阼 也。 庶子,掌 僕人士立 樂 故 階 IE. 與 凡 僕 與 左 也 内 人 膳 Ē

ĮЦ

遂 故 采 云「别於外内臣 地 者爲外 臣 在 也 朝 廷者爲内 臣 庶子以下 - 皆人 君 近

右主人獻庶子以下于阼階。

爵 者。 興 酌 虚 爵 皆 下拜,至此不復降拜者,禮殺故也。」又云: 酌以之公; 膳 而 古文曰「公答再拜」。 下,奠爵,再 爵,明 南 止 者 授 者 爵 ,反奠之。 宴歡在 面 者,酌 執 以 ,興,以酬 坐而 無算爵。 士也,有 此 統於君,皆以東爲上,故知席下爲 散 勸 爵 勸 爵 惠 就 以進公; 坐而 命所賜。 從 拜 算,數也。 執 尊 席 士于 執 稽首,公答拜。 受。 者來 0 散 坐,公卒爵,然 膳 疏 於飲 爵 西 唯 也。 Z 爵 公不拜受。 者 階 所賜 受 酒 者, 爵行無次無數, 「旅酬以 執膳 上 爵 乃 ,成其 有執 於 酌 者 意。 爵 士升。 行 公者拜。 前 興 者,受 後 散 之。予 受賜 席 「實與卿大夫席 席下, ,受公爵 受爵 執 飲。 西也。」受賜 爵 唯意所 散 大夫不 者 冷,降 席 公爵 爵 爵 其 不 皆 卒受 西 勸 敢先 所 者 降 者 也 席 執 潮力 階 醉

> 樂。 自 拜 夫降而遂止 卿大夫降而爵 拜 皆辟,命徹幂者,公意殷勤 再 命 士: 示不虚受也。 明 酌與之,不使人代。 拜 旅 徹 乃 升歌間合無數也,取 稽首。 雖 飲 幂 酌 醉,正臣禮也。 , 亦如之。 則 實爵。 ,及其拜訖反席,士復終旅 卿大夫皆降, 止,於其反席,卒之。 遂升,反坐。 公命小臣辭。 乃 〇亦 不言賓,賓彌臣 士不拜受爵。 猶 歡而 画 旅於階 必必 른 也 士終旅於上,如 盡 西 公答 其樂章 酒 階) † 上 也。 0 於西階上。 而 下 此 也。 1再拜。 方 不 小 實 亦 北 大夫 拜 爵 酌 君答拜於 臣解,不升 也。 面 旅 當· 東 就 以 公有 是• 大夫 無算 大夫 卿 初。 上 大

右燕末無算爵、無算樂。

爲位 外。 出 西 階上,甸 廣 賓 宵,夜也。 宵,則 也。 醉 北面 閽 庶子 人執 人,門 燭, 坐取 燋 大燭 執 人也。 心也。 燭 其薦 於 於庭,闇 爲 甸 阼 人,掌 作 脯 階 也。 以 共薪 上; 人 降 作 大 蒸 爲 司 燭 者。 取 大 宫 脯 以 燭 執 庭 重 俟 於門 燭 大 得 賓 燭 於 客 君

《九夏》,今奏《陔》以 賜。 鐘 古文「賜」作 以 爲 人於門 行節也。 奏《陔》。 錫」。 内雷,遂出 凡 《夏》,以 (陔》,《陔夏》,樂章 卿 節己,用 大 鍾 夫 鼓奏之。 賜 必賜鐘 皆 脯以 出 報 人,鐘人掌以 賓 也。 之,明 隨 所 賓 賓 執 出 雖醉 出 也。 脯 奏《 不忘 鐘鼓 陔 公不 以 夏》, 禮。 賜

燕畢賓出

送。

賓禮訖,是臣

使某 厚 臣 異 日 文「腆」皆 寡 君 燕本國諸 (國臣 也 更 臣 有 也 不 也 公與客燕。 燕,使卿大夫就館 寡 敢 ,猶言少德,謙 - 腆之酒 無所爲辱賜於使臣,謙不敢 以 臣同,唯戒賓爲異,故於禮末見之。 一解。」上、 作「殄」。 君 請 君 君使人戒客辭 之 介出答主國 以 今文 謂四 也。 私 請 戒客及客應對 皆 方之使者。 也 腆,善 吾子之與寡君 日 使者: 不 君 也。 也。 腆 當 無 辭. 禮 酒 上介出請入告。 〇此下言 也。 也。 之辭。 所 ۰, ,使人各以其 無「之」。 私,謂 辱 敢 須臾焉 者 曰: 賜 其 或 怖 獨 儀 君 于 「寡 受恩 懼 節 將 爵 使 對 古 用 與 與

> 臣 腆之酒 者三 請。」「某固 使上介致辭。 敢固 勢決之辭 寡君 君命辭. 君之賜命,猶 見主國使者,辭以 敢 請, 『辭。」重傳へ 拜 而客許之。致命曰: 也。 賜 ,以請吾子之與 君 之私 命 寡 辭不 「君貺寡君多矣,又辱 謙 寡 命。 君 不 也。 必 見許 得 古 君 固 解 命,敢不從?」許之也 古 如如 也 爲得命。 君 示不 故。 曰『不腆』, ,猶愛也 無 、寡君 ·腆」, ○使者 所 「寡君使某, 今文無 辱 須 使 敢拜賜 賜 重 臾 某 傳命戒客,客 八焉。」親t 于 賜 「使某」。 使某 固 使 于 命,從使者 以 使 有 古 請 相· 於 臣 臣 以 使 是 重

出

記

拜

致·

之服 也。 昵 也 也 燕 謂 今 辟 冠玄端、 朝 雍 服 + 月 於寢 緇 行 帶 此 燕 素 禮 雄、 朝 服 玄冠 白 者, 屨 諸 而 也。 侯與 衣 皮 燕於 其群 弁 服 路 臣 寢, 與 H 禮 相 視 朝 異 親

其 牲 狗 也 狗 取 擇 人 也。 明 非 其 人不 與 爲 禮

也。亨于門外東方。亨於門外,臣所掌也。

啐, 位。 荷敬 群 賓,揖讓升,如初禮。 親進醴于賓,今燕,又且獻焉,人臣不敢褻煩尊者,至此升 不啐酒。 乃迎賓也。 揖 降尊以就卑也。 於苟矣,實則敬之,故立以爲名。 堂 皆如《公食》。 臣即位,如燕也。 而 似若尊者然也。 言 辭讓,欲以臣禮燕,爲恭敬也,於是席之如獻諸 升。 席 若與四方之賓燕,則公迎之于大門内 荷敬」者,賓實主國 于阼階之西,北 ○告饌具、請 四方之賓,謂 其介爲賓。 亦告饌 ○欲敬異國之實,故不自殊異 〇 苟敬者,坐近君側,而簡於禮儀,疑 介門西北面 主人獻賓,獻公,既獻荷敬,乃 具而後公即席,小臣 執幂等,又《公食 來聘者也。 所宜敬 苟,且也,假也。 面; 西上。 也。 無膳 自 有晉,不 脅,折 公降迎上介以爲 尊, 「戒」至於 請 》所 主國君饗時 執 俎 也 無 無 幂 也 嚌肺 膳 「拜至 請 賓 媵 不嚌 公之 羞 觚, 爲

也。 夫爲賓。 「公父文伯飲 與 卿 不以 燕 ,則大夫爲賓。 所 南宫敬 與 燕者爲賓者,燕爲序歡 叔 酒 以 路堵父爲客」 與大夫燕,亦大 心 此 賓主敬 之謂

文無「則」,下無「燕」。 〇此謂與己臣子燕法也。也。君但以大夫爲賓者,大夫卑,雖尊之,猶遠于君。今

經不辨其人,故記者指言之。 宰卑於士。羞卿者,小膳宰也。膳宰之佐也。○以宰卑於士。羞卿者,小膳宰也。膳宰之佐也。○以

也。 晦。」又曰:「實維爾公允師。」既合鄉樂,萬舞而奏之,所以 事之勞,則奏此樂焉。 美王侯, 勸有功也。 管之人三成謂三終也。 下管《新宫》,笙人三成,《新宫》、《小 夏》,樂章也,今亡,以鍾鑮播之,鼓磬應之,所謂「金 夏》,公卒爵,主人升受爵以下而樂 拜酒,主人答拜而樂闋; 南》六篇。 頌 鹿鳴》 》篇,告成大武之樂歌也。 《記》曰「入門而縣興」,「示易以敬也」。 若以樂納賓,則賓及庭,奏《肆夏》, 下管不奏《南陔》、《白華》、《華黍》,而管《新宫》; 言「遂」者,不間也。 ○升歌不盡《鹿鳴》以下三篇 ○闋,苦穴反。 遂合鄉樂。 其詩曰: 若 公拜受爵 舞, 「於鑠王 升歌《 則《勺 鄉 樂、《周 雅 卿大夫有 師 而 逸 鹿 翼 而 遵 南 《勺》, 鳴 篇 養時 ※ 召 但 《肆 奏 也 肆 賓 歌 Ŧ.

不用 異節,以其有王事之勞,故特異之也。 以爲節、皆與常燕異。 間 歌、笙人三終 而 初既以樂納之,及作正樂,又有 遂合鄉樂,又或爲之舞,而 〇勺音灼 歌 《勺》 此

唯公與賓有俎。 主於燕,其餘可以無俎

反。

辭,不敢必受之。 獻公,曰:「臣敢奏爵以聽命。」授公,釋此 〇謂主人獻公及賓媵爵,皆釋此辭。

堂。 命也。 各 連步,謂足相隨不 升,猶聚足連步』也。 發而升堂也 \bigcirc)疏云: 凡公所辭,皆栗階。栗,蹙也,謂越等急趨君 ○辭者,辭其拜下,命之升也。 其始升,猶聚足連步,越二等,左右足各一發而升 「栗階不過二等,據上等而言,故鄭云『其始 相 過 聚足,謂前足躡一 即即 聚足也。」至近上二等,左右足 凡栗階,不過 等,後足從之併。

俟復發也。

不使大射正,燕射輕。

E

一射退

于

物

升拜 自 也 酌 請 升拜,公答拜,於是時請之。 時 行酒 也。 凡 公所酬 于群 擯者阼階下告于公,還西階下告公許。 臣。 既 必 請 拜 者,不專惠也。 請 旅 侍臣。 ○賓受公虚爵 既 拜 謂 旅,行 自 酌

射

則

袒纁襦

○厭,

涉反。

凡 薦與 羞者,小膳宰 也。 謂於卿大夫以下

> 也。 上特言「羞卿者小膳宰」、欲絶於賓、羞賓者 亦士。

謂羞豆之實,酏食,糁食,羞籩之實,糗

餌,粉資。 有 内 ○酏,以支反。糁,素感反。 差。 餌音二。 資,才私

就物。 君與射,則爲下射,袒朱襦,樂作 君尊。 小臣以巾授矢,稍屬。 君尊,不 而后 搢

矢。 不以樂爲節也。 〇 發 矢,復授一矢。 既 發, 則 不以樂志。 小臣受弓,以授弓人。 辟不敏也。 0

箭,既發,則答君而俟。○答,對也,面鄉君也。 笴,工但反。 又, 弓老反。 若飲君,燕, 則 夾 爵 謂 0

將飲君, 君在不勝之黨,賓飲之,如燕媵觚,則又夾爵。 射,則肉 先自飲,及君飲訖,又自飲也。 袒。 不纁襦, 厭 於君。 ◎《鄉 射》: 君在,大夫 ○夾爵者 大夫與

矣,臣請贊執爵者。」受賜,謂公鄉者酌之。 若與 四 方之賓燕, 媵爵,曰:「臣 至燕,主 一受賜

命答之也。一吾子無自辱焉。」辭之也。對,答也,亦告公,以公爵在坐燕之後,故註云「事賓之禮殺」。相者對曰: 爵在坐燕之後,故註云「事賓之禮殺」。相者對曰:

有房中之樂。弦歌《周南》、《召南》之詩,而不相算樂,恐亦未必不有也。 有房中之樂。弦歌《周南》、《召南》之詩,而不

儀禮鄭氏註大射儀第七

濟陽張爾岐句讀

《别録》皆第七。」與於祭。射義於五禮屬嘉禮,大戴此第十三,小戴及與於祭。射義於五禮屬嘉禮,大戴此第十三,小戴及其群臣射,以觀其禮,數中者得與於祭,不數中者不得數《目録》云:「名曰『大射』者,諸侯將有祭祀之事,與

射。 掌誓戒百官,與天子冢宰同。 於天子,冢宰,治官卿也。 縣、陳燕具,凡四節。 ○諸侯無冢宰,立司徒以兼之。 ○自此至「羹定」,皆射前戒備之事:戒諸官、張射侯、設樂 當射,宰告於君,君乃命之。言「君有命」,政教宜由尊者。 可 大射之儀: 士戒 土 射,與贊者。 君有 宰戒百官有事於射者。 作大事,則掌以君命戒於百官。 命戒射。 射人戒諸公卿大夫 此言「宰」,即司徒也。 射人掌以射法治 將有祭祀之事, 宰 其. 射

者。○上文宰承君命,既總戒之,此射人、司士,又分别戒戒公卿大夫與士,辨貴賤也。 贊,佐也,謂士佐執事、不射儀。司士掌國中之士治。凡其戒令,皆司馬之屬也。殊

右戒百官。

禦矢。 侯。 宿」。 日: 量侯道取象焉。 侯,謂所射布也,尊者射之以威不寧侯,卑者射之以求爲 其侯西十北十。量人,司馬之屬,掌量道巷塗數者 步:大侯九十,参七十,干五十,設乏,各去 射人宿視滌,掃除濯溉,又在前射三日之前一夕,故 宰,上下交飭也。又及司馬者,此日量道張侯,司馬職也 宫。○前者宰已戒百官,至此宰夫又以射期將至來告于 子,政官之卿。凡大射,則合其六耦。 視滌。宰夫,冢宰之屬,掌百官之徵令者。 「弓之下制六尺。」則此貍步六尺明矣。 量侯道,謂去堂遠近也。容,謂之乏,所以爲獲者之 前射三日,宰夫戒宰、及司馬。 射人宿 貍之何物,每舉足者,止視遠近,爲發必中也,是以 司馬命量人量侯道、與所設乏,以貍 《鄉射·記》曰: 「侯道五十弓。」《考工記 滌,謂溉器、掃 大侯,熊侯,謂 司馬,於天 除 射

用革。 武。 飾也。 遠則鵠大,侯近則鵠小。 魯之間,名題肩爲正。 鵠,鳥名,射之難中,中之爲俊,是以所射於侯取名也。 任己位也。 人父者,以爲父鵠;爲人子者,以爲子鵠。」言射中此,乃能 義》曰: 之崇,見鵠於參; 註音豻,五旦反。 三侯共道,遞近,以二十步爲率,尊者射遠,卑者射近,侯 三侯、熊侯、糝侯、豻侯,以熊侯同於天子,故云「大侯」。 熊侯、豹侯,畿内諸侯二侯,以熊侯爲首,畿外諸侯得用 皆以布爲之,而以皮爲鵠,旁又飾以皮。 豹鵠而麋飾,下天子大夫也。 之「大」者,與天子熊侯同。 淮南子》曰:「鳱鵠知來。」然則所云正者正也,亦鳥名,齊 侯,巾類。 不繫左下綱。 大夫將祭於己,射麋侯。 「爲人君者,以爲君鵠,爲人臣者,以爲臣鵠, 巾車,於天子,宗伯之屬,掌裝衣車者,亦使張 鵠之言較,較直也,射者所以直己志。或曰: 崇,高也。 遂命量人巾車張三侯:大侯 ΙĘ, 參見鵠於干; 干不及地 設乏,西十北十。凡乏, ○參,依註音糝,素感反。干,依 鵠,皆鳥之捷黠者。 高必見鵠,鵠,所射之主。 參,讀 干,讀爲豻,豻侯者,豻鵠豻 士無臣,祭不射。○三侯 爲 糁, 王大射,用虎侯 糁雜也, 《考工記 雜侯 《射 者 爲

> 寸。 尺三寸少半寸。及,至也。 티 : 三分之一,故推知之也。「設乏西十北十」,西與北各去侯 七十弓者十四尺,五十弓者十尺,每侯之鵠,又各取其侯 廣狹取則於侯道之遠近,每弓取二寸,九十弓者十八尺, 此三侯高下之法也。註知三侯之鵠廣狹之數者,以侯之 上,参侯之鵠,見干侯之上,干侯下綱則去地一尺二寸, 張侯設乏,欲使有事者豫志焉。○大侯之鵠,見參侯之 丈二尺五寸少半寸。 之鵠方六尺,糁侯之鵠方四尺六寸大半寸,豻侯之鵠方三 六丈也。云「凡乏」,三侯各有乏也。 以豻侯計之,糝侯去地一丈五寸少半寸,大侯去地二 「梓人爲侯,廣與崇方,參分其廣而 凡侯北面,西方謂之左。前射三日 武,迹也。中人之足,長尺二 鵠居 焉。」則 大侯

右前射三日,戒宰,視滌,量道,張侯。

之。 全。 生。《春秋傳》曰:「太簇所以金奏,贊陽 修絜百物,考神納賓。」是以東方鐘磬謂 鐘,其南鑮,皆南 《周禮》 鑮如鐘而大,奏樂以鼓鑮爲節。 樂人宿縣 **₩** 「凡縣鐘磬,半爲堵,全爲肆。」有 于阼階東,笙磬西面 陳。 笙猶生也,東爲陽中,萬物 ○諸侯軒縣,三面 出 之笙,皆 滯。 其 姑 鐘 有 洗 南笙 而 磬 所 爲 以 以 縣

應鼙 之跗 君設之,故云「爲君也」。 鑮 共 爲 一 鼓不在東縣南,爲君也。 鼙,應鼙應之。 有 也。 名笙。 在 此 肆,移來在此者,鄭以爲爲君,以 其 南鼓, 其 (東,南 東 鼙,小鼓也。 謂 鑮音 肆 所 鼓。 伐 也。 博。 面 下「建鼓」言「一」,此不言「一」, 〇此鼓本在東縣之南,與磬、鐘 笙磬、 也。 建,猶樹 建 在東,便其先擊小後擊大也 鼓 應鼙,應朔 笙 在 鐘, 也,以 阼 先 儒 階 木貫 君在阼階上,近 鼙 以 西, 也。 爲 而 聲 載之,樹 南 先擊 與 笙 鼓 朔 協

於其 不言 始也。 鼙在 其南 縣。 也 宣布哲人之令德,示民軌義。」是以 秋 群臣,備 頌 東鼓、義同、省文也。古文「頌」爲「庸」。 傳 其 鑮 ·鐘、頌磬,先儒以爲歌頌則奏之,故名頌。 軒 奏樂先擊西鼙,樂爲賓,所由 建鼓在 ĕ = 北。 縣,三 皆 「夷則 南 面爾,無鐘磬,有鼓而已。 面皆縣 言 陳。 西階之東,南 成 所 功 以 北面 日 詠 頌。 歌 建 合 九則 有 鼓 西 爲 在 西方鐘磬謂之頌。 平, 肆 面 來也。 陰中, -民無太。 其 ,以其與 南, 言面 其爲諸 萬物之所 鐘 ○此西・ 東 群 不言頌, 鼙 無射 一者,國 侯,則 鼓 臣 0 射 所以 頌 朔, 成 朔 肆• 故 君 音

> 《王制》 闕之以 之以 堂。 文也。 面 與 奏樂也。 鼗倚于頌磬西 ·曰:「天子賜諸 笙 辟 簜 工磬、頌 射 在 位 建 紘,編 **、磐同例** 鼓之 猶 設 磬 侯樂 間 而與 繩 紘。 建鼓 也。 則 人上文建 簜,竹 者, 鼗 以柷將 設 如 姑 鼗 一鼓而 也,謂 鼓之自東縣 備 在 之。 整西, 小,有 面 笙簫之屬 賜 耳。 伯 倚 柄,賓至,摇 子 移來者 于 故 勇 紘 言 倚 也 南 則 於 異

右射前一日設樂縣。

以鼗將之。」○紘音宏

因移,並言之。

西

階

之西、頌磬

東

面

其南

鐘

尊,君 玄酒 綴於篠,横之也。 巾 蓋 尊 井鹿盧、 也。 兩甒 幂,加勺,又反之。皆玄尊。 之尊,重 尊也。 厥 錫 其爲字從豆,曲 明,司 在南,有豐。 細 後陳之,尊之也。 布 本 也。 也 宫尊于 又反之,爲覆勺 絺 酒 在 細葛 聲, 北 東楹 近似 幂用 也。 尊 豐,以承尊 統 豆 箭 也。 錫若 於 之西 篠 君 大而卑 皆玄尊,二者皆 也。 南 絲, 也 酒 爲 兩 矣。 爲 説 上 在 綴 幂 方 者以 也 幂 北 壺 蓋 覆 唯 卷 爲 辟 尊 若 膳 有

=

❶ 「言一」,原誤倒,據薈要本、文淵閣本改。

明 者,和 具。 四 洗 涚,始鋭反。 用 面。 獻 方 旅,衆也。 古文「箭 面 汁 勺。 也。 尊,言 濁,特沸之,必摩沙者 勺,又反之」,此覆尊之法,勺 此 」,或言 北 獻涚 西 酒 鬯。 ○註 「綴諸箭」者,綴錫若絺於箭而張之,以 尊 以 一,南 賤 尊 不 水 醆 于 專 無玄酒 作 設 引 爲 爲 西 · 酸酒 士旅 酒 惠 士衆食未得 在 陳。 服不之尊,在飲不勝者以 隸 郊特 晉」。 服 面 設洗于作階 而 也。 僕 洗北 不 摩 人巾 食于 学之, 性》,以 氏 服不之尊,俟 異 設 今文「錫 ○諸侯將射,先行燕禮,故此 又 其 設 膳 車 尊 篚 文 Œ. 也。 也。 西鑮之南 **糁侯豻侯之獲者。** 篚 以 証沙酒之義。 也 禄,謂庶人在官者。 在 于大侯之乏 出 一或作 在 0 兩 東 · 南 鬱鬯之汁 獻, 又 其 時 壺 加幂上,復撩幂之垂 南 緆 当皆沙 而 北 東 設 素 陳 北北 罍水 陳。 洗于 何 後、故註 于南 酒。 昔, 也。 涚, 泲 西 反。 面 東 獻 覆也。 面。 絺 在 郊特 統于 亦 獲 以 沸 讀 也。 統於侯 云一俟 北 或 東 其 睘 兩 者 或 子 下 侯 壺, 作 祭 牲 爲 景 沸 皆 之 侯, 沙沙沙 言 篚 禮 兩 蓋 $\stackrel{>}{\exists}$ 時 沙 變於 皆 者 綌 陳 壺 尊 南 也 反。 幂 在 壺 故 以 酒 東 燕

> 熟也。 公矣。 狗 貴 小 席 也。 而 樹之於位後耳。 公阼階西,北面,東上。 面 陳於其 賤 爵 卿 者,則北 于户西,南面,有加 也。 小 因 賓 官饌。 射義 服 臣設公席于阼階 諸公、大國有孤卿 南。 西, 不 $\stackrel{>}{\exists}$ 也。 ○此篚中 上。 東 百官各饌其所當共之物。 小卿,命於其君 上。 有 諸 席 篚 侯之射也,必先 工于西 -不設爵 大夫 爲 奠 席 虚 人,與君論道 E 繼 唯賓及公席布之也, 爵 將 者 階之東,東 也。 而 卿 因 也, 西 東上。 獻服 行 席 鄉 席 服 燕禮。」燕禮 賓 于 不之洗,亦 不之爵 羹定。 賓 亦不典 東,東上。 司宫設 (西,射 若有 上。 而 職 牲 烹 其 用 禮 俟 如如 諸 東 用 辨 餘 之

右射日陳燕、具席位。

右 北 干侯之東北,北 小 面 北 臣 東上。 師 射人告具于公。公升 面東上。 納 諸 公卿大夫。 小 臣 面 士西方, 師 東上。 從者 諸 東 士旅 在 公 即 面 東堂 北 卿 位 食者 上。 大夫皆人門 于 下, 席 在士 南 大史在 西 面 南 鄉 西

之長。 席 顧。 名。 賓出,立于門外, 夫皆少進。 大夫,諸公卿 于阼階之東南,南 酢、主人酬賓、二人舉觶、公取觶酬賓遂旅 賓、納賓以來,主人獻賓、賓酢主人、主人獻公、主人受公 此 深 二人再舉觶、公爲卿舉旅酬 節、皆與燕禮 至 也。 上言「大夫」,誤衍耳。 辭,辭 擯者. 大史在 南 小臣 賓再拜稽 擯者請賓。公曰「命某爲賓」。 小 面 臣 以 命賓。 反奠于其 師,正之佐 自 干 不敏。 韶,告 侯東北,士 阼 同,容有 大 階 首受命。 所 賓少進 夫 反命,以 也。 下 北 也 北 鄉。 西 小異,主於射故也。 北 面 旅食者 面。 變「爾」言 正相 大射正擯。大射正,射 立,皆將 面 主人獻大夫、工人奏樂,凡 面 禮 小臣 君, 公揖 賓之辭 請 又,復。 北 在 辭。 出入君之大命。 執 士 上 「揖」,亦以其 師 射· 南、爲有侯、故 卿 幂 告 擯者 詔 先燕之事,公命 命賓者,東 者、與 於君。 揖 大夫,升就 栅 揖諸公卿 公降,立 大夫,大 、主人獻 某,大夫 反 八人庭 羞 又命 命。 ○自 面 入庭 卿 膳 深 + 人 南

擯 之。 賓將與主人爲禮,不參之。 辟。及,至也。 升自北階,立于房中,西面南上。 命之。東上,執玄尊之幂爲 階,立于尊南,北面 者 뜇 壺 者納賓。 膳宰請 獻,無 請 士可 幂。 使 羞于諸公卿 執 辟,逡遁,不敢當盛。 賓及庭。 乃 君 网 命 甒之幂、 執 東 幂 上。 上。 者。 公降 者 及羞 羞 不言「命」者,不升堂,略 命者於西階前,以公命 膳 膳宰請者,異 脯 執 者從 公升 醢 等 幂 庶 而 羞 揖賓。 ,即席 者 東 於君 升 於君 由 者。 自 堂 東 也 以 賓 西 方

右命賓、納賓。

其詩曰: 賓客之獻飲食。 右 《肆夏》,《時邁》也。 主人降洗,洗南 蜜出人,奏《肆夏》。」賓升自西階。 時夏》。」奏此以延賓,其著宣王德勸賢與。《周 北 面 奏《肆夏》。《肆夏》,樂章名,今亡。 「明昭有周,式序在位。」又曰:「我求懿德,肆 至 再 拜。 君於臣,雖爲賓,不親獻,以其莫敢亢 《時邁》者,太平巡守祭 西 賓答 北 面 再 拜。 賓將從降 主人,宰夫也,又堂 主人從之,賓 鄉之。 Ш 吕 川之樂歌 叔 禮》 不於洗 玉 日 禮 于

升。 盤。 于 俎,爲射變於燕。 之體者也。 宰胥,宰官之吏也。 爵 階 加 幂 主 主。 位 進 對 北 賓升筵。 入升。 薦 勺,又反之。反之,覆勺。 者 上拜,受爵于筵前,反位。 辟 主 辭 賓少進 賓既 賓降。 對 舉 主人 正 洗。 人 主。 · 幂。 拜, 《鄉射 卒 興 升, 庶子 賓 者, 所 於筵 主人 主 取 洗 主人辭 主 拜 降 記 肺 賓坐,左 設 人 洗。 前 人 階 辭 不 取 · 坐 賓 坐 折 受爵 北 異 ₩ Ξ : 酌 西 使 觚 降。 奠 俎 膳 揖 面 主 宜 一絶祭 膳。 退 東 「賓俎脊脅肩肺。」不使膳宰設 違其 宰 執 人賓右 觚 盤 乃 +薦,不 取 復位。 庶子,司 面 賓對。 觚,右祭 于 嚌 執 觚, 升 筵 位 坐 篚 幂 也。 將 之, 主於 主 取 前 主人賓右 宰 就 奠觚 者 馬之屬 賓 人 卒盤。 獻 興 觚 獻 瓦 飲 胥 每 蓋 興 脯 辭 不 對。 賓。 甒 洗 酒 先 薦 用 答 幂 加 醢 酌 升 掌 降 變 爵, 膳 脯 拜 于 賓 IE. 奠爵 賓 賓 拜 賓 酌 於 揖 六牲 辟 俎 醢 之。 燕 揖 降 者 反 少 賓 送 西 執 正

> 卒爵 及庭 拜。 時 坐卒 降席,席 席 賓之禮, 坐 坐 此 捝 而 而 燕己臣 爵 手 樂闋」,彼 奏《肆夏》,賓拜酒 ,盛於上 西也。 奠爵,拜, 執 興,坐 子 爵 也。 法。 旨,美也。 燕朝 · 遂 〇唯 奠 告旨; 郊 聘之實 祭 爵, 特牲 主人答拜 盛 酒 樂 得 拜; $\stackrel{>}{\succeq}$ 闋。 法 執 有 興, 也。 樂 っ賓 爵 而樂闋 執 也。 闋, 席 興。 入大門 爵 賓 末 止 西 興。 燕 坐 亦謂 主 而 禮 階 啐 人 奏 樂止 主 上 啐 記 酒 答 一酒告旨 肆 北 者,尊 尝云 拜 夏 答 降 面 賓

右主人獻賓。

升; 賓禮 洗。 賓洗 興 階 對 西 篚下, 酌 東 南 賓 膳、 卒洗; 賓 以 西 面 篚 降 少 北 虚 執 南。 進 盥 面 爵 幂 及 對。 坐奠 降。 主 (階,揖 如 主 人 初, 一人降。 觚 賓 既 辭 少少 卒爵 坐 以 升。 洗 取 酢 進, 賓 觚 將 主 主 賓 酢 辭降 辭 人 坐 奠于 降 于 升 奠 拜 西 主 卒 觚 飵 主人西 人 階 盤 下 于 洗 降 篚 盤 如

以 義 主人 受獻矣,不敢安盛。 謂謝酒惡相充實。 不 西序,東面 南 面授 虚 啐 《燕禮》曰:「不 拜; 酒 北 爵降,奠于篚。 爵 辟 面 ,乃於左拜。 拜 執 正主也。 受爵。 命,公命也。 爵 賓降,立于西階西, 興。 擯者以 拜酒,不告旨。」遂卒 未薦者、臣也。不拜酒、主人之 凡授爵鄉所受者。 賓主人之左 不崇酒,辟正君也。崇,充也 賓答拜。 東西墻謂之序。 命升賓。 主人不崇酒 賓升,立 拜 主人 爵; 東面。 送 興,坐 爵。 坐 于 既 賓

右賓酢主人。

於燕。 左房。 公。 異於賓。 房,東房也,人君左右房。 下, 阼 象觚,觚 主人盥,洗象觚 公拜受爵,乃奏《肆夏》。 階下, 庶子 ○賓及庭奏,君受爵乃奏也。 有象骨飾也。 設 北 折 面 俎 拜 鄉鄉 送 升 升 取象 爵。 射 自 酌 觚東面,不言「實之」,變 記》 西 膳, 宰 曰:「主人俎脊脅臂 階。 胥 東 主人降自 言「乃」者,其 薦 自 北 脯 由 面 醢 也。 獻 于 由 西 節 左

肺 尊,變於賓。 酒 ,立卒爵; 也。 公祭, 主人答拜。 坐奠爵, 如 賓 禮 拜, 樂闋。 庶 執 子 爵 贊 升受爵,降 興。 授 肺 凡異者,君 不 拜

右主人獻公。

于篚

爵; 爵,不敢襲至尊。 奠爵于篚 面 坐奠爵,再拜稽 興,坐奠爵,再拜稽首。 更爵 洗,升酌散以 古文「更」爲「受」。 首。 降, 酢于阼階下, 北 公答拜。 主人坐祭,遂卒 公答拜。 更,易 也。 主人

右主人受公酢

飲。 也。 賓答拜。 散,方壺之酒也。 坐奠爵,拜。 主人降洗。 賓 主人盥洗,升媵 辭。 辭者,辭其代君 卒 賓西階 古文「媵 爵 賓降。 興, 」皆作 觚于 坐奠 上 行酒不立飲也,比 主 北 「騰」。 人 賓, 爵,拜; 面 辭 答拜。 酌 主人 降 散,西 執 坐 賓辭 媵,送 於 一祭,遂 爵 正 階 主 洗 也 E 恓

也。 卒 不 薦 位 主 立 東。 洗 於序内,位彌尊 主人降,復位 主 酌 遂者,因 人 膳。 賓 拜 揖 送爵。 升, 賓 坐而 西 不 奠之,不北 階上 拜 賓升席 賓降 洗 拜,受爵 筵 面 ·, 坐 不 西 也。 拜 一祭酒 洗 東 奠之者 于 南 恓 筵 面 而 遂 前 禮 立。 酬 奠 殺 反 不 于 也 賓 舉

右主人酬賓。

之使 爵 右 與 適 觶 大 面 後 爲 大夫二 阼 ; 者 再 上。 (酌者 選 升自 拜。 拜 階 小 立 於長幼之中 臣 交於 古 稽 人 于 下 文 序,次第 西 自 首 媵 洗 日 西 皆 阼 階 爵 降 楹 南, 序 奠 階 公答 北 也 造阼 也 作 下 西 觶 相 猶 進 卿 請 拜。 使。 階 左 面 代 則 酌 再 下。 媵 尊, 俟 也。 北 散 媵 拜 再 爵者。 於 上 士 ; 爵 拜 西 先 稽 媵 則 交于 階 者 稽 者 爵 卑。 首 既酌 首, 序 上 阼 者 公命 進 乃 拜 楹 階 小 右 執 皆 降 君 盥 北 臣 下 命。 坐 還 觶 長 往 洗 皆 作 而 來以 興。 降, 祭 反 角 媵 北 下 命

> 答 命。 北 奠於薦 象 下 必 公答再 上 遂 君 面 拜 卒 觶 皆 命。 位 小 降 0 北 ; 觶 南 臣 不 既 升, 拜。 ; 若 面 適 酌 請 興 敢 命 再 而 阼 實之,序進, 必 致 皆致 代進,往 媵 拜稽 君舉。 階 坐 者 爵 下, 奠 者 則 首。 觶 請 來由尊北,交於東楹北 媵 執 皆再 序進 君 爵 公答拜 觶 再 使 者皆退 待 拜 拜 坐),奠觶 人與? 于 稽 稽 奠 洗 首 首 于 反 南 于 二人 ; 送 媵 位 薦 篚 執 爵 觶 南 亦 待 與 觶 反 者 阼 ? 相 門 待 興 左 公 北 洗 階 不 右 君

右二人媵觶,將爲賓舉旅酬

公起酬 下 變於燕。 西 拜。 階 公 下 公坐 賓 坐 於 小 升成拜,復 再 奠觶 西 取 臣 拜 階 大 正 稽 降尊 夫所 首。 答 辭 再 拜 拜 以 稽 媵 就 賓 小 首, 卑 執 觶 升 臣 也 先時 觶 再 正 興 興。 IĘ, 拜 君 辭。 以 辭之,於禮 長 稽 栖 公卒 也。 首。 賓 賓。 FI 小 觶 不 臣 成 賓 若 言 長 降 未 拜 辭 賓 成 成

席

大夫辯受

쨈

如

受賓

個

之禮,不祭酒

觶

洗

升實散。

大夫拜

受。

賓

拜

送,遂

就

賓坐祭,立卒輝,不

拜

若

膳

觶

也

則

降

更

西

拜」者,爲拜 也,發端言一 故下, 降拜」,因上事言 實未 拜 也。 「下拜」。 下不就 拜, 公坐 禮 也。 奠 觶 下 亦 降

故之辭 拜 不 觶 空其文也。 酒 拜稽首。公答拜。 不洗,反 夫之右 升受旅。作,使也。 擯者告于公,公許。 ○公答拜於 相襲者,於尊者言「更」,自敵以下言「易」,更作新 興 賓以旅大夫于西階上。 執 洗 也。 觶 坐奠 升酌膳,下 〇公授賓爵,即 不言「公酬賓於西階上」及「公反位 興。 賓 阼階上。 進 觶 以 賓進 臣 道 拜; 使之以 賓 就君受虚爵,❷君不親 拜。 受 不易,君 告 旅,序也。 反位。 虚 執 于 長幼 小 解,降,奠于 觶 擯 義 臣 之次,先孤。 興。 公有命, 擯者作 者, 也。 賓欲以次序 IE. 辭。 大夫 請 不 洗, 大夫長 旅 二者,尊 賓 則 酌。 篚 臣 答 賓,大 諸 勸 升 禮 不 易 拜。 凡 諸 臣 也 再 易 爵 有

脯

觚

卒受者 以 虚 觶 降,奠于 篚 ,復位

右公取 媵 觶 栅 賓,遂 旅 酬

徹,猶 宫兼 亦自 用脊脅臑 面 一奠爵 祭 ; 嚌 醢 貶於君。 位。 去也。 執爵興,降席,西 主人 卷 主人洗 脯 肺 折 重 拜; 卿 不 醢 肺。 酢 席 升 重 拜 興 奠 主人答拜 席 設于 觚 席。 辟 送 執 卿 加 雖 爵 升 君 有 觚 爵 非 于 于 俎 加 庶子設 興。 辯 者,射 賓左, 實散,獻卿于 俎 薦 猶爲其重累辭之,辟君。 卿 獻 階上 右 陳酒肴, 华 辭 受爵 禮尊 卿。 東上。 折 捝 重 北 興 俎。 席 手, 主人 君之惠 面 取 卿 卿 坐卒爵; 肺 坐, 卿 西 取 卿 司 以 降 折 也。 階上。 爵, 升 宫 復 坐 左 俎 虚 未 徹之。 不 位 絶 執 爵 拜 遂 乃薦 聞 嚌 興, 降 爵 祭 蓋 受 肺 司 復

酒

坐

不

右

就 要本改作 輒

0 就」, 薈要本同,文淵閣本作「也

奠于篚 西,北 坐 尊,屈之也。 公,則先 面 東上,無加 卿 擯者 亦 獻之, 因 阼 升 階 卿 上近君 如 席。 獻 卿 公,孤也。 卿 近君,則 皆 之禮; 升就 親寵 席 席之北面 席 荷敬 于 若 私 阼 有 ,爲大 昵 階 諸 之

右主人獻卿。

皆再拜稽首送觶。 之,坐奠于薦 首。公答拜。 長致者,使長者 請致者。 人待于洗南。 之處也。二人皆拜如初,共勸 小臣 若命 又 請 一人致也。 南 再拜稽 不致者。 長 媵 致,則 爵 降,與 公答拜。 奠於薦南,先媵者上 者。 首 公或時未能舉,自 長致者 拜 媵爵者奠觶于 君飲之。 君 立于 二大夫媵爵 命。 作階 洗南者,二人 洗 象 下 觶 優暇 再 升實 如 篚 拜 初。 命 稽

右二人再媵觶。

爵,先媵者之下觶 公又行一爵,若賓、若長,唯公所賜。一 也。 若賓若長,禮殺也。 長,孤卿之尊

> 以辯。 如 也。 初。 於是言 大夫卒受者以虚觶降,奠于 賜賓則以酬長,賜長則以酬賓。大夫長,升受旅 「賜」,射禮明尊卑。 以 旅 于 西階

者

右公又行一鱓,爲卿舉旅。 ·····

薦之。 獻 皆升就席。 有 實。 夫也,先大夫薦之,尊之也。 既,盡也。 北,西面,脯 爵,不拜既 升,拜受觚。主人拜送觚。大夫坐祭,立卒 一人訖 東面者,則北上。 辯獻大夫,遂薦之,繼賓以西,東上。若 主人洗觚升,獻大夫于西階上。 降階。 大夫卒爵不拜,賤不備禮。 辯獻乃薦、略賤 爵。 醢,無脅。胥,宰官之吏。主人,下大 獻 徧, 主人受爵。 擯 卒,擯者升大夫。大夫 者 乃總升之就 不薦于上, 辟正 也。 亦獻後 胥薦主人于洗 大夫降 席 布席 主。 就 也。 席 復 脅,俎 訖 位。 乃

右 主 人 獻大夫

乃 席 工. 于 西階上,少東。 小臣 納 工。

者以工 吏也。 於燕也。 也。 文「後首」爲「後手」。 右手相工 謂相上工者。 相 也。」於是分别 大師少師各一人,上 工六人,四瑟。 ,師,工之長也,凡國之瞽矇正焉。 正 上,工六人。 者皆左何瑟,後首,内弦,挎越, 上列官之尊卑,此言先後之位,亦所以明貴賤。 徒,空手也。 猶在此。 徒相大師,僕人師 此工六人,數 一出人。 天子視瞭相 曲 小樂正立于西階 小樂正,於天子樂師也。 便也。 後首,主於射,略於此樂也。 小樂正從之。 ○燕禮 工及相者,射禮明貴賤。 坐授瑟,乃降。 僕人正,僕人之長,師,其佐也,士,其 工,諸侯兼官,是以僕人掌之。 衆,疑位移近西,乃 Τ, 越,瑟下孔,所以 I 後者徒相人。 兀 I 謂 兀 人。 瞽 人,樂正 矇 相少師,僕 四瑟者,禮大樂衆 善 東。 從大師. 歌 杜蒯 升 升 諷 發越其聲者也。古 樂正猶 相者也。 不統於工,明 立于工之西 自 誦 謂相 日 也。 ○蒯,苦怪反。 詩 西 内弦挎越、以 人士 者 大師少 「曠也、大師 立西階 右手 階, 後升 也。 降立 也 大師 相 北 者, 六 東不 凡 師 相 I. 於 在 人, 僕 上 面 西 變 西 相 者

爵。 右。 西縣之北也,言 夫。 主 苦與諮事。 政之樂歌也。 變,是 陪于後,三人爲列也。 遂卒爵。 不拜。主人受虚爵。 獻不用觚、工賤、異之也。 鳴》三終,而不歌 來示我以善道,又樂嘉賓有孔昭之明德可 上工,皆降,立于鼓北。 主人受爵降 左瑟,工歌而獻之,以事報之也。 鹿鳴》、《小雅 人西階 大師無瑟,於是言「左瑟」者,節也。 使人相祭。 謂太師 統 於 階 辯有脯 上拜 主人洗升,實爵,獻 也。 言己有旨酒以召嘉賓與 而 》篇也,人君與臣 ·奠于 「鼓北」者,與鼓 不 《四牡 言「一人」者,工賤,同之也。 送爵。 統 使人相者,相其祭薦祭酒。 於 醢,不祭。 篚,復位。 於是時,小樂正 》、《皇皇者華》,主於講道,略於 工 工不興,不能備禮。 也。 衆工 薦 齊 群工陪于後。 下及四方之賓燕,講 乃 脯 面 不 相者,相其祭酒而 歌 洗爵獻工 醢 餘長 大師、及少師、 拜受爵 之飲 亦降 工。 鹿 輙薦之,變於大 則傚也。 在 立于其 鳴 者,樂嘉賓 後 工不 ,辟正主 工拜於 左瑟,便 坐祭 也 卒爵 拜受 鼓 南、北 歌 終。 道 北 也 其

147

下,亦 建鼓之北 射專未至, 位 間 又 南 故 酒 禮 于東縣之中。 篇亡,其義未聞 爲 面 Z 註 設 疑 同 也 得 禮 泉 云 一磬 管《新宫》三 終,乃 立于 言 \overline{\pi}{\overline{\pi}} 一陶,長 大師等 T. 南一, 其 疑 Z 笙人,立于 此 建 立 設之在 宜 縣 簜 鼓 經 東 中, 也。 相 註 無 註 「磬南 六尺有六寸。」〇 僕 立 謂 初 在 人立 引 率 以 口 縣 此 0 設 笙 西 爲 辟 之中 姑 而 此 《鄉 鄉 樂, 簫之屬 註「立于東縣之中」句 或 階 北 者, 縣 也。 飲 **笙從工而** 于 東 存 西 終。 飲 中。 東, 面 亦以將奏管故臨之,非 其 耳。 無 此 」,不知於經 酒 縣之北」,不 酒 亦奏之于此。 側 且上文大師等立于 疑 北 唯 IE. 者, 註 管, 既 倚 以 疏 面 坐 當 以 註 云: 于堂」, 從工 縣, 磬 云 人, 則 質 欲 謂吹傷以 北 縣 鼓 在 面 見此 既管 但 知 何 而 諸 縣 而 北西 後。 知 者 移 又與 據? 已, 人,工 西 中, 侯 縣 至 東 雖 不 軒 縣 縣 之處, 考工 此 縣 軒 不 播《 縣 獻 可 卒管,大 燕 之北 縣 何 若 管 .縣,近 升 鼓北,亦當 建 得 中 疑。 禮 略 新宫》之樂 以 堂,笙 徒 新 記 鼓 闕 Z 言 央 簜 笙 立 單 下 也 宫三 辟 在 南 也。 愚 $\check{\exists}$ 入所 縣 樂 也。 名 在 北 句 阼 面 案 即 建 中 爲 射 面 也。 師 終,註 階 而 可 是此 立之 鼓之 縣之 至下 鼓? 鄉 立 位 鼓 西, E, 疑 及 飲 燕 而 立 其 人

面

言 小 「縣北」,統於堂也。 師 上 右作樂娱 Ι. 皆 東 公賓、射前が 坫 於是時,大樂正 之東 燕禮・ 南 備・ 西 還 面 北 面 北 立 上 于 坐。 其 不

故處。 賓諸 也。 樂作,君將留群 命衆之辭,言公有命 意殷勤,欲留 之者,俱相禮 公許,擯者 坐取觶 取 祭,卒觶,奠之; 大夫皆對曰: 坐奠于中 升,東 解,升酌散 公 擯 興,右還,北 者 卿 洗洗 自 之,以 楹 大夫"「公曰『以我 其事 遂 庭; 臣 阼 之東受命于公; 南面 爲 而 我 階 同 如 射 ; 司 「諾,敢不安 奠觶者,著其位,以 故安也。 也。 此 降, 下 面 正 宜更立 也。 反奠于其所 興, 請 少立, 司 南 立 君 再 司 正 〇「公日 面 司 許 司 Œ 拜 適 其 Œ. 坐 坐 正 降 !」「以我安」者 請 以 稽 洗 西 奠 取 安。』 監 自 以 因 "; 北 首, 階 顯 觶 觶 之, 我安」,即 洗 西 命 其 爵 1 用之。 面 左 階 角 察 事 既 賓 奠 興, 北 威 還, 儀 備 觶 立 於 諸 南 面 法 中 司 不 上下 坐, 儀 南 也 南 面 君 公 命 易 皆 庭 正

卿

不

坐

面

君 面 所 以 在阵,不背之也。 则 则 自 左還 昭 明 如如 於 是 衆 得 也。 從 ○還 觶 將 西 於 音旋 往 觶 來 南 後同 也。 北 面 必 則 從 右 觶 還; 西 往 於觶 來 北 爲 南

右 將射,立司正安賓察儀。

闓之。 弓外 大 禮。」遂告曰: 馬 射 也。 持 免衣也。 自 節 次,若今時更衣處,帳幃席爲之。❶ 挾 告選 耦、衆耦釋獲之射,有以樂射,共三番射,亦略 弦矢曰 政官,主 阼 右巨 自 皆作「接」。 階 見 遂,射韝也,以朱韋爲之,著左臂,所以遂 司 三耦於君。 此至「左右撫之興反位」,皆言三耦不釋獲之射: 决,猶闓 前 指,右手大擘,以鉤弦,弦在旁,挾由便也。 挾。 射 鏃 射 耦 適次,袒、决、遂,執弓,挾乘矢,於 日 禮。 司 於驸,右巨指 乘矢,四 〇此下方及射事,有三耦不釋獲之射,有 「大夫與 射 也,以象骨爲之,著右巨指,所以 〇司射 爲 御,由 誘射,三耦 政請 矢。 請 侍 八大夫。 也。 于 弣,弓把也,見鏃焉,順 射。」爲政、謂 君,曰: 乃射,射已取矢,凡 鉤 大夫與大夫爲耦,不足, 耦次在洗 弦。 士御 爲 司 政 東南。 射, 於大夫。」 之官 司馬 弦也 如 射人也。 鄉射 請 也。 鉤 四 袒 古文 行 其 弦 左 節 司 司 射 方 射 之 而

> 上物。 下, 東堂; 北 横曰午,謂畫物也。 莅之。工人士、梓人,皆司空之屬,能正方圜者。 間,疏數容弓,若丹、若墨,度尺 弓矢,三耦及卿大夫以下弓矢也。 俟。 也。 得 則 衆弓矢不挾,則納公與賓弓矢者挾之。 者,君在阼,宜向之也。 命有司納射器 「俟」作「待」。 工人士與梓人升自北 命,遂告君以比耦也。 士侍於大夫,與爲耦 階 士在 中,間中,算器也。 衆弓矢不挾。 下。 卒畫 賓之弓矢,與中、籌、豐,皆止于 西階南,東面,故於西階前右 埽 一,自北 物,重射事也。 射正,司 納,内 階 也。 射器皆入。 總衆弓矢、楅,皆適次 籌,算也。 遂適 下。 也。 今文「於」爲「于」。 射之長。 工人士、梓人、司宫,位 西 ○有司,士 司宫埽所 階 司 豐,可奠射爵 射矢 前 〇左爲下物, 福,承矢器。 君之弓矢,適 顧命之。 而午。 階,兩 一佐執事 東 亦 畫 止 面 0 一物,自 西 必 右 者。 不 既 西 射 楹 堂 今文 在 從 東 射 請 顧 下。 堂 衆 而 面 者 射

> > 149

0 帳」,薈要本改作「張」。

事。」司 堂下。 六耦三 夫 在 門 古文「異」作「辭」。 有事也。 取弓矢不拾者,次中隱蔽處。 司 若燕射,則天子、諸侯,同三耦 共侯也。 與尊者爲耦,不異侯。」太史許諾。 設中之西 周 子與某子射」,卒,遂命三耦取)中尚 一、士射干。 射 禮 侯三耦。」三耦俟于次北,西 今文「俟」爲「立」。 命上射, 侯 右北面 未設而云「所設中之西」,謂其擬設中之地之西 射西 春 既 遂比三 鄉射 官・ 畿内諸侯,二侯四 畫 一、士西 東 復埽之,取 面誓之曰:「公射大侯,大夫射 禮 太史》職云:「凡射事, 射者非其侯,中之不獲。 面 ĕ ∃ : ○侯以尊卑異,同耦,則卑者得與尊者 曰「某御 耦。 方東 以 聽政。 ○但知爲三耦 「設中,南當 略辨縱橫而已。 面。 比,選次之也。 0 ○鄉 相; 於子」;)疏云: 中未設・ 侯而 畿 射堂 楅,西當西序,東 外諸侯,三侯三耦。 E 面 ,未知孰與 「天子大射、賓射 飾中舍算, 也。 西 北 不言「面」 太史俟 命 卿大夫、士,例 取 弓矢于次 上。 太史俟焉,將 下 誓猶告 則拾 射, 孰 未知其 執其 卑者 」者,大 于 耦 面。 取 世 也。 也 所 禮

> 拾 取,更 送而取· 也

右 請 射、 納器、 誓 射、

比

耦

卒射, 所 取一个挾之,改,更也。 卿。 也。 也。 北 西 取扑 播之,以立于所 行四矢,象有事於四方、《詩》云: 乘矢,始射干,又射参,大侯 以撻犯教者也。 面揖 面 誘, 挾 「司射之弓矢與扑,倚于西 及階,揖降 揖 司 北 猶教也,一夫子循 个,挾於弦也。 當階 ,及物揖; 射 面 人 揖; 于 北面 次,搢 於是言「立」,著其位 如 揖於當物之處。 揖,及階揖,升堂揖 由下物少 升射之儀,遂適堂 个,猶枚也。 循然善誘人」。 設中 Ξ, 不射而挾矢,示有 階之西。」 四四 挾 · 之 西 一 个; 矢反兮,以御 退,誘射: 不南 再 由 也。 南 發; 下 射三侯, 面 物 東 者,爲 出 鄉 而 事 將,行 少 面 射 也。 于次 西 亂 退 搢,扱 不背 兮。 扑 記 也 將 遂 改 謙

右 司 射 誘 射 日

司 馬 師 命負侯者執旌以 負侯。 司馬師,正 適下

射

禮

間

弓,右挾之,出; 侯中,各視其侯之中。 之,中等; 正,政官之屬。 則視干中,干中十尺。司馬 行及升,上射皆居左,履物南 爲 天子服不氏,「下士一人,徒四人,掌以 也。 物 左執弣,右執 皆左足履物,還, 並 \Box 出 面 適 旌 由上 併 射 欲令射 次, 揖 次, 西 也,併東行。 升堂,少 負侯 射 上射在左,便射位也。 南 作 及 西 簫,弓 後東過 者見 面 階 面 上 者皆 侯 立於 末。 升自 揖 揖 耦 大夫耦則視參中,參中十四尺。 也。 簫 與 左,下 Ŀ, 進,上 皆當 射。 物 旌 揚弓者,執下末。 適 命去侯者,將射 視侯 間 南 西 深 射 侯, 作,使 面,上 階,適下 心志於 揚 正 其 先 射 射 負 中,合足 弓,命· 適次,袒决遂, 執 物 中,猶問 升三等,下 升, 侯皆許 在左,並行, 射乃在右,右 也。 侯中 旌 北 也。 上 負 面 司 物,立于 去侯。 旌 當獲 也。 揚,猶 射 居乏待 而 揖 射 侯 諾 負 ○發 、, 及 揖, 俟。 也 反 而 侯 物爲 射 以 舉 獲」。 司 位 俟。 獲 位、 當 並 宫 也 物 物 執 從 士: 視 上. 馬 者 射 宫爲 射 射 由 還 而 獲 旌 趨 而 獲 者

階

北

H

耦

百

射

揖;

行;

也

並

之佐

也。

析

羽

南,東面 射之南。三司射進,與 襲,反位。 而獲之人,指大侯也,餘二侯則負侯、獲者本一人,但 俟。」古文「獲」皆作「護」,非 代而獲。 獲者執旌許諾,聲不絕,以至於乏,坐,東 俟,如 獲,矢中 許諾。」古文「聲」爲「磬」。 拾 堂下, 真直 其後,降自 獲,坐言獲 (君,商爲臣,其聲和,相生也。 興 發 西 《鄉射禮 (; 參侯,干侯,徒負侯居乏不 乏也。 乃射。 以 毋 西 拾,遂也。 及 將 獵 階 而 也 乏南 俟。 乘 之 》所云也。 獲 西 從 舉 矢。 東,北 階 旁爲獵。 上 旌 大侯服不氏負侯,徒一人居 ; 射 《鄉射禮》曰: 司 L 又 拾,更也。 以 遂 也。 既 馬 司 射 諾 授獲者, 面 宫, 適 〇司 馬 發 正交于 ○授獲者, 揖 視 以 次,釋弓,說 挾 正出于下射之 《鄉射禮》曰:「獲者執 偃 相代。 商; 射位,在 上 將 旌 司 射 「司馬反位,立 矢, 行 退立于西 階 至乏, 以 射 謂以 面 命 鄉 商 退,反 前 而 所 偃 射 日 設 旌授 獲者 后 旌 禮 相 决 聲 等言 中之两 下 乏,相 于司 偃旌 代己 方。 南 興 位 左 日 册 射 坐 而

凡射皆 于 位 于 中等; 也。 之,右手 階 階 」,反,搢扑,反位 獲 上射於左,由 西 前 袒 卒射,右挾之,北 挾弦。 而 並 適 相 行,上射於左, 未 阼 揖; 耦 釋 E 階 獲。 下射階上少右,乃降待之。 卒 射 下,北 適 射 降三 次,釋弓,説决拾,襲,反 但 亦 言 一等,下 面 如 血 獲,未 告于公, 之。 與 揖 升射者相 釋 揖 射 司 算。 如 少 射 日 右 升 古 去 言 射 文 扑 「襲」者, 左,交 從 釋 耦 之, 右 倚 卒 挾 爲

右三耦射。

其 物 次。 如 揖 司 推之。 之後 初去侯 侯 射 〇疏 交 而 司 立 于 俟。 日 馬 負 如 凡 階 正 去侯時之諾 侯 于 俟 袒 前 袒 許 物 小 决遂, 襲,皆 臣 諾 間 相 取 左 矢 於隱 如 西 以宫又諾以 執弓, 以 初 南 處。」 出 旌 去 面 指 出 教之。 侯,皆 , 揖 升 右 于 商 自 挾 次 也 0 也。 之, 西 執 「負侯 階 命 旌 袒 司 出 取 時 以 馬 自 許 亦 諾 負 正 右 與 適

> 庭,南 位 于 命 四 坐 司 用 畢 而 降 四數之。 降之。 畢 楅 取 馬 委矢于 自 然。 畢 當洗,東肆。」〇以弓爲畢, 左右撫,分上下 矢 74 正 如 階, 卒, 適 引《鄉射。 所 小 以 若矢不備 福 次, 初 臣 教 北 司 助 師 北 釋弓,説 曰「取 面 馬 執 記》文,證此設福之處也。 設 括 命 射。 事 IE. 子者。 福。 設 進 此 矢不 則 司 楅 坐 坐, 决 鄉 可 司 馬 皆 拾, 射 索」,乃復求 馬 此 北 馬 師 謂以弓 出于 面 襲,反 記》曰 正 IE. 右 坐 東 又 下 乘 撫 指 ·射之南。 袒 之,卒。 面 授,如 位 「乃設 執 既 以 矢,加 亨, 設 載 楅 還 小 弓 鼎之 楅 于 其 反 升 臣 爲 後

欲 射 諸 于 右 司 公 射適 公。 卿 耦 大夫 倚 西 射 辯 扑 階 後 者 聞 西 取 也。 將 倚 矢,射禮 即 0 君 扑 此 前 下 不 第· 言 升 敢 自 佩 耦 番· 刑 西 衆 器 階 耦 也 釋 東 獲 71 面 之 堂

者

請

❶ 「爲」,原作「謂」,據薈要本、文淵閣本改。

以

大

夫之耦

爲

上。

爲

Ŀ

居群士之上。

○「爲

上,

夫之南

西西

面

北

上。

若有

士與

大夫爲耦,

則

射。」卒,遂

比

衆

耦。

衆耦,士也。

衆耦

立

于

大

于

大

夫

之

西

比

耦

大

夫

與

大

夫,

命

F.

射

E

某

御

於

子

命

下

射

日

子

與

某

子

:

向堂東,西

面

立, 因·

過次爲適次、非入次也。」司

射

東

面

適次,謂入次中,

此

東

行適

次

射 射。 上。 公卿於堂上,尊之也。 以 許 巾 以· 大夫從之降,適次,立于三耦 大夫, 曰 車、 後者,有 耦 其 適次,由 獲 遂適 告 在 方・射・ 于上 取 公與賓射,有卿大夫、士皆射、 清請 有 西 矢,有 次前 時· 獻釋 階 者,有 降」。 大 適次, 而 上,命賓 數獲,有飲不勝 獲者, 夫, 北 命 司 ,西面 司 耦 大夫降自 射 亦五 則 射 有 立。 自 降 御 先 節,射之第二 西 即 耦 于 0 者,有 降,搢 西階, 階 公, 取 位 疏 矢于 之南, 日: 上 而 凡 獻 諸公 五節; 後 「上云司 服 楅 扑 北 番· 告。 不 万 有 西 面 也。 及 卿 其 面 告 所 隸 告諸 耦 射 位。 在 僕 于 則 公 北 過 射· 再

> 指 未 尊大夫。 告於大夫曰: 立 降。 位 而 言言。 言「未降」者,見其志在 命 衆 命 耦 大 某 夫 如 御 之 命 於子。」 耦 日 耦 : 之辭。 士雖 子 爲 與 Ŀ 諸 某子 一射,其辭 公卿 射 皆

右 將 射 命 耦

反 者,手放而 便 也。 順 坐 之東西。 揖 不言之者,上射出,當作取 執弓,右挾之。 東 也。 羽, 横弓; 卻 Ŀ. 當 面 遂 一射出 兼 手自弓下取 也 且 楅 命三 E 并 下, 左還, 北 西 君 也。 射 卻 備 在 面 耦 面立,司 不整理 手 東 阼 并 揖 各與 矢者,以 此命入次之事 毋 自 矢於驸 面 還 周,反 弓下 及 周 也。 射作之,乃揖 其 下 矢, 楅 則 左手 當順 耦 左還,反其 取 射 事 下 揖 拾 面 射 未訖。 西 在弓表,右手從裏 羽,既 也。 將 取 揖。 个, 面 背 行 矢,皆 耦 位。 也。 司 又 之。 兼 横弓 同 射 當 上 耦 諸 人 既 當 古 毋 執 射 次 周,右 出 袒 命 楅 弣 文「且」 弦 而 决 揖 南 其 ; 楅 取 四 反 遂 順 興, 出 還 進 Œ 位 爲 面 羽 也

弓上取 者遂 决拾 退者 以君 相 上射 三挾 還 横。 周 爲内,因 也 阻 人耦 拯 反 次中、皆襲、反位。 在阼 南 覆手自弓上取 既 有取齊之義,若梱則門 於左; 與進 取 襲,反 也。 ○「梱」,疑當作 其宜 面 个; 面 拾取 誘射之矢,兼 踣 ,嫌下射故左還而背之也。 揖。 揖 上 个, 者 可 步 一射轉居 矢, 梱 以,猶與 楅 也 北 位。 相 内還者,上射左,下射右。 横弓,亦南踣弓也。 兼 南 反。 矢,以 左, 鄉當福之位也 適 左,便 諸 也。 「捆」,《孟子》注:「捆,猶叩 之, 下 相 楅 驸 左手在弓裏, 耦 射 乘 其反位 揖 南,皆左 有司納射器 言「以」者,耦之事 梱, 拾 進 興, 矢 齊等之也。 取 退 而 也。 坐 順 兼 釋 矢,亦如之。 上以 取之,以授有 人東西鄉,以南 還 揖, 右手 羽,且左還, 横 挾 上射 弓矢于次 ,因留,主授受之。 北 陽爲内,下以 弓; 乘 以 不皆左還,亦 少北 從 古文「梱 矢; 耦 表取 成於此,意 面 覆 乃 左還 揖 豚 皆 之,便 手 東 北爲 也。」 仁作 後 説 面 内 **⊞**: É 司 搢 陰

二耦反位,反次北西面北上之位。

0

右

耦

拾

取

矢于

楅

小臣師 南 獲。 辭。 前; 設之則東其 也。 君子不必也。 位。 大史實八算于中, 中 尚未知,當教之也。 命 而 末。」〇中形爲伏 俟。 去 《鄉射禮 以弓爲 於此言之者,司 小臣 適阼階下,北 司 侯 退,反東堂下位 司 先,猶前 射 射 負 面 師 作 ₩ ⊟ : 猶 侯 畢, 公許。 執 面 射 挾 許 也。 一設 默,竅 北 中,先首,坐設之,東 如 首 今三耦卒射,衆以知之矣,猶挾之者, 射既誘 一个,去扑; 諾 命大史 中, 面 初。 面 横委其餘于中 反搢 如 也 其 鄉射 南 請釋獲于公。 背以 射,恒 初 北面立于所設中之南,當視之 當福 而小臣師設之,國 司 禮 耦 扑, 置獲 射 ĕ ∃ : 執弓 司 西當西序。」大 揖 西 與 馬 籌 遂命釋獲者設 升 挾矢以掌 横委其餘 面 降, 司 執 如 命 之則 西 馬交于 初。 釋 猶,守故之 君官多也 \Box 面 射 興,共 前 于中 史釋 事 其 司 中 西 首 階 反 馬

離猶過 離 維 綱、 也 獵 揚 也。 觸 侯 梱 有上下 復、公司 綱,其 則 邪制 釋 獲 躬舌之角者爲 衆 則 不 與。

或曰: 獲,優 侯也。 梱 維 也。 當爲 復,爲矢至侯,不 衆當 絹 絹 中 鵠 綱耳。 耐 著。 著 揚觸者, 中 耐 古 還復, 文 侯 梱 謂 則 復,反 矢中 釋 作「魁 獲。 他 也。 物 公 揚 唯 則 耐 公 釋 觸

命 所 小 中 史, 中 小 侯 史 皆 命 獲。 獲 者。 值 傳 告服不, 使 知 此 釋 司 獲 射 者 所

示 也。 貫不釋。」上 司 射 射 不中鵠,不釋算。 遂 進 由 射 堂下, 揖 古 北 文「貫」作 司 面 射 視上 退 心,反位 弱 一射,命 釋 獲 貫,猶 日 者

坐取中之八算,改實八算,興,執而俟。執所

取算。 算,上射於右,下射於左,若有 委餘算,禮貴異。 乃射。 若中, 又取中 則 釋 獲者 之八算 餘 每 改 算 一 个 實 則 釋 八 反 算 委

右三耦再射,釋獲。

于中

興,執

而俟。

三耦

卒

賓降,取弓矢于堂西。不敢與君並俟告。取

適 之以升,俟 次, 君 事畢。 耦 以 〇君 南。 待 言 告,乃 繼三 取弓矢。 耦 明明 在 諸 大夫 公 北 卿 則 0

俟。 射 則 君尊,若始焉。 司 馬 師 命 負侯 司 馬 2、皆執 師 反 位 其 旌 隸 以 僕 負 其 埽 侯 而 此

適次」,亦過次前

至堂東,三

耦之南

西

面

立

也

公將

道。新之。司射去扑,適阼階下,告射于公。

公許。適西階東,告于賓,告當射也。今文日

「阼階下」,無「適」。遂播扑,反位。小射正一

弓,皆以俟于東堂。授弓,當授大射正。拂弓,去人,取公之决拾于東坫上,一小射正授弓拂

搢三挾一个,升自西階,先待于物北,北一廛。 公將射,則賓降,適堂西,袒决遂,執弓,

笴, 也。 東面 司 馬 立。 升, 不敢與 命 去 侯 君 如 併。 初; 笴, 矢幹。 還 右 東 乃 面 立,鄉 釋 君

弓,反位。還右,還君之右也,猶出下射之南,還其後

也。今文曰「右還」。公就物。小射正奉决拾以

笥,大射正執弓,皆以從於物。笥,萑葦器。大

反。 也。 爲司 大射 隈 小 屬者,發一矢,乃復授一矢,接續而授也。 親 指短,不用 物 射 于公,稍屬。 拾,拾當以 者,食指將指無名指。 知而 設治 Œ 揉之。 臣 ,上再下壹,左執 南 今文「順」爲「循」。 舍司 Ē Ē IE. 揉,而九反。 改 至 遂 其度。 立于公後,以矢行告于公,若不中,使君 ,以笥退奠于站 退俟于東堂。 此又舍司 韝 襦 上。 順,放之也。 放也 拂 小 以 其 臣 ,所以韜指,利放弦也。 内拂,恐塵及君也。 下 職 巾 Œ 小 日 Œ. 大射 無極,放 來執弓也。 〇大射 臣 贊 「留」,上曰「揚」,左右 取 古文「揉」爲「紐」。 限,弓淵也。揉,宛之,觀其安危 驸 袒。 師 决; 方,右執 小 IE. 以 IĘ, 執 上,復位。既袒,乃設 射正又坐取 弦契於此指,多則痛。 公袒 巾 興,贊 初爲擯者。 弓, 小 内 簫 稍屬,不 射 朱襦。 拂 ,以授公。 以 以朱韋爲之。 設 正 〇屬,之玉反。 矢, 袂 坐奠笥 復白擯 搢 〇隈,烏 决、 順左 拾興; 矢。 而 卒 朱 授 . 袒 者 公 日 右 極 于 矢 小 =: П 立

> 發。 賓 退 階西東 而 射正退,反司正之位。 小射正以笥受决拾,退奠于坫上,復位。 射也,而先發,不留尊也。 方」。 升復筵。 后賓降,釋弓于堂西,反位 ,反位。 大射正受弓 面,賓降位。 留,不 大射正受弓。 受弓,以 至 而后 也。 公即 卿大夫繼射。 而俟,拾發以 揚,過 公卒射 席。 去也。 小臣正贊襲。 司 方, 正 于 將 出 小 授有司於 以 階 旁 乘矢。 臣 命 西 師 升 東 公還 公既 東堂 以 面 大 巾

右君與賓耦射。

搢 襲,反位。 射,卒射,降如三 取弓矢」,衆言「釋獲」,互 三挾 諸公卿取 一 个, 衆皆 弓 出 繼 矢于 一 耦 ; 射 西 一言也。 釋 次 適 面 獲皆 中, 次, 揖 卒 釋弓, 射。 袒 揖 如 决遂, 如 初。 釋 説决 獲 諸公卿言 耦, 執 者 遂

❶ 「鳥」,原作「鳥」,據薈要本、文淵閣本改。

右卒射 位 餘獲,餘算也。 以 ,坐委餘 所 執 餘 ; 獲,適阼階下,北 司射不言告者,釋獲者於是有事,宜終之也 獲于中 無餘算,則 西 ; 無 、所執。 興 (,共而) 面告于公,曰「左 古文曰 俟 「餘算」。 反

右公卿大夫及衆耦皆 射

親也。 乘矢。 司馬 前 卿大夫 以授矢人于東堂下,可知。 殊之也。正,司馬正也。 卒,正坐左右撫之,進束,反位,異束大夫矢,尊 臣委矢于福如 諾,以旌負侯 人,則納射器之有司,各以其器名官職。 以 "釋弓反位,卿大夫即升就席,是其升在小臣委矢之 上文類言 司馬 賓、諸公卿大夫之矢,皆異束之以茅, 賓之矢,則以授矢人于西堂下。 升就席。 袒 執弓,升命 如 如初。 初。 初 」諸事,故至此始特言之。 此言其升,前小臣委矢于楅 進,前, 司馬,司馬 司 司馬降釋 也。 取 馬釋弓反位。 矢 又言「東」、整結之、示 正。 如 於是司馬師 弓 初。 不言君矢,小臣 如 初。 負侯 是言矢 而 〇方 亦坐 小 許 后

純

右射訖 取矢。

也。 也。 之,縮,從也。 也。 就右獲」,數左獲,則註云「從中前北」,又云「少北於故 之算在中南,左獲之算在中北,故此數右獲,則 謂所縮所横者。 東面坐,少北於故。 又從之。興,自前適左,從中前 每委異之;易校數。 言之者,少南就右獲。 釋獲者東面于中西坐,先數右 東,立于中南,北 阼 以 自近爲下。 司 階下,北面告于公。 委,十則 司 射復位 純 射 以 適 取,實于左手,十純, 於數者東西爲從。 階 ○按釋獲者在中西東 異之,變於右 西, 算爲奇,奇 釋獲者 面 二算爲 坐兼斂算,實于 有餘 釋弓,去扑,襲,進 視算。釋弓去扑,射 純 遂進,取 賢獲,勝黨之算也。 純 也。 ,則横 則又 古文「縮」皆作「蹙」。 ,純猶全也,耦 北 面而釋獲,其 其 獲,固 也。 縮 餘 諸 賢 則 更端 獲執 諸 左手,一 下,又異之 如 東面 縮 事 右 純 故 由 而 已也 矣,復 少 執之 Ž, 右獲 獲。 下。 陰 起 中 委 南 陽

由

74

0

鈞 若左右鈞, 者,亦曰「奇」, 告曰:「某賢於某,若干純,若干奇。」 左 者 餘 勝 于中西; 齊 而 還復位 則 取 其 曰「左賢於右」; 則 興,共而 ,坐兼斂算 左右 若 右 各執 勝 俟。 則 日 以 實八算于 算以 純 右 數告,若 腎 告, 於 中 日 左 -,委其 左 有 ; 奇 若

右數左右獲算多少。

遂,執 略之。 豐 勝 不勝者執弛弓、言不能用之也。 上 勝 上 一,遂以 由 者皆襲,説 耦之西,命三耦 ,降反位。 者之弟子洗觶 司 、張弓; 司射遂袒執弓, 西 射 執 階升,北 命設 驸 弟子,其 執張弓,言 决 豐。 固襲説决拾矣,復言之者,起勝者也。 拾, 面 及衆射 當飲不勝 升 少者 坐設 卻 挾 酌 能 左 也。 用 于 散 手, 兩 之也。 个, 搢 者。 者射 不 西 手 授者 右 南 楹 執 爵。 驸 勝者 右手 面 加 西 扑 0 射 弛 坐奠于 降復 司 挾弦 爵 無 皆 宫士 弓 東 猶 所 袒 于 面 挾 罸 位 豐 也 其 爵 奉 不 决 干

> 與 弓 先 祭不拜,受罰不備禮也。 立 不 辟飲者,亦因 階 飲 黨而言,助祭取一 之黨,雖數中,亦受罸,及其助祭,雖 飲。 衆射者,皆升飲 在勝黨,雖不 司 升飲 降; 卒 勝 勝 射 射 襲 〇疏曰:「大射者,所以擇士以 爵者, 觶 者 先 7,反位 者先 後升先降,略之,不由次也。 進 進,北 者 反 飲罰 位。 相 相 坐 升,升堂 如 飲之禮 左,交于 作 身之藝, 爵,若不數中, 面 僕 居 奠 以射爵 射。 前 坐 人 于 然。 右手執觶,左手執弓。 師 取 俟 豐 少 義 于 所 豐 階 繼 固 0 右。 下 西 命 耦 不 酌 前 上 獻酬之禮 亦不 人 階 同 出 之 次 先 射 助祭。 興 飲射爵 也。小小 上。 相 升, 降 . 得 而 爵 觶 揖 揖 助祭。 而 揖 來 尊 ; 獻 如 不勝之黨 少右, 取 ,亦得助 今若在 飲 興 賢 射 升 者 適 立卒 也。 觶 不 飲罰 正 復並 射 實之, 少 在 次, 於不 祭 勝 - 觶,不 耦 作 右 少 據 無不 退 右 行 也 及 升 及 旧 勝

❶ 「手」,原作「言」,據阮刻《儀禮注疏》改。

代弟子也 反 奠于豐 自 上 此 以下 退 俟 ,辯爲之酌。 子字端。 升飲者如 僕 人師 酌者,君 初 使 之

耦卒飲。

枉正罰也。授爵而不奠豐,尊大夫也 執 于席,以 僕人師洗升 者,不升。其諸公卿大夫相爲耦者,不降席,重恥 弓,耦不 爵者,反就 若賓諸 升。 降, 實鱓 適 公 此 席。 西 耦,謂 卿 以 階 雖尊,亦西階 大 授。 上, 大夫不 士: 也。 北 賓諸 諸公 勝, 面 上立飲,不可以己尊 立 公卿 卿 則 飲 或闕,士爲之耦 不 今, 大夫受 降, 觶 不 尊 也。 觶 授 執

洗 小 降 賓坐祭卒爵,再拜稽首。 仍是三升之解,非 也。 象 臣 拜。 ○角觶,疏以爲以兇 若飲 觶 Œ 侍射,賓也。 辭。 升 公,則 酌 賓 四四 膳 升, 侍 升日 飲君,則 以 射者降 再 角爲之,對下文飲君象 致, 角」之「角 拜 下 不敢以爲罰 稽首。 公答再拜。 洗 拜。 也。 角 解,升 小 公答 公降 ,從致爵之禮 臣 觶 正 再 賓 酌 而 等。 辭。 降 拜。 散 言

> 擯者以. 受觶 升 卒觶 飲君,用燕禮致爵之法,其異者,夾爵耳。 所謂「若飲君,燕,則夾爵」。 也。 升 席」爲「筵」。 再 但 再 拜稽 ; 降 如 拜 降 命 致爵,則 洗散解 稽 升賓。 奠 首。 首。 于篚 無 公答 以異 ,升實散,下拜。 公答 階 賓升就 於燕也。 再拜。 西 再拜。 ○註末引《鄉射》文,若云:若 東 席 面 夾爵,亦 賓復酌 立。 擯者,司正也。 公卒解 賓坐,不祭, 不 小 自 所 祭,象射爵 以 飲 臣 者,夾爵 恥 ιE 賓 公 今文 也 進

勝,使之獨飲,若無倫匹,孤 特升飲。 如 耦。 若諸公卿大夫之耦 此耦亦謂 射爵 辯 士 乃 也。 徹 賤 特 豐 也。 猶 不 與 獨也 勝 衆皆 觶 以 則 徹 繼 尊 亦 除 爲耦 飲 執 也 射 而又不 弛 弓,

右飲不勝者。

肆 南上,皆加勺。 實會 司宫尊侯于服不之東北,兩 散于篚。 設洗于尊西 爲大侯獲者設尊也 北 篚 獻 言 在 酒 「尊侯」者 南, 東 東 面

並 内。 徒居乏待獲,變其文,容二人也。 從之。不言 服 西 侯之故,則侯是其所爲獻 其事名之,至此乃著其官,是尊大侯也。 其官,尊大侯也。 射則不獻大侯之獲者。散,爵名,容五升。 獲 錯,乃適右个, 庶子設折俎。 獻服不之徒乃反位。 三步,北 獲者之俎,折脊脅肺。」卒錯,獲者適右个, 者 不之徒,或 馬 面 之功 二人,當用二爵。 鄉射記》曰 拜 正 皆西面。 洗散 送爵,反位。 由 面 在 「服不」,言「獲 明此獻已,已歸功於侯也。 拜受爵。 也。 ,遂實爵 司 ○服不,即 服不,司馬之屬,掌養猛獸而教擾之者。 「東方謂之右个。」〇信如註言 宰夫有司,宰夫之吏也。 馬 不 師 ○此段鄭註 於 經文明言 所 也,故近侯而不 初 獻 不俟卒爵,略賤 近其所爲獻。 獲者也。 設之者 者」,國君大侯,服不負 之中 獻服 「實一散于篚」,安得有二 司 耳。 可 不 不。 馬正皆 前 疑, 敢 宰 此皆言 近乏。 必 當以經文爲 也。 ○服不得 服 言 夫 獻之。 ○獻 《鄉射記 君 適右个, 不 「服不」者,著 射 有 此終言之 「獲者」,以 侯 司 也。 ,素何反。 司司 司 薦俎 (侯,其 薦 馬 献,以 西 君・ 馬 由 日 薦。 Œ 出出 俎 IF. 不: Œ 侯 E

手不能 僕、巾 爵乎 受虚 之,功成於大侯也。 侯 拜 薦俎 東 先祭个後中者 〇祝,之又反。 女、彊飲彊食、貽女曾孫諸侯百福。」諸 曰:「唯若寧侯。 祭酒者,獲者南面於俎北,當爲侯祭於豆間,爵反注,爲 祭薦俎,二手祭酒; 後 者,其受獻之禮,如服不也。 獻 也。 可 之禮 面 獲者,俎與薦皆三祭。」卒祭,左个之西北 知 ? 爵, 車後乃獻之。 ,立卒爵。 也。 īE. ○《圖解》: 北 司 也。 鄉受獻之位也。 馬 洗獻隸僕人、與巾 《鄉射 隸僕 正 ,以外即之至中,若神在中。 此薦俎之設, 適左个, 所獻决是服不氏 無或若女不寧侯,不屬於王所,故抗 人婦侯道 禮 錯音厝,个音幹。 ₩ ⊟ : 不言 服不本下士,其徒庶人在官者,故 不言量 「不拜既爵」, 祭俎不奠爵,不備禮 獲者薦右 祭如右个。 ,巾車 不北面者,嫌爲 隸僕人、巾車、於服不之位受 人者, 如於北面 張大侯,及參侯干侯之獲 人 車、 此自 東面立飲。」司 獲者 其 司 侯以下祝辭未 人焉。 獲者,皆 後 徒 馬 《鄉射 中 左執爵, 則 以 正已反 侯卒爵。 及 司 亦 天子 也。 馬 先 禮》 如之。 師 可 如 馬 位,不 二手 祝 步, 日 而 獻 聞 大 師 設 侯 可 隸

皆執 卒,司 南,爲復射妨 其薦, 馬 師 旌 庶 受 也。 子 虚 執 隸 爵,奠于篚。 僕 俎從之,設于乏少 人、 巾車、量人,自 獲者之篚 服不而 南。 獲 南。 者 少

右獻獲者。

服

不復負侯而

俟

酒; 爵。 左執 面 服不同,唯祭 獻獲者近侯有 去扑者,扑不升堂也。 于其位,少南。 拾,襲,適洗,洗觚,升實之,降,獻釋 少南辨中」者,獻釋獲者於其位之南,欲其稍遠乎中,與 祭俎不奠爵,亦賤不備禮。 爵, 卒爵 司 司 處各 射 射 右 北 適 不 用 一爲異。 異 祭 其 面 也。 階西去扑,適堂西釋弓,說 拜 脯 拜 獻釋獲者,與獲者異,文武 也。 既 薦 醢; 送 ○服不之俎與薦,皆有三祭,以其 少南,辨中。 脯 爵。 爵。 釋獲者薦 興, 醢 司 折俎,皆有祭。 釋獲者 取 興,司 射 肺, 〇釋獲者,太史 受虚 右東 射之 坐 就 一祭,遂 爵,奠于 其 面拜受 不同 西,北 薦 獲者 俎與 坐, 也。 祭 也 决

> 復射 篚 取弓,挾一个;適階西 妨司射視算,亦辟俎 釋獲者少西辟薦,反 也。 搢 司 位。 射 扑,以反位。 適堂 辟薦少 西 袒 西之者,爲 决 爲

右獻釋獲者,第二番射事竟。

射。

耦 袒决遂執弓挾矢,乃出反次外 三耦也。 取矢。此三事爲異,其餘並如釋獲之射。 大夫拾取矢,正射,不鼓不釋,射後,三耦及衆射者又拾 知。〇此下言第三 正 位」,三耦未有次外位,無所先也。 次,命三 于公,如初,不升堂,賓諸公卿大夫既射矣, 拾」,是言「序」,互言耳。 司 拾 射之佐。 取 司射倚 司射既命三耦以入次之事,即反位。 矢如 耦皆袒 作取矢,禮殺,代之。 扑于階西,適 初。 番射以樂爲節之儀。 决遂,執弓,序 小射 司 正 西 射先 面 作 ○註 作階下 位。 \equiv 取 反 曏不言 耦 矢 「挾矢」字衍。 出 位 射· 及 搢 扑, 既拾取 如 取 前・ 北 三耦人次 言「先」,先 矢。 初。 有 「司射 面 ,聞之可 諸 請 小射 先反 公 適 射 卿

位。 耦皆 乘矢; 三耦 初。 其 袒 諸 升 而 三耦揖之位 矢反位,乃 者,取矢在後。 乘矢,不敢與大夫拾。 命之也。 面 射; 就 耦 面 决 公 ○諸公卿 謙 席。 適次,釋弓,説决拾,襲,反位 卿 ,下射西 遂執弓,皆進當福,進 大夫進坐説矢束, 從初」, 「降如初位」,三耦南之位也。 也。 興,順 北 大 若 與之同 也。 大夫反位 面 夫 ○欲與其耦 士: 大夫自爲耦 謂從三耦之法。 前 皆降 搢 凡繼 羽 與大夫 面,拾取矢 升就 取矢者,待于三耦之南, 射,命 且左還,毋 諸 席 挾 大夫進坐,亦兼 如 以 拾 公卿 一个, 者 爲 耦 初 取也。 爵 退反位 而 耦, 拾 位 乃升 同 繼射者,皆從耦法, 如 已 取矢 揖 故 坐 周 不作射 士 就 耦 與耦 註 進。 相 耦。 在 説矢束。 席,大 反 東 揖 待 繼射」,謂 前; 説矢東,自同 進, 面,大 至大夫與 不,不 也 入於 取 皆進當 面 大夫與 夫與己 大 乘矢 作取 揖 夫與 坐 衆 諸公卿 次次 故不再 射 兼 夫 E 矢,從 楅 耦 L 兼 1 射 者 其 西 進 如 取 耦 取 耦 F 取 於

> 繼 拾 决拾,襲,反位 取 矢, 皆 如 耦 遂 入于 次, 釋

右將以樂射 ,射者拾取 矢。 説

樂正 升,如 不釋算 東· 面· 射 扑 復,用樂行之。 許。 扑于 循 法,教化之漸也。 馬降,釋弓反位。 面 也 聲 眡 回遥命之。] 樂一 東 而發, 在 "階西, 請奏樂以 E 司 樂 也 T. 初。 面 射 南 Œ 射 發 命 鼓亦樂之節。 在工南、北 北 猶 而不失正鵠 命曰 樂 適 司 面 君子之於事 爲 挾 司 作階 Ē 射用 馬 Œ 節 射 升, 也。 在西 画。 个以 \Box 應樂爲 「不鼓不釋 [「諾」。 下 司射與司 者,其 命去侯。 始 《學記》 階下 命 0 ,始取苟能,中 射, 北 作 疏曰: 難 用 唯賢者乎? 獲 面 東 孔子 射 樂」。 日 司 面 而 請 馬交于階前 射 未 .! 」不 此時 Ė: 如 以樂于公。 負侯許 經 鼓 釋獲;復,釋 遂適 無當 初 言 課有 \vec{z} I 射者 君 「命樂 與 在 司 堂 功, 於 鼓 有 洗 射 何 下,北 命 Ŧi. 節 東 終 Œ. 以 耦 反 聲,五 西 相 用成 獲; 用 聽 者 面 倚 搢 司 揖

聲不 節 天子九,諸侯七,卿大夫以下五 · 得 不 和。 凡 射 之鼓 節, 投 壺 其 存 E. 者 射 也。 揖 周 司 禮 射 射

數,必使勻適如一,以射禮所重,在於能循此節也。 事之志也。 大莫處,御於君 氏」是也。 《曾孫》。 詩 使奏之也。 退 。」樂正 有 反位。 射諸 貍,里之反。 「曾孫」者,其章頭 以爲諸侯射節者,采其既有弧矢之威,又言「小 侯首不朝者」之言,因以名篇。 《貍首》,逸詩《曾孫 西 間 樂正 面受命,左 若 所 以 大師不興,許諾。 者,調其聲之疏數, 命大師 燕以射 還 也、《射義》所載詩 東 曰:「奏《貍首》,間 ,則燕則譽」,有樂以時 面,命大師 世。 貍之言不來也。 重 後世失之,謂 以大射之樂章、 節。 樂正反位 日 〇聲之 一曾孫 ○《圖 會 若 其 之 疏 君 侯

卒射 他 初。 目。二〇 應樂,辟不 如 貍首》以 公樂作而 如 初 三二如 初。 敏 初」者,皆如上第二 也 不以樂志,君之射儀 賓 射。 志,意所 后 就 就 席 三耦卒 物, 擬 度 諸 稍 也。 公卿大夫衆射者, 番 屬,不以樂志 射。 射法, ,遲速從心,其發 春 秋傳》曰: 賓待 唯作樂爲異耳 于物 吾 志其 不 其 如 必

> 皆繼 執 餘 獲 射 進 釋 告 獲 左右卒 如 初; 射, 卒 如 射 ~;降 初。 反 位 釋 獲

者

右以樂節射。

初。 釋弓反 司射釋弓視算,如 司馬升,命取矢。 位 小 臣 委矢, 負侯 初。 司 馬 許 釋 師 諾 獲 乘 者 之, 司 以 馬 賢 皆 降 如 獲

與鈞告,如初。復位。

右樂射後,取矢數

獲。

張弓,不勝者執弛弓,升飲,如初。卒,退豐司射命設豐實鱓,如初。遂命勝者執

與觶,如初。

右樂射後,飲不勝者。

諸弦, 射 袒 日 執。 决遂以拾取矢, 反位 司 面 面 射 猶 鏃; 尚 猶 三耦、及諸 也。 袒 適次 兼 决遂,左執弓,右 矢於弦尚 命拾取 如初,矢不挾,兼 公卿大夫、衆射者 鏃,將 矢,如 止,變於 初 執 諸 射 一个,兼 側持 也 弦 弦 皆 司 面 矢

亦謂 鏃 ; 執之如司射。 適 次,皆授 卿大夫升就 有 司 弓矢,襲,反 席 位 不 挾

右樂射後,拾取矢。

車量 射。 釋 位。 俎 退。 獲者退中 人 司 司 獲者亦退 解猶釋也。 解 馬 射 左 適 正 與算, 下 命 其薦 次,釋弓,說决 綱。 退 今文 俎 楅 而俟。 司 司 解 馬 馬 綱。 師 師 諸 所 命 無 拾, 小 退 獲者以 司 臣 射器皆俟 去扑, 馬 師 退 旌 司 襲, 楅 備君 射 與 薦 反 命 巾 復

右三番射竟, 退諸 射器,將: 坐燕以・ 終.

旅于 西階上,如 公又舉奠觶 初。 唯公所賜,若賓、若長, 大夫卒受者,以 虚 觶 以 降

右 爲大夫舉旅 奠于篚,反位

公, 請徹俎 司 馬 正 升自 公許。 西 階 射 事 東 既畢,禮 楹 之東, 殺 人倦 北 宜 面 徹 俎 于 燕

> 安。 無位 夫門 獨立 以 將燕,亦因從賓 公卿 階 將燕,亦因從賓,此時公卿未入,大夫無可 上, 坐。 狗 羞 説 内 0 于門外。 胾 階 疏云: 大夫降者,大夫雖無俎,以賓、公卿 庶羞。 屨 以 出 東北 ,此云「復位」,故知非西階下也。 謂 於堂,故降復位。 醢 遂 故在 曏命 以 皆入門, 東 也 在 升 適 諸 西 面 門 就 西 自其 階 揖位 羞 降 公 或 東 階 我 席 下。 有 進 自 卿 北 從者。 安一, 也。 阼 炮 上 東 也。 司正 面 取 知大夫不在西階下者,以 階 鱉 也。 公 面 北 下文「實、諸公卿 臣 云門 俎 庶,衆 若親 膾 大夫降: 升賓。 以 北 於 庶子 面 如 鯉 上。 君 賓 徹 告于賓。 賓 東 也。 雉 尚 也。 及 ·正徹 北 禮 猶 諸公卿不入門 兔 復 所 賓諸公卿大夫皆 面 卿 以 踧 位, 進 鶉 位。 公卿 大 踖 遂出 東,去藏。 公俎,降 衆 皆 至 賓 鴽 夫 羞 初 從,不可 門 皆送 人西階下,以 其西 北 小 門, 一,授從 皆 此 謂 東 臣 大 面 臞 乃 俎 而 北 坐 階 東 納 夫 自 敢 賓 取 肝 右 面 獨 面 卿 不 1 安。 膋 Ľ, 祭 乃 諸 阼 位 俎 居 祭 舊 北 大 可

薦 燕乃 祭薦,不 敢 於盛 成 禮 0 實與 卿 皆 於 獻 時

薦。 監 序 醉 爲反坐,故 敢 也。」 端。 酒 大夫,皆鄉 不 此, 司 醉 ○疏 將 IE 賓及諸公卿 !」皆反 獻 知 云 升受命,皆 其位 降 1: 席 事 經 也。 也 未 直 位 訖 興對必 知 云 坐。 興,不 司司 亦 大夫皆 命: 如 IE. 降席 皆 鄉 言降 退 飲 命者,命 立西西 敬 公 酒 興 席 監 也。 日 序 鄭 旅 對 端 賓、 、時,立 知 司 『衆 日 命 者,案司 降 Œ : 席 諸 退,立 于 公、命 無 者 西 諾 不 序 īE. 以 西

右徹俎安坐。

受觶。 也。 司 與 司 司 坐祭,立 觚。 射 士 正、射人,士也 正 與 射人,小射正。 人一人、司 與射人于觶南 主 執幂,文不具。」辯 士坐祭,立飲 人洗 主人拜送。 飲。 Ť 酌,獻 · 以 · 其他,謂 人 略其佐。 齒受獻,既· 執 士: 不拜 獻士用鱓, 北 衆士 獻 幂 于 0 二人」,此不言其 士。 西 也。 面)疏曰: 乃薦之也。 既 階 東 士賤 升不拜受爵。 爵 士 上。 上, 「案《燕禮》『薦 既 也。 其他,不拜, 獻者, 司正 士長升 可 今文「觶 數, Œ 爲上。 大射 又不言 乃薦 立于 司 作 拜 IE. 正

> 獻之。 酌 也。 師 東方,西 大夫在堂,臣位尊 一西面 亦 祝史門東北面東上。主人就 就 旅 ± 其位 面 食不拜,受爵 旅 北上。 食北面受之。 東也。 而 薦之。「亦」者,亦 乃 畢 薦 獻薦之、略 不洗者,於 士。 坐祭,立 士既 士旅 賤 士也。 賤 獻 祝 略之也。 飲。 食 易 史、 位 之 辯 者 主 獻乃 小 人既 以 主 而 卿

右主人獻士及旅食。

人

執

虚

爵奠于篚

一,復位

稽首。 疏云: 奠于 再 降 鱓。」 公坐取 公答拜。實反 觶 拜。 爲 等。 賓降 薦 「户牖之間 「觚」。 賓受公賜多矣,禮將終,宜勸公,序厚意也。 公答 南, 小臣 洗 公答拜 賓所 降 再 位 升 位。 拜。 拜。 IE 媵 則 無再 媵 辭。 有席 觚 觶 反位,反席 賓降 小 拜。 于公, 賓 興。 凡旅 臣 升 洗 賓 正 酬 坐祭,卒爵 再拜 唯 象觚 也。 辭。 酌 皆 公所 用觶 散 此 升 稽 賓 觚當 ·, 故 首。 下 賜。 升 酌 拜。 知觚當 爲 成 膳,坐 再 觶。 公答 今文 拜。 拜 公 0 爲

答拜。 者,興 酌。 于西階上,辯。 爵,不拜,實之。 興 者拜,其 者。 就 拜 下文方言酬 如 稽首。 西西 席 初 1: 旅,序也。 受酬 以 階 餘則 有盥升,主酌授之。 興酬士者,士立堂下,與上坐者異。 坐 怬 上 行之。坐行之,若今坐相 小臣 節 之禮,降, 否。 士。 栅 此 士以次自酌相 士。 其 司正 一正辭。 祝史、小臣 命之辭 欲令惠均。 士拜受。 士升。 命「執 更 也。 唯受于公者拜。 升 爵 栖 成拜。 師 洗 大夫卒受者, 〇司 無執爵 大夫奠爵拜。 爵 大夫拜 旅 者爵辯。 升 食皆及焉。 正以 勸 者 公答拜。 酌 酒 酬士命大 大夫 膳,下 送。 有 公所 卒受 執 士旅 立 以 士 夫 旅 乃 卒 士 爵 爵 再 賜

右賓舉爵,爲 士旅 酬

陳; 司 正 禮畢 射命賓及諸公卿大夫射,欲者則 若 復射 若 後 無 則 $\dot{\Box}$ 事。 暫 止 復 射 俟 士 分射畢 旅 怬 則 乃 後, 獻 不 當 獻 射,不欲 獻 司 庶 庶 射 子。 子 命 者則 等, 射 獻 如 ΤĒ 庶子 唯 F 節 可 欲 所 否 則

> 拜。 之事 假 射 歡 上。 之也 新侯, 樂也。 壹發,中 拜 從人心也。 矢或揚觸,容中别 君 矢揚觸,或有參中者。 樂與 -三侯皆 臣 下 卿 執 大夫皆降, 事 獲。 侯,皆 無已。 其 1得釋 0 不 功 卿 再 言賓, 獲。 大夫主 也 拜 稽 禮 而 賓 射參侯,士 和者 殺 從 尚 群 歡 益 臣 公答 多, 故 禮 主 尚 在

坐燕 時 或 復 射

右

其工 堂,與 如獻 掌正六牲之體,又正舞位 在 北 位 國子戒令教治,世子之官也。 内 奄 人,掌 西 面。 在中庭之左右。 小臣,皆於阼階上,如獻 後。 八其師 則 士之禮。 主人 Ι. 君陰事陰令,后夫人之官 西 或 遷於東 士降 面。 君無故不釋縣。 洗 Ι. 立于小樂正之北, 升 則 遷 小樂正 辯 於東 東面 自 獻。 西 ,授舞器,與 在 則 大樂正在 階 降 二正君之近官 頌磬之北: 北 左右正,謂樂正、 面。 洗, 獻 北上。 也。 庶子之禮。 僕人 遂 庶 膳宰樂正聯事; 笙磬之北 右 獻 子 獻 正 I 也。 于 左右 遷 官 也 相 大師 僕 阼 於 於 I , 左也。 東 阼 内 人正 在 庶子既 正 階 階 小 西 則 又 臣 即 也 與 别 陪 升 I.

内外臣 庶子、内小臣,位在小臣師之東,少退 也。 同 獻 更洗 人、鼓人、僕人師、僕人士、 以 時 事 不聯 也。 一,西上 獻 IE. 盡 下及 獻 可 内 知 小 也。 臣

右主人獻庶子等,獻禮之終也。

燕之歡 者。 爵者 止 受賜爵者,以爵就席坐,公卒爵,然後 于公者拜。 惠從尊者來。 酌以之公,命所賜。 拜受爵。 士升。大夫不拜乃飲,實爵。 之禮,爵代舉。 下,奠爵,再拜稽首。 士也,有執膳爵者,有執散爵者。 執 ,酌以進公,公不拜,受。 無算爵。算,數也。爵行無次數,唯意所歡,醉 在 散爵 飲酒,成 大夫就 執膳爵者,受公爵,酌,反奠之。 今爵並行,嫌不代也。 者,乃酌 卒爵 其 、意也。 席。 者,興 行之。 所賜者興受爵,降席 受賜者, 公答再拜。 士旅酌 以 쪰 與其所歡者。 並 亦如之。 乃猶而也。 士于 興授執 行猶代者,明 執散 席下,席 西 階上。 飲 爵 唯受 散 執 士不 ○亦 者, 西 爵 膳 勸 酬 而

> 拜 愐 拜,於將醉,正臣禮 正 賓及諸公卿大夫皆降 如大夫之不拜而飲,飲畢遂實爵也。 爵止,於其反席卒之。 稽首。 辭。公答拜。 命徹幂 者,公意殷勤 士終旅於上 大夫皆辟,升反位。 無算樂。 西階 欲 下北 盡酒。公命小 公有 , 如 升歌、間、合, 初。 面 命 東 徹 卿大夫降 上 升不 幂 臣 再 則 成

數、唯意所樂。

右燕末

盡歡

賜鐘 外。 西 取 爲其位廣 (陔夏》,樂章也。 階 其 人,鐘 賓所 卿大夫皆 宵,夜也。 上,甸人執大燭於庭,闇 宵,則庶子執燭於阼階 薦 也。 脯 人以鐘鼓奏《陔夏》,賜之脯 執脯 以 爲,作 燭, 燋 降。 其歌,《頌》類 出 以 也。 賜 也。 從賓出 取 作 鐘 脯, 燭候 甸 人于 重 人,掌共薪 也。 賓 得 公不 出 門内雷 君之賜。 以 上,司 明 鐘鼓奏之,其篇今 賓 送。 人爲 蒸 雖醉,志禮 (醉,北 然者。 宫執 遂出 奏《陔 臣也, 燭 庭 於 燭 大 面 與之 不忘 燭 坐 於 必

安燕交歡,嫌亢禮也。公人,《驚》。《鰲夏》,亦樂章也。以鐘鼓奏之,其詩今亡。此公出而言入者,射宫在好,以將還爲人。燕不《鶩》者,於路寢無出人也。○諸侯· 大學在郊,是其大射之所。○鰲音鰲。 右賓出公入。

士東面。

○自此至「不辭」,言命使人之事。

疏云:

「《儀

儀禮鄭氏註聘禮第八

濟 陽張 爾 岐句 讀

聘,以 四,小 之禮。 鄭《目 之聘也。」「殷相聘」,三年一大聘也。 若小聘使大夫,又下其卿二等。 之卿,各下其君二等,上公七介,侯伯 問也,殷相聘也,世相 《大行人》云:上公九介,侯伯七介,子男五 ,若有事,事上 其經云五介,又及竟張旜,孤卿建 戴第十五、《别録》第八。」〇 録》云: 小聘使大夫。 一大問 相見,故鄭據『久無事』而言。」又云: \Box 《周禮》曰:『凡諸侯之邦交,歲 朝也。」於五禮屬賓禮。 聘,諸 侯相 此聘禮是侯伯之卿大 於久)疏云: 五介,子男三介, 無事,使卿 旜 事謂盟會之 ·據· 介 大戴第十 諸侯 相 相 問

使者。 聘禮: 謀 事者 必 君 因 與 朝 卿 其 圖 位 事 君 南 圖,謀 面 卿 也。 西 面,大夫北 謀聘 故、 及可 面

儀

禮

鄭氏註聘禮第八

介不 是也; 諸 者,士也。 不 事,乃命上介。 事 因 以 射 兼春官; 士,適四方,使爲介。」逆,猶受也。 許,乃退 反位也。 者再拜稽首辭; 禮》之内,見諸侯三朝: 也。 侯兼官而有三卿: 知正朝 》皆云:卿西面、大夫北面、士東面,公降階南面揖之,是 辭。 ,戒上介,亦如之。 辭,副使賤,不敢 不見路門外正朝,當與二朝面 既謀其人,因命之。 也。 宰,上卿,貳君事者也。 立冬官司空,兼秋官 受命者必進。 面位然也。」〇聘,匹正反。 士屬司馬、《周禮》司 宰命司 難於使者易於介。 立地官司徒,兼冢宰; 辭以不敏。 燕朝、燕禮 馬 0 不 戒衆介。 聘使卿。 既,已也。 許者,不許其 故 馬之屬:《司 諸侯謂 諸 君不許,乃退。 〇亦如其「再拜辭; ○疏云: 侯謂 》是也; 遂命使者。 位同。 ○使,所吏反。 戒,猶命 衆 司 司徒爲宰。 徒爲宰 辭 介皆逆命 天子有 射朝、《大射 立夏官 《燕禮》、《大 士》:「掌作 也。 也。 也。 既 六卿 司 遂猶 衆介 己 馬 退 圖 使 謀 不

右 命使。

Ŧī.

宰也。 白自 幕 前,卿 乃布之地以爲藉者。官陳幣: 文「布」作「敷」。 也。 布 帥 爲「卷」。今文無 用 奉,所奉以致命,謂東帛及玄纁也。 其奉於左皮上; 夕幣,先行之日夕,陳幣而視之,重聘也。 夫,宰之屬也。 左,東上。既受行,同位也。位在幕南。 東, 皮,或時用馬。 衆介夕。 幕于寢門外。 布幕以承幣。 此至「所受書以行」,言授幣。 「掌百官 西 宰 宰既書用幣之數,遂命宰夫使官具之。 西 面、大夫北 書 面,北上。 府 視其事 命之使衆官具幣、及所 ○鄭註「布幕以承幣」,此幕非在上之幕, 之徵令。」及 則」。 馬入,則在幕南。 寢門外,朝 面、 聘所用幣多少也 管,猶館 馬,則北 也。 士 大夫西面,辟使者。 東面 使者北 古文「帥 也。 也。 期,夕幣。 面位 皮,北 面,奠幣于其 館人,謂掌次舍帷幕 古文「管」作「官」。 皮馬皆乘。 命宰夫官具。 面, 衆介立于其 馬言「則 各異 」皆作「率」。 宜 宰又掌制國之用。 齎。 首西 〇未受命行已 使者朝 及,猶至 卿 ○疏曰: 」者,此享主 《周禮·宰 〇命之者. 大夫 古文「奉 上 管人 一,加 前 服 _小此· 也 在 室 今 者

> 禮群臣。 使者北面授介,三者皆北面,向君故也。」公揖 賈音嫁。 使者俱見之也。 路門而告。 謂處者,大夫常北面,今與 介所受之書,則將之以行,爲至彼國竟上,當復展 其安處之,畢乃出。 人從賓行者。舍止于朝,須守幣也。 者,當宰以書授使者之時,宰來至使者之東,北面授使者 以授使者。其受授皆北面。 受書,授上介。 面讀書,賈人坐撫其幣,每者曰 人告具于君。 宰執書,告備具于君,授使者。 官載其幣,舍于朝。 史讀 〇疏云:「賈人當在幕西,東面 書 君朝 史展幣畢,以書還授宰。 所受書,以行。 展 幣 服 卿 ○疏曰: 出 同 西 展, 門左, 在」。 面 猶校 待旦行也。 ,故云『辟 「云 【其授受皆北 上介視載者 必 南鄉。 録 爲當復展。 西面 也。 宰既 使者」。」字 者, 〇官 史 人。 撫之。」〇 也 入告,入 欲君 幕 使者 告 謂 東 揖 面 È 官 與 西

右授幣。

使者, 而 릲 謂之賓,尊之也。 厥 凡釋幣,設洗盥如祭。 明,實 朝服 天子諸侯將出,告群廟, 釋幣于 ○自此至「亦如之」,言使者 禰。 告爲君 使 大夫告禰 賓 明

自是

出

,不復入。

上介釋

幣

亦

如之。

如其於禰

與

遺 西

禮乎?

遂受命。

賓須介來,乃受命也。言「

「遂」者,

厲。

喪禮

有毁宗躐行,出于大門,則行神之位,在

廟門外

日門、日

方。

不言埋幣

可知

也。

今時

民春秋祭祀有行神,古之

與上介將行告禰。 洗以盥手,其設洗如祭時。 告無牲,直用 有司 幣 筵几于室中。 而 己。 執 幣須潔 當 祝 有

幅之廣狹,制謂舒之長短。]〇率音律。 居三, 纁居二。 于几下,出。 將行也。 又再拜。 先入,主人從入。主人在 「制玄纁束」,丈八尺之玄纁,其數十卷也。 〇主人,亦謂使者。 更云「主人」者,廟中之穪也。 《朝 祝釋之也。 貢 禮》 云: 凡物、十日束。 釋幣, 純, 右 四只, 制玄纁束,奠 再 只音紙。 祝告,告以主人 7拜;祝 玄纁之率,玄 制,丈八尺。 疏云:「純謂 主人

旗

名未聞。天子諸侯有常祀在冬,大夫三祀: 東,又入者,祝也。 又入,取幣,降; 立于户東。祝立于牖西,少頃之間 又釋幣于行。 埋 卷幣, 告將行也。 一幣必盛以器,若藏之然。 實于笲, 行者之先,其古人之 ,示有俟於神。 埋 于 ○笄音 西 行、日 階

行。

右 將行告禰 與行

及衆 朝服 朝受命即行。 者。進之者,使者謙,不敢必君之終使己。 者乃入至朝,即此朝門者,皋門外矣。」○施,之然反。 外有常朝位。下文君臣皆朝,列位,乃『使卿進使者』, 旜。」又曰: 也,待於門外,東面北上。 旜」皆爲 屬也。 介隨 南鄉。 上介及衆 「膳」。 載之者,所以表識其事 「孤卿 人,北 使者載旜,帥 卿 ○疏云:「凡諸侯三門: 建旜。」至于朝門,使者北 大夫西 介, 面 東上。 俟于使者之門 ○自此至「斂旜」,言賓 面北上。 也。 以受命于 君 《周 揖 禮 使 君使卿進 泉、應、路 面 $\stackrel{>}{\exists}$ 者進之; 東上。 朝。 外。 使者入, 介向・ 通 俟,待 旜,旌 路門 古文 帛 使 君 使 君• 爲

接,猶續也。 藉 垂 者述命,可 上介立于其左,接 圭也 繅,不起 其 接續而 (或拜, 〇「接聞命」者,上介所立之位近于使者,使 而 **三授宰。** 聞也。 則奠于其上。 聞命。 賈 賈 人 人,在官知物賈者。 西 今文 進之者,有命,宜相近也。 面 「繅」作 坐 啓櫝,取圭 繅 , 所以

惠也。 其左。 圭。 往德也。 東帛加琮,皆如 重失誤。 並授之。既授之而君出命矣。 受主,同 贊幣之義。 組,相待爲用,何得言二也! 謂 介不從。 左授使者。 接聞命」也。 用琮、天地 爲國 繅 ,則絢組之繅 受享東帛加璧,受夫人之聘璋、享玄纁 有 帛,今之璧色繒也。 者以絢組爲之,所以繫玉於韋版,此云「垂 既述命,同 小君 ○使者受命。 種, 周 面,垂 賈人將行者,在門外北面。 ○《少儀 也。 禮 配合之象 上介受圭,屈繅,出授賈 屈繅者,斂之,禮以相變爲敬 者以木爲中 也。 \exists 其 繅 (聘用 初。 <u>\tilde{\</u> 愚謂 「瑑圭璋璧琮以 以 面授上介。 也。 又重述之。 受命。 璋,取其半 享,獻 一詔 據疏所言,仍是 -幹,以 夫人亦有聘享者,以其 圭 0 一一一部 璋特達 凡授受者,授由其 宰執圭, 也。 韋衣之,其 同面者,宰就使者北 右,贊幣自左。」 以告上介,故上文云 覜 圭 既聘又獻 述命者,循君之言, 瑞 聘。」○東帛玄纁 也。 ○對上賈人是 也。 一· 物· 屈繅,自公 也。 (或拜 君 享用 壁 ,所以厚 人。 自公左, 韋版、 一繅」、「 琮 則 (與己 使者 璧,夫 有 以 衆 加 絢 屈 口 恩 留 面 藉

> 非 耳。 旜。 兼言之,如云享時東帛上所加之璧、玄纁東帛上所加之琮 也。 大轉反,音篆。 前 授幣時 君 所執之圭與璧也。 《周禮》曰 曲禮》曰:「凡爲君使,已受命,君言 此行道耳,未有事· 已授矣,此復言者, 「瑑圭璋璧琮以覜聘」,出聘之玉以瑑爲文, 遂行,舍於郊,於此脱舍衣服 如如 也。 初」者, 斂,藏 以 方授璧琮, 也 如受圭之儀 不宿於家。」 取. 其· 也。 相・ 乃即道 配• 之物・ 斂

右受命遂行。

餼。 之禮。 之以 道路所當由。○自此至「執筴立于其後」,言過 國爲家,不敢直徑 命于朝,曰:「請帥。」奠幣。 遂」者,明受其幣,非爲許故也,容其 凡賜 其禮: 若過邦,至于竟,使次介假道。 下大夫取 人以 牲生 上賓 也。 \Box 以 大 將,猶奉也。 餼 人 牢, 餼 告; 猶稟 積 出許, 唯 也 帥,猶 至竟 解讓 芻 給 也 禾 不得 而 遂受幣。 道 假 也 以 命也。 他· 道 介皆 東帛 其 諸 邦• 請 禮 假· 道 侯以 有 將 餼 言 道: 己

❶「二」,原作「一」,據薈要本、文淵閣本改。

誓也。 尊卑有 勑告士 竟 • 謂 道之時止而誓,因上説彼國 司 反。 二十車,禾以 讀 禾,無米車也。 賓上介,致之以東帛; 馬,主 此 書,司馬執筴,立于其後。 秣音末。 米皆百筥。 1 賓南 常差 帥没竟後。」 衆,爲其犯禮暴掠也。 賓南面,專威信也。 |軍法者,執策示罰。 也。 面,上介西 秣馬。 士帥, 介但有餼,無積。 牲陳于門内之西 常差者,上 ○「積唯芻禾」,謂所致之積,唯 群介,則牽羊焉。 没 其 面 賓、上介, 史於衆介之前,北 禮法訖,乃 0 禮:「君行師從,卿行旅從。」 疏云: 竟。 衆 北 ○餼,許氣反。 介北 面。 牲 「此誓當在使次 此使次介假道,止 没, 更却 上賓有禾十車 用 米設于中 太牢 盡。 面 本 東 面 而言之,不 誓 群 讀 積,子 上 庭。 于 介 書 介・ 芻 用 门,以 其 史 上 賜 與 芻 少 而

右過他邦假道。

習・ 威・ 壇 習聘之威儀,重失誤。 也。 疏 儀· 日 未入竟,壹肄。 其北 爲壝壇、畫階、帷 案《覲禮 宜 有 》與《司 所 鄉依 ○自此至「不習私事」,言 儀 謂於 也。 间 所 爲壇 無宫,不壝 其 聘 北 之國 三成、宫方三百 無宮。 竟 土,畫 也。 肄 將至,豫 外 遺土 1步,此 習 垣 也 也

> 其 者。 執 言,壝 則 亦 庭實必執之者,皮則有攝張之節。 古文「與」作 厚,有階級,壝則略除地聚土,令有形埒而 ○公事,謂君聘享、夫人聘享及問卿大夫,皆 八威儀 無外 如之。 也。 廣 私事,謂私覿於君 亦有 韻 而已。 官 不立主人,主人尊也。 其壇壝土爲之,無成,又 壇名也。 豫一。 習公事,不習私 壝,埒也,壇也。」蓋壇之形 介皆與,北 習享,士執 ○遺,以 私 面於卿大夫之事 面 垂反。 不執 西 事。 無 庭 上。 習夫人之聘享 玉,不敢褻 尺 朝 埒 實; 士,士介也 數,象之 公事 服, 也,壇 入門左之位 已 致 致 無 此 君 也。 河須築 而 命者 壝 È 命行 己。 徒 壇 土 也 也 無 愚 兼 高

右豫習威儀。

鬍 ○《周 謁• 也。 人問 迎入之事。 張旜,謂使人維之。 謁, 禮 及竟,張旜,誓。 告 司關 「從者幾人?」欲知 也。 》職 誓,亦警戒從人,使勿犯 古 云: 者 「凡四方之賓客叩 竟 ○自此至「遂以入竟」,言賓至 上 及,至 爲 關 也。 以 聘 譏 問 張 異 關 旜 禮 且 服 則 爲 明 有 乃 爲之告。」 事 識 司當 在 謁 異 此 言 歸 竟 共 或

關外, 豈反。 事 問 註 下其君二等,大夫又各下卿二等。 其君二等。」○上公介九人、諸侯介七人、子男介五人,卿 交於列國,是以貴之。 使者七介,侯伯之使者五介,子男之使者三介,以其代君 聘,是小聘。 輕問尊者,故問從者。」又云: 多少亦可知 委積之具。 者,君子不必人也 云「謙也」,固是,亦以知介數,即爲聘爲問可 也,問所爲來之故也。 君 以介對。 使士 ○疏曰: 也。 一請事訖 卿行旅從,大夫小聘,當百人從也。」〇幾,居 君使 以所與受命者對,謙也。 因 「不問使人而問從者,關人卑者,不 《周禮》 士請 道 遂以入,因道之。 以 》曰:「凡諸侯之卿,其禮各下 人。 「問得從者, 事,遂以 本使士迎之,而必先 不以從者對而以介對 入竟。 即 ○賓向來猶 聘禮,上公之 知使者是大 知 其從者 請 "; 請 停 敢

右至竟迎人。

東上; 變於始入。○自此至「賈人之館」,言人竟三度展幣之事。 布幕,賓 人竟,斂旜,乃展。 賈人北 朝 服 立于幕東 面 坐拭圭,拭, 復 西 校録幣,重 面 清 也。 介皆 其事。 側 幕而 北 斂旜 面 坐

乃開櫝。 之。 夫者。 退。 遠郊之内有侯館 遠郊上公五 郊,遠郊也。 璋琮,南面告于上介,上介於是乃東面以告賓,亦 告于賓。展夫人聘享,上介不視,貶於君也。 夫人之聘享,亦如之。 則幕南北 曰:「璧言合諸幣者; 主。 圭璋尊,不陳之。 視之,退復位。 主國之人,有勞問己者,就焉 而文」之類。 展之,會諸其幣,加于左皮 及館 會,合也。 有司,載幣者,自展自告。 遂執 十里,侯伯三十里,子男 面,奠幣于其前。 展 周制,天子畿内千里,遠郊百 有 展之。 幣 司 ,可以小休 諸,於 於賈人之館 展 言「退復位」, 享時當合,故今亦合而陳之。」 群 也。 陳 持之而立,告 幣, 止沐浴。 皮,北首西 古文日 便疾也 賈人告于上介,上介 以 及郊,又展,如 告。 則視圭 陳 上。 展幣 前,當 十里 如 在。 群 幣 不于賓館者,爲 里。 初。 上,又拭 也 幣、私 北 上 前,幕上。 進 上 首」。 介視之, 違 以 近郊 館 賈人既 介北 所謂 覿、 位 此差之 舍也。 〇疏 及大 馬 初 展 放 退 面 拭

右入竟展幣。

稽首 臣,相 内。 拜。 門之外, 反。 命。 〇疏 使人勞賓。 服 知之,謙不必也。 故勞者東面向之也。」實北 命」,是公之臣受勞於堂之事。」勞者奉幣人,東 請入告。 告,入北面告賓也。 皆朝服。 ⊟ : 凡爲人使,不當其禮。 東面,鄉賓。 不受于堂,此主於侯伯之臣也。 爲國客」,及大夫郊勞,「三辭,拜辱,三讓,登,聽 賓至 ,受幣。 君使卿 「知公之臣受勞於堂者,案《司儀》云:「諸公之 于此言之者,賓彌尊, 再拜。 ○自此至「遂以賓人」,言賓至近郊,君與夫人 上介出請, 于 近 朝 勞者出 士請事、大夫請 ○疏曰: 服 郊,張旜 每所及至,皆有舍,其 出請, 用束帛 入告。 出 「賓在館如主人,當入門西 面 賓揖,先人,受于舍門 北 門西面 勞。 聽 面 事 君 行、 命、還 聽 彌録。 賓禮 使下 命 請行,問所之也。 請 卿 公之臣,受勞於堂。 若 所 勞,彌尊賓 有來者與,皆 以 君南 少退,再 辭,迎于舍 大夫請 勞者不 來事 面 也。 然。 也 面 行, , 其 答 面 拜 致 茁 人 雖

送。 儐之。 賓送 被 人當訝受之。」夫人使下大夫勞以二竹簠 若親受之。 皮者在門内當門,勞者在執皮之西,故知東 授幣,大夫西面受。 面 首,尊國賓也。 以 用東錦儐勞者。言「億」者,實在公館,如家之義,亦 皮,麋鹿皮也。 退,象降拜。 面」,並據賓而言也。」愚謂如疏言,則拜字不得連下讀,當 人,勞者從之。 云 「 僧」者,欲見賓以禮禮使者。 象階上。 來者爲實。 「授拜送」,不當作「送拜」。 纁裹,有蓋。 若然,云『受送拜皆北 百拜。 ○《司 又執皮是賓之使者 〇疏云:「案歸饔餼賓儐大夫時,賓楹間 儀 授老幣。 ○儐,必刃反。 揖皮出 ○設乘皮以儐勞者,每皮一人執之。 影註 賓再拜稽 此 竹 云:「上於下曰 乘皮設。 東面 簠方者,器名也,以竹爲之,狀 賓亦宜與彼同,北面授,還北 老,賓之臣。 面 揖執皮者而 勞者 首 勞者禮 ,執皮者得揖從出 勞者 者誤, 設於門 送 禮, 幣。 再拜 揖 當云『授送 内 敵者 出 辭 出 皮 受、送,拜 也。 稽 迎 面 出 〇疏 曰償。」此 勞者。 首受。 揖 物 賓揖,先 皮, 方,玄 四 ,勞者從 <u>Z</u> 乃 拜 日 如 揖 退。 皆 北 皆 面 乘 賓 之 北 拜 北 稽 言 欲 面

禮 ; 實: 手共授 栗, 不游手,慎之也。 而 執棗,左手執栗。 下大夫勞者,遂以賓入。 方 ,請導之以人,然則賓送不拜。 如卿勞之儀。 棗蒸栗擇,兼執之以進。 如今寒具 則 是 游 筥。 〇疏云::「初兩手俱用,既授棗,而不兩 賓受棗,大夫二手授 暇 〇如其 一手,不慎也。」 賓之受,如 筥者 圜 北 面 此 出以束錦 再拜 方耳。 也。 兼 0 授從者 猶 **儐之如** 簠 兩 栗。 音 也。 甫 因 受授 東 初。 右 初 其 面

右郊勞。

事。 不欲奄卒主人也。 明 此 拚帰席前曰「拚」。 自 亦 周 辭。 此 廟也。 至欲受之,不敢稽賓也。 禮》: ○拚,方問 至「皆少牢」,言賓初至,不即 至于朝,主人曰:「不腆先君之祧,既 主人者,公也。不言公而言主人,主人,接賓之辭, 天子七廟,文武爲祧,諸 言桃 反,❷音僨。 者, 以俟矣。」賓至外門,下大夫人告,出 且以道 祧 尊 而 路悠遠,欲沐浴齋 腆,猶善也。 廟 賓 親, 日 侯五廟。 待賓客者,上尊 行禮,主國致館設 : 「俟 遷主 則挑始 開。 戒。 所在 賓之意. 俟 祖也 者。 人間,未 日 飱• 祧

> 鄭註 凡其 《春秋傳》曰 宰夫朝 首。 東帛 〇以以 也。 帛致故也。 禮 至 忽 敢 九,羞鼎三; 致館有東帛,致 不用東帛致之」,指 也。 反。 聞 八鼎實, 司 可 命。 飪,熟也。 云: Ŀ 卿 儀 知也。 齋 賓 一卿禮 「如郊勞也,不儐耳。」郊勞用東帛,則此致館 服 退,賓送再拜。 職》云:「諸公之臣,相爲國客,致館,如初之儀。」 0 至 ,側皆反。 與 不用東帛致之者,明爲新至,非大禮也。 「方食魚 俊閒 設 致之」,謂使上 此 其 熟 陳 飱: 賓迎再拜。 館, 雅空以 腥 在 者,俟君 如 主人以 西 大夫 強」皆謂 設 食不備禮 陳 飱 腥 牢,在東,鼎七。中庭之饌 饔 辭 耐 在 餼 致 帥 言 上 燕閒 東,象春秋 卿 卿不 是。 君 也。 卿 至 日 以 羞 命 卿 乃 飱, 禮 于 束 鼎 俟設飱之畢,以 飪 設 致命,賓 無 帛 致 館 則 敢 **發禮** 詩 之禮 之, 束 陪 進 也。 牢,在 帛。 $\stackrel{>}{Z}$ 鼎 見 所 輕,故 卿 致之也。 也。 也 鼎 「不素 以安之也 致 西 再 以 館,致 飱 〇卒,寸 可 九 西, 其實言 雅兮」、 不 拜 音 略 亦用 用 《周 七 孫 也 稽 束

[「]狀」,原作「伏」,據薈要本改。

問」,原作「門」,據薈要本改。

也。 之則日 簋 己。 膮 東七者 者,九謂 饌 五:羊、豕、腸 餼 魚廢反。 車米視生牢,禾視死牢,牢十車。 外,米禾皆二十車 六豆六簋 鼎七,無鮮 是 也」者,對下文是堂上及門外之饌也。 一之饌六。 兩鉶 凡饌以一 也。」堂· 雖有生牢,不取數焉。 上介: 腥 「羞」,以其陳言之則曰 四 正鼎九,牛、羊、豕、魚、腊、腸胃、膚、鮮魚、鮮 薪 四 鼎無鮮 魚 [壺,無 豆爲本。 鉶 上之饌 飪 芻倍禾。 胃、 鮮 兩 門外米禾皆 腊 魚 簠六 簠 魚、鮮腊,故七。 牢,在 腊 堂上八豆八簋六鉶兩簠八壺,西 衆 八,西夾六。「八」「六」者,豆數 壺, ,禾,豪實并刈者也。 新 介 各四十車。 其 至 米陳門東,禾 皆 西 實與 尚 陪 十車,薪芻倍禾。 熟。 少 大夫之禮,皆視死牢 鼎 其 陪鼎三,則下云膷、臐 牢。 0 堂上之饌: 陳, 七,羞鼎三; 凡此之陳,)疏曰: 云「鼎西九 陳門 亦 亦 如 飪,在西, 一云中 西。 諸侯之禮 饔 四 餼 亦 東七』 豆 腊, 如 ·庭之 堂 門 四 鼎 西 纏 而 夾

右致館設飱。

厥明,訝賓于館。此訝,下大夫也。以君命迎

子男 于朝。 布幕 賓,謂之訝 使 其相去也,公之使者七十步,侯伯之使者五十步,子男之 於是時,賓出 其所尊,不敢質,敬之至也。」既知 而 擯,爲主國之君所使出 大夫之儀,此聘之正禮也,分爲四節。 或 者,賓來當與主君爲禮,爲其 擯,大夫爲 次。」〇辦,蒲莧反。 以帷爲之。 侯視朔,皮弁服。 有二:賓私覿一,介私覿一。公乃送賓出。 一,享夫人一,若有言者又一,於是主君禮賓,其爲私 者三十步。 出 廟中所行之禮。 也。 也 陳幣,如 則 主君公也,則擯者五人; 賓入于次,服皮弁者,朝 一訝,迎 擯者三人。 ○下記云:「宗人授次,次以帷,少退于君之 次,直関 展幣 此 承 旅擯耳,不 也。 擯 焉。 入于次者, 其爲公禮者 乃 西 《聘義》 接賓者 亦皮弁。 士 圭璋, 陳 北 爲 幣。 ·傳命。 面; 謙 \mathbb{H} 俟辦也。 紹 賈 也。 不 有 ○自此 人人執 有司 Ŀ 敢斥尊 擯。 五 其所爲來之事,復請之 介紹 侯伯 擯 紹 上 櫝 人于主 介在 聘 在 聘 繼 次在 也,則 賓皮 擯 至 関東國外,西 而 主 者,啓發以進之。 而 也 ·, 享 俟 「賓不顧」,皆 者 賓 相 傳 大門 又有問君、 或 其位 西北、東面 濱者四 命。 尊 弁聘, 出 廟門外 一,聘夫人 卿 敬 外之 相 請 君 也。 爲 禮 子 承 事 西 面 至 問 於 F. 繼 諸 主

承

上

侯自相. 之辭 公。 賓 門,降于待其君 公皮弁迎賓于大門 十四尺,是爲八尺者三,又加二步一十二尺,爲三丈六尺。 也。 行,賓至末介北,東面,上擯至末擯南,西面,東西 而下,亦如之。 命,反面傳而下,及末,則鄉受之,反面傳 去三丈六尺。 從大夫總,無所 大夫聘問。 而 也。 擯至末擯,亦 擯 對,是旅擯 入門左。 ;,遞傳於擯,擯又傳而人,謂之「交擯」,此介紹傳命法. 天子、諸侯朝覲, 註 在 請 朝 今文無「擯」。○註云「此旅擯耳不傳命」者,謂 云「門容二 所爲來之事。 Ŀ 擯 則 上擯受公命出 東 擯 不傳命也。 上 南 内實位 别 也。 受命 此三丈六尺者,門容二徹 相去三丈六尺。 上 擯 之 請 也。 轍參个」者,車 西 大夫上擯也,謂之大夫者,上序可 而 面, 賓對訖,上 乃命介紹 也。 出,遞傳於介,介傳於賓,介又受賓 於是賓主人皆裼。 事 各 若諸侯朝天子,受享於廟,或 内。 門, 自次 衆介隨 進 南 南 傳 序 擯入告公,上擯與賓親 面遥 轍廣八尺,天子之門, 大夫納賓,公不出 止,揖 面 命 而 人,北 揖 耳。 下。 揖賓使 賓 而 俱 面 而 參个,旁 請事,還入告于 末介,末擯 其儀,各鄉 〇裼 西上 前 前,上 上,又受命 賓至末 少 西 立定,乃 退。 擯 加 歷 本受 容二 旁 各 漸 反。 知 擯 諸 自・ 南 卿· 相

問・ 揖 步

介拂 行。 也。 門 有 猶 門 以俟賓,不復出,如此得君 賓之介,猶主人之擯。 並 履 面 者 設之,神尊不 有几筵者,以 賓大門内,卿大夫以下,入廟門即 人,立于中庭,公揖先人,省 公揖人,每門 出命, 拜迎。 東,東上,少進於士。 近 内 由之,敬也。 閾。」此實,謂聘卿大夫也。 亦 凡君與賓人門,賓必後 入門 也。 既入,則或左或右,相 時,卿大夫當於廟中 闌,大夫中根 ,俟之於此。 門 而 賓 右、北 側之堂謂之塾。 豫事 其廟受宜依 辟,不答拜。 介與擯者鴈行,卑不踰尊者之迹,亦敬 每 也 與 面東上。 介在 翼 曲 席 〇根, 之間, 揖。 神也。 西 几 幣 在位矣。 去如 行 Ŀ, 南, 上 筵 立近 君。 士介拂棖。 直庚反。 門中,門之正 擯進 每 上 既 北 初。 辟 臣行二,於禮 賓至廟門,司 門 擯待 面西 内 介 塾者,已與主君交禮 位而俟之。 設,擯 輙 位 賓立 相 毫玉 事 及 揖 逡 君。 上。 而 也。 擯 者 及 藻》曰:「 遁,不敢當 (者隨 出 賓人不中門,不 接 廟 以 者 也。 公再 既 請 Ŀ 〇 方君 上擯亦隨 西 受實所 宫乃于 可 則 之, 相 門,公揖 出 不敢 立 塾。 矣。 人偶 君 拜 請 於中 並 其 人 公迎 ; 依 公人 以 在 與 而 爲 命 也 門 接 禮 將 君 敬 來 前 大 庭 鴈 南

六〇

之命, 曰 : 東面 0 註, 也。 西面授實。 賤不與爲禮 人鄉 之泉」,但天子以屏風設於泉,諸侯無屏 **圭將致其聘** 擯 無 以 執 依」,於豈反,本又作 疏 藉、 × Z 屈 圭。 介不襲,執圭,屈繅,授賓。 知 繅爲無藉、垂繅爲有藉、《曲禮》陳氏註以 入陳幣 服之襲也,充美也。」是 秦伯 疏以 諸 琮璧有束帛爲有 曲 重 坐啓櫝,取圭,垂繅,不 禮 停 『致尊 執 告, 侯 ₩ ⊟ 垂 使西乞術 圭 不襲 也。 東 賓 命 祭 繅 祀, 盛 也。 出 屈繅爲有藉 面俟。 讓』、《鄉飲酒 「執玉,其有藉者則裼,無藉者則襲。」〇 不言裼襲者,賤不裼 圭, 贄 禮, 者,以盛禮 席 至 來聘,襄 而 玉 蒲 「扆」。 此 於此言之,就 藉,陳説得之,詳 又 之重者,辭之,亦 筵 言 盡 擯者,上 無藉 繢 放尸 《爾雅 命, 飾,爲 仲 不在於己 義》文。 純 辭 事 襲 \pm 誠 右 彌 其 執玉 誤 , 賓對日: 擯 起 釋宫》: 有事 彫几。」 至 案文公十二年《左氏 相 也。 也。 也。 也。 上介北 見記 而授 蔽 風 言 所以 龜 也。 敬 繅,有 人告 ○盡 爲異。 襲 屈 彌 中。 〇「依 也。 「牖户之間 也。 圭 『不腆敝器 繅, 授圭不 上介。 致 信 面受圭,進 公以 一璋特 組繫也。 尊 津忍反。 也 《玉藻 賓襲 并 賈 0 前」之 讓 賓執 觀 達 持 起 也 賈 人 之 此 疏 爲 謂 周

也。 近而 揖。 不足 也。 辭於賓、相公拜也。 以公宜親受賓命,不用擯相也 賓升二等,亦欲「君行一、臣行二」。 之。 相 也。 註 與 不言辟者,以執圭將進授之。 面 南 曲 面 君 云 》云「公事自闑西」,註云「聘享也」,又云「私 ·揖; 東楹之間。 楣,謂 揖 再揖訖,主 是『君行一臣行二』,非謂 介無事,止於此。今文無 辭 公左還北 禮,介則 「覿面也」。 賓 與主君相 也。」至于階,三讓。 也。三納賓,賓入門左。 人門將 既 曲 之梁。 止 北 鄉。 一君亦 曲 面 於此也。 介皆入門左,北 鄉。 揖,既: 側,猶獨也,言「獨」,見其尊賓也。 賓三退,負序。 又 東面 公當楣 擯者退 揖; 當拜。 向堂塗北行,當碑,賓主 曲、賓又揖、二者主 當碑 三揖; 中 公側襲,受玉 門 再 賓入門時主君更 揖。 擯者 讓升。 賓致 庭。 拜 賓升,西楹 0 君 公事 進。 ○此後唯擯 面 與實 疏云"「公先在 拜 命。 鄉公所立 公升二等。 西 自闡 貺 退,三逡 也。 進 上。 也。 一君皆 致其君之命 事 西。 阼 向 于 白闑 處退 入門,將 貺 階 者得 内 又 向 隨賓 中堂 西,釋 西 ◎ 玉 遁 賓 雷 佗日 東」, 惠 相 者 也 庭 東 先 揖 賜 相 向 人 人

鄉

豻 服 凡當 之。 逆出 公有 許受之。 庭。 也。 負東 之間,更侵東半間,故 也。 并執後足,毛在内,不欲文之豫見也。 衣,其裘同 褎,絞衣以裼之。」《論語》曰:「素衣麛裘。」皮弁時,或 亦以君行一 ,冬則裘,夏則葛。 Ŧi. 授於序端。 一,由便。 古文「裼」皆作 中 盛禮者以充美爲敬,非盛禮者以見美爲敬,禮尚 賓裼,奉束帛加 旦反。 玉藻》曰: 塾而 也。 火, 庭實:皮,則 , 南 有 ,可知也。 臣行二。 皮,虎豹之皮。 紋,户交反。 立。 北之中 贊爲之者。 賓 「裘之裼也,見美也。」又曰:「麛裘、 出。 裼,降立。 反其等位,無事。 「賜」。 也。 ○兩楹之間,爲賓主處中,今於東楹 凡襢裼者左。 裘者爲温,表之爲其褻也。 云「君 聘事畢。 、壁享。 凡 入堂深,尊賓事也 攝之,毛在内,内 擯者 ○以上聘禮。 · 攝之者,右手并執前足,左手 襲,于 行 裼者,免上衣,見「裼 一、臣行二」。 出 公側授宰玉 隱者,公序坫之間 擯者入告,出 降立,俟享也,亦於中 請。 賓降,介逆 内攝之者,兩手相 ○褎,詳又反。 不必賓事之有 擯者 東 楹 攝 寒暑之 , 使藏 之間 青豻 相變 衣」。 退, 之, 許。 出 可 素 知

> 受幣。 者東行,亦立在左者行在前,故 之坐攝之。象受于賓。 Щ, 升致 於臣、臣 變于生也。 幣,皮如人,右首而東。 賓出,降至庭,乃對賓坐而攝之。 來,由客後西,居其左受皮也。 上致命之時,庭實即張之見文,相 夫人,用璋,享用 「執禽者左首。」此右首,是變於生。 也。 ○當公於堂上受幣,士亦於堂下受皮。 命。 人設,亦參分庭一 於君 士受皮者,自後右客。 〇執皮者初入時,行在前者立在左。 張皮。 ,麋鹿皮可 張者,釋外足,見文也。 琮,如 也。 在 南。 〇士初受皮,仍如 賓人門 初禮。 云如 如人,左在前。 執皮者既授 言 當,對 應爲節 則」者 ○以上享禮。 人」也。 左 自,由 也。 如公立于 , 揖 ,或以馬。 也。 公側 **《曲** 亦 前張之; ○當賓於堂 也。 賓 皮右首者 讓 公再 自 禮 此受皮 出 ,中庭 如 從東 前 授 凡君 西 初 室 當 拜 以 及 方 面

下。 日 : 以 東帛, 〇此約言聘享夫人之禮,亦公受之。 有故, 則東帛 如 享 禮。 加 書以 有言 將命。」《春秋》「臧 有所告請 若有 若有言 孫 所 辰 問 告糴 也。 則 于 記

是 齊」、「公子遂 也 庭 實 如 楚乞 也 0 師 此 二、「晉 容 有 侯 告 使 請 韓 之禮 穿 來言 汶陽 擯 者 之田 出 請 皆

右聘享。

事

賓告事

畢。

公

事

于 賓席東上。 來 奉 讓 筵 玄帛純」,此筵上下大夫也。 宰夫,又主酒食者 聽 出 受馬」,言賓請 交其歡敬也。 授 大夫其漆 紛 命。 辭。 兩 序 如 君。 純加 端 端 初。 賓 客有大禮,未有以待之。 奉 擯者人告。 以 0 《公食大夫禮 几與? 公出 繅 漆 束 坋, 進。 不用 席畫純,左彤几」者,則是 私覿,主 几 錦 蒲 也。 迎者,己之禮 也。 内 羔 以 悶 ○莞音官。 拂几,不欲塵坋尊者。 反。 今文無「升」。 請 |君不許,而先禮賓。 因 將 告賓許 $\stackrel{>}{\exists}$ 禮 覿。 使 公 《周禮 賓, 徹 而 浦 東 更 見 覿,見也。 也。 端 公出 筵 南 神 請禮 非 常 也。 $\check{\exists}$ 宰 几,改神席, 宰夫徹 特 鄉 緇 「筵國賓于牖 來。 筵狐 夫内 迎賓以 公升,側受几 布純, 賓 鄉將公事 外 擯者人 白自 以 也。 ; 賓禮 拂 拂 進 加 几 更 此 孤彤 自 人, 萑 几 几 改 前,莞 是欲 布 至 席 東箱 筵。 辭, 亢 尋, 也 揖 訝

> 卒,振 也。 擯者 洗升實 于觶 不降, 拜送;公尊 俟。 告。 者,醴質,以少爲貴。 壹 面 向賓,宰夫以 位,逡遁。 凡賓左几」者 枋 拜 0 不 告 以 未設也。 退 進 事未畢當 面臘 觶 面 賓以公授几。 袂 主人禮 負 以 筵前 枋。 中, 北 也。 醴 醴 東 也。 面 今文 對神 自 自 未成 塾。 攝 酌 在 受醴 公側受醴。 設 東箱 東 古文「壹」作「一」。 之,進 以 中 右几 箱 几,不降,階上 「訝」爲「梧」。 也。 宰 授君 庭,今負 事 來,不 來公旁,並 賓 "復位 未 · 夫 薦 也、 啐酒則禮成 進 也。 畢, 西 面 宰 訝 東 擯 鄉 擸,不 君不 遵 夫 受 將 塾者,以 者 授與公。 公 0 豆 以 實 不 0 几 自 進 梧 拜 訝 脯 飲 退 酌 觶 受也。 凡 答 賓 于 五. 賓。 就 中 送 醢 有 賓 尊 以 再 以 筵 故反。 賓 庭 公不訝受,故 醴。 宰 左几 賓 也 以以 賓 醴 也。 拜 前 几 夫 〇公西 不降 稽 升 辟,辟 陳 有 賓壹拜 宰 東 擯 加 宰夫 飲 筵。 夫 0 首 壹 柶 面 者 食 亦 云 面

❶ 「啐酒則禮成」五字,爲行間注,文淵閣本無。

六四

授受。 步。 義並 乘馬 故 拜 辭 以 薦 向 擸字或擖字之譌,「尚擸 醴 也。 己,己臣也。 用」,尊于下 賓降 北 辭 東。 ,受幣,當 作 面 0 也。 難 賓 拜 降筵,就階上。 也。 聽 通。 賓 降 擖_,「 受。 糟醴不 受,異於聘享時也。」退, 以 命 降 筵, 奉君 脯 案 栗 擸 〇疏云: 也。 公 聽 辭 擖 冠 醢 啐。 東 階 北 辭。 命 致 幣,不 以 」音葉, 禮》、《昏禮》「面葉」,葉,柶大端 亦受之于序 幣 楹 升 涉 面 以 故 \bigcirc 之命。 0 北 反。 不 不 前行聘享時,賓東面 柶) 擸音 「啐」字記 聽 敢 即 以 箕舌也, 北 降 祭 當公禮 面 命, 面 公 柶 一尚 獵,又音拉,折 既 醴 等, 誤。 端。 葉 用 兼 命 栗階, 此 亦 與 也。 訝受而 東 殺 也。 諸 以 束 匙 又 擯 建 主君 也。 面 觶 降 頭 趨君 帛。 柶, 者 庭 公降 尚 相 俟。 拜 禮 北 升, 實 進 葉 類 尚 也,又持 命 ,主君 以 己,己, 面 北 致 設。 相 受 擸 俟君 者,禮、 尚 可 幣 再 面 疾,不 西 也。 以 也,古 幣 等 仰 也。 拜 拜 奠 坐 臣 借 也,於 面 庭 辭。 主 柶 也 也 用 實 降 于 啐 稽 訝 於 連 贊 言 文 端

> 再拜。 丁歷反。 馬者,并左右靮授之。 一,成 北面 禮 者,謙若不敢當階 不俟公再 上介受賓幣,從者訝受馬。 賓執 左馬 拜者,不敢當公之盛. 餘三馬,主人牽者從 以 然。 出 公壹拜 受尊者禮,宜親之也。 也。 賓 出 公再拜者, 降 從者,士介 也。 也。 0 勒 公 效 事

畢

不

右主君禮賓

辭, 馬間 禮 也。 還之也。 司二人牽 從,故贊者止是賈人之屬,以其介將各自 之」,言私覿之事。 右, 見 辭 扣馬 也。 覿用束錦,辟享幣也。 北 賓覿 其 面 贊 臣。 也。 贊者, 賈 奠幣, 者、 馬 奉束錦 賓 有司受馬 入門而 以 人之屬。 出 不升堂 從 再 右 拜 出 事 乃 總乘馬。 稽首。 畢。 入幣,是以 私事自 出。 介特 總者,總八轡牽之。 凡 西 擯 覿 闡 取 者 也。 不請 面 右。 幣 二人 臣 坐 于 于 禮 白自 特 不辭,鄉 奠幣 東 取 庭 覿 見 贊。 也。 也。 塾 幣 此 北 再 至 拜,以 贊 面 南 出 不 時 擯 「序 者 以 已 門 擯 有 者 將 介 從 臣 居

0 間 原訛 「門」,據薈要本改 故

事得申也。 幣于階東,以君在堂,鄉之。 堂上受幣以爲節也。 人東馬西而受之。 此亦並授者,不自前左,由便也,便其已授而去也。 後,適其右,受。自,由 反還者,不敢與授 者,以其初以臣禮見,新之也。 入門左。 者請受; 立。 前,變於受皮。 ,贊者受馬。 公揖讓如初,升。 右之,欲人居馬左,任右手便也。於是牽馬者四人, 也; 不言君受,略之也。 士受馬者,從東方來,由馬前各邊牽馬者之後,在 前 自 享幣不拜送,致 請 由 介皆入門左,西上。 曲禮》曰: 以 也。 牽 客禮受之。 ○牽馬者四人,各在馬西,右手牽馬,北 圭同。 牽馬者自 馬,右之,入設。 賓降,階東 ○還,户患反。 「效馬效羊者右牽之。」賓 士受馬者,自前還牽者 振 君命, 0 也。 公北面再拜。 前 賓禮辭, 幣進授,當東楹,北 疏云: 賓三退,反還 西行 非己 適牽者之右而受之也。 拜 牽馬 而 送 「賓拜送幣,私 物也。」 出 以客禮入,可從 聽命。 庭實先設 者自 君 此受馬 拜也,君 辭 負序, 公再拜 前 賓受其 奉 客禮 受馬 覿己 拜送 亦視 西 幣 位

面。

面 自 也。

敬。 降一 于上介也。 皆者,皆衆介也。 鹿皮。皆入門右,東上,奠幣,皆再 皮,二人贊,僱,猶兩也。上介用皮,變於賓也。 ○縟音辱。 纖縟者也。 錦,士介四人皆奉玉錦 西 公降立。○以 有著之者,是其志而焕乎? 立門中而俟。 有司二人舉皮,從其幣。 介逆出。 寡君從子 鄉。賓階上再拜稽首,成拜。 有 賓降出 等辭。 司乃得委之。 擯者先即西 禮有以少文爲貴者。 亦事畢也。 擯者入告,出許。 ", 雖 委皮 君 上賓覿。 公側授宰幣。 乃 贊者奠皮出 將 辭 南面 南 拜, 之而 面位請之,釋辭之時,衆執幣 面 擯者執 便其復入 起 ,擯者既釋辭,執 擯者 賓 未敢明説。 東,請 也 由 拜 出 擯 Ŀ 後言「束」,辭 出 也。 此 一請受。 敬 者 馬 幣,士 請。 覿。 上介奉 禮 也。 出。 辭, 栗階升。 委 公少退。爲 古 皮 上介奉 多有 玉錦,錦之文 衆幣 擯 廟中宜 拜 執 亦 此請受,請 當門。 者 幣、 之便 辭 解矣,未 稽 衆 者 皮,麋 其 曰 : 首 進 者 臣 儷 也 束 清 執 即 隨

183

『擯者執幣等 次,此言其位,互約文也。 士四人北面,東上,坐取幣從,有司二人坐舉 ○ 疏云: 「以理推之,上當言:

受,士執幣者進立擯南,西面北上,執皮者南面委皮於門 中,北上。」如是乃爲文備也。」介禮 皮,從其幣出,隨立於門中。 擯者出門,西 辭, 聽 面于東塾 命,皆進, 南

而入也。入門左,介至揖位而立。執皮者奠皮,以有不敢 奉幣,皮先,入門左,奠皮。皮先者,介隨執皮者 訝受其幣。 此言皆訝受者,嫌擯者一一受之。 上介

授之義。古文重「人」。〇註「入門左,介至揖位而立」, 揖位」即門左北 享禮,庭實使人執之以授主人有司,此奠之於地,介 面之位,賓至此待揖 而後進,故云「揖

出 後,有司二人坐舉皮,是不敢授也。 不受于堂,介賤也。 介振幣自皮西進,北 公再拜。 拜中 面 庭

庭一而 授幣,退復位,再拜稽首送幣。進者,北行,參分 東行,當君,乃復北行也。 介出。宰自公左

> 拜。 大夫也。 見。擯者辭,介逆出。 爲之辭。 請受;賓固 士介入門右,奠幣,再拜稽首。 擯者以賓辭入告,還立門中閾外,西面。 士介賤,不敢以言通於主君。 「固」衍字,當 公答再拜。 辭。「禮請受」者,一 擯者出,立于門中以 擯者執上幣以 請受而聽 終不敢以客禮 公乃遥 之也 出 如 相 禮 答: 面

請

拜·也。 相者,贊告之。士介皆辟。辟,於其東面 位 逡

來也。 遁也。 士三人執其餘幣,俟擯者入而同授之宰也。 〇士介之幣,奠者四,擯者執其上幣 士三人,東上,坐取幣,立。俟擯者執 出請 擯 故 者 進。 别用 E

就公所也。 〇疏曰: 「以公在庭,故擯者自門外來 進 向

受于士,士介幣輕也。受之于公左。 左,授幣與宰也。」宰夫受幣于中庭,以東。 賓幣,公側授宰; 使宰夫 L

幣者執以從之而東,經文自明。 굸 介幣,宰受于公左; 「使宰夫受于士」,實則宰夫止受擯者所 士介幣,宰夫受于士: 敬之差。 執幣者序從之。 執, ①其餘 ○註 則 序

0 擯」,原作「賓」,據文淵閣本改。

○上介覿禮竟。

擯者又納士介。

納者,出道入也

不側受,介禮輕。

有司二人坐舉皮以東。

從者,以宰夫當一一受之。〇以上衆介覿。

右私覿。

將揖 擯往 逆道 道賓 顧。 恙。 子何爲?」此公問君之類也。實對,公再拜。拜其無 處何如 召使擯,色勃如也,足躩如也。 賓不顧。 賓再拜稽首,公答拜。 勞以道路之勤。 介皆再拜稽首,公答拜。 公拜,賓亦辟。 於此,君可以反路寢矣。《論語》說孔子之行,曰:「君 (而出 來傳君命,南面。 而 ,紹擯及賓並行,間亦六步。及大門内,公問 鄉以公禮將事,無由問也。賓至始入門之位,北面, 擯者出請,賓告事畢。 出。 , 序殷勤也。 也。 衆介亦在其右,少退,西上。 公既拜,客趨辟,君命上擯送賓出,反告賓不 擯者入告,公出送賓。 時承擯、紹擯,亦於門東北面東上,上 公問大夫,賓對。 蘧伯玉使人於孔子,孔子問曰:「夫 賓退,必復命曰:「賓不顧 賓出,公再拜送, 賓既告事畢,衆介 於此可以 公出 公勞賓, 公勞介 衆擯 問君居 逆 亦

右賓禮畢出,公送賓。

見朝 勞賓。 其館,上介不見,而士介代受鴈 君也。卿見來朝之君,執羔,此見來聘之賓,執鴈,是下於 解,一解。 反命,因告之。 聘 凡諸侯之卿,見朝君,皆執羔。 介受。不言卿,卿與大夫同執鴈,下見于國君。《周 ○仍有問大夫之公事未行也。 夫勞賓,賓不見。 「此一日之間,其事多矣。 亦問也,嫌近君也。 君也。 其請辭,宜云「有事于某子」。 賓請有 賓即館。 勞上介,亦如之。 ○自此至「亦如之」,言賓請問 事於大夫。 上擯送賓出, 以己公事未行。 少休息也。 明旦行問 ○註 請問 大夫奠鴈再拜,上 卿,暫時止息。」 即,就也。 賓 問 〇亦如之者,亦勞於 「見朝君」,見來朝之 公禮辭,許。 東 上介以賓辭辭之。 卿 面 也。 偂 卿, 不言問 請 〇疏云: 之, 卿 卿 禮》, 先 擯者 大 禮 往

右卿勞賓。

敬 餼 相 近耳。 也。章弁,靺章之弁,兵服也。 今文「歸」或爲「饋」。 君使卿韋弁歸 其服 蓋韎 布以 爲衣而 響餼 ○自此至「無償」,言主君 五牢。 素裳。 而服之者,皮韋同 牲, 變皮弁,服韋弁、 殺 日 饔 類,取 使 生 卿 \Box

也

其出 大夫饋· 景,引 反。 位,後言其 膮。 鼎 受之當以 祭服下,先云韋 材 一,設于、 ; 南 如 當 牛羊 膮 謂 陪之,庶羞 陰陽 醓 飪 内 飪 饔. 無 許 介 廟 腊 尊服 鼎 廉 與 餼· 醢 也。 腫、膮 次, 以 也。 户 堯 鮮 解。 請 之事。 反 石 腸 西 魚 重 東 膚, 屈 事 凡 加 弁 芝用木。 大禮, 飪 列。 碑 有 服 燖 胃 蓋 面 豕 也 鮮 此 西 賓 音 司 户 引物 肉 口 後 北 下 腊 尋。 當 陪牛 陳 詳 牢, 也。 有 人 朝 云 鼎、 室户 言 上 内 皮 腥 者 其 ○腊 卿 陳。 服 皆 設 窆, 廉,辟堂 事 唯 鼎 者 弁 膚、鮮 羊 饋 也。 上 宗 禮 也。 燖 服 于 彼 音 九,設 賓,《 所 豕 當 廟 人賓所館 者 昔。 辭 阼 騐 以 以 韋 東 則 宫 有 碑, 塗 周 反 弁 上 優 階 魚 並 麗 陪 必 膚。 膷 也 尊 禮 賓 于 朝 牲 ·鼎,三 變於 有 南 前 音香 二焉, 於 服, 也。 鮮 之 東 腥 西 碑, 此 腸 皮弁 春 陳 廟 腊 親 上 西 饌, 階 胃 牲 示不受 以 官 堂 所 牛、 食賓 臐 次 臛,膷 牢 陳 取 韭 面 前 以 先 故 E 設 毛 腊 其 司 許 羊、 陳 識 菹 云 也 八 血 扃 也 服 鼎 陪 積 南 以 云 日 其 臐 黍 粱 鹿 醓 也 賓 醓

鼏

食之豆。」〇 臡 醢 *, 其 則 醢 東葵菹 西昌本,昌 菹 設 汁 醢不自 南 \overline{Q} 也 西 稷, 菹 葵菹 屈 L. 相當,交錯陳之也。 莊 本 錯 猶 此 西 東 錯 居 東 麋 蝸 也。 反。 來舊音泥 上 黍 醢 在 是「變 今文 醓 蝸 北。 醢 麋 他 東 並 於 0 臡 感 韭 疏 西 親 疏 皆 反。 云: 菹 云 菁 食 爲 賓 菹 併 此 謂 八 也 繼 菁 兼 其 簋 者 東 用 菹 ○公 繼 朝 北 L 繼 屈 事、饋 鹿 醓 八豆 之, 猶 親 臡 醢 錯 食

變。 之, 也。 酒 牛 以 尊 西 以 〇不言綽 也 粱在北。 陳之。」錯 八 西 壺 羊、 酒 設 蓋 稻酒 于 豕, 者,黍 屈 簠不次簋者,梁 西 、錯者,絳 粱 豕 序 酒 稷 南 北 不 牛 一文自具 種 錯 上 相 者 以 間 稻 錯 酒 東 加 ,故不言也。 以 不 也。 也 羊 以 並 凡 雜 豕 六 錯 饌 南 鉶 爲味 屈 兩 陳 鉶 繼 錯 簠 之, 要 壺 西 繼 相

夾六豆 牛 屈 以 南 六簋繼之, 一,設于 羊,羊東 西 黍 墉 豕, 下, 其 豕 北 東 以 稷 上 北 韭 牛。 錯 菹 其 兩 几 簠 鉶 東 繼 繼 醓 之, 之, 醢

其

在

西。

皆二以並

南南

陳

六壺

西

上,二以

陳

豆

其

豕; 瓦器 央也。 中 也。 菹 之,東方,東 四 豕,束之,寢右,亦居其左。 餼二牢,陳于 成觳」,四升曰 ○疏曰:「云『西 者,先設 並 壺大一石,瓦甒五斗」,即 ,又西鹿 行 庭,十以爲列,北上, 亦 東有醓醢,次昌本,次南 東 其容 壺東上 屈錯 豕 醯在東,醯,穀,陽也; 夾碑,十以爲 陳。 韭 庭實 西, 也。」岐 鬱。 菹 觳。 夾室。 固 其 東 牛 豆,則罋與簋同受斗二升也。 ,西陳。 此 陳,在 當庭 北 東 《旊人》云『簋實一 陳還 案: 羊 門 上」者,則 醓 中,言當中 豕。 西 西 醢,又其東昌本,南麋臡,麋 兩 取朝事之豆。」饌 北 列, 醯 北 亦在北墉下,統 夾之饌,方位順 墉 此壺大一石也。」〇罋,烏弄反。 北 米 餼, 糜臡, 下, 上。 於其 醢,肉 面 百 生 黍粱 統於豆。 在 庭 東壁下 次西 亦「韭 東 也。 者, 筥, 筥半斛, 東。 陰也。 觳」,又云『豆實 上, 南 稻皆二行; 牛 有菁菹 于 菹 於豆 北之中也。 同, 夾碑,在鼎之中 南 0 羊,右手牽之。 其 東 陳, 0 《禮器 疏 東醯 非 以 疏云: 方,亦 Ξ. 西北 相 次 醯 西,羊 鬱 醢 對 北 設 醢 談註 東西 而 有 有 西 六 也 罋 稷 于 百 如 而 陳 云 鹿 韭 菁 豆

> 中也。 之中 深也。 爲列 也。三秆,千二百秉。 禾三十車,車,三秖設 秉十六斛,又五簸爲八斛,是二十四斛也。」○籔,色縷反。 米禾皆三十車。 秉有五籔,二十四斛也。 列,東陳。大夫之禮,米禾皆視死牢。 米三十車,車,秉 北,如堂之深也。 是相變也。 知 止得言東西,不得 籔」或爲「逾」。 東西爲列」者,以經言「北上」,故知之。 列 ,其南北三分庭一在南; 上文公立於中 〇上享時,直言庭實入設,不言 當醯 米在中庭,其北有 醢南,亦 『十斗曰斛,十六斗曰籔,十籔曰秉』, ○疏云: ○筥,居吕 言 北上。 庭,宰受幣於中庭,皆 相 〇四百乗爲 有 變也。 「飪一牢、腥二牢,是三牢死,故 籔, Ŧi. 于門 反。 此更言「中庭」, 讀若「不數」之「數」。 籔,設 醯醢 醯醢夾碑,知碑之設 此 行,户 言 西西西 南 中 秅。 北列 庭, 于門 中 郎反。 秉、 則 **米** 庭, 〇 託,丁故 陳。 若南 南北 欲 籔,數名 設 東, 筥 門 明 則 碑 北縱 之中 秅,數名 東 南 爲三 在 近 西 外: ,近庭 今文 北 東 如 反 也 列 陳 也 之 西 堂

薪

芻倍禾。

倍禾者,以

其

用多。

薪從米,芻從禾,四

^{● 「}醯」,原作「醢」,據薈要本改。

七〇

盡 示 之於禮,則内君臣不相 能 陳 均 北 輈 如 此。 凡 此 然 所以 而 用 厚 財 陵,而外不相侵,故天子制 如 重 禮 此 其厚 也 賓皮弁迎大夫 聘 者,言盡 義 Ĭ: 立於禮 「古之

之車 客尊 乃許升,亦道賓之義也。 主人。 内 也。 用財 不可以不下主人也。 今使者三讓,則是主人四 不成三也。凡升者,主人讓于客三,敵者則客三辭,主人 以將命。 諸公廟; 也。 之,而諸侯務焉爾。]○朝,丁留反。 人三讓,客不三辭 于外門外, (揖人。 〇大夫即 至于階,讓。大夫先升一 ,敵者則 主人三 大夫行,舍于大夫廟。 人,三揖,皆行。 古者天子適諸侯,必 賓與使者揖而人。 君所使卿韋弁者也。 再拜; 讓而客即升,如 客三 ,故云「不成三」也。 辭,主人先升以 古文曰「三 大夫不答 讓 使者尊,主人三讓,則許升矣。 也。 此經 皆,猶並也。 舍於太祖廟,諸侯行,舍于 讓。 使者止執幣,賓俟之于門 大夫奉束帛,執 公雖尊,亦三讓 「大夫先升」是 揖 拜。 道 假使客三 ○註 人。 之,是 等 ; 大夫,使者,卿 意謂: 使者尊,不後 及 成 讓不言三, 解而 三譲 乃許升 凡升者 廟 也。 其所 門, 猶 也。 先 主

臣也。 西也。 堂,受老束錦,大夫止。止不降,使之餘尊。 也。 如 大夫降,出。 幣堂中西,北 辭,升成拜。 大夫以東帛同 命 ; 升堂,北面 爲主人,亦必三讓乃先升,此主人自下之義也。 先升」知大夫未嘗三 升,則是主人四 人降,賓亦降, 〇大夫東面致 初 皆北面。 ●賓降,階 賓出迎,欲儐之。 殊拜者,分别兩次拜之,成拜訖,又降拜也。 賓升一等,大夫從, 敵體 致饔餼 命,在西階上也。 聽 庭 [讓矣。 尊賓。 賓降,授老幣,出迎大夫。 面。 命。 實設,馬乘。 之禮也。 西 辭, 也。 禮固 再 趨主君 北面于階上也。 是謂 〇成拜 大夫禮辭,許。 拜 賓殊拜之,敬也,重君之禮 無 今主人降 稽 四 「不成三」也。 命也。 讓 賓降 首。 處,亦當 法 乘, 升堂。 也。 堂中西,中 階西再拜 而 拜 四 大夫東面 大夫止 東階之西。 故 餼 馬 公雖 即經文「大夫 人,揖 也。 賓先 亦 東階之 如之。 是 央之西 賓從, 尊,當其 升,敵 老,家 大夫 賓 使 〇主 致 讓 降

⁰ 夫」,原訛「大」,據薈要本改

牢: 拜亦皮弁服。○《周禮·秋官》有掌訝,註引之者,明賓客 薪芻倍禾。 方之饌。 不貶者,尊介也。言「如上賓」者,明此賓客介也。 夾之數。 鮮 發館至朝,來往皆掌訝前驅爲之導。 恩惠,於大門外。 拜于朝。拜饔與餼 者亦訝受之。 稽首送幣。 南面,退,東面俟。實北面授,尊君之使。 首,稽首,尊君客也。 言「致命 之餘尊。 魚鮮腊也。 一牢,在東,鼎七,堂上之饌六。六者,寶西 飪 非 一牢,在西,鼎七,羞鼎三。 餼一牢。門外米禾視死牢,牢十車。 西夾亦如之", 筥及甕, 如上 賓奉幣西 君命也。 賓 賓送于外門外, 凡其 大夫降,執 介皆異館。○此下言下大夫饋上介。 《周禮》曰:凡賓客之治令,訝聽之。 實 致、對,有辭也。 大夫對 面,大夫 ,皆再拜稽首。 與 陳,如上賓。凡,凡飪 左馬以 北 東面 再拜。 面 上介,饔餼三 受幣于楹 出。 當楣再拜 賓致幣; 拜謝主君 明日, 飪鼎 賓。 出廟門,從 賓再 0 七,無)無東 凡所 間 拜 稽 賓 此 不 以 之

> 下。 牢後適宰夫右,受,由前,東面授從者。 宰夫饋士介。 送之矣。 之,東面致命。 米設當門,亦十爲列,北上。 使者受儐禮,當亦如卿受賓儐也。 其受大禮似實,不敢純如賓也。 士介朝服,北面再拜稽首受。 ○下記云:「士館于工商。」則此致者,在工商之館門外 大牢,米百筥,設于門外。 致之,上介韋弁以受,如賓禮。 ○實,其物,陳,其位也。 明日,衆介亦各如其受之服,從賓拜於朝 宰夫朝 朝服,無束帛,亦略之。 服,牽牛以 牢在其南,西上。 下大夫韋弁,用 **儐之兩馬束錦。** 牢米不人門,略之也 士介四人,皆餼 受,於牢東拜。 無儐。 致之; 士介西 介不皮弁者,以 〇此下言 面拜 既受,拜 執紛 束 迎。 也 帛 自 產 0

右歸饔餼於賓、介。

夫之事。賓初以君幣問卿,次以私幣面卿,次上介特面 私 次衆介皆面,次上介以君幣問下大夫嘗使至者,次上介以 幣面下大夫,凡六事,分爲三節。 ○自此至「如主人受幣禮不拜」,皆言賓問 賓朝 服 問 卿,不皮弁,别於主 次又設言大夫不見之 君。 主・ 國 每 國 卿· 大·

七二

至明 禮 賓 幣 聽 朝 與賓既接于君所,故不須士擯。 擯者,既接於君所,急見之。 于 古文曰「三讓」。 束帛入。 不几筵,辟 夫先人,每門 大夫降,階 人者,省内事 命。 降 堂 服 祖 不俟于庭,下君也。」 擯者 日 賓 中 迎于外門外, 廟 拜饔餼 自 出 賓先升,使者尊。 聘 西 君也。 重 許。 覿 三揖,皆行,至于階 也。 賓禮 大夫降 西 于 主 北 賓升 朝 是 君 再 面 既 每 庭 也。 以 返 禮 拜 而 曲 卿 畢, 實 即 俟于宁 稽首。 祖 ,授老幣。 於堂中 再 不敢更辭。 揖。 備舉 設 君 等 ; 一、王父 拜,賓不答拜。 賓 送 ○設擯多者,示相見 四 此 賓 也。 東 央之西受幣 及廟門,大夫揖 也。 皮。 大夫從,升堂,北 請 禮。 擯者出 後, 賓辭。 面 0 命。 賓即 此下 下大夫 0 致 麋 疏 無 初, 讓。 命; 鹿 云: 賓問・ 儐 請 亦從人而 請 賓請 升成拜 趨 皮 有事 皆, 「宁,門 事 也。 致其君 卿。 擯。 聘君 不償賓,辟 有 有 揖,大 于 猶 事 賓 大夫 卿 大 之命。 漸 並 出 屋宁 無 于 夫。 請 受 奉 受 命 也 士 面 卿 大

> 稱,舉 謙。 降 間 再 實從之。大夫先升,道賓。 揖 賓人,自階下辭迎之。 庭 也。 君 人之階,主人固 也。 敵 實從, ,出。大夫降 讓 拜,受幣于 人門右,爲若降等然,《曲禮 其謂之面,威 也。 也,舉 如初。 擯 賓亦振幣進,北面授。 庭實 者 相見之辭 出 大夫至庭中,旋並行。 解 ,四馬 楹 請 儀質 於 間 ,授老幣 客, 事 以 賓遂左。 也。 相 人 然後 南 接。 賓 門 0 面 客 大夫西面。 此下 面 退 右 **∀**⊟: 大夫 復就 賓當楣 見、私事也 賓· 西西 如 西 大 面· 「客若降等,則 對, 大夫 覿 階。 卿・ 夫 面 幣 再 辭 立。 北 雖 拜 賓 升 庭 賓 面 面 敵 實 奉 送 稱 受幣 大 當 設。 夫於 等, 幣 就 亦 面 楣 楹 主 見

右賓問卿、面卿。

卿。 始 奉 幣,特面 註 不 擯者 E - 自别 實衆介從之」者, 出者,異 出 也。 請 Ŀ 於主君,士介不從而 事 一賓則 衆 上 介皆 謂賓問 介 特 從 之。 卿、 面 面 0 人 也。 幣 卿 此 時 如 下 君 Ŀ. 覿 尊, 介 衆介 皮, 特・ 介 面·

事。 辭。 拜其相己行禮也。 顧。 下衆介面卿。大夫答再拜。擯者執上幣,立于 也。 中庭,士三人坐取群幣以從之。 門中,以相拜,士介皆辟。老受擯者幣于 授老幣。 初。大夫亦先升一等。 二人贊。 執上幣出,禮請受。 右,奠幣,皆再拜,大夫辭。 再拜受。亦於楹 大夫 不顧,言去。 賓出;大夫送于外門外,再拜; 介升,再拜送幣。 擯者出請。 亦儷皮也。 庭實設。 於辭 擯者退,大夫拜辱。 拜送也。○ 間南 £ 今文曰「入設」。 介升,大夫 入門右, 衆介面 面 實辭。實亦爲士介辭。 介奉幣人,大夫揖讓 介則出。 一而受。 介既送幣,降出也。 奠幣, 一; 如 介降拜,大夫降 擯者反幣。 介逆出。 覿幣。 擯者 再拜 ; 大夫亦 入門 出 擯者 賓 〇此 降等 出 不 請 如 還

右介面卿。

下大夫嘗使至者,幣及之。嘗使至己國,則

賓面于卿之禮。○既致公幣,而又私面也。受幣之禮。上介三介,下大夫使之禮也。其面,如者。上介朝服三介,問下大夫,下大夫如卿以幣問之也。君子不忘舊。○此下問下大夫舊使己國

右問下大夫。

右大夫代受幣。

之,皆如上也。」壺設于東序,北上,二以並,南之,皆如上也。」壺設于東序,北上,二以並,南灣於賓與上介。堂上邊豆六,設于户東,西上,當稱「寡小君」。○自此至「賓拜禮於朝」,言主君夫人歸當稱「寡小君」。 ②自此至「賓拜禮於朝」,言主君夫人歸當稱「寡小君」。 ②自此至「賓拜禮於朝」,言主君夫人歸當稱「寡小君」。 ②自此至「賓拜禮於朝」,言主君夫人歸之,此,東陳。 邊豆六者,下君禮也。臣設于户東, 古,此, 一以並,南之,皆如上也。」壺設于東京,北上,二以並,南之,皆如上也。」壺設于東京,北上,二以並,南之,皆如上也。」壺設于東京,北上,二以並,南之,皆如上也。」壺設于東京,北上,二以並,南之,皆如上也。」壺設于東京,北上,二以並,南之,於。

明 聘卿無牢,是下朝君。 也。 陳 今文「禮」爲「醴」。 壺,無稻酒也。不致牢,下於君也。 束 酒,白者、清者各一壺,並之而陳也。 明三酒六壺也。先言醙,白酒尊,先設之。 上,黍次之,粱次之,皆有清白。 也。」〇醙,所九反。 言『白』,明黍、粱皆有白,下言『清』,明稻、黍亦有清,於 日,賓拜禮於朝。 錦 ·白中言黍,明醙即是稻,清即是粱也,故言『互相』 備 此禮無牢,下朝君也。 上介四豆 清 皆 大夫以東帛致之。致夫人命 四 賓如受饔之禮, 償之乘馬 兩 **籩四壺,受之如賓禮,四** 於是乃言「賓拜」,明介從拜也 壺 〇夫人於來朝之君有牢,此於 以黍間清白者,互 醙,白酒 **儐之兩馬束錦** 疏曰:「醙,白也,上 也。 ○稻、黍、粱三 凡酒,稻 相 備 爲

右夫人歸禮賓、介。

夫餼賓及介。記云:「凡餼,大夫黍粱稷,筐五斛。」案《掌不饌於堂庭,辟君也。○自此至「牽羊以致之」,言主國大·梁各二筐,稷四筐,二以並,南陳,無稱; 牲陳於後,東上。 大夫餼賓大牢,米八筐。 其陳,於門外,黍

> 牛。 故爲大夫之貴臣 粱也。士,亦大夫之貴臣。 牢,米六筐,皆士牽羊以致之。米六筐者,又無 老,室老,大夫之貴臣。 以致之,賓再拜稽首受。老退,賓再拜送。 君禮,此是臣禮,各自爲差降。 客》,鄰國之君來朝,卿皆見以羔,膳太牢, 彼又無筐米,此侯伯之臣,得用太牢,有筐米者,彼爲 上介亦如之。 ○室老,家相也,士,邑宰也 賓迎再拜。 侯伯子男,膳 衆介皆少 老牽牛 特

右大夫餼賓、介。

也。 常數 木。 也。 羞,俶獻 親食響之法。 也。《公食大夫禮》曰:「設洗如饗。」則饗與食,互相先 致食以侑幣」,概言主國君臣於賓介食響燕獻之數,及不 古文「壹」皆爲「一」。今文「饗」皆爲「鄉」。 俶,始也。 ,由恩意也。 賓介皆明日拜于朝。 公於賓,壹食,再饗。 無 食禮無酒,饗禮有酒。 始獻,四時新物、《聘義》所謂 常數。 古文「俶」作「淑 羞,謂禽羞,鴈鶩之屬 上介,壹食,壹饗。 饗,謂 ○俶,昌 ○食音嗣。 亨大牢以 淑 時 成 ○自此至 反。 賜」。 熟 燕與 飲 煎 無 和

右主國君臣饗食賓、介之法

之。 聞也。 子 也。 無償。 必使其同爵者爲之致之。 今雖使人致禮,以 耳,不計命數也。 致禮於大夫使大夫,非必命數也。 大夫各以其爵,朝 介從響。 響食賓,介爲介,從饗獻矣。 之以酬幣,致食以侑幣。 命》,大國、小國,卿大夫命數不同,此所使致禮 介,若食,若饗;若不 幣,亦如之。 ○疏云: 一蓋天子酬諸侯。 致之必使同班,敵者易以 」皆作「宥」。 禮 君不親食,謂 若食禮,介雖從人,不從食。 幣東帛乘馬,亦不 此直言饗食,不言燕,當亦有燕也 食禮,賓當往君所受禮,無儐使者之法 賓本 ○侑幣,食禮有侑食之幣。 酬幣,饗 有疾、及他故也。 大夫於賓,壹饗,壹食。 宜 服致之,以 列國之賓來,榮辱之事,君臣 赴 廟, 復特響之,客之也。 親響,則公作大夫致 是過也。 禮酬賓勸酒 相親敬也。 故仍無 作,使也。 無償,以己本宜 《禮器》曰: 侑幣,如致饔 若不親食,使 必致之,不廢其禮 儐 之幣也。 致禮於卿使 也。 大夫有故,君 《周 · 但 致 ○饗 所用 取爵 往。 禮 「琥璜 響以 卿, 禮 上 同 典 古 同 未

若鄉君 庭。 西 親見賈人藏之也。 大夫降出,言「中庭」者,爲賓降節也。 畢,大夫降,賓遂退,因 階」,無「南 命於下,敬也。 楹,由楹内,將南面致命,致命不東面,以賓在下也。 之不拜,示將去,不純爲主也。 至「賓送不拜」,言主君使卿詣賓館還玉及報享之事。 厲之義也。 玉 皮弁襲,迎于外門外,不拜,帥大夫以 自西階,自左,南 鉤 一階,自 比德焉,以之聘,重禮也。 楹 古文「帥」爲「率」。 賓降,自碑内,東 君使卿 者,賓在下,嫌 前耳。 西階 画。 皮弁者,始以此服受之,不敢不終也。 向 自左南面,右大夫,且 退,爲大夫降,逡遁。 阼 皮弁、還 ○碑内,碑之北。 階,皆 賓還 楹外也。 面受圭,退負 負 由 作階下, 大夫升自西階,鉤 右房而 碑 玉于館 内。 還之者,德不可取於 面,授上介于阼階東。 帥,道也。 西面 賓 雖 立 聽命畢乃升受主,受 自 俟 升 並受也。 立。 今文或日 也。 授於阼階東者,欲 降 右 碑 玉, 西 古文曰「迎于門 ○賓自阼 房 内 圭 階, 大夫降 也。 而 聽 必並受者 賓不由 由 人,相 立。 命 楹 〇自 君子於 階向 必言 自 升 中 賓 迎 西 西 鉤 此

事,其 有改 知 如 服 言 也。 迎 向 堂 也。 也。 相 還 也。 賓 塗 升 厚之至也。 大夫還 玉禮 今文「禮 (雖將去,出 紡,紡絲爲之,今之縳也,所以 也 受皆 賓裼,迎,大夫賄 故 如 下 禮 璋, 還 一皆作 經 ○縛,息絹反。 禮聘君 人猶東,唯 玉 註 如 之儀 \bar{z} 醴 初 也,所 人。 也。 出 升堂 0 人 以 猶 皆 用東 大 出 禮 報享 由 東。」 請 者,謂 夫 玉 西 遺 . 階。 紡 也。 請 出 E 束 聘 事 ; 介 賄 帛 君 賄 凡 於外,以 亦 紡 賓 出 言玉, 乘 ,予人財之 介之位,未 可 與 (送,不 皮 請 禮 以 玉 壁可 爲 人告 皆 賓 衣

右還玉報享。

拜。

門,敬 敢受國 存賓,賓· 之義 中 云 西 此 也。 也。 面 亦不見」,亦勞賓時 公館賓,爲賓將去,親存送之,厚 君 如如 來請命之事 公朝 見己 凡 相 君 服。 拜 於 有 然也。 此館 事 0 於諸臣 自此至「賓退」,言明 也, 館 擯者 也。 賓者,拜 此亦不見。 之家,車 每 **費君辭** 上介 賓 聽 於館 造 , 則 曰: 言 御門 命 辟 日 殷 也 賓將發, 勤 乃 聽 一者,君 敢 賓辟,不 命於 下。 且 不 謝 承 君· 往· ○註 廟 在 聘 命 門 廟 君

> 客拜禮賜 裝駕,爲日 不敢斥尊者之意。 賓從者,實爲拜主君之館己也。 擯者歷舉四事, 而 賓,公皆再 告于寡君之老。」 遂 將發也。 行。 拜。 聘 君拜之。 公辭, 享、 拜此四事。 周 禮 夫人之聘享、 賓 公退,賓從 日 退。 公東面拜,擯者北 言 實從, 「請命」者,以 辭 其 拜 辱 拜 問 請 于 也。 大夫、送 命 朝 退 己不見: 于 面 明 還 朝。 日 0 館

右賓將行,君館賓。

儐,明 禽,明 幣 夫 以好送之也。 宿近郊,自展幹。 竟」,言賓行主君贈送之禮。 乘禽,不勝其拜,故於發時總三拜 君」。 贈 去而宜 已受賜,大小 賓三拜乘 大夫親贈 L. 受于舍門外, 介, 有已也。 言 亦 一如覿 公使卿 如 無不識 禽 如 之。 於朝。 如受勞禮,以贈勞同 幣」, 其 如受勞禮 面 贈 使 見爲反報 0 遂行,舍于 幣 他賜 +: 訝 如 無 贈 之。 聽之。 覿 皆 **無** 儐 即 衆 也。 幣。 自 拜 郊。 節。 儐。 此 于 今文「公」爲 贈 贈,送 發去 至 朝 上 如 使下 不人,無 始 送 乃 唯 介 其 也 發, 至 日 拜 所 亦 覿 大 H 于 歸 乘

如之。使人贈衆介,如其面幣。士送至于

右賓行,主國贈送。

竟。

反命於朝。 賜也。 之,如 乃人。 不納。 不可以 不陳。 正其故 帛 陳,上介公幣陳,他介皆否。 衆從者。 其或陳或不陳,詳尊而略卑 乃入陳幣于 人,使請反命於君 乘皮」,不陳之者,以 夕幣。 人。 私幣,卿大夫之幣也。 此幣,使者及介所 行 此蓋請 者 ○註云「禮於君者不陳」,謂 服,以 春秋時,鄭伯惡其大夫高克,使之將兵,逐 朝 歸 祭名 其禮 而 服 俟君 及 朝, 不 也。 於君 也,爲 載旜。 得 命, 郊, 西 人。 必請之者,以己久在外,嫌 者 使者 行 敬 上 不 得於彼國君卿 ○自此至「拜其辱」,言使者 請反命。 道 也。 也。 陳。 將親 累歷 行時税舍于此郊,今還至此 他 上賓之公幣私 其陳之、及卿大夫處者待 古 介,士介也。 上賓,使者。 執以 不 文「旜 皆否者,公幣私幣 祥,禳之以 賄 告。 郊,近郊 用束紡,禮玉、束 大夫之贈 作 東帛各 「膳」。 言「他」,容 公幣, 也。 除 有 幣 賜 災 罪 君之 区区。 告 禳 悪, 也。 加 皆 皆 歸 而 郊

亦然。 者」, 也。 蔽 命 由 玉 不右使者,由便也。 某君,某,國名也。 享某君,某君再拜。」君亦揖使者進之,乃進反命 「亦」者,亦初行受于朝時。」反命, 隨入,並立,東上。 0 其庭實皮左。 日 于某君。 上介執璋,屈繅,立于其左。 而言之。」 也。 其左,此受由 疏 時,宰自公左授使者主,同 亦 以 必言此者,明彼君敬己君,不辱 初受命于朝,位立定時, 云:「此陳幣,當如初夕幣之時,是以鄭此 如 公南 宰自公左受玉。 君命聘於某君夫人,某君再拜, 之。 卿進使者。 某君受幣于某宫,某君 鄉。 變「反 其 右者,因 某宫,若言桓宫僖宫 不加於其皮上,榮其多也。 〇疏云:「今此賓執圭,賓則裼。 ○疏云:「此言『亦』者,亦於 亦宰告于君,君 言 「致」者,若云 使者執 東藏之便。」受上介璋、 君揖 面。 亦於使者之東 使者,乃進 凡並授者,授由其右,受 主,垂 命。 乃朝 曰 : 此主於反命,士介 非 也。 以 ○註 君命 服 享於某君夫人 繅 同 一受命 某君 出 以 再 註 〇不令相 門 也。 君 面 君 亦依 出 拜 北 並受也。 再 左 使 明 亦 面 命 拜 南 註 致 反 揖 夕幣 初 也 受 致 以 聘 命 妥 使 言 亦 掩

七八

取以 宰。 也。 璧 某 私 再 几 津忍反。 度禮賓皆 執 告,宰受玉帛, 賓將告君之時,上 君 璋,賓受之也。 介,受乘皮如 也。 也 夫人,但婦 君 方。 幣 再 拜 授之,賄幣在外也。 再 不告。 以盡言賜 幣, 某子,若言高子國子。 拜。 而 告 拜。」不 執 授上 有幣。 日 ,猶女也。 公日 賄 以 勞之以道路勤苦。 初。 人無外事,亦君命之,故言「致 介幣 幣以 士即 言 盡 某君 亦略卑 禮 賓受璋 執 「受幣 上介出 言 介出 「然。 郊勞之幣, 自 告, 謂自此至於贈。 使某子禮。」宰受之,士 當拜公言 授上介幣,再拜稽首,公答 賜 也。 士介後居 當 取 于 禮。 日 取玉束帛,士介後取 禮 某宫 玉 亦 君 而不善乎?」善其能 帛, 垂繅 凡使者所當以告君者,上介 玉亦如之。 肾勞之。 而歷舉其 也。 禮 其右 某君使某子 若有獻 士 幣, 而致 可 介取 不授宰者,當復陳之。 知,略 〇自郊勞至贈行,八 而 主 命。 全以 皮。 再 或 受皮,向 君 之。 本以 命」,若非 拜 則 隨 告 實執玉帛以 初禮賓之幣 亦執束帛 皮也。❶ 稽 自後,左 日 也。 〇受上 賄 君 東藏之。 首 夫 ○ 盡, 使於 人時 君 授 君 0 士 加 命 介

也; 也。」 禮。 忠孝也。 『又賤也』。 則君答上介一拜矣。 又賤也。 幣授之。 幣賜之也。 勞上介,君答一拜,已是賤。 以爲賜下之需乎? 幣外别有賜予者。 爲君之答己也。 雖珍異,不言其爲彼君 君答拜。 君之賜 君父因以予之,則拜受之,如更受賜也 君使宰賜使者幣,使者再拜 徒,謂空手,不執其幣。 也,言 〇疏云:「上介再拜稽首, 賜介,介皆再拜稽 君其 禮,臣子,人賜之而必獻之君父,不敢 此一拜答臣下、《周禮》九拜,『七日 勞士介,亦如之。 以賜 0 此物, 日 所獻是賓人己之物,蓋彼國之君 上介徒以公賜告,如上賓之 勞士介不言 「君其以賜乎」,言未必可 服 乎?」不必其當君 某君之所賜予 御 物 士介四· 君勞之。 謙 首。 也。 『皆』, 君答拜,不言『再拜』, 士介四 人, 爲惠者 其大夫出,反 士介之幣 共答 則 稽 也。 再拜稽首 人,旅答壹拜 總 既拜 首 也。 答 當君用,或 獻不拜者 拜, 奇 字以 其 自 以 拜』是 拜矣。 必 於常 載 故 私 所 所 獻 Z 服 陳 上 獻

0 後」,薈要本作「從」。

禮也。 也。 使者之門,將行,俟于門,反,又送于門,與尊長出人之 幣授上介。 造朝,不陳之耳。 再拜上介,三拜士介。 乃退揖。 乃退。 與上介同受賜命,俱拜,既拜,宰亦以上 揖,别也。 君揖入,皆出去。 〇士三人,每人一拜,士卑。 使者拜其辱。 介皆送至于 隨 謝之

右使者反命。

禮 幣,反釋奠,略出 也。 使還禮門奠禰之事。 行,人于門,不兩告,告所先見也。 閾外,東面。設洗于門外東方。 人,因自酢 也 人者,祝取爵酌。 醢 人,自酢也。 成,更起酒 三獻。 言 告反也。 釋幣于門。門,大門也。 「陳」者,將復有次 也。 也。 ○註當以 室老亞獻,士三獻也。 薦,進也。 疏于「酌」字句,未是。 謹入也。 不酢於室,異於祭。 主人奠之,未舉也。 乃至于禰,筵几于室,薦 也。 席于阼,爲酢主人也。 觴酒陳。 先薦後酌,祭禮 其餘如初于禰時。 主人」爲句,言室老酌 ○自此至「亦如之」,言 主于闑。 每獻奠, 輙取爵 薦 獻從者,從者,家 主人酌進奠,一 一人舉爵,三獻 脯 布席于 闑西, 醢 也。 成 出 酌 酢 行 酢 脯 獻 于 主 釋 主 主 禮

下辯,室老亦與焉也。上介至,亦如之。使人獻之,辟國君也。行酬乃出。主人舉奠酬從者臣從行者也。主人獻之,勞之也。皆升飲酒於西階上,云

右使還奠告。

之。 束紡。 禮,謂饔餼饗食。 賓。 喪,或賓死及介死,凡四節。 聘國君薨及夫人世子喪,或出聘後本國君薨,或聘賓有私 告則反。 不賄,不禮玉,不贈。 不以醴酒禮賓也。」主人畢歸禮,賓所飲食,不可 筵几,致命不於廟,就尸柩於殯宫,又不神之。 0 人竟則遂,國君,以國爲體,士既請事,已入竟矣, 廟,其他如遭君喪。夫人世子死,君爲喪主,使大夫 疏曰:「饗餼大禮,是其正,自饗食之等,是其加 遭夫人世子之喪,君不受,使大夫受于 喪,降事也。 聘遭喪,入竟,則遂也。 禮玉謂以東帛、乘皮報享。 ○自此至「卒殯乃歸」,皆聘者遭喪之禮。 實唯饔餼之受。受正不受加 〇疏曰: [云『不禮』者,謂既行聘享訖 喪,殺禮,爲之不備。 不郊勞,子未君也。 贈謂賓出至郊,以 遭喪,主國君 不禮 \bigcirc 舅 廢也 薨也。 物贈) 賄調 也。 或所 人 不 也 未

受聘 受之於廟 君主始薨。 大夫受,子未君,無 謂 長衣,繼皆掩尺,表之曰 去衰易冠,不以純 世子死也。 八,主人 郊 勞 禮 不 禮 , 雖 長 賓、 以 假令君 此三者,皆大夫攝主人。 瑜年 X 衣 響、 接 練 凶接 而 食 吉 薨踰 使 未葬 也。 冠 臣 賄 純吉 深衣,純袂寸半耳。 年, 義 以 則 贈之類。 其 也。 人他, 受。 嗣子 也。 亦使人受之。 0 謂 即位, 吉時 遭 疏云:「向 禮 喪,謂 遭 所 在裹爲中 長衣,素純 鄰 降。 喪 或 主國君薨、夫人 朝 來 君喪,不言使 將 聘 所 衣,中 禮所 命 釋, 布 以 于大 衣 皆是 降 吉 也 衣 禮

右 遭所聘 或 君喪及夫人世子喪。

服將 告主國 或 加。 君 館、未可 赴 也。 有 作 事也。 喪, 赴者至, 聘,君若薨于後,入竟則遂。 君者也。 小 赴者未至,則哭于巷,衰于館 爲之徹樂也 以 M 0 服出見人。 受禮,受饔餼也。 「禮爲鄰國闕」,襄公二十三年《傳 則 哭于巷者,哭于巷門,未可爲位也。 衰 唯稍,受之。 而 其聘享之事,自若吉也。 出 · 禮 爲鄰國闕。 不受饗食。 稍,稟食也 既接 於是可 未至 》語 於 亦 今文 不受 衰于 謂 以 謂 主 饔 鄰 X 赴 或

> 升堂。 如 遠。 至,别 聘。 餼 於殯東矣。 出 夕哭位在阼階 復命,子 如 君薨也。 位 奔 聘 亦不受矣。 不 喪禮 復命訖 袒 禮之常 自陳幣,至于上介以公賜告, 於朝夕。 括髮。 哭。 與 復命于殯者,臣子之于君父,存 諸 八群臣 臣 人 ,但不代君 除 將 下, 待 歸, 皆哭。 門 去幣,賓更與介前,人,近殯,北 〇疏云:復命之時,介在幣南 有告 悲哀變於外,臣也。 之, 西 右, 執 請之事 面,今賓介新至,故於 亦 作勞辭耳。 **圭復命于** 與 即 皆 介 如 位 ,宜清净 朝 入,北 踊 夕 哭 無勞。 子臣 一殯,升 が位。 從臣 也。 〇子 鄉 哭。 皆哭。 位 奔喪 ○編復 不言「世子」者 辯 亡同。 自 殯 復 前 北 西 自 北 則 鄉 哭 北 命於殯 面 鄉 命 階 袒 哭。 使 子 至 哭,新 鄉 去 不 括 者 踊 也 即 如 朝 既 殯

右出 聘後,本 或 君 喪。

或 喪,徐行而不反。」〇衰 喪 ΝÍ 服于君之吉使。 謂 若有私 其父母。 喪,則 哭于館 而居 哭于館,衰 春 衰而 秋 謂服 傳 居 **₩** 衰居 ,不敢以 「大夫以 館 而居,不 私 行 1聘享 喪 君 自 命 饗 即 聞 出 食。 皮 于 聞 主 弁

吉服。 之,乃朝服; 其在道路,使介居前, **春** 而 秋傳》,宣公八年《公羊傳》文。 從之。 既反命,出公門 己有齊斬之服,不忍顯然趨 歸又請反命,己 釋 服 哭 八而歸。]猶徐 歸,使 行隨之; 其 他 於往 如 衆 君納 奔喪 來 介

右賓聘有私喪。

吉時道路深衣

之以 得攝其命。 殯。 禮 以 享之禮也。 歸,介復命,柩止于門外。 爲受而不辭。 爲主人,以 來。」殯非謂 無 用。 反命 具,謂 賓 辭 當中奠贈諸喪具之用,不必如賓禮。 也。 人竟而 介與賓並命於君,尊也。 也。 初時,上介接聞命。 殯於館,斂於棺而已。 始死至殯所當用。 君 不饗食。 有賓喪,嫌其辭之。 弔,介爲主人。 介受主國賓己之禮, 死,遂也。 ○前經云:「上介壹食壹饗。」 〇疏云:「若未入竟,即反 〇上介接聞君命故,賓死 門外,大門外也 〇主國待賓之禮,介代 介攝 主人爲之具, 雖有 主人歸禮幣,必 無所辭也,以其當陳 其命。 臣 子親姻, 介受賓 爲致聘 猶不 必以 而

> 命。 達君命。〇疏云:「上介國外死,不以 若賓死,未將命,則 自以時服也。 國諸事。 去,以殯是喪之大節。若大夫介卒,亦如之。 **弔,卒殯。卒殯,成節乃去。○枢既殯,君與大夫乃盡** 大門外外朝之上。」介卒復命,出,奉柩送之。 應在皐門外。 有三朝: 柩造朝,達 介死,歸復命,唯上介造 上介者,小聘上介,士也。○「亦如之」,謂在聘國及 士介,賓既復命,往,卒殯乃歸。 未將命,請俟間之後也。 内朝在路寢庭,正朝在路門外,應門外無朝,外 士介死,爲之棺,斂之。不具他 其忠心。 經直云『止於門外』,無入門之言,明知 君不弔焉。主國君使人弔,不 ○疏云: 既斂于棺,造于朝 一君 以柩造朝,以己至朝,志在 于 有三 朝。 門: 柩 造朝可 往,謂 若介死 **皐、應、路。** 送 知。」若 衣物 柩 介將 親 不言 反本 止 往 也 君 雖 於 又

右出聘賓介死。

人不筵几,不禮。面不升。不郊勞。記貶於小聘曰問。不享,有獻,不及夫人。主

八

其實,則士三人爲之介也 禮,謂饔、餼、食、饗之屬,如 介,三介。 面不升者,謂 聘禮、末復言 聘,所以爲小 如爲介,如爲大聘上介。 私覿,庭中受之,不升堂也。 小聘之異。 也 獻,私 獻也。 不禮 待大聘時大夫之爲上介者。 者, 面 猶覿 聘訖,不 〇禮,主國待賓之 也。 其禮 以 ○前 醴禮 經 如 賓 既 也 詳

右小聘。

記 :

○讀諸門外,就門外燕閒之處讀之。 嚴,不得審悉。 少,書於方,一板可盡也。 聘,不待殷聘之期也。字多,書於策,策以衆簡編連也, 也。 相告請也。將,猶致也。名,書文也,今謂之字。 於策,不及百名,書於方。 故 ,則卒聘。 方,板也。 受其意,既聘享,賓 久無 事, 主人,主國君也。 ○有故,如告糴、乞師之類。 東帛 則 聘 加 焉。 出 主人使人與客,讀諸 書 而讀之。 將 事, 人,内史也。 命, 謂 故、謂災患、及時 客將歸,使大夫 盟會之屬。 不於内者,人稠 百 名以 卒聘,倉猝 書必璽之。 上,書 策,簡 若 事, 有 處 字 而

> 之。既報,館之,書問尚疾也。 以其東帛,反命於館。爲書報也。明日,君於

右記有故,卒聘、致書之事。

用也。 神。」〇載,蒲末反。 酒於其側。 也。」謂祭道路之神。《春秋傳》曰: 車 酒于其側。 卿、大夫、士面位各異。 受行日,朝 多少而已。 者,謂平適道路之神。 犬羊可也。 上,使者爲載祭酒脯祈告也。 山行之名也。 面,介立于左,少退,别於其處臣也。〇未受命行以 騎,釋酒脯之奠於載,爲行始也。 古者君臣謀密草創,未知所之遠近,問行用,當 既受行,出,遂見宰,問幾月之資。 古文「資」作「齎」。 古文「載」作「祓」。 禮畢,乘車轢之而遂行,舍於近郊矣。 同位。 道路以 祖,始也。既受聘享之禮,行出國門,止 騎,其義反。 出國門釋奠于載者,謂山 險阻爲難,是以委土爲山,伏 出祖 謂前夕幣之間。 卿大夫處者,於是錢之,飲 ○疏曰: ,釋載,祭酒 ○齎,子兮反。 轢,力狄反 《詩傳》曰: 「載涉山川。」然則 「在國内釋幣於行 同位者,使者北 脯 使者 「軷, 行 乃飲 道路之 其牲 性其 道祭 前 軷 既 知

右 記使者受命將行之禮

組 之臣則四寸,各下其君二等。 與繅九寸。 天子也。 男則二采。 即六等也。 采六等」,註云「三色再就」,就即等也,一采爲再就,三采 小一如玉制,然後以韋衣包之,大小一如其板。 公之圭也。 以韋衣木板,飾以三色再就,所以薦玉,重慎也。 主,所執以爲瑞節也。 半,厚半寸,博三寸,繅三采六等,朱白蒼。 〇降於天子,降於朝天子也。 上左右各寸半,唯長短依命數不同。以韋衣木板,木板大 凡圭,①天子鎮圭,公桓圭,侯信圭,皆博三寸,厚半寸,剡 、寸。」故註云「於天子曰朝,於諸侯曰問」,文互 又云,此言八寸據上公之臣,侯伯之臣則六寸,子男 采成文曰 所 於天子曰朝,於諸侯曰問,記之於聘,文互相 以 侯伯以下依命數。 古文「繅」或作「藻」,今文作「璪」。 問諸侯、朱緑繅、八寸、二采再就、降於 朝天子, 圭與 匝爲 一就。三采據公侯伯。] 天子五采,子 繋,無事則以繫玉,因以爲飾,皆用 剡上,象天圓地方也。 疏謂:「諸侯自相朝,亦同 皆玄纁繋,長尺,絢 諸侯遣臣問天子, 圭與 繅皆九寸,剡上寸 雜采曰繅 ○ 疏云: 經云二 九寸,三 相 備 繅 備

> 約音巡。 朝付之者,辟君禮也。 馬。 采組,上以玄,下以絳,爲地。 行,舍于近郊。 大夫之禮,待於郊,陳之爲行列,至則以付之也。 藉玉,繫以聯玉與繅,組即所以飾繫者,其質,上玄下纁 「肄」。 又加 肆 ○齎,子兮反。 五采之組也。 ,猶陳列也。 問大夫之幣,俟于郊,爲肆,又齎皮 幣云肆,馬云齎,因 齎,猶付也。 ○繋音計。 必陳列之者,不夕也。 今文「絢 使者既受命,宰夫載問 長,直亮反。 其宜,亦互文也。不於 |作「約」。 古文「肆」爲 使者初 音祖

而

右記朝聘玉幣。

成説,其大要在謙遜而和悦。 也。 少則不達。 受辭,辭必 至,極也。 辭無常,孫 順且 説。 史謂策祝。 今文「至」爲「砥」。 ○孫音遜。 而説。❷ 辭 辭多則近史祝,辭少則 孫,順. 苟 説音悦。 足以 〇聘問之辭,難豫爲 也。 達,義之至 大夫使,受命不 辭 多則史, 不足

0

[「]凡」,原作「几」,據薈要本改。

孫」。 孫」,各本皆作「遜」,據疏文改。 阮 刻《儀 禮注

以達 敢 至。 意。 辭,曰 辭,辭不受也。 苟足以達意而又不失之多,修辭之義,於是爲 非 禮 對,答問也。 也,敢。」對日 二者皆卒曰 非禮 「敢」,言不 也

記修辭之節,因及辭對二言。

敢

具沐,五日具浴。 以上,有廟有寢。工商則寢而已。 商。 館者必於廟。 卿 館 於大夫,大夫館於士,士館 不館於敵者之廟,爲大尊也。 管人,掌客館者也。 管人爲客,三日 客,謂使者,下 自官師 於工

記賓館。

及士介也

不拜,以不致命。 飧不致,不以束帛致命。 沐 浴 而 食之。 草次饌, 自潔清,尊主 飧具輕。 國君 賓

賜也。 記此,重者沐浴可 知。 ○重者謂饔餼

記設飧。

卿,使者,大夫,上介也,士,衆介也。 卿,大夫訝,大夫,士訝,士,皆 訝,主國君所使迎 有 訝。

疏

使者及上介執鴈,群介執雉,各以見其訝 以其摯。既,已也。 又,復也。 ○謂以君使己迎待之命告之於賓。又見之以其摯。 通所求索也。 天子設官,此諸侯因賓至,以降一等者訝之,使待事於客。 待賓者,如今使者護客。 大夫訝者執鴈,士訝者執雉。 賓既將公事,復見訝 復以私禮見者,訝將舍於賓館之外,宜相親 賓即 館、訝將公命、使己迎待之命 公事,聘、享、問 ○按《周禮·秋官》有掌訝,彼謂 大夫。 也

記賓、訝往復之禮。

子男聘用璧琮,享用琥璜。 所實則不足以通誠好矣。 以此爲實也。 凡四器者,唯其所寶,以聘 四器,謂圭璋璧琮。 JЦ 器唯 〇註據公侯伯而言,若 其所寶,故以 可也。 行聘, 言國 非 獨

釋聘用圭璧之故。

步。 國之門外,諸侯、及卿大夫之所使者,次位皆有常處。 云:「朝聘陳賓介,上公九十步,侯伯七十步,子男五 使其臣聘,又各降二等。 宗人授次,次以帷,少退于君之次。 其次皆依其步數,就西方 主 而 +

爲次,君次在前,臣次在後,故云「少退于君之次」。」置之。未行禮之時,止於次中。至將行禮,賓乃出次。凡

記授實次。

升堂東 君送 介屈繅 曰 : 衡」,註 之時,念鄉人門 念趨 恐失墜。 \bigcirc 禮》云「執天子之器則上衡」,註 志 而 王。 審行步」者,謂 疏云: 揖 趨。 后 「凡執主器,執輕如不克。」〇此謂 謂 ,下如授,勃如戰色,足蹜 退。 三云『謂 面向主君之時; ○疏云: 授賓時。 審 「授,謂 皇,自莊 介 下 君 行 如 迴 争 執 與 步 送者 還 審・ 也。 心平」。」授 在庭時執玉徐趨 争 「『賓人門皇』,謂 圭, 就 賓人門,皇。 賓 盛 東楹授 鬭之争, 门謂聘 也。 Ž· 則 孔子之「執圭, 如 行· 退 『將授志趨』,謂賓執玉向 讓,謂 重, 享 出 玉於主君 臣・行・二・ 重 如 廟 每 蹄如 授賓。 失隊 門 訖 争 中手平 云『謂高於心』; 君 未至堂時; 承 今當亦然。」愚謂 一之・節・ 更 鞠躬 有 升堂,讓。 也。 時,如 實 行 下 循 將聘,主君 衡 也。 不送,而賓 後 慎 如 而 也 也 如送。 事 與 之也。 后 古文「皇 疏 人争 『升堂讓 非 志,猶念也 如 猶 又 「國君 楹將 廟門 謂 不 云 接 然後 之敬 勝。 將 賓 註 曲 君 取 占皆 授 外上 出 則 ~ 所 授 禮 物 也 還 曲 Ψ. 作 Ŀ 加 謂 大 Z 玉

失之。 及享, 於威 門 者。 趨 階 下 指賓介。 出 容貌舒揚。 禮,有容色。 指賓入門 也。 玉• Ħ. 私 0 一時・手・ 豚,大本反。 階,若以「下」爲下階,「 也。 覿,偷 * 卷豚而 行 再二 如 儀。 出 發 |愚謂: 容也。 降 舒 發 氣, ○疏 記異説也。 一舉足, ○出 以下 行也。 鴈。 愉 \bigcirc 氣 等 門 ○註 怡焉, 云 疏云: 「下如送」當與《論語 門將更 逞 焉。 ·而言。 焉 主敬 自安定,乃 君還」,謂 及門,正 威 顔色,怡怡 「舍氣」 此 孔子之「升堂,鞠 儀 容貌 盈 「此謂賓行聘,衆介從人,門 0 再 自 行 ,升堂主 出)疏云: 執 容。 廟門之外,又 然 後 君轉身・ 即 和敬。 「退」爲 圭, 事。 復 焉。 舍息。 而 舉足, 如 趨 發 有 亦謂 也。 氣 也。 將・ 慎。 行列。 0 此 出 容色復故。 門, 授· 疏 衆 舍 皆 廟門,恐 方聘執圭入廟門 没 躬 至此 玉於宰 下 舒 又 Z 復記 氣 心 階 介 如 如授 緩於偷偷 鞠 舒 變見 趨。 也。 也 云 北 趨 鴈 執 躬 舒 同 進 早 非文次。 玉異説 屏 面 孔 於 此 而 鵝 於 焉 發氣, 解,言 翼 子 皆 足」,則 (盈容 氣 威 後賓 左 也。 也。 蹌 之於 儀」, 心 似 如 北 如 画。 時 變 也 不 舍 退 其 也。 0 恐 F 兼 見 息 息 而

203

一八五

右三記賓、介聘享之容。

也。 之内府。 唯 而 荷豐之,是又傷財也。 賄 其可爲衣也。「受之」當作「愛之」,忠信即其愛之之情。 以 東帛也。 傷于德也。 夫人,各用一 之,則是主於貨,傷敗其爲德。 人,不並行也。 「以自覆幣謂束帛也」、「幣」字疑當作「蔽」字。 爲之幣,以其幣爲之禮。」古文「賄 視賓之聘禮 副 ,在聘于賄。 馬出,其餘皆東。 忠信。 君子於玉比德焉,朝聘之禮,以 畜獸同類,可以相代。 凡庭實,隨入,左先,皮馬相間 受之斯欲衣食之,君子之情也。 多貨,則傷 美之,則是主於幣,而禮之本意不見也。 幣美,則 Mi 而 己 間,猶代也。 爲之財 賄, 本 《周禮》曰:「凡諸侯之交,各稱其邦 没禮。 取相厲以德,多之,是所 財 也。 于德。 馬出,當從廐也。 也。 古文「間」作「干」。 土物有宜,君子不以所 賓客者,主 ○圭、璧、璋、琮,聘 于,讀 幣,人所造成以自 貨,天地 」皆作「悔」。 爲瑞節 曰爲,言主國 人所 是以 所 重 餘物皆東,藏 欲豐 可 享用 化 賓之幣 白覆蔽 重 禮 生, 〇在,視 也。 也。 覆 在 享 也 禮 幣 〇註 幣 謂 無 貨 君 賓 謂 所 若 謂 爲 而 與 多 玉 隨

記庭實貨幣之宜。也。賄,謂賄用束紡,禮用玉帛、乘皮及贈之屬是也

玉。 也 帛,賓主俱裼」,亦是也。 熊氏云、「朝 按 琮加于東帛之上,當執璧琮時, 特達,不加東帛,當執圭璋之時,其人則襲, 其說愈支而難通。《曲禮》 曲 ○按疏以屈繅爲無藉,垂繅爲有 禮》鄭註亦云「圭璋特而襲,璧琮加東帛 凡執 時用圭璋特,賓主俱襲; 玉,無藉者襲。 先儒已有此説,亦非 陳氏註 其人則裼。」此定説 藉,謂 굸 行享 藉 「所謂 繅 也。 又以 ,時用 有藉 無 陳氏創 而裼」, 繅所 璧琮 藉 繅 有 者 謂 也 以 爲之 謂 圭 加 疏 緼 種 又 束 引 璧 璋

記襲、裼之節。

○脡,大頂反。 膱,横之。 豐,承尊器,如豆而卑。 意。 一禮。 醴,尊于東廂,瓦大一, 禮,不拜至。 ○禮,爲聘享畢,公禮賓 膱, 祭醴,再扱,始扱 脯 如 版 以賓不於是始至。 ○大音泰。 然者。 也。 或 謂之脡,皆 有豐。 薦 疏 一祭,卒再 以爲 脯 Ŧi. 聘 今文「禮 瓦大,瓦 職,祭半 取 時, 直 似 貌焉 非 爲

執以出矣。士,士介從者。○主人牽者從賓以出,至門遂以出,賓之士訝受之。此謂餘三馬也。左馬賓卒,謂後扱。○扱,初洽反。主人之庭實,則主人

記公禮賓儀物。

外,士介迎受之。

受也。 不及夫人 或 授宰夫于中庭。 以 再 獻 拜稽首。 物,或賓奉之,所以自序尊敬也,猶以君命致之。 入告,出禮辭。 ,猶遺也,謂 拜。 相 ,舉以入告,出禮請受。東面坐取獻者,以 ,則問夫人。 拜,賓辟。 既覿,賓若私獻,奉獻,將命。 其取之,由賓南 拜受於賓也。 送獻不入者,奉物禮輕。 獻也。 兄弟,謂同姓、若婚 相,贊也。 辭 不言「獻」者,變於君也。 東藏之,既乃介覿。 其獻 而自後右賓也。 固」亦衍字。 也。 古文「閾」爲「蹙」。 賓 東面 擯者 擯者立于 賓固辭,公答 如甥 坐奠獻 若兄弟之 東面 時有珍異之 舅 非兄弟,獻 有親 擯 擯 閾 坐 宜並 再 者。 者 外 取 者

記覿後賓私獻。

禮。辟正主也。○聘享說,以醴禮賓,主君之禮也。 大受。受聘享也。大夫,上卿也。 自下 聽命,自西 皆升受,負右房而立,賓降亦降。此儀如還圭然, 階升受,負右房而立,賓降亦降。此儀如還圭然, 自西

記君不親受之禮。

爲禮所及,則己往有嫌也。 未嘗使者也。不勞者,以先是賓請有事於己同 所,賓又請有事于己,不可以不速也。 古 日 「某子」「某子」。 幣之所及,皆勞,不釋 所以知及不及者,賓請 服 所不及者,下大夫 以與 類,既聞 賓 接 有 於

記大夫勞賓。

謂飪 尸 古文「羹」爲「羔」,「飪」作「腍」。 祭,則士介不祭也。 、若昭若穆,容父在。 父在則祭祖,父卒則祭禰。 牢也。 賜饔,唯羹飪,筮一尸,若昭若穆。 肉謂之羹,唯是祭其先,大禮之盛者也。 士之初行,不釋幣于禰,不祭可 ○ 腍, 而 甚反。 腥餼不 僕爲 也 筮

文「肦 職 車,巾車也。 器爲祭器。 兄弟、弟子等,固當略之。」假器於大夫。不敢以君之 牢,今以大牢也。今文無「之」。 下之又反。 某甫、皇考某子。」僕爲祝者,大夫之臣,攝官也。 祝 上文云「若昭若穆」,故此亦兩言之。 掌養馬。 祝 |作「紛」。 日 ○胎音班。 胎肉及 如饋食之禮。 二人掌視車馬之官也。 「孝孫某、孝子某,薦 ○祭訖,頒胙,無不徧也。 廋 廋,所求反 車。 如少牢饋食之禮。 胎,猶賦也。 ○疏云:「致爵、加 賦及之,明 〇祝祝,上之六反. 嘉 《夏官 禮 廋,廋人 于皇 辯 ・廋人》 不言少 爵 也。 及 也。 祖 古

記 賓受饔而 祭

崇敬 則 與 異 乘,謂乘行之禽也,謂鴈鶩之屬。 宰夫始歸乘禽,日 致 上介也。 日,下之也。 稍 也。 聘日致饔。 廩 與乘 古文曰 古文「既」爲 今文「歸 禽、 「問夫人也」。 鴈 鶩之屬。 明日 如其 [6]。 」作「饋」。 ,問大夫。 饔餼之數。 〇十日之後,賓不得時反 夕,夫人歸禮 行 其歸之以雙爲數,其賓 有 既致饔, 行列,故日 不以殘 稍,稟食也 旬 「乘禽」。 日 而 問 與 稍 君

> 命也。 也。 有齊和者。 獻,比。 從之。賓不辭,拜受于庭。 中日則二 雙」,是饔餼五牢者也。 人授人。 如 也、《聘義》謂之「時賜」。 饔餼之數」者, 凡獻,執 面,前也。 上介受,亦如之。 比,放也。 俶獻,四 雙。 一雙,委其餘于面。 其受之,止上介受以人告之,❶士舉其 中,猶間也。 時珍美新 其致之,禮如乘禽也。 牢 上介則 當 士介拜受于門外。 上介執之,以相拜 雙, 物 百三 不一 也。 故 《聘 雙,士介日 日 俶,始 義 雙,大寡,不 執一 云 也,言其 禽羞,謂 乘禽 于門中,乃 禽羞、俶 雙,以 雙。 始 成 日 士 餘 將 伍

記賓主行禮之節次及禽獻之等殺

獻

欲見其宗廟之好、百官之富,若尤尊大之焉。 自下門人。 歸 大禮之日,既受饔餼,請 帥,猶道也。 從下門外入,游觀非 觀。 訝 聘於是國 Œ 帥之, 也

記 賓游 觀

各以其 爵 朝 服。 此句宜在「凡致禮

0

士 無 饔。 無饔者, 無 儐。 謂 歸 餼 也

記 士介之殺 禮

大夫不敢 辭, 君 初爲之辭 矣。 此句宜 在

明 日問大夫」之下。

也。 君不親饔賓及上介,以酧幣致其 加 凡致禮,皆用其饗之加籩 籩豆,謂 其實也,亦實於壅筐。 禮 也。 響禮今亡。 豆。 其,其賓與上介 凡致 無 禮 謂

者 無饗禮。 士介無饗禮

記 不親饗與 無饗。

凡 餼,大夫黍粱稷,筐五斛。 謂大夫餼賓

上介也。 器寡而大,略

記 大夫餼賓、上介之實與

既

將公事,賓請歸。

謂已問大夫,事畢,請

歸

也。 不敢自專,謙也。 凡 賓 (拜于 朝 主國留之,饗食燕獻,無日數, 訝 聽 之。 拜,拜 賜 也。 唯 盡 稍 殷 不 勤

記 賓請歸、拜賜 拜。

復舉禮事禮己,于是辭爲賓。 以致敬者,自敵以上。 爲主,尊賓也。 介,大夫也,雖爲賓,猶卑於君,君則不與亢禮也。主人所 敬。 燕,則: 苟敬者,主人所以小敬 上介爲實, 燕,私樂之禮,崇恩殺敬 宰夫獻。 賓 君聽之,從諸公之席,命爲 也。 爲 爲主人,代公獻 更降迎其 苟 敬。 也。 饗、 賓 介以爲實 不欲 食, 主 君

苟

記燕聘賓之禮

也。 聘君之意也。 也。 君子,其能國乎?」厚賄之。 昔秦康公使西乞術聘于魯,解孫而説,襄仲曰: 必重其賄與反幣者,使者歸 無行,則重賄反幣。 反幣,謂禮玉束帛乘皮,所以報聘君 此謂重賄 ,以得禮 無行,謂 反幣者也。 多爲榮,所 獨來,復無 今文曰 之享禮 示 所 以 之

記特聘宜加禮。

賄

反幣」。

經公館賓、賓辟時,公皆再拜之四事。 辱。」此贊君拜聘享辭 君以社稷故,在寡小君。 曰:「子以君命 也。 在寡君,寡君 在 ·,存也。 拜。」此贊拜夫人聘享 〇此及下三節即 此其贊拜之辭 拜君 命之 也

送。」此宜承上「君館之」下。

送。」此宜承上「君館之」下。

「君、以社稷故者、夫人與君敵體、不敢當其惠也。

其卒亦曰:「寡君拜命之辱。」「君、即、寡君、延及二三,其卒亦曰:「寡君拜命之辱。」「君 既 寡君、延及二三二群也。言君以社稷故者、夫人與君敵體、不敢當其惠也。

記公館賓拜四事之辭。

不致、不拜,不以將别崇新敬也。主人不拜。賓將遂去是館,留禮以禮主人,所以謝之。賓於館堂楹間,釋四皮束帛。賓不致,

賓謝館主人。

愧厲之也。」不言罪者,罪將執之。○君有故,亦不親饗。 之有故耳。 外,復别饗也。 之上介爲介。」上經云:「上介一 介者,尊賓,行敵禮也。 此以使者有過不響,故致辭異也。 過,則餼之。 大夫來使,無罪,饗之,樂與嘉賓爲禮。 《聘義》曰:「使者聘而誤,主君不親饗食,所以 有大客後至,則先客不饗食,致 餼之,生致其牢禮也。其致之辭,不云君 〇疏云:「饔賓於廟之時,還以聘 食一 其介爲介。 響。」則是從賓爲介之 饗賓有

之。卑不與尊齊禮

記饗不饗之宜。

唯大聘有几筵。謂受聘享時也。小聘輕,雖受

于廟,不爲神位。

記受聘大小不同。

稷。 米數。 子工反。 **耗**,爲千二百秉,三百筥,三十稷也。 有遺秉」,又云「此有不斂穧」。 十六斛。今江淮之間,量名有爲籔者。今八籔爲逾。 ○致饔時,禾三十車,車三秅,此其秉數。 名也,若今萊陽之間,刈稻聚把,有名爲筥者。 二百四十斗。 十稷曰秅。四百秉爲一秅。一車之禾三 十斗曰斛,十六斗曰籔,十籔曰秉。 四秉曰筥。 謂 此秉,謂刈禾盈手之秉也。 車之米,秉有五籔。 ○穧,才計反。 古文「稷」作「緵」。 ○稷音總。緩 ○致饗時毎車 《詩》云「彼 + 筥,穧

明致饔米禾之數。

0

爵」也。」上介出請,入告。

問所以爲來事。 |二

濟陽張爾岐句讀

賓。

○食音嗣。 是以直云「大夫」,兼得大夫聘賓與上介,亦兼小聘之 伯之大聘、此篇小聘大夫者,周公設經,互見爲義。又 大夫小聘之禮。 下乃别言食上大夫之法。 ● 云: 篇中薦豆六、黍稷六簋、庶羞十六豆,此等皆是下 鄭《目録》云:「主國君以禮食小聘大夫之禮,於五禮屬 云:不言食賓與上介、直言大夫者,小聘上介乃是士, 大戴第十五,小戴第十六,《别録》第九。」〇疏 聘禮據侯

男大夫爲正,兼見五等諸侯大聘使卿之事,故云『各以其 戒,猶告也。 饌于東房」,皆將食大夫戒備之事。疏云:「此篇雖據子 告之必使同班,敵者易以相親敬。 ○自此至

公食大夫之禮"使大夫戒,各以其爵。

受命。 君大門外入次,乃去玄端,著朝服,出次即位也。」 時。」又云:「賓在館拜所戒大夫,即玄端, 疏曰: 「云 『大門外如聘』者,則賓主設擯介以相待,如聘 如聘。於是朝服,則初時玄端。 拜送者,爲從之,不終事。 命。不答拜,爲人使也。 出,拜辱。拜使者屈辱來迎己。大夫不答拜,將 爲既先受賜,不敢當。 大夫還,復於君。 〇「既先受賜」,謂聘日致饔。 將,猶致也。實再拜稽首。 賓朝服即位于大門外, 賓不拜送,遂從之。不 如聘,亦入于次俟。 賓遂從大夫至 賓 0

右戒賓。

也。 賓之人。具者,待賓之物。 夫士序,及宰夫具其饌物,皆於廟門之外。 著之者,下以爲節。 即位。具。主人也。擯者俟君於大門外,卿大 甸人陳鼎七,當門,南 羹定,肉謂之羹。 ○即位者,待 定,猶熟

0 「乃」,各本作「及」,據阮刻本《儀禮 注 疏》疏改。

儀禮鄭氏註公食大夫禮第九

以 凉、醫、 酒 酒 酨 栅 云: 於外 也。 至授几 夫設筵, 小 小 或作「鄉」。 者 皆 長則東本,短則 面 也。 作一密 ·臣、於小賓客饗食、掌正君 酳 漿 以 也 臣 也。 「小祭祀賓客響食,如大僕之法。」〇匜,以支反。 也。 擬 口 西 甸 飲酒、漿飲,俟于 具 者,親 也 酏 酳 漿 人,冢宰之屬、兼亨人者。 、槃匜 口 飲先言 其俟,奠於豐上 禮亡、《燕禮》則 扃,鼎扛 加 此云 ○註引《燕禮》,欲見設洗之法, 註 設 故言 設 設治醬 席 云 在 洗 編其中央。 扃 「漿」,别 漿 几,設 漿飲」,明 ,所以舉之者也。 飲酒」。 東堂 如 飲飲 鼏 可可 響。 战截漿 於六飲 鼏 也 以 筵於户西,南 下。 設 東房。 《漿人》「共王六飲: 是漿之一 略 今文「扃 若 必 也」,疏 飲酒 服位。 洗於阼階東南」。 此。 如饗者,先饗後 爲公盥也。 束 也。 南 先言 若 飲酒 無 凡 云「戴之言載 面 0 作 種,不 ○《夏官 編。 面而 鼎鼏 西 食禮 飲 尊,主於 上 鉉」。 清 左几。 以 」,明 公尊,不 兼 燕與響食同 七 不 酒 蓋以茅爲之 六飲 食, 鼎,一 獻 水 其爲實,統 也 古 古文「饗 非 小 食,不 以 漿、 栅 公不賓 文「鼏 獻 如 漿 臣 就 大 其 其 漿 設 酬 醴 飲 洗 **|** | 職 宰 清 之 獻 牢 亦 近

> 在 于 滓 相 凡中者,雖 東房。 載,故 云『酨』,漢法有此名也」。 凡 無尊 非 非 也。 嫌 在 飲食之具、宰夫所掌也。 堂 凡 宰 - 夫之具 酒 饌

右陳具。

等皆從: 夾室。 之事。 從。 國君。 南,東西節 下人君。大夫,立于東夾 至于階,三讓。 其差次也。」 賓人,三揖。 言廟桃。」又云:「受聘在 0 西方,賓位也。 賓入門,左。 疏云: 揖人,道之。 大夫納賓。大夫,謂 公如賓服 〇此謂 公人立于其位也。 ○自此至「階上北面再拜稽首」,言主君 「《儀禮》之内單言廟者 也。 主國卿大夫立位,並下文士、小臣、宰、 取 辟,逡遁,不敢當君拜也。 公再 節於夾,明東於堂。 及廟門,公揖 讓先升。 迎 拜 賓于大門 祖 廟, 士,立于門東,北 每 公升二等,賓升 賓 南,西面,北上 食響在禰,燕禮 油揖、 ,皆據禰廟。 辟 上 擯 内。 及當 再 也。 序西爲堂,序 人。 拜 碑揖, 公揖入, 納 廟, 若非禰 稽首。 出 賓 又 大門 迎賓 在 禰 以 相 面 公 寢, 廟 廟 人 東 東 拜 内 降 偶 賓 左 命 也 西 官 是 有 遠 則 至 夾 於

賓栗階 降矣。 上可 東北 連 公降,擯 敬 下, 上。 辭 謂之梁。「至再拜」者,興禮俟賓,嘉其來也。 士西少進東上」者,以介統於賓而西上, 擯以下,立於士西,少進,東上。 夫至此,不先即 宰,宰夫之屬也。 介,門西,北 步, 也。 曰 知。 當 南 趨主國 統 賓,西階東,北面答拜; 在 擯 西 楣北鄉,至再 者釋辭矣。 於門者, 面 升,不 又承擯是大夫,尊於士,故知「少進東上」也。」 西 寡君從,子雖將 者 面,南 方 君之命。 西 辭。 面 位,從君而 東 非 拜。 上。 古文無「南上」。 面 上。 其 辭 賓 西 北 正 不 拜 宰,東 自 猶降,終其再 上。 上 位, 夫人之官、 拜。 拾 於下。 以 入者,明 級 是 辟 已拜 西 耐 其 賓 拜, 賓降也,公再拜。 ○疏云:「『承擯以 上,自 夾 下 在 IE. 也。 拜 日 興也 助 内宰之屬也。 位 北。 北 内官之士,在 也,公降 走」。 拜 君饗食賓, 栗,實栗 也 西階東,少就主 統 西西 稽 則 於賓 0 !」賓降再拜, 首。 擯 按《燕 小 面, 0 也。 統 公再拜,賓 也,不 臣 按疏及《燕 興, 於 自 南上。 禮 自卿 下立 然則 君 東 起 無 等。 拾 而 也 君 事。 宰 堂 級 楣 東 於 承 大 大

> 二等,左右足 不 禮 終拜,於主君之意,猶爲不成 拜,階上北 又云「越一等爲歷階」。 記》云「凡栗階,不過二等」, 「是」, 疏以 相 • 過,是尋常升階法, 栗階者,始 記 淤註 疏,所 爲 各 面 越三等」,是下階 言 再拜 發 升 而 降 稽首。 共爲四法。 升堂,是 有: 四· 法: 又此 近地 趨・ 賓降拜,主 拾 經 君・ 升猶聚足連步 ○是音綽。 級 三等,即 命· 之· 註「不 連 步 法,故 君辭之。 謂 拾 不 級 兩 聚足 命之成 ,至近 足 燕 而 相 也 下 禮 隨 日 Ŀ

右賓人拜至。

賓也。今文「奠」爲「委」。 順 南 言「退」,文互 鼎,退。 雍人以俎入,陳于鼎 「逆退復位」,言鼎入,載實于俎以待設。 人,諸侯官多也 出 南面 自鼎 士舉 旅人,雍人之屬 · ; 西 西。 相備也。 鼎,去鼏 上。 左人 大夫長 右 出入之由,亦如舉 於外, 人抽 待 古文「待」爲「持」。 旅食者 南。 載。 (盤,洗 扃 在也。 次人。 旅 入由東,出 坐奠 人南 雍人言「人」,旅 東 鼎 次人,序 南, 者。 于 陳 面 鼎 由 白自 鼎 西 匕俎 加 西 西 人也 面 匕 于 明 每 此 南 于 北 碑 器 爲 至

-+ 腥者。 俎 鼎 其 各十四 此俎實,凡二十八。 腸胃七,同 鬐音奇也。 胖 進其奏理之本,使之向人。「體七个」者,疏以 也。 載者 進,南 大夫匕,則載之。 在牲之性 或 進 逆退,復位。 豆 序 西 也。 是也。 臂、臑 作 其理本,在前。 載體,進奏。 進 面 面 論 乾魚近腴 盥 也。 匕。 倫膚七。 、肫、骼、脊、脅; 俎 魚七,縮 載者,左人也。 退者與 腸胃 腸、 長,以 魚腊 〇同 以 多骨鯁。 事畢,宜 垂及俎拒。 胃、膚,皆 下大夫體七个。 其 長幼 體 飪。 倫,理 類 俎,寢 同 進者 謂 者 類 其左胖爲庶羞,下文十六豆 也。 由 ○魚在! 性與腊 也。 飪,熟 亦 也, 同 便 交于 序自鼎 右 序,猶 是腴 大夫既匕,匕奠于 也。 横 謂 不異 也。 也。 精 諸 也。 俎爲縱,於人爲 右首也。 ○其載牲腊之體 士匕載者,又待設 前 理 其牛羊, 更 東,西 俎 食禮宜 奏,謂皮膚之理 滑 也 二十八,牛羊 垂之。 脆者。 卒盤 面 爲當用右 前 寢右,進 熟,饗有 腴 於 賤 洗 其 今文 横 也 前 南 序 順

右載鼎實於俎。

鄉。 設正 也。 上 遷之,不敢當君 所,奠之,東側 以 記云『蒲 授 讓皆一,殺於初。 辭其從己。 以東帛、賓卒食,凡七節, 設 以 立階上,以主 西 其爲饌 Œ 西 階 醯 醢 饌 饌、賓祭正 不 , 菁菹、 韭菹以東, 醓 醬。 公降 有骨謂之臡。 於中席 立
作
階 [筵常],長丈六尺,於堂上户 本。 宰夫自東房薦 卒盥,公壹揖壹讓,公升,賓升。 授,授公也。 盤 君離阼 已東。 其故處。 賓辭, 饌 鹿臡 上,示親 設,故辟 古文「壹」皆作「一」。 將 爲 也。 自中 菁, 蓂菁菹 設 實設 北 醢、昌本; 昌本南 醬。 饌。 ○所,處也。 醓 其故處。 疑,正立 醯 席 面 而 加 醢 醬,以 禮 0 已西,設庶羞也。」公設之。 賓立于階西,疑 饌、 坐遷,而 醢 終賓 此 豆六,設于醬 也。 賓 下 有 也,自定之貌。 醯 祭 公立于序 醓。 出 乃 牖之間 今文「臡」皆作「麋」。 和醬。 君設當席中,賓 加 詳 東 饌、 昌 宰夫自東 賓降, 食 本,昌 遷 賓之節: 賓三 南面設之,乃 0 、麋臡 所。 疏 東, 飯 蒲本,菹 立 内, 公辭 今文曰 日 東遷 稍 侑 爲 西 房 西 不 按 揖 賓 東 賓

遷之。 反此位・ 宰位 4 謂之鐙 位。 階 腸胃 于 文曰「併」。 宰 鼎 言 豕 黍當牛俎 塵。 絳 鐙 夫 以 在 東 奴奴 順 大羹湆,煮肉汁也,大古之羹。 設 魚 西 東夾北 也。 今文「涪」爲「汁」,又曰「人門 也。 1, 俎尊 階,不 兮反。 二,羊; 出 亦東遷所。 宰,謂 在 宰 黍 古文「簋」皆 特 其西 牛 稷六簋 右 奠于 也。 膚者 鐙 西 大宰,宰夫之長也。 南 音登。 執 升堂,授公,以 士 羊 面 0 鐙 設 ·南,豕 1稷,錯 其 出 腊、 **静**,側耕反。 宰夫設 南 于俎 下 俎 所 作 公設之于醬 上,今以 -性,賤。 左 腸 于 執 軌。 ; 以 西 胃 以 豆 鉶 豕 蓋 終,南陳。 其 蓋 · ', 亞 南 DП 旅 膚 以 ,由門人,升 大羹涪,不和 空 降 有 自 蓋 人取 不和,無 于 也。 之, 以爲 阼 東 出 以 蓋 西 豆 階, 者,饌 西 降 送門外,乃 並 Ŀ. 其 匕,甸 牛 西 出, 亞, 東 特。 所, 鹽菜。 並,併 無 京東 賓 自外 次 牛、 升。 謂 鉶 辭 北 直 也。 自 上 人,爲 也,今 當 人 瓦 菜 更. 上 豕 羊、 門 反 阼 實 舉 坐 和 人. 與 豆 不

> 盛之。 東房 會,簋 設 羹之器。 右」、《鄉 燕禮 承鱓 》,誤 于 蓋 豆 也。 者也,如 0 南 欲得鄉公與賓 飲酒》、《鄉 記 也。 鉶音刑。 〇下記云: 東。 ₩ ⊟ : 面 宰 亦 夫 豆 食 告 「凡奠者於左。」〇 有 而 東 具于 飲 射 卑。 合郤 酒 「牛藿、羊苦、 面 也 • 酒 者 記》皆 坐 1,實于 宰夫右執 之,各當 公。 優 啓 賓 簋 有 也。 負東房, 此文, 觶 豕 其簋之西。 會 「凡奠者於左, 薇」,是 設 解,左 加 于 各 註 負 豆 于 郤 以 房 菜 東,不 爲 執 户 于 和 贊 而 其 豐 舉者 燕 者 立 舉 豐 禮 以 西 所 也 也 負 進 於 鉶

記

以

右 爲實設 正 饌 南

面

者

之間 牢 崇云: 未拜。 答公拜。公辭; 反 贊者 祭。 公再 賓升席 戸 取 擩 拜, 東 韭菹辯擩于三豆。」○ 猶 面 揖 染 賓升 坐 坐 心也。 食。 取 取 再 今文無 韭 黍,實于左手,辯; 再 菹 拜 拜 拜 于。 稽首 以 漏、《五經文字》「汝 賓饌 辩 ○臡亦 擩 具。 不言 于 賓 醢 醢 成 也。 风拜」,降 降 又 上 拜 取 豆 1 主

風

不言 湆 捝,拭也,拭以巾。 柶 牲 如 下 註 離 祭離肺者,絕肺祭也。 優 以右手,便也。 稷 是 云「不離」。 離 文註 賓也。 是其繁。 總合授賓,使之祭,如上文祭黍稷之例; 而 也。 굸 不祭。不祭者,非食物之盛者 贊 辯 不殊,留中 辯 「便賓祭也」。 「刌」,刊則祭肺 賓 云「每肺興受」,恐與經 者辯取 擩之,上 《少儀 亦每肺 反 祭離肺 賓興受,坐祭; 于 -央少許 , 右手; 》曰:「受立授立不坐。」三性之肺 賓 興受,祭於豆祭。 之, 壹以 亦興受,坐祭之於豆 鉶 祭 者,必用手絶斷其 也。 壹」、《説文》訓 飲 相 壹,猶稍也。 之 此舉 連 興 酒 間 謂之「 以 授賓。 於上 祭 未合。 肺,不離 授 於是云「實興受坐祭」,重 賓。 離肺 扱以 專 豆 捝 古文「壹」作「一」。 食禮 連 壹, 之間 肺不離者, 刌之也 手; 而刌之,便賓祭 祭也。 ۰; 柶, 處, 賓祭之。 本 註 刌 廣 刌 殺 扱 扱 云 則 韻 其 節 肺 獨云贊 切 猶 上 魚 訓 鉶 則 斷之,故 文不 稍 否, 腊 鉶 菜 合 不, 也, 取 也。 興 也 醬 以 宜 當 故 授

右賓祭正饌。

宰夫授公飯粱,公設之于涪西。賓北

從間 設于 無大。 宰。 别 授於階上,復出 第二已下爲先者也。 者一人,升設於稻南。」其人不反,則 其庶羞十六豆,羞人不足,故先至者反取之。 美者特爲臠,所 稻 位 遷之,遷而西之,以其東上 豆」,兼蓋 「稻南 面 電梁者以 本。 一,序内、 辭, 往來 羞 稻 一者,明 如宰,如 由門 進 坐 、階西。 也。 南 而 簠。 遷 也,庶 執之也。 庶 簋 入,升自 之。 旁 士 羞 取也。 其 以 西 宰 衆也 進 兀 加 祭 羞 · 夫 膳 也。 不與 大羹涪,右 既 間 列 〇此段有「釋曰」字,疑是疏文,俟質 先者 庶 ○註 告 ,進衆珍味可進 容 西 羞 魚或謂之膴,膴 具 西 正 稻 也。 兼上 人。 階 矣, 。 皆 反之,釋 豆 北 于 併 執 公與 文。 而 粱 上 有 簋 庶羞多,羞人不足,則 也。 豆, 又設 西。 大, 西,黍稷西 此云「先者反之」,謂 先者 左執 不統 賓 者 間 此 大 也。 膳 皆 容 蓋 於 蓋。 殷 「反之」者 下文云:「先 人 也 猶 執 Œ 復 人,升 勤 也。 進 一者,賓 ○∫蓋 之 饌者, 雖 大 豆 初 唯 也 加 必言 以 醢 位 如 也 以 執 醬 肥 進

❶ 「可進」,原作「進可」,據文淵閣本改。

膮,皆香美之名也。 膮 加 自 , 牛炙。 是一 禮,是 膷、 臐、 所 謂 古文「膷」作「香」、「臐 膮 今時 羹 胾 臛也。 中 别 0 4 鹏; 日 膷 ,羊曰臐 作「薫」。 以 東 臐 炙 席 東

南 17, 醢; 以西、牛胾、醢、牛 鮨。 先設醢, 錚之以

次也。 内則》謂 鮨」爲「膾」,然則膾 用 鮨。 今文「鮨」作

羊 胾, 醢, **豕**炙。 炙南,醢; 鮨 南,羊炙;以東, 以 西, 豕胾, 芥

鰭

○鮨、《圖解》臣之反。

醬 秋用芥。」衆 魚膾。 人騰 芥醬,芥實醬也。 羞者, 盡階 《内則》 不升堂,授; 曰:「膾,春 以 用 蓋

降 出 騰,當 作「媵」。 媵,送 也。 授,授先者 人。

贊 者負東房,告備于公。 復告庶羞具者,以其 異

右爲賓設 加 饌

饌

飲 酒豐

本 麋 鬱 豕 俎 腸胃 俎

以

膚

俎

昌

醓 醢 菹 羊 俎 腊 俎

韭 菹 臡 4 俎 魚 俎

正

饌 牛鉶

牛

鉶

羊鉶 豕 鉶

> 稷簋 黍簋

> 黍簋 稷簋

黍 簋 稷簋

太羹

醯醬

户

蒲 筵

北

牖

稻簠

粱簠

牛 炙 醢 豕

炙

醢

羊臐 膮 醢 牛 胾 羊胾 醢 芥醬 豕 胾

席

西

加

饌

漿飲

豐

豕

牛 膷 牛 鮨 羊 炙 魚 膾

粱, 即稻,祭于醬涪間。 費升賓。 即,就 也。 賓 祭稻粱,不以 坐席末, 取

以公命命賓升席。

祭,祭加 宜於加。 ○醬涪不得 言 「加」,註偶誤。 粱 是公所

於此耳。 親設、醬湆亦公所親設、公設是饌尊處、故祭粱不於豆 贊者北 面 坐,辯 取庶羞之大,興,一 耐

授賓。 賓受,兼壹祭之。 一一受之,而兼壹

之,庶羞輕也。 〇一以

授賓」者,品授之也。「兼壹祭之」者,總祭之也。 自祭之於膷臐之間,以 異饌也。 降

九七

九 八

答再 實先拜公,公答拜。」公辭。 拜 拜 拜。 庶 羞 前 疏 云: 「上文正饌,公先拜,賓答拜, 賓升,再 拜 稽首; 公 此

右 賓 祭加 饌

己食。 立。 于箱。 意。 栗階 降。 殽 實,使不煩勞也。 告公,公聽之,重 對,成其意也。 賓 設 擂醬 也。 西 「降辭公」,辭公之親臨也。 無 升 自間坐,由 面 賓 待 以 事。 食 箱,東夾之前,俟事之處。 北 食、贊者之事。 之降者, 坐奠于階西 正 北 面 賓 饌 面 降辭公,敬也。 自間 也。 坐, 兩饌之間 來,優賓。 堂,尊 賓三 反奠于其所; 遂 坐, 飯 處, 飯, 卷 〇「成其意」者,成其降食階下之 東 也。 而 左 欲 加 〇公聽之而不輕來,所 止 以涪醬。 面 擁,抱 擁 食 必辭公者,爲其尊 席 君 公許,賓升,公揖 對, 於階 簠 子 ; 擯者退負東塾 也。 食不 降 粱, 公不辭。 西 下 辭 然 面 必取粱者, 求 每 右 公。 也。 坐 飽。 飯 執 取之; 公辭。 湆, 歠 奠 不 贊 而 湆 而 言 者 公所 以 親 而 退 以 後 其 以 優 以 臨

> 飲 庭 其 緣賓意欲自 飲 言次第,此不言者,任 殽 優 實設。 豐于稻 奠於豐上。 與 賓。 (其豐以 0 「潔清。 乘皮。 西。)疏曰: 進。 酒 賓捝手, 飲 〇設之, 按 在東,漿 賓取之,是優賓也。」 漱 此進漱 特 性》、 將 在西,是所謂 ,興受。 也。 以 ●《少牢 侑 非爲卒食,爲將 賓。 受觶。 》 宰 賓 左 食時、舉 夫 坐 酒右 宰夫 執 有事, 觶 殺 遂 設 漿

右賓食饌三 飯 。 **9**

發帛以 辭 幣 階 于 帛 序端。 上。 也。 升 降 公受宰夫束帛 勸之,欲用深 侑,猶勸也。 聽 擯者 拜。 賓降筵, 命, 進 當 拜受幣。 相 降 安實也。 主國 辭幣 幣。 北 面。 君以 以 主 爲 公 或 君 西 爲 侑 以 辭。 君又命之。 釋 鄉 君將 食賓,殷勤之意未 立,序 幣 西 辭 有 鄉 賓 於 内位 命 立。 升, 也。 賓 升 也。 聽 東帛, 再 賓 北 命, 受東帛 拜 面 降 至, 釋 於 Ť 稽 辭 許 西 復

0 按」, 原 作 按 據薈要本改

右」,原作「石」,據薈要本改

0

也 子男小聘使大夫,士介一人而已,故知訝受者是府史之屬 府史之屬。訝,迎也。今文曰「梧受」。〇上介,士介也 立。 賓北面揖執庭實,以出。 主國君送幣也。 者,欲得君行 首,受幣,當東楹 也,公再拜。賓不敢俟成拜。介逆出。以賓事畢。 俟賓反。 一,臣行二也。 上介受賓幣,從者訝受皮。從者, 退不負序,以將降。 ,北面,主國君 退,西 揖執者,示親受。 楹 公壹拜,賓 南面授之。 西東 面 立 當東楹 公降 降 俟

右公以束帛侑賓。

于箱。 位。 之卒食。 雷,門簷雷盡 則食禮未卒,不退,則嫌,更入行拜,❶若欲從此退。 首,公答再拜。 賓降辭公,如初。將復食。 賓入門左,没霤,北面再拜 賓卒食會飯,三飲,卒,已也。 揖 處。 讓 如 嫌,謂貪食之嫌。 賓拜,拜主國君之厚意。 初,如初入也。 公辭。 升。 賓升,公揖退 稽首。 賓再 賓揖介人復 止其 已食會 八拜,使 拜 便退, 〇没 稽

> 饌 也 飲漱,此云「三飲」,當九飯也。 言「啓會」,是簠不兼會,故經以黍稷爲會飯也。 ○上文「宰夫設黍稷」,云「啓會」,是簋兼會設之, 也。 漱漿也。 後言「涪」,或時後用 初時食加飯,用正 會飯,謂 黍稷 饌; 也。 此食正 此食黍稷,則 不以 飯,用庶羞,互 醬治。 初 時 不 前 食稻 復用 稻粱不 相 飯 成 正

右賓卒食。

卒食拜也。 得侑幣。 以賓不顧告公,公乃還也 初來揖讓,而退 出,賓出。 降,再拜。答之也。不辭之使升堂,明禮有終。 面 坐奠于階西,示親徹也。 拜,其 **捝手**,興,北 時 〇公所親設,實亦親徹。 欲辭退,故 不北面者,異於辭。 公送于大門内,再拜。 不顧 退禮 北面; 面 坐 略 取 此卒食,禮終,故東面。 不以出者,非所當得,又以已 也 示 粱 ○前受侑出,更入門,北 難進 與醬以 東 面 易退之義 再拜稽首。 降; 賓不 介逆 西 擯者 面

0 「入」,原作「人」,據文淵閣本改

00

右禮終賓退。

腸胃 與。 無遺 三个,是有 俎 者實于篚,他時有所釋故。 膚者,在魚腊下,不與可 之辭也。 以三牲之俎無所釋故 有司卷三牲之俎,歸于賓館 所釋, 三牲之俎,正饌尤尊, 此 無 所釋,故稱 也。 知 也。 禮之有餘,爲施惠。 ○《特牲》及《士虞 古文「與 盡以歸賓,尊之至 一卷」也。 作 卷,猶 魚 腊 》俎 收 不言 也 不 也 歸

右歸俎于賓。

告出報也。此下大夫,有士訝。皆再拜稽首。朝,謂大門外。訝聽之。受其言,入皆再拜稽首。朝,謂太門外。訝聽之。受其言,入明日,賓朝服拜賜于朝,拜食、與侑幣,

右賓拜賜。

醢,四 皆一俎。記公食上大夫異於下大夫之數。 九、若十有一,下大夫,則若七、若九。 之禮、大夫不親食之禮,凡四 言食禮之異者: 四爲列; 上大夫:八豆,八簋,六鉶,九 俎 食上大夫之禮、 加鮮 魚鮮腊,三三爲列,無特。 事。 君不親食之禮、大夫相 魚、腸胃、 豆 倫膚 俎 0 加 此 葵 魚 此·以· 俎 下 腊 别

> 璞曰: 夫也 也。 也。 如 北亦四行; 國之上大夫、次國之下大夫,皆再命,故鼎實皆以九爲數 駕,無母。○疏云:「案《爾雅• 大夫,庶羞二十,加於下大夫,以 七、差次可知。」庶羞,西 疏云:「大國之孤四命,與子男同十三,侯伯十五,上公十 謂 命・ 蝦 數· 嫲 據經 古文「毋」爲「無」。 爲· 差· ,卿則曰 命 所化。』《月令》曰: 『鶴也。』《莊子》曰:『田鼠化爲鶉。』《淮南子》云: 者也。 鶉、 也。 上大夫庶羞二十,東西四行,南北則 鴽並 上,大夫則曰下。 九或上或下者。 九,謂 列,還是兩物。 再 命 〇下大夫庶羞十六,東西四行, 者也。 一田鼠 東毋 再 化爲駕。」然則 大國之孤,視子男。 釋鳥》云:『鴽,鴾母。』郭 ○《圖解 過 + 命 謂 几 調 小國之卿次國之大 列 雉 命者也。 鶉音淳,駕 謂上下大夫 兔鶉 鴽、 五行 鶉 ○小 七 南

右食上大夫禮之加於下大夫者。

賓不受之。 謂死喪及實 主人畢歸禮, 若不親食,謂主 若 有過,或大客繼 疾病及餘事 實唯饔餼之受」,謂 國 不親 君有疾病、若他 至之屬。 食 者 有死 其 按 喪 (致之, 而 聘 故。 致 禮 皆 饗 0 可 與 聘 食,則 受 遭 他 也 故

内。 陳。 將命。 命。 門内,西方,東上。爲其踐汙館庭, 己本宜往。 服 不參分庭一在南者,以言「歸」,宜近内。 醬從焉。 當,以食饌同 使大夫各以其爵,朝 不陳于堂,辟 並,南陳。 賜,亦謂食、侑幣。 受,如受饔禮。 簋實,實于筐,陳于楹 生魚也,魚腊從焉。 豆實,實于罋,陳 筐米四。 明日,賓朝 列 Œ 陳罋筐於楹間者,象授受於堂中也。 饌。 耳。 今文「並」作「併」。 甕北陳者,變於食。 庭實 服 服 朝服,食禮 陳 上大夫加鮮 以 以 于 于楹外,二以 碑外。 拜 内、兩層 侑幣致之。 賜 輕 魚鮮腊雉兔鶉駕, 庶羞 牛羊豕 也。 于 使近外。 **甕數**如豆 楹間 執乘皮者 朝。 無 陳 二以 儐。 並 南北相 執幣以 訝 賓 于 陳 , 醢芥 一, 北 也。 朝 碑 聽 于 以

拜至,皆如饗拜。響,大夫相響之禮也,今亡。古文也。先就告之,歸具,既具,復自召之。迎賓于門外,大夫相食,親戒速。記異於君者也。速,召右君不親食,使人往致。

序端; 等;主人從。 降」,不數降盥者,盤時賓亦從降,自如常法也。 曰 : 醬、受消、受幣也。 君則不親,迎賓公不出,此大夫出大門,公受醬涪幣不降, 首。主人送幣,亦然。 反之。卷加席; 與涪,之西序端, 上。今文無「東」。 此 豆數、俎體、陳設,皆不異,上陳,但禮異者,謂 其他,皆如公食大夫之禮。 也,皆自阼階降堂受,授者升一等。 響」或 一等;主人從。 大夫則降也,公食大夫,大夫降食於階下,此言「西序 「以主人降堂不至地,故賓止不降也。」愚案註 作「鄉 亦親徹。 辭,謂辭其臨己食。 降 東面再拜,降出。 侑用東錦,大夫,文也。 賓止也。主人三降,賓不從。 從,辭賓降。 主人辭,賓反之。 盤。 不敢食於尊處。 受醬、涪、侑 敵也。 受侑幣,再拜 釋 曰: 辭於主人,降 卒食,徹 主人辭; 拜,亦拜卒食。 云「其 降堂,謂 辭幣, 幣、 「親 皆者,謂 賓執 就戒速」, 他 言 束 于 止 西 稽 降 賓 粱 錦 受 疏 階

● 「羞」,原作「差」,據薈要本改。

拜階下,亦皆異於公食者。主人稽首送幣,降辭主人主人從降,卒食徹於西序端,不思以爲降而盥,侑用錦,降辭幣時主人從而辭降,受幣時

上公食、「卷加席」、公不辭、此則辭之、皆是異也。

0

右大夫相食之禮。

與受君禮同。

右大夫不親食,君使人代致。

蒲筵常, 於門外者,大夫之事也。 於醴也。 朝,夙興戒之。 日之戒。 不宿戒。 申戒爲宿,謂 無阼席。 緇布純; 寶則從戒者而來,不復召。 食禮 公不坐。 輕也。 前 加萑席尋,玄帛純,皆卷 東方者主陽。 期 日。 此所以不宿戒者,謂 亨于門外,東方。 戒,不速。 司宫具 不授几。 几, 食賓之 前 期 與 必 異

房。 日尋。 自末。 前。 「上陳饌之時,正饌在左,庶羞在右,陳饌雖不在席上,皆 位當車前」,則卿大夫立亦與孤同一節。 軹」,侯伯「立當前疾」,子男「立當衡」,又云大國之孤「朝 티 : 車還,立于西方。賓及位而止,北面。 不入門,廣敬也。凡賓即朝,中道而往,將至,下,行,而後 出自東房。筵本在房,宰夫敷之也。天子諸侯 陳於席前,當席左右,其間容人,故必長筵也。」宰夫筵 前 臣依君命數而降之。」愚按經文「北面立」者,指其車 之卿,其禮各下其君二等』。 賓主之間九十步」,侯伯『七十步』,子男『五十步』,註 之間各以命數爲遠近之節』者,案《大行人》云上公「朝 長筵者,以有左右饌也。 『朝位謂大門外賓下車及王車出迎所立處』,又云『凡諸 經 「云『卿大夫之位當車前』者,案《大行人》云上公『立當 賓之乘車,在大門外西方,北面立。 凡朝位,賓主之間,各以命數爲遠近之節也。 「賓朝服即位于大門外如聘」,是下行入俟于次矣,則 純、緣也。 司宫,大宰之屬,掌宫廟者也。 在,細葦也。 今文「萑」皆爲「莞」。○疏曰: 云『依命數』者,據君而 末,經所終,有以識之。 卿大夫之位,當車 丈六尺曰常,半常 云『凡朝位 言,其 ·而言, 〇疏 賓車 左右 賓 必 位 主 侯 云

1011

升。 事。 미 其相終始也。 卿擯由下。不升堂也。 幂,巾也,今文或作「鼏」。 凡炙無醬。已有鹹和。上 苦,苦茶也。滑,菫荁之屬。今文「苦」爲「芐」。 所云立「當車前」者,何時乎? 大夫不稽首。 亦其禮之殊者。 賓。○前經下大夫不言「食庶羞」,言「飲漱」、不言「飲酒」 下大夫爲之,擯佐於堂下,贊佐於堂上,故曰「事相近」,言 堂上。擯、贊者,事相近,以佐上下爲名。○堂上之贊,以 升降周旋之事而不升堂。 謂三命大夫也。 大夫:蒲筵,加萑席,其純,皆如下大夫純 鉶芼:牛藿、羊苦、豕薇,皆有滑。 也。於食庶羞,宰夫又設酒漿,以之食庶羞可也,以優 荁音丸。芐音户。 ○贊者佐賓祭,故盥升以待事。 簠有蓋幂。 〇雖上大夫必執臣禮,故記特明之。 上大夫,庶羞。 拜食與侑幣,皆再拜稽首。 孤爲賓,則莞筵紛純,加繅席畫純也。 稻粱將食乃設。去會於房,蓋以幂。 贊者盥,從俎升。 上贊,下大夫也。 〇此謂上擯,於堂下詔賓,主 此段註 酒飲漿飲,庶羞 俎先設,故俎 疏未能詳,俟質。 藿,豆葉也。 俎其所有 ○董音 上,謂 嫌上 升亦

 $\overline{\circ}$

四

儀禮鄭氏註覲禮第十

濟陽張爾岐句讀

昭 内 曰 : 禮 鄭《目 而 氣文也; 朝。」鄭註: 天子,曰覲,天子當宁而立,諸公東面,諸 省,是以享獻不見焉。 朝 公,以 受焉。 朝 屬賓。 ,夏見曰宗,秋見曰覲,冬見曰遇。 「按《曲禮下》云:『天子當扆 而序進,覲者位於廟門外而序入,王 録》云: 遇禮 秋見曰覲,一 夏宗依春,冬遇依秋。 大戴第十六,小戴十七,《别録》第十。」〇 『諸侯春見曰 相見,取易略也。」」是朝宗禮備 覲,見 也,諸侯秋見天子之禮 受之於廟,殺氣質也。 三時禮亡,唯 朝,①受擊於朝,受享於廟,生 春秋時,齊 而 立 此 朝宗禮備 存爾。 諸 南面 侯北 侯西 侯唁音硯魯 ,覲遇禮 朝者位於 覲 立於扆宁 禮於 覲 春 面 面, 而 遇 見 省 日 疏 Ŧi. 禮 日 見

升,聽 男唯有此一勞而 事 : 畿。」則 去王城 則此云「近 諸侯人王則逆勞于畿。」不辨尊卑,則五等同有畿勞,其子 國殊舍異,禮不凡之也。 璧無東帛者,天子之玉尊也。 者,升壇。 者,爲人使,不當其禮也。 人》:上公三勞,侯伯再勞,子男一勞。 《小行人》云: 『凡 舍職》曰: 玉,三揖。 人職》者,小行人既勞于畿,明近郊使大行人也。 侯氏亦皮弁迎于帷門之外,再拜。 至郊則郊勞,至國則賜舍,凡二節。 覲 郊勞者,大行人也。 五十里。《小行人職 命; 禮 「爲帷宫,設旌門。」〇此下言侯氏入覲初 使者東面 郊」,據上公而言。」使者不答拜,遂 降,再拜 至于階,使者不讓,先升。 至 已,侯伯又加遠 于 致 命 郊 郊舍狹寡,爲帷宫以受勞。 稽首,遂升受玉。 侯氏東階上 不讓先升,奉王命,尊 》曰:「凡諸侯人,王則逆勞于 王 皮弁者,天子之朝,朝 不言「諸侯」言 使 郊勞,上公又加近 人皮 西 疏云:「引《小行 面 弁 聽之。 「侯氏」者,明 用 郊,謂近郊 案《大行 壁 不答拜 也。 使者 侯氏 郊勞 服也 至之 執 升

0

可

知

[「]春」,原作「表」,據文淵閣本改。

外, 各於其階。 席 焉。 氏 送。 者,其餘三馬,侯氏之士,遂以 者,見侯氏將 拜 左 直 也。 稽首 拜送几; 還 云「使者左還」、不云「拜送玉」者,凡奉命使,皆 再拜。 几者,安賓,所以崇優厚 若身自致者,乃拜送。」侯氏乃止使者,使者 ,遂隨使者以至朝 侯氏 侯氏再拜送幣。 而 侯氏 立 使者 使者降, 與之讓升。 ; 有事於己,俟之也。 侯氏遂從之。 用 使者設几,答拜。 侯 束 氏 乃 帛 出 還璧,使 以 乘 左 儐使者,所以致尊敬 左還, 馬 也。 侯氏 出 驂 儐 騑馬 者受。 授使者之從者于外。 上介 還 還 出 使 先 玉,重 南面,示將 日 者, 侯氏先升,賓禮 出 升,授 驂。 侯 止 禮。 侯 使 使者, 氏 左 氏 一駿,設 弘也。 者 送 0 去也。 几。 降, 則 疏 於 再 拜 不 在 已 日 門 拜 侯 乃 再 從 者 拜 立 西 布 統

右王使人郊勞。

爲 使 承 即 擯。 安也。 天子賜 今文「賜 賜舍, 舍。 猶 作 致 以其 錫 館 也。 新 0 至, 所 疏 道 使 **Z** 者 路勞苦 「賜 司 空與? 舍猶 未 受 致 其 館」者 小 禮 行人 Ħ.

> 命致館 猶 則 E 幣、爲承而擯」,是其義也。」曰:「伯父,女順 知 者,案《聘 王 償使者於內。 使小行人爲承擯者,案《小行人》云: 「及郊勞· 所。 《聘 再 拜 禮 無 》 賓 稽 禮》致 賜 禮,猶 至 首,受館。 伯父舍。」此使者致館 於朝,君 館,賓、主人各 〇外,館舍之門外 儐之者,尊王使 使 **儐之東帛** 卿 致 擯介, 館 也。 也。 也 故 辭。 侯 知 乘 知 氏受館 小 此 馬。 〇女音汝 亦 行 人 陳 於外 王使人以 眂 爲 擯 命 承 館 介 既 侯 擯 于 將 必

右王賜侯氏舍。

事: 事 也。 客至,而 初 事。」大夫者,卿爲訝者 \pm 初 天子使 使 遵 ,猶故 往韶 人告覲期,諸 循 朝覲之舊典也 相 也。 其 大 今文 事。」戒,猶 夫戒 侯先期受次于廟 「帥 也。 日 侯氏 作 告 《掌 : 率 也。 再 訝 某 其 職 拜 凡二 0 爲告,使 日, $\stackrel{>}{\exists}$ 稽 此 事。 伯 首 下 凡 言 順 父 帥 訝 受覲 將 循 帥 者 覲· 其 乃 13 H 之 事 初

右王戒覲期

也。

諸侯前朝,皆受舍于朝。同姓西面北

異

言

諸

侯

者

明

來朝

者

衆

顧

其

治朝; 内 聘,迎賓客者,皆有外次,即《聘禮記》「宗人授 也。 焉。 東」一語,遂以爲宗廟。 成以爲受次于文王廟門之外,蓋以下文有「肉袒廟門之 廟門外爲位時 日 者,有廟門外 有外次於大門外者,則無廟門外之内次, 受享,皆在廟, 云:「《下曲禮》云:『天子當依而 也,言舍者,尊舍也,天子使掌次爲之,諸侯上介先朝 入覲不 上 人若朝于薛,不敢與諸任齒。」則 春夏受贄於朝,無迎法,受享於廟,有 觀。」彼諸侯皆北 ,故在廟門外受次。」又云:「天子春夏受享、 庫門外之朝,謂之外朝, 記》日 分别同姓異姓,受之將有先後也。《春秋傳》曰:「寡 此覲也,言朝者,覲遇之禮雖簡,其來之心,猶若 其後路寢謂之燕朝。 . 得 姓 並耳。 東 「宗人授次,次以帷,少退於君之次」,則 之内次,無大門外之外次,此文 彼謂 並 面 無迎 受舍于 北 面 人見天子時。」岐案: 上。 不 法。 戴氏駁之甚當。 辨同 朝,受次于文王 是以大門外無位。 燕朝非接見諸侯之所,則受享 路門外之朝,謂之内朝,亦 姓 周禮 異 立、諸侯北 姓 先同姓。 與 迎禮。 天子三朝: 八此不同 「受舍于朝」,康 廟門之外。 天子覲遇在 面而見天子, 秋冬受贄、 、諸侯相 是 次」是 既受覲於 ○ 疏云: 矣, 者,此謂 也。」又 泉 是 也 Ħ 門 廟 朝 受 聘 朝 次

> 門外之朝,天子當宁而立 進 爲路門外之内朝,故其註 于 潮者 ,覲者位于廟門外而序入」,當亦 ,路門外之朝,天子當扆 者也。 《曲禮 者日 而 鄭既以廟 立者 誤 也 「朝者位于 也; 爲宗廟,遂 受贄于朝者, 内朝而 以 序 朝 庫

右受次于廟門 外。

夫制 也。 車 出。 覲 禰 瑞玉爲贄,次行三享,次肉袒 出」,備言入覲之事。 藏其幣,歸乃埋之於祧,西階之東。 升龍,侯伯鷩,子男毳,孤絲,卿大夫玄。 者,衣裨衣而冠冕也。 上,其餘爲裨,以事尊卑服之,而諸 也。 者,以將人天子之廟,故服之也。 ·, 載 「諸侯玄冕以祭」,不得服衮冕以下, 禰,謂行主,遷主矣而云「禰」,親之也。 也。 裨冕者,上公衮冕,侯伯鷩冕,子男毳冕也。 侯氏裨冕釋 其釋幣,如聘 龍 乘之者,人天子之國,車 旂 弧 韣, 大夫將受命釋幣于禰之禮。 質明,先以將觀告行主,乃入覲,以 幣于河 乃 裨之爲言埤也。 朝 禰。 以 一請罪, 瑞 服 將 玉 ○裨,婢支反。 侯亦服焉。 不 凡三節。 ○此下至「升成 覲 一,有 可 天子六服,大裘 質明時 盡 而此裨冕 此差,司服 同 繅。 釋幣者,告 也。 王勞之,乃 上公衮 也 墨 交龍 釋幣 既 案《玉 車,大 乘墨 拜 則 所 裨 爲 于 降 祝 將 掌 無 爲 冕

是旂上 族,諸 冠冕,南鄉而立,以俟諸侯見。 續之繡之爲九章,其龍,天子有升龍, ^{几筵》文。}天子衮冕,負斧依。 畫爲斧文,置户牖間」是也。「莞席紛純」等,並《周禮 右者,優至尊也。 也,有繡斧文,所以示威也。 設斧依於户牖之間,左右几。 服不可盡同 之國,方服裨冕以朝,不可更 乘大夫之墨車者,以 姓金路,異姓象路,四 衣,唯衮爲最尊,天子與上公同服 ,謂 玉,以章衣木,❶廣袤各如其玉之大小,以朱白 今文「玉」爲「壁」、「繅」或爲「璪」。 ○依,讀如扆,於豈反,孔安國《顧命傳》云 公桓圭、侯信圭、伯躬圭、子榖璧、男蒲璧。 侯之所 日 物。 龍、二日 也。 建。 信然否,俟考。 山、三日 弧韣,與龍旂並言,註以爲張縿之弓,仍 其席莞席紛純,加繅席 弧,所 金、象等路皆在本國所乘,既入天子 衛革路,各得天子五路之一。 以 華 張 蟲 斧,謂之黼。 乘此車同於王者,故註云「車 ○韣音獨。 終之弓也。 四日 〇自衮冕至玄冕,五 火、五曰宗彜,皆繢 以 有 衮衣者,裨之上也, ○案《巾車》云: 依,如今綈素屏風 降龍。 有升龍爲 繅音早。 畫純,加次席 几,玉几 弓 衣 「扆,屏! 衣此 日 繅,所 九也。左 異。 韣。 蒼 天子 今乃 者皆 爲 · 司 衣 風 同 九 以 於 耐 黼 六 瑞 衣; 0 也。 \mathbf{E} 而

藉

玉

純。

皆宗伯爲上擯。《春秋傳》曰:「嗇夫馳。」○疏云:「此所 氏出,下文天子得命,呼之而入,命又從天子下至侯氏,即 陳擯介,當在廟之外。 見公,擯者五人,見侯伯,擯者四人,見子男,擯者三人, 爲末擯,承命於侯氏下介,傳而上,上擯以告天子。 官、爲末擯也。 殷同,則肆師爲承擯。 若侯伯四擯,别增 擯、小行人爲承擯、嗇夫爲末擯,若子男三擯,此則足矣。 於廟,見於大門外,亦可交擯三辭矣。」又云:大宗伯 擯,三辭」者,據諸侯自相見於大門外法,其天子春夏受享 令人。此覲遇之禮略, 南鄉北,各自爲上下。]: 「非: 日 六日 《春秋傳》者,孔氏古文,康 嗇夫承命,告于天子。 藻、七 他,伯父實來,予一人嘉之。 日 顧炎武云:此文在 粉 一士,上公五擯,更别增二士。 米、八 『嗇夫承命告于天子』,則命先從侯 門東陳擯,從北鄉南行,西陳介,從 ○註引「嗇夫馳」者,欲見嗇夫是卑 唯 有此 日 黼 九 辭 成 書 嗇夫,蓋司空之屬也 日 而已。《司 時 黻 徿 未見也。 皆 征 繡於裳,凡九 》,不引《書 儀》云『交 伯父 若 天子 時

木」, 原作「本」,據薈要本改

絲

稽首。 拜稽首,送玉也。 升成 氏 摯而不授。 受之。傳而上,上介以告其君,君乃許入。今文「實」作 其人,予一人將受之。」言 者之告,坐取圭,遂向門左,從左堂塗,升自西階致命也。 東 欲親受之,如賓客也。 之」者,美之辭也。 寔」,「嘉」作「賀」。 北 坐取圭,升致 拜,乃出。 擯者請之。 面 人門右,執臣道,不敢由賓客位也。卑者見尊,奠 再 擯者謁。 拜 稽 從後詔禮 上擯又傳此而下,至嗇夫,侯氏之下介 首。 命。 侯氏入門右, 其 謁,猶告也。 辭所易者,曰:「伯父其升。」侯 擯者延之,曰:「升 王受之玉。 日 延,延,進 侯氏坐取圭,則遂左,降 非他 上擯告以天子前 坐奠圭,再 也。 者,親之辭; 侯氏 ○侯氏得 降 階 辭 拜 嘉 擯

右侯氏執瑞 玉 行 覲禮

虎豹之皮,其次享,三牲魚腊、籩豆之實、龜 將幣,皆三享,其禮差又無取於四也。 四 」當爲「三」。 」字,❶字相似 享, 皆 古書 由 束 此誤也。 作「三」、「四」,或皆積 帛 加 璧, 《大行人職 庭 初 實 享,或 唯 ĕ ∃ : 也、金也 畫 或 用馬 此 諸 所 篇 侯 丹漆 或用 廟中 又多 有

> 擯者曰:「予一人將受之。」亦言 首。 君 氏出授王人於外也。 馬隨之。 授宰幣; 侯氏升致命,王 不參分庭一在南者,以其三享同陳, 斥王之乘。 以爲上,書其國名,後當識其何産也。 馬卓上,九馬隨之,中庭西上,奠幣,再拜 之,據三享而言,非謂三度致之爲「皆」也。」奉東帛,匹 言,若享后,即 之實」以下,皆《禮器》文。 有,分爲三享,皆以 纊竹箭 侯氏之卑益臣。 卓,讀如 也, 用成數,敬也。 西階 王不受玉,撫之而已,輕財 其餘 「卓王孫」之「卓」。 用 琮錦。 無 前 壁 0 撫 常貨。 王不使人受馬者,至于享,王之尊 帛致 再拜稽首, 疏 玉。 但三享在庭,分爲三段,一 云 之。 云『璧帛致之』者,據享天子 ○疏云: 此 幣 侯氏 0 地 卓,猶的也,以素的 即東帛加璧,并 物 疏 云: 非 以 須人庭深設之故 降 中 馬 也。 庭 馬 自 亦是南 或 必十匹者,不敢 出授 西 王欲 以 所 性魚 馬出,隨 階 能 親 北之中, 有 玉言幣 腊 受之。 東 度:致: 唯 籩 也 九 稽 面 馬 侯 而 豆 所

⁰ 字」,原作「字」,據薈要本、文淵閣本改

宰職》云『大朝覲會同 故《小行人》『合六幣』。 益臣也。」又云:「諸侯覲天子,享天子訖,亦當有幣問 自執其馬、玉,不使人受之於庭,是王之尊益君,侯氏之卑 堂而見諸侯,已是王尊侯卑,王猶親受其玉,至于三享,使 大夫。」事 畢。 三享訖 『助王受此四者』是也。 至受享又迎之,而稱賓主。 ,贊玉幣、玉 春夏受贄於朝,雖無迎法,王 宰即太宰,太宰主幣,《周 覲禮受享皆無迎法,不下 獻、 玉几、玉爵」,註 禮 公卿 在 太 云

右覲已即行三享。

勞之; 邦。 子。 出; 告王以己所爲多罪,願聽王譴責之事也。 用爲罪之事也。《易》曰:「折其右肱无咎。」〇告聽事者, 者左袒。入更從右者,臣益純也。 面 立,告聽事。 自屏南適門西,遂入門左,北面立。王 天子 謁,告,寧,安也。 乃右肉袒于廟門之東。乃入門右,北 再拜稽首。 ,辭於侯氏曰:「伯父無事,歸寧 右肉袒者,刑宜施於右也。 乃猶女也。 擯者延之,曰:「升!」升 告聽事者,告王以 侯氏再拜稽首, 擯者謁諸天 凡以 國 禮 乃 事 所

> 也。 成 深拜,降 <u></u> 王辭之、不即 左者,當 出隱於屏 而 襲之

天子外屏。 勞之,勞其道勞也

右侯氏請罪,天子辭,乃勞之。

拜。 以下。 路以封四衛,木路以封 者,得乘象路,異姓 異姓,服衮冕,乘金路矣。 服則衮冕,得乘金路以下,與上公同,則太公與杞、宋,雖 以功德出封,雖爲侯伯,其畫服猶如上公」,賜魯侯、鄭 祀,尊之,不賜諸侯; 也、毳也。古文曰「迎于門外」也。 數,在車南。 也。」路先設,西上,路下四,亞之,重賜 伯自鷩冕而下,如公之服,子男自毳冕而下,如侯伯之服 王之吉服有九,下云『公之服,自衮冕而下,如王之服, 衛,謂要服以内、庶姓與王無親者,自侯伯子男,皆乘革路 王賜禮侯氏之事。 賜車者,同姓以金路,異姓以象路。 天子賜 蕃國,據外爲總名,皆乘木路而已。 侯氏 路,謂車 疏云:「案《周禮》,巾車掌五路,玉路以 侯伯、 金路同 蕃國。 以車服。 也,凡君所乘車 同姓子男,皆乘象路以下。 異姓,謂舅甥之國、與王有 姓以封; 鄭云『同姓,謂王子母弟率 ○自此至「乃歸」,皆言 迎于外門 象路異 日 服,則 案《司服 路。 八姓以 衮也、驚 外, 封 下 》上陳 伯 四 無 再 侯 四 親 革

予之? 之間 齊侯亦不升成拜,以年老故也。 者,證此大史述王辭侯氏下拜, 此辭之類。 之降也。《春秋傳》曰「且 義也。大史卑,始時隨公後,升訖,公東面,大史於是乃居 者衆,各停 錦三十兩。」〇鄭註 謂 面 公右而並東面,以宣王命也。○大音泰。 王」之「右」。 諸公者,王同時分命之而使賜侯氏也。 書于其上。 名,是以云「路寢」「路門」之等。」諸公奉篋服 重,猶善也,所加賜善物,多少由恩也。 是」爲「氏」也。 乘馬 》晉祁奚語,引之者,證「大史是右」是佐公而在公右之 <u>\</u> 北面 也。 雖 大史述命。 無予之,路車乘馬。 ○《春秋傳》,僖九年王使宰孔賜齊侯語,引之 一館,故命諸 亞之,次車而東也。 是右者,始隨入,於升東面,乃居其右。 再拜稽首。 升自 ○疏云:「言『諸』,非一之義,以諸侯來覲 《周禮 西 讀 公分往賜之。」「周公右王」、《左 有後命,以伯舅耋老,毋下拜」, 階,東面,大史是右。 王命書也。 受命。 「路,大也。 亦如 《詩》云: 又何與之? 大史加書于服上, 此。 升成拜。 《春秋傳》曰:「重 侯氏降 右,讀如「周公右 「君子來朝,何錫 但 侯氏升,西 君之居以大爲 彼 玄衮及 未降已辭 ' ', 兩 一, 加 大史辭 古文 黼。 階 命 言

言。

右王辭命稱謂之殊。

其

之。 使者,兼公與大史而言,儐使者在拜送前,乃於送 之者,以前經郊勞時已詳載成禮,故略言已足也。 儐使者,諸公賜服者束帛四 侯氏受。 既云拜送,乃言儐使者,以勞有成 受篋 服。 使 者 出; 馬,儐大史亦 侯 禮,略 氏送,再 而 遂言。 後 略 如 言

0

右王 姓 同姓 賜 侯 氏 車 服

小邦,則曰「叔舅」。 伯舅」。 同 大國,則曰「伯父」,其異姓, 小邦,則曰「叔父」,其 據此禮云「伯父」,同姓大邦 異 則 姓 曰 而

禮幣致之。 燕,侯伯再享再食再燕,子男一享 竟。 右略言王待侯氏之禮。 饗,禮, 略言饗禮,互文也。 乃 歸 禮,謂 食 《掌客》職 八燕也。 以上廟受覲禮 食 日: 王 一或不 燕。 上公三 親 以

食

諸侯覲於天子,爲宫方三百步,四門,

政焉。 盟。 終歲則 不巡守,則六服盡 則既朝覲,王爲壇於國外,合諸侯而命事焉,《春秋傳》曰 至篇末,皆言時會殷同及王巡守爲壇而見諸侯之事。 命爲壇三成,宫旁 諸侯會之,亦爲此宫以見之。《司儀職》曰:「將會諸侯,則 神者,所謂明神也。 面十二尺。 等,而上有堂焉。 儀 有二尋,則方九十六尺也。 南 墙壁也。爲宫者,於國外,春會同 有事而會,不協 ·時見者,言無常期。 方,秋會同則於西方,冬會同則於北方。 》職曰:「爲壇三成。」成,猶重也,三重者,自下差之爲三 一十有二尋,深四尺,加方明于其上。 「案《大宗伯 有象者,猶宗廟之有主乎? 遍。」若如註 所命之政, 方明者,上下四方神明之象也。上下四方之 此謂時會殷同也。 而盟」是 》云:「時 堂上方二丈四尺。 朝。 如 , 則 門。 會同 Ξ. 諸侯有不順 、時會 巡守,殷 朝禮既 韶王儀,南鄉見諸侯也。」〇自此 而盟 也。 見 殷 深,謂高 日 司 畢,王亦爲壇,合諸侯以命 殷,猶衆也。 ,明神監之,則謂之天之司 會,殷見曰 見四 亦 王巡守,至于方嶽之下, 服者 則於東方,夏會同 宫,謂壝,土爲埒 有 方。 上等、中等、下等,每 朝 也,從上曰 ,王將有征討之事, 覲 四 在 同。」鄭註 十二歲,王 八尺曰尋,十 方四 廟 假 深。 時 四 命當方 分來 以 云: 《司 則 時 疏 於 如 象 朝

之。 守,則 諸 諸侯,東階之東,西 非六物也。上介皆奉其君之旂,置于宫,尚 異色,刻木爲陷而飾以玉,蓋以一物而象上下四方之神, 則上下之神,非天地之至貴者也。設玉者,刻其 其神,六玉以禮之。上宜以蒼璧,下宜以黄琮,而不以 璧、南方璋、西方琥、北方璜、東方圭。六色象 白、北方黑、上玄、下黄、设六玉:上圭、下 侯者,王在堂上,公於上等,侯伯於中等,子男於下等,奠 先言帥諸侯拜日 諸子,門 建之,豫爲其君見王之位也。 也,方四尺,設六色:東方青、南方赤、西 玉拜,皆升堂授玉乃降也。」〇埒音劣。 故鄭言既朝覲乃爲壇於國外也。 自於廟朝覲; 左。公侯伯子男,皆就 侯有不順服 〇據註與疏,方明之制,合六木而爲之,上下四方 殷 東北 朝。 六服之内,若當歲 若不當朝之歲者,當在壇朝。」十二年王不巡 面 ,則順服 1,亦謂 東上。 面北 的已朝: 者皆 上。 諸男,門 來朝 諸伯,西階 諸公,中階之前,北面東上。 者諸 其族 者 Ŧ 西北 《朝事儀 侯而言· 即 其中若當朝之歲者 而 在 面東上。 廟, 之西,東 立。 方明者,木 也。 未 其 置于宫护 在 餘 南鄉 面北 壇朝,而 在 尚左者 木 而 見 者 者 朝 方 著

升堂 諸侯 龍 所 帥 更 禮 幣,公拜於上等,侯伯於中等,子男於下等。 揖 時 姓」之等,是《司儀職》。 儀》、《明堂位》文。 之,三揖,土揖庶姓,時揖異姓,天揖同 建 而 介先期置旂。 之伯帥之耳。 而 古文「尚」作「上」。 陳 立,乃 俱東上,亦 陳 揖 諸 ,是以記之覲云。 Ŧi. 旂 致命,王 者 也 侯入壝門,左右立,王降階, 列 入壝門,或左或右 ,公東上,侯先伯 平 出 而 ,升壇 傳 推手 拜 升。 天 擯,執瑞玉以 一受玉撫 也。 日於東門之外,反 ,設擯升諸 子 其次: 質明,王 古文「傳 位 也。 乘 天揖, 0 言『上』者,皆以 玉,降拜於下等。 龍 四 公也、侯也、 疏云: ,伯先子,子 帥諸 至庭乃設 ,各就其旂 覲 侯,以 作「傅」。 傳擯」者,每 鄭彼註云:『土揖,推手小下之也 推手小舉之。」 載 ,璧帛以享,請 侯拜日 「「中階之前」已下,皆《朝 大 會同之禮。 旂 南 擯 伯也,各 先男, 0 而 鄉三 東郊。 據 則 近王 立。 祀 象 姓。 註 位畢,擯者以 及請事、勞,皆 諸 一揖,諸侯皆就 事、 而 四 方 日 一爲上。 疏 王. 侯 反祀方明, 其奠瑞玉 位 見揖,位 推其次第: 傳 明。 初入門,王 位,子男俠門 降階, 擯者每 皆上 月 勞, 擯。 升 皆 土 東 南 此 如 龍 告,乃 延之, 乃定。 方 及享 如覲 揖 鄉見 謂 其 王 前 降 也 旂 伯 上 官 既 事 會・ 庶 經

外,禮 門 疑,王 方明禮 時,又 常,終 也。 既畢,乃 盟約之載 者,不協而盟。 諸侯而朝日於東郊,所 大路,建大常十有二旒,樊纓十 同. 日 云: 「天子冕而執 H 北 一者言之,已祀 月 以· 外。 面 「邦國有 Ш 禮 春· 首 春秋傳 帥 加 詔 月於北 畢, 川 者 月 畫日 於 諸侯朝 更 此 明 書、 焉 也 ,退去方明於下,天子乃升壇與諸 壇 與 加 神 謂 者, 疑 $\stackrel{>}{\exists}$ 及其 鎮圭尺有二寸 月,其下及旒交畫升 會同 方 上 四 郊者,月太陰之精 《司盟 馬 日 則 尚 明 方明,乃 則 瀆於北 乃 八 著明 ൬ 於壇 以 有 禮 明 尺 縱子忘之, 以 夏冬秋者 已,無祀方明之事。」禮 盟事。 儀。 神 職 以 載 以 也。 有 以 Ŀ. 與 辭 曰 教 北 象 門 爲 諸 告 會同之禮 ,繅藉 朝 尊 面 詩 也 凡邦 龍 侯 外 也 焉。 尊 日 有 Ш 詔 ĕ ⊟ : 行 既畢,乃祀 也。 以 Ш 象 明 二就 龍降龍。 尺有二寸。 大旂, 變 禮 盟 詛 爲 神 神、既 或 者 祝掌 誓 見 祇 「有疑, 退 地 拜 Ш 謂 其 ,貳車十有 之禮 諸 而 大常 神 子 111 方 其 言 其 盟 侯 侯 朝 方明 也。 忘 不 明 會同 朝 丘 日 祝號。 則 也。 諸 禮 相 也。 乎? 搢 諸 信 事 藏 若 於 見。 侯。」 陵 於 盟 乎! 者 大圭 儀 二乘 之。 有 神 邦 則 凡 王 壇 於 南 客 國 及 會 Ě 如 必 朝 掌 由 建 西 祀 言 其 帥 乘 此 皦 云 無 禮 祀 疏 盟 百 此 大

也。禮畢亦反祀方明而見諸侯矣。 祭天,燔柴,祭其處,但於此致敬而已,故云「客祀」,不言「拜」而言「禮」東門之外,日實在東,故言「拜」,日月四瀆、山川丘陵不在皆用明神爲信也。○鄭云「變拜言禮者客祀也」,拜日於

下,諸侯會之,亦爲此宫以見之」,爲此 主日也。《春秋傳》曰 柴爲祭日 揭其著明者。 祭者也。 山 天爲祭日,祭地爲祭月,皆非正 祭之,以爲盟主。 天使,臣道莫貴焉。 之神」,是諸侯之盟其神主山川也。 伯職》曰: 王制》曰: ,故知是王者巡守之事。 丘陵,升,祭川,沈,祭地,瘞。升、沈,必就 古文「瘞」作「殪」。○此言天子巡守四岳,各隨方向 「郊之祭也,迎長日之至也,大報天而主日也。」《宗 就祭,則是謂王巡守、及諸侯之盟神也。 ,則祭地瘞者,祭月也。 「以實柴祀日月星辰。」則燔柴祭天,謂祭日 「王巡守,至于岱宗,柴。」是王巡守之盟,其神 燔柴、升、沈、瘗,祭禮終矣,備矣。 於山言升,於川言沈,是就其 是王官之伯,會諸侯 「晉文公爲踐土之盟」,而傳云 鄭前註云「王巡守至于方岳之 祭天地之神。 日月而云天地,靈之也。 月者,太陰之精,上爲 祭天,燔柴; 經設 而盟,其神主 也 前經 處 鄭 《郊特 春夏皆 又以祭 而 其盟, Щ 舉 也。 祭 此 月 Ш

此言「祭川沈祭地瘗」,亦北巡事。未知然否,姑據註疏釋西郊,此言「祭山丘陵升」,亦西巡事,前經冬祭月與四瀆,祭日,則此言祭天燔柴亦謂春夏東巡、南巡也,前經秋祭

記 :

之。

冕之爲裨與? 子乘之爲正,諸侯分受其四,則爲偏也。 舍之於館與? 曰偏。 輅以賓,象輅以朝,革輅以即戎,木輅以田」,此五輅者,天 王同,謂之偏駕,不入王門,乘墨車以朝是也。 之前,相翔待事之處。 人門右奠圭于地時,以所垂之繅承藉之。 几俟于東箱。王即席,乃設之也。 同姓金路,異姓象路,四衛革路,蕃國木路,駕之與 ○《周禮 奠圭于繅上。 偏駕不入王門。 •巾車》「掌王五輅、玉 謂釋於地也。 駕之爲偏,其猶 在旁與己同 東箱,東夾 偏駕之車 輅以祀,金 〇侯氏

儀禮鄭氏註喪服第十一子夏傳

濟陽張爾岐句讀

小 與因 惟 曾祖父母計是正服,但正服合以小功,以尊其祖,不服 升,冠九升。 齊衰期章有正、有義二等,正則五升,冠八升,義則六 已,父在爲母與爲妻,同正服,齊衰五升,冠八升。 升爲正,爲君以三升半爲義,其冠同六升。三年齊衰 至總麻,升數有異。 録》第十一。」○疏云:「案《喪服》上下十有一章,從斬 居於彼焉,已亡之耳。大戴第十七,小戴第九,劉向《别 殺之禮。 鄭《目録》云:「天子以下,死而相喪,衣服年月親疎隆 功 有 而 母同,是以 正服四升,冠七升。 服齊衰,非本服,故同義服也。 不忍言『死』而言『喪」,喪者棄亡之辭,若全存 齊衰三月章皆義服,齊衰六升,冠九升。 略爲節,有正而已。 異者,斬有正、義不同。 繼母、慈母雖是義,以配父故 杖期齊衰,有正 殤,大功有降、有 爲父以 不杖 而

> 前後,要取縷之精粗爲次第也。」 欲審著縷之精粗。若然、《喪服》章次雖以升數多少爲 半,在大功之下、小功之上,鄭下註云:在小功之上者, 叙者,一則正、義及降,升數不得同在一章,又繐衰四升 數,升數少者在前,升數多者在後。 衰冠同十五升抽去半而已。 有義,如前釋。 衰冠同十升,義則衰冠同十二升。 功有降、有義,婦人爲夫之族類是義,自餘皆降服 冠七升而已,以諸侯大夫爲天子,故同 自餘皆正、衰、冠 七升、冠十升、義服衰九升、冠十一升。 正、有義,姑姊妹出適之等是降,婦人爲夫之族類爲義 義,爲夫之昆弟之長子殤是義,其餘皆降服 **總麻亦有降、有正、有義,皆如上** 如上釋也。 自斬以下至總麻,皆以升 總衰唯有義 小功亦有降、 要不得以此升數爲 義服也。 大功章有降、 服四升半,皆 也, 降服 陳,但 殤,小 有 Œ 有 則 衰

帶 心 日 纓,菅屨者。「者」者,明爲下出 裳。 ,齊衰以下用 首絰象緇布冠之缺項,要絰象大帶。 麻在首在要皆曰経,経之言實也,明孝子有忠實之 喪服: 斬衰裳, 苴絰、杖、絞帶, 布。 〇「喪服」二字,此 也。 凡 篇總目。 又有絞帶,象革 服,上曰 冠 衰,下 斬衰 繩

四

結反。 用 裳」,謂 衰以下用布」,單指絞帶一事而言。 爲君、爲父然也。 其服,下列其人,故以「者」字截句,言喪服如此等者,臣 布爲冠,又屈 苴麻,用枲麻。」「菅屨」,以菅草爲屨。 麻爲絞帶。 絞,户交反,一如字。菅,古顔反。屨,九具反。 冒下三 斬 升 事 苴,惡貌,又黎黑 布 條繩爲武,垂下爲纓也。 ,謂以苴 故註云「『者」者,明爲下出 以 爲 上 麻爲首經、要 衰 下 裳 色 也。 也。 ○苴,七餘反。 經, 苴竹爲杖, 冠 疏云: 苴 周公設經,上 経、 繩纓」,以 也。 杖、 「此繩 絞 經,大 註「齊 又以 纓 六升 帶

傳 何 杖,桐也。 去 Ŧī. 分 有蕡者也。 分一 去五 Ŧi. 一以爲帶。 以爲帶。 曰:斬者何? 分 以爲 也 分一 以 杖各 帶。 齊衰 苴 爲 無 以 大功之經,齊 經 帶 齊其 爵 爲 小功之経,大功之帶也 之經,斬衰之帶 大搹,左本 不緝 而 帶。 緦 杖 心,皆下 麻 也。 者 苴 之經 何 杖,竹 衰之帶也,去 在 苴絰者,麻之 ,小功之 下,去五 本。 擔 也,去 也 主 杖者 也。 帶 削 Ŧī. 分

數。 耳上 杖,齊 麻,其 杖,尊 以 分,其 也。 杖? 當 也 小記》云「経殺五分而去 分 上 搹者,首絰之大,其圍 子者,質色粗惡,以之爲首絰、要絰與絞帶也。 夫士也。 能 非 五分 綴束之也 室 病 主 以爲帶,帶,要經也,去首經五分之一,以 童子,則免而杖矣。 首 從額前 左本在下者,本謂麻根,首經之制 傳云童子、婦人皆不杖,疏以爲此庶童子不杖,若 衰所用,因釋杖而兼及之,削謂削之令方。 首經要経降殺之法並放此。 (要經則五寸零二十五分寸之十九。 其爲主也。 也。 而 經九寸,則要經七寸二分也。 不 爲殺者,象五服之數 無爵,謂 杖 能 盈 遶項 者 賈疏以爲此對爲母則右本在上也。 **手曰搹** 病 何 後,復至左耳上,以麻之末,加 非 也 庶人也。 ? 主謂衆子也。 九寸,應中人大指、食指 搹 婦 一,杖大如経」,鄭註云「如要 又《喪服小記》云:「女子子在 輔 擔 扼 人 病 也。 猶 也。 何 也 假 以 苴杖,斬衰所 ○蕡,麻子。 中人之扼,圍 也。 爵 不杖? 齊衰首經 謂 童 以 天子 無爵者 子 麻根置 自大功 爲要經 諸 何 七十二 麻之有 用。 之 侯卿 苴 假 《喪 麻 左,當 九寸。 亦不 以 之以 至 根 絰 去 不 扼 削 之 服 Ŧi. 大

服葛; 升,外 者,繩 男昆 爲正。 者甚衆,何言無杖?」 謂 絰,要絰象大帶,此象革帶。 武 屬 登,成也。 下爲纓,著之冠也。 菅菲也,外納。 是婦人亦有時當杖。 雜記》曰: 也。 右縫。 纓條屬」者,冠以繩爲纓,同條· 記》云「喪冠條屬, 弟,使同姓爲攝主,不杖,則子 冠 絞帶至虞後,亦當變麻服 ○絞帶者,絞麻爲繩以作帶 畢,鍜 帶也。 ○蕡,扶云反。 則 小功以下左縫。」外畢者,冠前後屈而 繩從額上 纓、武同 今之禮皆以「登」爲「升」,俗誤已行 「喪冠條屬,以 主喪者不杖 而 冠 材。 約之至項 勿灰。 屬,猶著也。 布八十縷爲升,「升」字當爲「登」, 以 繩 愚意《禮記》雜出漢儒,當 疏又云: 别吉凶」,若然,吉 搹音革。 是以鄭云「通屈 纓,條 則子 别吉凶。 又云: 後,交過兩廂,各至耳 衰三升。 「《禮記》諸 布。 而連屬 一人杖。」 屬,右縫。 通屈一 擔,市艷反。 一人杖,謂 也。 三年之練冠,亦 絰帶至虞後,變 蓋以意推之。 也。 疏云: 條繩爲武,垂 冠 鄭 條繩 菅 文言婦人杖 則 註 疏 長 出,縫 [屨者, 大如 曰:「案 據此 爲武」, 冠六 女 久矣。 絞 也

於中 素食 鍜者用水濯之,以冠是首 外畢者,疏云: 屬著冠,「冠六升,外畢」是也。」右縫者,其冠三辟 屏 溢 廬 屬音燭。升,鄭音登,登,成也。 鄭氏以納爲 也。 若臣爲君義服,則衰三升半。 勿加灰耳。 右爲之,小功以下,冠亦三辟積,向左爲之,不同也 武 「外畢」。」由在武下出,反屈之,故喪冠又謂之「厭冠」。 外出,反屈之,縫於武而爲之。 綴之,各垂於頤下 柱楣、寢有席、食疏食、水飲、朝一 哭而已。 米,夕一溢 ,寢苫枕塊,哭晝夜 疏云: 門之外 ,哭無時。 楣謂 之梁,柱 衰三升,裳與衰同可知。 「收餘」,謂編屨畢,以其餘頭向外結之。 周公時謂之屨,子夏時謂之菲。」外納 屋 「冠廣二寸,落項前後,兩頭皆在武下, 既練,舍外寢,始食菜果,飯 下壘擊爲之,不塗壓,所謂堊室也。 米。 二十兩曰溢,爲米 ·結之。 楣所謂梁闇 寢 飾,故布倍衰裳而又鍜之,但 不 云『著之冠』者,武、纓 菅屨即菅菲,以菅草爲屢 無 脱 時。 絰 鍜,丁亂反。 兩頭縫畢鄉外,故云 疏猶麤也。 帶 此子爲父正服; 一升二十四分升 歠 粥 既 哭夕 朝 居 積,向 翦 倚

之大節。 中,思 時; 궁: 柱,施 中,或十日、或五日,思憶則哭,三無時 爲之,以當應接吊實,故不於隱者。」哭晝夜無時者,疏 云: 云: 굸 卿大夫士,虞卒哭異數。 未練之前 欲人屬目,蓋廬於東南角。」若然,適子則廬於其北顯處 一歌粥」三句,三日始食後之食節也。 廂屏之餘草。 夜無時」, 一謂 布 故 | 哭有三 既殯已後,卒哭祭已前,阼階之下爲朝夕哭,在 「凡非適子者,自未葬倚於隱者爲廬。」註云: 「不 「倚木爲廬,在 疏云: 「孝子所居,在門外東壁,❶倚木爲廬,《既夕》鄭 也,謂 爲冠服 |葬畢卒哭後。 「練」謂小祥後也。 梁,乃夾户傍之屏 憶則哭,二無時; 自 ,唯有朝夕哭,是一 復平生時 既虞之後,「乃改舊廬,西鄉開户,翦 謂未殯前哭不絶聲、卒哭前 ,故以名祭,即小祥 一無・ 「居倚廬」至「不脱絰帶」,言未葬時事。 「柱楣」者, 中門外,東方,北户。」又《喪大記 食也。 始死,未殯已前,哭不絶聲,一 也。」練、十三月之祭。 既練之後,無朝 ○「居倚廬」一段,言居三年 斬衰不書受月者,天子諸 前梁謂之楣,楣下兩 有時也。」據疏 也。 既練、舍外寢 也。 「既虞, 「居倚廬」者, 哀 夕哭,唯 則 至則哭也 卒哭之後 傳言「哭 此 翦 去户 日 頭 屏 有 者 竪 柱 廬 廬 無 疏 既 喪•

> 른 存; 反。 也。 哭而受服。 以下葬期不同 經皆有文。 齊衰以下,受服之時,差降可知。」然葬後有受、有不受 冠七升,小祥又以其冠爲受,衰裳七升,冠八升,自餘 斬衰裳三升,冠六升,既葬後,以其冠爲受,衰裳六升 而言,謂精鑿如平生,不復用粗 註以爲堊室,明 云「斬 柱,丁主反。 其服期者則即 〇枕,之鴆反。 是月,男子除 衰不言受月」,疏云: 此斬衰及齊衰應言受月而不言者,以天子 有此異數,經言其上下合同者,故略之不言 ,其葬期遠者,虞而受服; 非・ 楣,亡悲反。 首經 正• 古。 塊,苦對反。 寢, 但 而帶獨 註云「復平 於 中 服隨 疏 存,婦 -門外 糲,非謂 歠,昌悦反。 食音嗣。 生時 哀降殺 舊 人除要帶 廬 食」, 處爲屋 葬期近者,卒 飲酒食肉也 墼,古狄反 ,以冠爲受 , 此據穀· 粥,之六 而 以 絰 居 獨 而

註

猶

父。

壓,其既反。

爲父何 以 斬 衰 也? 父至尊

也

兩 楣

0 在」,各本作「右」,據監本《儀 禮 注 疏 改

諸侯爲天子。

傳曰:天子至尊也。

君。

等爲其長,弔服加麻,不服斬也。」皆曰君。○疏曰:「士無臣,雖有地,不得君稱,故僕隸傳曰:君至尊也。 天子、諸侯、及卿大夫有地者,

父爲長子。不言嫡子,通上下也。亦言立嫡以

長。

禰。」此但言祖不言禰,容祖禰共廟。 之弟也。言庶者,遠别之也。《小記》曰:「不繼祖與之弟也。言庶者,遠别之也。《小記》曰:「不繼祖與之正體,又以其將代己爲宗廟主也。庶子者,爲父後者祖也。此言爲父後者,然後爲長子三年,重其當先祖所傳重也。庶子不得爲長子三年,不繼所母曰:何以三年也? 正體於上,又乃將傳曰:何以三年也? 正體於上,又乃將

爲人後者。

之後。何如而可以爲人後? 支子可也。服之。何如而可爲之後? 同宗則可爲傳曰:何以三年也? 受重者,必以尊服

紒,如著慘頭焉。《以麻,則髽亦用麻

《小記》曰:

「男子冠而婦人笄,男子兔而

也。

蓋以麻自項

而前,交於額上,卻

妻爲夫。

傳曰:夫至尊也。○自此以下,論婦人服

妾爲君。

尊之也。雖士亦然。

衽。 也。」〇髽,側瓜反。 所服,此布緫、笄、髽等,亦非男子所服,是以爲文以易之 設文與常不例也。」又曰:「上文列服之中,冠繩纓非女子 在下言之者,欲見與男子同者如前,與男子異者 不 婦 ·殊裳,衰如男子衰,下如深衣,深衣則衰無帶下,又無 人髽。」凡服,上曰衰,下曰裳。 〇疏云:「經之體例,皆上陳服,下陳人。 幓,七消反。 此 但 一言衰不 此服之異 言 裳,婦 如後,故

耐

於喪中,唯有此箭笄及榛二者,若言寸數,亦不過此二 弓》南宫縚之妻之姑之喪云「蓋榛以爲笄」是也。 爲父母,婦爲舅姑」,用惡笄,鄭以爲榛木爲笄,則 笄同也。」又云:「此斬之笄用箭,下記云『女子子適人, 當與齊同八寸,總麻、小功同一尺。 紒後者,以其束髮處 之數。餘服當亦各象其冠布之數。 後所垂爲飾也。○總六升,註云「象冠數」,謂象斬衰冠. 大夫、士與妻用象,天子、諸侯之后、夫人用玉爲笄。 尺二寸。總六升者,首飾象冠數。長六寸,謂出 傳曰:總六升,長六寸。 此斬衰六寸,南宫縚妻爲姑緫八寸,以下雖無文,大功 人所不見,無寸可言也。 箭笄長尺,吉笄 長六寸,註知其 吉總當尺二寸,與 疏云: 吉時, 《檀 指 紒

以

等。 差降也。」〇長,直亮反。 笄,卒哭之後,折吉笄之首,歸於夫家,以榛笄之外 五服皆用・ 尺· 而· Ë. 是以女子子爲父母 既 無 用

期,至此已除,則不復更爲父母著服也。 升,與在室之女同。若既小祥而出,以其嫁女本爲 此被出之女,亦受以衰六升、總七升也。既虞而出 三升衰裳、六升冠,既葬,以其冠爲受,六升衰裳、七升冠 受服,當與在室之女同以三年之喪受。三年之喪,始 女雖出嫁,反爲君不降。」 不降,以其外宗、内宗及與諸侯爲兄弟者爲君 女嫁於諸侯,諸侯之女嫁於大夫,出嫁爲夫斬,仍爲父母 衰、八升總,虞後受以八升衰、九升總。今未虞而出,虞後 上,曰嫁,行於士庶人,曰適人。○疏云:嫁女爲父,五升 出,則小祥亦如之,既除喪而出,則已。凡女行於大夫以 出嫁齊期之受矣,至小祥後練祭,乃受以衰七升、總八 出者,始服齊衰期,出而虞,則受以三年之喪受, 子嫁,反在父之室,爲父三年。 又云:「若天子之 皆斬, 謂 既 遭 父母 明 喪 虞 死 知 而 後

士,卿士也。 公士大夫之衆臣,爲 公卿大夫,厭於天子諸 其 侯,故 君 降其 布 帶 一衆臣 繩 布 屨 帶

〇牡

,茂后反。

繩 依上文絞帶、菅屨。 功 同, 屨。 自二 臣得伸,不奪其正。 事 外,並 如斬衰之制也。 ○厭,一葉反。 〇布 帶 貴 與 臣 齊 與衆臣 衰同, 繩 異 屨 則 與 得 大

> 服 以

> 至三

衆臣 服 得以杖即位。 杖,不得與嗣君同即東階下朝夕哭位。 謂 屨者,皆是屬也。 邑宰二者是貴臣。 君,嗣君 也。 即位。近臣,君服 傳 菲,今時不借 有地者也。 ,近臣斯服之矣。 曰 : 也。 室老,家 也。 公卿大夫室老士,貴臣。 君,謂 斯,此也。 也。 若夫近君之小臣 有地者,其衆臣又不但帶、屢有別 相 公卿大夫有有地,有無地,此所謂 也。 〇傳言,公卿大夫之家臣, 其餘皆衆臣,經所言爲其君布帶、繩 有地者 ±; 近臣從君喪服,無所降 斯 邑宰也。 服矣。 也。 ,又與衆臣不同 近臣, 衆臣 繩屨者,繩 無地者之臣,則 閽 一杖,不 其 餘 唯家老與 寺 也。 之屬。 雖 君 君 菲 以 皆 所 有 繩

纓; 裳,而緝之,牡麻爲首絰、要絰, 帶、疏屨,三年者: 削桐爲杖; 疏衰裳齊,牡 七升布爲帶,以 疏 麻 猶 經、 麤也。 象革 冠以七升布爲武,垂 冠 帶 布 〇以 纓、 疏草 四 升麤布 削 爲 屨 杖、 下爲 爲衰 服 布 此

0

「思」,原作「子」,據薈要本改。

也。 反。 爲經,其本在冠右而居末上,此首經結束之法也。 也。 枲,思似反。❶ 虞、卒哭異數,故齊衰不言其受月,亦 冠用七升布而麤加人功,以冠尊,故升數恒 夫、士,虞卒哭異數。 麤功,大功也。 屨者, 薦蒯之菲 傳 曰 藨、蒯皆草名,以此草爲屨也。 牡麻經 年者,下文所列者其人也。 齊者 沽音古,後同。 齊衰不書受月者,亦天子、諸侯、 右本在上,冠者沾功也。 何 ? 也。沽,猶麤也。 〇牡麻,麻之華而不實者。 緝 也。 藨,皮表反。 受衰必於虞、卒哭、 牡 如 麻 冠尊,加 斬衰章也。 者,枲 多 蒯,古怪 而 卿、大 其 加 疏 麻 衰 麻 飾

年。」 年之内而 父卒,則爲 母卒, 仍 服 母。 期 要 尊得伸 父服 除 也。 後 ൬ 母 疏云: 死, 乃 「父卒三 得 伸

繼 母: 如 母

傳 曰 繼 母 何 以 如 母 ? 繼 母之配父,與

因 母同,故孝子不敢殊也。 因猶親 也

慈母 如

服小記》云: 『爲慈母後者,爲庶母可也,爲祖庶母可 得立後而養他子。不云『君命妾曰』而云『父』者,對子 舉傳者,是子夏引舊傳,證成己義故也。」又云:「「妾之 母慈己之服可也。 之,終其身,如母,死則喪之三年,如母。 子。」命子曰:「女以爲母。」若是,則生 者,妾子之無母者,父命妾曰:「女以 非天子諸侯之妾與妾子者,下記云:『公子爲其母練冠 己庶子爲後。」」疏又云:「鄭知此主謂大夫士之妾,知 也。』鄭云:『緣爲慈母後之義。父之妾無子者,亦可命 屬,二非配父之尊,但唯貴父之命故也。」又云:「案《喪 無子」者,謂舊有子今無者,若未經有子,恩慈淺,則不 妾子,爲母期矣。父卒,則皆得伸也。 貴父之命也。 傳曰:慈母者何也? 傳曰:妾之無 而言父,故言『父』也。 此謂大夫之妾也。不命,則亦服 大夫之妾子,父在爲母大功,則士之 云『貴父之命』者,一非骨肉之 〇疏曰:「傳别 爲 子 庶

> 此漢儒之誤,吾未之敢信也。」得之。 之,非立之以爲妾後也。《喪服小記》以爲「爲慈母後」, 後即後其子之受室者,此爲不同耳。」顧炎武云:「「父 則稱父妾、祖妾而已。 徐氏註云:「凡妾之有子者稱庶母、祖庶母,其無子者 嘗疑爲祖庶母後之説,陳氏註云:「若父之妾有子而子 總麻矣。」註「父卒則皆得伸」**,**謂皆得爲其母三年。 謂但使養之,不命爲母子,爲之服小功。若不慈己,則 之三年乎?」又云:「「不命則亦服庶母慈己之服」者, 麻衣縓緣,既葬除之。」父没乃大功,何有命爲母子,爲 命妾曰:女以爲子」,謂憐其無母,視之如子,長之,育 死,己命己之妾子後之亦可。 但爲庶母後即後此母,爲祖 故云『爲祖庶母可也」。」 庶母 愚

母爲長子。

〇疏云:「母爲長子,不問夫之在否。」 傳曰:何以三年也? 父之所不降,母 不敢降也。不敢降者,不敢以己尊,降祖禰之正

具有。案《雜記》云「期之喪,十一月而練,十三月而祥,十 帶,疏屨,期者: 疏衰裳 齊,牡麻經,冠布纓,削 ○疏云:「此章雖止一期,而禫、杖 杖,布

五. 月

൬

麻十五升抽其半,七升半,冠皆與衰升數同,故云「冠其 功衰十升,正服小功衰十一升,義服小功衰十二升,總 升、冠十二升。 大功衰九升、冠十一升,既葬,以其冠爲受,受衰十一 冠十升,既葬,以其冠爲受,受衰十升、冠十一升,義服 以其冠爲受,受衰十升、冠十一升,正服大功衰八升、 受,衰九升、冠十升。降服大功衰七升、冠十升,既葬, 升、冠九升; 義服齊 升,正服齊衰五升、冠八升,既葬,以其冠爲受,衰八 服齊衰四升、冠七升,既葬,以其冠爲受,衰七升、冠 無「冠布纓」。〇疏曰:「云「齊衰大功冠其受也」者,降 衰有四章,不知其冠之異同爾。 帶緣各視其冠。」問之者,斬衰有三,其冠同,今齊 大功,冠其受也。 傳 「冠其受也」。云「緦麻小功冠其衰也」者,以其降服. 喪服之内中衣緣,用布緣之。二者之布,升數多少各 曰: ·禫」,註云「此謂父在爲母」,即是此章者也。」 云『帶緣各視其冠」者,帶謂布帶象革帶者,緣 問 以其初死冠升,與既葬衰升數同,故云 曰:「何冠 衰六升、冠九升,既葬,以其冠爲 **緦麻、小功,冠其衰也** 也?」曰:「齊 緣如深衣之緣。今文 衰、

者,三年之文而已。」

絹反。 也。 比 等,「齊衰四章」,謂 擬其冠也。」按註「斬衰有三」, 疏又云: 喪服中衣用布,亦當各視其冠。 三年、杖期、不杖期、三月,凡四 指爲父、爲君、爲子之 ○緣,以

傳曰: 亦除,家 志也。 伸其 父在,爲母 私 無二尊 ○吴澄云:「夫爲妻之服既除,則子爲母之服 何以期 尊 也。 也。 也? 父必 子服

三年然

後娶,達子之

屈

也。

至尊在,不

敢

子。 爲喪主,故夫皆爲妻杖,得伸也。」 父在則爲妻不杖,以父爲之主也。 傳曰:爲妻何 主,夫人妻、大子、適婦。」父在,子爲妻以 〇疏云: 「天子以下至士庶人,父皆不爲庶子之妻 以 期 也? 妻至親 **服** 問 杖即 也。 Ĕ: 位,謂 適子, 君 庶 所

傳曰 :出妻之子爲母期,則 爲 外祖 父母

出

妻之子,爲母。

出

猶去

也

雖除,而居喪之實如故。

所

殺

也。 無 其族絶,即無旁及之服,唯母子至親,爲相連屬,故爲服 旁而及曰施。親者屬,母子至親無絶道。 妻之子爲父後者, 服 爲父後者,謂父没,適子代父承宗廟祭祀之事,故 與尊者爲一體,不敢服其 傳 티 : 絶族 無 則 施服, 爲 出 母 親 私 ○妻出 無 者 親 屬。 服 也。 則 傳 出 在 與

云

「與尊者爲一體」。

能自立 其恩猶在於子,不可以不爲之服也。」○爲,于僞反。 吴氏以「從」爲從之改嫁,顧炎武云:「「從」字句,謂年幼不 服 便是路人,子仍着服,故生「從爲」之文也。」報者,兩相爲 爲之一期,得伸禫杖。 『父卒繼母嫁』,此母已爲父服斬衰三年,恩意之極,故子 也。 《喪服》上下并記云「報」者十有二,皆無降殺之差。 父卒,繼母 ,從母而嫁也。 嫁,從爲之服, 母之義既絶於父,故不得三年; 云「從爲之服」者,以其繼母又嫁, 報。 0 疏云: 而

曰:「此章與上章,雖杖與不杖不同,其正服齊衰裳皆同五不杖,麻[屢者:此亦齊衰,言其異於上。○疏

升而冠八升,則不異也。」

祖父母。

傳曰:何以期也? 至尊也。

世父母。叔父母。

也。 世父爲小宗典宗事者也。 母、叔母,何以亦期也? 旁尊也,不足以加尊焉,故報之也。 傳曰:世父、叔父,何以 己之尊者爲一體也。 ○世、叔父與尊者 財,有餘 宫,有西宫,有南宫,有北宫,異居而 昆弟之義無分,然而有分者,則辟子之私 子首足也,夫妻胖合也,昆弟 一體也。 體也,夫妻一體也,昆弟一體也,故父 子不私其父,則不成爲子。 則歸之宗,不足則資之宗。 然則昆弟之子, 一體,於祖爲父子,於父爲兄弟,是與 以其爲旁尊,不足以加尊於人,故 資、取也。 爲姑在室亦如之。 以名服也。 期 何 也 以 四體 ? 亦 故 與 也。 期 父子 有 尊 也 故 東 者 世 百

大夫之適子,爲妻。○疏曰:「云「大夫之適即上所云「夫妻一體也」。○旁,薄浪反。牉,普半反。母本是路人,以牉合於世、叔父,故有母名,因而服之,始本是路人,以牉合於世、叔父,故有母名,因而服之,皆本是路人,以牉合於世、叔父,故有母名,因而服之,以,而祖但爲孫大功矣。下文皆廣明一體之義,且以見期,而祖但爲孫大功矣。下文皆廣明一體之義,且以見期,而祖但爲孫大功矣。下文皆廣明一體之義,且以見期,而祖但爲孫大功矣。下文皆廣明一體之義,且以見

妻大功,不知註疏何以云當杖?後,適子亦爲妻杖,亦在彼章也。」愚按下經,大夫庶子爲子爲妻』在此不杖章,則上杖章爲妻者是庶子爲妻。 父没

子爲妻皆大功,今適子爲妻期,是亦不敢降也。 之子以厭降,公之昆弟以旁尊降,爲人後者、女子子嫁 其親服服之。 杖。大夫不以尊降適婦者,重適也。 云「父在,子爲妻以杖即位,謂庶子」者,蓋士禮 敢 傳曰:何以期也? 父之所不降,子亦不 者以出降。 ·父之所不降」,謂不降在小功也,子亦不敢降。 降也。 ○案下經適婦在大功章,庶婦在小功章: 何以不杖也? 降有四品: 君、大夫以尊降,公子、大夫 父在,則爲妻不 凡不降者,謂如 前章註 也。 大夫衆 若

> 昆弟。昆,兄也。爲姊妹在室亦如之。 大夫之庶子,父在僅得服大功,何以得以杖即位乎?

爲宋子、衆子者,長子之弟、及妾子,女子在室亦如之。士謂之衆子,未能遠别也。大夫則謂之庶子,降之如之。士謂之衆子,未能遠别也。大夫則謂之庶子,降之如之。士謂之衆子,未能遠别也。大夫則謂之庶子,降之如之。

昆弟之子。

傳曰:何以期也? 報之也。《檀弓》曰:「喪

服,兄弟之子,猶子也。蓋引而進之。」

大夫之庶子爲適昆弟。 兩言之者,適子或爲

兄,或爲弟。

之所不降」者,即斬章「父爲長子」是也。云「子亦不敢庶昆弟、庶昆弟相爲,亦如大夫爲之。○疏曰:「云「父敢降也。大夫雖尊,不敢降其適,重之也。適子爲傳曰:何以期也? 父之所不降,子亦不

^{●「}註」,原作「証」,據薈要及文淵閣本改

適子爲庶昆弟、庶昆弟相爲,並大功,故註曰「如大夫爲降」者,於此服期是也。」按後經大夫爲庶子降服大功,

適孫。

期。 孫」, 適子 爲庶孫耳。孫婦亦如之,適婦在,亦爲庶孫之婦。 傳 也 子者無適 於將爲後者、非長子、皆期也。 死,則立適孫。 立 言「凡父於將爲後者,非長子,皆期也 衆子爲後,亦但爲之期。 日 「冢子,身之副貳 若長子在,則同 明此言適孫,是長子死,其適孫 者, 孫。 何 無適孫,孫 以 唐高宗有太子而復立太孫,❶非 是適孫將上爲祖後者也。 期 也? 也。 於庶孫,但 婦 家無二 不 日 亦如之。 凡 ○傳言「有適子者無適 敢 爲服 主 父」,則 降 亦無二 大功 承重者。 其 謂 長子在 周之道,適子 無適 適 士以 也。 副,故 也。 長子 祖爲之 矣。」 顧 上 ·, 則 皆· 炎 凡父 皆 有 有 註 滴 武 然 而

其繼大宗,故不以出降也。」本生父母服期,其本生父母亦報之以期者,顧炎武云:「重本生父母服期,其本生父母亦報之以期者,顧炎武云:「重為人後者爲其父母,報。○子出後於人,爲

也。 宗者,尊之統也。 矣。 宗 ? 道 以 近 祖 知父,野人曰:「父母何算 爲人後者,孰後? 貮 傳 不得後大宗。 可以絶,故族人以支子後大宗也。 所自出。 士,則知尊禰矣。大夫及學士, 也。 姓 ,始封之君。 斬 日 及始祖之所 也。」〇 而 諸侯,及其大祖。天子,及其始祖 也 : 弗别,綴之以食而 收族者、謂别親疎、序昭穆。 大宗者,尊之統 ? 何 尊者尊統上,卑者尊統 「持重於大宗」,謂 以 始祖 持重於大宗者,降其 期 由出,謂 都邑之士,則知尊禰,近政化 也? 者,感神靈 大宗者,收族者也,不 弗殊, 後大宗也。 祭天也。 不 也。 既爲大宗服 而生,若稷契也。 雖百 貮 斬 禽獸 上,猶遠 《大傳》曰:「繫之 焉 世 也 婚姻不通 _! 曷爲後大 重服・ 則 知 小宗也。 也; 下。 都 知尊 何 母 也。 也。 適 邑 以 者,周 下, 自 而 之 之 祖 不 大 由

❶「立」,原脱,據《日知録》補。

後大宗,以其自當主小宗之事故也 尊貴之統緒也。凡爲大宗,皆以收合族人,使不乖睽 者近,大夫、士是也。 尊統所及者遠,天子、 宗者尊之統」,謂其爲族 也,故不可以絶。 故爲之後者,即降其本宗。 適子不得 上下雖不同,凡爲大宗,則其族 諸侯是也, 爵卑者,其尊 中尊貴之統緒也。 爵尊者 統 所 中 及 其

父後者。 女子子適人者,爲其父、母、昆弟之爲

者,不自絕於其族類也。 從其教令。 外,必有歸宗,曰「小宗」,故服 之爲父後者,何以亦期 「不貳天」也,婦人不能貳尊也。爲昆 者,妻之天也。「婦人不貳斬」者,猶 夫, 夫死,從子。故父者,子之天也, 無 婦人不貳斬者何也? 婦人有三從之義, 傳曰:爲父何以 專用之道,故未嫁,從父,既嫁,從 歸宗者,父雖卒,猶自歸宗。 期 「日小宗」者,言是乃小宗也。 也? 婦人不貳 也? 婦人雖 期 其爲父後服重 也。 斬 從者 也。 夫 在 弟 日

> 内則依其月算,爲之齊衰。 卑服之,無所加减。大宗則五服外皆爲齊衰三月,五 母一、昆弟爲父後者一。 人,爲其私親皆降一等,於兄弟之爲父後者,則不降也 宗、繼禰之宗。丈夫、婦人爲四等小宗各如其親疎、尊 註「小宗有四」者,謂繼高祖之宗、繼曾祖之宗、繼祖之 宗,此昆弟之爲父後者,即繼禰之小宗,故爲之服期 親之服,避大宗。 小宗明非 繼父同居者 也。 小宗有四,丈夫婦人之爲小宗,各如其 〇出嫁之女,爲本宗期者三:父一、 婦人雖已嫁在外,必有所歸之 故云「辟大宗也」。 女子 也 服

居。 焉,若是,則繼父之道也。 者,亦無大功之親,所適者,以其貨財 幼。子無大功之親,與之適人,而所適 居,然後爲異居,未 衰期, 異居,則服齊衰三月也。必 爲之築宫廟,歲時使之祀焉,妻不 傳曰:何以期也? 妻稺,謂年未滿五十。 傳曰: 夫死,妻稺,子 嘗同 子幼, 居,則 謂年十五已下。 同居,則 不 爲 嘗 服 敢 異 口 齊 與 子

不散非族。 具,是未嘗同居,全不爲服。 即爲異居,乃爲齊衰三月。 然後爲異居」者,前時三者具,爲同居,後三者一事闕, 無大功之親,謂同財者也。 此以恩服爾,未嘗同居,則不服之。○「必嘗同 妻不敢與焉,恩雖至親,族已絶矣,天不可 若初往繼父家時,三者即不 爲之築宫廟於家門之外,神 ○適,施隻反。 居

爲夫之君。

傳曰:何以期也? 從服也。○從失而服也。 姑、姊妹、女子子,適人、無主者,姑姊

妹報。

也。 期也? 兄弟報,女子子不言報者,爲父母自然猶期,不須言報 功,以其無祭主,不忍降,還爲之期。其姑、姊妹亦爲姪 哀憐,不忍降之。○姑、姊妹、女子子已適人,應降服大 傳曰:無主者,謂其無祭主者也。 爲其無祭主故也。無主後者,人之所 何以

傳 爲君之父、母、妻、長子、祖父母。 何以 期也? 從服也。父、母、長

> 乃具。按此經所言君之父、祖、皆未嘗爲君者。若已爲 則父在,欲言期,復無主。 父有廢疾,不任國政,不任喪事,而有祖喪,欲言三年, 其臣從服,爲之期也。疏又載:趙商問:「己爲諸侯 於曾祖,故身已爲君,而又有父若祖之喪,皆爲之三年。 而受國於祖,或祖有廢疾不立,父宜立而又早卒,受國 ○註言繼體之君容有祖、父之喪者,謂父有廢疾不立. 父卒者,父爲君之孫,宜嗣位而早卒,今君受國於曾祖。 謂始封之君也。若是繼體,則其父若祖有廢疾不立。 爲祖後者服 子,君服 曰:「天子、諸侯之喪,皆服斬,無期。」彼志與此註相 ,則嗣立者不得稱君,而臣亦不敢僅爲之期矣。 斬。 斬。 妻,則 此爲君矣,而有父若祖之喪者 小 其制度、年月如何?」答 君也。 父卒,然後

> > 245

妾爲女君。

君

之則重,降之則嫌。〇註 事舅姑,等。女君,君適妻也。 傳曰:何以期也? 無服之故。 嫌,謂嫌若姑爲婦降服 「報之則重」二句,解女君於妾 妾之事女君,與婦之 也 女君於妾無服,報

婦爲舅姑

二八

夫之昆弟之子。男女皆是。傳曰:何以期也? 從服也。

傳曰:何以期也? 報之也。夫之昆弟之子。男女皆是。

公妾、大夫之妾,爲其子。

伸遂而服期也。」 轉對: 何以期也? 妾不得體君,故自爲其子得 要體君,亦從夫而降。妾賤,不得體君,故自爲其子得 也。○疏云:「諸侯爲衆子無服,大夫爲衆子大功。其 君與君一體,唯爲長子三年,其餘以尊降之,與妾子同 君與君一體,唯爲長子三年,其餘以尊降之,與妾子同 君與君一體,唯爲長子三年,其餘以尊降之,與妾子同 君與君一體,唯爲長子三年,其餘以尊降之,與妾子同 君與君一體,唯爲長子三年,其餘以尊降之,與妾子同 君與君一體,唯爲長子三年,其餘以尊降之,與妾子同 君與君一體,唯爲長子三年,其餘以尊降之,與妾子同

傳互言之,欲見在室、出嫁同不降。」之女,可降旁親。祖父母正期,故不降也。」又云:「經在室,傳似已嫁,明雖有出道,猶不降。○疏云:「已嫁傳曰:何以期也? 不敢降其祖也。經似女子子,爲祖父母。

夫命婦者,唯子不報。命者,加爵服之名,自士至弟,昆弟之子,姑姊妹女子子無主者、爲大大夫之子,爲世父母,叔父母,子,昆

〇「其有祭主者如衆人」,

謂亦服大功。

尊與己同,故不降。「唯子不報」者,子爲父母三年,女子 親一等。此十二人,皆合降至大功,以其爲大夫、爲命婦 者,凡六命夫、六命婦。○大夫之子,得行大夫禮 適人自當服期,不得言「報」,餘人則皆報也 上公,凡九等。 功也。夫尊於朝, 姊妹女子子,既已出降大功,其適士者,又以尊降在小姊妹女子子,既已出降大功,其適士者,又以尊称之。 女子子,似失之矣。大夫曷爲不降命婦? 有祭主者,如衆人。 矣。無主者,命婦之無祭主,謂姑姊妹女子子也。 曷爲不降命婦也? 夫尊於朝,妻貴於室 者,命婦之無祭主者也。何以言「唯子不 傳曰:大夫者,其男子之爲大夫 也? 父之所不降,子亦不敢降也。大夫 言「不報」也,言其餘皆報 報」也? 女子子適人者,爲其父母期,故 命婦者,其婦人之爲大夫妻者也。 君命其夫,則后夫人亦命其妻矣。 唯子不報,男女同不報爾。 與己同; 婦貴於室, 也。 從 據大夫於姑 何 夫 者 降其旁 此所 傳 以 爵 無 唯 也 也 主 期 其 爲

大夫爲祖父母、適孫爲士者。

適 傳 也。不敢降其祖與適,則可降其旁親 日 何以 期 也? 大夫不敢降 也 其 祖 與

公妾、以及士妾,爲其父母。○自公妾及

士妾,中包孤、卿、大夫之妾。

父母。 自服其父母、故以明之。 秋》之義,雖爲天王后,猶曰「吾季姜」,是言子尊不加於 父母遂也。 傳曰:何以期也? 妾不得體君,得爲其 此傳似誤矣。禮妾從女君而服其黨服,是嫌不 然則女君有以尊降其父母者與?

也。 皆因葬、練、祥乃行,此至葬後即除,故無變服之理。 服 言月數,大夫、士三月葬,故以三月爲主。 而除,不以輕服受之。不著月數者,天子諸侯葬異月 《小記》曰:「齊衰三月,與大功同者繩屨。」○凡受服 疏衰裳齊,牡麻絰,無受者:無受者, 雖不 服 是

以 傳曰: 寄公者何也? 爲所寓服齊衰三月也? 寄公,爲所寓。寓,亦寄也。爲所寄之國君服 失地之君也。 言與民同 也。 何

> 又更服之,既葬而除之。 諸侯五月而葬,而服齊衰三月者,三月而藏其服,至葬

遷,所謂大宗也 人,女子子在室,及嫁歸宗者也。宗子,繼别之後,百世不 丈夫、婦人,爲宗子、宗子之母、妻。

婦

服; 既爲君,次子慶父、叔牙、季友等爲别子,後皆各爲其家 以爲宗子母在,則其妻不得與祭、燕食族人,故不爲 族人於堂,其母、妻亦燕食族人之婦於房,皆序以昭穆 祖之義也。」疏云:「必爲宗子母、妻服者,以宗子燕食 之祖,其世世嫡長,是謂「大宗」也。 國君太子嗣爲國君,其次子即是别子,如魯桓公太子同 顧炎武云「家無二主」也 故族人爲之服也。」宗子母在則不爲宗子之妻服者, 疏 記》云:别子爲祖,繼别爲大宗。别子謂始有家者也。 之母在,則不爲宗子之妻服也。○《喪服小 尊祖故敬宗,敬宗者,尊祖之義也。 宗子 傳曰:何以服齊衰三月也? 尊祖也。 必待其母七十以上,宗子妻得與祭,乃爲之服也 故曰:「敬宗者,尊

爲舊君、君之母、妻。

也。 若有廢疾而致仕者也。爲小君服者,恩深於民 者 傳 也。 曰 君之母妻,則小君也。 何以 舊 服齊衰三月也? 君」者,孰 謂 也 仕焉而已者,謂 ? 言與 仕 焉 民 而 百 老・ E

者。天子畿内之民,服天子亦如之。 庶人爲國君。不言民而言庶人,庶人或有在官

舊君服。」 传,不反服」,以其尊卑不敵。若然,其君尊卑敵,乃反服 传,不反服」,以其尊卑不敵。若然,其君尊卑敵,乃反服 者,案《雜記》云『違諸侯,之大夫,不反服,違大夫,之諸 者,案《雜記》云『違諸侯,之大夫,不反服,違大夫,之諸 大夫在外,其妻、長子,爲舊國君。在外,

無服。 信曰:何以服齊衰三月也? 妻,言與民情曰:何以服齊衰三月也? 妻雖從夫而出,古者同也。長子,言未去也。妻雖從夫而出,古者

曾祖父母。繼父不同居者。當同居,今不同

也。 皆有小功之差,則曾孫玄孫爲之服 傳 尊尊也。 之服也。不敢以兄弟之服,服至尊也。正 言小功者,服之數,盡於五,則高祖宜緦麻,曾祖宜 日 據祖期,則曾祖大功,高祖宜 : 何以 减其日月,恩殺也 齊衰三月也? 小功也。 同 小 也。 功者,兄弟 高祖、曾 重 其 衰 小功功

大夫爲宗子,

傳曰:何以服齊衰三月也? 大夫不敢

降其宗也。

舊君,大夫待放未去者

也? 傳 其身已去,其子尚在本國者也, 及其母、妻,此昔仕今已,在其故國者也, 月也,言與民同也。 於國,妻子自若民也。 從,待放於郊。 其以道去君 曰:大夫爲 大夫去,君埽其宗廟 未絕者,言爵禄尚有列於朝,出 而猶未絶 舊君, 〇此 何大夫之謂乎? 章言爲舊君者三: 也。 何 此言舊君,則大夫去而 以 以道去君 故 服 齊 服 大夫在外,此 ,謂三諫不 衰 齊 爲舊 衰三 有 月 君 詔

國」,疏以爲「兄弟、宗族猶存,吉凶書信相告不絶」。 爲之祭祀。 未絶、孟子所謂「三有禮」者也。「埽其宗廟」,謂使宗族 「爵禄有列」,謂舊位仍在。「出入有詔 於

曾祖父母爲士者,如衆人。

其祖也。 傳曰:何以 ○按此上三節,並承「大夫爲」三字。 齊衰三月也? 大夫不敢降

也。 其成人而未嫁者也。 傳曰:嫁者,其嫁於大夫者也。未嫁者, 不敢降其 成人謂年二十、已笄醴者也。此者不降,明有 女子子嫁者、未嫁者,爲曾祖父母。 也。言嫁於大夫者,明雖尊猶不降 何以服齊衰三月? 所

小功者用功細 衰七升、冠十升。」功謂人功,用灰鍜治。大功者用功麤, 其鍜治之功,麤沽之。○此降服大功。疏云: 大功布衰裳、牡麻経、無受者:大功布 降服 大功 者

死,可哀殤者。 子女子子之長殤中殤。殤者,男女未冠笄而 女子子許嫁,不爲殤也。 〇疏云:「兄弟之

紏

子,亦同此。」

之,小功以下初即 以兼男女。又云女子子者,殊之以子,關適庶也。 哭之而已。爲昆弟之子女子子,亦如之。凡言子者,可 帶。」以日易月,謂生一月者哭之一日也。 垂,至成服亦不絞,以其未成人也。 喪至小斂,大功以上皆散其麻帶之垂者,至成服 不樛垂者,不絞其帶之垂者。《雜記》曰:「大功以上散 故子生三月,則父名之,死則哭之,未名 殤,以日易月,以日易月之殤,殤而無服 不滿八歲以下,皆爲無服之殤。 至十二,爲中殤,十一至八歲,爲下殤, 成人也。年十九至十六,爲長殤, 者,其文不縟。故殤之経,不樛垂,蓋未 無受也? 傳曰:何以大功也? 未成人也。 則不哭也。縟猶數也,其文數者,謂變除之節也 反 喪成人者,其文縟,喪未成 絞之。 此殤大功,亦于小斂 ○縟音辱。 殤而無服者. 無 十五 何以 服之 八凡 乃絞 人

<u>=</u>

大夫之庶子,爲適昆弟之長殤中殤。女子子之長殤中殤。 適孫之長殤中殤。 考之昆弟之子殤。 昆弟之長殤中殤。 大之昆弟之子

夫之適子皆是成人斬衰,以其殤,並人大功。 子亦如之。○自叔父至適昆弟皆是成人齊衰期,公與大殤中殤。公,君也。諸侯大夫不降適殤者,重適也。天公爲適子之長殤中殤。 大夫爲適子之長

不纓絰。絰有纓者,爲其重也。自大功已上絰有纓,以其長殤,皆九月,纓絰,其中殤,七月,

一條繩爲之。小功已下,絰無纓也。

受以 侯無大功,主於大夫士也。 於國君者,非 諸侯卿大夫既虞、士卒哭,而受服。 ,此自以 小功衰,即葛,九月者。受,猶承也。 大功布衰裳,牡麻 三月受服,同於大夫、士也 内喪 也。 〇非 内喪,則彼國 此雖有君爲姑姊妹女子子嫁 絰纓,布帶,三月; 正言三月者,天子諸· 自 於五月葬後受 凡天子

傳曰:大功布,九升,小功布,十一升。此

受之下也,以發傳者,明受盡於此也。又受麻經以葛 受之下也,以發傳者,明受盡於此也。

姑姊妹女子子適人者。

自爲之禫杖期,故於此從薄也。 有受我而厚之者。○此等並是本期,今降大功,以其夫傳曰:何以大功也? 出也。出必降之者,蓋

從父昆弟。世父叔父之子也。其姊妹在室,亦

如之。

爲人後者,爲其昆弟。

弟也。○疏曰:「若然,於本宗餘親,皆降一等。」傳曰:何以大功也? 爲人後者,降其昆

庶孫。男女皆是。下殤小功章曰「爲姪庶孫,丈

夫婦人」同。

適婦。適婦,適子之妻。

傳曰:何以大功也? 不降其適也。婦言

適者,從夫名。

女子子適人者,爲衆昆弟。父在則同,父

没,乃爲父後者服期也。

姪丈夫婦人,報。爲姪男女服同。

姪。○此名對姑生稱,若對世、叔,唯得言昆弟之子,傳曰:姪者何也? 謂吾姑者,吾謂之

不得名姪。

夫之祖父母、世父母、叔父母。

之昆弟,何以無服也? 其夫屬乎父道傳曰:何以大功也? 從服也。夫

母乎? 故名者,人治之大者也,可無慎婦道也。謂弟之妻婦者,是姣亦可謂之

者,妻皆母道也;其夫屬乎子道者,妻皆

乎? 男女有别。」〇婦人與夫之昆弟不相爲服,常情所疑,故 母兄弟夫婦之理,人倫之大者,可不慎乎!《大傳》 男女之别爾。若己以母婦之服服兄弟之妻,兄弟之妻 之,嫌之故遠之,而大爲之坊,不獨以其名也。 嚴之、卑遠之爾。 傳於此發之,以爲從父之妻可名爲母,從子之妻可名爲 以舅子之服服己,則是亂昭穆之序也。 婦,嫂者,尊嚴之稱,姣,猶叟也,叟,老人稱也,是爲序 兄弟之妻不爲制服者,以其分親而年相亞,故聖人嫌 謂之母,是路人也。路人而復爲之服,近於亂矣。 婦,故可相與爲服。若弟之妻不可謂之婦,兄之妻不可 曰:「同姓從宗,合族屬。 於娣姒,而斷其義於兄弟,聖人之所以處此者,精矣!」 而遠之、塞亂源也。其謂之姣、謂之婦者、立此名以尊 大夫爲世父母、叔父母、子、昆弟、昆弟 道,猶行也。 顧炎武曰:「外親之同爨猶恕 謂弟之妻爲婦者,卑遠之,故謂之 異姓主名,治際會。 治,猶理也。父 名著而 存其恩 而

之子爲士者。子謂庶子。

則得服其親服。尊同,謂亦爲大夫者。親服,期。傳曰:何以大功也? 尊不同也。尊同

父卒也。大夫之庶子,繼父而言,又大夫卒,子爲母妻得 皆得伸,今爲母但大功,明妾子自爲己母也 伸,今但大功,故知父在也。於適妻,君大夫自不降,其子 而言弟, 又公子父在爲母妻,在五服之外,今服大功,故知 或爲母,謂妾子也。○疏云:「若云公子,是父在,今繼兄 ,公之庶昆弟,則父卒也。大夫之庶子,則父在也。 昆弟、大夫之庶 子,爲 母、 妻、 其 昆

夫而 以上而同之。父所不降,謂適也。 不得過大功也。大夫之庶子,則從乎大 傳曰:何以大功也? 先君餘尊之所厭 言從乎大夫而降,則於父卒如國人也。 「昆弟」二字,舊在傳後,鄭君始移在傳前,與母、妻合 舊讀「昆弟」在下,其於厭降之義,宜蒙此傳也,是 降也。 父之所不降,子亦 ○據註及疏,此經文 不敢降也。 昆弟,庶昆弟

子」之下,則是二人爲此「從父昆弟之爲大夫者」,以其二 之, 亦如之。 互相爲服,尊同 皆爲其從父昆弟之爲大夫者,皆者,言其 〇疏曰:「此文承上「公之庶昆弟、大夫之庶 則不相降,其爲士者,降在小功。 適子爲

> 士者」,從父昆弟之爲士者也。「適子爲之,亦如之」,明不. 特大夫之庶子不爲之降也,此又依經推言之。 弟、大夫庶子並然也,註以互相爲釋之,恐未當。 人爲父所厭,降親,今此從父昆弟爲大夫,故 .服大功,依本服也。」愚謂經文「皆」字,謂上文公庶 此二人不降 其 爲 昆

而

世叔母爲之服,在家期,出嫁大功。」 女子子也。不言女子子者,因出,見恩疏。 爲夫之昆弟之婦人子適人者。婦人子者, ○疏云:「此謂

叔父母、姑、姊妹。舊讀合「大夫之妾,爲君之庶子、 ^{衆子亦期。}女子子嫁者、未嫁者,爲世父母、 女子子嫁者、未嫁者」,言大夫之妾爲此三人之服也。 長子亦三年。自爲其子期,異於女君也。士之妾,爲君之 也? 妾爲君之黨服,得與女君同。」指爲此也。妾爲君 父母姑姊妹者,謂妾自服其私親也。此不 之黨服,得與女君同。下言爲世父母叔 傳曰:嫁者其嫁於大夫者也,未嫁者,成 人而未嫁者也。 大夫之妾,爲君之庶子、下傳曰:「 何以大功也? 妾爲 何 以 大功 之

文甚協,鄭君必欲破之,不知何故。且女子未嫁而逆降道,降旁親,及將出者,明當及時也。○愚按舊讀與傳服,得與女君同」,文爛在下爾。女子子成人者,有出同,足以見之矣。傳所云「何以大功也? 妾爲君之黨三月章曰:「女子子嫁者未嫁者,爲曾祖父母。」經與此經,即實爲妾遂自服其私親,當言「其」以見之。齊衰辭。即實爲妾遂自服其私親,當言「其」以見之。齊衰

旁親,於義亦自可疑,兩存其説可也

大夫、大夫之妻、大夫之子、公之昆弟, 后, 古, 故亦不降, 依嫁服大功。」 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大功也。」又云:「大夫妻爲夫之姑姊妹在室及嫁,皆小 大方也。」又云:「大夫、大夫之妻 大方之妻,又降在總麻。今在大功科中者,此命 時爲本親姑、姊、妹、己之女子子也。」又云:「國君絕期已 時爲本親姑、姊、妹、己之女子子也。」又云:「國君絕期已 中,今爲尊同,故亦不降,依嫁服大功。」

得禰先君。公子之子稱公孫,公孫不得得服其親服。諸侯之子稱公子,公子不傳曰:何以大功也? 尊同也。尊同則

弟。 説此義云。○疏云:「諸侯絶旁期,大夫降一等,今此 服,後世遷之,乃毀其廟爾。因國君以尊降其親,故終 封之君,不得祀别子也。公子若在高祖以下,則如其 得祖」者,不得立其廟而祭之也。卿大夫以下,祭其祖 不祖公子。此自尊别於卑者也。是故始 子孫,有封爲國君者,則世世祖是人也, 祖,所謂「别子」也。公子之後有封爲諸侯者,則其子孫 立廟,故云「不得」也。其後子孫,自以此公子、公孫爲 支庶,不稱諸侯子,變名「公子」,卑遠之也。 「不得禰」、 之子稱公子」已下,因尊同遂廣説尊不同之義也。 大功所以亦爲服者,各自以其尊同,故服之也。」「諸侯 禰,則世世祖是人,不得祖公子者,後世爲君者,祖此受 諸父而臣昆弟,封君之孫,盡臣諸父昆 封之君,不臣諸父昆弟,封君之子,不臣 祖諸侯。 「不得祖」者,以其廟已有適子爲君者立之,支庶不得 君之所不服,子亦不敢服也。「不得禰」、「不 故君之所爲服,子亦不敢不服也, 此自卑别於尊者也。若公子之 諸侯 並 親

者則不爲之服也。 也。下言有不臣者,有臣者,其不臣者則爲之服;其臣卑之别也。自,由也,由其位之或卑或尊,❶各自爲别以此始封之君爲祖,不以公子爲祖。凡此者皆以著尊以此始封之君爲祖,不以公子爲祖。凡此者皆以著尊

知。 繐。 少 縷如小功,而成布四升半,細其縷者,以恩輕也。 傳曰:總衰者何? 者,以服至尊 繐衰裳,牡麻絰,既葬除之者。 〇疏云:「傳云「小功之繐」,則帶、 也。 凡布細而疏者謂之繐,今南陽有鄧 以小功之繐也。 屨亦同 小 升數 治其 功 可

諸侯之大夫,爲天子。

來會葬,其從行者或亦然。 夫來見天子,適有天子之喪,則其服如此。愚意諸侯若於天子而服之,則其士庶民不服可知。○謂諸侯使大族民乎 天子。接猶會也。諸侯之大夫,以時會見接見乎 天子。接猶會也。諸侯之大夫,以時

不絶其本,屈而反以報之。」〇大功已上,經帶有本,小功治去莩垢,不絶其本也。《小記》曰:「下殤小功,帶澡麻,小功布衰裳,澡麻帶經,五月者。澡者,

又云:「此亦無受。」〇莩音敷。 以下斷本。此殤小功重於成人小功,故帶不絶本,與大功以下斷本。此殤小功重於成人小功,故帶不絶本者同。疏曰:「「屈而反以報之」者,謂先以一股麻不絶本者以下斷本。此殤小功重於成人小功,故帶不絶本,與大功以下斷本。此殤小功重於成人小功,故帶不絕本,與大功以下斷本。此殤小功重於成人小功,故帶不絕本,與大功

人也。大功之殤中從上,則齊衰之殤,亦中從上也。此據從父昆弟之下殤在緦麻也。大功小功,皆謂服其成之殤,中從上,小功之殤,中從下。問者,傳曰:問者曰:中殤何以不見也? 大功

者皆當以此例求之。此男子服殤者之法;若婦人爲夫 同,成人當服小功者,其中殤與下殤同。凡不見於經 不見中殤,故發此問。成人當服大功者,其中殤與長殤 此章有從父昆弟之長殤,總麻章有從父昆弟之下殤 主謂丈夫之爲殤者服 也。凡不見者,以此求之也。

爲夫之叔父之長殤。不見中殤者,中從下

族服殤法,又在後緦麻傳也。

也。

子之下殤。○此皆成人爲之齊衰期者。 昆弟之子女子子、夫之昆弟之子女子

兩

爲姪、庶孫丈夫婦人之長殤。〇姑爲姪,

祖爲庶孫,皆成人大功

長殤」,則知公之昆弟猶大夫。○疏云:「此三人爲此六種 不言「庶」者,關適子亦服此殤也。云「公之昆弟爲庶子之 長殤小功、謂爲士者、若不仕者也。以此知爲大夫無殤服 人,成人以尊降至大功,故長殤小功,中亦從上。」 庶子、姑、姊妹、女子子之長殤。 大夫爲昆弟之 公之昆弟不言「庶」者,此無服,無所見也。大夫之子 大夫、公之昆弟、大夫之子,爲其昆弟、

> 云:「妾爲君之庶子,成人在大功,今長殤在小功。」 大夫之妾,爲庶子之長殤。
> 君之庶子。

疏

以下,吉屨無約也 月也。《間傳》曰:「小功之葛,與緦之麻同。」舊説:小功 即,就也。小功輕,三月變麻,因故衰,以就葛絰帶,而五 小功布衰裳、牡麻絰、即葛、五月者。

祖父母者,是從祖祖父之子,父之從父昆弟。報者,恩輕 之親。〇疏云:「從祖祖父母,是曾祖之子,祖之兄弟。 相爲服。」 從祖祖父母、從祖父母,報。 祖父之昆弟

從祖昆弟。父之從父昆弟之子。 〇疏云:「此

是從祖父之子,己之再從兄弟。」

與在室,皆小功,以姊妹既逆降,❶宗族亦逆降報之。 也 可疑,當通下文「孫適人者」爲一節,皆爲出 從父姊妹、父之昆弟之女。○疏云:不言 適而 降小功 此説 出 適

孫適人者。孫者,子之子。 女孫在室,亦大功

0 妹」,原脱,據文淵閣本補。

也。

爲 人後者爲其姊妹適人者。 不言姑者,舉

其親者,而恩輕者降可知。

爲外祖父母。

何以 小 功也? 以尊 加 也

云: 「云 「丈夫、婦人」者,馬氏云: 「從母報姊妹之子男女 從母,丈夫婦 人報。 從母,母之姊妹。 疏

也。」

明小功之爲加重也。 之服,皆緦 人,姊妹之子,男女同。 傳曰:何以小功也? 以名 也。 外親,異姓,正 有母名,故加之。 ○傳云:「外親之服皆緦」者 服不過緦。 加也。 丈夫婦 外親

夫之姑、姊妹,娣 姒 婦,報。 夫之姑 、姊妹

妹。」

不殊在室及嫁者,因恩輕,略從降

焉。 也? 婦 傳 娣 日 娣姒婦者,兄弟之妻相名也。 婦謂長婦爲姒婦。 以爲 娣 姒 相 婦 與居 者,弟 ○經言婦與夫之姑、姊妹相 室中,則 長 也。 長婦謂 生 何 小 以 7 解婦 功 小 之 爲 親 功 娣 爲

兼姑、姊、娣、姒等也

服

,傳則單言二婦相爲服,

然所謂

相

與居室中」者,實

弟、庶孫、姑姊妹女子子適士者。從父昆弟及 大夫、大夫之子、公之昆弟,爲從父昆

庶孫,亦謂爲士者。○從父昆弟、庶孫本大功,此降小功

故註謂爲士者,以尊降也。

子也。 云:「此『適人者』,謂適士也。」 大夫之妾,爲庶子適人者。 庶女子子,在室大功; 其嫁於大夫,亦大功。 君之庶子 女子

庶婦。夫將不受重者。

母,君母之姊妹。〇疏云:「此謂妾子爲適母之父母及姊 君母之父母、從母。 君母,父之適妻也。 從

傳曰: 輕 從服 也。 凡庶子爲君母,如適子。 君母 何以小功也? 不 在 則 不服 君母 不敢不服者 在,則不敢

公子之適妻子。 君子子,爲庶母慈己者。君子子者,大夫及

傳 服,士妻自養其子,故註知爲大夫、公子之適妻子也 之外,又有食子者,不與慈母同類也。 也。 則不服」,謂不服其加服,仍爲服總,以此慈母本庶母 妻自養其子。」〇加,謂於緦麻上加至小功也。註「父没 使食子,三年而出,見於公宮,則劬」,非慈母也。「士之 中,服之可知也。「國君世子生,卜士之妻、大夫之妾, 此之謂也。其不慈己,則緦可矣。 人無事不往。」又曰:「大夫之子有食母。」庶母慈己者: 者,使爲子師,其次爲慈母,其次爲保母,皆居子室,他 擇於諸母與可者,必求其寬裕慈惠温良恭敬慎而寡言 以士禮爲庶母緦也。《内則》曰:「異爲孺子室於宫中, 則父在也。 何 亦得立三母耳。又言士妻、大夫妾,是國君養子於三母 以小 日 引《内則》國君養子之法,證大夫、公子之適妻子, : 功也? 君子子者,貴人之子 父没則不服之矣。以慈己加,則君子子亦 以慈己加也。云「君子子」者 不言師保,慈母居 國君子於三母 也。 爲 庶 母 無

以澡治莩垢之麻爲絰帶,故曰緦麻。」言衰絰,略輕服,省文。○疏云:「以緦如絲者爲衰裳,又言衰絰,略輕服,省文。○疏云:「以緦如絲者爲衰裳,又

而疎・。 傳 記》曰: 或曰有絲。 無 事 日 其布 : 總冠澡纓。」❶○縷細如 緦 事,鍜治之事,治其縷,不治其布也。 朝服用布,何衰用絲乎? 者, 日 緦。 十五 謂之緦者,治其 升抽 其 朝服,而數則半之,細 半, 抽猶去也。 縷,細 有 事 如絲 澡纓者 其 縷, 《雜 也

以澡治之布爲冠纓也

母。 世,旁亦四世。 屬。」又云:「此『四緦麻』,與己同出高祖,已上至高祖 弟者,己之三從兄弟也:皆名爲族,族,屬 之祖父從父昆弟也, 族父母者, 己之父從祖昆弟也, 族昆 也。族曾祖父母者,己之曾祖親兄弟也,族祖父母者,己 記・大傳》云: 「四世而總、服之窮也。」名爲 父者,亦高祖之孫,則高祖有服明矣。 族曾祖父母。 ○族昆弟。 旁四世既有服,於高祖有服明矣。」 族曾祖父者,曾祖昆弟之親也,族祖 族祖 一父母。 〇疏曰:「此即 也,骨肉 『四緦麻』者 〇族父 相・ 爲 《禮 四 連•

功。其殤中從上,此當爲下殤,言「中殤」者,字之誤爾。庶孫之婦。庶孫之中殤。庶孫者,成人大

❶ 「澡」, 薈要本作「繰」。

四〇

婦緦,是其差也。」其適子之婦大功,庶子之婦小功,適孫之婦小功,庶孫之又諸言「中」者,皆連上下也。○疏曰:「庶孫之婦緦者,以

昆弟之長殤。不見中殤,中從下。〇此皆本服小功,從祖姑姊妹適人者,報。從祖父從祖

以或出適,或長殤,降一等。

外孫。女子子之子。

下殤。言中殤者,中從下。〇此皆成人大功,大功中殤從父昆弟姪之下殤。 夫之叔父之中殤

從下,婦人服夫族殤法也。

專目:可从思见? 專目:具算資為庶子爲父後者,爲其母。從母之長殤,報。○從母成人小功。

也? 體 言庶子爲母大功及三年者,皆謂不承後者。若承後,則 卒,庶子爲母三年。 祭,因是以服緦也。君卒,庶子爲母大功。 傳 ,不敢服 有死於宫中者,則爲之三月不 何以 其 緦 私 也? 士雖在,庶子爲母皆如衆人。 親 也。 傳 曰 : 然 則 與 何 尊 者 以 服 爲 ○註 大夫 舉 緦

皆總。 士在庶子爲母如衆人,謂亦齊衰期也。 士卑無

士,爲庶母。

厭,故如衆人也。

傳曰:何以緦也? 以名服也。大夫以

上,爲庶母無服。

貴賤而爲之服。貴臣,室老士也。貴妾,姪娣也。天子諸貴臣。 貴妾。此謂公士大夫之君也,殊其臣妾

則爲之緦,無子則已。

侯,降其臣妾,無服,

士卑無臣,則士妾又賤,不足殊,有子

傳曰: 通。 夫以上,爲庶母無服, 此殆承上「士爲庶母」之文,言士禮耳。 何以 緦 也? 而服 以 其貴臣、貴妾、於義 其 貴 也。 ○愚按: 其 私 似 難 屬 大 强

可謂之臣,妾之有子者即貴者也。

乳母。

謂養子者有他故,賤者待之慈己。

傳曰:何以緦也? 以名服也。

從祖昆弟之子。族父母爲之服。○與其父同

曾祖、爲其子服緦。

曾孫。孫之子。

父之姑。歸孫爲祖父之姊妹。○《爾雅》云:「女

子謂昆弟之子爲姪、謂姪之子爲歸孫。」

從母昆弟。

傳曰:何以緦也? 以名服也。

甥。 姊妹之子。

傳 曰: 甥者何也? 謂吾舅者,吾謂之

甥。 何以緦也? 報之也。○甥既服舅以緦

舅亦報甥以緦也

壻。女子子之夫也。

傳曰:何以緦? 報之也。 ○壻既從妻而服妻

之父母,妻之父母遂報之服,

妻之父母。

傳曰:何以緦? 從服也。從於妻而服之。

姑之子。外兄弟也。

傳曰:何以緦? 報之也。 〇姑之子既爲舅之

子服,舅之子亦爲姑之子服也

舅。母之兄弟。

傳曰:何以緦? 從服也。從於母而服之。

舅之子。内兄弟也。

傳曰:何以緦? 從服也。○從服者,亦從於

母而服之。

夫之姑姊妹之長殤。○婦人爲夫之姑姊妹.

成人小功。

之婦無服,而云報乎? 功從祖祖父母、外祖父母。或曰:曾祖父母。曾祖於曾孫 夫之諸祖父母,報。 曾祖父母,正服小功,妻從 諸祖父母者,夫之所爲小·

君母之昆弟。

○或以諸祖爲有曾祖,故鄭破其非。

傳曰:何以緦? 從服也。從於君母而服

也。君母在,則不敢不服,君母卒,則不服也

殤。爲夫之從父昆弟之妻。○二長殤,本服皆小 從父昆弟之子之長殤。 昆弟之孫之長

功。夫之從父昆弟之妻,同堂娣姒也,降於親娣姒。

傳曰:何以緦也? 以爲 相與同室,則生

緦之親焉。長殤中殤降一等,下殤降二

<u>р</u>ц

服

主謂妻爲夫之親服也。凡不見者,以此求之。 人也。大功之殤中從下,則小功之殤亦中從下也。此下。同室者,不如居室之親也。齊衰大功,皆明其成等。齊衰之殤,中從上,大功之殤,中從

ic

奪其恩也。 縓緣。」諸侯之妾子,厭於父,爲母不得伸, 而麻衣縓緣,三年練之受飾也。 也。《詩》云: 麻之絰帶也。 之。公子,君之庶子也。 其妻,縓冠,葛絰帶,麻衣縓 公子爲其母,練冠,麻,麻衣縓緣; 爲妻縓冠葛經帶,妻輕。 「麻衣如雪。」縓,淺絳也,一染謂之縓。 此麻衣者,如小功布,深衣,爲不制衰裳,變 其或爲母,謂妾子也。 《檀弓》曰:「練,練衣黄裏 緣。 權爲制此服,不 皆既葬除 麻者,緦 練冠 爲

傳 視大夫,皆三月而葬。 所爲服,謂夫人與適婦 不 不服,子亦不敢服 敢不服也。 何以不在 君之所不服,謂妾與庶婦也。 五服之中也? 也。 也。 諸侯之妾,貴者視卿,賤者 君之所爲 服,子亦 君之所 君之

一等。兄弟,猶言族親也。凡不見者,以此求之也。 大夫、公之昆弟、大夫之子,於兄弟降

事,本親不爲降服,故云「報」,明兩相爲服,皆降也。除。○註所謂「宗子」,指爲人後者,恐人疑人繼大宗主宗後之兄弟之子,若子。言「報」者,嫌其爲宗子不爲人後者,於兄弟降一等,報,於所爲

仇。不及知父母,父母早卒。 與兄弟居,加一等。皆在他邦,謂行仕、出遊、若辟與兄弟居,加一等。皆在他邦,謂行仕、出遊、若辟

也,主若幼少,則未止。 説云,以爲免象冠,廣一寸。 者,當爲之主,每至袒時,則袒,袒則去冠,代之以免。 朋友皆在他邦,袒免,歸 《小記》曰:「大功者主人之喪,有 已,猶 止也。 則 틴 歸 有主,則 謂 服 無 止 舊 親

練祭、祥祭乃已,朋友則虞祔而已。 以免代冠。《小記》所言旁人主喪之法:大功之親必爲之斂訖,正主人袒而括髮之時,朋友在外無主,則爲之袒,而三年者,則必爲之再祭。 朋友,虞祔而已。」○袒時,謂小三年者,則必爲之再祭。 朋友,虞祔而已。〕○袒時,謂小

也。 有弔服。 素下。 経也。 總服蓋以澡麻爲首絰、要帶。 其弔服,素冠委貌。 其弁絰皮弁之時,則如卿大夫然。 弔。」何朝服之有乎? **總衰爲喪服**,其弔服 以錫衰爲弔服,當事則弁經,否則皮弁,辟天子也。 卿錫衰,爲諸侯總衰,爲大夫士疑衰。 服 而 《周禮》曰:「凡弔當事則弁絰。」弁絰者,如爵弁而素,加 之絰帶。 用 改其裳也。 朋友之相爲服,即士弔服,疑衰素裳,庶人不爵弁,則 或日素委貌冠 其服有三: 錫衰也, 缌麻也, 疑衰也。 王爲三公六 四 《檀弓》曰: 友,麻。 士之弔服則 升, 是 疑 近 者,擬 於吉。 〇麻者,謂服如弔服,而加緦之經帶。 朋友雖無親,有同道之恩,相爲 則疑衰也。 加朝服。 疑衰,其或弁経,或皮弁,如卿大夫 然則二者皆有似也。 群居則經,出則否。」其服,弔 也,擬於吉 朋友 引《周禮 《論語》曰:「羔裘玄冠不以 之服 舊説,以爲士弔服,布上 也。 又改其裳以素,辟 即 》者,見天子以下各 諸侯及卿大夫,亦 吉服十 此 服 此實疑衰也 而 Ŧī. 升,而 加 麻 士以 服 諸侯 服 也 也。 此 環 緦

事則弁経」,誤,當事則弁経者,諸侯卿大夫也,當正之。《周禮・司服》「凡弔事,弁経服」,此經註引之作「凡弔當

降一等,室老從之而服,又降一等。夫之君。○公卿大夫對其室老亦有君稱,其爲兄弟服,已

君之所爲兄弟

服,室老降

一等。公士大

無服,不爲後,如邦人。○若不爲後,亦如邦人爲庶子爲後者,爲其外祖父母、從母、舅,

母黨服也

人及殤,皆與絶屬者同。○緦麻之親與絶屬者同,謂成人受以小功衰五月,其殤,與絶屬者同。有緦麻之親者,成小功衰三月。有小功之親者,成人,服之齊衰三月,卒哭,

則齊衰三月,殤則如記所言也。

總三月而除之。 一次葬,總。謂墳墓以他故崩壞,將亡失尸柩者 也。改葬者,明棺物毀敗,改設之,如葬時也。其奠如大 也。改葬者,明棺物毀敗,改設之,如葬時也。其奠如大

雖恩不至,不可以無服也。 童子,唯當室,緦。童子,束冠之稱也。當室

傳曰:不當室,則無緦服也?

疑爲君與女君所厭降,實則不厭,故服同邦人常法,謂如言「凡」者,總天子以下至士,故凡以該之也。」妾爲私親,父卒,昆弟之爲父後者,宗子,亦不敢降也。○疏云:「妾大夫妻,與大夫之女爲諸侯夫人、諸侯之女爲天王后者。大夫妻,與大夫之女爲諸侯夫人、諸侯之女爲天王后者。凡妾,爲私兄弟,如邦人。嫌厭降之也。私

女子適人者之服也。

爲其妻,往則服之,出則否。」 大夫 民於命婦,命婦死也。 弔於大夫,大夫死也。 大,錫衰以居,出亦如之。當事則弁經,大夫相爲亦然。 水切, 以居, 出亦如之。當事則弁經,大夫,大夫死也。 大夫 民於命婦, 多衰。 命婦 民於大夫,

傳 曰: 布,曰錫。謂之錫者,治其布,使之滑易也。 友服,疑衰素裳。 大夫弔士,唯當事,皮弁錫衰而已。 治其縷,哀在内也, 緦者不治其布,哀在外也。 者,十五升,抽 錫者何也? 凡婦人相弔,吉笄無首,素總 其半,無事 麻 之有錫者 其縷,有事 士之相弔 也。 則 錫者不 君 如 及 其 錫 朋 卿

大功十升之布緫也。 女子子適人者,爲其父母,婦爲舅女子子適人者,爲其父母,婦別解爲舅

傳曰: 笄有首者,惡笄之有首也。惡笄

即傳文正解,下文則不免曲殉鄭註矣。 鏤 惡笄,以女子外成,既以哀殺事人,故獨折笄首耳。 子子而言,誤會傳文。又疏云,出適女子與在家婦俱著 謂當以惡笄終期也。註云「據在夫家宜言婦」,仍指女 折笄首布總」,而不言婦當如何,故解之曰「終之也」。 因記本以女子子與婦並言,「惡笄有首以髽」下单言「子 婦,終之者,終子道於父母之恩。 吉笄者,象笄也。 者,櫛笄也。折笄首者,折吉笄之首也 女子子可以歸於夫家,而著吉笄折其首者,爲其大飾 言婦? 終之也。 音陋。 有首者,若今時刻鏤摘頭矣。 吉笄尊,變其尊者,婦人之義也。 摘,他狄反。 櫛笄者,以櫛之木爲笄,或曰榛 何以言子折笄首而不 ○按傳言「終之」者 卒哭而喪之大事畢, 據在夫家,宜言 ○櫛,恥一反。 此

也; 削 爲喪服。❶ ,猶殺也。大古冠布衣布,先知爲上,外殺其幅,以 後知爲下,内殺其幅 凡衰,外削幅,裳,内削幅。 妾爲女君、君之長子,惡笄有首,布總。 袧 者,謂 辟兩側,空中央也。 稍 有飾也。 後世聖人易之,以此 祭服 、朝服、辟 幅 Ξ 便體 袧 積

者。斬衰裳不緝,故言「若」以别之。
衰裳之縫,斬衰裳亦在其中。此言衰裳之下、用針功緝之斬、四緝。緝裳者,内展之;緝衰者,外展之。○上言五服斬、四緝。緝裳者,内展之;緝衰者,外展之。凡五服之衰,一

也。」 食,廣出於適,寸。○疏曰:「以一方布置於背也。負出於辟領外,旁一寸。○疏曰:「以一方布置於背也。負出於辟領外,旁一寸。○疏曰:「以一方布置於背也。負出於辟領外,旁一寸。○疏曰:「以一方布置於背

適,博四寸,出於衰。博,廣也。辟領,廣四

❶ 「此」,原作「北」,據薈要本、文淵閣本改。

尺六寸。 肩辟領向前望衰之外也。 寸,故疏以爲總尺八寸也。 並濶中共八寸,兩之則爲尺六寸。 寸,則與濶中八寸也,兩之爲尺六寸也。 不著寸數者,可知也。 除中央四寸當衰,兩旁各出衰六寸也。」 疏云:「衰廣四寸,辟領横 ○適以 衰在胷前,「出於衰」者,以 上文負廣出適旁各 在 兩肩 出於衰者,旁出 者而言則四寸 廣總 兩

無。

衿之上,故得廣長當心。 後有負板,左右有辟領,孝子哀戚,無所不在。○綴於外後有負板,左右有辟領,孝子哀戚,無所不在。○綴於外表,長、八寸,博四寸。 廣袤當心也。前有衰,

己矣。
己矣。
不帶下,尺。衣帶下尺者,要也。今則目之曰「帶下下尺」者,向下量之一尺,言其度也。今則目之曰「帶下布高一尺,上綴衣身,遶要前後。據疏,「衣帶」言其物,裝上際也。○此謂「帶」,衣之帶,非大帶、革帶類也。用裳上際也。○此謂「帶」,衣之帶,非大帶、革帶類也。用裳上於。

畔一尺五寸,去下畔亦六寸,横斷之,留下一尺爲正。如正,不破,一尺之下,從一畔旁入六寸,乃向下邪向,下一尺五寸。○疏云:「取布三尺五寸,廣一幅,留上一尺爲尺五寸,凡尺之下,從一畔旁入六寸,乃向下邪向,下一

旁皆綴於衣,垂之向下,掩裳際。此謂男子之服,婦人則是,則用布三尺五寸,得兩條衽,衽各二尺五寸。 然後兩

衣,二尺有二寸。此謂袂中也。言衣者,明與身參齊。二尺二寸,其袖足以容中人之肱也。衣自領至要,二尺二寸,倍之,四尺四寸,加濶中八寸,而又倍之,凡要,二尺二寸,倍之,四尺四寸,加濶中八寸,而又倍之,凡要,二尺二寸,其袖足以容中人之肱也。衣自領至即別用布一尺六寸以爲領者也。

之併兩手也。吉時,拱尚左手,喪時,拱尚右手。 袪,尺二寸。 袪,袖口也。尺二寸,足以容中人

疏云:「自此至篇末,皆論衰冠升數多少也。」以其冠爲受,也。三升、三升半,其受冠皆同,以服至尊,宜少差也。○服也。其冠六升,齊衰之下也。斬衰正服,變而受之此服服也。其冠六升、齊衰之下也。斬衰正服,變而受之此服

義服衰十二升,皆以即葛,及緦麻無受也。 人之意然也。 其降 而 在 小 功者,衰十升, 正服衰十一升 此大功不言受

下」也。」 降服四升,正服五升,義服六升,以其六升是義服,故云 七升布爲冠也。 其初喪之冠也。 謂至虞時。 服三升三升半之衰者,改用六升之布爲衰,如 受冠七升者,既以六升布爲衰,即亦更以 註「其冠六升齊衰之下」者,疏云:「齊服

者,其章既著之。

冠八升。言受以大功之上也。此謂爲母服也。齊衰正 也。 齊衰三年而言。」註「受以大功之上」,以降服大功衰七升 凡不著之者,服之首,主於父母。 服五升,其冠八升,義服六升,其冠九升,亦以其冠爲受。 齊衰四升,其冠七升。以其冠爲受,受 ○疏云:「此據父卒爲母

升數在齊衰之中者,不敢以兄弟之服服至尊也 爲天子繐衰也。服在小功之上者,欲著其縷之精麤也。 總衰四升有半,其冠八升。此諸侯之大夫,

升。 斬衰受之以下,大功受之以正者,重者輕之,輕者從禮,聖 冠皆十升,義服九升,其冠十一升,亦皆以其冠爲受也。 欲其文相值。 此以小功受大功之差也。 大功八升,若九升。小功十升,若十一 言服降而在大功者衰七升,正服衰八升,其 不言七升者,主於受服

死衣,

病

儀禮鄭氏註士喪禮第十二

濟 陽 張 爾岐句 讀

禮 於五禮屬 鄭《目録》云:「士喪其父母,自始死至於既殯之禮。 疏 \(\frac{1}{2}\) 鄭直云士喪父母,不言妻與長子,二者亦依士 凶、大戴第四、小戴第八、《别録》第十二。」○ 喪

衾,大斂二衾。 即安燕寢與側室者,是不得其正。 幠用斂衾,去死衣。」○疾者齊,以 衾,被也。 遷之南牖下,有牀衽。 正寢之室也。疾者齊,故于正寢焉。 則 士 以爲薦,一以爲覆,故註云「大斂所并用之衾也」。 一喪禮。 小斂之衾當陳、《喪大記》曰: 始死,大斂未至,故 死於適 幠,覆也。 室。 斂衾,大斂所并用之衾。 正性情,故必於正寢,若 君、大夫、士,皆小斂 且以 幠 疾時 用 其 「始死遷尸于牀。 一斂念。 處北牖下,死而 覆 尸; 適 至大 室

> 也。 林反。 屋也。 連也。 帶。 檐。 侯則小臣爲之。 稱字。」〇榮,屋翼也。 招,求諸幽之義也。 以 纁裳,不用爵弁,而云爵弁服,是以冠名其服也。 領于帶」者,平疊衣裳,使領與帶齊,并何於左臂,以便升 禱祀之心焉」者是也。 時 不用小斂衾者,以小斂時近,其衾當陳,故不用。 人,以爵 所加 命,故一人。「簪裳于衣」,連綴其裳于衣之下也。 衣,曰:「皐 降衣,下之也。《喪大記》曰:「凡復,男子稱名,婦 〇中,如字。 復者,有司招寬復寬也,①天子則夏采祭僕之屬,諸 夏采、祭僕、《周禮》二官名,掌復事者。 新衣 純,側其反。 ○復者招寬使反、檀弓》所謂孝子「盡愛之道,有 弁服,簪裳于衣,左何之,扱 也。 爵 〇幠,火吴反。 受用篚,升自阼階以衣尸 某復!」三。 弁服, 臯,長聲也。某,死者之名也。 升自 復者人數多少,各如其命之數,士 復聲必三者,禮成于三。 純衣纁裳也,禮以冠名服。 前 東樂, 斂,力艷反。 降衣于前。 中 屋 北 復 但 前, ○簪, 用 領 者 復,反 面 謂 北 純 于 招 受 前 X 面 側 衣 扱

0 下「霓」字,阮刻《儀禮注疏》作「魄」。 與?』」餘閣者,閣中之餘

食也。

疏

以

爲

無過·

豆.

籩, 醴 依之。

案

《檀

弓》:「曾子曰:

「始死之奠,其

餘

閣

也

酒

升自

作階,奠于尸東。

鬼神無象,設奠以

憑

尸,浴則去之,不以襲斂。 則司服受之。 者,受之於庭 之」,故云復者降時徹之,其爲説近誣。 **厞」,蓋以《喪大記》云將沐,「** 西 此室凶,不可 不由 也。 衣尸者,覆之,若得 冤反之。 前降,不以 居_ 復者,其一人招 然 也。 虚 ○衣,於既反。 自 反也。 是行死 甸 人取所徹 ,則受衣亦一人也,人 降,因 事。 ○ 扉,扶 廟之西 ○註 徹 復者降自 〇此復衣以 西 言「徹 北 味反。 北那 , 弄 西 薪 後 北 君 用 云

右復冤。復者猶冀其生,復而不生,始

行

死

事。

也。 御者坐持之。」註 於兩脛之間,以夾持之也。 足,則不得辟戾矣。」是几兩 息結反。 今文「綴」爲 楔 協用 綴足 角 用 對」。 云:「校,脛 柶。 燕 几。 〇案記云: 爲將含, 〇綴,丁劣反。 頭 綴猶 也。 有 脛,側 拘 尸 恐其口閉急也。 「綴足用燕几,校 也,爲將履,恐其辟戾 南首,几 立此 几 奠 脛 並, 脯 在 排 南 〇楔, 醢 在南 以 兩 醴 拘 足

> 斂,暫 酒亦 日 : 「尸未設飾,故帷堂。 科用其一。 帷堂以爲蔽,故鄭云「事小訖 帷堂 事小訖. 小 斂 而 也。 徹 帷。二 ○案《檀弓》: 以 此 時 尚 未

魄之始;奠脯醢、事精神之始也。奉體魄,一以事精神。 楔齒綴足、奉體右事死之初事。 喪禮凡二大端:一以

西階東,南面拜之,拜訖,西階下, 拜賓,不然,則不出。 之。實,僚友群士也。 之位是也。」朝夕哭位,詳見後。 賓弔位猶如賓朝夕哭位。 大夫以上,父兄命赴者,士,則主人親命。 者,拜送。赴,告也。 乃赴于君。 疏曰: 主人 其位,猶朝夕哭矣。 臣,君之股肱耳目 其主人之位 「云『其位猶朝夕哭矣』者, 西 階 東面,下經所云拜大夫 東,南 則 異於朝夕,而 ,死當有恩。 有 〇因 面, 賓 一命赴, 命 則 拜 赴 謂

右使人赴君。

婦 子 姓 也,亦適 (俠牀 坐于床 東 妻在前。 面。 東。 〇「人坐」云者,承上 衆主人,庶昆弟也。 衆 主 人 在 其 後, 文出命赴,拜 婦人,謂 西 妻 面

賓訖 衆兄弟堂下北 功以上父兄姑姊妹子姓 , 復 入此 位 也。 面 ○俠,古洽反。 在此者。 衆婦人、衆兄弟 衆婦 親者 小功以 人户外北 在 室。 下。 謂 面 大

矣。 位,唯小斂以前在此,小斂後則在階下右主人以下室中哭位。 愚案主人哭

哭,拜: 賓 命。 何不淑!」〇疏云:「大夫之子得升受命,乃降拜。」主 内門也。 使人必以其爵。 見賓不哭。先入,門右 出 升自西階,東 主人不升 ,主人拜送于外 君使人弔。 稽顙 徹帷, 层之, 事畢則下之。 成 賤 使者至,使人入將命,乃 也。 踊 徹帷。 面。 致 稽 命曰: 門 顙, 主人進中庭, 弔者 外 北 頭 主人迎于 面。 君 觸 ○ 房,羗據反。 聞子之喪,使 地。 使人,士也。 出 成 迎之。 踊,三者三。 寝門 某。 弔 寢 外, 禮: 門, 人 致 者 如

命,衆主人不出。」 右君使人弔。記曰:「尸在室,有君

> 夫雖不 也。 襚。 則 『主人拜如初』者,亦如上『主人進中庭哭拜 上弔時,迎于寢門外以下之事也。」主人拜 執 出,不成禮也 夫則特拜,别 襚,不出也。 唯君命出, 者入衣尸,出。 領,右執要,人,升致命。 特拜之。 致命曰:「君使某襚。」○疏曰:「云『主人如 不踊,但 君 使人襚 辭,人也。 始喪之日,哀戚甚,在室,故不出拜賓 哭 於士旅 升 即 拜 降 耐 位 己。 主人拜 拜 自 于 徹 唯 也。 西階,遂拜賓。 帷。 西階 不 君命出,以明大夫以下,時 辭 即 位西階 而主 送 下,東 主人 如 襚之言 人升入,明本不 初。 如 下,未忍 面 初 ,不踊。 遺 有大 稽 0 如 也。 顙 疏 在主 襚者左 初。 初」者,如 成踊。」 日 也。 衣被 一人位 爲 夫, 來弔 大 襚 大

襲與 右 君 小 使 斂俱 人 襚 不 得 疏 云: 用,大斂乃用之。 君 襚 雖 在 襲 前

房中。庶兄弟襚,使人以將命于室,主人拜財之義也。不將命,不使人將之致於主人也。即陳,陳在親者襚,不將命,以即陳。大功以上,有同

也。 于位; 進; 襚 左執領、右執 有司徹衣。 君 位 進,親之,恩也。 變衆言庶,容同姓耳。 也。 襚 也 也。 徹衣者,執 主人拜; 〇委衣者,將命者委之也。 委衣 〇委衣如 〇疏曰:「『執衣如襚』者,上文君襚之時,襚者 要,此徹衣者,亦左執領、右執要,故云『如 于尸 退,下堂反賓位也。主人徒哭不踊,别 委 初, 衣如襚,以適房。凡於襚者出, 衣 將命曰:「某使某襚。」拜于位 東 如其于尸東牀上。委之者,朋 如 牀 Ė 初,退,哭不 庶兄弟,即 朋友襚, 踊 衆 兄 親 弟 室 親 也。 以 友 於 以 中

右親者、庶兄弟、朋友襚

棺爲柩。 無 以死者爲不可别,故以 輕 氏某之柩。」銘,明旌也。 三尺,置于宇西,階上。 也。 末,長終幅,廣三寸。 爲銘,各以其物。 無旗,不命之士也。 今文「銘」爲 「斾」也。 其旗 半 識識之,愛之斯録之矣。 亡,則以緇,長半 雜帛爲物,大夫之所建 幅, 杠,銘 〇輕,丑貞反。 書銘于末,日 尺。 橦 也。 終幅,二尺。 宇,梠 竹杠 1:「某 幅, Ļ, 也。 長 在

> 訖 宇,檐下也。 ,置于重,卒塗殯置于肂。」○橦,丈江反。 疏云: 此 始造銘 ,且置宇下 西 階 上。 待爲

重

右爲銘

以汲 下。 下, 反。 新 塊竈以煑潘水。 於重者也。 之西。今文「鄉」爲「面」。❶ 遽。 盆、槃、瓶、廢敦、 水也。 東鄉。 鬲音歷。 新此瓦器五種 甸 ○槃承渜濯,置尸 人 濯,滌 廢 掘 甸人,有司主田野者。 造,七到反 敦, 坎 ○掘,其 敦無 溉 于階 也。 者,重死事。 足者,所以 、牀下承之。 造,至也,猶饌 物反。 重鬲,皆濯,造于 間 ○坎以埋沐浴餘潘及 少少 盛 盆以盛水,槃承渜濯,瓶 垼音役。 西 垼,塊 米也。 ○敦音 也。 爲 竈。 對。 以 重 垼于 鄉,許 鬲 造言之,喪 西 重,直 牆,中 巾 兩 西 亮 西 一枷等。 將 反。 階 容 縣 庭

右沐浴含飯之具陳於階 下者。

事

服 陳襲事于房中,西領,南上,不綪。 也。 綪 讀爲 **绅**,屈 也。 襲事少,上陳而下不屈。 事 江

謂

衣

0 面 原作「西」,據薈要本改。

者,以 寸,牢中旁寸; 緇 纊 首 茂。 髮安也。 笄,取其名也。 鬠笄用桑,長四寸,纋中。 作 ○幎音縈。 充之以絮也。 夫以上,賓爲之含,當口鑿之,嫌有惡。 環幅,廣 ○鬙,髻也,會聚其髮也。 也。 之間 布巾爲飯含而設,所以覆死者面。 **绅**,侧庚反。 ,方尺二寸, 幎,讀若《詩》曰「葛藟縈之」之「縈」。 掩,練帛 瑱,充耳。纊,新綿。 衣裳少,單 析其末,爲將結於頤下,又還結於項中。 謂 家等 ○鬠音膾。 縈收 握手,用玄,纁裹,長尺二寸, 也。 組繫,❶爲可結也。 長四寸,不冠故也。 繩 明衣裳,用布。 廣終幅,長五尺,析其 行列去可 不鑿者,士之子親含,反其巾而已。 索爲絆。 桱 著,組繫。 纋音憂。 裏;著,組 盡 纋中者,兩頭濶,中央狹,則 古文 〇瑱,他見反。 不須 布 婧 牢,讀爲樓,樓謂削 〇四角有繫,於後結之。 屈 巾,環 纋笄之中央,以安髮。 桑之爲言喪也,用 所以親身,爲圭潔也 ○廣,古曠反。 轉重 繋。 皆 古文「環 爲「精」。 輕, 列 幎 也。 幅,不鑿。 末。 幎 ,赤也。 日,覆 作 瑱 月,用 ○ 績, 0 用 掩,裹 廣 還」。 **袤**音 不 面 約 著 五. 白 大 於 註 爲 緍

> 三尺。 也。 弦。 尸 託。 亡報反。 殺,綴旁五,士緇冒 地 以殺韜足而上,後以質韜首而下。 用,具備之以象生平。 刃者,皆可以爲決。 若檡棘; 中央容四指處廣三寸也。 中旁寸者,削約其中 ○決著于右手巨指,極冒於食指、中指、無名指,皆 文「王」爲「三」,今文「檡」爲「澤」。 之中央,以安手也。 也。 者,制如直囊,上曰質,下曰 《詩》云:「決拾既佽。」正,善也。 生者以朱韋爲之而三,死用纊,又二,明不用 冒 《喪大記 ○綴旁者,綴 ,緇質,長 殺,所界反。 組 **∀** ∃ : ¬ 繫, 極,猶 輕殺,綴旁三。」凡冒,質長與手齊,殺 今文「樓 質 纊 一段之兩旁,各一寸,兩頭皆廣五寸, 與手齊; 君 組繫,極之繫也。 爵 與 極二。 錦 殺相接之處,使 ○牢音樓。 弁服,純 放弦也,以 冒黼殺,綴旁七,大夫玄冒 爲 殺。 決,猶閩也,挾弓以 「纋」,「旁」爲「方」。 **輕殺**,掩足。 齊手,上玄下纁,象 質,正. 世俗謂 沓指 衣。 王棘與檡棘,善理 決,用正 ○檡音澤。 相 也。 放弦,令不挈 謂生時 連 王 其用、 一棘矺 王 爵弁所 也。 之, 冒,韜 ○牢 矺 射 横 棘 鼠 冒 天 先 音 所 古 指 執

❶ 「組」,原作「紐」,據薈要本改。

詘後直 用税 **褖衣**。 服 衣之服 分而去一。」又曰:「天子 播珽,方正於天下也, 本象可也。」又曰: 音 韐 緇 註云「赤緣之謂祿」者,只證 裳,以其用之以表袍,袍連衣裳故也。」又引《雜記》子羔襲 文「椽」爲「緣」。 者,於天子爲視朝之服, 爵 、喪大記》曰:「衣必有裳,袍必有表,不禪,謂之一稱。」古 服共設靺韐,❶亦如帶矣。 弁服,即 温 帶, 「笏,天子以璆玉,諸侯以象,大夫以魚須文竹,士以 衣纁袡,曾子曰: 皮弁所衣之服也。 讓 也。 韍 命緼 黑繒之帶。 黑衣裳赤緣之謂緣,緣之言緣也,所以表袍者也。 音 於天子 士之常服以助祭者也。 純 弗。 載。 衣者,纁裳。 ○疏云: 竹 「笏度二尺有六寸,其中博三寸,其殺六 〇合赤韋爲之,故名韎 也; 笏。 ○疏云:「上 「不襲婦 大夫前 諸侯大夫士,則 「此緣衣則玄端。」又云: 其服,白布衣素裳也。 笏所以 古者以 其名同 ○韎音妹。 詘 服。」則此緣衣不用 後 陳三服 書 冠名服,死 ○純,莊其反。 訓, 思 耳。 無 對 爲視朔 同 翰,古答反。 幹, 〇禄, 所不讓。」今文 命 用 者。 者不 亦 諸侯茶,前 帶。」韎 之服 名 他 毫玉 〇皮弁 冠。 「連 亂 赤 皮 緼 藻》 緣· 韍 反 也 弁 竹 緼 衣 0

其。

絇

庶,衆也。不用,不用襲也。 各用其一,以當三服。」又云: 絆綦」之「綦」。 繶純,純博寸。」 綦,屢係也,所以 此皮弁之屨。 **綦繫于踵**。 ○庶襚,親者、庶兄弟、朋 一笏」作「忽」。 「在屨鼻,純謂緣口,皆以絛爲之。」○繶,於力反。 此不用以襲,至小斂則用之,唯君襚至大斂乃用也 絇,其于反。 疏云:「三服相參,帶用玄端,屢用皮弁,靺韐用爵弁 《士冠禮》曰: 夏葛屨,冬白屨,皆繶 ○按《士冠禮》云「素積白屨」,此皮弁之屨 冬皮屨,變言白者,明夏時 柎,❷方于反。 友所襚。 「素積白屨,以 「繶謂絛在牙底相接之縫 多陳之爲榮,少納之爲貴 拘 庶 繼陳,謂 止屨 襚 也。 繼 魁柎 繼襲衣之下陳 緇 用 陳,不用。 綦,讀 葛 約 之。 亦 純 白 如 綦音 緇 中 馬 也 組 約

也。

右陳襲事所用衣物于房中。

之。

焉。 沐巾一,浴巾二,皆用給,於笲,巾 算,竹器名。稻米一豆,實於筐, 貝三,實于算,貝,水物,古者以爲貨,江 所以拭汙垢 豆 , 四 水 升

⁰ 共」,原作「其」,據薈要本、文淵閣本改。

⁰ 村」,原作「相」,據薈要本、文淵閣本改

以下。 浴巾二 著之以晞身。 己浴所衣之衣,以布爲之,其制 夫以上。」 櫛於簞; 上下同用給。 一者,上 東西牆謂之序,中以南謂之堂 體下體 《玉藻》云: 皆饌于西序下,南上。 異 節, 筆笥。 也 「浴用二巾,上絲下給。」彼據大 綌 ,麤葛。 如今通裁。 浴衣,於篋。 0 疏 云 〇浴 皆者,皆「貝 一衣,既 此 浴衣 士: 禮 浴

右沐浴飯含之具陳于序下者。

於筐處 者。 夏月而 也。 取 盡 管人盡階,不 祝 水者不解 設大槃,造冰焉; 所 階,三等之上。《喪大記》曰:「管人受沐,乃煮之。 淅米于堂,南 不説繘,將以 徹廟之西北厞薪,爨之。」○潘,淅米汁,所用以 管人汲,不説繘,屈之。 管人,有司 潘 也。 君 加 脱其繘,但 ,芳元反。 賜冰 ○盛音成。 也。 大夫設夷槃,造冰焉; 升堂,受潘,煮于垼, 就祝濯米。 面, 祝 縈屈之往,就 夷槃,承尸之槃。《喪大記》曰: 盛 士 用盆。 有 米于敦,奠于 屈,縈也。 冰,用 祝,夏祝也。 用處。 夷槃 士併瓦槃, 〇喪事 〇繘,君必 貝 可 用 浙,沃 遽, 也。 北 重 主 無 故汲 沐 甸 館 鬲 也。 反。 冰。 君 復 謂 人 舍 者

疏云: 旁。 外 非 爲爪。 浴, 蚤揃 則用夷槃可也。 濯 日: 櫛 設 次也。」主人入即位。 用 ○「蚤」字,一 文「渜」作「緣」,荆 主人皆出,户外北 鬠 牀 此處經意。 組, 御受沐人。外御,小臣侍從者。 棄于坎。 」皆爲「括」。 用巾, 主人出而襢第。 訖,乃鬠 襢 御者二人浴,浴水用盆,沃水用枓。」○科音主。 「扭謂拭 斷爪揃鬚也。 乃笄,設 !第,有枕。」○夷槃造冰,本大夫禮。 讀如云「蚤則揃之」。 挋 用組,是其次也。」〇挋,之慎反。 ○蚤音爪,下「髼蚤 也。 沐浴餘潘水。 造,猶内也。 用 ○疏云: 挋 河之間 ,晞也,清也。 浴 櫛訖,又以巾拭髮,拭訖,仍未作紒,待 明 ○ 檀第,去席,盈 人君,則小臣爲之。 衣。 衣裳。 面 已設明衣,可 語 **鬠**紒 用 象生平沐浴裸裎 ○檀,之善反。 巾 蚤 巾, 乃 用 櫛、浴衣,亦并棄之。 古文「扭」皆作 揃鬚雖 組 可 同。 用 揃 拭之也。 設 沐,管人所煮潘 以 水 明 如 組 揃,子前反。 便 衣以 本《喪大記 他 束 他 也。 君 髮也。 日 第,莊矣反。 日。 蔽 《喪 子 加· · 平 振」。 賜· 乃 孫 大 同 生 蚤 有 古 沐 不 是 翦 時。 記 也 冰, 渜 讀 古 在 文

右沐浴。

西鄉也。 米也。 者,就尸東主人邊受取笲貝,從尸南過,奠尸西牀上,以待主 于尸西。 從人,當牖北 人。「宰洗柶建于米」,亦於廢敦之内建之。 貝、洗柶,并於其上。「洗貝執以人」,洗訖,還於笲内,執 袒左袖,扱於右腋之下、帶之内。盆,即前淅米盆,盥手、洗 出 先祭服,次緣衣,至襲于尸,則緣衣近明,祭服在外。 上,尚未襲,而云「襲」者,衣與衣相襲而布之也。 禮 皮弁服,皆從君助祭之服。 商人教之以敬,於接神宜。 貝,執以入。 也。 南 含 商祝 如商祝之事位 面,左袒,扱諸 今文宰不言「執」。○「扱諸面之右」,面,前也,謂 牀,襲 衣於牀,牀次含牀之東,衽如初也。《喪大記 當牖北面,直尸南也。 襲祭服,緣衣次。 宰洗柶,建于米,執以從。 一牀,遷尸於堂,又一牀。」○此但布衣牀 面,徹枕,設巾,徹楔,受貝,奠 則尸 南首明矣。 大蜡有皮弁素服而祭,送終之 襲,布衣牀上。 面之右,盤于盆 設巾覆面,爲飯之遺落 商 〇疏 祝,祝習 曰:「云【受貝」 祭服,爵弁服 商祝執 1商禮者。 其布衣, 上,洗 俱 人 戸・ 巾 以

> 前也。 從主人由足而西。主人左扱米,實于右,三,實 牀西,在主人之右,當佐飯事。 奠尸西,故主人空手由足過。 口之右。唯盈,取滿而已。 宰從立于牀西,在右。 人親含也。」主人由足西,牀上坐,東面。 貝,左、中亦如之。 祝受貝米奠之,口實不由足也。○祝受貝,由尸南 ○疏云:「右謂 又實米,唯盈。于右,戶 祝又受米,奠于貝 米在貝北,便扱者也。 〇祝於宰邊受米訖,宰 П 東邊也。」主 不 敢從首 宰立 北

右飯含。

人襲,反位。襲,復衣也。

位在尸東

坼也。 連 上也。 耳,并設幎目,乃結項後也。 連 兩屢之約,❶使兩足不相離也。」○跗 約。 〇疏云"「掩有四腳,後二腳 商祝掩,瑱,設幎目,乃屨,綦結 絢,屢飾,如刀衣鼻,在屢 掩者,先結頤下,既瑱、幎目,乃還結項 連絢者,屢繫既結,以 頭上,以 先結 , 芳于反。 餘 頤下,待設 組連之,止 以也の 于跗, 乃襲, 於組穿 跗,足 瑱 塞 足

❶ 「連」,原作「速」,據薈要本、文淵閣本改。

記》。 繫鉤中指,結于掔」是也。 與決帶之餘連結之。此謂右手也。 帶貫紐,結於掔之表也。 紐,外端有横帶,設之,以紐擐大擘本也。 也。 飯持之。 自有帶。 搢 不算,愚謂此親體之衣,非法服,故不算也。 數,明衣,禪衣,不成稱也。 也。 飯含訖,乃遷尸就其上而衣之也。「左衽,不紐」,出《喪大 三稱,爵弁服、皮弁服、褖衣也。 不言設牀,又不言遷尸於襲上,以其居當牖,無大異。 爲「合」也。 稱 飯,大擘指本也。 生時有二帶,死亦備此二帶。」設決,麗于掔,自 〇稱,尺證反。 衽鄉左,反生時也。 遷尸於襲上而衣之。 **輪帶用革 給帶,靺幹緇帶。** 設握, ○疏云: ○其左手無決者,則下記云「設握,裏親膚 生 乃連掔。 搢,插也,插於帶之右旁。 明 決,以韋爲之籍,有疆。 設握者,以綦繫鉤中指,由手表, 時緇帶以東衣,革帶以佩載玉之 衣不在算。 ○掔,烏亂反。 不紐,謂束畢結之,示不復解 不言韎、緇者,省文,亦欲見韐 ○註疏皆以明衣禪不成稱,故 凡衣死者,左衽,不紐 上文已布之含東床上,今 麗,施也。 古文「麗」亦 算,數也。 因沓其彄,以横 彄,苦侯反。 掔,手後節 設幹、帶 疆内端爲 古文「韐 爲「連」 不 擐 中 在 襲

> 反。 名焉。 之,襲訖則反之尸東。 蚤,手足爪。辟奠,即始死之奠,設于尸東者,方襲時 襲,辟,奠,既則反之。〇巾、柶,用以飯含者。 音患」。 巾、柶、鬊、蚤,埋于坎。 衾者,始死時斂衾。 設冒,秦之,幠 此奠襲後又名「襲奠」。 今文「櫜」爲「橐」。 用衾。 坎至此,築之也。 櫜, 韜 盛物 ○**櫜**,古 糧,亂髮。 者, 取 將 音 辟 刀 事

右襲尸。

舜」。

愚謂 三分庭,一在南,二在北 其南二分也。 縣簪孔也。士重木長三尺。 庭 近南者也; 南 庭 在南者,其置重處當中庭三分之一而 懸于下,相重累,故得重名。 |者不一,其自外人而言「參分庭一在南」者,据外而 一句,一 ,在南。木也,懸物焉,曰重。 重以依神,若置之近南,殆若推 重木,刊鑿之。 在南 其自内出 據《既夕》篇「置重如初」疏云:「亦如上篇 」句,亦覺不文。 而言「參分庭一 而置之。」是置 甸人置重于中庭,三分 即下文二鬲粥也。 ○設重以依神,以 案本經言「參分庭一在 在南」者,据内而言近 而遠之矣。 在其南,其 刊,斵治。鑿之,爲 重處 在中 其木有 參分庭 且「參分 庭近 北一分 南

竹巒爲 禮者 鬲,則 養宜。 席 于 北者也。 今,《字彙》音琴。 加東之而結于後。 掩 而 讀爲炙,謂以蓋塞鬲口也。 用 竈 幂 反,兩端交於後。 西牆下,至此夏祝以飯尸餘米煮爲粥,而盛于鬲。 重,東端爲下、向西,西端爲上、 西 疏 」皆作 也 北面,左衽 大夫四、諸侯六、天子八,與 牆 布,久之,繫 索,繫鬲,貫 餘 下。 重 密」。 固 飯, 自 夏祝,祝習夏 以 内 〇以 **密音**蔑。 飯尸 出 帶 ○幹、圖 重木 者 左衽,西端在 粗 餘 用 也。 用 簪 布爲鬲之幂,塞令堅固可 米爲鬻 靲,縣 孔中 幹,賀之,結于後。 幹,竹鎥也。 祝取銘置于重。 [解》幹 禮 夏祝鬻 者 而懸之。 (簋同 、向東。 也。 也。 、蔑通。 上。 于 差。 餘 重。 重,主道也。士二 夏 賀,加 飯,用 以席覆重,辟 人教以忠,其 又以竹签爲帶 又以 張鳳翔 〇上文甸 幂用 葦席 也。 祝,習周 本幹 久,以 古文 北 人爲 鬲 久, 葦 幂 音 向 屈 於

三縮 右 明,陳、 設 廣終幅,析其末。 重。 衣于房,南 以 上並 領,西 綪, 屈 也。 用之禮。 絞,所以 絞横 收

> 祭服 服。 制同 紞。 東衣服、 而 斂,陳其衣物奠牲。 三。」○厥明者,繼昨日而言,死之第二日也。 者 已,不務多。 幅。 與散衣。 散衣次、豫衣以下、袍繭之屬。 皆 紞,被 爲堅急者也,以 五幅也。 析其末者,令可結也。《喪 識 也。 陳 ○盡,津忍反。 衣繼之,庶襚。 ○紞,丁感反。 斂衣或倒,被 ○從,子容反。 布爲之。 無别 祭服 縮 大記 從 不 於 緇衾,赬裹 凡 也。 必 次,爵弁服、 前 ₩ ⊟ : 後 十有九 盡 横 此下爲將 可 「絞 者二 用 也。 幅 皮弁 幅 取 稱 凡 無 稱 爲 從

右陳小斂衣。

布, 設 洗 東西堂下者,南 也。 盆 實于簞,在饌東。 盤于饌東,有巾。 饌于東堂下,脯、 ○爲設奠人設 齊坫。古文「奠」爲「尊」。 功布,鍜濯灰治之布也。 醢、 爲莫設盤也 醴、 酒 〇坫 喪 幂 事 奠 在 略 用 故 堂 凡 功 在

右饌小斂奠及設東方之盥。

垂,長三尺。牡麻絰,右本在上,亦散帶垂,苴絰,大鬲,下本在左,要絰小焉,散帶

變也。 手, 搤圍 房。 經,有 之經 爲絰。 與 上,服 内 皆 斬 鬲音革。 小功以下男子同。 衰 而 饌 婦 也。 本 婦人亦有 散麻帶垂之。 輕 八人,亦 陽也 服 饌于東方,東坫之南,苴 本於 九寸,經帶之差,自 東 差,初 牡 重 一者尚 麻經 方 陰 有 要絰小焉,五 苴 而 賣反。 苴 者, 麤惡。 經 統 絰, 苴 也 至三日 於外。 其貌易, 絰 饌于東方堂上站 但 , 斬 婦 絰 言 之言 衰之經 分去 帶者,記 此出焉。 人之帶, 散 成服,絞之。 服 帶 経爲上。 實 輕 之垂者,男子之道, 也。 也。 者 其異。 牡 下本 宜 苴麻者,其貌 南 牡 鬲 麻 ○疏云:「此小斂 差好 婦 經者,齊 在左,重服 麻 非堂下也。」〇 搤 此 人初而絞之, 也。 也。 結 齊 衰婦 本,在 右 中 衰 苴 文多 本 以 統 人 在 以 於

右陳小斂経帶。

爲· 舉· 舉 以 覆尸之衾。 殺之裁,猶冒也。」〇夷衾之制,如作冒者, 者 郝平 者· 爲殺,但 ,爲將舉尸 牀 設・ 盤. 第、夷衾,饌 《喪大記》曰: 也。 連 而裁之爲不同耳。 如東 方者, 于 自 亦用 西 小斂以往, 坫 盆 布巾, 南。 西 方 用夷衾。 第 饌於西堂下。 盤 上以緇爲質,下 簣 如 也。 東 夷 夷 方。 (衾質 衾

右陳牀第、夷衾及西方之盥。

饌,將 歷 室之西 匕, 設 「迫」。 ● 去蹄,去其甲,爲不 面 反。 扃 東柄。 小 鼏 其 陳 胉 南隅,如將大斂,辟小斂奠於序西 斂 音博 古文「鼏 實 鼏 鼎 特 則 西 辟 于 豚 解 末。 潔清 爲 襲 也 寢 密 四 奠。 門 也。 鬄 素 四 外, 今 解 俎 舶, 〇疏 文「鬄」 之,殊 去 在 脅 當 蹄 云: 也。 鼎 東 肩 爲 兩 西 髀 塾 素 辟 南 剔 耐 舶 俎 襲 也。」〇 己 西 少 奠, 喪 脊、 順 喪 南 尚 亦 胉 質 事 當 肺 略 西 覆 於 爲 既

五節。 〇以上小斂待用衣物,計

俟舉尸 也。 户 内 服 商 也。 上。 土 祝 盥,二人以 布 今文「並」爲「併 布席 絞衾、散 于 户 並, 内,下 衣、祭服 ٥ 東 ○舉尸,謂從 · 莞 上 面 立 于 簟 祭服 西 襲牀 階 有 不 司 下。 倒 遷 布 美 尸 斂 立 於

而

者在 免而 無算。 説以爲如冠狀,廣一寸。 袒,以免代冠。 初喪服也。 始死,將斬衰者雞斯,將齊衰者素冠。 音憑,下同。 也。 莞上簟。 兩 也。 絞衾,絞衾上布衣,遷尸衣上,復用衣加尸上,乃結 言善者在中,明每 美,善也。 以十爲藉,九爲覆 上」,是有藉者、 楹之間,衽如初,有枕。 今文「免」皆作 以 交於額 卒斂,徹帷。 士舉遷尸,反位。 中。 布。」此用麻布爲之,狀如今之著慘頭矣。 主婦東面馮,亦如之。 〇此牀,待斂後侇尸。 善 髻髮者,去笄纚而紒。 斂 衣後 上,郤 主人髻髮,袒。衆主人免于 冠,服之尤尊,不以袒也。 有覆者,既云十九稱,取 者 也。 趨 服 布,於斂 絶。 繞紒 方,或 非 尸已飾。 其斂法、於户内地上布席、席 《喪服小記》曰: 也。 稱也。 則 傎 古文「鬐 遷尸於服 在 倒 于房、于室,釋髻髮 中也 衣 〇按 主人 衽如初,如户内之莞簟 裳,祭服 衽,寢臥之席也,亦下 作 衆主人免者,齊衰將 疏 今至小斂,變,又將 馮,服膺之。 既後布祭服 括」。 西 上。 法天地之終 云: 「斬衰髻髮 免之制未聞,舊 面 尊,不 「斂衣半 設牀 馮尸 0)髻音括。 倒 宜 自 第 數、當 之也。 以 , 踊 絞衾 房。 〇馮 在尸 上 項 而 麻 于 布 中 又

而紒也。 旅之; 婦 纚,而以髮爲大紒,如今婦人露紒。 訖,襲經。 ○主人降西階拜 賓位拜之也。 主人出于足,降 之衾當擬大斂,故用覆棺之夷衾以覆尸也。」〇侇音 也。 如室位,踊 士 毋扈扈爾。」」其用麻布,亦如著慘頭然。 者去笄而纚,將齊衰者骨笄而纚。 免音問。 初死, 幠用大斂之衾, 以小斂之衾當陳。 南宫縚之妻之姑之喪,夫子誨之髽,曰: 人阼階上西面。 舉,男女奉尸,侇于堂。 堂,謂楹間牀第上 即位,踊 齊衰以上,至笄猶髽。 絻 主人至此始即阼階下位也。 音 問。 即位、踊 無 賓訖,總東方阼 算。 婦 襲 自 也。 人髽 侇之言尸 東方位。 絰于序東,復位。 主人拜賓,大夫特 西 今文「侇」作「夷」。 . 階。 于 室。 階 髽之異於髻髮者,既 也。 今言 襲 幠 衆主人東即 下 其象也、《檀弓》 經于序東,東 夷 用 即 始 「髽」者,亦去笄 「爾毋縱縱爾,爾 死, 衾,覆尸柩之衾 夷衾。 西 今小斂後,大斂 ○髽,側 面 婦 位, 0 人 拜賓,鄉 拜,士 疏 踊 男女 夾 爪 位。 日 斬 夷 前 反。 去 踊 衰

右 小斂侇尸,及主人主 婦 袒、髻、

髽、襲絰之節。

同。 此,宜 **札**,以 錯 於生也。 郤之, 左執 夫 事 之。〇朼,必李反。 文「胉」爲「迫」,「柢 亞,次也。 胉 上,皆右手。今文「扃」爲「鉉」。 **鼏**,委于鼎北, 左人以左手執 俎 踊 盤 亞 右人 西面 朼 ,脊肺 , 執 北 乃朼,載。 次 甸 面。 凡七體、皆覆、爲塵。 出牲體,右人也。 左執匕,抽 有本末。 人徹鼎,巾 錯 俎, 在 俎 先, 舉 祝與執事爲之。 俎 於 , 横攝之; 者 因 北 加 酒 柢,丁計反。 」皆爲「胝」。 (中,皆 其 面 盤,出門舉鼎者。 載兩髀于兩端 古文「化 扃,不 便也。 脯 俎 醢 扃 待 宜 1覆,進 俎 西順之。 攝 載,受而 坐。 予在手,兼 于 」爲「匕」,「髀」爲「脾」。 入, 阼 古文「予」爲「于」,「鼏 柢,本也。 持也。 從, 舉者盤; ○皆覆,謂牲體皆覆 阼 胝音帝。 抽 階 抵, 升自 肩取 右人以右手執 階 載於俎,左人 〇錯,七故反,下 下。 西面 執 兩 前 進本者 鼏 阼 夏祝及 右執 執之,取 而 肩 錯 西 執事者,諸 加局於鼏 階 俟。 亞 錯鼎 面 未 錯 Ľ, 」爲 匕 執 也。 兩 丈 設 今 異 73 於

> 神所 爲踊節 丈夫踊 西階。 執奠事 外 是以主人又踊也。」賓出, 者由重南、東、丈夫踊者、奠者奠訖、主人見之、更與主 將受之。 ○立于俎北、西上,奠豆俎之人也,俟祝畢事,同 由重南東。 受巾,巾之由足降自 者先升,尊也。 豆東,立于俎北,西上。 也。 在 疏云:「主人位在阼階下,婦人位在 也。 則曰「廟」,故名適寢爲廟 0 者。 ,奠者降,婦人踊,各以所見先後爲踊之節也。 此賓爲小斂來者。 奠于尸 又以其重主道,神所憑依,故必由 ф 立而俟,後錯 功 丈夫 布 東, 也。 踊 執 執 主人 醴 者不升,己不設 西 註 ф ,要成也。 階。 云 之,爲 醴酒 酒 也 廟 拜送于門 北 塵 婦人踊。 面 錯 即 豆錯 也。 西 于 此 上,故奠者升 適 豆 東,反其位 祝既 室, 外。 重南東過 南。 俎 由足降自 執 蓋 奠者 錯 以 醴 醴 祝 于 鬼 門 酒

右小斂奠。

君以官尊卑,士賤,以親疏爲之。三日之後,哭無時。《周悲哀憔悴,禮防其以死傷生,使之更哭,不絶聲而已。人乃代哭,不以官。代,更也。孝子始有親喪,

縣壺,乃 禮 挈壺氏》: 官代哭; 「凡喪縣壺以 大夫,官代哭,不縣壺; 代哭。」○●《喪大記 士,代哭,不 君 喪

此 小斂後節哀之事 官

同,有 襚 出 庭北 如之,升降 襚者以褶 出 請之辭曰: 人待于位。 褶」爲「襲」。 拜送。 不 如如 于足,西面委衣,如於室禮,降,出。 須,亦待也。 裳乃成 踊。 面 有 初 致命。 襚 孤 儀,西階東、北 ○如於室禮,亦委衣尸東牀 朋 者 稱,不 0 自 則 某,使 喪禮略於威儀,既小斂,擯者乃用辭。 友既委衣,又還)執衣如 西 必 則將 出告之辭曰: 主人拜稽顙。 用 階 有裳,執衣 某請 表 初,謂 以 命。擯者出請入告。 也。 東。 事。」 左執領,右 以 面 擯 哭於西階上,不背 帛爲褶 東, 「孤某須矣。」賓 哭, 者 如 藏 初; 出 以 踊 賓升自 無絮 上 執要, 告 待 也。 徹 事 ,雖複 須 如 也。 衣者 降 朋 君 西階, 入,中 主人 主主人。 友 以 襚 與 古 時 亦 主 親 賓 主 文 出

> 0 褶 音牒

二日禮。 右小斂後致襚之儀。 〇以 上皆親 喪第・

單被也。 脡。 西上 下記云「既襲,宵爲燎于中庭」,是未殯前 實醴酒,角觶,木柶, 毼豆 横者三。」❸○約,其鴆反。 ○燎,力召反。 天子達,大斂則異矣。 庶襚,凡三十稱。 醢 此 一, 績。 ; 宵,爲: 饌 兩籩 衾二者,始死斂衾,今又復制也。 但言東方,則 絞、給、衾二。 燎 無 厥明, 于 縢 中 布 《喪大記》曰:「大斂 約不在算,不 亦在 滅燎。 庭。 巾,其 東方之饌: 東堂 宵, 君襚、祭服 下也。 夜也。 陳 實栗,不擇 兩,其實葵菹芋、 衣于房,南 毼,白 必 燎,大燋。 ❷夜皆設 兩 布絞,縮者 小斂衣數,自 盡 瓦 也。 散 用。 無,其 脯 0 衣、 領 紟 也 叮 按

此「〇」原脱,薈要本、文淵閣

本有

空格

0

鸁

- 前」,文淵閣本作「時」。
- 三」,薈要本改作「五」。

腊 或名全 蓋 錠 淺深之節也。 上 反。 巾 肂,以二反。 「三衽三束」,謂每一 衽二束,士蓋不用漆,二衽二束。」○「見衽」者,其所掘坎 衽,小要 彌神之。 扣。 也。 長 在 帷之。」又曰: 大夫殯以幬,欑置于西序,塗不暨于棺, 饌 欑,在官反。 奠席在饌北,斂席在其東。 六反。 下。 嬴,力禾反。 籩 菹 「見衽」者,坎不没棺,其衽見於上。 于 也。 掘肂見衽。 」爲 「蝸」。 爲芋。 豆 西站 軸,輁 具 衽, 《喪大記》曰: 輁, 衽,小要也,所以聯合棺蓋縫者,今謂之銀 耐 縢 南。 而甚 「君蓋用漆,三衽三束;大夫蓋 有 九 軸 棺入,主人不哭。 面三 古文「縢」爲「甸」。 緣 巾,盛之也。 勇 也。 縢,大登反。 反。 反。 也。 熬所以惑蚍蜉,令不至棺旁也。 處用衽,又以皮三處束之也。 肂,埋棺之坎也,掘之於西階上。 輁 要,一 《詩》云: 狀 君 熬 如床,軸 黍 殯用輔, 《特牲 遥 脡,大頂 稷 反。 竹 各 〇甒,亡甫反。 其 秘緄 饋 輔、《喪大記 欑 輪, 大斂奠而 升棺 註引《喪大記 食 至于上, 畢 反。 士殯見衽,塗 騰。」布· 禮 筐, 輓 而 組,古 用 有 用 行。 有 漆,二 有 籩 巾 軸 一一一一 ф 魚 0 爲 0 塗 毼 籩

> 燭,燋 耳。 升; 地 如初、謂豚體及匕俎之陳、如小斂時、合升、四鬄、 北 舉 者設 日 上。豚合升; 燎,執之曰燭 ○鱄,市轉反。 其 也。 盆 他皆如 盤於西。 饌,東方之饌。 初。 ○熬, 鮒音附。 魚 合升,合左右 鱄 五刀反。 有燭者, 鮒 胖音判。 九 党雖 陳 體升 腊左胖,髀不 明, 燭俟于饌 鼎 於 室 一猶闇 鼎。 于門外, 亦 其 東。 他 相 火 万

右陳大斂衣、奠及殯具。

設者。 先取 二事之人。 踊。 者 階下,爲大斂奠,又將巾之。 巾,授執事者以 東,有巾; 也。 祝、徹、祝與有司當徹小斂之奠者。 醴 今徹奠,故先徹巾,待設大斂奠,復用 祝、徹,盥于門外,入,升自 酒、北 出于足,降 大斂設盤于門外,彌有威儀。 疏云: 面 「陳大斂 待。 北 自 面 授執巾 饌 西 立,相 祝還 訖,當 階 徹醴 者於尸東,使先待於阼 待 設 俱降。 婦 也。 盥 ○祝徹,謂 人 於門外。」 阼 小斂 () 之 其 踊 階 設 覆 餘 徹 小斂奠 祝與 盥 設 取 祝 丈 于饌 夫 于 先 徹 徹

則

告以

非

斂

時

則

當降拜之。

0

註

解

「有大夫」爲

序西 適 西 豆 醴 北 西序南,後奠事 忍 心使其親 俎之人,立于豆北相 尊,不爲便事變位。 南者,畢 饌。 南面,東上。 南 東方之新饌。 須臾無所馮 事 當 而 西 ,畢則去之。」醴 去之。 榮, 如初者, 依 如設 待、設 ○疏云: 〇醴酒 〇執事 也。 于堂。 如 酒 堂,謂尸 ii, 執 者適新饌 醴訖,同 其「醴酒 酒 「但將設後奠,則 醴執 位 爲 東也。 如 東適新 酒之人。 處 北 求神於庭,孝子不 初。 面 ,以待事 西 凡奠設 上也。 饌 執 徹先奠於 執事, 也。 事 于 乃 豆 執 執

右 徹小斂奠。

此 商 布 斂以來自若矣。 出 婦 乃用 于足,西 人尸 祝 席 布 如 方斂; 君 襚, 西 堂。 絞給 初。 東 主人先自盡 面 亦下莞 徹 衾衣,美者在 面 士盤 袒。 事 畢。 上 主人、及親 袒,大斂變也。 位 簟 0 鋪 如 有 殆 於作 初。 大 爲 大斂 外, 夫 階: 亦既 3者,升. 川則 上, 君 不言髽免髻髮,小 將 盤 遷尸, 於 襚 告。 、楹間 並 不 自 立 故帷 後 倒 西 爲 西 來 少 階 階 之。 者 南 下。 至

> 之。 無算。 來者,以此日大夫皆爲視斂來,其蚤 面 視斂 ○ ① 0 疏 如 卒斂,徹 記 日 所陳也。 士 帷 舉 遷 士 户, 主 舉 謂 人 遷 從 户**,** 馮 户 至者 如 外 復 初,主 夷 位 則 牀 升 上 自 遷尸 主 婦 西 亦 人 階 於 踊 如 北

右大斂。

上。

降, 踊 東。 之,爲火備。 設熬,旁一筐,乃 中,斂尸焉,所謂殯也。 襲。 拜大夫之後至者,北 衆主人復位 主人奉尸斂于棺, 爲銘設柎 卒塗。 ,樹之肂東。 ,婦人東復位。 /塗,踊. 祝取銘 《檀弓》曰:「殯于客位。」 踊 無 置 面 如 算。 于 視 初,乃 肂,主人復位 肂。 以 作階上下之位 : 木覆 蓋 北 和於西 棺 上 棺 主 而 在 階 塗

右 殯。

乃奠。 燭 升 自 阼 階 祝 執 巾 席 從, 設

0 此 $\overline{\mathsf{O}}$ 原 脱,薈要本、文淵閣本亦 無空格,依例 補

祝執巾 於席。 也。 也。 斂舉 載: 菹,菹 魚次 方之 俎 如 如 席 彼《公食》言右首據席而言,此「左首」據載者而言,若設於 右首進鬐,此云『左首』,則與生異,而云『亦未異於生』者 執 于 豆 時 初。 初 則亦右首也。」〇鬐,巨之反。① 燭 奥, 籩 左首 鼎 南 古文「首」爲「手」,「鬐」爲「耆」。 饌。 則 祝先升 魚 在 俎從,升自阼階。 執 設 面 與執席 腊 東 以 醢 左首,進 1進鬐, 當栗南 匕俎扃鼏 ,巾委於席右。 南 執者之左右爲左右,及設於席 特 豆 士 面 也。 一方右菹 于俎北 盥 奠由 者從人,爲安神位。 亦 執 酒 此 未異於生也。 **朼載之儀。** 當脯 鬐 舉 燭 左 楹 , 菹南栗, 栗東 者 右 ,三列,腊 鼎 ,醴酒在 南。 先 祝 異 内 人, 於魚者,載 升 反降 人于室,醴 丈夫踊 ○註 堂照室,自 魚 西 凡 左首設 9 萬 載 祝 未 及 室 面 0 進 者」二句,言 異 者 中 執 疏云: 執 私。 北 於 統於 巾 脯 是· 不· 西 而 則 醴 酒 甸 事 生者,不致 南 在 以 ,執,設 執 復· 奠· 如 豚 北 X 如 「案《公食 如 隅 南 席 初, 謂 初 徹 初,酒 饌 當 如 之左 方其 面 之 於· 者 鼎 如 豆, 初 奥。 户· 載 統 右 亦 小 東

> 闔 由 左右 户 重 ,, 先 南 也 東。 由 既 楹 錯者 丈夫 西,降 山 踊 自 立于户 爲 西 神 階。 馮 西 依之也。 婦 西 上 踊 0) 闔,户 祝後, 奠者 臘

爲

右大斂奠。

反

次,謂 外。 人出 方,門外之東方。 及兄弟北面哭殯。 第 可 小功以下,至此可以歸。 斬 門,哭止,皆 賓出 右 也。 衰 大斂畢,送賓、送兄弟 倚 〇揖 ,婦人踊,主 廬、 就次,相揖,各就其次也。 齊 闔門, 衰堊 西 室 内 兄 也。 人 面 蓋 弟 人 于 異門大功 大功 廟門。 拜 出 東 送于門外。 有帷 方。 主人 主人揖 及 亦存焉。 帳 ○堊,於各反。 闔 拜送 出就次之 小 門。 功 就 緦 衆 于 〇東 麻 次 門 主

儀。

牀

君若 有 賜 焉 則 視 斂 既 布 衣 成

踊

祝

南面

祝

升自

弔喪而

必禮門神者,明君無故 巫祝桃茢執戈以惡之,所以異於生也。」皆天子之禮 哭,厭於君,不敢伸其私恩。 首,不哭,還,入門右,北面,及衆主 相君之禮 釋采,入門,主人 小臣二人執戈先,二人後。 復位 出 阼 房中,東鄉君。 前 之喪,則使祝代巫,執茢居前,下天子也。 往 入諸臣 也。 喪祝,王弔則與巫前。』《檀弓》曰: 階 小臣,掌正君之法儀者。 後; 則 故須鄉 斂,大斂。 錫衰。 西鄉。 出 之家,是 君 大斂事。 不敢 升,則 君。 主人 必君之卒斂事。 不來 墻謂之墉。 謂 俠 祝 君視 辟。 君 君 阼 君哭,主人哭,拜 負 也。 臣 階 出 升 大斂,皮 巫止 墉 爲 釋采者,祝爲君禮門神 北 主人,主人 《禮運》曰:「諸 迎 謔。」〇采,七代反。 面。 南 《周禮》: 主人中庭,進益北 于 于 面。 分弁服 凡 外 廟 君 宫 門 命 門 「君臨臣 主 巫,掌招 襲 「男巫,王 有 裘。 一人袒。 外, 西 人 鬼 外, 反 侯非 神 小臣, 稽 中 楹 行 主 日 祝 見 喪,以 彌,以 庭。 東 事 顙 問 弔 人 廟。 也。 君 0 代 不 馬 諸 成 君 則 疾 君。 位,即 南 顙 主 上。 北 成。 面 面 君

行則在 侯臨臣

君

之。

服之後 賜,恩

惠

與祝前;

除疾病。

斂于棺 當君所 馮尸。 逆降, 左,視塗。 欲孝子盡 出者,亦是不敢久留君。 位,如朝夕哭弔之位。 公在壑谷。」〇繼主人,繼主人而 ,成踊 人,主人中庭。 中 乃斂。 ; 君反之,復 復位; 庭位。」 升 乃蓋 其情。 踊。 以君 命 主人升自西階,由 出。 即 主人使之升。 肂在 將降 位 〇辟 公,大國之孤,四 〇不當君所,不當君所撫之處 主婦 主人降, 撫,手案之。 西 也。 婢亦 衆 階 主人降,出 ○疏云: 初位。 Ė 主 東 南 君 出,謂主人出,鄉門外立。」君 反。 升公 面 坐 面 人 人門左,由便趨疾,不 出。 則 馮,亦如之。 撫 復 「卒者,謂卒斂也。 凡馮尸,興 君 當坫之東。 衆 命也。 西。 卿 當 足,西 位 降 逆 主 大 降 卒。 君反之。 心 令春 人 夫, 西 者,後升者先 卒 八辟于 面 必 鄉 秋 公卿 0 塗。 繼 踊。 主人拜 君必降 傳 也 馮 疏 命主 主 尸 云: 東 \exists 今文無 敢久留 主人降 主 大 人 奉 ,, 不 吾 尸 人 稽 反 夫 東 初

送。 西階也。」君要節 在阼。 疏 車,不敢曠左,左必式。」襲, 之士乘之,在後。 出 主人拜送。 拜大夫之後至者,成踊。 馬尾。」〇萬,《 乘,式,謂小俛以禮主人也。 《曲 主人不哭,辟。 以君將出,不敢讙 階、及既奠由 復位,自東復阼階下位。 在門 云"「若未布衣時來,即 **貳車**, 副車 「賓出 〇疏云:「凡奠皆升自阼階,爲君在阼,故辟之而 命之反奠,人門 南 重南東時 北 曲 自 當中 也。 儀 禮》音携。 君弔,蓋乘象輅。 「賓出 囂 而踊,主人從踊。 君式之。 -庭也。 聒 其數各視其命之等。 也。 尊 以下, 註 入前卿大夫從君之内。」實 者也。 貮車 卒奠,主人出 乃 「亦復中庭位」,釋「入門右」, 右,亦復中庭位。 如君不在之儀。 奠,升自 禮》 辟,逡遁辟位也。 後至,布 即 君出 《曲禮 畢 曰:「立視五萬,式視 位 **一乘**,主 門, 衣而後來者。 ĕ ⊟ : 節 衆 西 君 7, 哭者 ,謂執奠始升 廟 主 人 「乘君之乘 出,使異姓 階 ○謂 ○衆主人 、哭,拜 中 古者立 哭。 如 襲。 咋 以 出 前 0 升 君

> 日• 右 事• 君臨 視大斂之儀 以 上皆喪親第.

數也。 棺 殯斂以死日數也。」」 曰"「生與來日。」○疏曰" 加惠,明日必往拜謝之。 中之賜。 三日 生數 來日,謂 ,成服,杖,拜 既殯之明日,全三日,始 成服杖,以 棺中之賜,不施己 「引《曲禮》者,彼註 死明日數也; 君 命,及衆賓, 歡粥矣。 死數往 也。 **Z** 禮 『與 曲 不 日,謂 尊 禮 拜 猶 者

右成 則喪之第四・ 服。 經云「三日」,除 日。 死日數之,

東上; 事則閉。 外兄弟,異姓有服者也。 繼 門 焉。 乃哭,不代哭也。子、卯,桀、紂 之,北 外, 婦人即位于堂,南上,哭。 朝夕哭,不辟子卯。 西 西 0 面北上,外兄弟在其南,南上, 上 疏云: 方, 東 門東 「此外位 面 北 北 辟 上。 開 面 丈夫亦哭,但文不備。」 也。 亡日,凶 既殯之後,朝夕,及哀至, 西 主 凡廟門,有事則 上 人 丈夫 即 事不辟, 門西 位,辟 即位 吉 北 開,無 于 面 婦

章所陳

諸

賓爾。 哭,小功總麻,亦即位乃哭。上言賓,此言卿大夫,明其亦 夫在 直 在賓之後也。二〇直音值 進,謂進於士。 其雖在主人之南,少退,故卿大夫繼主人而言。 位,賓人哭,其拜之如此。 於列,尊之。 主人乃右還拜之,如外位矣。 凡異爵者,拜諸其位。 異 拜、東面拜也。 徹大斂奠,設朝奠。」○拊 三,右還,入門,哭。 人拊心不哭。 衆賓來弔,其拜之如此。 (爵者 升 東序,西面。 主人之南。 少進,前於列。 自 ,門西,少進。 阼 拜諸其位,就其位特拜。〇主人人即堂下之 階。 〇主人朝 此所陳位 方有 兄弟皆即 丈夫 異爵,卿大夫也。 諸公門東,少進,他國之 事,止 自廬 不言士之屬吏,當 疏云"「此内位不言外兄弟,以 婦 芳甫 徹者 敵,則 拜畢乃入門。 踊 兄弟齊衰大功者,主人哭則 讙 賓皆即此位,乃哭,盡哀止。 人 中詣殯宫門外即位 囂。 踊。 位,如 反。 盤于 徹 先拜 0 者, 疏云: 先西 主 門外。 他國卿大夫亦 徹 外位。 人 主人堂下 他國之實。 大斂之宿 亦在門右,又 面拜,乃 方 拜 有 賓, 諸公少 哭。 卿大 燭 事 南 奠 先 此 旁 前 面 謂

時

乃奠, 東。 不巾。 饌。 **榮** 階。 祝 止乃奠,奠則禮畢矣。 户,●先降自 錯者出,立于户西 也。不巾,無菹無栗也。 錯,復位 南 酒、次豆、箋、次俎、爲次第也。」設于序西南,直 南 取 面 面 遂先者,明祝 醴 醴、北 丈夫 ; 婦 西 醴酒 酒 入,入於室也。 籩 上。 人 俎 北 踊。 踊。 醴錯于 面 脯 既錯 祝 面 西階。 醢升。 序,次 先 西 賓 不復位也。 取 立 上 出 出 今文無 西,遂先,由主人之北,適 酒 如初設者,豆先,次籩,次酒,次醴 也。 ·; 婦 菹栗具,則有俎,有 一一一執一 酒 婦 西 立 豆西 丈夫踊。 「拜」。 0 于 豆 人 上。 人 適 疏云: 踊 籩 其 豆之西,東上; 踊 面錯,立于豆北, 健, C俎 東。 滅 註 主 適新饌,將復奠。 「祝執醴在 序 奠者 燭 入,如初 「哭止乃奠」, 從 取 出 俎,乃巾之。 拜 豆籩 由 降 送。 先,次 重 祝 自 設, 酒 置 南 西 哭 西

0 「户」,原作「門」, 據薈要本改

揖 略 朝 衆主人,乃就次 哭止, 夕 奠之節 皆復位 而 言 也。 衆 闔 主人 門。 出 主人卒拜送賓 一; 婦 踊 出

宿奠也 序: 焉。 又奠。 奠,乃有黍稷,如平時常食者,以下室又自有燕養之饌,故 有 神之所在故也。 雖不設黍稷,而不爲 死者之於朔月月半,猶平常之朝夕。 方之饌亦 匕 蓋 于 〇朝夕之奠,有醴 當箋 朔月,奠用 如初者,謂大斂時。 舉 酒 如之。 鼎 俎 位。 菹 入升,皆如 行, 主人拜賓,如 醢、黍稷、 薄 黍稷 特豚 朔月,月朔日 朼 也。 酒、 者逆 併於甒 魚腊, 既奠殯宫,又饋下室者,莫 豆、籩, 無籩,有黍稷 初奠之儀。 俎。 出 北 朝夕哭,卒徹。 也。 陳三 而 也。 大祥之後,則 甸 無 俎行者,俎後執 自大夫以上 黍稷。 於是 鼎 徹 如初。 用 卒朼 始 至 鼎 有 月 瓦 四 黍 月半 朔 時 敦 執執 稷。 其 釋 東 徹 必 殷 祭

> 不復蓋 設者。 時果 者、依 蓋也。 錯 俎者 形,如今酒敦。 復如朔盛奠,下尊者。 朝夕哭之儀。 者 其 1,俎錯 ij, 南 物新 行 醴 《特性》 也。 今文無 乃 鼎 敦啓會,面足。 出 酒 可 出。 面足,執之令足間鄉 者。 》所設爲之也。」〇會,古外反。 腊特, 以 敦」。 位 Щ, 其設于外,如 共爲之也。 徹 如 月半不殷奠。 其序,升入之次。 初。 黍稷 朔 ○ 疏曰: 有薦 奠, 當籩位,俎 當籩位 新,如 序出 先 主人要節 「知『當籩位 取 于 前 室。 也。 如如 醴 朔奠。 殷,盛也。 敦路 南 酒, 其 黍 敦有 人。 外,序 俎 設 而 其 祝 南黍黍 會, 于室 足,則敦 踊 啓會,徹 薦五穀,若 東稷。 餘 與 西 士月半不 南 皆 取 執 卻 東稷」 會 先 如 豆 之 $\overline{\nabla}$ 時

右朔月奠,及薦新。

墓地兆 既 隅 外外 朝哭,主人皆往 域者。 筮宅,冢人營之。宅,葬居 其 壤; 營,猶 掘 度也。 中, 南 兆 《詩》云: 其 南 壤。 北 面, 「經之營之。」 爲 也。 葬 免 冢 將 經。 人, 北 首 有 掘 兆 故 司 , 域 几 掌

此也。 也。 也。 兆域之始,得無後將有艱難乎? 命筮者受視,反之。 古文「述 會命筮爲述 文「期無有後艱」,義意自備。 人無可指,故曰「某」以虚擬之。 兆基,域兆之基址也。 作「期」。 甫,且字也,若言山甫孔甫矣。宅,居也。度,謀也。 某甫,筮宅。 文無「兼」。 執之,南面受命。 曰:「贊幣自左,詔辭自右。」筮者東面,抽上韇,兼 也,新營之處。 命筮者 《孝經》曰:「卜其宅兆,而安厝之。」古文無「兆」,「基 既受命而 北北 基,始也。 ○註「某甫且字也」,且者,聊且虛擬之謂。 在主人之右。 皆作「術」。 面 ○韇音獨。 命。 · ; 指 申言之、曰述。 免絰者,求 中封,中 度兹幽宅兆基,無有後艱?」某 言爲其父筮葬居,今謀此以爲幽冥居. 中封 卒筮,執 韇,藏筴之器也,兼與筴執之。 央壤 命曰:「哀子某,爲其 而 東 吉,不 命尊者宜由 筮。 也。 不述者,士禮略。 面 筮人許諾,不述命, 艱難,謂有非常,若崩 敢 旅占,卒,進告于 卦 卦者, 識爻卦 桂 純 者 以示命筮者。 凶。 右出也。 在 0 左。 免, 凡筮,因 畫 述,循 《少 一地者。 如 以其 兹, 儀 字。 父 古 今 壞

> 踊。 殯前 位,非常故也。」 山
> 《
> 歸藏
> 》
>
> 《
> 周易
> 》
> 者
> 。 主人,乃受而執之。旅,衆也。 命筮者與主人:「占之曰從。」卒筮,卦者 朝夕哭,當在阼階下 北 若不從,筮擇如 面哭,不 踊 · 西 面。 從,猶吉也。 易位而 初 儀。 今筮宅來,北面哭者, 反與其屬共占之,謂掌《連 哭,明 更擇地而筮之。 主人經,哭,不 非常。 〇疏 寫 是易 日: 桂 示

右筮宅兆。

器。 如之。 行 哭,不踊。 往 在 素,飾治畢爲成。 上,綪。主人徧視之,如哭椁。 治其材,以井構於殯門外也。 旬 施之竁中矣。主人還椁,亦以既朝哭矣。 一週,視其良栝也。 經言 内外 既井椁,主人西 材,明器 也。 「還椁」、「獻材」在筮宅、 婦人哭于堂。 ○徧音遍 之材。 ○《檀弓》云:「 獻材于殯門外,西 視之,亦拜工、左還。 面 反位,拜位也。 拜工,左還椁,反位 既,已也。 卜日之間 既 殯,旬, 獻素獻成 知彼二 匠人爲椁,刊 〇左還椁,循 耐 既哭之,則 形 布 面 材 法 一; 北 與 定 亦 明

七〇

右哭椁、哭器。

悶反。 火者也。 也 蓋 席者在塾西。族長,有司掌族人親疏者也。 族長 東。 西 吉服,服玄端也。 所 明火爇燋,遂灼其焌契,以授卜師,遂以役之。」〇《周 于 左 闑, 謂 者,南面東上。 閾 擁 東 西 更 燋 魚列反。 外。 占者三人在其南,北上。 涖 楚,荆也,荆焞,所以鑽灼龜者。 之。 扉 塾 1 燋,哉約反。菙,時髓反。 西 《周禮》: 即此 日 面,當代主人命 ,主婦立于其 卜,及宗人,吉服 上,南首,有 爲卜者也。 既 涖 「燋」,所謂 宗人 1 占者三人,掌玉兆瓦兆原兆者 〇疏云:「宗人掌禮之官,非卜筮者。」 朝哭,皆復 「華氏掌共燋挈,❶以待 即 告事 位 古文「闑 「焌契」即 于 席。 1 内。 . 具。 門 立 外位 1 東 楚焞 扉,門扉也。 作「縶」,「閾」作「蹙」。 此 主人 于門 焌音俊。 人 一楚焞 西 /抱龜 燋,炬也。 置 面 ト人及執 北 西,東面 ト人先 ト事。 于燋 也。 爇,如悦 面,免經 燋,先 涖 涖, 臨 席 也。 ○焞,存 ト,族長 · 在 凡 所 于闑 奠 以 在 1 禮 反。 奠 也。 燋 南 龜 龜 塾 以 燃

> 宗人 起也。 《周禮 東扉,俟龜之兆也。 述 西 考,登也。 卜命。 涖 티 : 體魄永安,不近於悔矣。 悔者乎? 1 龜 日某,卜葬其父某甫。 命, 面 卜受視,反之。 人 「『卜人抱龜燋」,謂 西 龜 》:「卜人,凡卜事,示高,揚火以作龜,致其 亦士禮略。 退,東面,乃旅占。卒,不釋龜,告于涖 坐,命龜 授龜宜近,受命宜郤也。 宗人受龜、示涖 首 示示 ○考,父也。 降,下也。 燋 高。 在 興,授 凡卜,述命命龜異, 北 以 卜人坐,作龜 言卜此日 龜 0 降,骨肉歸復于土也。 宗人還,少退,受命。 從 腹 1 許諾,不述命, 塾 既 甲 100 上 奠 人 考降, 高 抱 葬,魂神上下,得 燋, 龜, 命曰:「哀子某,來 鄉閾 起所當灼處,示涖 涖 又 龜 負 執 外待 興。 1 重,威儀多也。 無有近悔 龜 東 受視,反之。 也。」宗: 以 扉 作, 待之。 還 1 無近 猶灼 得 墨。」興 即 宗 人受 吉,則 1 受涖 於咎 0 人不 席 也 也 負 疏

❶ 「挈」,薈要本、文淵閣本改作「契」。

二七一

儀禮鄭氏註既夕第十三

濟陽張爾岐句讀

禮》下篇」,第十三。」 三日。大戴第五,删,❶小戴第十四,《别録》名『《士喪三日。大戴第五,删,❶小戴第十四,《别録》名『《士喪焉。此諸侯之下士一廟,其上士二廟,則既夕哭先葬前二日、已夕哭時,與葬間一日。凡朝廟日,請啓期必容鄭《目録》云:「《士喪禮》之下篇也。既,已也,謂先葬鄭《目録》云:「《士喪禮》之下篇也。既,已也,謂先葬

「開」。○請啓期,主人曰:「在明旦。」有司遂以告賓。建之期於主人,以告賓,賓宜知其時也。今文「啓」爲啓期,告于賓。將葬,當遷柩于祖,有司於是乃請啓下。 一概夕哭,既,已也,謂出門哭止,復外位時。 請

右請啓期。

祖禰共廟。○疏云:「此設盥亦在門外東方,如大斂也。」 夙興,設盤于祖廟門外。祖,王父也。下士

右豫於祖廟陳饌

袒。 脱去三字,註以爲互見也。疏又云:「啓殯之後,雖斬衰亦 朝夕哭門外位。 服小記》曰:「男子免而婦人髽,男子冠而婦人笄。」如初, 初。 階,盡階,不升堂,聲三,啓三,命哭。功 有事,止讙囂也。 免而無括髮。」婦人不哭。 主人拜賓,人即 〇大日薪,小日蒸。 治之布也,執之以接神,爲有所拂仿也。聲三,三有聲,存 爲將啓變也。 此不蒙「如初」者,以男子入門不哭也。 二燭俟于殯門外。 ○據疏,當云「丈夫免,婦人髽」,此或偶 商祝免袒執功布入,升自 此互文以相見耳。 丈夫,髽,散帶垂,即 早闇,以爲明也。 髽,婦人之變,《喪 不哭者,將 燭用蒸。 位 布,灰 位 西 如

❶ 「删」,係後人校語誤入正文,當刪。

神也。 算。 啓肂遷之。 降,與夏祝交于階下,取銘置于重。 ○疏云:「一燭入室中照徹奠,一燭於堂照開 近西,是交相右 夏祝升取銘,亦至階下,故曰「交」。 徹宿奠降也。 文「兔」作「絻」。〇三,息暫反。 主人也。 啓三,三言啓,告神也。 〇燭入室時,祝從而入徹宿奠。 吉事交相左,凶事交相右。 與夏祝交,事相接也。 〇此開殯之時。 也。 ○夏,户雅反。 舊説以爲: 燭人。 商祝 降階者近東,升階者 夏祝取銘置于重,爲 祝,之六反。 拂 徹奠者降至階 今文「銘」皆 炤徹與啓 聲,噫興也。 柩 殯建也。」祝 用 祝降者,祝 功 踊 1肂者。 布 下 無 作 今

右啓殯。

幠用

夷衾。

拂、去塵也。

幠,覆之,爲其形露。

〇 柩

出

自

肂,故拂之、覆之。

疏云:

「夷衾當隨柩入壙。」〇註

疏

無

」字,《圖解》有幠字,似當有

出,必 輁 《檀弓》曰: 狀 如 解 遷于祖,用軸 長 尊 (牀,穿 者。 「殷朝而殯於祖,周朝 桯, 軸, 前 輁 後 軸 著 也。 金 遷, 而 軸 徙 關 狀 而遂葬。」蓋象平生時,將 也。 軸 如 焉。 轉 徙於 轔, 大夫諸侯以上, 祖 刻 兩 朝祖 頭 爲 廟 軹。 也。

之。 階。 疏云: 庭一 從, 有四周, 西 父母神之所在,故於兩楹之間, 疏 間 柩至西階下,遂鄉東階下, 東面,主人西面可知。」又云:「唯主人、主婦升,衆主人從 面 面 廟,燭在前者升炤正柩,在後者在階下炤升柩。」升自 夫由右,婦人由左,以服之親疏爲先後,各從其昭穆,男賓 在前,女賓在後。 \(\frac{1}{2}\) 面 在南 北上。 用 柩從,燭從,主人從。 柩也。 升降自西階。 衆主人東即位。 「户牖之間,賓客之位,亦是人君受臣子朝事之處, 「柩前後有燭,以柩車隔闇 夷牀。 謂之輔。 置重如 而置之。 猶用子道,不由 俟 正柩也。 兩楹間,象鄉户牖也。 〇此從奠,啓殯時所徹,去日之夕奠也。 天子畫之以龍。 初。 席升設于柩 如殯宫時 席設于柩之西,直柩之西, 主人從升。 東方之位。 即 西 阼 北面鄉之。」主人柩 行之序也。 也。 面位。」正 故各有燭以炤道。 也。 西,奠設 重先, 奠從, 奠 ○亦如: 0 是時,柩北首。 俟于下, 疏云: 婦人升,東 柩 主人從者,丈 如 上篇,三分 于 「舉主婦 初,巾 兩 及至 當西 東 東 楹 西 燭

東面。 階 面 方在柩東,設奠訖,主人降拜賓,婦 從殯宫中 由 無 從殯宮來,還依室中東面設法,設之於席前也。 設 也 柩東,東非 也。 足 算,降, 西 親 降拜 奠設 者西面,堂上迫,疏者可以居房中。 面。 拜賓,即 神位 賓,人即 如 設奠 初, 也。 一時,婦 東面 巾之者,爲禦當風 位 位,踊 袒, 也。 人皆室户西,南面, ,至此乃 不統於 襲。 人乃得 襲。 柩,神 主婦 未設奠時,主人 塵。 由 不 柩足鄉東,西 ○前者主人 西 及親 奠畢,乃得 0 主人踊 面 此 也; 宿 者 奠 不

右遷 柩朝祖

乃 質,正 生 階、柩 車 陳西上於中庭。 時將行,陳駕也,今時 奠 不設 也 也。 如 北首,辟其足。 非 初 序西南,已再設,爲 車,直東榮,北 徹 載 柩之車。 升 者升自阼階 降 〇以明旦將行,故豫陳車: 自 ○奠,夙興所陳三 0 謂之魂車。 西 朝, 階。 輈。 褻。 降 竹 求 爲·遷· 自 ○徹者,徹 反。 薦 輈 祖・ 西 進 轅 奠也。 階。 質 鼎及東方之饌。 也。 也。 明 乘車、道車、 進車 去從 徹者, 車 奠升不 當東 滅 者,象 奠 辟 燭。 也 榮 由 新

> 路絛纓。 轡,圉 其 也。 節 如 者,薦車之禮,成於薦馬。 立于馬後。 三色, 者,蓋絛絲也,其著之如罽然,天子之臣如 重 南,主 踐污廟中 初者,亦於柩西,當階之上,東面,席 而 就,成也。 踊 人夾牽之。 一人踊 如《聘禮· 圉人,養馬者。 也。 節,升 也。 哭成踊,右還出。 諸侯之臣,飾纓以三色而三 凡 降。 薦 記》:『三色、朱白蒼也。』 人門,參分庭,一 馬 駕車之馬,每車二疋。 ○奠升時 在左右曰夾。 ○主人哭踊 纓三就 主人踊 在 訖 人 前奠之。 既奠乃薦馬者,爲 南。 主人於是乃哭踊 門 馬 降 其 則右 命數,王之革 時 成。 御 北 纓,今馬 疏 婦 者執 主人 還 人 궁 -此三色 面 踊 而 出 策 要 交 此 由

賓出,主人送于門外。

右薦車馬,設遷祖之奠。

入,袒。 側、昳 事 畢 中

朝
出 也,謂 有司請祖 乃載,踊 將行 將 過中 而 飲酒 期,亦因在外位請 之時。 無算。 \exists 祖 ○主人應有 祖 卒東, 始 也 之, 襲。 司 曰 當 之辭。 以 袒,爲 告 日 賓。 主 側 載 變 每

奠也。 東也。」商 也。 設 者,柳之頂結也。 其張於外者而言。 在上爲柳,柳有荒。 蒼,著以絮,元士以上,有貝。 〇飾柩:在旁爲墻,墻有帷, 聯 小 采,無貝。 車于階間,謂 有布帷,柳有布荒。 藩」。 乃」字,案疏當有「乃」字。 喪大記》曰: 。帷荒,前赤後黑,因以爲飾,左右面各有前後,齊居柳之 車等,衣以 央,若今小車蓋上蕤矣。 疏云:「未束以前,其奠使人執之,待束訖,乃降奠之當 披。 乃 柩 ○以帛繋棺 在堂北 當前東,❶猶當尸腢也,亦在柩車西。 舉 極都 披,輅柳 祝 青布。 此車。 「士戴前纁後緇,二披用纁。」今文「披 飾柩,爲設墻柳也。 飾 首,今以 下而載之。 棺 柩 0 紐 池象承雷 上,貫結於戴,人居旁牽之,以 墙柳,自其縛木爲格者而言,惟荒,自 池者、象宫室之承雷、以竹爲之、狀 ○賓出即 紐,女九反。 ,着柳骨, 池,縣於柳前, 足 鄉前下堂,載於車也。 束,束棺於柩車。 池,紐前 以三采繒爲之,上朱,中白,下 降奠,當前束。下遷祖之 即 納柩車,主人送賓返,入乃 謂之戴。 簷也。 巾奠乃墙,謂 揄音遥。 士不揄絞。 輕 紐 又以帛繫戴, 後 垂 賓出 束有前後也 雷,力又反。 於 緇,齊三 此 四 備 紐所以 0 隅。 遂 也。 」皆爲 傾 註 匠 虧 而 齊 如 墻 無 納

> 出 曰 絡 紼。 其 字。 餘 古者人引柩。 於帷 屬 外, 引。 使 屬,猶著也。 人牽之, 《春 1秋傳》 謂 之披。 日 引,所以 坐 註 引而哭之三。」〇 引柩車。 文「輅 字, 在 當 軸 輴 是

右將祖時,先載柩,飾 柩 車

引

謂

紼繩屬著於柩車。

者。 曰 : 九委反。 折,加於擴時,善者鄉下, 之者,爲苞筲以下,綠於其北,便也。 者三,横者五,無簣, 窆事畢, 加之壙上, 以承抗 折,横覆之。折,猶庪也,方鑿連木爲之,蓋如 和,有鐘磬而無筍簾」。 成用,瓦不成味,木不成斷,琴瑟張而不平,竽笙 所以 「其曰『明器』,神明之也。」言神明者,異於生器, 其横與縮,各足掩壙。 陳 禦 塵。 明器於乘車之西。 抗木,横三,縮二。 0 加 者,加 陳器於乘車之西,則重之北 今陳之,反善 於抗木之上。 〇抗音 明 剛。 抗,禦也,所以禦止土 器,藏器也。 覆之,見善面也。 面 加 鄉 加 抗席,三。 上 茵, 也。 席。 牀 備而 用疏 檀 0 竹不 横 而 弓》 庪 也 陳 縮 不

0 前 原作「將」,據薈要本改

席

所以盛 ○觳 用 也,其容蓋與 容則屈而反之。 在内,如渾天家,地之上下周 據既設後,人所見而言也。 擴上,先用縮二,乃用横三。 Ŀ 布 茵皆有天三合地二。」○茵音因。 内則》曰: 然 緇 疏 茵」字當連上「綪 目言之也。 茵二在下, 音斛 ○奠,謂 前已詳 也。 布 ○ 茵設壙中,先布横三,乃布縮二。 種 翦 幅 此 罋,瓦器, 甒 屑 (簋同 茵,豈 筲與 遺奠。 有 缘之。 象天三合地二,人藏其中焉。 桂與 陳明 茵; 幅 畚 合重舉? 觳也。 醴、 一畫。」 器, 」字爲句,言陳器當從茵屈 同類 筲三, 亦者,亦抗木也。 其 亦 茵在抗木上,陳器次而北 以 容 酒 縮 幂 也。 西行 〇疏云:「筲以菅草爲之、畚器 亦蓋 其 匝皆 註云「木三在 覆 黍、稷、麥; 幂 實抗、 罋 苞 也。 南端 横 用 有天也。 器 : 三,醢、醢、 觳。 功布 今文「幂 茵皆三者在外,二者 爲 Ė 及其用之,木三 屑 所以 西 茵 故疏 上 厝 所 薑 綪 南 今文「翦 甒 皆 裹 茵二在 筲 桂 柩後, 以 轉 奠羊豕之 上, 亦 也。 屈 之屑 屑, 藉 作 而 畚 也。 「木與 棺 瓦 北 下, 施抗 種 ○愚 綪 器 作 也。 者 不 幂 在 類

> 鎧。 村,盛 也。 桁 杖、笠、翣。 代反。❶ 鬼器人器也。 槃、匜, 匜 罋 古文「甒 桙 甒也。 户 胄,兜鍪。 役 湯漿。 庚 〇杆音于。 器 兜,丁 反。 皆作 久當爲灸,灸,謂以蓋案塞其口。 槃、匜, 實于槃 用器: 甲、 有燕樂器可 無。 ,侯反。 燕居安體之器也。 干,楯。 胄、干、 無祭器,士禮略也。 盤器 皆木桁,久之。 鍪音 弓矢、 中,南 笮,矢箙。 也。 矛。 笮。 也。 流, 耒耜、 流 楯 笠,竹 匜 此 與賓客燕飲用樂之器 當 口 此 皆 允 也。 簿 皆 兩 師 大夫以上, 桁 反 每器 蓋 常用之器 役 敦、 白 今文「杆 所 也。 反。 之器。 燕 異 以 兩 桁。 庪 翣, 鎧,苦 兼 苞 甲 也 扇 用 筲

○翣, 所甲反。

日及側矣。 ···· 右陳器與葬具。載柩、陳器二事畢,則

巾 席 俟於西 徹奠,巾席俟于西方。 方 祖 奠將用 焉。 要節 者,來象升,丈夫踊 主人 要 節 而 踊 去

車 不

後 鄉

南

面

故

註云「東上」。

祖

還

車

不

還

器

祖

有

車

西

者、以

車

西

有祖奠,故辟之在車後。」愚案婦

人

在

右還柩車,設祖

奠.

在阼階下

也。

前

位在尸東,小

自啓至於葬

在

内 疏

行

漸

車

亦

宜

鄉

外

也。

器之陳,

自

已

南

上。

0

車,

前

所

薦

間。

爲柩將去有時也。

南

,當前束。

主人也。

前

袒,爲祖

今既

祖

訖

故

始。

旋

柩

車,

使

轅

鄉外

也。

亦

執

功布

居

前

爲還柩車

-爲節。

者,以

堂

Ŀ.

時

婦

人

在

阼

階西

事,止有往來,主人以其往來爲踊節,與徹室中之奠升階 還,男子亦在車東,故婦人降,亦東上,統于男子也。 東近北,今還車,則當前東少南。」婦人降,即 位,東上。 柩還,則 一者,此奠在庭,徹者 將旋 面,統於堂下男子,今柩 俟者,奠已東去,而巾 踊 西 ○還音 爲將祖變。 奠必設者, 而 極鄉 乃 面; 襲。 〇疏云:「云『位東上』 當前東南。 祖 既 外,更設 患。 0 車未還之時 徹 還 爲神馮 由 商祝御 踊, 柩鄉外,爲行 重 祖 位于階 無升降之 〇疏云: 東 襲,少 奠,故遷 依之久 席 南 當 柩 猶 婦 車 南 執 不 前 人 云 : 之乘車 左還。 取 後 本置于重,今將行,隨 位,據在祖廟 兄弟,恒在内位。 人,復位。主人也。 賓出,主人送。 以左還鄉門爲便。」布席,乃奠 庭之東,以右還鄉門爲便, 加 祖奠既與遷祖奠同車西,人皆從車 與遷祖奠同。」 位 踊 銘,置于茵。 「自死至於殯在内位,據 在阼階下,若自啓之後在廟位, 道 重與車馬還 車已祖,可以爲之奠也,是之謂祖奠。 車、 中。」又云: 稟車 薦 〇主人既以 也。 重不藏,故於此移銘加於茵上。 相 有 馬 柩,故移置茵上 自死至於殯,自 反, 陳器本 「始死未小 司 如 重在門 由 請 初。 在殯宫中; 便 自 葬 葬 也。 南 如初。 期 柩 内 斂以 期。 前 亦

之。

巾

席即所徹奠之巾席。

也。

○此所徹遷

祖

之奠,爲

設於序西

南

者

非

宿奠

也。 器

宿

象降,婦

人踊

徹

者

由

明

北

上,不

須

更

還

也。

祝

0

疏

云:「車

馬

在

中

面

鄉

北、人在

其

南

主人要節

0

疏

云:

也。

二人還

以俟

也。

註

「象升」、「象降」

降階者同

,故云「象」也。

袒。

0 而」,各本作「西」,據監本疏 改

二七 Ē 動

車

還

宜

新之也。

亦

因

在

外

位

時

來,❶則此要節

圃

命

有

司

而

遂

人。

啓至於葬,主人及

左,尸 車,四 賓 袒。 位 士 車 踊 少 亦當前輅之西,於是北面 在 廟門 賵 秋傳》見哀公二十三年。 主人送葬也。 棧 一板反。 制 重南 前,三分庭之北。 康子使冉求賵之以 ,使者。 ,芳鳳反。 作 以東 在 無漆 輪 賓 外, 公鵙 車 輚 君命也。 迫 、藏之。 宰由 奠幣于 上,以 賓奉幣,由 飾。 地 幣、玄纁 不哭,先入門右, 玄 擯者出請,入告。 **0** 兩馬,士 無 左服,象授人授其右 纁 主人之北 東爲右」,故奠左服, 衆主人自若西面。 漆 〇此時 疏 棧 也。 束 飾, 輅有前 云: 馬, 左服 制 故 輅 馬 馬 致命,得鄉 也。 主人仍 「主人哭拜,仍 \Box 引之者,證 言『棧』 後。 西 兩。 轅 舉幣 其可 縛,所 出。 春 當 主 在 也。 公 秋傳》曰: 門 前 人哭,拜 北 以 柩與奠。 以 棧,謂 也。 馬入設。設於庭 象授人右也。 主 或 以 以馬賵人之事。 東 此 輅, 稱旌繁乎?」〇《春 屬引。 面,及衆 君 於門 東。 車 服, 北 也 釋杖 柩 北 南 宋景 面 柩車 右 車 車 鄉 稽 柩東,主人 面 由 賵 也。 北 箱。 曹卒, 經 馬 顙 致 所 以 在 面 主 迎 云 〇棧 西 今文 東 凡 命。 階 以 人 成 于 主 爲 士 間 魯 柩 則 助

> 過,故. 送于外門 也。 人之北」,指柩東定位而言,此 有 由 勇力者受馬。 其 北 外,拜 也。 士 ,襲,人復位 《聘禮 受 馬 $\stackrel{>}{\exists}$ 以 位 雖無主人, 一皮 出 馬 此 相 士; 間 宰不得 可 謂 也。」主 胥 徒之長 履 之以

右國君赗禮。

幣。 告, 出 室同。 主人 賓 出 人拜于位』; 將 迎矣。」賓奠幣 報 請 命』者,身不 事畢 出告須。 拜于位 擯者先 賓賵者 〇疏云: 賓出 送 此主人亦拜于位,俱是不爲賓出。 去 在 來,遺使者將 也。」若奠,實 「,將命。 外,請之爲其復 不踊。 人,實從,致 「始死時、『庶兄弟襚 不迎,告日 如 初, 柩車東位は 賓, 舉 「孤某須」。 命告 卿 致 幣 有事。 大夫士 命 主人。」 可 受 以 如 也。 馬 使 奠 0 初。 人以 也。 馬 擯 也 疏 如 既啓之後,與 者 \overline{z} 人設,實 將 初。 0 初,公使者 出 有君 命 疏 致其 岩無 于 請 \bar{z} 擯 室, 堪 者 奉 言言 亦 主 在

^{●「○」}原脱,薈要本有空格,據補。

雖

兩施 西,陳 主人。 兄弟,有服親 初。 又請,賓告事畢。 東面舉之,反位。坐委之,明主人哀戚,志不在受人 賻,賻之言補 如受馬,又請。 知 納賓 命。 左 反位,反主人之後位。○宰位在主人之後。 則捂受之。 亦於棧 明 西西 主人拜。 畢 無 所 器 贈,送。 常 知 如初。 告,出 之處 面。 猶 者。 左服。 請 則 惟 也, 翫 所 君 미 賓 賵 好所 也。 助也,貨財曰賻。 子不 以 且 謂 如 賓坐委之。 若就器,則坐奠于 謂對相授,不委地。 東 士,亦謂胥徒之長。 而 賓 賵 其「入告,出告須」。 有。 以幣若器送死者也。 拜送,人。○主人人。 必 凡 面 且 不 人,將 人意。 將禮 將 · 奠。 奠,許其厚也。 陳,明器之陳。 命。 所知 必 兄弟, 赗 命 宰由主人之北 主人出者,賻主 入告。主人出 如 通 初。 問 ○捂 又,復也 賵 而 陳。 賓奠幣 相 0 后 奠,於死生 奠 知 謂 擯 五 五 士受 也 贈者 可 拜 就 若 者 故反。 車之 降 也。 送。 猶 施於 出 無 羊 如 若 於 東,故

請

將

器

物。

右。 忍維 兄弟。 字多,故書之於策。」乃代哭如初。 『百名以上書於策,不及百名書於方。』以賓客贈物名字 少,故書於方,遣送死者明器之等,并贈死者玩好之物,名 送也,謂所當藏物,茵以下。 九行,若七行,若五 Ŧī. 者 膊。 於門内右照之。 爲哭者爲明。 方,板也。書賵 奠施於死者爲 也。 各主於所知。 初, 謂 既小斂 行。 〇門内之右,門 奠賻贈之人名與其物於板,每板 多、故 書赗 書遣於策。 時。 不 ○疏云: 於方,若九,若七,若 . 奠。 宵, 知死 爲 東也。 棺柩有時將 燎 者 簡 于 哭 贈 也。 者在 門 記》 内 去,不 知 遣, 柩 之 生

事。 右賓賵奠賻 贈之禮。 以 Ŀ 並 葬・前一・ 日•

用少牢 也。 外。 魚 腊 其實: 〇特牲、少牢, 吉祭皆升右胖, 厥 也。 鮮 獸, 明 如 陳 各一鼎 羊左胖,反吉祭也。 初,如大斂 鼎 也。 Ŧi. 于門外, 奠時。 士禮特牲三鼎,盛葬奠, 0 如 此則 亦如大斂 言左胖者,體 初。 用 左。 鼎 陳鼎 Ŧi. 體 加 一不殊 不 在 羊、 殊骨 廟 門

者

左邊 共 0 爲)髀,步 段 禮反。 也 髀 腸五 不 升 周 胃 貴肩 五. ,亦盛之也。 賤 髀。 古文 0 髀 疏 末,初 所 \vec{z} 爲, 以 ∇

升、 無 豕 肺 作 腸胃者,君子不食 亦 ; 離 脾 「少牢用 離 肺 如 痊。 也 之,豚解 0 腸三、 豚解, 離 胃三,今 逐艘。 無 之,不 解之如解 腸胃; · 絶 中 加 豚解 至 豚,亦 央少許。 Ξ, 如之,如 總有 亦 前肩後肫脊脅而 是 七段,今取 盛 「羊左胖、 此奠也。」 痊 苦 左胖, 圭 髀 己。 反 離 不

膚者, 豕既 鮮 獣 喪事略,則無 「葬奠用少牢, 皆 豚 如 解, 初 膚, 略 攝 之。 亦略之而加鮮 鮮 盛則 0 新 當用 殺者。) 疏云: 膚,與 鬥 士 腊 也。」東、 腊 與 少 用 鮮 牢 兔, 同 皆 方之饌 加 用 以 鮮 兔。 豕 獸 既 而 又 豚 無 則

爲四

段。

豚

解

無

腸

胃,言其

不

與羊

同

者

也。

魚

腊、

肶 佳 0 几 反。)脾析 之「脾」,脾析,百葉也。 豆 肶,尺之反。 脾 - 百葉。 析 蜱 此 用少牢, 醢 蜯,步 葵菹 講反。 蜱,蜯 無牛,當是羊百葉。 鸁 也。 四 醢 籩, 棗、 今文「嬴 脾, 讀 糗、栗、 爲 爲 0)蜱,皮 雞 脾

之饌。 猶其升也; 糕。 ○將設葬奠,先 踊 無 者,照葬奠之饌。」 賓人者,拜之。 豆,豆南 雖 云 : 面 <u>云</u> 饌 出 不 0 與 祖 一同,而 禮。 餈 猶阼 至 合蒸則 照 擣之則爲 祖 類 0 此 奠與大斂奠,同二豆二籩,此葬奠四豆四 徹 饌 奠 糗 今 疏 厥 同處耳。 階 徹者人,丈夫踊, 與 四 粉 同, 自 云: 明 一升時 胡 葬奠也。 [籩也。] 餌 爲 重 在主人之南 餅。 徹 粉 餌 一,謂 北 更 以 也, 祖 陳 西 熬之則 作 其 奠。 之也。」 陳器。 云『北上』者、蓋兩甒 ○糗,去 面 亦既 以豆之糗 徹 餅 ○疏云: 偂 訖 熟之則 徹 徹,設于柩車西 爲糗, 盥乃入,入由 當設 者 滅 九反。 當 明 東。 輅西 而 燎 前 爲 器 糝 葬 粉 輅, 奠 設 資。 也。 此 醴 由 者 物 北 執 于 明 餌 故 柩 夜斂藏之。 Ļ 又 重 使 北 自啓 照 徹 燭 在 也 東 酒 車 西 糗 北 不 徹 者 北 亦 ф 與 粘 祖奠; 北 曲 俠 而 至 餌 猶 次南 粉 之。 此 東 籩。 着 此,主 類, 柩 序 主 輅 皆 東 適 婦 也 車 西 人 |葬奠 方 今蒸 0 0 輅 饌 籩 大 北 踊 南 人 北 之 人 東 疏 四 豆 疏 註 豆.

餌

粉

餈

物

此

經云

糗

一,但

糗

餌

也。

物

皆稻

黍、

米

粉

脯

,以豆糗粉

餌。

據疏引《

籩

人》、鄭註

、籩實

有

糗

⁰ 如 原作 「亦」,據 文淵閣 本改

陳之蓋 析之南 腊在豕東。 綪 常 明 南。 節 酒 設,皆自南始,爲「不綪 之次,自 南 南 0 東 也 器之北,鄉 設糗,糗 嬴醢,是謂 如疏所釋,先饌脾析於西南,次北 適葬奠之饌,取 一,不績; 在 而 踊 籩 疏云: 設 於 籩 南而北 西,北上。 重 醴 東設栗 嬴 古 亦以往來爲節。 柩・ 東 酒。 特鮮 「此奠饌在輅東、言『由 「南上綪」。 文 醢 車西設之。 北 而 「特」爲 東而 故註 南 而 栗北設 西 設于枢· 뾆 面 南, 云 北 統於豆也。 北 俎 **籩於**嬴醢 成,猶併 辟 迴 脯 鮮 上 車・ 設訖, 上 黙 _ 環設之爲「綪」; 羊豕魚腊 醴酒也」。 奠,由重北西,既奠,由 綪; 是 西· 如 在北 0 謂 也。」 初。 也。 由 如 籩 北 以 柩車 重北し 無偶,爲「特」也 蜱 鼎 奠者出,主人 疏 贏 乃 奠: 南 上 醢,蜱 不綪者,魚在羊 所釋,以羊豕 人,舉 俎 爲次, 醢南 緍。 南 一者,亦是 二以 而 東者,禮 先設棗, 辟 **籩之西、** 人陳之也。 豆 成,南 葵菹 醴 山 南 酒 魚 車 重 要 東 醴 也 £ 之 併 腊 脾 棗 菹 前 東

右 葬 日 陳大遣奠。

甸 人抗 重,出自道 道 左倚之。 還 重 不

> 徹巾, 門外, 抗,舉 也、 四段,相通計之,爲俎釋三个,留之爲分禱五祀也。 个」者,苞取之餘,尚留三个。 脛折取臂臑,後脛折取骼,亦得俎釋三个。 載朝服,稟車載蓑笠」,是序從也。」徹者 其中,樹於道側,由此。 魚 反,變於恒 「取下體」者,脛骨象行,又俎實之終始也。 骨爲俎實之終始。 而賓客之,所以爲哀。」〇牲陳于俎,其 在前,道稟序從。 東北壁。」薦馬,馬出 人 腊 骼 , 抗 也。 也。 苞牲, 西 非 重 出 前 出 面 言之者 正牲 人。 陳器 自 耐 道,出 也。 取 俟,南 道左,主人位。 下 |云「苞二」,羊、豕各 0 重 行器, 士一苞之中,有三个牲 從門 體。 疏云: 既 ○疏云:「『道左倚之』者,當倚 虞 上。 自道,車各從其馬 中 將 苞者,象既響 央也。 目葬行明器在道之次。 疏以爲羊俎有二段,豕俎 「案下記云『乘 埋 南上,便其行也。 之, 今時有死者,鑿木置 不 言 由 其 一入,踊 苞 、脛骨 闑 《雜記 官, 而 也。 士 歸 車 東 體 在 載 使 苞三个,前 西者,重 賓 $\stackrel{>}{\exists}$ 守 臂 兩 簑 俎 駕 如 俎釋 行者 也、 不以 端, 者 視 道 初 「父 之。 也 故 車 不

脛 母 門

甸

車

0 南 阮 刻《儀 禮》經文作「西」。

後。 行 者 運 唯柩 車 從。 明 車 器 使 次器。 行 也 徹者出 茵,苞, 器 踊 如 序從, 初。 如其 於是 陳之先 廟 中 當

壙。 右 將葬,抗重出,車馬苞器以次先行 鄉·

之正 多。 之典禮書者。 束, 皆不哭。 卒,已也。 也。」卒,命哭,滅 主 面於主人之前,讀 算」皆爲「筴」。 婦哭。 西面。 以終 ○疏云: 主人之史請 也。 公史自 讀遣,卒,命哭。 燭 「讀書者立讀之,敬也;釋算者坐,爲釋之便 不命毋哭,哭者相 燭 遣者,入壙之物,君 在 俠輅 讀 書釋算。 右南 書 西 燭。 讀 方 釋 讀 面。 賵 東 燭 書與 賵 算 在 面 執 讀 史北面 則 右 算 命 使史來讀之,成其 遣 算 滅 南 坐。 毋哭,主人主婦 ,執之,以逆出 面 皆以告死者 從, 燭、出。 止 請 炤 必釋算者,榮其 也。 既 柩 書 便 而 東, 與 唯 也。 公史,君 執 主 當 得 古 算 人 前 禮 文 西

右

讀

洞、讀: 遣 哭, 之左右也。 有 在 杖,不哭,由 至壙窓訖時,贈 此次是以有 東 拜 此 稽 出 國 顙 踊;

所 ± 低仰 踊 商 執披八人。 執 無 祝 傾 布 算。 虧, 以 執 用 ,則以布爲抑揚左右之節, 功 袒,爲行變也。 力 今文無 布 也。 以 御 0 以。 仰,五 柩 in, 執 乃 〇引柩者、執披者,皆 郎 行, 披。 反。 謂 ,使引者執 柩 居 車行· 主人袒 柩車之前 也。 披 者 乃 知

之。 道 有 踊訖,即 襲; 接賓之所,主人至 襲訖而 哀次。 〇疏 行 也。 云 : 〇疏云:「大門外 Ē 至 柩向壙之序 此感 遷于 于 邦 疏爲 而 祖 門, 凡從 哀 時

送,復位,杖。 公使宰夫贈玄纁 後,各從其昭穆,男賓在前,女賓在後。』此從 註云:『主人從者,丈夫由右,婦人由左,以服之親 柩者,先後左右,如遷于祖之序。 行 商 亦如之也。」出宫,踊,襲。 賓客次舍之處,父母生時 祝 當時 北 左 用 門 止 賓升, 乃行。 制幣 柩 聽 柩 車。 束。 車 命 玄纁 鄉 實 0 北 升極車之前 疏 束 邦門,城門 賓 幣 云 左 由 所 于 則 用 右 在 蓋 前 即 廟, 輅 致 降。 也。 此 實其幣於棺蓋之 之西 柩車 命 幣 贈,送 也。 南 柩車 主 主 鄉,左則 也。 人去 人 主 前 拜 人

于蓋,載以之壙,此 柳 在 「云『復位 中 車 ,若親授之然。 後 也。」 反柩車後』者,上 贈 復位,反柩車 專爲 在廟, 死者,故若 り 後。 位 在 柩車 親授之然。」又云: 0 疏 東,此行道,故 Z: 賓 升 實幣

邦門 八尺曰 襲, 是説 其 位。 即 爲 棺束之末,結爲耳 0 二端。 封」。 疏 位 西 公 贈 乃窆。 載除飾,更 云 當藉 面 右 制 至 所贈者。 拾 用 二端合爲一匹。東十制,計 〇疏云: 小比 于 柩 「廟中南・ 制幣、 柩 踊 壙 車 也。 制合之,束,十制 主人哭踊 上 三,襲。 屬引於緘耳。 ·發行 元士 上,此則 陳器 以 卒,袒, 「主人哭踊 玄纁束,拜 婦 紼貫之而下 及在 則 人 于 葬 主 北上,故 東 用 無算,室,下棺也。 婦 道 拜賓。 道君 不言 古 輁 拜 面,皆不哭。 五合。 東 文 軸 賓 棺。 稽 處 云『統於壙』也。」 西 使宰贈之儀 屬」爲 加 拜 Ŧi. 顙 還 茵焉。 主 〇丈八尺 女賓 主人袒; J.C. 北 於擴 燭」。 也。 婦 踊 上。 也 東 亦 如 屬 此 西 俠羨道爲 今文「窓 日 統 即 0 拜 所 初 引 面 衆)緘耳, 茵 用,至 位,反 制, 於 賓。 也。 主 先 壙 於 是 丈

之等。 哭而 下,故 而居。 於旁, 羨道 位 勞 實土三。 加 甒。」○柷、尺六反。 者,器在見内 而 拾 五,去皆拜之,此舉中 檀弓》曰: 於旁」者,在見外 見」者,加此則 退; 也。 ,其業反。 抗 謂 退 東西位,其男賓在衆主人之南,女賓在衆婦之南。」〇 在道 謂 木。 相 《喪大記》曰: 周人名爲牆,其 0 加 卻 朋 疏云: 揖也,哀次 助 友,虞祔而 見。 之。 主人 宜次也。 周 賓出 執 也。 人牆 棺柩 紼 「卒謂贈卒,更袒拜賓。 註 器, 也。 内 拜 而 在 置翣。」○見,棺 则 则 云「宜次」,謂三者之用,有 不 加折,卻之。 「棺椁之間、君容柷、大夫容壺、士容 之者,明 焉。 ○折 用 退。」 退 壙 復見. 鄉 不 外又置翣爲飾。 器 拜送。 助 言 人。 ○案《雜記 下 矣。 役 註 相 陳之美面 壅 甒 問 棺 器 所 君子之於事,終不自 也,既 謝 先言 云「弔賓 及 也。 相問之實也。 饌 其勤 實 飾 相 見 土 向 也。 一藏器 封 加抗 次可 也。 勞。 上,今用 有 云『反位』者、各反 藏 而 棺 棺 退 Ŧi. 相 苞筲於旁。 飾 知,四 即 0 飾 席,覆之。 乃云 也。 也, 宜有 疏 相 趨 凡弔 帷 位 則 云: 也 見 更謂 者 美面 荒 也,反 藏 · 出 次 逸 加 賓 兩 池 踊 勤 也 也 見 器 之 白 兩 宫

二八三

襲, 道東即位,踊 如 初 無算 哀 親之在 如 初 也。」 斯。 0 疏 云: 既 拜 鄉 人 乃 於 羨

其義,抑 文,謂 堂上西 堂下 其亦主人位也。 稽 面 甚,故弔之。弔 賓弔者升 面 及丈夫拾踊,三。 自 作也」、《檀弓》文、謂親所行禮之處。 者,於其祖廟。 作階。 註 顙。 故 云「亦主人位」,疏云「《特牲》、《少牢》助祭之賓, 註 親所饋 東面、北上。 乃反哭。 右 面 欲慟 云: 賓弔者,衆賓之長也。 ·芝柩、藏器,葬事畢 也。 辟主人也。 自 食之處。 諸祖禰之側歟? 出即位,堂上西面 拾,更也。 者北面,主人拜于位,不北 不 古文無「曰」字。 西 於阼 人,升自西階,東 階, 曰: 自 階 人于室,反諸其所 西階 主婦 西 小斂,主婦等位皆 〇「反 面,西 東面,反諸 「如之何!」主 人于室,踊,出 反而亡焉,失之矣,於是爲 也。」拾踊者 婦人人,丈夫 諸 ○主人拜賓于西階 方神位。 其所 註「西方神位 養 其 養也。 面。 面拜賓東者,以 也, 所作 更迭而 〇「反 在阼階上,西 亦 衆主人 也。 出 即 踊 《檀 諸 人 踊 即 反 升 未詳 上 位, 其 也。 弓》 位 拜 主 哭 東 所

也

序西 賓。」遂 小功 賓于 外 11 位于堂東,西 入升堂,丈夫即中庭之位。 也」,未知果經 人 皆 画 闔 以下也。 拜 西 拜 門。 階 送 適 稽 即中 一于西 殯 顙 將 面 意否? 異門大功,亦可以歸。 主 庭位也。」兄弟出,主人拜送。 宫, 無 階 同 主人即 0 人揖 東 皆如 歟? 疏 面 궁: 始 故 衆主人,乃就 死,拜 位于堂下,直東序,西面 啓位 賓降,出。 「此於《雜記 此 ○疏云:「此如啓 東 賓于西階 面 ·, 拾 不 移 衆主人出 踊 以 五賓當 主人 此 次。 其 位,婦 反而亡. 亦主人位 啓位 送于 『相見』之 次,倚 門、哭 人 兄弟 直 ·婦 亦 亦 門 故 即 拜

右 反 哭于廟、于 殯宫, 出就 次, 於 是將

舉初虞之奠矣。

未是。 註所 言: 來,朝夕有奠,葬後乃不奠也。 葬後至練, 굸 猶 朝而葬 朝 虞。 夕哭,不奠。 皆朝夕哭,與 日中 虞,喪祭名,虞,安也。 而 虞 是 未 也 是日 註言「是日」 葬 同 疏 也, 以 但 爲 骨 以 不 肉歸於土,精 釋 - 奠耳。 虞易奠。 不奠之故, 謂葬之日,下 大斂 0 經 以

剛日 卒哭之明日祭名,祔,猶屬也,祭昭穆之次而屬之。 名其祭曰「卒哭」也。 後,又遇剛日,舉此祭。 夕之間,哀至則哭,至此祭止也,朝夕哭而已。 不 無所不之,孝子爲其彷徨,三祭以安之。 忍一日 ·共三祭也。 離。 〇三虞,謂 卒哭。 明 既祭,則唯朝夕哭,不無時哭,故 日以 葬日初虞,再虞用柔日,後虞用 卒哭,三虞之後祭名。 其班 袝。 朝葬,日 班,次也。 ○後虞之 中 始, 而 袝 虞 朝

右略言葬後儀節及喪祭之目。

記:

○疏 衣,謂 反。 性 寢於適室。 外内皆埽。 齊,憂也。 不疾則在燕寢。」〇首,手又反。 也。 **云** 徹褻衣,加 更 士 適寢者,不齊不居其室。 加 「徹褻衣、據死者 處適寢、寢東首于北墉下。 新 今文「處」爲「居」,「于」爲「於」。 朝服。」 養,于亮反。 爲有賓客來問 蓋其 新 衣。 一齊時 而言。 徹 故衣垢汙,爲來人穢惡之。 也。 已着 琴瑟。 ○齊,側皆反。 有疾,疾者齊,正情 徹褻衣, 疾甚日 玄端,至 謂故玄端; 去樂。 病。 此 ○疏云: 更徹去,易 將有疾,乃 ○埽,素倒 養者皆 疾 加 病 若 新

> 改服。 遷尸。 朝服 深衣。 事相變。 五祀博言之,士二祀,曰門,曰行。 男子之手。 續,新絮。 男子不絶於婦人之手,婦人不絶於 四字,羡文也。 持 衽,下莞上簟; 人啼」註:「於是始去冠而笄纚,服深衣。」則此「主人深衣 人啼,兄弟哭。 檀弓》者,證深衣易去朝服之事也。」設 體。 也。 《檀弓》曰:「始死,羔裘玄冠者易之。」〇疏云: 徙於牖下也。 爲賓客來問病,亦朝服。 爲 衽, 臥 新衣不言朝服,互 不能 備褻。 屬纊 席。 自 轉 設枕。 哀有甚有否。 古文「第」 側。 以以 乃行禱于五祀。盡孝子之情 於是幠用斂衾。 御 俟 見之也。 病卒之間,廢 者,今時 絶 爲「茨」。 氣。 於是始去冠 主人深衣。○按下「主 乃卒,卒,終也。 御 侍從之人。 爲其氣微 ○疏云: 床第,當 者四人,皆 0 牀,至是設之 第, 而 側 笄繩 難節 徒於 男女 几反。 牖 롸 也 主 坐 服 牖

文,而記君子正終,人子侍養之事。此據經「士死于適室。 幠用斂衾」之

下者,即上文牀第當牖者

也。

也。 也。 若 牀 未變也。 朝 器,若醴、若酒 辟戾矣。古文「校」爲「枝」。 坐持之。 作「厄」。 遥反。 而設之。 服, ○軛,於革反。 其所執,則經所云「爵弁服」也。 |科有其一,不得並用。|〇腢,古口反。 服未可以變。 記 復者朝 始死 或卒無醴 〇上兩末,楔屈 楔,貌. 尸南首,則在牀東,當尸肩頭也。」又云: 校,脛 服 時 如 也。 無 左執 復魂、揳、綴、設奠諸禮中儀 〇方冀其生,故復者服朝服不變凶 死朝,上 用 綴足 新酒。 尸 ф 南 如 領、右執要、招 柶。 軛 用 首 一兩末。 即 ○疏云: 燕几,校在南, 以屈 几 牀 腢,肩 脛在 而奠,當腢 處入口,使兩末向 事便 ○朝,直遥反。 頭 南以拘足 即就也謂 也。 也。 卒,七忽反 而 用吉器,器 今文「軛 左。 則不得 御 用 就 要, 者 吉 P H 服 衣

曰 法器物 赴曰:「 君之臣某之某死。」赴,走告也。 君之臣 某 死。 赴母妻長子,則 今文「赴」作

記赴君之辭

心心

來,兄弟爲士者則立,若無命夫、命婦,則同宗皆坐也。」 皆坐。」此命夫、命婦之外立而不坐者,此謂 之喪,主人父兄主婦姑姊妹皆坐。」鄭云: 『士賤,同宗尊 婦在焉,亦坐。 室中,唯主人主婦 别尊卑也。 坐。 〇疏 云:「案《大記》:『士 兄弟 有命夫、命婦 有命夫 命

記室中哭位,經所未及。

〇疏云:「『衆主人不出」,在尸東耳。」 尸 在室,有君 命, 衆主人不 Щ, 不二主

故記之。 經於君命弔襚直言主人,不言衆主人,

堂者,則中庭北面致命。 于室,户西北 襚者委衣于牀,不坐。 面 致 命。 始死時 牀高, 也。 由便。 小 斂 後 襚 其 襚 Ŧ

記襚者儀位。

〇差,七何

反

盛音成。 其裸 禄。 〇抗 程,蔽之也。 夏祝淅米,差盛之。 音剛。 御 者 四 檀,之善反。 襢, 人,抗衾 袒 也。 袒 其 而 簣,去席, 差,擇之。 母之喪 浴,襢 **盈水** 第。 則内 便。 抗 御 孟 者 音

反。 〇不同 ○褌音 也。 浴 後裳,不辟,長及觳。 袂二尺二寸。 幅 幅 袂 古文「垼」爲「役」。 文「掘」爲「坅」。 尺,深三尺, 夏祝徹去,煑之爲鬻,以實重鬲也。 最長者,實貝者實之於此, 右 旁一 屬 齻 不 「「屬幅不削幅」者,布幅二尺二寸,凡用布,皆削 設明 鬠 夏祝徹 左顱。 寸,爲二寸計之,則 削 幅,長下 福。 生人但懸 無 幅 笄。 衣 也。 **襂音衫**。 云『長下膝』者,謂爲此衣長至膝下。」有前 , 婦 餘 象齒堅。 南 長 ○以埋弃潘者。 内 . 膝 耳旁。 飯。 下膝, ○以煑潘者。 其 御、女 卒洗, 壤 則 幕 徹去鬻。 又有 掘坎, 〇卒洗,洗貝也。 設 布, 以 御 此『不削 不 南順 中 也。 象生平 - 辟積 帷幕之布,升數未聞 裳,於蔽下 貝反于笲,實貝,柱 帶。 無 垼,用塊。 南 明衣裳,用幕 統於堂。 ○餘飯,飯尸 幅一謂 也 瑱塞耳。 笄, 监 順,廣尺,輪二 中帶,若今之褌襂。 堅 觳,足跗也。 猶「丈」夫之不 也。 繚 體 輪,從 顱,謂 使 深 0 相 塊,垣 也。 塞,充窒。 餘米也。 著,)旗,丁 牙 也。 也。 凡 還 0 去 布 兩 也。 邊 今 冠 屬 以 畔 疏

> 者也。 絹反。 裳,在 服,短 地也。 穿坎之名,一曰坅。 掌後節中也。 緇、黑色也。 也。 乃結反。 翔「丘錦反」。 反與其一端結之。 左手之無決者。 ○觳,苦角反。 幅日 無見 湼,塞也。 綼, 設握 既襲,宵爲燎于中 綼,在下日 毗 膚, 飾 手無決者,以握繫一端繞掔,還從上自 皮 隸人湼厠。 長 裹 衣曰純,謂領與袂。 反。 無 甸人築坅坎。 爲人復往褻之,又亦 ○前經言「設握」,言右手有決者; 親 ○築之、坅之,皆甸人也。 被 縓 緆, 緆。 膚 士。 綼緆 他 〇在幅,裳之側緣 0 繫 計 前 隸人,罪人也,今之徒役作 鉤 反。 後 庭。 中 裳, 染謂之縓,今紅 築,實土其中,堅之。 衣以緇,裳以 緇 指,結于掔。 謂 宵,夜 鬼神不用。 純 前 也。 七 ○妗,張 幅 人 縓, ○縓,七 後 也 ○湼 爲 此記 四 掔 緇 貫 鳳 飾 幅

此,皆始死日事也。 記沐浴含襲時職司、服物。自記首至

燎之時,即陳小斂之衣。 凡,凡小斂大斂也。 厥 明,滅燎 倫,比 陳 凡 衣。 也。 絞約 今文無 記 節。 用 「約」。 布 0 倫 當 襲之明 古文「倫」爲 如 朝 日 服 滅

籩,記 朝夕一 也。 下, 乃 酌 堂、設於奠所、二 不 柶 棜,今之轝也。 酒 牀 而 饌之也。 二,素勺二; (檀弓 輪 酌。 東,乃巾之, ψ 爲具,具則於饌 棜,於庶反。 柶 記於此 酒 南 ○奠用 ¥ 云二以 一奠,各饌 其 0 在 覆 順 皆者 勺二, 酌 朝 南 加 朝 者, 醴 服 醴 齊 之法: 之, 並」,言大斂奠之不同 + 奠日 方其 角鱓 皆 凡籩 其器 酒 醴 一處皆巾・ 明 Ŧi. 豆 篚 巾之。 于 東 其 但 酒 升, 面 出,夕奠逮日。」〇鱓雖豫陳,必 饌 四 在 在 坫 既酌 堂與 也。 他 各 堂東 用 豆, · 枋,及 東,南 甒 此 木 之。也。 與 巾之, 奠所 醴 也。 用 小 小 柶二、素勺二,爲 北 實具 觶 時 饌 斂一 布 斂 以 加飾 錯 則 豆籩二以 于 亦 也。 小 同 柶, 順 栖覆 如之。 不中 設, 豆 陳。 斂 以 其上: 實 建之。 也。 於小 而 於解 並 矣。 皆巾之。 觶 籩 籩,大斂乃二豆二 古文 籩 角 明小斂一 有 併 斂奠者,惟 豆豆 設 上 四、 觶 籩 觶 角 夕進 豆, 兩 則· 棜 時 使 者, 柶 四 亦 惟 觶 是· 甒 于 柄 朝 俟 醴酒, 有二者 大· 斂· 如 至設 饌 待 豆. 籩 |爲「角 向 木 東 時 夕 此 之。 於 醴 奠 ___ 豆 前 也 也 柶 堂 時 而 籩 饌. 兼 於 偶 東

> 降, 帶。 斂。 階 奠不 及其錯 者 司 位 序西南」,「不」字貫下八字。 室事已。 人人,堂下直東序,西 設于序西南矣。 不出於室設于序 也。 西 滅 復位 面 階 既 衆主人,齊衰以下。 出室。 燭 於奠所 主人奉尸斂于棺 向 東、北 馮 殯、故 出 户,主 中 降 知 未忍神 面,東 則 庭西 西南 無 自 大夫位 扱 人袒 踊 阼 面 面 畢 位。 節 遠 上。 階 ,則西階上賓之。 事 中。 之也。 在 卿 ,髻髮, 0 大斂于 耐 大夫在 0 中 大斂,辟 由 視斂 其哀未可 去之。 0 疏 庭 主 錯、七 云: 辟 西 人之北 絞帶; 襲奠 面 其 阼。 ○註 Ē 既 奠及朝夕 也。 南 故反。 節 馮尸,大 也。 以 篇 大夫升 示 未忍便離 Щ 辟 卿 朝 東。 衆 大夫與 出 斂 ○承上文 奠, 小斂, 奠, 夕哭二云 主 於 既 巾奠 則 室 夫 自 執 人 斂, 主 主 皆 設 逆 布 辟 燭 西 而 人 則 于

處所、儀法。記小斂、大斂二節中衣物、奠設、時命

既殯,主人説髦。既殯,置銘于肂復位時也。

惡

今文 果。 爲親。 時。 也。 之冠。 聞。 之心。 升二十四分升之一。 木爲廬,在中門外,東方 者,外其餘也。 丁果反。 則男左女右,長大猶爲飾存之,謂之髦,所以 諸侯禮。 車 升,外縪,纓條 堛 〇疏引《喪大記 杖下本,竹桐一 説 不在於 涉反。 哀至則哭,非 也。 厭,伏 至此,尸 拜君 歠 皆 三日 粥 不 士既殯,諸侯 作 命 飽 衰三升。 也。 説 纓條屬者, 柩不 與 ·
絞垂。 税 拜 朝 絰 0 滋 衆 必朝夕。 見,喪 味。 》鄭註 解 帶。 實在 賓 兒 屬 溢 已 北户。 生三月, 鬋 及 厭 成服日。 粥, 也。 小斂,於死者俱三日 衣與裳也。 通屈 詳 米,夕一溢米。 굸: 無 木 曰 果,在 哀 有 糜也。 《喪 非喪事不言。 飾 戚不在於安。 故 士 順其性 服 縪,謂 可 寢苫 行 條繩爲武,垂下爲纓,屬 絞要絰之散垂者。 既殯説髦; 髮爲 所 以去之。 <u>=</u> 篇首 地 乘 履外納。 也。居倚 縫著於武也。 枕 也。 鬌 E 章。 网 蓏。 塊,苦,編 哭晝 男 \exists 髦之形 順父母 〇 縪 雜 也。」〇鬌 溢、爲米 小斂説髦 角 主 不 不忘所以 女羈, 記 廬,倚 納收 食 人乘 **三**日 夜 音 外之 象未 幼 藁。 必。 菜 無 冠 餘 小 否

蓋

六

塊

在於驅 也。 堅也, 異類。 爲之, 服。 藩。 裧,尸占反。 ○疏云:「『疏布裧』在 之車亦如之,疏 以下,其乘素車繅車駹車漆車與? 古文「鑣」爲「苞」。 綏,約轡,約,繩。 楊柳之堪 白 ○《玉藻》: 「端衰 悪 |狗幦, 作 今文「髦」爲「毛」。主人之惡車,如王之木車, ○謂 木館,取少聲。 , 亦白。 取 喪 ○菆 馳。 堊。 亦是以狗皮覆車式。 其 車 局箭 車 皆 「君羔幦虎犆。」陳註云: 蒲 臑 兩 ○服,盛 則留反。 貢 無 者。 鼓,牡 邊禦風者,以 也。 白 等。」 車,白 . 狗 白 御 ○ 鑣, 蒲莖也。 布 綏,所以引升車。 幦 然 矢器。 者以之策馬,與 今文「館 『亦如之』之下,見不與男子同。」○ 犬服, 答問兵服, 以犬皮爲之, 裧。 於 未 則 彼苗反。 狗 此 喪 蒲 成 註 惡 攝 飾 古文「菆 談者,車 〇幦,亡狄反。 豪, 草爲之。 車,王 云「兵 爲 宜。 服 狗。 鎋」。 貢 ○駹,步江反。 馬 「幦者,覆式之皮。」此 古 服」, 爲 喪 裳帷、於蓋弓垂之。 不 木 作 文「幦」爲 之木 蔽之「蒲 御 副 齊髦。 鑣 ○館音管 覆答也, 騶 似泛言五兵之 也。 以 ,亦取少聲 車 蒲蔽,蔽 蒲 攝, 也 則齊 菆,不 同 以 主婦 幂 齊,翦 蒲 古 名 狗 菆 約 取 緣 衰 而 文

皆 也 如 狗 乘 皮 車 服 如所 差 飾。 乘惡車。 0 服 亦 0)唯白 謂 盛 兵器 狗 攝服爲異 之服 也 其 他

之制 記 殯後 居 喪 者 冠 服 飲 食、 居 處、 車 馬

朝夕之奠與朔月 之窔。 童子不 下室,燕寢 之禮,於下室日設之,如生 羞 末 隸子弟、若内賢寺人之屬。 室、聚諸突、布 内則 湯 内鬛,從執 朝 「下文『掃室、聚諸窔』,故 夕食 ĕ ∃ : 沐之 0 朔月,童子執帚,郤之,左手奉之,童子. 專禮事。 比 也 也。 三日具 饌 必二反。 羞, 朔 之奠,設 燭者 0 沐 如 席 四 月,若薦 徹, Ŧi. 時 他 如 窔, 而 徹 日 之珍異。 初。 于 日。 存 具 東。 宿奠者。 殯: 執用左手郤之、示未用。 浴。 也。 弔 不用箕。一從徹 宫, 新 燕 卒奠, 埽者執 反。 比,猶先也。 孝子不忍 進 湯 養, 燕養 則 徹之時, 沐, 鬛 比 平 不 之 音 奠, 常 所 獵。 饌, 設· 饋于下 所 以 室東 如 日 舉 洗 者 用 其 燕 廢 于· 供 去 帚 席 而 頃。 其 南 養 下. 汙 養 〇疏 室。 事 隅 室. 垢 也。 埽 饋 垂 親 謂

> ○常 以 其 奠無 殷 奠 有 黍 稷, 黍 稷 故 也。 食 時 下 又饋 室, 于 如 下 今之内 室。 今 堂。 此 殷 IE. 奠, 寢 聽 自 朝 有 事。

稷

故

不須更饋

也

衆婦人皆哭與哭止之節, 乃營之。○經但言筮,記明其 吉,●告從于主婦。 婦升堂,哭者皆止 記 筮宅,冢 朔 月及 人物 常日 士。 故記詳 掃 主婦 事 潔 畢。 物,猶 先相之,乃筮之也。 奉 之。 哭,婦人皆哭; C 養之事 相 經但 又 也,相 此 言主 條 止 其 言 婦 地 哭不 1 可

1

H

主

言

葬

者

竊意筮宅得吉,亦當準此儀 記筮宅、ト日首末事 也

輁軸饌 作 饌 啓,命哭。 于 拱 0 西 於殯 啓之昕,外内 0 階 古文「啓」爲 疏云: 宫,其二廟 東。 明階 夷 八牀在 者 開」。 間 不哭。 於禰 者, 祖 〇昕 廟 位 亦饌 近 輁 將 音 西 軸 輁 欣 有 在 也。 軸 事 一殯宫 焉。 夷牀 夷 爲 牀 以 古 其 饌 以其西階市 文「輁 讙 於 輁 囂。 祖 軸 廟 或 既 東・

0 日」,各本皆作「日」,據張氏意改。

日

事

之車。 是:同: 訖 云「階間」,恐正當 明 故 日 其 二 適壙用蜃車,不 並言之。 廟 者 將 兩 註 階 云 自 之間 復用輁 可明 禰 朝 階 祖 故記 間 軸 者, 故 矣 人明之。」〇輁 位 亦 饌 近 輁 西 也」者 軸 朝 軸 祖 以 F 遷 經 柩 柩 直

記啓殯朝祖之事。

先具 主 所 奠,乃設之。 祖 踊 近西,乃當奠位 正 柩 階之下,東面 柩 陳也。 柩 尊 西 人東即位 入,升自 設 此一 兩 禰卑也。 於朝 一,升降 其 二 者降 極間 鼎、 朝 祖 婦 ,疏以爲 至明 廟 于 而 西 ± 自 人踊 也。 豆、 則 行 禰 事 北 階 西 婦 日 若過之矣。 祖 奠位在 奠謂 廟 也 朝 上。 饌 階。 禰、上士異 正 **籩之**奠於 祖,則 于 燭 從升,東面 重 從 柩 主人升, 禰 户牖之間 奠。 主人要節 止 先 于 設奠 廟 門 于 兩 入者,升堂,東楹 要節 禰 爾,下 西 如大斂 門 廟。 楹 如 東面 則 而 外 柩 間 小 士共廟。 既 踊 此於兩楹 之 而 待之, 於祖 斂 東 啓, 奠升, 者,奠升,主人 奠, 踊 西 西 奠 朝 廟, 便 止 面 禰 0 東 乃 重 如 間 也。 設 于 將啓 亦 不 經 徹 面 之 于 衆 西 人 稍 文 從

> 位 前, 此。 正 者、徹從奠。 如其降拜賓,至 柩 南 柩、 者。 0 西 設從奠訖,主 在柩後,今又一 徹,乃奠,升 疏云: 先,先柩者。 面 乃奠者,奠其 「此燭本是殯宫 後入者, 於 要 一人降拜 後,後柩 節 升 降 而 西 堂, 賓以 踊。 自 如 階 者。 中 小 西 東, 不 照開 後,有徹奠、設奠、 斂 在 階。 薦 適 一之饌 堂 北 祖 車,不 殯 下。 者,在 時 也。 面 主 燭 從 主 人 在 經 道 亦 此 踊 人 文朝 時,一 下 行 降 互 如 哭 祖 踊 0 在 記 照 初 時 即 徹 於 柩 IE.

記二廟者啓殯先朝禰之儀。

節·

此

亦如之也

奠如 鹿 載 禮 祝 從 「從」。 執 淺 其 皮 如 醴先,酒脯 初,祝受巾 (變同 鹿夏毛也。 初,適 弁服 祝 薦 及 乘 則 執 車 祖 此 纓、 巾之。 醢俎從之,巾 事 日 幦 數 舉 轡、 此 鹿 覆答。 亦同 調朝 凡喪,自 奠 淺 貝 幦,干,笮,革 矣。 禰明日・ 巾 勒, 席爲 玉 卒 席 序從,主人以下。 藻 後。 至 縣 從 舉 殯,自啓 日 于 奠 而 既 一士齊 衡。 適祖 IE. 降, 柩, 至 靾 之序 柩 士 席 車 乘 升 從, 載 今文無 主 鹿 也。 設,設 棧 人之 幦 旜 車 序 此

車。」〇 先設席 於極西 縣鄙 稟車 帛爲 之名。」又云: 此 朝夕及燕出 抗 奠者,當束柩於車將畢之前 田 者,亦攝盛也。」稟車,載簑笠。 疏 爲 勒 犆 南 于 以 云『道 木,刊 Į, 殺 面 鄙 旜 之纓轡及勒,亦縣 飾 「士乘棧車,更 一之車。 也 當前束設之。 靾, 息列 東上。 車」,雖 勒。 孤 盾 旜 散、悉但反。 卿 也。 入之車。 巾 爲 之所 有 「士之道 剥削之。 簑笠,備 笮, 奠 干無兵, 有 反。 膳 卒 乃 建 矢 車, 所 犆 無别 ○載 束 朝 箙 亦 車 將載, 雨 0 古文 于衡 音直。 牆 服 有箙 前 服。 攝 也。 車 而 疏云: 用 日 焉。 用 載 而 也。 即 「刊」爲 靾 牆 而上云『乘車』,下云『稟車』, 無弓矢,明 各異,故 柩 朝 視朝之服 降 祝及執 道 降, 此 今文「稟 皮 于車。 君之服 飾 韁 也。 車 弁 並 竿」。 柩 奠 稟,猶散 也。 服 也。 下 有乘車、 謂 奠 冷席于 卒東前 載 車三 者 也、玄衣素裳。 事舉 不 不 旜 席柩 田 爲 即 ○抗 朝 用。 視朔 獵。 用 旌 潦 也。 乘 服。 西 私 一奠,户 柩 道 帷荒 而 旗 木必刊 鄙 0 朝玄端 之服 謂 古 之屬 車、 爲 散 降 西 文 謂 葬之魂 凡 之屬 車、以 道 設 謂 巡 道 稾 奠 靾 車 西 行 車 舉 將 服 車 貝 通

> 薦時 旁四 行。 用茶, 之。 不 \Box 稷、麥,皆淹漬之。 享,不用食道, 菅筲三,其實皆瀹。 也。 贈, 煎。 編 澤 人,共八人也。 位 ○車,乘車、道 茵 兼 在所有。 澤蘭 著, 實經 以膏煎之,則褻,非 用 執 便易也。 披者 也。 用 與 所 ○以賓客不 澤。 茶, 以 皆 1,旁四. 車、 祖 爲 取 凡贈幣, 〇以葦爲苞,葦之長三尺,一道編之。 實 敬。 稟車 遗 其 茶, 綏澤焉。 香, 大奴 人。 既祖 0 米麥皆湛之湯。 敬。 車 且 以 不 無 故 御 菅 反。 ○葬奠, 籩實 前 於贈幣 濕 則還之向外 易 常。 草 後左右各二人。 茶,茅秀 爲 位。 葦苞,長三尺, 0 無定制。 筲 賓之贈 茵 其 爲 内 未 也。 有 鄉 所 中 知 糗 也。 但 著 外 所 綏 凡 不易 神之所 耳,未 盛 0 非 玩 廉 黍 好 初 直 薑

唯 車 記 工、載柩 君 命,止 廟 者 、陳器、 自 柩 禰 于 奠、 堩 適 祖 贈 其 之 諸 餘 儀 事 則 及 否。 祖 不 廟 敢 中 留 薦 神

● 「雨」,原作「兩」,據薈要本、文淵閣本改。

也。 禮之宜。 壙,斂服載之。 道車、稟車三者次第爲先後,先至者乘車也。」枢至于 鄧 車稟車之服載之,不空之以歸。 先至者在東。 反。 歸,不驅。孝子往如慕,反如疑,爲親之在彼 地,道 車至道左,北 ○服,三車所載皮弁服、朝服、簑笠等也。 也。 ○疏云:「當是陳器之南。」又云:「以 《曾子 柩車至 問 面立,東上。 壙,祝説載,除飾,乃斂乘車 葬既引,至 送形 而 往,迎 於地。二〇 道左,墓道東。 精 而 卒 反,亦 乘車 地, 室 道 古

記 柩在道、至壙、卒室而 歸之事。 而

斂, 則加蓋 君 視 斂,若不待 而 至,卒事。 奠, 爲有他故,及辟忌也。 加 蓋 而 出; 不 視

蓋 記 君於臣有視斂不終禮者、有既斂 而後至者二者之節。 加 卒

事,謂大斂奠訖乃去

遂人匠 作 也。 車,載 」,或作 既 人也。 正 柩車、《周禮》謂之 搏 柩,賓出 遂人主引徒役,匠人主載柩室, 聲讀 皆相 ,遂匠納 附 蜃 耳, 車 車于 一、《雜記 未聞孰 階 Ē 》謂之 間 其 職 車之舉 團 相 遂、 左右 匠

0

疏

云

依

者,謂

以章

依纏其絃,即

今

時弓孺是也。

撻

之南; 狀如 輅,則 前後 ○ 蜃, 南 0 既 ,當前輅,北上,巾之。 床,中 朝 有 市軫 既 及還車、還重俱訖,乃奠之柩車西 軸 祖 祖、祝乃饌。 以 央 反。 IE. 輇 有 柩 轅,前 爲 輇, 於 輪。 兩 市專反。 楹,主人送賓出 ○既還柩 許叔 後 用 重説: 設 祝 前 向 後 言饌於主人之南,當 饌 外, 有 輅,轝 祖 祝 輻 以 如 即饌 日 奠于主 此 上 初。 輪 時 有 無 祖奠于 納 四 輻 周,下 柩 人之 日 車 主 也 前 則

記朝祖納柩車之節與饌祖奠之處。

設之宜

新

沽示不用。

今文

絃也; 縢。 面爾 弛則縛之於弓裏,備損傷,以竹爲之。 有弭飾焉,弓無緣 沽 古文「秘 反。 作「古」。〇弓矢,謂 撻 弓矢之新,沽功。 弣側矢道 亦張 作「柴」。 可 也。 也。 者謂 ○檠音景。 皆 人 之弭。 以 亦 壙 韋爲之。 使可 用 器。 弭 張 設依撻焉。 以 舉 今文「撻 《詩》云: 骨 有 弓矢以例 角 松、松、弓 爲 飾。 「竹柲 爲「銛 依, 餘 0 弭 者

0 面 原 作 回 據監本釋 文改

矣。 至。 此軒輊中之異於生用耳。 凡爲矢,前重後 亦短 矢笴長三尺,五分羽一,則六寸。 翭矢金鏃。 而射之矢也。 布爲之。 所以撻矢令出,生時以骨爲之。」有韣。 輕,恒矢、庳矢不前重後輕, 軽中,謂前後輕重均也。 志。」輖、墊也。 ○翭音侯。 衞。 翭矢一乘,骨鏃,短衞 凡爲矢,五分笥長而羽其一。 志, 四矢曰乘。 輕 猶擬也,習射之矢。《書》云:「若射之有 無 鏃,子木反。 也。 鏃 短衞,亦示不用。 ○鄭解□ 註「凡爲矢,前重後輕」,亦欲 骨鏃短衞,亦云不用也。 疏引《周禮》八矢,六者前重 非鄭意也。 志矢一乘,軒 「輖、墊也」、墊與軽同。 是生時之矢,羽固不短 ○輖 生時,志矢骨鏃。 翭,猶候也, 韣,弓衣也,以 ○衞, 音周。 矢 輖 羽 生 **墊**音 中, 候 也。 時 後 明 軒 緇

記入壙用器弓矢之制。

儀禮鄭氏註士虞禮第十四

濟陽張爾岐句讀

鄭 祔乃在 小 中 戴第十五、《别録》第十四。」〇疏云:「虞、卒哭在寢: 而祭之於殯宮,以安之。 《目録》云: 」廟。」 「虞,安也。 士既葬其父母,迎 虞於五禮屬凶。 精 大戴第六, 而反,日

牲之禮,故指豕體而言,不云『牲』。 「『卜日曰牲』,此虞爲喪祭,又葬日虞,因其吉日,略, 是日也,以 饋。」〇饋 ●尊言之。 胖者,以其虞不致爵 士虞禮: ,其位反。 胖也。 虞易奠 ○疏云: 亨於爨,用鑊。 特 袝而以 側亨于廟門外 豕 「案吉禮,皆全左右胖,皆 饋 自獻賓已後,則 吉祭易喪祭。 食,饋, 不於門東,未可以吉也。 以物與神及人,皆言 猶歸 之右,東 無主人、主婦及 鬼神所 也。 0 亨。 在 疏 面 無卜 云: 則 此 日

> 故云「彌吉」。」〇館,尺志反。設洗于西階西南,水 朔月薦新始有黍稷,向吉,仍未有爨,至此始有亨饎之爨, 爨于西堂下」,今在東,亦反吉也。 於虞有亨饎之爨,彌吉。 腊爨亞之,北上。爨,竈。 實在殯宫,即適寢也,而曰「廟」,故註曰「尊言之」也。 東,此云『門外之右』,是門之西,未可以吉也。」愚案 賓已下之俎,故 在 在東壁,西 枋。 几、葦席,在 洗西, 篚 酒在 ,酒在東。 在東。 面。 東,上醴也。 唯 亨一 西序下。 炊黍稷曰 胖 反吉也。 尊于室中北 ○疏云: 也。 無禁,幂 絺 館。 《特牲 布、葛 〇三鑊皆在西方。 有几,始鬼神 亦當西榮,南北以堂深 「案《特牲》云『主婦視饎 小斂、大斂未有黍稷, 饎北上,上齊于屋宇, 学吉 屬。 用 禮,鼎 絺 墉 〇幂,亡狄 下, 布,加勺, 也。 鑊 當户, 皆 苴 饎 此 在 反 刌 魚 虞 門

猶藉也。 素 茅、長五寸、束之、實于篚、饌 南 ○吉時設洗皆當東榮。 兩甒醴酒 ○刊,度也,截也。「苴刌茅」者,藉祭之刌茅也 于 西 L 出 上。 苴

0 所 原作「於」,據文淵閣本改。

於尸 東。 上,向 水 上 陳 下 獻 從 度 後,爲非 棗,棗東棗 0 西,是南 兩 之右, 疏 祝、篡從主婦獻尸 别云 『北上』,是不 在 而 錯 别 獻 豆 前 西南 云: 流 於正」者 南 菹 于槃中, 菹 陳之。 也 用 Ï. 面取之,得 鉶亞之」, 菹以東 此 兩 醢 故 在 面 北 吐 葦 棄 故 從獻豆、 · 亞 于 南 取 東北 水 席。 南栗,故 面 以二豆 然 之, 西 刌 醢在北。 口 之, 則 南 楹 左菹 茅。 别 得 也。 祝。 北 藉 籩 東 從鉶東爲次。 流, 也。 之 與 四 左 上,設 鄭 北 右醢。 猶 0 雖文承『一鉶』之下, 鉶 取 北上,菹與棗。 東, 0 云『北上 籩, 也。 今於 菹 錯,七 在 饌 薦 在尸 菹 苴. 爲 也。 西 黍 亞 醢 子 西 P 首 右 至 扃 爲獻 階 故 稷 楹 在 之, 徐反。 在 取 古文「藉 尸 菹與 次 鼏。 東饌 反 奥, 宜 之 前 醢 西, 前 南 於鉶東 北 東 西面設之, 南, 敦 棗 醢, 不東陳 便 爲 之, 門 陳 刌,七本反 面、設 上。 其 于 Ē, 外之右 爲 也。 醢 鉶,亞 簞 而 菹 設 階 東 北 云豆亞 席 在 鼎 此 豆. 者西 之。 巾 云『不 栗 别 東 間 皆 以 從 便 門 于 在 於 之 0 栗 主人 也。 之。 北 在 醢 面 ĪĒ. 門 其 也 西 饌 北 爲 疏 西 獻 東 在. 設

> 塾上, 也。 西 塾 今文「扃 統於鼎 南 也。 爲 順 塾 鉉 南 有 _ 西者 順 L 於 俎 是 南 面 室 在 取 南 西 鄉 縮 塾 執 之 羞 之 西 燔 便 也 俎 不 在 饌 肝 内 俎 於

在

」播東

右

陳

虞祭牲

羞

酒

醴、

器具

皆即 長,弔 治葛以 上。 力蔭反。 服 夫髽,散帶垂 弟,服即 右 《曾子問》:『士則朋友奠,不足則取於大功以下。』 〇 始虞與葬服同、三 感葛也。 近南 几,降,出,及宗 祝亦執事。 服 位于門外, 主人及兄弟 爲 也 加 首 『賓客來執事』,以其虞爲喪祭,主人未執 祝免,澡葛絰帶,布 麻 位 [經及 矣。 也。 祝 于堂,亦如之。 執 帶, 至於既卒哭,主人變服, 免者, 事而免者 虞皆同。 賓執事者,賓客 接 如 如 神 祭祀之禮 人 朝 葬 宜 即 夕臨 服, 變 至卒哭,則作其 以 也。 位 其身親祭祀之禮 賓執 位。 于 葬服 祝 席 來執 然 門 所 于 則 事 事 者、《既夕》曰「丈 親 婦 西,東 室中, ± 則 也。 者 一之屬 也 喪 除。 人 服 如 及 澡 0 不嫌 官 **外** 事· 右几,於 面,南 東 弔 乃 疏 内 治 爲 服, 變 面 也 臨 兄 其

席

即升堂,户外北面 如 重 方者,皆是執事。 面 衆主人堂下,東面,北上。」異於朝夕。 反哭位。《既夕》曰:「乃反哭。 于堂, 衆主人、及兄弟、賓,即位于西方,如 也。 臨 不與執事同 〇宗人在堂下,是主人在堂時,若主人在室,宗人 ,人門哭,婦人哭。 ○免音問。 位,接神尊也。 宗人西階前 宗人告有司具。 臨,朝夕哭。 北 0 入則升自西階,東面, 上兄 面。 祝 弟、實即位于西 入門,左,北 遂請 當韶主人及賓 主 人即 拜 賓, 位

兄昱, 十, 双直译, 先之, 十, 、及三右主人及賓自門外入即位。

明矣。 執事 西 古文「縮」爲「蹙」。 東 虞,杖不入於室。 面 席上,東縮; 也 祝盥 **贊**薦菹 《曾子問 主人北 一,升,取苴降,洗之,升,入設于几 醢 旋,倚杖西序,乃入。《喪服小記》曰: ¥ 祔,杖不升於堂。」然則練杖不入於門, 主人倚杖,人。 降,洗觶 醢 「士祭不足,則取於兄弟大功以下 在 北。 升。 主婦不薦,齊斬之服,不 止哭。 祝從,在左, 縮、從也

復位 鼎。 黍也。 于俎。 之。 有酒 諾,啓會,郤于敦南,復位。 出 從周制 設于 爲「密」。卒,化者逆退 設。 左。 薦,主人自執事也。」 佐 執事、『兩籩棗栗、設于會南』, 至於祔祭, 者。」○疏云: 之。 簋」者,敦,有虞氏之器,周 立 無醴 鼎人,設于 ,出立于户西。 反于門外。 舉,舉 于户 左人抽扃 佐食載,則亦在右矣。 ○西黍東稷,西上,故云「尊黍」。 豆東,魚亞之,腊 贊設二敦于俎南: 用 簋。 故 鼎 西。 脈亦用 「齊斬不執事,唯爲今時; 也。 設一鉶于 祝酌醴,命佐食啓會。 饌已也。 **鼏**,匕。 長在 西 今文「啓」爲「開」。 酒 階前,東面北上。 此酒、 食及 左,在西方位 今文無 制、士用之。 復位。 豆 今文「扃」爲「鉉」,古文「鼏 佐食及右人載。 醴兼設,以 南。 執 特。 黍,其 事 「于户西」。 會,合也,謂敦蓋也 鉶,菜羹也。 亞,次 復實位也。 盥 也。 至于尸 ○《特牲》、《少 經言 東稷。 同姓之士,容得 雖陰 醴 出 凡 陰厭,以 也。 舉, 事,宗人詔 匕 厭 「敦」、註言 人之後,亦 佐食許 贊 今文 , 亦主婦 簋 俎 者 佐 俎 載,載 實尊 酒酳 徹 食 人 從 無

可乎? 耳。 是也。 尸 異 辭,經、記無文,宜與《少牢》「迎尸」祝孝子 也。 人 取 取 位,復主人之左。 祝祝 哀子某,哀顯 ,, 亦 再 奠鱓,祭,亦如之,不盡,益,反奠之。 黍 或曰:「苴主道也。」則《特牲》、少牢》,當有主象而無, 孝子始將納尸以事其親,爲神疑於其位,設苴以 其 」者,釋孝子祭辭。 拜 稷 ○是陰厭 祝祝,卒,主 稽首。 祭于苴,三,取膚祭,祭,如 於 神響 吉 相 祭也。 饗神辭,詳下記。 也。 ,夙興夜處不寧」下至「適爾皇祖某甫饗 主人 鉤袒,如今還露臂衣也。 此 祝 祭, 再拜 人拜 〇按上 奠觶 祭 稽 於 如初,哭,出 疏 苴 首。 于鉶 佐 也。 云「迎尸」上,釋孝子 食許 祝饗, 饗神 南 解同 1,復位 直,所以 語,鉤 ,辭,記 , 但稱 初。 命佐 復 哀爲 定之 藉 位 袒 所 主 祝 食 謂 祭 復

右設饌饗神、是爲陰厭。

一人,主人兄弟。《檀弓》曰:「既封,主人贈而祝宿虞尸。」也。孝子之祭,不見親之形象,心無所繫,立尸而主意焉。祝迎尸。 一人衰經奉館哭從尸。尸,主

房。 人 坐。 人堂上,當東序,西 ○封 入户,踊如初,哭止。 尸及階,祝 盥,宗人授 ○疏云:「主人在西序,東面,衆兄弟西階下,亦東面; 文者,有先後也。 韶踊如 彼驗反。 妥,安坐也。 辟執事者。 初。 延尸 ψ̈́ 尸入門,丈夫踊,婦 尸人,主人不降者,喪事主哀,不 言「韶踊 ○妥,他果反 面。 主人及 淳,沃 見尸有先後,故踊有先後。」淳尸 延,進也,告之以升。 如 也。 祝 初」,則凡踊,宗人詔之。 哭 沃尸 拜 止 妥尸。 尊尸。 盤 者,寶 人踊。 婦人入于 尸拜, 尸 執 事者 , 升, 宗 踊 主 不 也 遂 尸 敬 同

右延尸、妥尸。

北也。 祭,則 或爲「羞」,失古正 食墮祭。 左執之; 藏其墮。」 從者錯篚于尸左席上,立于其北。 〇此篚象《特牲》 斯俎,擬爲尸盛餘 取菹 下祭曰墮,墮之猶言墮下 謂 矣。 当 擂 于 此 也。 齊魯之間 今文「墮 醢 祭于豆間 謂 爲 祭爲墮。 也。 綏 饌 《周 特 禮 尸 牲 祝命 \mathbb{H} ř 取 取 北,席]: 「既 奠, 奠 佐

食但下 ○其祝い 敦。 初。 餘 留 異 湆 豕鉶,嘗羊鉶。」○ 鉶 將有事,爲下文「祭鉶,嘗鉶」。 食舉 下 取 受之實于篚,中 肺祭授尸,尸 空處 味 祭曰 祝所 于 自 嘗鉶 也。 右手將有事也。 佐 尸 篚 肺 辭 之 墮 以 反 嘗 奠 待 謂從 涪,肉汁也。 食 ,即下記云:「哀子某,圭爲而哀薦之,饗!」 而 脊 泰羹。 于鉶 르 不 醴,奠之。 舉 右手也。 授 反餘 設 間 俎 户, 黍, 疏以 祭之。 豆 南 于 此 食時,亦須奠之于豆。 胾 之解 也。 Ŀ 但 鉶 錯 爲 設于左, 胾,切. 尸受,振祭,嚌之,左 尸 取下當祭之物以授尸,使之祭。 《少牢》 不鉶, 古者 南 向下祭之,誤。 也 食之時,亦奠肺脊于豆。 于 如初,亦 祭奠,祝 肉 飯 席 祭之、嘗之亦 左執之者 正豆之北 也。 日 胾 此肺脊,至尸卒食佐 用 上。 手 几 以 0 吉 祝祝卒乃再拜 鉶 豆 邇,近 **机祭羊鉶** 祝,主 也。 時 。 設 以 南觶北, 佐 祝 播 用 也也。 右 食 命 柶。 餘 尸 手將 于 取 于 佐 人 飯 初設 左。 遂以 〇右手 會 手 尸 泰 稽 拜 食 黍 祭 食 時 首。 播 羹 祭 執 佐 也。 如 邇 稷 博 祭 方 佐 古

> 斯音祈。 食。 腊 文「播 牢》有所俎 也。 九飯而已,士禮也。 每俎三个,將以改饌 今俗或名「枚」曰 以後舉爲貴要成。 舉肩,祭如 啗,大敢反。 嚌之,實于篚。)牲七體,魚腊各七,佐食所舉以授尸者,皆盛於篚 ,實于篚。 遺之者,君子不盡人之歡,不竭人之忠。 佐食受肺脊, 爲「半」。 以盛尸所舉牲體, 又三飯,舉胳 初 尸 「個」,音相近。 三飯 ,後舉肩者,貴要成也。 舉 不受魚 飯間 篚 於西北隅也。 魚腊 猶吉祭之有 實于 陷肉,安食氣。 佐 腊 俎,俎釋三个。 食 此 祭如 以喪 **篚** 舉幹, 館
> 亦 此腊亦七體,如 肵 〇个,古貨反。 不備 反 盛尸 俎。 初。 黍, 味。 尸 0 〇周人貴肩,故 所 ○《特牲》、《少 幹,脅也。 受, 个,猶 舉牲體。 佐食舉魚 如 又三飯 釋, 其 初 振 牲 枚 設 所 猶 卒 也。 也 遺

右饗尸,尸 九 飯

主人北 ,安食也。 主人洗 面 答拜。 主人北 廢 爵, 面 尸 以 酌 祭酒 酳 酢 酒 變吉 ,嘗之。 酳 尸。 也 凡 爵 異者皆變吉。 無足曰廢爵 拜 受

酳

祝 祝 卒 爵 拜 位。 俎; 俎,從 賓 從 左 俎 左 鹽 喪祭進柢 , 則 卒爵。」 文 近 肝 西 爵, (降,反 執 南 拜 賓所反 實于 北 右 面 不相 肝鹽 其 酳 爵,右取 鹽 卒爵 答 拜 面 牲 坐受爵 送」, 祝 尸 併 爵,喪祭於禮略。 西 右 俎 拜。 ; 體 俎 則 也。 右 酌 面 鹽,於 酌 祝 也, 尸 縮 與 肝 干 取 向 接 醋,報。 授 北 祝受,不 ○註 答 俎· 以 肝 F, 肝 西 右 神 面 俎 尸 也。 喪 主 拜。 左擂鹽 則 塾 相 疏 近北, 尊 不志於 擩 ´, 尸 右 鹽 鹽 人答 反。 復位, \(\bar{Z}\) 也。 鹽, ·鹽,於俎近北」,據執俎者 0 在 復 醋 以 相 便 0 相爵者、《 爲 肝 主人受 縮 筵 振祭, 味。 復 位 拜。 便也。 特 P 之北 酳 醋 才各反。 爵。 用 西 從 牲 取之也。 以 主 以《少 萑 階 也 取 刃反。 獻 酢, 特性 併 席 嚌之, 前 加于 〇柢,丁計 肝, 主 從 祝 衆兄弟之南 於 當 牢 實 人拜, 右 俎 主 俎, 主 Ĕ : 縮執 大 亦 主 肝 賓 手 上 人 加于 反 人 北 盛· 炙 送 也 人 長 俎 拜 西 坐 故 反 於 獻 面。 牲• 尸 拜 爵 云 丽• 以 受 面 俎 言右 體・ 東 加 俎 祝 尸 言· 位 筵 受 於 答 也 肝 皇 之・ 主 面 于

> 受爵; 庭。 時 爵 肝 肺 薦 者,虚爵 位 拜; 答拜,受爵,出, 從。 · 坐 菹 主人升堂 不復入,事已 也 ○薦設皆執 醢 祭, 也。 主 祝取 。 設 主人答拜。 人答 嚌之, 主人 西 俎 肝 序 事者,祝 也。 拜。 東 擩 酌 祝 面 興,加 鹽 亦 實于 獻 左 佐 · 振 至 大 佐 俎不升 祝 執 取 此 食祭 食。 爵, 祭, 篚 坐 于 獻 杖, P 授 鼎 俎; ,升堂,復 乃 酒,卒 嚌 祭 畢 佐 詳 東 主 之,加于 薦 不 食 面 人。 見下記。 復 立。 北 奠爵 爵 酒 今文無 室 面 位 0 拜 嘗之。 俎 拜 Ŀ 授 故 興 卒 文 復 主 飵 主 取 哭 在 人

右 主 人 獻 尸 ,, 并 獻 祝 及 佐 食 面

自 兩 室東隅。」〇 反者 儀 籩 棗 主 自 爵 栗, 婦 往 有足, 如主人儀 洗 取之而 設 足 輕 于 者 爵 反 會 飾 也 于 如 也。 南 上 房 此兩 文主人 《昏 棗 中 **選及下** 禮 在 酌 $\stackrel{>}{\boxminus}$ 酳 西 尸 亞 獻 之儀 内 祝 尚 獻 籩 棗 洗 也。 P 在 即 棗 北 E 美。 自 如 堂 饌 直 反 主 時

也。

如

初者

出如人,降如升,三者之節

悲哀同

燔從。 亞豆 從 東四 如 初。 獻 籩 也。 佐 P 食,皆 祭 尸 燔 祭籩,祭酒, 卒爵, 如 初。 如 以 初 如 虚 初。 爵 酌 人于 獻 賓 祝 以 房。 籩 燔

右主婦亞獻。

初,主人儀

口足之間有篆,又彌飾。○當亦兼獻祝及佐食。 寶長洗.繶爵,三獻,燔從,如初儀。 繶爵,

右賓長三獻。

主人也。 踊。 祝人,尸謖。 畢」,於尸間 祝出户,西面告利成。 婦 利,猶養也。 人復位。 嫌。 祝入而無事,尸則知起矣。 皆哭。 復堂上西面位。 成,畢也,言養禮畢也。 丈夫婦人,於主人哭,斯哭矣。 主人哭,西面 事已,尸 不告尸者,無 , 將出, 不言「養禮 告, 告· 當哭

如 者奉 篚哭,如 遣尊者之道也。 初。 降堂, 古文「謖」或爲「休」。 踊 初。 如 初哭從尸。 初。 出 祝前尸,出 ○謖,所六反。 亦 如之。 户,踊 前 從 道

右祝告利成,尸出。

户。 厭, 也。 出 疏以爲「以席爲障,使之隱」,較註有異。 設,謂改設尸之薦、俎、敦于西北隅,次第 不南面,漸也。 之,庶幾歆響,所以爲厭飫也。 几 在南。 0 註 艷反。 鬼神尚居幽闇 徹 祝 「漸也」,以設几與吉祭同,爲向吉之漸。 薦席 反, 者,執事者。 祝薦席徹入于房。 入徹,設 **匪,隱也,于**罪隱之處,從其幽闇。 或者遠 改設饌者,不知鬼神之節 祝薦席則 于 人乎? 西 几在 北 初 南,變「右」文,明 贊,佐食者 隅, 自房 祝自 來。 ○ 扉,扶 如 如 陰 其 執 厭 厞 設 時 〇如其 其 蓋 未 用 東 改設 設 也 反。 席 牖 俎 面

右改設陽厭

告事畢。 主人出門。 大門外也。 主人降,賓出 賓執事者皆 賓出,主人送,拜稽顙。 哭止,皆復位 去。 宗人詔、 即徹室中之饌者,兄弟也 主人降。 門 外未入位。 送拜者,明于 賓 則 出 宗人 廟 門。

記 :

右禮畢送賓。

虞,皆 事。 用 言牲,腊 日 櫛,未在於飾也。 棜。 「沐浴 案《少牢》二牲,『東上』,是吉祭東上。」日 質明 朝葬,日 檀弓》曰 在 沐 其中。 陳牲 中 浴,不櫛。 而 唯三年之喪不櫛,期以下櫛 西上,變吉。 于廟門外,北首,西 虞, 既反哭,主人與有司 君子舉事,必 職。 寢右者,當升左 沐浴者,將祭,自 用 辰 正 視 也。 上, 虞牲。」○ 可也。 中 胖 潔清。 再 寢 也。 虞、三 而 今文 右。 行 腊 疏 不

記沐浴、陳牲及舉事之期

脅也。 體解,升於鼎也。 不視殺,凡爲喪事略也。 曰:「舉 脊、脅,離 人視牲又視殺。」羹飪,升左肩、臂、 左股上」,字從肉從殳,「殳矛」之「殳」聲。 ,實于上鼎 殺于 喪禮 肺 一,長終肺,祭肺三,皆刌。」膉,脰 略,七體 ,廟門 肺。 今文無 ; 西,主人不視,豚 膚 耳。 肉謂之羹。 祭三、 廟。 豚 離 解,解前後脛脊脅而已。 肺 ○疏云:「特牲吉祭,故主 取諸左 舉 飪,熟也。 肺 也。 解。 膉 臑 〇士之正祭禮 少 脊脅,正 肉 上,肺 牢 也,古文日 施、胳 主人視 饋 食 脊 熟乃 禮 祭 正 牲

> 於敦,明神惠也。 脅 載 陳乃設扃 升 制 祭與吉反,是未異 以吉也。 下 十有五。」此略而用九。 九 鬐」爲 體,此 亦然。 2,離肺 鼎 魚鱄 猶 進概, 腊 「耆」。 七體 柢,本也。 鮒九,實于中鼎; 鼏 膚祭,擇肉之美者以 亦七體 也。 陳 〇吉祭,牲進下, 魚進 故云「略」。 于階間,敦東。 今文「扃 , 牲之類。 祭以離肺,下尸。 於生人也。 髻。 髻,脊 升腊 引《少牢 猶,猶《士喪》、《既夕》,言 也。 作「鉉」。 皆 備 左胖,髀 魚進腴,變於食生。 今文 設 祭。 祝 差减之。 禮 〇尸祭用 扃 俎: 不升於鼎,賤 ○肫 「柢」爲 古文「鼏」作 鼏 明 陳之。 此 髀、 ○ 《特性》: 音 不升,實 純。 舉 刲 眡。 肺、 胆、 膉 祭肺之 也。 音 嫌既 此喪 古文 未 脊、 「魚 于 益 統 П

爲淺汙人也。 其 北 記牲 淳尸盥。 東 殺體 執巾 面; 不授 數、鼎俎 執槃西 宗人授 巾,卑 面; 也。 1 陳設之法 執匜 ○淺,音義 南 面

東

面

執

巾

槃以

盛

棄

水

如

濺

〇淺

在

記沃尸 面 位 音箭

事,則出户,負依南面。室中尊,不空立。户牖之人室事。○經唯言主人在堂宗人所詔之事。佐食無主人在室,則宗人升,户外北面。當詔主

記宗人佐食面位。

記鉶芼與豆籩之實。

鄉之,爲之節。還,出户,又鄉尸,還,過主人, 燕惰。尸謖。祝前,鄉尸;前,道也。祝道尸,必先 今既接神,祝當詔侑尸也。尸坐不説屨。侍神,不敢 今既接神,祝當詔侑尸也。尸坐不説屨。侍神,不敢 一人,祝從尸。祝在主人前也,嫌如初時,主人

> 賤者,謂庶孫之妾也。尸配尊者,必使適也。 門,乃又鄉尸也。 尸出。 門,如出户。 别尸,吉祭則共尸。「必使異姓」,謂女尸以婦,不以族女。 女,女尸。必使異姓,不使賤者。 服,非所以自配鬼神。 服者,如《特牲》士玄端也。不以爵弁服爲上者,祭於君之 面」之位。 祝以面鄉尸,下「降階」,謂既降時,祝則轉身前行,直至及 鄉尸,乃轉身前行,謂之「還」。上「降階」,謂正降時,此 辟退之容。 階如升時,將出 不言及階,明主人見尸,有 又鄉尸,還,降階,又鄉尸,過主人,則西階 位,然後宗人詔降。 記虞尸儀服與侍尸之儀、爲尸之人。 韶降,韶主人降。 凡前尸之禮儀在此。 門如出户時,皆還向尸也。 及,至也,言還至門,明 士之妻,則宵衣耳。 ○復位,上文「祝入門,左,北 祝反,入門左,北面 踧踖之敬。 尸服卒者之上服。 〇祝之道尸,必先以 其間 降 男,男尸; 每將還,必 階 異姓,婦也。 〇喪祭男女 無節也。 還,及 復 上 Ŀ 時 面 有 降

● 「嬴」,原作「嬴」,據薈要本、文淵閣本改

也。 鄉 反。 同。 尸者,其 可 初 拾 牖 尸之禮,始於綏 者,主人踊,主婦 墮祭以下事尸之禮。 止哭,聲三, 者,主人人,祝從在 使者也,殤亦是也。 踊 户 今文「啓」爲「開」。 如 ○仍前户外 無 既饗,祭于苴,祝祝卒。 如 降,復 \equiv 無 復位。 初。 泰羹涪胾從 食間 衣服、位 拾, 牖 則 更也。 先闔 位 祭,終於從獻。 東 啓 踊,賓乃踊,三者三,爲拾也。]〇拾. 於祝祝卒。 隱之, 面、升降之禮與 禮 面 于 户 及薦饌 後 主人即哭出,復户外 左 禮, 門 0 三更 如户 啓, 卒徹 主人人,親之。 獻。 聲者,噫 謂 西 主人哭,出 扇 踊。 衣服 〇其不同者,當饗祝 ; 在 皆 不綏,言 ,祝佐食降復 食九 内也。 門 即 如 (薦饌之具, 0 綏」當爲 西 歆 位升 疏云: 記異者之節。 飯 初 也,將 北 鄉 之頃 獻 降。 面 復 東面位。 無尸 ,記終始 牖 墮 祝從, 啓 「凡言 啓户,警 位 也。 位。 皆 0 也 名 與 喪 謂 位。 既 祝 三更 也。 有尸 堂 也。 祭 無 卒,無 不綏 男 主 祝 覺 升, 其業 而 上 孫 踊 牖 女 闔 人 祝 位 如 神 事 者 列 無

> 户 復門西北 人降之。○禮畢降堂,宗人詔之,亦如上經 , 褻 也 面 宗 位,佐食復西 人 詔 降 如 方 位。 初 不復設 初 贊 闔 西 牖 北 也 户 隅 宗 者, 人詔 重 閉 主 牖

右虞祭無尸者陰厭之儀。

今文 喪祭稱、 哀顯 爲 溲釀此酒 淖,若孝反,音鬧 普,大也,淖,和 牲 陰,取其静。 是人君法。」嘉薦、普淖, 辭次,黍又不得在薦上。 夫士於黍稷之號,合言普淖 \overline{Z} 明 剛 「於穆清 溲」爲 視 相, 始虞用 鬛 哀。 也。 敢 謂 夙 顯 醙 兔腊 廟 〇古人葬日 《郊特牲 昧 相 興 也 柔 肅 冒 也; 夜 助 德能大和,乃有黍稷,故以 雍 之辭。 明 日 哀薦袷 祭 處 顯 今文曰 齊 ,葬之日,日中虞,欲安之。 者也 相。」不寧,悲思不安。 0 不 溲 例 而 豕 疏云:「《曲 嘉薦,菹 寧。 用柔日。 酒 事 明 日 明 르 顯 剛 水涚齊, 明 ,始虞謂之給事者,主欲 築」、変、稷 此言香合,蓋記 E, 鬣。 明 火也。 醢也。 齊, 辭 曰 禮 新 香合、黍 也, 貴 影所 相 水也,言以 也,皆 新 普淖,黍 祝 云黍 爲 助 也。」或 哀子某, 祝之辭 敢 也。 號 者誤 # 稷 也。 云。 柔日 用 稷 其 别 日 新 次 也 號 爾 詩 也 絜 0 大 當 水

爲

H

報,讀 葬,則 明日袝於祖父。」如是,虞爲喪祭,卒哭爲吉祭。 者,假設言之。 後虞改用剛 之也。 合先祖 自相亞也。 虞卒哭之間,有祭事者,亦用剛日。 壬日卒哭。 日、祝辭皆與初虞同。 也 初,日 某 它」。○愚按"鄭以經文「他」字爲有非常之祭,似 皇,君 此殆羨文。 《喪服小記 ,以虞易奠。 己日再 前,爾,爾, 也,以與 再虞,皆如 赴疾之赴 也。 《檀弓》曰: 其祝 日 虞。 「哀薦成事。」當袝於祖廟,爲神安於此。 ,女也。 文不在「卒哭」上 某甫,皇祖字也,若言尼 先祖 剛 ĕ ⊟ : 不然,當 辭, 其 日陽 卒哭曰 祝辭,異者一言耳。 合爲安。 「報葬者報虞,三月 異者亦 女,死者。 三虞、卒哭、他,用剛 初, 也,陽取其 「葬日中 在 成 曰:「哀薦 「亦」字 事,是日 今文曰 言耳。 ·而虞,弗忍 告之以適皇祖 者, 動 以 其祭無 上,謂他 也。 也 他,謂 「古事」。 其 甫 而後卒哭。」然則 以吉祭易喪 非 士 ○皆如 虞事。」丁 名,謂之「他 則 常也,令正者 饗! 日離 祝 不及時 庚日三 ,所以安之 今文「他 爵辛 適 初,謂用 日 耳 也。 爾 沙强 ··; 亦 勸强 而 祭。 虞 皇 葬 日 0 是

如

袓

吉也。 明日 實 文「縮」爲「蹙」。 西 爲籩實也。 水在洗東, 古文「甒」爲「無 尊 記即其儀也。 袝于皇祖,是以餞送之。 送行者之酒。《詩》云: 豆,脯四 優 尸 塾。 在酒西,勺北枋。 ,將祔于廟,故卒哭祭畢,餞之於寢門之外。此下所 此在西,尚凶 獻畢,未徹,乃餞。 記三虞、卒哭用日不同 也。 乾肉,牲體之脯也,如今凉 脡。 尹**,** 正 有乾 尊兩 篚 也。 〇二正體縮陳俎上,又截正體之半,以 酒 在 也,雖其折之,必使 肉 宜 也。 甒 \bigcirc 脯也。 西。 折 「出宿于沸,飲餞于 廟門,寢門也。 于廟門外之右,少南。 古文「餞」爲「踐」。 言水者,喪質,無鼎 俎 少南,將有事於北。 在門之左,又少南。 古文「脡 卒哭之祭,既三獻也。 尹縮,祭半 州鳥 及祝辭 |爲「挺」。 正。 洗 翅矣,折 禰。二尸 在尊 縮 〇卒哭祭之 , ●不久陳 之異者。 有玄酒,即 從 主, ○脯 東 日 以 也 饌 南, 爲 將 以以 水 餞 簿 在 備 古 俎 始

0 鼎」、當爲「騙」之誤 授祭。

尸出,執几從,席從。

祝入,亦告利成,入

於吉。 房而 南。 上 面,几 尸,户 反於佐食,佐食反之於俎 醢 不 出 祭,嚌,反之,祭酒,卒爵,奠于南 云 者在左; 受, 主人拜送, 哭, 復位 「變於吉」也。 門右, 祭之。 東 止 已。 西方,東面北上。」主人出,即位 「賓繼兄弟、北 唯 乃 婦人出,即位于主人之北。 ◎ 曲 朐 在 出 今尸東 婦 主人不哭,洗廢爵,酌 今出寢門之外,故云『重 人出 在 南 南 禮》云: 几 佐食授 南。 画。 席 面, 者,重餞尸。 ○朐,其俱反。 賓出, ,素几葦 而 朐, 上,門 俟設席也。 以 云 脯 嚌。 脯脩置者,左朐右末。」是吉 朐 席也。 及乾 復 尸奠爵,禮 東北 在 ○疏云: 位 授乾肉之祭。 南」,則屈在右,末在 肉之屈 席設 尸 以几席從,執 面 餞尸』也。」 將人臨 薦 左執 西 有終。 婦婦 脯 也。 上 于尊 獻 于門 人有事,自 皆西 爵 醢 門 之位。 屈 尸。 ○爵 方。 設 尸受,振 西 西 事 者 P 取 在 東 北 也 面 反之, 北 不 即 脯 俎 尸 左 南 酢 堂及 時 面 士 擩 于 拜 席 哭 少 東 尸 故 變 ൬ 屈 東 喪

之禮也。 弟大功以下。 賓祔期 于 門、哭者 門者,由廟門外無事尸之禮 初。 哭從之,祝前,哭者皆從,及大門 初。 踊如 之。 奠之, 葛者爲祔期。 之於闡門之内。 有事尸限。 送,拜稽顙。 「與」爲 廟門外。 男女從尸,男由左,女由右。 是爲禮 佐食取 初。 主婦 豫 則服 主婦 啃 送賓大門外,自 賓長 葛帶也。 洗足爵,亞獻 有 言主人不與,則知丈夫婦 今文「説」爲 婦人説首經,不説帶。 既卒哭,當變麻, 俎 終。 亦拜賓。 闈門,如今東西掖門。 送賓,拜於大門外。 以餞於外。 實于 洗繶爵 主人 入徹,主人不與。 税」。 也。 篚。 是常禮 及 女實也。 大門猶廟門。 三獻, 兄弟 ,受之以葛也。 古文「謖 如 尸 〇是日之夕,主人 及,至也。 . 謖 ; 主 但 〇從尸不出大門 不言出,不言送,拜 踊 如 禮有終,賓無答拜 人 人在其 作 丈夫説 亞獻 (儀,無 從 賓出 不説帶 婦 休。 從尸 内, 者 夕日 入徹 中。 人 一, 主 奉 不 亦 踊 絰 尸 從; 者、兄 踊 古文 大 出 則 者 帶 出 如 如 如 告 大 服

故云「如初」。 設 言,亦謂婦人服齊斬者。 袝,葛帶以即位。 婦人帶不說 亦從几席而出。古文「席」爲「筵」。○雖無尸,送神不異, 祔祭則葛帶以即位矣。 小功者葛帶,時亦不説者,未可以輕文變於主婦之質。 如 初 分拾踊 也。 哭止,告事畢,賓出 婦人少變而重帶,帶,下體之上也。 = 《檀弓》曰:「婦人不葛帶。」○《檀弓》所 以餞尸者本爲送神也。 無尸,則不餞,猶出几席, 大功以下,是日雖不説麻,明日 丈夫婦人 大功 至

之豊。 記卒哭祭畢,餞尸與無尸可餞者送神

卒哭在三月内,大夫以上殯葬除死日、死月數,大夫三月 而 葬,除死月,則通四月,又有五虞,則卒哭在五月, ○疏云:「士三日殯、三月葬,皆通死日、死月數,是以士之 而葬,七月而卒哭。」此記更從死起,異人之問,其義或殊。 也。 上可知。」註「異人」,謂記者不一人,故言有更端 祔 《雜記》曰:「大夫三月而葬,五月而卒哭,諸侯五月 死三日而殯,三月而葬,遂卒哭。謂士 則薦。 薦,謂卒哭之祭。 〇旦謂明日之旦。 諸侯以 卒 日

> 耳。 疏云: 幾也。 某甫,尚饗!」卒辭,卒哭之祝辭。 辭 主,絜也。《詩》曰:「吉圭爲饎。」凡吉祭饗尸,曰「孝子」。 子某,圭爲而哀薦之,響!」響解,勸强尸之辭也 姑某氏」。不言「爾」,曰「孫婦」,差疏也。 妣某氏」。女孫祔於祖母。 ○疏云:「祔及練、祥,吉祭,其辭亦用此,但改『哀』爲『孝. 一也。「來日某」、「隮祔」、「尚饗」。 曰:「哀子某,來日 不稱「饌」,明主爲告祔也。今文「隮」爲「齊」。 「迎尸之前,祝釋孝子辭云爾。」女子,曰「皇祖 某, 隮祔爾 婦,曰「孫婦于皇祖 饗辭,曰:「哀 隮,升也。 于 其他 爾 皇祖 尚, 庶

寢祭之。案下文,禫月逢四時吉祭之月,即得在廟祭,但祭,祭在廟,祭訖,主反於寢,其大祥與禫祭,其主自然在然,等在廟,祭在或然,今文爲「胖」。○疏云:「祔祭與練,然在廟,祭訖,主反於寢,其大祥與禫祭,其主自然在。以其,班,於神之,辭與饗尸之辭。已卒哭祭告祔於神之辭與饗尸之辭。

號,而 下,鄭 服葛、 祭折 以爲 骨以爲之。 ○搔 爪。 **●** 未配 溲 用 嗣 饋 膉 處,小心畏忌,不惰其身,不寧。 不然明矣。 今此如饋 而 食。 尹祭、尹,祭脯也。 酒 俎 註音爪。 用 而 「肵俎」,亦甚誣矣。 虞祔 君以經文破當時「左胖虞右胖剂 其辭稱 專,猶厚也。 今文曰 云一尹 己。 用 普 如 食, 尸 體 尚質 薦 祭」, 《特性》 也。 ○疏云"「上文有俎,則夫婦致爵 今以脰膉, 貶於純吉。 骨,此 則尸 沐 『孝』、夫婦致爵、與《特牲 「沐浴搔翦」, 翦,子淺反。 鉶 未暇筮尸。 浴 亦記 羹。 曰 : 俎 饋 用 折俎,謂主婦以下 斯 俎 皆 有 食之事。 膚,爲不同。 櫛, 者誤 不 「孝子某,孝 大夫士祭,無云 稱 古文「脰膉」爲「頭益 牲, 矣。 搔 或爲「蚤 用專膚爲 〇用嗣尸者,從虞至祔 或云: 肩臂,豈復用虞臂乎? 翦 記 嘉 其 今文字爲 0 揃 薦 異 俎也。 脳 音 益 彌 以左胖虞,右 前 者 自 顯 一之説也 同。 折俎 「脯」者,今不言牲 普 飾 稱孝者,吉祭 相 體盡人多,折 淖、 今文「溲 「折俎 註 也。 以祔時變麻 或 也。 取 夙 其 或 爲 普 搔 他 興 用 云以 諸 胖 〇吉 鬋 薦、 而 當 相 爲 祔 夜 嗣 如 脰 其 繼 説 音

> 皇祖 薨,則 反廟之禮未聞 主各反其廟。」然則士之皇祖,於卒哭,亦反其 饗!」欲其祔合,兩告之。 醙 0 祝取群廟之主而 適爾 皇祖某甫 以 其幣告之乎? 藏 諸 祖 《曾子問》曰:「天子崩 以 廟 隮 〇上句告死者,下 禮 袝 也。 爾 卒 孫 - 哭成 某甫。 廟; 事 無 Ì, 或 句 而 尚 謂 則 後 君

記祔祭之禮與告祔之辭。

月。 也。 禫 間 祝辭之異者。 又,復也。 ○此謂練 歸祥肉。」古文「朞」皆作「基」。 也。 ,徒感反。 當四時 禫之言澹,澹然平 朞 禫,祭名也。 祭。 而 〇初喪至此,二十五月。 之祭月則祭,猶 小 是月也,吉祭, 言常者, 朞而 又春 祥,小 與 川 大祥 安意也。 祥,祭名。 大祥, 未以 間 祭,禮 猶 月, 某妃配某氏,哀 古文「禫 曰 : 也。 曰 祥,吉 未配 自 中 : 喪至中,凡二十 古文「常」爲 月 也。 薦 薦 或爲「導」。 而 是月,是 此 此 《檀弓》 禫, 祥 常 未忘也 中 事。 祥 事 禪月 \Box 猶 七

❶ 「音」, 薈要本改作「爲」。

牢》祝辭,明吉祭用配之常也。 則於廟行四時之祭,於群廟而猶未得以某妃配。」註引《少疏云:「謂是禫月,得禫祭仍在寢,此月當四時吉祭之月,止,用薦歲事于皇祖伯某,以某妃配某氏。尚饗!」」○ 《少牢饋食禮》:「祝祝曰:『孝孫某、敢用柔毛剛鬛、嘉薦

之異。 記小祥、大祥、禪祭、吉祭之節與祝辭

Ξ.

儀禮鄭氏註特牲饋食禮第十五

濟陽張爾岐句讀

疏云: 鄭《目 以此及《少牢》惟筮 祖、後祭禰。 大夫、士;此《儀禮・特牲》、《少牢》、故知是諸侯大夫、 下之士,祖禰共庿,亦兼祭祖, 士也。』《祭法》云: 吴氏補之云:大戴第七,小戴第十三,《别録 天子之士,而於五禮屬吉禮。]〇註疏本不詳他 録》云: 案《曲 若祭,無問 [禮》云『大夫以索牛,士以羊豕』,彼天子. 「特牲饋食之禮、謂諸侯之士祭祖 日。 「適士二庿、官師 尊卑 庿 無問 數多少,皆同日 庿二庿,皆先祭 庿。」官 》第十五 一 奈・ 書目 師 福,非 謂 中 次

特牲饋食之禮:

闑

西

閾

外。

爲筮人設之也。

古文「関

作「製」・

閾

不諏日。祭祀自孰始,曰饋食。饋食者,食道也。

諏

謀也。

士賤職

褻,時

至事暇,可以祭則筮其日矣。

不

0

群 玄。子姓兄弟,如主人之服,立于主人之南 ○疏云:「《左傳》云 『士有隸子弟』,謂此。」 小宗祭,而兄弟皆來與焉,宗子祭,則 西 不玄端者」,助祭者玄冠而著朝服 下言「玄」者,玄冠有不玄端者。 節、皆祭前戒備之事。 릲 前月下旬之丁己,以筮來月上旬之丁己,但可 之事,至迎尸後,乃進熟體黍稷也。「不諏日 食道以事其親。若天子、諸侯之祭、先有灌鬯、 孰 如 冠端玄,即位于門外, 始曰饋食」者,初祭即薦飪熟之牲體及黍稷,是用 執 《少牢 面,北上。所祭者之子孫言「子姓」者,子之所生 自此以下,筮日、筮尸、宿尸、宿賓、視濯與 事, 》大夫、先與有司於庿門諏丁己之日。 如 兄弟服, ○諏,子須反。 東 西 面北 面。 門,謂庿門。 是也。 上。 冠端玄,玄冠玄端 族人皆侍。 及筮 此 席于門中, 士之屬吏也 則冠與端皆 以筮則筮 一者,不 日, 朝踐 ○「祭 ○「玄冠 牲 有 主人 預 饋 生 祀 司 Ŧi. 諏 鬳犬 而 人 Ħ

「栔」,薈要本改作「槷」。

右

將

日

之也。 蓍也。 主人。 遠日 筮來 吉。」長占,以其年之長幼,旅占之。若不吉,則 者還,東 爻備,以方寫之。 西 命,爲神求吉,故變於常禮也。」筮者許諾,還即席, 疏云:「《少儀》曰「贊幣自左,詔辭自右」,此祭祀宰自 妃者,容大祥之後,禫月之吉祭。 饗!:」宰,群吏之長。 作「蹙」。 左者、爲神求、變也。 示主人。 面 一, 如 坐。 日某, 諏 宰自主人之左贊命,命曰:「孝孫 「某子」者,祖字也,伯子仲子也。 筮人,官名也。 筮人取筮于西塾,執之,東面受命于 初 士之筮者坐,蓍短,由 祭筮 卦者在左,卒筮,寫卦。 面,長占,卒,告于主人:「占 儀。 主人受,視,反之。反,還。 此某事,適其皇祖某子。 遠日,旬之外日。 士祭曰「歲事」,此言「某事」,又不言 自由由 筮,問也。 也。 贊,佐也,達也。 便。 皇,君也,言君祖者,尊 取其所用問神明者,謂 宗人告事畢。 卦者主畫 尚, 筮者執以 庶幾也。 地 贊 識 左贊 命 統 爻 尚 筮 曰 由

> 筮 連言尸之父者,尸父與所祭者彌親,欲其神馮依之也 也」者、爲筮尸之後、祭日之前、有二日、容此二事也。 也。大夫士,以孫之倫爲尸。〇云「三日者容 筮某之某爲尸。尚饗!」三日者,容宿賓視濯 某之某一者、字尸父而名尸。 曰:「孝孫某, 諏此某事, 適其皇祖某子。 前 期三日之朝,筮尸,如求日之儀。 連言其親,庶幾 其 宿 馮 賓 視 依 命 也 必 濯 之

右筮尸。

尸 後,不得過主人也。 隨 不敢南面當尊。 主人之後,上當其後。 後,北面,東上。不東面者,來不爲賓客。子姓立 主人立于尸外門外。 祭日當來。凡宿,或作「速」,記作「肅」,《周禮》亦作 ,是以主人先拜也。 疏云:「此决下文宿實,賓先拜,主人乃答拜, 順尸意也。 乃宿尸。 主人再拜 主人辟,皆東面,北上。 宿讀爲「肅」。 尸 案《少 〇子姓東頭爲上者,立當主人之 如主人服,出門左,西面。 ,尸答拜。 子姓兄弟立于主人之 牢 常宿 肅,進也。 户,祝 主人先拜,尊尸 先釋辭訖,尸乃 進之者,使知 順尸。 今此 Ŧ

皆西 吉,敢 拜; 宗人擯辭 而 受宗人辭,許之,傳 而• 筮尸之辭。 、許,亦宗人受於祝而告主人。 去,尸不拜送,尸尊 面 此 筮子爲某尸,占 尸 受命,東面釋之。 宿。」宗人擯者、釋主人之辭。 答拜 卒曰者,著其辭所易也。 如 後 初, 宗人乃 命於尸。 卒 曰: 曰吉,敢宿」。 擯 P 適其皇祖 辭 許 始宗人、祝北面,至於傳 者、士尸 諾,主人再 尸人,主人 筮子 某子」,乃易 〇 如 祝許諾, 卑,大夫之尸 爲某尸,占 如 初者,如宰 初」者, 拜稽 退。 去. 致 如 尊。 首 初筮 相 贊 命 日 揖 命

右宿尸。

拜。 助祭,故云「吾子將涖之」。 士: 言 歲事,吾子將 若在門 前祭二 「吾子將臨之」,知賓在 主人東 宿 外 日 賓。 時 選屬吏 同 賓 在門西 面 涖 答 如 爲實,特 之。 再 主人服, 東面 有 拜。 疏云: 敢 司中,今特肅之,尊 肅 北 宿。」薦 上。 宗人擯 屬吏有公有司 人以 出門左, 及其人,爲實及衆賓 備 進 也。 \Box 鬳犬 屬 賓耳。 西 涖 有 吏必 某薦 面 私 臨 臣 也 再 0 來

> 人 臣不選爲實 者,適西 再 拜,賓答拜。 階以俟 門東北下 行事。 面 公有司不選爲賓者,門 賓 主人退,賓拜送 日 某敢不敬從 西 北 面 私

右宿賓。

故 東房西室,故他經 設 牲不用棜,以其生。 其 鼎。 東,當夾北。 東房,南上。 鼎 如今大木轝矣,上 南 牢》陳鼎 鼏 註知 洗于阼階東南。 西、北首、東足。 有 順 爲 厥, 豕、 實 厥 是 密」。 在門東、此當門、士卑、辟 房内 魚 其也,宿賓之明 明夕,陳 獣 西 近東。 于其 ○宿實之明日 堂,西 直言 几席 腊 有四周,下 ○豕北首東足, Ŀ, 鼎 野 言 夾室之前 房」不言 獸之全乾者。 兩 「當夾北 其西、棜西 于門 日 壺禁 東 夕。 敦 無足。 首。 夕,祭前 在 門外 外, 近南耳。 在 大夫 者,兩 東」,此 西堂。 東 寢其左,故云 也。 順, 獸 北 北 序。 ○舉 也 猶 面、當門 腊 夾皆堂 面, 東足者 然" ○大夫、 日之夕 從 也。 音 棜 特言 也。 東 豆 北上,有 房,房 在 平 籩 也。 棜之制 也。 尚 尚 其 特性 以 東 1: 鉶 牲 右 古文 房 中 右 南, 南 直 《少 也 在 之 爲 有

階,宜 也。 下, 備 具」,不言「絜」,以有几席。 不言敦鉶者,省文也。 濯 主 拜,衆賓門東北面,皆答一拜」,是大夫尊,衆賓不得 拜衆賓,衆賓答再拜。 立于賓 東 東 之,壁外相 人、祝,於 ○兼之宰在門西,與賓同行,皆與筮位異也。 禮也。 , 如 視 、及豆籩,反降,東北 人揖入,兄弟從,賓及衆賓從, 面 如外位。 上遥望 賓出,主人出 姓,告充。 東面告,乃行至賓 北 初。 祭宜 ○案《有司徹》「主人降,南 西 望 上。 夾室耳。 北,東 初,筮位也。 當 近 爲視濯也。 夾之北也。 廟。 不 蒙如 雍 画, 主人及子姓兄弟即 東北 主人再拜, ,皆復外 正 南 初者,以 南 作 而 賓及衆賓即 ○主人在東階下,宗人降 面告, 「西堂,西 東北面告者,欲兼聞之於賓 豕。 衆賓再拜者,士賤,旅之,得 宗人升 上。 面 位。 緣實意 , 告濯具。 賓 充, 事 在而 面 賓 彌至, 拜 夾室之前 猶肥 自 答 爲 衆賓于門 欲 宗人祝不在 西 視牲 位 聞 即 再 也 位彌異。 宗人、 階, 也。 于 濯 位 拜。 位 也。 近 門 雍 視 于 言 備禮。 東,三 于 溉 南 IE. 自 西 也。 0 門 宗 堂 \equiv 祝 官 濯 壺 亦 西

> 賓有 具。 者。 日質 名 也。 司。 明 請期, 宗人舉獸尾,告備; 時,而 北 告事畢。 面 以 EÍ 日肉熟,重 策動作豕,視聲氣。 羹飪 賓出,主人拜送 豫勞實。 0 肉 ,謂之羹。 舉鼎 宗人既得 雍 Æ 鼏 飪 有 期 告 熟 司 之主 西 也。 絜 北 面 謂 割

> > 明

烹

右視濯、視牲。

記唯 言祭日 上。 西堂下者,堂之西下也, 饎 亦玄端,至祭日 餘 面 糦 有不玄端者。 爨于西堂下。 」、《周禮 尸、祝、佐食與主人同服,賓及兄弟筮日、筮尸、視 視側殺。 亨,煑 夙 陳設及位次之事。 興,主 也。 》作

。 則 煑豕 夙,早 側殺,殺 人服 皆朝服、玄冠 亨,于 魚腊以 炊黍 也。 近西 如 稷 主人服 牲 初, 興,起也。 壁 鑊 門外, 也。 日 饎,宗婦 各 南齊于坫。 緇 立于門外 如 白自 帶、 初,謂 爨。 東 主人服 此 緇 爲之。 方, 至「立 《詩 韓。 玄端也。 古文 *\frac{\times}{\times} 西 東 如 爨, 竈 于中 主 初 面 方, 婦 北 案下 誰 庭, 則 濯 也 視 南 其

❶ 「賓」,薈要本作「宰」。

之右。 象洗 堂。 之俎 事,謂 註云: 筵 臨 右。 户 亨 而 以 萑 者,宗婦也。 豆 音丸。 反之。 魚 東,室户 槃承之。 出 籩鉶 几 《少儀 在 爲左右。 ,亦存焉。 而言左右,以 如 溉 有司及兄弟。 于 藉 「凡尊酌者在左。」玄酒不酌,故在右,是以東西 東, 之釜 初 設盤水及巾,戶 用 室 P 執 統于門東 <u>*</u> 東。 陳 簞 中, 萑 在,細葦。 事之俎 盤 鹭。 初 于 〇以匜貯 1 不升 玄 尊 也 視濯 ,房中, 簞 西爲左, 酒 東 几 者以酌者之左爲上尊。」又據酌 水,實于槃中,簞 鼎 二列者, 霉 中 在 面 西 也。 席 者,異 西,尚之。 古文「用 音 貯 水 陳 上。 尊、不就洗 巾 陳 其 尋。 而 如 于 尊 爲 於神。 也。 置之槃,待尸 凡鄉 因其 位置 于 初 神 階 于 羹 敷 西 門 |爲「于」。 間 凡尊,酌 户 内 位 雖 飪 席 堂,如 如 内之右 在 . ; 二列 盛 同 又不揮 以 東,玄酒 也 初 東西,祝主人主婦 而 實 人爲 兩 者 言有 至 盤 市,在 ○藉,慈 者在 鼎 敦, 此 門 初。 取 左右; 則 門内 北 殊也 使 東 而 陳 左。 陳 執 祝 實 在 也 盛 世 者 于 于 之右 接 夜 之, 鄉 沃水 黍 爲 北 0 西 外 内 反。 神 實 門 祝 四 既 稷 執 鄭 面 左

> 無: 庭。 之妻,雖姑存, 記 揖 告:「有司 賓、兄弟、群 者、證主婦 姑老,冢 有「玄宵衣」。 此衣染之以黑 主 Z 入即位 婦 佐食北面 時也。」又云:「主人行事阼階, 佐食,賓佐尸食者。 纚 婦 笄,宵衣, 食 爲 所 如 當事 具。」 主 祭 於中 凡婦人助祭者同服也。 猶使之主祭祀。 其繒 初。 執 祀 人之妻也。 則 事,即 賓客,每 庭 具 本名曰 户 初, 明在宗人之西 外 立于 猶 視濯也。 南 立于宗人之西。 辦 位 事 面 宵」、《 0 也。 房 于門 必 繩, 無 繩 笄 中, 請 事 宗人亦在阼 佐食 Ш 於 詩 主 .外,如 則 可 買反。 姑。 ~ 首 南 内則 # 知。 人 服。 庭 面 北 素 拜 北 初。 疏 註 面 日 衣 宵 面。 賓 主人、及 階 主 <u></u> 朱宵 引 立 綺 婦 如 舅 宗人 南 此 今内 于 屬 案下 經. 没 主 則 中 也 人

右祭日陳 設 及位 次

主人、及祝,升。 祝先 人,主人從, 面

0

⁰ 原作 原作「北」,今據阮刻《 「辨」,今據阮刻《儀禮注 儀禮注疏》改 疏》改

北上。 北堂, 行陰厭之祭。 畢,先入,當阼 賓爲右人,而使執事 乃以東爲主。 人在 長 及賓盤、出。 事 亦與彼同也。 面。」〇自此至「主人再拜稽首」,言主人、主婦、 于户内。 祝盥 在 盤 醢 相 右,統於東。 時 于 直室東隅。」〇蝸,力禾反。 , 出。 魚用鮒,腊 右,及執 · 醢 對爲左右,以 東爲右人,西爲左人。 在鼎後。 洗 在 祝 升 命之盤出,當助主人及賓舉鼎 今在堂下,主人在右, 北。 註引《少牢》者 先 主 自 人, 又載 主人 用 事 主人與佐食者,賓尊,不載。 婦婦 西 一階,南 麋。」士腊用 沒實尊 階; 在 主婦盥,盤於内洗。 舉 接 盤 性體 左 神 在右,及佐食舉牲鼎; 魚 主 不載 于房中,薦 而 宜 腊 于 人 面 載 在 ,明此經主人及祝盥升面· 也。 牲體, 俎,又設 右人尊, 盤 鼎 前 兔。 畢 也。 升 宗 〇 鮒 除 故 故 0 É 狀 人 鼎。 云『統於東』也。」賓 俎 使佐 入時 疏 阼 少 如叉,蓋爲其似 音附。 《昏禮》: 神坐 兩 遣 云: 階 牢 豆豆: 在 食對主人,使 及,與 饋 佐食及執 前 《少牢 主人降 祝、佐 祝 鼎前,左人 鼎在門外 食 宗 ,主人升, 婦婦 先 葵菹 禮 也。 食初 洗 饋 \Box 位. 執 賓 畢 主 南 食 在

蝸

舉耳。 設于 於事, 事, 袝 則畢 星,取 已載,畢亦加焉。 肆。」又云:「匕皆 退。 鼎 之爲言敬也。」言主人之所以 者,執俎及匕從鼎 及二賓。 長三尺,刊 L 少字 显 密 載 東,魚次,腊特于俎 西 而左人 亦用棘 備失脱· 名焉。 指使可 練祥執事用桑叉。 饋食》及《虞》, 作階 面錯 《少牢》大夫祭,不親舉, 既錯,皆) 脈音 其 北 心 右 西。 也。 本與 也。 主人親 面 祈。 舊説云: 加于 也。 人抽 人 西 末」。 左 《雜記 主人升,入復位。 肵,謂心舌之俎也。 者。 面 無叉,何 舉,宗人 人載之。 卒載, 鼎,東 〇《少牢》云: 俟 扃,委于鼎 朼 Ĭ: 自 其 也。 畢 畢 此純吉 が妨。」 錯 哉? 似御他 則 北。 同 敬尸 「札用桑,長 佐食 俎, 贊者錯俎, 執 加 材明 《虞》喪祭也。 乃 畢 東 之俎。 此無叉 用棘心叉。 L 入設 神物,神物惡桑叉。 導之, 縮, 朼。 「 俎 皆 升 于 北。 俎 加 郊特牲 肵 鼎。 今此 者,乃主人不 既 古 載 右 Ľ, 俎 設 右人,謂 俎 文 人也。 于 加 東 〇
化
音
と
。 者 朼 卒, 主人未執 又以 柄 鼏 ₩ ⊟ : 鼎 腊 匕。 用 鼏 西 用 已 棘 主人 尊 既 畢 「肵 也 干 心 作 則 者 西 則

奠于鉶 不贊敦 要方 於神 腊 事 首 牢 敦 設 再 俎 於皇 特俎 子豆 饋 南 拜 南 食禮 也。 祝 也 稽 西西 北 東 鉶 祖 在 祝 者,以其少,可親之。 首 某子。 南 》啓會乃奠之。 出立于户 凡 則 上,及 左。 祝 饌 遂命佐 與 必方者 日 俎當菹豆之東也。 、醢相 稽首,服之甚者。 尚 兩 饗 孝孫某,敢 直 明食 西 而正 鉶 食啓 」○淖, ○會,古外反。 芼 南 方。 味, 設 用剛 會。 面。 芼,菜也。 人之性 女孝 于 主婦設 「魚次」, 祝在 鬛 豆 酌 佐 反。 嘉 奠,奠其爵 所 南, 左,當爲主人釋 食啓會 以 薦 祝洗, 主 兩 魚又次豕 卒祝, Œ, 南 普淖 人 敦 陳。 0 再 『,卻于 觶 酌 用 主 拜 稷 東也 俎 薦某 宗婦 奠 《少 人 人 于 稽 爵辛

尸

右 陰 厭

張尸 次長兄弟爲加 主人酳尸、次主婦亞獻尸、次賓長三獻尸、 次 而 次。 請,不拜,不敢與尊者爲禮。 祝 ○自此以 迎 戸 爵 于 次衆賓長爲加爵、 門 下,言迎尸 外。 P 人 自外 行 周 來,代主人接之。 次嗣 正 禮 祭 舉奠、 掌次|: 次獻 初尸 賓及 次旅 食 九 凡 飯、 兄 祭祀 酬 就 弟 次 其 次

葉反。 記》, 日 饗 經尸 祝 尊。 祭, 皆 主 從。」〇 詔 設門右,今尸 者,執其器就 人乃父道。 節 佐 , 所祭者之孫也。 承尸意 侑 食 人 延尸,尸升,人。 有初三飯,有再三飯 X獻尸,凡, P 入次序,與 《少牢饋 則 日 主人降 拜 主 宜 延、《禮 尸 詔 ,升自 妥尸 人 而 云「孝孫某, 侑 入門,左, 事神之禮, 行 拜 西階,人,祝從。 入門 食禮 之。 +. 武 器》所 · 文 神 方 節· 。 0 如 彼 惠者 執節 $\stackrel{\sim}{\exists}$ 妥,安 左,各執器就尸盤 同 初。 祖之尸 于 彼註: 謂 也。 事 圭爲孝薦之,饗」。 法 廟中 户 阼 者不授巾 詔 北 也。 祝先入門 祝先,主人從。 饗 坐也。 者 有終三飯: 此 階 武 侑 ,則主人乃宗子; 面 八 而 九飯 勸 主人升自阼階 武 東。 節 盥 旦 彊 武音 方」者 無也。」引 尸 之也。 節 其 右 賤 出 内 主人不 獻 答 有 迎則 無 也。 宗 也。 也。 P 賓 盛 有 拜 舊説 人授 其 及兄弟、 入門 宗人授 爲 妥尸 肵 《少 《少 尸 迎尸, 尸 辭 祝先 厭 俎, 執奠。 禰之尸, 牢 延,進 云 左。一 即 至 牢 祝饗 取 巾 者 又 于《 巾, 成 饋 與 明 席 于 其 尸尊 薦之。 厭, 食 旅 主人 見此 則主 1: 階 侍 坐。 在 盤 庭 六 有 禮 祝 酬 盤 細 後 長

上尸挼 祭鉶。 接,註 者。齊敬共之,惟恐不美,告之美,達 觶 先挼祭之也。 染於醢。 挼祭,祭神 執 羹涪, 煑肉汁也。 味之有菜和者。 亦作呼回反。 人。」今文「湆」皆爲「汁」。 不嚌,大羹不爲神,非盛者也。)以上妥尸 答拜。 祭之,祭酒,啐酒 近也。 音墮。 「既祭則 右 右 嘗之,告旨。主人拜。 ○鄉者設 食也。 近之,便尸之食也。 取 祝 肺祭,刌 祝 挳, 菹 墮取降下,挼取切摩,各於祭義有似也。 挼,陸氏作許 藏其墮」「墮」與 命 《曲禮》:「客絮羹,主人辭不能亨。」〇以 如悦反。 《士虞禮 不和,貴其質,設之所以敬尸也。 饌陰 挳 0 爾 肺也。 彊 于 敦,佐 厭以 其 醢 \bigcirc 告旨。 佐食取 》古文曰 (丈反。 恚反,註云「墮」、「挼」讀 旨,美也。 疏 , 祭 于 豆 飫神,今尸來,當食神 《士虞禮》曰: 曰:「云『醢北」者,爲薦左。 設大羹溍于 挼 食 爾 祝 一祝命佐 黍稷 讀 主 命挼 尸答拜。 祭酒,穀味之芬芬 同耳 黍 其心,明神享之。 間 人 稷 肺祭 拜。 食墮祭」、《周 祭。 「大羹治自門 命,詔 于席 醢 挳 授 北大 醢 尸 尸左 鉶,肉 食, 同 F 不祭 上 者 奠 也 故 0 墮

得 肵 再 四豆者,膮、炙、胾、醢。 將食庶羞。 親設者,貴得賓客以神事其先。 連 所以導食通氣。 變於生人。」舉肺脊以授尸。 案《公食大夫》、《昏禮》,大羹涪皆在薦右, 左,南上,有醢。 長脅也。 〇尸三飯。 勸之使又食。《少牢饋食禮》侑 侑,主人拜。 左執之。肺,氣之主也。 食受,加于肵俎,舉 **静也**。 肉。 成 俎 也。 于腊北。 ○舉,肺脊也。 獸腊,其體數與牲同。 〇尸又三飯。 尸又三飯,告飽。 舉 佐食舉幹,尸受,振祭,嚌之。 謂 三飯告飽 乃 肺 所俎主於尸,主人親羞,敬 脊。 食, 庶,衆也,衆羞以 從俎舉向 南 舉骼、及獸、魚, 食舉。 佐 獸 上者,以膮 禮 脊,正體之貴者,先食,啗之, 食 幹、 解曰: 羞 П 成也。 尸 尸三飯,告飽。 魚 尸受,振祭,嚌之, 因 舉言食者,明 祝侑之,如 庶 實舉于菹豆。 炙爲上. 「皇尸未實,侑 名爲舉。 豕肉,所 侑, 羞 , 亦如之。 此 四 勸 在 如 也,或 也。 豆,設 以 左者, 以 凡解 主 初。 有 爲 神俎不 1. 醢,不 人 異 日 神禮 體 佐 也 味 又 祝 羞 尸 于 禮 爲 皆

335

脊 食盛 飯 而 俎 而 郤下 加之反之也。 牲腊 猶 將以 加 枚也。 于 飯 肵 則正 終 而 歸 骼、 俎, 肵 户 告 魚 俎 脊 前,終始之次也。 今俗言 飽 俎釋三个。 俎釋三个,爲 反 反 · 士之禮· 肺 也 骨、長脅一 脊 黍 物 祝 初 舉 數,有若干個 稷 在 侑之,如 大成 肩、 菹 于其 豆. 改饌 也。 骨 佐 及獸、 〇尸又三飯,不復飯 及 食 所。 舉,先 於 臑 初 取 佐 也; 西 者 牲 食 魚, 北隅, 尸 魚腊之餘,盛 正 盛 禮三 此 授佐食 魚 肵 脊 讀 如 則 遺之。 俎 成。 三頭 後 初 肩 潤 佐 舉 而 食受 所 於斯 自 不 魚 己。 佐 肺 釋 Ŀ 復 如

右尸入九飯。

受, 從。 下大夫也。 人、且親 酳 」皆爲 主人 云 肝,肝 主人洗 所 嘏 酌」。 者 因父子之道質, 炙也。 拜 有主人獻祝 ,尸既卒食, 送。 角,升酌 ○此 古 尸 文 初 無 獻 祭 主人獻佐 又 而 節 長 酳 酒 却 内 用 頤 户。 角 有 啐 衍 0 食 主人 角 養 疏 酒 酳 凡 加 《樂之。 云 獻尸, 人 四 猶 事 細 衍 賓 略者。 此 節 不 也 長 有 直 用 是 以 굸 尸 爵 今文 醋主 獻尸 一肝 拜 者 肝

省去此 聽嘏。 主人。 祭,嚌 授 爵 進末 從」,亦 孫,來女孝孫,使女受禄于 者,食之主。 佐 引之。」 以長大之福 授之挼祭,亦使祭尸 醋 祝以嘏于主人, 挼」作「綏」。 送爵、皇尸卒爵」。 尸 食授挼祭。 者,節主人拜。 作 鹽 0 語 聽,猶 「酢」。 當如《少 彼 之,加于 在 醋,報 尸 直 右 命 也。 受以 其 待 用 祝 主人 主 辭 也。 牢》『實長 也。 致 承致 ₽́ 尸 嘏 人拜受角 則 退者,進受爵,反位,尸)嘏,古 坐 ○主人獻尸。 菹 祝 受福 菹 左 食 『皇尸 多福 《少牢 故 酌不洗,尸 $\overline{\Box}$ 也。 左 執 豆 云 羞牢 雅 日 執角,受祭祭之,祭酒 天,宜 角,右 命工祝, 饋 一**,** 卒 以 皇 其 主人拜,尸 執 反。 嘏,嘏,長也,大也,待尸 食 下 P 授祭 肝 以 禮 角 稼于田 佐 尸 命 不 祝 用 》有焉。 親 取 承 亦 Ι. 食摶 拜 親 酌 致多福 俎 摶, 嘏 取 祝 肝 酌, 尊 祝 送。 授尸 眉 黍 縮 大官反 主 將 答拜。 受 黍授 稷 ○《少牢 挳 執 壽萬 嘏主人, 此 無疆 肺 尸 ,, 户 尸 俎 主人 于 尸 也。 祭。 啐 年, 親 ,于女孝 角 肝 祝 鹽 獨 以 主 酒 授之 亦 古 佐 古 用 退 縮 祝 醋 振 曰 進 文 文 送

則

易

行神惠 卒角 之,興 嗇,因 食設 獻 卒 執 獻 反。 謂奉納之懷中。 左 于 食 主人,且親嘏。 袂,挂于季 少牢》文,明此 祝。 篚,升,入復位。 佐 角,拜。 執 坐祭,卒角,拜。 角,右取 俎。 主人出,寫 事 食。 角 也。 託戒, 加 《少牢 祝拜受角,主人拜送。 祝 于 再 先 佐食 左 指 獻 欲 主 俎 拜 肝 饋 筵祝 亦當興,受坐祭,復嚌之也。 季,小 祝,以 執 其 坐 ,卒角,拜。 稽首受,復 食禮》曰: 人 挳 北 重 嗇 角,祭豆, 答 一稼嗇。 于 面 祭酒 南 也。 接神,尊 于房。 拜, 鹽 ○疏云: 拜受角。 面 主人答拜,受角,降,反 實于左袂,挂袪以小指 「興受黍, 振 啐 受角。 ,主人自房還時。 嗇者,農 之。 位 祭, 尸 酒 祝以 興 「下記云:『佐食俎、觳 詩 答拜。 菹 一, 以 坐振祭, 嚌之。」〇 取 力之成 主 嚌之,加 0 醢皆主婦設之,佐 籩受。 懷之,實于 肺,坐 設菹 人 肝 主人獻祝。 拜送。 從。 〇挂, 功。 詩, 醢 主人 猶 祭, 于 變黍言 〇 尸 祝左 一, 俎 者 承 俱 俎, 酌 也 左 佐 酌 嚌 醋 引 便 賣

> 折 脊 脇。二〇主人獻 佐

右 主 人初 鬳犬

酢,如 拜受。 猶貳。 獻節内, 拜送,如 俟後事,謂俟主婦獻祝,更當羞燔于祝。 其祭之,亦於豆祭。 祭,嚌之,反之。 主婦受,設于敦南。 夫之妻,拜於主人北 爵 爵 羞燔者受,加 尸受,祭之,祭酒,啐酒。 主婦 主婦貳獻,不俠拜者,士 酢 主 主婦北 有獻尸,有尸醋,有獻祝,有 命 主人也。 人儀 送 洗 主 婦婦 如 爵 面 于房, 適 初。 不易爵,辟 尸 西面 燔,炙肉也。 兄弟 房, 拜 酢 于斯,出。 送。 主 送 兩籩、棗栗、棗在西。 酌 南 婦 者,送卒 宗 長 内子。 妻儀簡 北 面 如 婦 以 亞 主人儀 面 ○反之,謂 執 燔 献佐。 獻 出 拜 一 爵。 佐 耳。 〇《少牢》尸酢 兩 尸。 者 者,俟後事 從。尸受,振 籩祭,棗栗之祭 食 食 者, 尸 籩 辟 0 (接祭。 卒爵 亦四 自 亞,次 主 反燔于長 内子 此 户 祝 祝贊 下 婦 節 外 也。 也。 酌 È 獻 也, 至尸 主 坐 婦 19 祝 主 大 0 次 兄 亞

弟。

受

主 皆 北 以 獻 也。 主 婦 婦 北 西 人 爵 祝 左 入室卒 獻 面 儀 面 執 人于 9 邊燔從 祝 也。 此 獻 獨 一爵,於尊 撫挼 〇如 房。 佐 西 面 祭,示親 撫 初, 者 及佐 如 者 祭 如 以 初 前 食如初 主 佐 祭。 祭 成 儀 人獻 食 禮 酒 北 佐 佐 明 面 如其 及 食不授而 食之拜 啐 不 受 佐 惠 献佐 酒 宜 食 也。 同 位。 食 祭於地 面 如 0 則 拜 獻 户 卒 初 尸、 送 拜 酢 爵 亦 也。 主人之 獻 主 卒, 儀 祝 婦 如 簡

右主婦亞獻。

惠於室 待之。 婦,三也, 也。 奠爵 爵: 又致爵于主人,九 P 賓獻尸,一 中 酢 〇此下言賓長 止 也。 賓長,六也; 爵者,二 者, 主人致爵于 愚案: 鬳, 約 略 也; 如 獻 分之爲 自 也; 禮 初 成 賓長 主婦 主 主 獻 婦 又 燔 婦 欲 六 致 獻 致 四 致爵 疏 從 節 祝,七 爵 神 爵于主婦 也; 云 惠之均 于 如 主人」以 主人,二也, 也; 主婦酢主人,五 此 初, 賓 又獻佐 於室中 獻 十也; 爵 科之内,乃有 下, 尸 咔 皆 Н 食, È 賓受主人 是 所 暫 初 謂 人 以 也; 止 酢 也 亞 均 奠 爵 神 主 + 而 獻

送爵。 爵,酌, 降 受, 染汙 主人左 宗婦 婦致 拜。 拜。 左執 席 主婦 之肺,離 酒 肺 亞獻也。 啐 于 洗 也。 爵于主 坐 加 於席末坐卒爵 贊 户 答拜,受爵 爵 坐祭,立飲,卒 于 酒 絶 而 主婦 内。 致 執爵,祭薦。 主婦薦兩豆 酌 刌 豆 不 ,絶肺祭之者,以 取 祭, 俎 人,因 肺 如 爵 提 拜,拜 致 肝 不 心。 爲 初 于 嚌之, 燔 捝 主人鋪 爵 自 挳 手。 主 豕亦然。 亦 於 于 酢。 敬 籩,東面也。 干 酌 主 人。 北 也。 如 主 之 鹽 古 婦 爵 醋 興 面 主 之。 文 宗人贊祭,奠爵,興 婦 離肺 · 坐 西 受,設兩 也。 加 主 婦 拜。 捝 左 捝 酌 面 于 人 出 興,席· 振祭, 長 今文曰「主 執 而 拭 席 也。 俎 皆 席 俎 拜 備 爵,拜。 也。 主人答拜。 于 反 自 再 作 《少儀》 受爵 豆 設。 從 房 房 于房。 嚌之。 説 捝手者,爲 末 坐 兩 而 來。 中 婦 次之, 亦均 坐 捝 $\stackrel{>}{\exists}$ 佐食設之。 洗 主 主 主 卒爵 手, 肝 宗人 南 酌 主 婦 人 牛 婦 初, 從 爵 絶 面 答 祭 取 拜 洗 主 羊 贊 肺

拜

而

酢 爵 尸 爵 降,實爵于篚,入復位。主人更爵自酢,男子不承 主 婦 皆無從。 爵。」 尸卒爵,酢。 婦,更爵自酢。 婦人爵也。 俎 燔從皆如初」者,如亞獻及主人主婦致爵 拜送。 人爵。 婦拜受爵。 于主人。 ,明夫婦之别。」今文 、從獻,皆如 酌 作,起 致于主人主婦。 其薦俎,獻兄弟以齒設之,賓更 ○賓致爵主人主婦,更爵自酢 酌獻祝,及佐食。 《祭統》曰: 也。 卒,復位。 三獻作止爵。 舊説云: 主人。 主人西面 ○賓作爵。 「授」爲「受」。❶ 「夫婦相授受,不相襲處,酢 賓入户,北 主人更爵 燔從皆 洗 答拜。 乃致 ○賓獻祝 尸 賓也,謂三獻者,以 ,酢賓,其酢當亦 面,曰: 爵, 如 ○主人致 一爵 酌 宗婦 也。 爲異 初。 及 1醋,卒 自 「皇尸 佐 酢 凡獻佐 事 薦 更爵, 食。 (爵于 亦 新 請 不 祝 必 爵 豆。 之。 洗 食 主 事 易 承 酌 舉

右賓三獻。

衆賓,衆 洗爵,爲將獻之。 主人降阼階 賓答 再拜」者。 如 西西 初, 視濯時「主人再 0 面 此 拜賓,如 下 獻 賓, 獻 拜,賓答拜; 初 衆 洗。 賓, 設尊 拜 酬 賓

> 貴體 禮》: 賓,獻 俎。 揖 不敢敵主人。主人達其意。 爵 俎 祭 賓卑則不專階,主人在右,統於其位。 爵 階,先以酬賓,又所以爲旅酬發端也。 訖 初 賓答拜,揖,執祭 事 讓,升。 豆,奠爵 ,主人在 ,坐捝手,祭酒,卒爵,拜。 也。 酌酢,奠爵,拜。 凡節解者,皆曰 神禮成, 長兄弟,獻 宰夫執薦以從,設于祭 薦 上賓骼,衆賓儀,公有司設之。 俎 從 酌,西 順 右,答拜。 設。 興 神 衆兄弟,獻 意以 取 「折俎」。 以 位 階 肺,坐 達惠,六節 如 降 上 賓答拜。 初 一獻賓。 内兄 就賓拜者,此禮不主 東 主人坐祭,卒爵,拜。 西 不言其體 復 絶祭, 弟, 面 其 司士執俎 共 位 奠于其位,位 凡 爲 賓北 東 賓辭洗,卒 主人酌自酢者,賓 主人答拜,受 嚌之,興 薦 六節。 ,略云「折俎」,非 面。 科 賓左執 脯 以從,設 面,拜,受 《少牢 醢 以 其 一於尊 設 \equiv 加 設 爵 于 饋 洗 尊 獻 也 于 如 折 尸 薦 兩

❶ 「授」,薈要本作「更」。

人答拜。 拜。 拜。 飲,賤 辯。 獻于 東。」 主人 左。 東 備 升 惠,不可 觶 觶 先尊東方,示惠由近。 行神惠不酌 盡 是 ,西階上,言 賓辭,主人對。 加 酌于西方之尊,西階 拜受爵, 、奠觶 西面者,鄉賓位,立 先酌西方者,尊賓之義。 不備禮。 主人 ,盡人之答拜。 主人備 則 勺, 同 皆公有 於 上尊,卑異之,就其位尊之。 賓奠 坐祭,卒觶,拜。 南枋, 于 飲 《鄉飲酒· 答拜 「位如 酒。 薦 司爲之與? 坐 觶 北 一祭, 立 賓 ○獻賓及衆賓。 初 西 《禮運》曰:「澄酒 焉。 于 坐 方 卒洗, 奠酬 於西階之前,賓所答拜之東 薦 記 明 取 亦如之。 ĕ ∃ : 降, 飲。 復 南 0 於薦 觶 西 主 資位 前 酌, 階 「立卒爵者,不拜既 實爵 揖 還, 賓答 人 北 左, 薦 下 在西 復 尊 奠 西 面 東 非 俎 兩壺皆 在下。」主 爲酬 位 于 兩壺于 東 爲 觶 面 拜 栖 階 面 設 其不舉 位 篚。 賓。 下 拜 面 賓及兄 于 還 也 東 酒 賓 拜 主 東 其 面 衆賓 人 優 北 賓 賓 阼 人 面 位, 行 爵。 今 之, 北 洗 弟。 洗 答 在 階 賓 主 面 就 立. 受 神

於房中。 與? ○設尊 儀。」 折俎 作階 上。 下,南 拜受、坐祭、立 者 也。 則 其 尊北,不殊其長,略婦人也。 衆兄弟之儀。 獻長兄弟及 栅 觶 位 初 , 先成賓禮, 薦 顯神惠。 愚案: 奠 薦 於作階 洗 0 東西 註 上。 上 쨈 時 西)疏云: 引 獻 賓 南面拜受爵。」〇 内賓 面 少 有 註 如 衆兄 衆兄弟, 奠 此言 Ė 可 以 疏皆 南 司徹 飲、 此主人之義。 賓 觶 「長兄弟初受獻于 知,故 立于其 啓 於 薦 弟。 設 如 儀 旅酬 祭訖,乃 内兄弟,内賓宗婦 不言酢 位 》,見 南 薦俎 宗寶 鄭 可 明 北 洗 如 拜受爵 栅 知。 註 將 於其 獻 (儀」,則 賓乃 主 執以 云『還 東 下 衆 舉。 既 《有 亦 굸 記云: 内 云 人 面 位 賓 還還 有薦 獻長 南 降, 面 司 0 兄 洗 而 如 東 阼 儀 徹 位 上 如 疏 立。 賓 階 面 東 弟 設 脅設 爵 兄弟者,獻之禮成 獻 티 : ĕ ∃ : 也。 尊 画 儀 F 與 于下 衆賓 就 宗 于 獻 兩 内 時 彼 獻 婦 于 其 者 「主人洗獻 如 云『揖復位』者 壺 房 卑 賓 當 同 位 亦薦 位,私 北 衆兄弟,如 洗 位 則 長 而 亦 于 位 中 薦 必爲之 皆 初賓 房 明 兄 在 主 西」也 脯 東面 矣。 人爲 中 當 房 人 弟 主 如 醢 中 如 自 西 内 坐 人 獻 于 0 洗 之 取 北 墉 之 其 賓 設

位。爵辯乃自酢,以初不殊其長也。内實之長,亦南面西面答拜,更爵酢,卒爵,降實爵于篚,入復

右獻賓與兄弟。

○獻内兄弟

爲加 但賓長獻十一爵,此長兄弟加 食。 爵 也 此三獻之外復爲加爵,云「如初 主婦,五也,受主人酢,六也 尸酢長兄弟,二也,獻祝,三也, 也。 洗致如 長 不及佐食,無從,殺 兄 弟 洗 初,無從。 觚 爲 加 也。 大夫士三獻而禮成,多之, 爵, 獻唯 儀」者,如實長三獻之儀。 致,致於主人主婦。 如 六 致爵主人,四 爵: 初 儀,不 洗觚 獻 也; 及 户,一 佐 0 致

右長兄弟加爵。

賓中之長者也 賓長三獻,但尸受爵 神惠之均於在庭。 觶 畢,加爵者乃請尸舉爵。 衆賓長爲 加 ○此衆賓長爲 祭啐之後,即 爵 如 衆賓長非三獻之賓,在 初,爵止。 加爵。 止而不飲,待旅 云如 尸爵止者,欲 初一,亦 쪰 庭 西 衆 階 如

右衆賓長加爵。

猶盡也。 拜。 非主人,升降自西階 答其欲酢己也。「奠之」者,復神之奠鱓。 受,復位,祭酒,啐酒。 言其事,下文遂以目 舉奠者,舉前陰厭時祝所奠於鉶南之爵 夫之嗣子不舉奠,辟諸侯。 爲後者。 觶,再拜稽首,進受肝,復位,坐食肝 備 祭酒,啐酒,奠之。 爲復」。舉奠洗酌人,尸拜受,舉奠答拜 尸備答拜焉。 嗣 舉,飲酒也。 每拜答之,以尊者與卑者爲禮,略其文耳。 舉 草,盤 入,北面 其人,謂 使嗣子飲奠者,將傳重累之者。 食肝,受尊者賜,不敢餘也。 〇此下言主人嗣子飲奠獻尸。 舉奠出復位。「啐之」者! 嗣爲舉奠。 尸 再 舉 拜 稽 肝 而飲之。舉奠本 首。 舉奠 嗣齒於子姓,凡 尸 執 嗣,主人將 ?,卒觶 左 古文 備 執 進 大

右嗣舉奠獻尸。

也。 子復舉東階 面 〇此下言旅酬。 舉觶于長兄弟,如主人酬賓儀。 兄弟弟子洗酌 觶 ,皆爲旅 前 主 酬啓端,因 于東方之尊,作 人酬 賓, 已舉 於此 西階 時 告祭設羞。 弟子,後 階前、北 觶。 此 先 弟

長 弟尊,作階東之尊 位 酬,主人常在東; 取 無 也。 禮 内 東 旅 旅者拜受,長兄弟北 長兄弟。 面 拜,長兄弟答 面 西 者,主人所用酬 内羞。 賓 西 自左受旅,如 立。 쨈 酬人之時酌彼尊。」長兄弟 也。 階 宗人告祭 其尊,長兄弟尊也。 長兄弟。 ,載醢 一件 祭皆 觶, 獻 長兄弟 長兄弟卒觶 而 時設薦俎于其位,至 神 加 賓祭設庶羞。 離 豆 惠 爵 肺,不言祭 拜。 其同在實中,則受酬者在 脅。 而已。 也。 者 賓,賓奠于薦 均 長兄弟 拜受觶,賓 即 於 初 疏云: 作 晉,俎 在 賓 此 庭 止 旅,行 此受酬者 面答拜,揖 酌 立 所 矣。 爵 豆可 在 旅 賓 也。 羞者,自祝、 于 卒 次 南者 右。 工此禮又 坐 凡 西 酬 也,受行酬 知。 其 觶 所告者,衆賓、衆兄 旅 六節 北 取 階 無 拜 尊 也。 東 薦 亦 算爵 入殺。 面 觶, 乃 階 酌 前 南 復 疏 西 主人至於内 羞。 答 北 北 于 左。」賓奠 奠觶。 〇兄弟弟 日 : 觶, 阼 告之祭,使 也。 位 以 面。 面 拜 其 面 階 又 飲 羞, 庶 立 「賓主 初,賓 尊, 〇長 ○賓 者酬 次 揖 衆 前 子 並 弟 受 復 觶 賓 賓 賓 東 北 兄 相 所 成 旅

拜。 皆同 復 北 栅 西。 今文曰「奠于薦 賓弟子、及兄弟弟子,洗, 所舉「奠鱓」,即 弟酬賓,亦坐取其奠鱓。 註 長兄弟之儀」,其受尸酢,獻祝, 及 長,將交相酬 者皆奠觶于薦 者洗,各酌于其尊,復 弟之儀。 卒受者實鱓于 云「禮殺並作」。 位 兄弟之儀,以 衆兄弟,交錯 面 也。 ○旅 答拜。 舉觶者祭,卒觶,拜。 西 前 西階 上,舉觶于其 作止爵,待致爵訖; 於旅酬 爲無算爵也。 一觶。 篚」,明其 右」。 長皆奠鱓于其所 上弟子舉於其長者也。 右。 之間 〇作: 辩。 以 爲 辯 言作 此不言「交錯以辯」,賓之酬不言 止爵。 賓弟子、兄弟弟子,各 奠觶進奠之于薦右 相報,禮終於此,其文省。 加 皆 卒受者實 長皆執 初 長, 奠觶 爵 止 致 此作止爵,在旅酬之間 位 如 者 長兄弟 爵 爵 各酌 長皆答拜。 明 初 主人主 作 以 長皆拜。 儀 禮 止 皆 于其 觶 興 拜。 0 殺 栅 爵 揖其弟子。 婦,受主 旅 于 並 賓, 非 尊, 阼 作。 飵 舉解 長 如 階 神 猶言 舉 皆 長 舉 中 如 惠 人 於其 長 也 觶 觶 答 庭 觶 賓 酢 兄 兄 東

於其長 賓之黨,唯己所欲,亦交錯以辯, 皆無算。 弟子皆復其 ,所以序長幼,教孝弟。 算,數也。 位 「復其位」者,東西 賓取觶酬兄弟之黨,長兄弟取 凡堂下拜,亦皆北 無次第之數。 面 位。 因 弟子 今接會 面 解酬 舉 爵 觶

右旅酬。

使之交恩定好,優勸之。

〇二觶並舉爲無算爵

更言 降, 三也。不致爵,禮又殺也。 實散于篚。 獻」者,以利待尸禮 利 洗散, 獻 利,佐食也。 于尸,酢, 將終,宜 ○以進酒名利 言「利」,以今進 進 及祝, 酒 嫌 ,利者,養也 於加 如 爵,亦 初 酒 儀 也。 當

右佐食獻尸。

成 聞之,嫌。 前 於堂下告 面 面 猶導 祝出立 告利成。 彼階上 主 也。 人出,立于户 利成。」尸 ○疏曰: 告 于西階上,東面。 利 少牢饋食禮 利,猶養也。 成 以 《少牢》云:『主人出 謖,祝 尊者稍遠於尸。 》曰:「祝人,尸謖,主人降,立于 外 供養之禮成,不言禮畢,於尸 祝告曰「利成」。』此户外告 前, 西 南。 主 若天子諸侯禮畢, 事尸禮畢。 降。 立于阼階上,南 謖,起 祝東 也也。 利

> 將以燕飲與? 私者何也? 室有事,族人皆侍終日。大宗已侍於賓奠,然後燕私。 爲將餕,去之。 事,故云「備矣」。 虞禮》備矣。 阼階東,西 食禮》曰:「有司受,歸之。」徹 食徹尸俎,俎出于廟門。 人燕飲於堂; 画。 已而與族人飲也。」此徹庶羞置西序下者,爲 ○《士虞禮》有室中、出户、降階、出 内賓宗婦之庶羞,主婦以燕飲於房。 庶羞主爲尸,非 然則自尸 祝 祝反,及主人人,復位。 先,尸從,遂出 ,祝至於兄弟之庶羞,宗子以 神饌也。 庶羞, 俎所以載肵俎。《少牢饋 于廟門。」前尸之義、《士 設于 《尚書傳》曰: 西 廟 [序下。 前尸之 命 「宗 佐 燕

右尸出歸尸俎徹庶羞。

對餕。 P 之餘也,惠術也,可以觀政矣。」」〇此下言嗣子 『善終者如始,餕其是已。』是故古之君子曰:『尸亦餕 曰 : 士用虞,變敦言簋,容同姓之士,得 簋者,分敦黍於會,爲有對也。 席 「餕者,祭之末也,不可不知也。 東向,此 筵對 筵對席 席 在其東,西 ,佐食分簋 者 ,對尸席而設筵,以 向。 鉶。 宗人遣舉 敦,有虞氏之器也。 是故古之人有言曰: 爲將 從周 待下養也。 餕, 制 - 奠及 耳。 分之也。 共長兄弟 上 長 祭 周 鬼神 統 制, 兄 分 坐

皆坐。 乃 説 受爵,主人答拜。 時,尸祭鉶乃爾黍食之。 告者三、諾者三、拜者三。 曰:主人拜下養席南。 餘,亦當以之也。 女 養此,當有所以也。 也。」兩賽奠舉于俎 牢》大夫,則二佐食及二賓長餕。 及兄弟養,其惠不過族親。 憂 弟 何其久也,必有以也」之「以」。 ,宰贊一爵。主人升酌,酳上暮,上暮 盥 者舉奠許諾,升,人,東面,長兄弟對之, 主人北面授下 「贊者洗三爵,酌。 祭鉶, 立于 佐食授舉,各一膚。命,告 主人西面再拜。 西 食舉。 《少牢饋食禮》不戒者,非 階 養爵。 下, 以先祖有德而享于此祭,其坐 酳 ○養食。 若是者三。丁寧戒之。 食乃祭鉶,禮殺。 東 ,許諾,皆答拜。以,讀 主人受于户内,以授次 下 皆取 古文「賽」皆作「餕」。○《少 ○引《少牢》者,欲 養,亦 面 祝告 養,釋辭以戒之, 北 卒食。 命嘗食,即 舉, 祝曰:「養,有 上。 如之。 祭 也。 祝 親昵也。 食,祭 主人 〇前正 命餕 《少牢饋 命嘗 見此 士使嗣子 養。」 也。 降 ○謂 一養其 祭 舉。 舊説 亦 食。 拜 以 洗 0 之 主 言 如

> 以禮相 賽。 拜。 出 答拜,受爵,降,實于篚。 授爵户内,乃就坐。 下養復兄弟位,不復升也。 初儀」,當亦三告三諾 先祖之德也。 以尊天子, 此戒嗣子與長兄弟及衆兄弟相教化,相與 0 弟 與 人受于户 也。 「諸侯以禮相 也。」如 立于户外,西 上養洗爵,升酌 主人答拜。 既 與」之「與」,言女酳 内,以授下 知 初儀。 似 兩 先祖 與」、《禮運》文。 蘉 面。 主人 之 執爵拜,答主人也。○上文曰 蘉。 主人復拜,爲戒也。 兩 ,則拜亦當三拜 德, 事餕者禮畢。 養皆降,實爵于篚。 ,酢主人。主人拜受爵 此,當有所 主人 上養即位坐,答拜。 坐祭,卒爵 亦 當與 彼言諸侯 ○上養酢主人。 拜, 女兄 也。 與 祝 也 會同 弟, 祭酒,卒爵 曰:「酳 與,讀 與」者,與 謂 聘 教化 問 如 上 主 諸 〇酳 以 如 既 有 德 尊 侯

受酢, 疑: 右嗣子、長兄弟 嗣子 如事 ', 子 嚴賓然。 也。 養。 主 爲之子者,何以 愚於 人 拜 祝、 此 節 拜 不 酳 能 安 拜 無

乎?

卑者。 西南隅・ 之白 庶羞 厭飫。 成。 爲陽 而已。 彼大夫禮 祝 在,或諸遠人乎? 薦、俎、敦,設于西北隅,几在南,厞用筵,納 祝 佐 殤不備祭,何謂陰厭陽厭也?」○室中未 食。 豆籩入房,唯 尊。 豆籩入于房,徹主 《少牢》下篇曰:「祝告利成,乃執俎以出。」宗婦 此 」,陽厭 厭。 《士虞禮》曰 祝 改饌於西北隅 阼俎,主人之俎。 設于東序下,亦將燕也。 《少牢饋 時佐 佐食闔 命 陽厭 祝 也,則尸 徹 執 食又徹阼 餘 南 食禮》曰 其 阼 尸 面 P 俎、 牖户,降。 俎以 兩 未入之前爲陰厭矣。 。謖而 ,爲陽厭也。 此 薦豆、 俎 ± 豆籩,設 宗婦不徹豆 $\overline{\Box}$ 薦席徹入于房。」佐 出,東 南面 改饌爲幽闇,庶其饗之,所以 禮 婦 邁,祝 東面 三俎各三个,兩敦、 薦 ,如饋之設。」此所謂 〇此下言徹薦俎 自執 俎 **庫**,隱也。 雖 疏 面 于東 云 : 面位 于户 籩,徹禮略,各 其俎 宗婦既並徹,徹其 「引《少牢》者,見 序下。 《曾子 不同,當室之白 費 西。 出 不知神之所 前先已徹 食 宗婦 、兩鉶,自 問問 , 改 俟告利 徹 命, 「當室 1有爲 設 又 尸 徹 徹 爲 去 饌 命

> 隅,以 降,出。主人降,即位。 則同。」又云: 向户明,故爲陽厭。」〇厭,一 「祭于奥中,不得户 宗人告事畢。 明 艷 故名 反。 陰 祝 厭。 告利 改 饌 西北

右改饌陽厭。

出節。 者。 凡去者不答拜。佐食徹阼俎,堂下俎畢 中,乃徹堂下,故云「記 賓出,主人送于門外,再拜。 方祝命佐 兄弟及衆賓,自徹而出, 食徹 阼 俎 出 俎之時, 節也 唯賓俎,有司 堂下 衆 俎畢 徹歸之,尊 拜,送 出 出 先徹 賓 記 也 賓 俎

右禮畢送賓。

記:

其祖 鞸。 雜 初 濯亦玄端,至祭而朝 朝之服。 裳可也,皆爵韠 則固玄端。 禰, 於祭,服此也。 特牲 故服之。 大夫以祭,命賓兄弟,緣孝子欲得嘉賓尊客以 饋 唯尸 食,其 緇 服。 鞸者,下大夫之臣。 、祝、佐食,玄端,玄裳 「皆」者, 服 朝服 皆 與主人同 者,諸侯之臣,與其君,日 朝 謂賓及兄弟。 服、玄冠、緇帶、緇 服。 《周 夙 筮日 興 禮》、士之齊 主 一人服 筮 黄 尸 裳 如 事 視 視

服,有玄端素端,然則玄裳上士也,黄裳中士,雜裳下士。

序,南 也。 得與大夫同器,不爲神戒也。 賤者獻以散。 也。 之,奠者祝洗酌奠鉶南也。 始注酒其中。 下腹上,以漉滌濯之水,且免塵坋。 爲其不宜塵。 弟子舉觶於其長,禮殺事相接。《禮器》曰:「貴者獻以爵, 四觶,一 翼也。水在洗東。祖天地之左海。 幂用給 順,實二爵、二觚、四觶、一角、一散。順,從 二升,觶三升,角四升,散五升。 壺、棜禁,饌于東 二觚,長兄弟酌衆賓長爲加爵,二人班同,迎接並也。 言南從,統於堂也。二爵者,謂賓獻爵止,主婦當致 設洗,南北以堂深,東西當東榮。榮,屋 記祭時衣冠 順。 酌奠,其三,長兄弟酬賓、卒受者、與賓弟子兄弟 即即 蓋 覆兩 幂用給,以其堅潔。 位 尊者舉觶,卑者舉角。」舊説云:爵一升,觚 在 而 南、蓋即 徹之,加勺。 壺焉,蓋 即位,尸即席也。 絡幂,未奠不設 ○覆壺者 在南。 禁言棜者,祭尚厭飫, 至明日尊于户東時 覆壺者, 盈瀝水宜. 篚在洗西,南 謂 明日卒奠, 倒 幂,卒奠乃設 籩,巾以 置其壺,口

> 西壁。 黄,非 是以進之。 亦勿没,立、縮,順其牲。心舌知食味者,欲尸之饗此祭, 實于牲鼎、載、心立、舌縮俎。午割、從横割之。 屋梠,稷在南。 門外東南、魚腊爨在其南、皆西 冬 荁 桓。 苦,苦 荼 也。 者皆玄被。 核、優尊者可烝裹之也。「烝」、「擇」互文。 綌 在東堂。 云:「周原膴膴,堇荼如飴。」云今文「苦」爲「芐」,❶芐乃地 也,纁裏,棗烝,栗擇。 也。 館,炊也。 賓與長兄弟之薦,自東房。其餘, 棘心匕,刻。 東堂,東夾之前,近南。 鉶芼、用苦、若薇,皆有滑,夏葵, 所俎:心舌皆去本末,午割之, 西壁,堂之西牆下。舊説云: 荁,堇屬,乾之,冬滑於葵。 刻,若今龍頭。 籩有巾者,果實之物多皮 〇疏曰:「其餘,謂衆 面 舊説云: 牲 爨 饎 南 爨 在 《詩 北直 纁裹 在 廟

記器具品物陳設之法。

賓兄弟之薦也。」

0

云」,當爲「行」字。

宗人東 皆辟位。 巾者受。 亦西面。 西 面 沃 淳沃。 F 每事各一人。淳沃,稍注之。 面 宗人代授巾,庭長尊。 出亦如之。 取 盥 者 巾,振之三,南 執 人。 巾者在匜 辟位,逡遁 奉槃 北。 尸人,主人及賓 者 面 「授尸。 今文「淳」作「激」。 東 匜北,執匜之北 面 執 卒, 也 者 執

記事尸之禮。

佐 人獻 事 事則户外 而未至。 食於旅 與 嗣 旅 舉奠,佐食設 齒於兄弟。 凡 南 齒 祝 面 於衆賓, 呼,佐 一; 無 事 豆 尊 則 食 庭長。 鹽。 中 許 庭北 諾 肝宜鹽也。 ム 呼,猶 面。 從其 長幼之次。 命 當事,將 佐食當 也。 宗 有

記佐食所事,因及宗人、佐食齒列。

也。 時,先阼階,次西方,又次乃於房中,故云「亞 立于其北, 其尊之節,亞西方。 兩 壺 東 于 面 房 南南 中 〇尊之亞西方者,謂 上。 西 墉 宗 下, 婦 南 北 上。 堂 也 東 爲婦 設 面 尊 内 兩 人 賓 北 階 旅

> 主婦。 取 西 之娣婦,各舉觶於其長,並行交錯,無算。 姒,亦取奠觶,酬内賓之長,交錯以辯。 之。 賓之長,坐取奠於右。 節與其儀,依男子 婦人獻於南面,旅於西 西 主 婦,其夫屬,于所祭爲子孫。 上。二者所謂 面主婦之東南。 婦北堂、 《曲禮 面 内賓之長,坐取奠觶,酬宗婦之姒,交錯以辯, 主婦南 》云「東鄉西鄉,以南方爲上」,宗婦取統於主婦 西 南 面 面 者, 面。 故 内兄弟。 也。 異於獻 也。 北堂,中 宗婦贊薦者,執以 主婦酬 宗婦之娣婦,舉觶於其姒婦 面。 主婦、及内賓宗婦、 也。 内賓,姑姊妹 内賓象衆賓,宗婦象兄弟,其 房 或 内賓之長,酌奠于薦左, 男子獻於堂上,旅於堂下。 而 南上,或北上,宗婦 北 ○姑姊妹、 也。 内賓之少者、宗 其拜及飲者,皆 坐于户外, 宗 婦,族 賓 亦旅, 宗婦之 宜 亦 (類,自 人人之 統 内 婦 如 於

授主婦。

記設内尊與内兄弟面位、旅酬、贊薦諸

儀

祭,竈有功也。舊説云:宗婦祭饎爨,亨者祭雍爨,用黍肉尸卒食,而祭:饎爨,雅爨。雍,孰肉,以尸享

祭,盛於盆,尊於瓶 而 Ē, 無 籩 豆 俎 《禮 器 日 燔 燎 於 爨」, 夫爨者,老婦 之

記祭竈之節。

反位者,宜與主人爲禮,乃去之。也。士之助祭,終其事也。俎,尸俎也。實既送尸,復入也。 實從尸,俎出廟門,乃反位。實從尸,送尸

記賓送尸反位之節。

骨者, 無前 有 禮,九體,貶於大夫,有併骨二,亦得十一之名。 五. 肺三、爲尸、主人、主婦祭。 體數,此所謂「放而不致」者。 横脊,長脅二骨,短脅。 禮器》文。 日 猶 Ħ. 一而盈 "將舉於尸,尸食未飽,不欲空神俎。 , 貶於尊者, 不貶正脊, 不奪正也。 捶 尸俎:右肩、臂、臑、肫、胳、正 魚,水物,以頭枚數。 也 《少牢饋 膚三,爲 小 而長,午割之,亦不提 食禮 養用二, 》亦云「十有 凡俎食之數奇,脊無中, 今文「刌」爲「切」。 陰中之物,取數於月,十有 尸 厭 俎 飫 Ŧī. 神俎也。 心,謂 而俎 正脊二骨、長脅二 也。 9 之舉 放而 離 脊二骨, 尊卑同, 合少牢之 士之正祭 肺 肺 不致」, 魚 + 刌 此

骨,直破折餘體可 骨。 婦,若有公有司、私臣,皆殺脅,又略。 膚 肺。 二骨, \equiv 折」,不言所分,略之。 尊體,爲其已甚,卑而 其餘如佐食俎。 不分左臑折,辟大夫妻。 可併者二,亦得奇名。 離肺 所 主婦俎: 觳折,觳,後足。 特牲約,加其可併者二,亦得奇名。 一骨,脅二骨。 體。 謂 一,離肺 佐食 不但言語 經 ○疏云: 短脅。 而 等 俎: 阼 體,以 ___ 也。 俎: 「加其可併者二骨者,是尊祝也。」膚一, 主人尊,欲其體得祝之加 一般者,升之俎,一 觳折,脊,脅。 有 ○「經而 賓骼。 凡接於神及尸者,俎不過 骼,左骼也。 臂; 全之,其 一骨二骨者。 衆賓、及衆兄弟、内 臂,左體臂。 其餘 等」,亦《禮器》文。 正脊二骨,横 長兄弟及宗人: 折,分後右足以爲佐食俎 宜 如 可 賓俎全體,尊賓。 阼 而已。 《少牢饋食禮 也。 祝俎: 膚 三體,卑 俎 「長兄弟及宗 數。 不備三 餘 (脊,長 離 五. 髀 謂 牲三體,以 者,從正 腊 挺,脊 肺 體,又於 》羊豕各 者,賤 此 脊 如 所 不用 脅 脅 牲 折 人 膚

記群吏面位獻法。

<u>=</u>

臣,自己所辟除者。 膚 一,離肺 一。田,同四縣務者。 膚 一,離肺 一。田,示均也。俎者,所以惠之必均也。❶ 善爲政者如此,故虚,示均也。俎者,所以惠之必均也。❶ 善爲政者如此,故以骨爲主。貴者取貴骨,賤者取賤骨。貴者不重,賤者不祭禮,接神者貴。凡骨有肉曰殽。《祭統》曰:「凡爲俎者,

記諸俎牲體之名數。

「以」字下,薈要本據《祭統》增「明」字。

0

儀禮鄭氏註少牢饋食禮第十六

濟陽張爾岐句讀

爲下大夫,爲異也。」 爲下大夫,爲異也。」

用丁己,内事用柔日。必丁己者,取其令名,自丁寧,自稱,一牲即不得牢名。」可言特牲也。〇少,詩召反。日云:「自此盡「如初」,論卿大夫祭前十日先筮日之事。」又曰:「自此盡「如初」,論卿大夫祭前十日先筮日之事。」又曰:「自此盡「如初」,論卿大夫祭前十日先筮日之事。」又曰:「自此盡「如初」,論卿大夫祭宗廟之牲。〇疏而芻之。羊豕曰少牢,諸侯之卿大夫祭宗廟之牲。〇疏而芻之。羊豕曰少牢,諸侯之卿大夫祭宗廟之牲。〇疏

日 禮》文。「不得丁亥則己亥辛亥亦用之」者,以吉事 妃,某妻也。 以字爲展氏」是也。 夫或因字爲謚、《春秋傳》曰「魯無駭卒,請謚與族,公命之 薦,進也,進歲時之祭事也。皇,君也。 亥。」不得丁亥,則己亥、辛亥亦用之,無則苟有亥焉可 亥也,直舉一日以言之耳。《禘于太廟禮》曰:「日 皇祖伯某,以某妃配,某氏。 主人曰:「孝孫某,來日丁亥,用薦歲事、于 服者,爲祭而筮,還服祭服。」○朝,直遥反。 受命于主人。史,家臣主筮事者。 朝服,左執筮,右抽上韇,兼與筮執之,東面 於廟門之外。主人朝服,西 上旬之己。○註言己以例丁,言上旬者,先近日 筮旬有一 變改,皆爲 ,惟用上旬。 饗, 歆也。 敬謹 日。 合食曰配。 若上旬内不得丁、己配亥,苟有亥焉可 ○ 疏云: 旬,十日 必 若仲叔季,亦曰仲某叔某季某。 先 諏此日, 某氏,若言姜氏、子氏也。 《禘于太廟》「日用丁亥」、《大戴 也。 以先月下旬之己,筮 明日 面 乃筮。 尚饗!」丁未必 伯某,且字也。大 〇疏云:「主人朝 于門東。 韇,徒木反。 〇己音 也。 尚,庶 先 用 來月 也 史 筮 近 某 T

爲筮,故名蓍爲筮。」遂述

孫

某,來日

丁亥,

用

薦

歲

事 于

皇

祖

伯

某

史曰:

「諾。」西

面

右

執

韇

以

擊

筮

埽

除

宗

廟。

若

不吉

則

宗人命

滌,宰

爲

當共

祭祀事者,使之具

及,至

也。

遠日,後丁若後

易》曰

之德圓

而

神。

字」,却

甚分明,可以證

也。

《士喪禮

》筮宅,

謚」,未聞其

(説。

顧

前

誤耳。

字爲且字也。

疏乃云如

故且言某以擬之。

且者,聊

請之祭,則稱且字。

○註

在

左

坐,卦

以木。

卒

卦者,史之

謂

圓

而

神

者

也

顧

炎武

〇繇,直又反。

乃

由

便。

0

對

+

問之。

常,

吉

凶之占繇

愚詳文義,似

謂

述

循

也

重

以

主

若並

無亥,則

餘

陰辰

亦

配亥也。

經

굸

謚

祭與非常祭,

而

非常

則

去

「伯」,直

同

直

云「某子」。

《聘禮

右 筮 祭 日

吉,則

史

韇

筮

某, 尸 尸」,論筮 日當 配 來 濯 妃 日 H 者、大夫宿 日 肅尸,重尸也。 卦、占,如初。 神象。 者、又爲將 鬼神也。 既 配 日 與 、某氏。 來。 戒諸 來 宿 朝 士異。 丁亥,用 宿 某 日 戒 服 古 主人再 尸、宿尸、及宿 官 不前 氏 戒兩有, 尸 丁亥,用 立「宿 筮 以 宿 吉, 筮。 0 齋 敢 讀 尸 既 戒矣, 期 皆 爲 宿。」告尸 肅 以 某之某者,字尸父而名尸 薦 則 0 1肅諸 拜 三日筮尸者,大夫下人君,祭之朝乃視 皆 戸, 乃 + 如 肅 某之某爲 當 歲 乃 作 至 稽 薦 有 祭・ 筮 官之日。 遂 諸官之事。 宿而 事 前 羞 肅 首。 歲 肅諸 前二日、先 日 祭 以 于 宿 進 事于皇 之儀, 無 Ë, 主人爲此 官及執 也。 皇 祝 0 日 戒,是儀略。」 又 户。 文, 疏 告 祖 先 大夫尊, 云「大夫尊 日: 祝 戒 事者。 戒 伯 曰:「孝孫某 祖 肅 命 當 尚 事 以 擯 尸 某 伯某, 曰 : 自 爲尸 也。 者 進 來 饗 儀 此 祝 之, 以 前 筮吉又遂 重 孝 益 字尸父, 者。 儀 盡 爲 使 多。 所 某妃 以 宿 擯 一改 益 筮、 用 知 拜 者 某 多 孫 明 爲 筮 祭 統

> 揖,不 尸 許 諾 即 ; 拜。 改筮之,不及遠日。 主 人 尸 又 不 拜者,尸尊。 再 拜 稽 首。 若 不 主 古, 人 退, 則 改 送, 統

右筮尸、宿尸、宿諸官。

宗人。 ○疏 爲期 乃 來 期。」主人曰 人 官 人不西面者,大夫尊,於諸官有 也。 而 退。 門 日: 皆至,定祭早晏之期。 ,明大夫尊,肅尸而已,其爲 既宿尸,反,爲期于廟門 東 〇比,推量 宗人曰: 自 旦明,旦 南 此 面 : 盡 日 比 三 也。 質明 宗 日 諾乃 推 於子。」 人 明 量 退」,論 祭 朝 爲期 行 時 服 事 君 比 之早晚 亦夕 賓及 ず。」主 宗人請 道 北 次早晏,在於子 也。 之外。 時 面 執 也。 人曰:「 唯 事 爲期, 祭 在 曰 者使 期之 於子。 言 爲期 亦 既 事。」 也。 唯 肅 請 肅 /",肅 子 尸 尸 之。 主 不 主 反

右爲祭期。

南 面 明 日 宰 主 宗 人 人 西 朝 服 面 即 北 位 上。 于 廟 牲 門 北首 之 外 東上。

謂殺 刲 羊, 之。 司 此 士擊 實 既省「告備乃殺之」。 豕,宗人告備 文互者, 乃 退。 省 刲

司

馬

也。 榮」,論視殺、視濯之事。」又云:人君視牲視殺别日,大夫 《尚 書傳 「羊屬火,豕屬水。」〇疏曰:「自 此 盡

刲,苦圭反。 視牲視殺同 日 ; 雍人 人君殺牲于門内,大夫士殺于門外。 摡 鼎匕俎于雍爨, 雅 爨 在 門

東 南 ,北上。 雍人,掌割烹之事者。 爨,竈也。 在門 東

者,皆陳之而後告絜。 南、統於主人,北 上。 羊豕魚 ○概,濯 腊皆 拭之也。 有竈,竈西 廩 人概 有 鑊。 甑 凡 甗 摡

人之藏者。 K 與敦于廩爨,廩爨在雍爨之北。 甗如 甑, 孔。 匕 所 以 L 黍稷 者 廩人,掌 也。 古 米 文

|爲「烝」。 ○雍爨以烹牲,廩爨以熟黍稷。 ○甑,子 孕

几 反。 洗篚 甗,魚展 于 東堂下,勺 反。 敦音對。 爵 司宫 觚 觶 摡 實于篚。 豆 籩 勺 爵 卒 觚 摡 觶

階 饌 東南 豆 籩 與篚 ,當東榮。 于房中,放于西 放,猶依也。 大夫攝官,司宫 方。 設洗于 兼 阼

祭器也。 方,房 0 司 中 宫概 近 西 此 處 九· 種· 也 祭器 **篚**,謂 ¨, 其 實 一酌酒 酒 器 之器,則 者。 放,方 實之於

反

右祭日視殺 視

羹定,雍人陳 鼎五 魚腊從羊,膚從豕,統 子,三鼎· 在羊 鑊 之 西

事。」司 疏曰:「自此盡「簞巾于西階東」,論鼎及豆、籩盤匜等之 鼎 在豕鑊之西。 馬 升羊右胖,髀 不升, 肩、臂、臑、

胳、正 脊 一、脡脊一、横脊 一、短 脅 一、 正 叠

一、祭肺三,實于一 一、代脅 一,皆二骨以 鼎。 並,腸三、胃 升,猶上也。 上右 1胖,周 肺 所

之紟 貴也。 脊從前爲正,脅旁中爲正, 髀不升,近竅賤也。 脊先前, 脅先後, 肩、臂、臑,肱骨, 屈 膊、胳,股 而 反,猶

爲貴。 也。 舉肺 並,併也。 户 户 食所 脊脅骨多,六體各取二骨併之,以 先舉 也; 祭肺三,爲尸 主人主

古文「胖 ○膊音純,又《説文》之允反。 」皆作「辯」,「髀」皆作「脾」。 司士 升豕 今文「並 右 |皆爲「併」。 胖, 髀

升, 肩、臂、臑、膊、胳、正脊 一、脡 脊 一、横脊

一、短脅一、正 肺一、祭肺三,實于一鼎。 脅一、代脅 一、代脅 ,皆二骨以 豕無腸胃,君子不 並

舉

三 三 五

其文詳 也。 房 中實勺爵觚觶,鄭云「禮在此」者, 棜 也。 陳 革 溷 設罍水 爲之戒然。 上,嚮内相 人,故註云是 合升左右胖 而 肉。 ,對水器也。 腴 中 鼎 鼎 爲實之更之,威 **棜無足,禁者,酒** 皆 ○脅,之承反。 于 , 腊 設東 於此 擇之取美者。 雍 南 有幂, 甒 于 廟門之外,東方,北 隨。 古文「甒」皆作「廡」,今文「幂 面 也。 面 日 洗 其副貳也。 倫 純 純 凡設水用罍,沃盥用料, 古文「幂」皆爲「密」。 〇此 ○枓音主。 如 東,有枓; 膚 純 而 有 饋 ,猶全也。 九 司宫尊兩 儀多也。 鼎 承上文, 戒也,大夫去足改名,優尊 司 玄酒。 之設 腊 實于一 卒晉,皆設 士又 鄭,九于反。 用 亦司 實 設 〇此司士與前升豕者 如 升魚 麋。 房户之間,房西,室户 甒 饋之設,如其 謂全經中言設水之法: 篚 鼎 宫爲之。 豆 面 于房户之間 于 司士又升,副 ○脅,以 籩 北北 禮在此 作 倫 洗 扃 改饌 之 鼏 上。 魚 擇 西, 幂 前 實。 陳之左 也。 牲 也。 + 饌 豆 者,若不 南 乃 體 北 豆 籩于 有 改,更 司 倅 膚 ○篚 肆。 舉 非 籩 實 面 宫 同 五. 東 右 鼎 北 脋 房

> 中 之實,謂 依 於西方,今欲 菹 醢 等。 實之, 小 祝 乃更 設 槃 陳 也 如 饋 與 時 簞 之次第 丹 巾 也。 于 西 豆 階

右羹定,實鼎、饌器。

東。

將

布陳神 載之事。」司 也。 序 執 鼎 取二勺于篚,洗之,兼執以升,乃啓二尊之 從,司士合執二俎以從,司 蓋 道之也,主人不盥、不舉。 主 柄。二尊,兩甒也。 人 序入,雍 幂,奠于棜上,加二勺于二尊,覆之, 二俎以相,從 南于洗西,皆 出迎鼎、除鼏 坐也。 主人朝服 疏曰:「自此盡 宫筵于 室中西 正 執一匕 即 今文「柄」爲「方」。 西西 南 奥、祝 位 『革順』,論祭時將至,布設、舉鼎、上 隅 面 于阼階東, 〇士禮,自舉鼎 相, 士盤,舉鼎,主 謂之奥。 以從,雍 北 設 助 上 几于筵上, 右之。 士贊者二人皆 陳 ,膚爲下。 席東 鼎 〇勺,以挹酒 府 西 面,近 于東 則 執 面 盤 人 四 方,當 南爲右 先 爲將 司 匕皆 K 南 宫 合 以 祭

升。

尸

也。

割

切

安,平

肵

在

心

俎皆

洗

西南

加

于

西

肆。

人

遣

脊

乃反。 先,次賓後也。 化」作「匕」。 上。 皆安下切上,午 ()使可 也。 肩、臂、臑、膊、 賓就主人,皆 設 鼎 爲 周 短脅 舌皆切 肵 于鼎 佐食二人。 禮: 平 寸 絶 東 俎 既 割其下,於載便 皆如 佐食上利升牢心舌, 載于肵 在 祭 有 枋 一、正 勿没,爲其分散 主人不化,言就主人者,明親臨之。 西 尚肺, 北,將先載 豕 佐 本 鼎 西 膚 食 初 事 爲下, 末, 脅 肆。 復 盤 遷 割 上利 爲 胳、 尸 取 一、代脅 于 也。 肵 尚 之于 勿 亦午 膚 也。 以 肵 也。 洗, 没,其 Œ. 心 俎 升 别 其 異其設文,不 舌, 俎 脊 于 長化。 加 羊 凡割本末,食必 肵之爲言敬也 爨 爲 割 在 也。 心 阼 也。 勿 一,皆二 載 舌知 載 羊 鼎 階 没,其 南 脡 于 右 俎 故 長化者 于 牢,羊豕 西 滋 脊 之北 肵 胖 當 謂 洗 味。 之 所 鼎。 西 西 俎 一骨 髀 載 正 加 以敬 今文 末 古文 長 也。 俎 縮 陳 横 也。 宗 以 不 于 亦 也 賓 于 也。 禮 純 徹 首 魚 向 酒 如 胃 脊 終 並 羞 進 神 禮 在

之法,進腠。 於食生也, 唐石本、吴澄本並同。 體之數、及載,備於此。 ; 則 》,引此及《少儀》,欲見正 羊, 用 脅 肺 而 濡)腴,亦 拒,讀爲「介距」之「距」。 此 也。 肺 魚者 鮒, 俎 祭 腸三、胃三、 「肩」字即「胃」字之誤 無腸胃,體 進腠,羊次其體。 膚九而 ,亦進下,肩在 ○腠,千候反。 肩 變於食 所以交於神明,不敢 肺 十有五 進尾。」○□《有 在上。 腠,骨之本。 生 皆切。 俎 也。 而 一,亦横 其 升之以 今按上文已言肩,不當 長 ○「脊脅肺肩在上」,「肩 俎 載于俎 豕言「進下」,互相見。 皆 下,骨之末。 司 有 司 祭與 可知。 上。 | 載 司》 俎距, 縮載,右首,進 尊卑, 肩 及 載 士三人,升 以食道,敬之至 儐 載 魚 臂 "; 革 俎 如羊 ,皆進 戶」載 横之」, 魚 下 載之以 脛 拒 臑 横之。 中當 順 豕。 進下者,以骨 利 膊 魚 升 即 舉 下。 横 胳 體 列 凡 《少 節 魚 豕 腊之體 下 次,各 肺 也。 重 載 在 0 篇《有 字 也。 儀 腴。 出 腊 進 於 一**,**長 兩 食 俎 腊 其 下 殆誤。 之末 生人 且 凡 日 鄉 有 載 變 載 右 司 飲 遺 牲 宜

此 其 皮 膚 相 亦 然 順 革 亦 順者 者, 亦 膚 其 相 骨體 次 而 作行列 0 亦 横 則 載」, 其 皮 上· 牲· 順 體・ 横. 載・

右 將祭即 位、設几、加勺、 載 俎

綃

于筵前 鄭 文「扇 也。 陪 執 被 先設置爲陰厭· 升 醢 以 面 彼 被婦人之紒,爲 、于房。 ,朝事之豆也 設于 葵菹 自 錫 註 士妻之袂以 不纚笄者,大夫妻尊, 將納祭也。 ,衣侈袂, 阼 卒晉,祝盥于洗 爲 云: 東, 階。 鸁 蝸」。❷ 副 被錫,讀爲「髲鬄」。 主婦 醢 之事 韭 一而饋 ,首飾,若今步摇 ,●以授主婦。 祝先入,南面 益之。 0 菹 飾 ○《周禮》: 也。」〇 贊 薦)疏曰: , 因 在 食用之,豐大夫禮 者 自 袂三尺三寸,袪尺八寸。 南, 名髲鬄焉。 東 載 亦 「自此盡『主人又再拜稽首』,論 , 升 人, 葵菹 房, 衣 牲於俎, 「追師掌王后以下副 綃 古者或剔賤 自 編 衣 亦 韭 主婦不 主 西 而 在 此《周 編列髮爲之,若今假 被 菹 亦謂 侈 人從,户 階 北 錫, 其袂耳 葵菹 醓 之脅。 禮 者刑者之髮 興,遂受, 主婦 衣 醢 主 》所 在 侈 人 配編次」, 謂 縳。 韭 内 主 侈 坐奠 菹 興, 次 袂 盥 者 婦 西 今 醓

> 俎之北· 寸; 坐設 婦 膚,當俎 在 腊 食 紒。 在 《特牲 衣而 所 註 膚 $\overline{\nabla}$ 上 紟 用之豆,共有八種,此用 三 云 此大夫妻綃 次 韭菹 》,主婦士 于羊 東, 豕亞其 俎 利執羊俎 主 也。 侈其袂。 也。 次第髮長短爲之,所謂 「半士妻之袂以益之。」 序升 婦 在醯醢之南,葵菹在 北 ○髲,皮義反。 主 興受,坐設 俎 端 妻,纚笄 婦 之南。 衣則三分益 侈袂者,士 自 下 自東 (北,魚 相 西 利執 而綃 助 階 房, 婦 也。 鬄,大計 于 妻綃 八其二以 在 衣; 一,袂三尺三寸,袪尺八寸。 豕 贊 魚 相 執 髲 羊 一嬴醢 0 韭菹醢醢,本天子祭 衣,袂二尺二寸,袪尺二 此 人鬄。 俎 者 特 從 東,腊 俎 饋 大夫妻,則 反。 之北。 膚 執 金 南 司 食 者 醓 敦 敦 士 故 膚 者,即: 在豕 菹 他 又 稷 設 註 黍 \equiv 俎單 首服 云「豐 感反。 醢 興 人執 以 俎 錯 東 此· 有 設 、受費 授 對,是 次,亦 文・ 特 大夫 祀薦 蓋 在 也。 羊 È 魚 佐

禮 腥 故

嬴」,原作 嬴」,據薈 要本、 文淵閣 本改

嬴」,原訛 」,據薈要本、 文淵閣本改

淖,用 用· 尚 祝 酒尊,要成也。 也。 龜 有首者,尊者器飾也。 者敦黍,坐設于稷南; 盛。」謂其三時不害,而民和年豐也。」○牲物異號,以 大和,乃 嘉薦,菹 重,累之。 設于黍南。 也。 有上下甲。 響 ·祝曰:「孝孫某,敢用柔毛剛鬛、嘉薦普 以重、設于敦南。 祝酌奠,遂命佐食啓會。 **春** !」主人又再拜稽首。 薦 有黍稷。 醢 也。 主人西面,祝在左,主人再拜稽首。 歲 秋 傳 事 今文曰:「主婦人于房。」○設黍稷,亦 《特牲饋食禮》曰:「祝洗酌奠,奠于鉶南。」 普淖,黍稷也。 敦皆南首。 于 桓 **奉** 六年 皇祖伯 飾蓋象龜,周之禮,飾器各以其類, 秋傳》曰:「奉粢以告曰: 隨季梁之言。 酌奠,酌酒爲神奠之。後酌者, 又興受贊者敦稷, 某,以某妃配,某氏。 普,大也; 主婦興,人于房。 羊曰柔毛,豕曰剛鬛。 佐食啓會蓋 引 淖,和 之者,以 也。 『潔粱豐 證 殊· 人· 德 普 敦 坐 能 絳

右陰厭。

祝出迎尸于廟門之外。主人降立于阼

疏曰: 階 于户 從。 從尸升自西階。 詔 盥 雷。 東。一宗人奉簞巾,南面于槃北。 槃,東面于庭南。一宗人奉匜水,西面于槃 案此正祭内尸入妥尸、尸十一飯,又自二節。 辟位,出亦如之。」祝入門右者,辟尸盥也。 不 不言,尸答拜,遂坐。 三,以授尸,坐取簞,興,以受尸巾。 盤于槃上。 ,,尸即席,乃卻居主人左。 相之曰延,延,進也。 也。」祝延尸。 出 東,西面 ○疏曰: 迎尸,伸尊也。 内,祝 祝接神,先入宜也。 「自此盡『牢 「庭南者,於庭近南,是没盡門屋 在 卒盥 主人 祝先,入門右,尸入門左。 左。 肺正脊加于肵」,論尸人正 《特牲饋食禮》曰:「尸人,主人及賓皆 尸 升自西階,人,祝從。 ,坐奠簞, 《周禮》曰:「大祝相尸禮。」祝從: 主人由祝後而居右,尊 (升自阼階,祝先入,主人 尸升筵,祝主人西 拜妥尸,拜之使安坐也。 祝主人皆拜妥尸。 取 巾,興,振 既則後尸。 祭之事。」愚 乃沃尸, 雷,近 宗人 也 庭 南、没 面 主人 祝 門 尸 由 奉 之 自 立 從 而

位。 器 不 牲 坐。 殺」。 職,不命。 夫之禮,尸 此 答拜 祝饗, 文。 有祝饗之禮,士賤 ○墮,許 ○《特牲 解 祝反 故尸亦不 遂 此經 ○方陰 彌尊也。 坐 規 而 着 遂 南 卒食。 反 厭 啐酒嘗鉶告旨、主人拜、尸答拜 面 告旨,是殺 坐而卒食」,以 不告旨 之初, 不嫌 其 未有 間 祝 與 有 1者,爲 事 君 人 於君 不 也 同 南 啐 其間皆無此禮。 面 奠、不 初 禮 故尸 墮 亦不響,所 也。 祭 此 嘗 亦告旨。 爾 既 鉶 曲 無 敦,官 事, 而 不 殺 謂 告旨 示 故 各 此 又《特 」,《禮 反其 經 得 曲 肅 大 其 初 遂 而

右迎尸人,妥尸。

之。 間 尸受,同祭于豆祭。 俎 佐 墮 今文「辯」爲「徧」。 二是 者。 豆之祭也。 以 食 肺與 也 取 尸 祭黍稷者,就器 授 黍 取 先 一稷皆 上 稷 陳設 韭 黍稷之祭爲墮祭。 佐 于 菹 名爲墮、周 爲 食。 ·四敦。 〇合祭于豆祭,豆 陰厭 減取 上 户 , 牢,羊豕 而祭 佐 下 後 禮 來即 佐 食 將 故名墮祭 の也。 守 食 兼 食 席 祧 祭即 神 取 食 與 職 同,合也,合祭 餘 于 牢 是尸 韭 黍 尊之而 豆 既 祭畢 菹之祭于豆 以 餕 祭 間。 切 授 則 鬼 斂 祭之。 肺 神 尸 藏 而 于 上 0 其 於 之 藏

尸,尸受祭肺」,明今食先云『食舉』,是上 黍 黍。 舉 也。 以 受,坐設于羊 下 兩 進 也 此 肺」四字。」今案唐石本 上 牢 餘 早年 「上佐食」,明 牢 也。 文 」條下疏 佐 鉶 柶,祭羊 , 右之。 故尊 肺 羊 主人羞 則賈作疏時,經文尚有「尸受祭 肺 肺 取 正脊 食又 疏 肵,敬 甪 正 而 正 云 苦 云 祭之, 脊也』者,上文云『上 脊 也。 更起不相因。 以 取 以 也。 爾,近也,或曰 羊 鉶, 肵 「《特牲》『黍稷』,此及《虞》 授 非 前文先言 鉶于 鉶之南 親進之,主人敬尸之加。 俎,升自 先 薇 盛 遂以祭 尸 豕 食啗 主 皆 亦無四字,唯下文「食舉」疏云: 鉶 一人之饌 房 有 Ż, 滑。 于 ○吴氏云:「授尸下有『尸 上 中, 移也。 「爾黍」, ,皆芼,皆 作階 以 豕鉶,嘗 佐 房 耐 爲 佐 0 坐 祭也。 中 食 道 食舉 芼,亡報 右之,便尸食也。 置置于 設 故 爾 以 肺」四・ 也 知 于 户牢 牢肺 先 從。 上 有 皆不云『稷』者 羊 E 韭 敦 食黍。」上 反 字,故吴云 上佐 柶。 膚 佐 鉶 正脊 肺 菹之南 飯 F. 北 正 黍 食 食 脊 也 佐 芼,菜 食 于 舉 · 受 祭 以 食 舉 重 굸 羞 户 扱 食 筵 授 以 伙 據

夫之禮,**●**不過五舉,須侑尸。

〇疏 EI:

「云五舉者:

舉牢

舉尸牢骼,如

初。

如舉幹也。

又食。不舉者,鄉大

爲終」者,牲體貴肩,以

所貴者終也。

又食。

上佐

食

崇威儀。○「《少牢》二牲略之」者,對《特牲 祭,嚌之。 上佐食受,加于肵。 **所角反。又食,上佐食舉尸腊肩。尸受,振** 于肵,横之。又,復也。或言食,或言飯,食大名,小數 舉尸一魚。尸受,振祭,嚌之。佐食受,加 無臐膮者,尚牲不尚味。 尸又食,食胾。 上佐食 『小數曰飯』。大夫不儐尸者,於此時亦當設大羹。」○數, 《少牢》二牲,略之。腊必舉肩,以肩爲終也。 別舉魚腊崇威儀」者,對《特性》魚獸常一時同舉。 幹,正脅也。古文「幹」爲「肝」。 魚横之者,異於肉。○疏云:「一口謂之一飯,故云 有醢,亦用瓦豆。設于薦豆之北。 其實亦爾之,不虛陳而不食也。」上佐 尸受,振祭,嚌之。 四豆亦為,羊胾在南,豕胾在北。 上佐食羞胾 佐食受,加于 腊魚皆一舉者 别舉魚腊 舉 食舉 「以肩 潤 魚 設 兩 之也。 加于肵。 侑,勸也。 肺,一也,又舉牢幹,二也,又舉一魚,三也,又舉 爲祝一飯,爲主人三飯,尊卑之差。尸十一飯,下人君也 祝言而不拜,主人不言而拜,親疏之宜。 尸又三飯。 正脊及肩、皆牲體之貴者。 佐食舉尸牢肩。尸受,振祭,嚌之。 佐食受 事之位。今侑訖,亦復尸北南面位也。」 尸又食。 侑復反南面』者,户内,主人及祝有事之位, 尸席北 反南面。 之南,獨侑不拜。侑曰:「皇尸未實,侑。 四 上佐食受尸牢肺正脊,加于肵。言「受」者,戸授 于主人之南。祝當贊主人辭。 主人不言,拜侑。 也 尸受牢幹而實舉于菹豆,食畢,操以授佐食焉。 又舉牢骼,五也。」尸告飽。 〇祝獨侑者,不與主人共侑也。 祝獨勸者,更則尸飽。 四舉牢體,始於正脊,終於肩,尊於終始。 尸不飯,告飽。 實猶飽也。 祝西面于主人

曰飯。

瓦豆。

于薦豆之北,以其加也。

疏曰: [云『祝既 祝既

祝無

有,復

腊

肩

肵。

尸牢幹。

文不具也。

0 鄉」,薈要本、文淵閣本作「卿」。

祝西面

所,至此十一 於菹豆,至此食畢,尸乃於菹豆上取而授 特牲》禮約推之,方尸三飯、上佐食舉牢幹時,尸 肺 Œ 即上文所云「食舉」也。 飯後,乃言上 佐食受尸牢肺 初 食舉,不言置舉之 上 正 佐食也 脊 加于 蓋 肵 置 舉 以

尸

右尸十一飯,是謂正祭。

賓長 嚌之,加于菹 也。」尸左執爵,右兼取肝,腝 古文「縮」爲「蹙」。 鹽 嘏,主人獻祝,主人獻佐食,凡四 以爲樂之也。」愚案:此初獻禮: 膚」,論主人酳尸之事。云『酳猶羨也』者,取饒羨之義,故 所以樂之。古文「酳」作「酌」。 而言,若至尸前,鹽在尸之左,尸以右手取肝,向左腝之便 拜受,主人拜送。 在 右。 羞 尸答拜。 主人降洗爵,升,北面 牢肝, 羞,進 用 也。 兼,兼羊豕。 ○疏云:「鹽在肝右,據賓長西面手執 豆,卒爵。 俎 縮、從也。 縮 酳 ,猶羨也。 執 主人獻尸,尸醋主人遂致 0 節。 俎 主人拜。 鹽在肝右,便尸 疏 开肝 酌 于俎 尸祭酒,啐 曰:「自此 既食之而又飲之, 酒,乃酳 亦縮 鹽 祝受尸 進 振祭, 盡「折 ,腝之。 末, 酒

右主人獻尸。

墮祭也。 取少許也。上佐食以綏祭者,以此黍稷及切肺,授主人爲 而祭之。古文「墮」爲「肵」。 搏之,以授尸,尸執以 人。二佐食各取黍于 人恒立,有事則坐。 興,遂啐酒。 主人左執爵,右受佐食,坐祭之,又祭酒,不 綏祭。 緩,或作「挼」,接,讀爲「墮」。 佐食取牢 訖,又拜,是彌尊尸也。」上佐食取 爵拜,彌尊尸。 坐祭之」者,明尸與主人爲禮也。尸恒坐,有事則起,主 答拜。 祝酌 綏,許規反。 主人西面 授尸,尸 ○疏云:「祝代尸酌,已是尊尸。今拜受 切 右受佐食,右手受墮於佐食也。 肺,以授 祝與二佐食皆出,盤 挼及墮,讀並 醋主人。主人拜受爵 奠爵,又拜。 命祝。 0 主敦。 上佐 取四敦黍稷,於四敦 同。 食。 四敦 命祝以 將受嘏,亦尊尸餘 上佐 主人受酢 ○綏,許規反 黍稷。 上佐食 嘏辭。 食 兼 于 至 一此言 中 以

爵

[「]上」,原作「土」,據薈要本改

長也。 祝使 聲相近。 也,予主 天,宜稼于田,眉壽 福 西 福」、「眉」爲「微」、「替」爲「袂」、「袂」或爲「载」。 釐」,釐,賜 無疆于女孝孫。 出 言無廢止,時長如是也。 嘏 嘏 人 ○女音汝。 辭 于主 以 也。 也。 大 福。 耕 人, 曰: 卒命祝, 種 袂音決。 I, 日 稼。 官也。 來女孝孫,使女受禄 萬年,勿替引之。」嘏,大 「皇尸命 勿,猶無 祝受以東,北 载,大結反。 古文「嘏」爲「格」,「禄」爲 承,猶 也。 工祝,承 傳也。 替,廢 主人坐奠 面 來, 也。 载、替. 致 于 讀 引 户 于 多 \Box

有黍稷 出 諸 以 卒爵,執爵以興,坐奠爵,拜。 爵,興,再拜稽首,興,受黍,坐振祭,嚌之, 詩懷之,實于左袂,挂于季指,執 出 内。 興,出。 户 也。 也。 詩 ,猶承也。 復嘗之者,重之至也。 宰夫,掌飲食之事者。 宰夫以籩受嗇黍。 實於左袂,便右手也。 納猶人也。 收斂 尸答拜,執爵 主人嘗之,納 日 爵以 嗇,明豐年乃 季,猶小 古文「挂 興,坐 也

右尸酢主人,命祝致嘏。

作

「卦」。

也。 也。 受。 盛。 尻。 祭訖嚌之加于俎,今以膚替 祝祭俎,大夫祝俎無肺,祭用膚,遠下尸。不嚌之,膚不 兩髀屬于尻,尤賤,不殊。 腸 壁而開户,即是一架之開廣爲室,故云「迫狹」也。」主人 南 啐酒,肝牢從。 肺,是下尸。今大夫祝祭肺離肺俱無,是遠下尸 菹、嬴醢。 西 大夫廟皆兩下五架,正中 面 ○ 疏云: 腊 架名曰楣 〇尻,苦刀反。 皆升下體,祝賤也。 、胃一、膚三,魚一,横之,腊 答 室中迫狹。 主人獻 用左右胖,故用兩髀。 拜。 佐食設俎: 「《特性 前 不言拜送,下 祝,設 ○室中 承簷,以 祝取肝 祝取 ř 席 俎有祭肺、離肺 迫狹,故祝拜席上 曰棟,棟 ○註云「四物」,謂羊、豕、 魚横者,四物共俎,殊之也。 牢髀、横脊 前 菹 南 肺 名曰 尻比髀爲尤賤,因不 Ė. **契于鹽,振祭,嚌之**, ,是不盛,故不嚌。」祭酒, 面 挳 于 庪。 南兩 薦 祝拜于 醢,祭于豆間 兩 棟北 架,北 祝俎有 一、短脅 豆 也。 兩髀屬 菹 亦 架爲室,南 席 疏 也 離肺 兩 醢。 上,坐 日 架。 殊别之 魚 無祭 士 于 腊 肺 腊 葵 棟

不興,加于俎,卒爵,興。亦如佐食授爵乃興,不拜

祝不賤也。」 (《特性》祝卒爵則拜,士卑,既爵,大夫祝賤也。 ()疏云:「《特牲》祝卒爵則拜,士卑,

右主人獻祝。

下尸。 此在其 中。 無事,則中庭北 無肺已是下尸,又無薦,是遠下尸也。」主人又獻下佐 兩 賤,禮略。 卒爵,拜,坐授爵,興。 面拜,坐受爵。 食,亦如之。 膚。 階 折者,擇取牢正體餘骨,折分用之,有脅而無薦,亦遠 之間,其俎:折,一 ○疏云:「有脅,即俎實是也。 主人酌獻 上佐食既獻,則 〇疏云:「《特牲》士之佐食,亦啐。」 俎設于 面。 其脅亦設于階間,西上,亦折 上佐食。 主人西 謂 此時。 出就 不啐而卒爵者,大夫之佐食 其俎。 面答拜。 〇西上者,上佐食俎在 膚。 上佐食户内牖 《特牲記》曰:「佐食 佐食不得 無薦,謂 佐食祭酒 無菹醢也。 成禮於室 東北 西

右主人獻兩佐食,初獻禮竟。

于房户。❶ 有 司 贊 男 者 女不相 取 爵 因。 于 篚 特性饋食禮》曰:「佐食卒 以 升,授 主 婦 贊者

> 爵。 在内。 户西面拜,由便也。下北面者,辟人君夫人也。 者,當俠拜也。 是男女不因爵而用也。 者,見此亦主人受佐食爵,反于篚。 醋主婦、主婦獻祝、主婦獻佐食,亦四節。 角, 主人之北,西面拜送爵。拜於主之北西面,婦人位 《昏禮》者,明此經婦洗所在,亦然也。 婦洗于房中,出酌,入户,西面 主婦亞獻尸祝與佐食之事。」〇此亞獻禮 ·主人受角,降,反于篚。」○疏曰: 主婦 此拜於北,則 拜。 《婚禮》曰: 祝受尸爵。 上拜於南, 婦贊者受,以授主婦。 「婦洗在北堂,直室東隅。」〇 由 便也。 尸答拜 贊者别取爵授主 「自此盡「人于房」,論 尸拜受。 内 拜,獻尸 註引《特性 主婦獻尸、尸 祭 拜而後獻 酒 主婦 0 ¨; 卒 主 婦 禮 引

右主婦獻尸。

西 主 面于主人之北受祭,祭之,其綏祭如主人 婦 拜受爵,尸答拜。 易爵,洗酌 授尸。 上 祝 佐 出易爵 食 綏 男 祭。 女 不 主 同 爵 婦

0

之禮,不嘏,卒爵拜。尸答拜。不嘏,夫婦一體。

綏」亦當作「挼」,古文爲「肵」。

右尸酢主婦。

祝。 北。 主婦于房中。 婦贊 「祝拜受」。 卒爵,不興,坐授主婦。 祝拜,坐受爵。 主 婦婦 者受房户外,入授主婦。 以 爵 贊者,有司贊者也。 出。 贊者受,易爵于篚,以 主婦答拜,于主人之 主婦 不俠拜,下尸也。 易爵,亦以授婦 洗,酌, 獻 授

右主婦獻祝。

奠於内篚 爵,坐授主婦。 婦受爵以入于房。 面 拜,坐受爵。 婦受,酌,獻 主婦獻 主婦 不言拜於主人之北,可知也。 上 佐 西 下佐食,亦如之。 食于户内。 面答拜。 祭酒,卒 佐食 主 北 爵

賓長洗爵獻于尸,尸拜受爵,賓户西北右主婦獻兩佐食,亞獻禮竟。

禮:賓長獻尸、尸醋賓長、賓長獻祝,凡三節。爵。 尸答拜。○自此至于「其筵前」,論賓長終獻之面拜送爵。 尸祭酒,卒爵。賓拜。祝受尸

右賓長獻尸。

執爵以興,坐奠爵,拜。尸答拜。坐奠爵,遂拜,執爵以興,坐祭,遂飲,卒爵,坐奠爵。尸拜送爵。賓

右尸醋賓長。

曰 : 拜。 此以尊卑爲差降之數,故有異 致於主婦。 不儐尸,賓獻尸、止爵,主婦致爵於主人,酢主婦,主人不 獻致爵於主人,主人不酢主婦,又不致爵於主婦,下大夫 中」,待夫婦致爵。 卒爵,祭事畢,示醉 上,故不致爵,爵不止也。 「案《特牲》,賓長獻,『爵止』,註云『欲神惠之均 祝祭酒,啐酒,奠爵于其筵前 賓酌 《特牲》主人與主婦交相致爵。 獻 祝。 此大夫禮,或有償尸者,致爵在 也。 祝拜,坐受爵。 不獻佐食,將償尸,禮 若然、《有司徹》『尸作止爵』,三 也。 上大夫得 參差不同者 賓北 儐尸,故致爵 殺。 啐 「儐尸之 酒 面 于 0 而 答 室 疏 不

上 與 辟 (君同 X 君 ,故致爵具也。」 大夫不儐 F 故 增 酢 主 婦 而 르**,** 1 卑,不

右 賓長 獻祝,終獻 禮 竟

謖,所 禮 立于 西 成 畢 訖 階 六反。 於廟門外 也。 作階 上,東面。 主人出 孝子之養 東, 祝先,尸從, 立 西 于 禮畢。 祝告曰 面 阼 階 謖,起也。 祝 上 遂 人。 「利 出 西 于 尸 面。 謖 成。」 廟 ",或 謖。 門。 祝 作 利 出 休」。 主 猶 事 立 人 養 尸 降 也 于 之

右 祭畢,尸 出 廟

俟後加。 肵 位 俎 魚 徹 俎行 肉耳。 故加 肵 俎不 祝 祝 餕之事。」○ 所俎之設, 於斯俎。 大夫禮 不云尸俎,未歸 **儐**尸訖 出 命 反,復位于室中。 門,將 佐 食徹 四四 今擬 **餐**尸 乃 歸 人 也。 斯俎,降 户 儐尸,將 蘉 户。 家 明 肵 也。 惠 0 俎 本爲尸 大也。 更食魚肉 疏 而以 設 司 主人 日 宫設 于堂下 儐尸者,其本爲不 自 食魚肉,不可 ○設 亦 故留 此盡篇末 對 人 對 于 席 席 阼 此 者 室,復 階 肵 乃 論 對 反 俎 南 几 尸 以 於 徹 反

反, 舉 一賓於此取食也。 南。 進 也 道 席 面 食之左,於位爲下,故云「兩下」。 羊 黍 皆右之于席 疏 賓二人充此數也。 備 賓長在 膚 俎兩端,則 云:「下佐食雖云西向 ,施惠之象,故 而 ,四人餕也。 于羊 也。 今文「資 取 設 上佐食 舉 敦 拜 西 舉。 舉 疏云: 俎 黍 向 上佐食之北, 蘉 膚。 之席。 于上佐 作 兩 三拜, 者。 . 盥升,下佐食對之,賓長二人備 三餕亦 春 上。 賓長在上佐食之北,一 端 今文「辯」爲「徧」。 四 齎」。 四 司 上 人餕爲惠大,對 旅之,示 者下尸,不舉 蘉 兩 人 右之者,東 士: 食,又進 佐食升居尸席,下 盤 者奠舉 養,二在尸 下是 〇「兩下是 對,實近北,不得 乃 賓長在下佐食之南 升。 辯 徧 0 餕。 也。 舉 備者,兩佐食之外,又以 分减敦泰,置羊俎 面 肺 于 席, 餕 〇司 在 《特牲》二人餕 言 敦 資 當舉 俎 南,西 蘉 」者,二賓 反者 二在 賓長 黍 士遍授 猶 · 佐 者皆 東西 皆 膚。」 于 减 對 食西向對之。 面 拜時 席。 在 也 也。」 下 相 在 主 長 下 祭 當,以 拜 北。 佐 或 佐 在 减 爲 凡 司 人 者,各 黍 兩 食 惠 反 置 食 餕 端 西 祭 + 其 於 其

席。 云:「神坐止有二鉶,分進兩佐食。兩下無鉶,故進湆也。」 湆 進 在 于兩下。 東面 鉶于上養,又進一 席者,東面 乃皆食、食舉。 拜 在 西 面席者,皆南面 鉶于次 涪,肉汁也。 養,又進二 拜。 〇疏 司

士

豆

洗三爵,酌。主人受于户内,以授次 蘉。 卒食,主人洗一爵,升酌,以授上 春。 贊 者

者。 爵,皆拜。主人答壹拜。 是以辯。皆不拜,受爵。 答一拜,略也。古文「壹」爲「一」也。 養者奠爵,皆答拜,皆祭酒,卒爵, 不拜受爵者,大夫餕者賤 主人西面三拜 ○《特牲 |嗣子 蘉 奠

祭酒,啐酒。 于篚,反賓位。 于户内,西面坐奠爵,拜。 上養止。主人受上養爵,酌 主人自酢者,上養獨止當尸位,尊不 上養答拜。 坐 以 酌

醋

與兄弟餕,故拜受爵。

養者三人興,出。

出

降

實爵

室。」親嘏,不使祝授之,亦以黍。 親 〇疏云:「上餕將嘏主人,故在尸位,不可親酌。」上 嘏,曰: 「主人受祭之福, 〇亦摶黍以授主人而 胡 壽 保建家

蘉

乃退。 爵,拜。 辭 也。 送佐食不拜,賤。 主人興,坐奠爵,拜,執 Ŀ 養答拜。 〇退,謂主人退。 上 蘉 興,出。 爵以 興,坐卒 主人送,

致

右餕。

若

儀禮鄭氏註有司徹第十七

濟陽張爾岐句讀

『若不儐尸』以下是也。」 『若不儐尸」以下是也。」 『若不儐尸」以下是也。」 『若不儐尸」以下是也。」 『若不儐尸」以下是也。」 『若不儐尸」以下是也。」

陳,有祭象, 祭而儐尸, 有司 禮 而 徹。 崇 亦足以厭飫 心也。 徹室中之饋及祝佐食之俎。 儐尸 則 神。 不 設 天子諸 饌 西 侯,明 北 隅,以 日 祭於 卿 此 大夫既 薦 祊 俎 之 而

問反。 俎。 儐尸 繹。 〇疏 同日,天子、諸侯則明日爲之,名曰 既儐尸,有祭象,故不設 哀十二年子貢對吴大宰嚭語 之紡於廟門外。 廟門外之西室,謂之「祊」,而事尸於堂,則爲「繹」。 者,尸出之後,設饌於西北隅,以厭飫神,謂之「陽厭」。 司 猶釋」是也。 繹 祝與佐食不與儐尸之禮。 帰。 「如初」,論徹 `,謂司馬、司士、宰夫之屬。 新之。 「天子諸侯,明日祭于祊而 春 今《左傳》本「燖」作 云 又正祭時亦有祊祭,但正祭之祊在廟門内 燅,温也。 《春秋傳》曰:「若可燖也,亦可寒也。」〇《春秋 1秋傳 「洗益」當作「燒益」,謂 司宫攝 《少儀》曰: 《爾雅 日 室内之饋,并更整設及温 辛巳, 温尸 ○徹 酒。 ₩ ⊟ 俎於爨, 脈亦温焉。 ,直列反。 更洗益整頓之。 「汎婦日婦,婦 有事于大廟 一尋」。 饌西北隅爲陽厭也。 「繹,又祭也。」〇 古文「燅 鄭 徹,徹去祭時之饌。 ○燅音尋。 繹。」祊、繹同 橈擾添益之」。 祊,百庚反。 引之,證 「繹」,釋之禮,設 」皆作 , 仲 席前日 遂 今文「攝」爲「聶」。 尸俎之事。□○ 燅) 疏曰: 獨言温 「尋」,《記 卒 P 卒燅,乃升 時,而 宇 拚。」〇拚,方 俎 此儐尸與 埽 垂。 明 乃 是重温 自 堂。 尸 大名 不儐 日 影或 俎,則 燅 壬午, 又 故 祭 此 尸 爲 此 \Box 註 於 有

爲 殺 羊 於初 鉉 外 豕 魚三鼎 如 古文「鼏 如 初 初 者, 腊 無 如 爲 爲 腊 廟門之外 庶 密 與 羞 膚。 膚從 東方 不,去 乃 北 設 面 其鼎 北 扃 上。 鼏 者 今文 / 儐尸 陳 鼎 之禮 一局 于

右將儐尸整設。

已復れず 其位 外 也。 面 告於其位」者,以賓位在門 可 南 論 可以 與尸更人。 乃 位. 知。」侑出,俟于 選 面告於其位,戒曰:「請 議 侑 (侑尸。 古文「侑」皆作 并 侑 迎尸及侑之事。」宗人 于賓,以 主人興禮事 必用異姓,廣敬 廟門 「宥」。 異 東 尸 子爲 姓 之外。 北 極敬 也。 0 面,請以 角。」〇 疏 議 是· 時· 心 日 戒 也 猶 俟,待 「自此 侑 疏 擇 爲侑, 也。 日 也 戒,猶 盡「侑 明 擇 知「南 待 面 賓 之 於 鄉 告 司. 答

右選侑以輔尸。

之外,西 西 序 西 上,統於賓客。 司 東 宫筵于户西 上。 面 爲· 言 侑· 與」, 席・ 主 也。 人出 殊尊 南 尸 面 卑。 迎 與 爲· 尸· 户。 北 侑 面 席・ 北 者,賓尸 宗人擯 也· 面 于 又 而 廟 筵 P 門 于 益 賓

> 客尸而 拜至; 道尸。 ○疏云: 自 没霤相揖,至階又讓。 主人 西 階,西 又拜侑,侑答 尸入門,左, 迎 尸 「賓席以 之,主人 答拜。 楹 東 西 益 爲上故也。」主人 尊。 主人又拜侑 主人先升自阼階。 北 拜。 侑 擯 面,東上。 贊。 從,亦左。 主 人揖,先 主人 侑 東 東上,統 (拜, 尸 答 楹 揖, 入門, 拜 東, 尸侑 於 乃 答 北 其 拜 右 讓 拜 至 席 升 面

右迎尸及侑。

喜之。

鼎之事 **阼階下** 從,司 俎 鼎 士 西枋 以從。 舉 西 論 豕 也。」雍 乃 西 士合執二 西 舉。 鼎 面北上。 門外舉 縮。 匕皆 舉 舉,舉 正 二俎皆設于二鼎 魚 鼎匕 ○疏云:「「如 執 加于 俎 鼎 鼎 俎 以 也。 入陳之事。 以 匕 鼎, 從, 舉 以 東 者 司 從 初」者,如 陳 不 枋。 士: 盥 鼎 雍 司 費 如 馬 殺 西, 府 者 也。 上 初 舉 俎 執 亦 經 亦 羊 設 0 合 正· 如 西 祭·時· 鼎 自 于羊 初, 執 K 此 以 司 陳. 如 盡

魚。 湆。 陳之宜具 俎以爲益送之用。 匕涪、羊肉涪,其北俎,司士以羞豕匕涪、豕肉涪、豕晉、 上,皆縮 陳于羊俎 四 雍 俎 Œ 疏匕,匕 肉 ,爲尸、侑、 [涪則肉之從涪中出者,實無汁也 吏掌辨 也。 俎 柄 西 古文「縮 有刻飾 主人、主 體 西 立, 名肉 枋。 匕 涪,無肉,直汁, 者。 物 皆 皆 一婦。 者。 並 爲 古文 西 ,并也。 其二俎 「蹙」。 府 縮; 並 其 屬。 其 南 設 覆二疏 皆 雍 注于疏 于 作 人合 凡三匕 涿鼎 俎 併」。 司 匕,故 魚 匕于 執 馬 鼎 鼎 0 以 之 爲匕 此二 羞 其 西 K 俎 湆 羊

右陳鼎階下,設俎俟載。

授 司 婦 爵、主婦薦豆籩 爵。」○自 卒爵 K 薦,賓長設 馬 對。 獻尸、獻侑、受酢,凡三大節。 湆 羞肉涪、 而 此 几,所以坐安體。 此 P 人 其 啐 盡 降, 相 次賓羞燔,又自 正 酒告旨 「主人及尸侑皆 承 俎 司 受宰 相應之次,有 而 『馬載羊』 P 司 祭 戊。 馬 薦 俎 羞肉 《周禮》: 有八 司 賓長設羊 不 馬 升 尸 治而 容稍 細節。 此獻尸一節内,授 挹 就筵」,言主人初 侑 匕溜 尸 「大宰 紊者 嚌 降。 俎、 主人拜送爵而 肺 而尸 、次賓進 掌贊 、次賓羞 若司 主 祭 俎 人 玉 馬 几、獻 K 燔 次 獻 几 辭 載 而 主 之 玉

> 本以 位,户 几輕。 者,異 廉,北 位。 袂。 也。 手間,謙也。 P 其 几三,二手横 俎之下,並列十一 八次也。 推拂,去塵示新。 輔尸,故從尸拜也。 主人西面,左手 於鬼神。 位,阼階賓階上位。 獨揖尸,几禮主於尸。 與侑皆北 主人東楹東,北 面 宰 奠于筵上,左之,南縮,不坐。 主人退。 授 生人陽長 几。 俎, 執 面 几,進授尸于筵前 則 尸進,二手受于手間 答拜。 主人受,二手 欲 〇以上授尸几 左,鬼神陰長右。 尸還几,縮之,右手 執几,縮之,以右袂 ○即上文東楹 以類從著 面 主人升。 拜 侑拜者 諸 拜,送几也。 俎之差等 ,從於尸。 東、 横 尸 不坐奠之者 西楹西之位 侑 執 衣 耳,不以 升 几 立立 袖 執 推 左之 受從 謂 復 外 揖 拂 復

尸 拜 卒洗,揖, 洗。 侑 降。 主人降洗,戶 主 主 人 主 一人升, 東 人 楹 辭 東 尸 侑 尸 侑 北 降。 對。 面 升 奠 尸 卒 爵 尸 辭 盤,主 洗,主 答 西 拜 楹 西 人 降 北 對。 盤 面

升 面 尸 受爵 侑 主 升。 人東 主 人 楹 坐 東 取 北 爵 面 拜 酌 送 獻 爵。 尸 0 降 尸 盤 北

爲土污手不可酌。

〇以

上獻

爵

親之。 事,而 也。 本也。 夫之禮 直 薦後獻,若繹祭 方。 祭同,故 受,設于初籩之南,白在 而 于房, 麷蕡, 坐設 婦不興,受,陪設于南,昌 在 事 有 西 室中之事。 白,赘稻。 用之儐尸 方。 當外 婦贊者執白黑,以 主 韭菹、醯醢、昌本、 謂 亦先獻後薦也。 婦 然 之 列,辟 八 自東 婦 籩 朝 ,亦豐大夫之禮。 黑,赘黍。 贊 則 儐尸 事 八 鉶 先獻 房 豆 者 也。 之中,各 用 薦 執 于豆 後薦。 韭菹 特 退,退 天子、諸 麋臡。 韭 昌 牲 此皆 菹 等, 菹 授主婦。 取 西 此 入房也。 西方,興,退。 醢 朝 麷, 赘麥也。 少牢》正 其 皆 醢 僧 尸 主 侯之祭,坐尸於堂,北 當 在 事之豆籩。 几 朝 婦 東方; 坐奠于筵前 事 耳 以 禮 取 外 所 **籩**興 授主 ,與天子、 0 祭 用,是 列 主婦 C 疏云: 無 以 麷 者, 蕡, 興, 朝 大夫 Ŀ 婦 以 謂 事 不興, 主 諸 IE. 昌,昌 在 取 於 饌 豐 侯繹 無 婦 祭 堂 異 東 籩 主 菹 薦 大 面 先 朝 實

一籩。○麷,方中反。

豆

俎。 南者。 ○此尸・ 分之以 侑 五也; 折、 脊 爲臑折,上 者,明所舉 載 **豕**脅俎,二 于 治 爲 俎 南 主人三者,皆 其四 正脊 胃 雍 載 、横脊 乃升。 羊肉溍 此以下 俎 汁。 爲肉涪 正• 右 人所 一、祭肺 俎,尸、侑、主人、主婦載羊 俎, 也; 所折 肩骼存焉,亦 體 肉 執 俎,六也; ○ 疏曰: + 載 俎也。 涪, 侑之羊 升牲 分 正 Ē, 有 俎 肩 者。 魚俎 肉 脅 俎 一,載 短 益 體 即 在 俎,三 臂、 - 脅 俟• 嚌 於 送往・ 汁 當設之豆 豕骨,七也; 著脊脅 ,是其十 俎,謂 肺 俎 時 中者,以 腸 于 脏、 也。 還 而· 也; 俎者,即尸之羊肉涪, 離 ,故有 載,於 正 司 皆 肺 骼 司 豕 南者。 士所 俎。 增俎 也 脅 胃 體俎 馬化 俎 主婦羊俎,八也; 骨 通尸羊 八,其 此 臑 四 設 實,爲尸加 也。 南 言 歷. 皆爲 羊鼎 俎, 羊 也; 数 尸 俎 説· 羊, 嚌 代 īE. 實 臑 正 肉 之· 止 雍 正俎 肺 西 脅 脊 主人羊俎 在 俎,爲十二 爾· 人 亦 湆 第 下 也。 所 復 俎 ·者,折 司 也; 也。 其 今 設 序 尸 俎。 載 臑 腸 馬 脡 餘 文 在 必 體

湆並 臂 俎 註 也。 豕 長兄弟俎 左 司 又祭 云「豕 下者,順羊也。 肩、 土 俎。 一、膚三、切肺 事 臑 載于一俎。 豕 其羊俎過 脊 、代脅 羊 朼 尸 俎 肺 于一 Œ, 左 俎與尸 肺 加俎,用 與尸 也。 豕, 不 一肫、正 一、脅 嚌 脊 同。 俎 切 肺 一、膚五、嚌 亦 同. 肺,亦祭肺,互言之爾。 體 不 祭 俎,謂 雍 臂一、脊 脊 司 ○羊左肩一 ,有肫,尊之,加 阼 肺 人所 脡 備 謂 侑 俎: 士: 俎,主人俎。 腸 禮 雍人所設 脊 亦 脅 載 ,載于一俎。 設二俎傳 一、胃 用 一、横 載 俎,司 雍• 俎 是· 豕 亦右 _ 一、腸 肺 于 人· 在 左肩 脅 也。 一,載 脊 所設は 士: 送之者 北者。 侑正俎, 豕俎 無體, 體 所 俎 豕 嚌 設 胃 折、 無羊箔,下尸 左 侑俎用左體,侑 羊 于 遠下尸 膚 〇此與上羊 肩 肺 加· 短 肩折 羊 鼎 侑 之・也。 Œ 脅 西之北 臂 肉 、切 俎 則加· 俎 脊 , 折 也 嚌 載 湆 正 正 分 肫 也。 俎· 羊 于 阼 肺 肺 以 俎 爲 肉 臑

正· 俎· 其溍 所申 以爲大臠 亦横 人爲縮 縮 魚 牲體,彌變於神。 士 魚鼎西者。 在羊肺上, 肺 無豕體而有膚,以主人無羊體,不敢備 註 夫尊,空其文也。 肺 云「與 代之, 載 縮 ,亦下侑也 ,左臂也。 載。 腸 俎 載 右 (載之。 亦 其下二俎,皆加 與尸 ,於俎爲縮,於尸 ,是不與 一、胃一、膚一、嚌羊 首 所 肺 尸俎 尸 從,可 則 謂 俎 尊 俎 ○主婦有正俎,無加俎。 羊豕之體名 ,祭肺尊。 侑 同 也 進 順 同 用 Œ 用 皆 五. 豕 愐 降於侑羊體 祭 膴 肩,主人用 祭同,又與生 加 加 魚,横載之, 侑主人皆一魚 摭 讀如 俎又與尸豕俎同。 也。 主 羊 也。 膴祭于其 俎,亦皆用 人 爲 言嚌羊肺者,文承膚下, 肉 爲 婦 其 同, 横,右 湆 「殷哻」之「哻 俎又與尸 俎 阼 異。 臂,下之也。 而 相 俎, 一,而增豕 有 亞 人異也。 今儐尸 首,進腴。 羊 司士 體 也。 雍人所設俎 肺 上。 司士 左 豕 崇 一,載于 其 所 也。 〇羊 一,刳魚 尸 , 升 俎 膚三,有 臑 俎,司 横 設 魚 不言左 惠 同。 北魚 無祭 若 載之者 豕 魚 肺 脊 食 亦 俎 益送之,故 鼎 乃横載,於 時 0 士 嫌 所屈 生人, 肺 俎 尊 亦 西 臂者,大 割 所 正 也 俎 主 異 , 主・ 人・ 俎 設 有 祭 用· 其 TH 腹 於 亦 膚 嚌 在

俟事 俎同 反 豖. 、俎益送之,亦若侑、主人之豕脅,故註云「其俎又與尸豕 至乃 以 非 Ŀ 此 言 司 時 馬 遽已載也。 載 尸 Œ 俎,遂歷 ○膴,火吴反。 數 + 俎 刳,空吴 體 物, 皆

次

豆 蕡,宰夫贊者取白黑以授尸。 于豆 方布取 祭。❶ 賓長,上賓。 南。 卒升。 韭 賓 菹 卒,已也。 降。 挳 于三豆,祭于豆間。 尸 ○以上賓長設羊俎 已載
ア・ 升筵 ・ 羊・ 俎。 自 西 尸受,兼祭 方, 賓長設 坐, 尸 左 取 羊 于 麷 執 俎

啐

上 手執 左 枋,可以抒物於器中者。 者,秦人語 東,二手執挑 挹」皆 執 以東面受于羊鼎之西。 俎 爵, 雍 爲「扱」。③ 挑謂之歃,讀如「或春或抌」之「抌」。 左 人授次賓 也。 右 廉 取 此二匕者,皆有淺升,狀如 ,縮之,卻 上枋 肺 ○榜,七肖反。 , 介疏 坐 以 注,猶瀉也。 K 祭 挹淯,注于 與 右手執匕枋,縮于 之,祭酒 俎 抒, 司馬在羊鼎之 食汝 今文「挑」作 受于 疏 ; 飯棒。❷ 反。 興 字或作「挑 鼎 匕,若是 西, P 左 抌, 挑 執 俎 左 長

> 人北 加耳。 爵。 以降者, **涪在鼎已調,故云「尚味」。** 受匕枋,坐祭,嚌之,興,覆手以 亦覆手以受,縮匕于俎上 酒 賓 肺,羊祭肺。 縮 面 ; 古文曰「東楹之東」。〇以上次賓授匕 嘗之以其汁,尚味。 以此 興,坐奠爵,拜告旨; 執 于東楹東答拜。 上组 匕俎 而 ○「尸興」,承上文尸坐祭 以升,若是 降。 0 ○將進湆 若太羹,則不在 覆,芳扶反。❹ 旨,美也。 一以降。 以 授 執 肉,先進 户。 爵 拜告酒 嚌湆者,明 尸 授 以 鼎 其 豆 不 賓。 席 尸 興 籩 涪嘗之。 美,答主 末 卻 之節。 調 湆 也。 主 坐 賓 手 肉

縮 取 奠俎于羊溍,俎南,乃載于羊俎,卒載 肺 ,坐絶祭,嚌之; 司 馬羞羊 肉 涪,縮 興,反 執 俎 加 尸 于 坐奠爵 俎 司 興

0 0

氏註 有司 徹第十七

儀

禮

鄭

下「祭」字,原作「間」,據薈要本改 惨」,文淵閣本同,薈要本作「操」,下同。

扱」,原作「扳」,據薈要本、文淵閣本改

扶」,薈要本、文淵閣本作「伏」。

俎于羊 祭。」涪 奠俎于羊 縮 載于羊俎」者,載 縮· 執 奠之俎,羊 使次 俎 俎南」。 涪 以 賓, 俎 降 南 〇以上 肉 肉 疑 此羊肉涪於尸之正 使 湆 誤 司 俎 觀 司 馬 也, 馬羞肉溜 下受酢 大 即 夫 雍 禮 羞 人所 多 肉 ′, 俎也。 治節 設 敬 益 當 也。 送 經 之 是 文 0 南 司 縮 급 俎 奠治 馬 馬 也 縮 縮·

階也。」○獻

侑爵

絶

祭

絶

肺

末

以

祭。

周

禮

日

絶

興。 挳 西 縮 縮 升筵,立于筵末。 執 于 坐卒爵; 燔 主人北 俎 鹽 尸 坐 于 以 坐振祭, 嚌之; 執 降。 俎 爵 面 上 執 燔,炙。 以 于 爵 鹽 興。 東 以 在 ○以上次賓羞燔 楹 興, 右 尸降筵,北 次 東 坐奠爵 興,加 賓 答拜。 P 羞 左 羊 拜 執 于 燔 È 面 羊 爵 縮 ; 人受爵 于 執 俎 受 執 西 爵 燔 俎 賓 以 楹

右主人獻尸,從獻者凡 俎、匕涪、羊 肉 / 清、羊 燔 也 五 豆 籩 正 羊

主人在其右,北 主 人 酌 獻 侑 面 答拜 侑 西 不洗者,俱 楹 西 北 面 獻 拜 間 無事 受 也

主人就 間 籩 來向卑者, 無 設羊俎、設羊燔 事 亦,亦 右者, 俱 洗。 獻 賤 賤不專階, 不 間 專 無事 有四 階。 則不洗爵; 細 對主人不就尸階者,尸尊 節 此 下 疏 主 云: 人 從卑者 獻 「凡爵 侑 節 來向 行,爵 獻 尊 爵 從尊 雖 薦 獻 者 豆

于房。 籩 方。 不 興 婦贊 受之,奠麷于 主 **醢** 婦 人者執 薦 南方者,立侑爲尸,使正 韭 一籩 菹 醢, 醢 **麷**蕡,以 南 坐奠于 蕡 在 饌 授 麷 筵 統焉。 È 一前 東 婦 醢 0 主 薦 主 在 婦 侑 婦 南 豆

侑羊俎。 爵 設 祭于豆間; 右右 于 豆 侑 取 升筵 東 肺,坐祭之,祭酒; 又取麷蕡同祭 自 侑 北 坐 一,左執 方。 司 爵,右 馬 于豆祭; 興,左 横 取 執 菹 羊 執 興, 挳 俎 爵 于 以 左執 醢 升

爵 北 面 拜。 于 次 賓羞羊燔, 西 主人答拜。 楹 西 坐 如 卒 答拜,拜 P 爵 禮 於侑之右 執 侑 爵 降 以 筵 興 自 〇設 北 侑 方,

右 主人獻侑、從獻之儀,降於尸者二:

羊匕溍與 八肉 涪· 也

拜受爵 盤。 欲 此尸待主人獻侑乃酢主人不同者,此尸卑,達主人之意, 牲》、《少牢》主人獻尸,尸即酢主人,主人乃獻祝及佐 篚 東 司 **涪、司馬羞肉涪、次賓羞燔、主人拜崇酒,凡** 酢主人節,主人受爵、主婦薦 得先進酒於侑; 宫設 (拜洗。 尸北面 ,尸升,坐取爵 ,興對。 面 主人降。 受侑 席于東序, 主人降自阼階 尸 卒洗,主人升,尸升自 西 爵 尸 楹 彼尸尊,欲自達己意,故先酢主人也。 降洗。 酌。 西西 于西 解。 西 北 面。 楹 解 酌者,將酢主人。○此下尸 主人對。 豆籩、長賓設 面 侑 西 答拜。 主人東楹 降, 洗。 坐奠 立 尸 爵,答拜,降 ○主人受酢 卒盥,主人 于 俎、次賓 七細節。 西階。 坐奠爵于 東,北 西 階 羞 西 《特 爵 食 主 面 K

方。 婦 主 贊 婦 者執二 薦 韭 菹 籩 醢 **麷** 蕡。 ,坐奠于筵前,菹 主婦不興,受,設 在 北

儀

禮鄭氏註有司徹第十七

主 麷 益卑,主人益尊故也」。 性》、《少牢》皆致爵乃設席,「 于 婦 人于 **菹**西 房。 北 蕡 設 籩 在 ○主婦薦主人豆 于 麷 西。 此受酢即 北 亦 主人升筵自 辟 設席 鉶。 以以 0 其 疏 (儐尸 云: 北 方。 , 户 《特

祭之,祭酒;興。○設主人羊俎 祭豆籩,如侑之祭;興,左執爵,右取 長賓設羊俎于豆西。 主人坐,左 肺,坐 執

爵 以 興。○羞主人匕涪 次賓羞匕涪,如 尸 禮 席 末 坐 啐 酒 執

于左; 虚 也。 湆 卒載,縮 不復用。 俎。 言「受肺」者,明有授。 司 興,受肺, 馬羞羊肉溍,縮執俎。 司 執 ○羞主人肉湆 馬縮 虚 俎 奠湆 以降。 坐絶祭,嚌之,興,反 俎 言「虚俎」者、羊涪 于 奠爵于左者,神惠變於常 羊俎 西,乃 主人坐 俎訖 載 奠 加于 於 此 爵

受, 如尸 主 人坐 禮 取 ○羞主人 爵 以 興。 次 賓 羞 燔。 主人

=: Ti.

爵; 西 楹 執 西答拜。 主 爵 以 降 筵 興,坐奠爵,拜; 主人坐奠爵于東序南。 自 北方, 北 面 于 執 作階 爵 以 上, 興。 不降奠 坐 尸 卒

爵於篚

,急崇酒

再 反位,知將與己爲禮。 拜 酒 侑 崇,充 升。 主人及尸侑,皆升就 也。 尸 侑 拜謝尸侑 皆北面于西 主人 北 以 酒 面 **|**薄充滿。 筵。 于東 楹 ○拜崇酒 西。 楹 P 東,再 角皆 見主人不 答 拜

人,故與尸同也。主人初獻禮竟。 右主人受尸酢,薦設亦有五事,尊主

上受。 也; 筵上受法。 房 就筵」,凡四 授 中, 主 致 婦。 爵於主人,三也,受尸酢 司宫取爵于篚,以 尊南 出 實爵 今尸於筵上受者,以 節,皆主婦 房東,房户外之東。 西 面 拜,由 尊 南 亞• [便也。 西 一獻之事: 面 授婦 〇疏曰: 拜 四四 ○自此至「尸主人及侑 婦 人所 獻尸 獻尸,一 也。 費 獻 者 0 「賓主獻 主 ,故尸不與行 于 也; 婦 尸 房 拜 洗 獻 酢,無 東,以 于 爵 侑,二 筵 于 賓 在 皆

> 受,設 鉶; 北,拜 菹 主 左執 爵 如羊匕湆之禮。 挹 鉶 興,立于主人席北, 脩,執以 羊肉湆之禮; 脩,同祭于豆 主 殿」爲「斷」。 ,無黍稷,殺 西。 之禮,故不得各就 婦婦 **豕鉶**,祭于 以 答拜 興。 爵,受燔, 執爵以興,坐奠爵,拜。 于羊鉶之西; 送爵,人于房,取 主婦贊者執 出,坐設之,糗在 司 ○殿,丁亂反。 也。 1: 祭; 豆 坐 羞 糗, 如羊 其階。」主 祭,祭 取 豕 以羊 糗餌 尸 脅。 爵 西面。 豕 坐 興, 燔之禮; 興。 也。 酒。 鉶 一啐酒, 鉶之柶 尸 尸 婦 以 入于房,取 腶 蕡西,脩 飲酒 坐,左執爵, 西 次 坐 羊鉶,坐奠于 次賓 脩, 從 賓 面 奠爵,興受,如 主婦答拜。 左 而有鉶者,祭之餘 挹 擣 坐卒爵, 羞豕 于 執 羞 肉之脯。 主婦 羊 在白 主人之席 豕 鉶 燔。 糗 不興 匕 祭糗 遂 與 西 今文 韭 上 以 ; 腶 執

右主婦獻尸,從獻亦五。主婦既獻爵,

士 設 羞 兩 豕 鉶 脅,次 文 又 設 賓 糗 羞 脩 豕 次 燔 賓 儀 羞 節與 豕 K 主 湆 人 獻 司

尸並相當。

豕脅以 之北 燔 以 豕 婦 坐,左執爵 降。 脅于羊俎之東,載 西面: 製脩 侑 受爵,酌獻 受如 升。 侑 興。 答拜。 坐奠 取糗 尸 侑 禮 豕 興 侑。 糗 脅無涪,於侑禮殺。 脩 取 酌 坐 于 兼 獻者主婦。 肺 卒爵 于羊俎,卒,乃 侑 祭于豆祭。 麷 , 坐 祭 之。 拜 南,脩在 拜。 受 今文無 爵。 主 婦 次賓 主婦 司 蕡 司 西 答 縮 士 士 南 面 羞 拜 執 縮 縮 主 豕 俎 奠 執 侑 主 人

羞 婦 右 豕 既 主 婦 燔 獻 爵,羞 獻 降 侑 於尸 製脩, 其從獻 者 司 同 士羞 於尸者亦三,主 無 釽 豕晉,次 羹 與 豕 賓

答拜,受爵

爵。 受爵 婦 北 酌 面 以 于 致于主人。主人 阼 階上 答拜 主婦易位拜于 筵 上 拜 受

人

揖

户

侑

將

升。

主人升。

尸

升

自

西

侑

湆。

受豕 字也。」〇 拜。 牢》尸嘗鉶皆不拜。 其異者,不告旨。 酒 主 階 啐酒上 上 ,皆如尸 人其祭糗脩,祭 主 彼 燔,亦 辟 一婦獻尸 拜雖 併 「拜」字 愚 敬 在當鉶 按 Ź 禮。 如 疏 主 ○疏 尸 衍。 言 啐酒拜,亦告旨之意 或 下,其拜仍爲 婦 禮; 嘗 謂 又 云 此經啐酒 鉶 設 鉶 經 註云「其異者,不告旨」,其 「按前主婦 嘗 坐 不 祭 鉶 卒爵,拜。 鉶 拜。 不拜,正 酒 之上無『拜』文,有者,衍 啐酒,是以 與 ,受豕 糗 獻尸,戶 主人如尸禮 也。 謂 脩 其受豕 啐 主婦 《特牲 啐 酒 湆 如 酒 不 尸 北 一》、《少 嘗 拜 尊 拜 意 耳 鉶 也 面 亦

易 降。 北 爵 西 于 侑 尸 右主婦致爵于主人,從設並 面 篚 降。 降筵,受主婦爵 侑 盥 主 東 洗 婦 面 爵 人 于 于 易爵者,男女不相 西 以 房 階 降。 西 主 南 將 人 酢 與尸 主主婦。 俟尸 立 襲 于 爵。 同 洗 洗 主人 主 尸 東

升筵。 宫設 爵。 菹 菹 從。 燔 爵,右取菹 **麷蕡以授婦贊者**。 者,主婦尊。 立。 面 于主人席北,立卒爵 祭于豆祭。 説。 答拜。 西 ,如主人之禮。 醢 帨,佩巾,《内則》曰: 興加于 俟尸 尸北 席 ,坐奠于筵前,菹在西方。 主 \bigcirc 蕡在 司馬 于 人 捝,申鋭反。 酌 今文曰 房 主婦入立于房。 面 北 **媆于醢**,祭于豆間; 麷 俎,坐捝手,祭酒,啐酒。 設羊 主 中 于 尸 面 南。 酌。 婦 侑東答拜。 立 南 南 . 奠爵 于 俎 主 次 面尸于席西」。❶ 面 婦人贊者,宗婦之少者。 婦贊者不興,受,設 主 婦人亦左佩紛帨。 東 于 執爵 婦 賓羞 婦 楹 豆 執 主 興 出 東 南。 爵 婦 羊 尸主人及侑 取 拜 主婦人于房。 于 以 燔。 立于席 房,西 肺 侑 主婦坐,左 出 又取 ', 坐 尸 婦人贊 婦贊者 西 于房, 主婦 西 楹 古文「捝 一絶祭, 面 西。 **麷** 捝 手 者 于 楹 西 [拜,受 興 麷 者 薦 主 西 皆 西 北 設 受 作 兼 執 婦 執 司 嚌 于 就 北 韭 面 面 席

> 拜,變 筵 於男子也。 出 房 立 卒 爵 ○鄉尊,謂 宜 鄉 尊。 對尸 不 坐 耐 者 卒爵 變 於 主 人 也 執 爵

主婦亞獻禮竟。 右主婦受尸酢,從獻亦三,與侑同等

降。 賓西 賓。 奠爵 上賓,賓長 楹 上賓 西 爵 北 止也。 洗 爵 面 也。 以 拜 謂 升,酌 送爵。 之上 一賓,以 尸 獻 奠爵 户。 將 獻,異之,或謂 于薦 尸 拜,受爵 左。 之長 賓

于庭,待徧得獻,乃舉之。右上賓三獻尸,尸奠爵不舉,欲神惠均

祭,遂 篚, 北 侑不升,尸禮益殺,不從。 面 辭。 坐奠 主 飲。 人 尸 降,洗爵 爵, 對。 卒 拜。 爵 拜 卒洗,揖。 尸 主人實爵 尸 尸 西 侑 楹 答 降。 拜 西 尸 北 升。 個 主 降 面 P 人奠爵 洗 答 東楓 侑不 拜 尸 升。 降 坐 東 于

❶ 「尸」,文淵閣本同,薈要本作「立」。

拜。 升。 尸北 主 主人 面坐奠爵于薦左。降洗者主人。 奠 實 爵。 爵于篚對。 尸 拜受爵。 卒洗,主人升,尸 主人反位 答

不舉。 尸」,皆無酬尸之事。 右主人 八酬尸。 〇《特牲》及下「不 此特有之,奠而 儐

庶羞在左,陽 是牲物,牲本天産,故爲陽 臐豕膮,皆有胾醢。 房中之羞,其籩則糗餌粉餈,其豆則酏 之羞于尸侑主人主婦,皆右之;司士羞 羞于尸侑主人主婦,皆左之。 二羞所以盡 尸侑主人皆升筵。乃羞,宰夫羞房中 也。 〇内羞是穀物, 房中之羞,内羞也。 穀本地産,故爲陰, 食糁食。 内羞在右,陰 庶 羞,羊 歡 庶 也。 心 庶

右羞于尸、侑、主人、主婦。

也。 賓門東北 言「三拜」者,衆賓賤,旅之也。 主人降,南 面,皆答壹拜。 面 拜衆賓于門東,三 拜于門東,明少南 衆賓 拜, 賤 拜。 也。 就 衆 卿

階西南,已獻,尊之。祭,脯肺。 爵。 在西。 衆賓,自長賓而下也。 成祭於上,尊賓也。 興,坐奠爵,拜,執爵 取 坐,左執爵,右取 薦與設俎者,既 兄弟,五也,獻内賓,六也,獻私人,七也。主人洗爵。 獻衆賓,二也,主人自酢于長賓,三也, 庭、内庭之事,所謂「均神惠」也。 在其右、北面答拜。 酌,獻賓于西階上。 長賓辭。主人奠爵 大夫尊,賓賤,純 一、切肺一、膚一。羊骼,羊左骼。 ·肺,坐祭之,祭酒,遂飲,卒爵,執爵 賓坐取祭以 司士設俎于豆北:羊骼一、腸一、胃 則俟于西序端。 臣也,位在門東。 取祭以降,反下位也。 水脯 換于: 降,西 自此至「主人就筵」,皆主人酌獻外 宰夫自東房薦脯 長賓升,拜受爵。 于篚,興對。卒洗,升 以興。主人答拜,受 面 醢,祭之; 凡七節: 宰夫執薦以從,設 坐 古文「骼」爲「胳」。 今文「壹」爲「一」。 一委于 酬長賓,四 上賓一體 獻長賓,一也; 西西 反下位 階 執爵興, 酷, 醢 西 而在 賤 [也;獻 南。 以 賓

于祭東。司士執俎以從,設于薦東。

右主人獻長賓。

其薦 酌。 尊者用尊體,卑 宰夫薦,司士脅。 授於尊南。 第升受獻。言衆賓長拜,則其餘不拜。 南,皆東 立飲,卒爵,不 爲「曦」,或爲「議 若是以辯。主人每獻一人,奠空爵于檢,宰夫酌 脯 衆賓長升,拜受爵。 醢 面。 今文「若」爲「如」,「辯」皆作「徧」。 與脅,設于其位。 一者用 其晉體 儀 拜 者,尊 卑 既 體 爵。 而 ,體盡 、儀也。 른 既,盡也。 , 亦 主人答拜。 有切 度 其位 徧獻乃薦,略之。 餘 骨,可 肺 宰夫贊主人 長賓升者,以次 膚。 ,繼上賓而 用而用 辯受爵。 今文「儀 坐祭, 之, 亦

右辯獻衆賓。

遂飲, 主人 北 面 坐 乃升 卒 爵; 賓在 奠 長 爵 一左。主人酌 賓。 拜, 執 爵 執 主人酌,酢于長賓,西階 以 爵 以 興 自酢 興。 坐 ,序賓意。 奠爵 賓 答 拜。 拜 賓卑不敢 坐祭, 賓答 酢 上

拜。賓降。降反位

右主人自酢于長賓。

篚,對。 于西階 文酢爵也。 夫授主人觶,則受其虚爵奠于篚。○註「受其虚爵」,指 爵,至旅酬後與兄弟之長交酬爲無算爵 主人拜送爵。賓西面 賓答拜。 宰夫洗 南 卒洗,升酌,降復 北北 坐祭,遂飲,卒爵 主人洗。 觶 面。 以 升。主人 賓在 賓辭。 坐奠爵于薦左。○按此 左。 (受酌, 位。 拜。 主 主人坐奠爵 人坐奠 賓拜受 賓答拜。 降 栅 爵 長 拜。 于 賓 上

右主人酬賓。

西面 祭,立飲,不拜既爵。 之長,升,拜受爵。 弟以親昵來,不以官待之。 立飲,賤不别。 北 主人洗,升酌, 上。 大夫之賓,尊於兄弟。 升受爵,其薦脀設于其位 獻兄弟于阼階上。 主人在其 辯受爵 皆若是以 ",其 宰夫不贊酌 右 辩。 位 答 在 兄弟長幼 拜 洗 兄弟 者,兄 亦辯 東, 坐

於尊。 其衆,儀也。 折,脅一、膚一 者,謂受爵時,設薦齊於洗東西面位。」其先生之脅, 位」,明位 衆兄弟升不拜受爵,先著其位於上,乃後云「薦脀設于 獻乃薦。 「升受爵」者,謂發此位升堂受爵。 此薦脀皆使私人。○疏云:「先著其位於上乃云 初 既云「辯」矣,復言「升受爵」者,爲衆兄弟言 在 是 也。 0 位不繼於主人而云「洗 先生,長兄弟。 又云『薦脀設於其位 折, 豕左肩之折。 東」,卑不 也 統 其

右主人獻兄弟。

主人洗獻

内賓于房中。

南面拜受爵。

東 食禮記》曰: 若是以辯,亦有薦脀。 其右,主人之位恒左人。 于主婦之席東,主人不西面,尊不與爲賓主禮也。 主人南面 面 北上。 内賓立于房中西墉下,東面南上。 于其右答拜。内實,姑姊妹及宗婦。 坐祭,立飲,不 亦設薦晉於其位。 拜 宗婦北堂 《特牲 既 南 爵。 面于 饋 獻

右主人獻内賓。

主人降洗,升獻私人于阼階上。拜于

也。 主人於其群私 飲 古文曰「升就筵」。 言 北上,不敢專其位。 南,亦北上,亦有薦晉。私人,家臣,己所自謁除 下,升受。主人答其 不拜既 繼」者,以爵既獻爲文。 大夫言私人,明不純臣也。 爵。 亦有薦脀。 人不答拜。 若是以 、長拜。 凡獻,位定。 辩。 初亦北面 士言私臣,明有君之道 宰夫贊主人酌。 其位繼兄弟之 乃降,坐祭,立 在衆賓之後爾 主人就

右主人獻私人,均神惠徧。

祭酒 司士 賓爲「三獻」,是以事名官。此一禮内,凡有四節:尸作爵 舉所奠上賓之爵以成三獻之禮。 治肉 治。 者,賓尸而尸益 俎于羊俎南,横載于羊俎,卒,乃縮 也,獻侑,二也,致爵于主人,三也,受尸酢,四 尸作三 羞諳魚,縮執 卒 爵。 豕無正俎,魚無匕涪,隆污之殺。 卑,可以自舉。 獻之爵。 不羞魚匕涪,略小味也。 俎以升。 上賓所獻爵,不言三 ○自此盡 以上賓舉三獻,因號上 尸取膴祭祭之, 羊有正俎,羞匕 「降實于篚 司 1 執 獻 縮 俎 作之 也。 奠 以

降 作 賓 爵 P 奠 爵 拜 \equiv 獻 北 面 答 拜 ,受爵。 \bigcirc \nearrow

受爵。 馬 羞 湆 酌 司馬羞湆魚變於尸。 獻 魚 侑 如尸禮; 侑拜受。 卒爵 ○賓獻侑 三獻 拜。 北 面答拜。 三獻答拜, 司

拜 北 司 士羞 · 受爵。○賓致爵主人。 面 答拜。 酌致主人。 一諳魚, 賓拜 於東楹東,以主人拜受於席,就 如尸 主人拜受爵。 禮 ; 卒 爵 三獻 拜。 \equiv 東楹 獻 之。 答 東

尸乃 于篚。 祭,遂飲,卒爵,拜。 在其右以授之。 酢之,遂賓意。 尸降筵,受三獻爵 ○賓受酢 三獻 尸升筵,南面 尸答拜。 西 酌 楹 以 西 、酢之。 北 執 面 爵 答拜。 拜 以降 既 致主人, 受 實 爵 坐

右上賓三獻禮成。

奠 二人洗 爵 拜, 鱓,升實爵 執 爵 以 興。 尸 西 侑 楹 答 西 拜 北 面 坐 東 祭, 上

坐

畢矣。 侑。 拜。 奠 就 主 下。 弟後生舉觶于長; 主人拜受爵。 酌,就于阼階上酬主人。言「就」者,主人立待之。 主人答拜。 惠右不舉,變於飲酒。❶ 者皆拜送。 舉止爵,賓舉奠觶,交錯爲無算爵,又凡五節,而 遂 筵。 爵 人在右。 飲 尸遂執 ○自此以下,言旅酬及無算爵。二人舉觶爲旅 卒爵 拜 皆降,三 洗升酌,反位。 主人以 執 觶 爵 尸 不祭,立飲, 侑奠鱓 獻而禮小 執 興。 拜於阼階上,酬 以 尸拜送。 賓長 栖 爵 興,北面于阼階 侑 加獻 以 侑 ○雖二爵 于右。 于 成。 興, 答 尸侑皆拜受爵。 西 户; 拜。 酬不奠者,急酬 使二人舉爵,序 坐 楹 卒 次賓舉爵 並舉,止用 奠于右者,不舉 一
奠
爵 禮 西。 爵, 殺 不 不 祭,立飲,卒 拜。 侑 Ŀ 坐 又 拜既 在 芦一 旅 奠 酬 侑 殷勤 **餐**尸 左。 尸 栖 也。 爵 主 爵 也。 酬 侑答 之禮 於尸 拜。 栅 兄 坐 觶 P 神 弟 兄 於

● 「酒」,原作「食」,據文淵閣本改。

長賓。 送。 此羞同時羞,則酌房中亦旅。其始主婦舉觶於内賓,遂及 于賓、兄弟、内賓、及私人。 實爵于篚。 之南,其長飲於西階下,餘私人皆飲於其位。 兄弟南位。亦拜受拜送,升酌 飲之。卒爵,升酌,以之其位。 者升受,下飲,私人之長,拜於下,升受兄弟之爵,下 之,皆飲于上。上,西階上。 寶」,則有贊呼之。 ,不拜既爵,酌,復位。 言「酌復位」,明授於西階上。 侑酬之,如主人之禮。 末受酬者,雖無所旅,猶飲。 至于衆賓,遂及兄弟,亦 由 西階。 遂及私人。 侑拜受。主人拜 主人復筵,乃升 無房中之羞,賤也。 相酬 遂旅也。 〇私人位在兄弟 乃羞 辩。 卒飲 言「升長 拜受 庶羞 其位, 者 如

右二人舉觶爲旅酬。

宗婦

升酌,降,北 古文「觶」皆爲「爵」,延熹中韶校 兄弟之後生者, 面 立于 阼 舉 階 觶 南。 于 書,定作 其長,後生, 長在左。 「觶」。 坐奠 年 洗 少

> 註曰 也。 位。 不舉,待後面旅酬畢,乃與賓所奠之爵交錯爲無算爵,故 者, 儐尸禮殺。長賓言「奠」, 兄弟言「止」, 互相 祭,遂飲,卒爵; 爵拜,執爵以興。長答拜。 興。 ○前主人酬賓,賓奠爵薦左,此後生舉觶,長亦 「相待」。 舉爵者東面答拜。 長答拜。 執爵以興,坐奠爵拜; 洗,升酌,降。 爵止。 長在左,辟主人。 拜受答拜不北面 長拜受于其 一發明, 執 暫止 相待 坐 爵

以

右兄弟後生舉 解。

云 者爲異耳。 弟,不稱加爵,大夫尊也。 致主人、受尸酢也。 者,賓之長。次上賓者,非即上賓也。 之長獻尸,其儀節與上賓獻尸同,但 「長兄弟洗觚爲加爵。」 註 賓長獻于尸, 「不使兄弟」三句,言其與《特牲 前上 賓獻尸,待獻堂 無清、爵不止,别不如初者,不使兄 如 不用觚,大夫尊 初,無涪,爵不 下畢 無魚治與既 乃 如初,如其獻侑、酌 灣禮 舉 者 觶, 異。 也。 咔 獻即 是 其 特 賓長 飲二 衆賓 止 爵

右賓長加獻于尸。

于堂下爲旅酬也。
言「無涪爵不止」,互相發明。○之,適也,往也,謂行此爵者,遂及賓兄弟,下至於私人,故言「亦遂之于下」也。上一人,次賓長者。如初,如二人洗鱓之爲也。遂之于下一人,次賓長者。如初,如二人洗鱓之爲也。遂之于下一人,次賓長者。如初,如初,亦遂之于下。

右次賓舉爵于尸,更爲旅酬。

右二觶交錯,爲無算爵。

下之薦俎也。 尊,送其家。主人退。 實從。從者,不拜送也。 尸不顧。 尸出。侑從。主人送于廟門之外,拜。 拜送之。 外賓尸,雖堂上,婦人不徹 拜侑與長賓,亦如之。衆 反於寢也 司 士歸尸侑之俎。 有 司 徹。 徹堂上 尸侑

右儐尸禮畢。

厭·也。 凡十矣。肩未舉,既舉,而俎猶有六體焉。 此七體,羊豕,其脊脅皆取 尸七飯告飽,祝侑曰「皇尸未實,侑」是也。 皆與上大夫賓尸者同,此下乃陳其異者。 之。謂尸七飯時。 賓,賓奠而不舉。」而此備有,似失之矣。 子問》曰:「攝主不厭祭,不旅,不假,不綏祭,不配,布奠于 不得備其禮耳。舊説云:謂大夫有疾病,攝昆弟祭。 盛半也。 盛半者,魚無足翼,於牲象脊 以歸尸故也。 於所俎,將以歸尸。 脊、横脊、短脅、代脅,皆牢; 〇祝既侑而尸又飯也。 乃 盛 皆言下大夫不賓尸之事。 俎猶 有六體」,謂三脊、三脅,各有 若不賓尸,不賓尸,謂下大夫也。 魚七;盛半也。魚十有五而 所盛者右體 「皆牢」者,謂此七體皆羊豕 〇下大夫之不賓尸者,自祝侑以 《特牲》户 也,脊屬焉。 ○綏,許恚反。 一骨也。 脅而已。 食訖乃盛; 俎:臑、臂、肫、脡 言「無髀」者,云 骨在俎,不取以備陽: 與 盛者,盛於肵 腊辩 俎,其一 所舉正脊、幹、 ○自此至終篇 賓尸則不盛,全 祝侑、《少牢》篇 則祝侑 不可非 ○盛音成。 尸食,八飯。 其牲物 無 已舉。 ·腊也。 亦 俎 則 純 《曾 前 同, 骼 如 盛 而 亦 必

)前此舉 有 振 之。 牢 祭,嚌 肺,舉 古 文「髀」作 正脊,舉 之。 牢幹,舉魚 脾 佐食受,加 _ 卒 舉 盛, 腊 于 乃 肩 肵 舉 舉 牢 牢 舉 骼 肩。 七 e,

爵

右不賓尸者,尸八飯後事

六舉,至此舉牢肩,故云「舉七」也

尸又三飯。凡十一飯。士九飯,大夫十一飯,其 主婦,未聞。 此者,大夫之禮,文,待神餘也。 三枚而已。 魚摭四枚,腊摭五枚。 東;不言魚俎東,主於尊。 人臂,主婦臑,祝則 祝主人之魚腊取 三个,其餘皆取之,實于一俎以出。 「如儐」者,與《少牢》篇所載上大夫儐尸者儀節 右不賓尸者,尸十一飯 + 食 五 今文「摭」爲「揲」。 飯。 取一 尸不 佐 骼 俎于堂下,以入,奠于 飯,告飽。 于是。 食 也 其所釋者,腊則短脅正 與? 受 牢 乃摭于魚腊 此皆於鼎側更 ○所釋三个,亦備陽厭· 祝主人主婦俎之魚腊取 舉 三者各取一 主人拜 時 如 事 儐。 魚; 其 侑,不言。 (載焉。 俎,俎 个猶 脅代脅, 舉 同 羊 八腊,主 也 枚 肺 不言 (餘有 也。 脊 也 釋 俎 于

> 儐。肝,牢肝也。 隋」,古文爲「腝」。 以醋主人,亦如 ,主人拜,祝受尸爵 主人洗 酌 綏,皆當作 酳尸,賓羞 其 獻 儐。 祝 户 「挼」,接,讀 其 與二佐食,其位 答拜。 肝,皆 綏祭,其嘏 如 爲「藏其隋」之 祝 儐 酌 亦 [授尸, 一, 其 如 卒

薦晉 皆如價

主婦其 初獻同 右不儐尸者,主人初獻 洗獻于尸,亦 如 儐。 與償尸者正 自尸 侑 不 飯

東,脯 酒 祝 贊 反位,反主人之北拜送爵位。 糗,羞籩之實。 執棗糗,坐設之,棗在 飽,至此,與儐同者在上篇。 者執 取 栗脯 次賓羞牢燔,用俎,鹽 在 、栗脯。 棗 以 東。 雜用之,下賓尸也。栗、脯,加 授 主婦 户。 主婦興,反位。 尸兼祭于 不興,受,設之,栗 主婦 稷南,糗在棗 左執 在 反取 右 豆祭,祭酒 爵, 棗,饋食之籩 籩 尸兼取 于房 取 **籩之實** 南。 棄糗。 在 啐 中 婦 燔 也 糗

祭

答拜。 拜。 婦受爵 厚 祝 尸者正祭,主婦受酢不 主 挳 于賓。 内子不薦籩,祝賤,使官可 祭,祭酒 西 上篇正祭 婦 於室,無籩燔從之事。 祝受加于斯,此異於儐。 主 耳。 婦俠爵拜,爲不賓尸,降崇敬。 其 主 婦 于 糗 人之北 拜。 上佐食綏祭,如儐。 鹽 祝易爵 酌 在 自尸卒爵至 ○自此下,註「異於賓」,「賓」皆當讀作「儐 亞 啐酒 如 振 酌 棗 獻之節 祝受尸爵。 儐。 獻 祭,嚌之。 南。 拜受爵 洗,酌 二佐食,亦 拜,坐受爵。 一此,亦與儐同者,亦在上篇。 祝 宰 次 此有籩有燔爲異,以不賓尸,故 俠拜爵, 授尸。 賓 左 ○賓尸者,方其 也。 夫 , 尸答拜。 羞 執 薦 祝受,加 尸答拜。 自宰夫薦,至賓羞燔,亦 一播,如 爵, 此俠拜爲異。 棗 如 今文「醋」曰 卒爵 尸 糗, 儐。 取 以 主婦主人之北 拜。 主婦 于 尸 棗 坐 自 醋 正祭,主 主婦受爵, 禮。 肵 主婦婦 糗 設 主 「酢」。 反位 尸答拜。 祭 棗 主 婦。 卒爵。 反籩,至 ○謂 卒 婦 于 于 婦 ○儐 又 獻 爵 主 豆 菹 主 獻 異 同 加 P

小

以 入于房

右不賓尸, 主婦

亞

獻

神惠均于室,蓋略 於室中,是以奠而待之。 祝及佐食,賓致爵主人,致爵主 止,主婦致爵于主人,主婦 惠均於庭,乃作三 爵酢賓,並不止爵,至事尸於堂,賓三獻,尸 面答拜。 節 而禮 賓長 成。 洗爵 爵 ○賓獻尸 止 傚其儀 獻之爵。 獻 尸止爵者,以三獻禮成,欲神 于尸。 止 〇實尸者正 爵。 也。 自 此不賓尸者,亦 酢 此一 婦, 户 户 尸 拜受。 賓自酢,乃設羞,亦 作 節之内, 祭,賓三 止 爵,尸 乃止 賓獻尸 賓 獻 酢 獻 户 賓, 爵, 止 p, 惠之均 西 爵, 爵 待 即 北 獻 既 待 卒

受。 執 薦 受乃設席,變於士也。 棗 韭 主婦户 糗 菹 主 婦 以 醢 坐 從。 洗于房中,酌,致于主人。 西 設于席前 北 主 ○《特牲禮 婦 面 拜送 不 興,受,設 菹 爵。 》未致爵已設 在 北 司宫設 方。 棗 于菹 主人 婦 席 主 北 者 拜 婦 拜

三,魚 爵 爵 牢,謂羊豕 以其牢,與腊 糗 人,肝燔並從。 者,變於士也,亦所謂 坐捝手,祭酒,執爵以 方布取 在 興,取牢肺,坐絶祭,嚌之, 棗 西。 , 腊 也。 菹 臂而 挳 一腊 主婦答拜。 臂。 佐食設 七。 于 如 醢 牲體」、《特牲記》文。 臂,左臂 順 牢 -腊俱臂,亦所謂 耐 ,祭于豆 俎: 摭 也。 興,坐卒爵,拜。 也。 〇主婦致爵于主人。 臂脊 《特牲 ○《特牲》主婦 間 脅 興,加于俎 腊 新 遂 肺 主人左 如 體,此三者、 祭籩,奠 皆 牲 车, 體 致 無從 爵 執 膚 0 主

以 殺。 爵入于房。 主人答拜。 受爵 ", 酌以醋, 户 ○主婦 卒爵拜。 自酢 内 北 主人答拜。 面 拜。 自酢不 主婦 更 爵,

爵。 爵。 作止爵, 尸答拜。作止爵,乃祭酒,亦變於士。 尸 亦異於賓。 作 止爵,祭酒,卒爵。 〇士禮,祭酒訖,乃止爵。 賓拜。 自爵止,至 〇尸 祝 作 受 止

祝 酌 授 尸。 賓 拜 受 爵。 尸 拜 送。 坐

羊

祭,遂飲,卒爵拜。 獻祝、及二佐食。 尸答拜。 ○賓獻 祝與佐 〇 尸 酢 賓

之。 遂飲,卒爵拜。賓答拜,受爵。 主人席上拜受爵。 洗,致爵于主人。 洗致爵者,以承佐食,賤,新 賓北面答拜。 ○賓致爵主人。 坐祭,

婦也。 脅、祭肺 受,設棗于菹 自若東面南上。 不變者,賓尸禮異矣。 席,東面。 不言所折,略之。 婦人贊者執棗糗,授婦贊者。 面者,北爲下。 主婦席北東 家 四 酌,致爵于主婦。 體 佐食設俎于豆東:羊臑、豕折、羊脊、 與 一、膚 北堂,中房以北。 腊 面拜受爵。 〇士禮,宗婦北堂東面北上,主婦 臑 婦 《特性》,主婦觳折,豕 南,糗在 而 一、魚 贊 Ŧį, 内子東 者薦 主 一、腊 棗東。婦人贊者,宗婦之弟 婦 賓西 韭 面 主婦北 東面者,變於士妻。 升筵,坐,左執 菹 則 臑。 宗婦 醢 面 婦贊者 無脊脅,下主人。 , 菹 答拜。 豕折,豕折骨也 堂。 南 面 在 西 司宫設 Ξ, 南 不 席 南 賓尸 内 北 興 方 面 東 窖

大夫。 爵 右取 坐絶祭,嚌之,興加于俎,坐捝手,祭酒, 興 。 筵 北 東 菹 賓答拜。 **抨** 野 整 , 祭 之 , 祭 籩 , 奠 爵 ; 面 賓受爵。○賓致爵主婦。 立卒爵 拜。 立飲拜既爵者,變於 興取 肺 執

實自酢。屬降奠于篚。自賓獻及二佐食,至此,亦異於賓。○拜。主人答拜。卒爵拜。主人答拜。賓以拜。主人答拜。衛門,酷于主人,户西北面易爵于篚,洗酌,醋于主人,户西北面

^{設羞。} 于尸祝主人主婦。内羞在右,庶羞在左。○ 乃羞,宰夫羞房中之羞,司士羞庶羞,

右不賓尸者,賓長三獻。

位、其酬醋,皆如儐禮。○衆賓,謂自上賓而下。主人降拜衆賓,洗獻衆賓,其薦脀、其

卒,乃羞于賓、兄弟、内賓、及私人,辨。儐禮,其位、其薦脀,皆如儐禮。

主人洗獻兄弟、與

内賓、與

私

人,皆如

右不賓尸者,三獻後,主人徧獻堂下并尸,則祝猶侑耳。卒,已也。乃羞者,羞庶羞。

自

乃

羞」,

至私人之薦脀,此亦與儐同

者、在此篇。

不儐

内賓之事。 右不賓戶者 三屬後 主人徧屬堂下

了以爵降,實于篚。致,謂致爵于主人主婦。不言賓以爵降,實于篚。致,謂致爵于主人主婦。不言 實長獻于尸。尸醋。獻祝。致。醋。

右不賓尸者,次賓長爲加「如初」者,爵不止,又不及佐食。

爵。

然闕 下及內賓後,兄弟後生亦舉觶于長,至此交錯爲無 者,在此篇。 旅 賓、兄弟,交錯其酬,無算爵。 酬 直 ○主人獻賓時,賓亦奠酬薦左。 行 無算爵,是其與 八賓尸 者 異, 故經 主人徑 此亦 不言 與 **流算爵**。 一獻堂 儐 百

右不賓尸,無算爵。

儐

也。

祭酒,啐酒,奠之。利獻不及主人,殺也。此亦異於利洗爵,獻于尸。 尸醋。 獻祝。 祝受,

右不賓尸,佐食爲加爵。

儐。

門外。 中。 祝 祝 于 處 前 雜」,謂與賓尸者有同 饋 至此,與實雜者也。 食禮》 前,尸 徹 入。主人降,立于阼階東,西面。 西階上,東面。 阼 祝命佐食徹尸俎。 主 俎,故云「變於士」。 曰:「徹阼俎豆籩,設于東序下。」〇疏云: 人 有司受歸之。 從,遂出 出, 立 先養徹主人薦俎者,變于士。 于 有 于 祝告于主人曰 不同。 阼 ,廟門。 引《特牲》者 階 徹 上 士禮既餕 佐食乃出尸俎于廟 阼 薦 祝 西 俎。 反,復 面 證 乃 徹作俎 徹 自「主 利 祝 阼俎 位于室 尸謖。 出 所置之 《特牲 人出 成。」 與賓 此 立 餕

右不賓尸者,禮終尸出。

乃養,如償。謂上篇自「司宮設對席」,至「上餕

興出」也。● 古文「賽」作「餕」。

右賽。

司 南 士舉 面,如饋之設,右几,厞 卒 俎,宰夫取敦及豆。 - 養,有 司 官 徹 此於尸 饋 饌 用 謖改 席 于 室 饌,當室之白,孝 官徹饋 中 西 者,司 北 隅 馬

> 禮。 間之祭。 改徹 饌之,婦人徹之。外内相兼,禮殺 徹 ○疏云:「下大夫賤,無尊賓,故不别其長也。」婦人乃 送賓也者,亦拜送其長。不言長賓者,下大夫無尊賓也 之。衆賓出。 祝告利成,乃執俎以出于廟門外,有司受歸 面 上 餕 子不知神之所在,庶其饗之於此,所以爲厭 尊也。 西西 尊于室中。 ,徹祝之薦、 〇上大夫祭畢,則 (饌敦豆,變於始也,尚使官也。 司宫闔牖户。 画。 舊説云: **厞**,隱也。 祝 及 執 房中 主人拜送于廟門外,乃反。 埋之西階東。 陽厭殺,無玄酒。 古文「右」作「侑」、「厞」作「茀」。 其 有 薦 俎 閉牖與户,爲鬼神或者欲 司 俎。 以 徹 不 出 主人出,立于阼 使 徹 有司者,下上大夫之 立于西階上,東 佐食不舉羊豕俎 室中之饌。 司宫埽祭。 飫。 不令婦 幽闇 有 親 階 納 司 豆 人

右不賓尸者,爲陽厭。

❶ 「上」,文淵閣本作「此」。

七〇

儀禮監本正誤附

善本? 正,而 宫耳, 《易》、《 較 以 於世,所賴以不至墜地者, 禮》、《孝經》、《爾雅》、三《傳》,人間猶多 子》、《禮記》充滿天下,固不容或誤,《 脱誤特 勘 此本爲據,竊恐疑誤方來,大爲 禮 非一手,疎密各殊。 十三經監本,讀書者所考據。 補 解 即有誤,亦易見。《儀禮》既 顧 甚, 豈 書》、《 石經闕字者,不知以彼正此,反 詁 不 》之類,皆 免脱誤 詩》、《春秋 以罕習故, 至此。 踵 襲其 》、《論 忽不 獨 至《儀禮》 坊間 此 、訛,無 加 本 所 語 此經累 尚 不 意 **≫**′ 刻, 所 · 顯 用 當 經經 在 耶 周 是 如 學 孟 ? 時

> 録之以質同 脱者、誤者、羨者、倒 句讀》,乃取石本、吴澄本與監 者,未必非監本也。 志 如左。 予既僭定《儀禮鄭 置者、 經註 本較,摘 互淆者, 其

士冠禮

士
昏
禮

婦説服于室御受」,「受」誤作「授」。

十七紙。

足與爲禮也」十四字。第五。。。。。。 「毋違命」,「毋」誤作「母。 視諸衿鞶」下脱「壻授綏 必姆辭曰未: 第五十紙。

主人對 日某 以 得 爲 外昏姻之數」,「

+

紙

從女,誤。第五十三紙

之故」。 ·某得以爲昏姻之故」作「某以得爲昏姻。。。。 第五十三

士相見禮

「若嘗爲臣者」,「嘗」誤作「常」。第八紙。

一毋」誤作「母」,凡三見。第十三、十四紙

鄉飲酒禮

尊兩壺于房户之間」、「加二勺于兩壺」,

「壺」並誤作「壼」。第六紙

「司正升立于序端」,「序」誤作「席」。 第三

十九紙。

十九紙。 ·遵者降席席東南面」,脱一「席」字。

「介俎脊脅肫胳肺」,脱「肫」字。第四+八

紙。

鄉射禮

「主人實觶賓之席前北面」,「北」誤作

「不」。第十一紙

「樂正告于賓乃降」,「樂」字誤細書,混疏

文内。第十八紙

適堂西改取一个挾之」,「取」誤作「作」。

紙。

「以耦告于大夫」,脱「以耦」二字。第三十。。

五紙。

「與進者相左相揖退反位」,脱「退」字。 第

三十九紙。

「適左个中皆如之」,「皆如」作「亦如」。

第

五十紙。

第

六十一紙。 「賓與大夫坐反奠于其所」,脱「坐」字。

第三

「遂西取弓矢」,「遂」誤作「送」。第七十六

紙。

「各以其物獲」下脱「士鹿中翿旌以獲」七

字。第八十七紙。

燕禮

兩園壺」、「壺」誤作「壼」。 第四

「主人盥 一洗象觚升實之」,「實」誤作「賓」。 。

第十四紙。

勝爵者洗象觶升實之」,「實」誤作「賓」。

三七二

第十九紙

降奠于篚易觶洗」、「篚易」二字之間誤

用圈隔。第二十紙

「射人乃升大夫大夫皆升就席」,脱下

「升」字。第二十七紙

「鵲巢采蘩采蘋」,「蘩」誤作「繁」。第三十

二紙。

「大師告于樂正」,脱「于」字。第三十三紙。

「士長升拜受觶主人拜送觶」,「送」誤作

「受」。第三十八紙

「大夫立卒爵不拜實之」,「實」誤作「寳」。

第四十二紙

「亨于門外東方」上脱「其牲狗也」四字。

第四十九紙

大射儀

「大射儀第七」,脱「儀」字。第一紙。

兩方壺」、「兩園壺」、「兩壺獻酒」,三

「壺」字并誤作「壼」。第十一、十二紙。

「大史在干侯之東北」、「大史」誤作「大

夫」。第十四紙。

「主人洗觚升實散」,「觚」誤作「酬」。第二

十四紙。

「命去侯」,「侯」誤作「俟」。第三十七紙。

·司射進與司馬正交于階前」,「于」誤作

「與」。第三十八紙

「上射降三等」,「三」誤作「二」。第三十九

「中等並行上射於左」、「於」誤作「與」。第

三十九紙。

「司馬師坐乘之卒」,脱「卒」字。第四十紙。 ·司射東面于大夫之西比耦」,「比」誤作

「北」。第四十一紙

第四十三、四十五紙 「梱之」與「梱復」,二「梱」字俱誤作「梱」。

「退者與進者相左相揖退」,「揖退」二字・

之間羨一「還」字。第四十四紙。

「司射作射如初」,「射」誤作「揖」。第四十

四紙

「由阼階下北面告于公」,脱「告」字。第五

「司射遂袒執弓」,脱「遂」字。第五十二紙。

「僕人師洗升實鱓以授」,「實」誤作「賓」。

第五十四紙

「司馬師受虚爵奠于篚」,脱「師」字。第五

「公答拜賓反位」,脱「賓」字。第六十九紙。

十九紙

「門外米禾皆二十車」,「二」誤作「一」。第

「賓辟不答拜」,「賓」誤作「客」。第三十 四

啐醴」,誤作「啐酒」。第四十八紙

以「又拜送」句倒置「君貺」句之上。第百二「君貺寡君延及二三老拜」、「又拜送」,誤

十八紙。

公食大夫禮

「衆人騰羞者盡階不升堂授以蓋降出」,

大書,同經文,連下「贊者」句。第十八紙。注云「授授先者一人」。誤以「一人」二字

「賓北面自閒坐左擁簠粱」、「左」誤作

「右」,「簠」誤作「簋」。第十九紙。

「庶羞西東毋過四列」,「毋」誤作「母」。第

二十五紙。

「卿擯由下」,「擯」誤作「寳」。第三十三紙。

覲禮

「侯氏裨冕」,「裨」誤從示。第八紙。

「王受之玉」、「玉」缺一點。第十三紙。另本「坐奠圭」、「圭」誤作「主」。第十三紙。

不缺

伯父無事 歸寧乃邦」,「邦」誤作「拜」。 第

「天子乘龍載大旂」,「旂」誤作「斾」。第二

喪服

「妾爲君」,「爲」誤作「謂」。第二十紙。

「持重於大宗者降其小宗也」,「持重」誤

作「特重」。第四十三紙

「適子不得後大宗」,「子」誤作「人」。第四

十四紙。

「異居則服齊衰三月也」,脱「也」字。 第四

「大夫去君埽其宗廟」、「埽」誤作「歸」。第

六十三紙。

「不滿八歲以下皆爲無服之殤」,脱「皆」

字。第六十五紙

功布衰裳 牡 麻 **經即葛五月者」,脱**

> 九十七紙。 「者」字。 壻傳曰 何以緦也」,唐石經無「也」字。 第八十五

第

士喪禮

「有大夫則特拜之即位于西階下」,「于」

誤作「如」。第十紙。

「櫛於簞」、「於」誤作「用」。第二十

「巾待於阼階下」,「待」誤作「侍」。第四十

三紙

「其實葵菹芋」,「芋」字誤,少趯勾。 第四十

「卜人先奠龜于西塾上」,「塾」誤作「墪」。

第六十九紙 「哀子某來日某卜葬其父某甫」,脱第二

「某」字。第七十二紙

既夕

「衆主人東即位」,脱「主」字。 第七紙

兩行」,誤缺「行」字趯勾。第十九

擯者 ·出請入告」,脱「出」字。第二十六紙

藏苞筲於旁」、「苞」誤從竹。第四十二紙。

·外内皆埽」,作「内外」。第四十六紙。。

設握裏親膚」,「裹」誤作「裹」。第五十三

紙。

「不説絰帶」,「説」誤作「設」。第五十九紙。

·主人降即位徹乃奠升降自西階」,脱 下

降」字。第六十六紙

亦可張也」,唐石經、吴氏木、俱「亦張可。。。

也」。第七十三紙

士虞禮

· 節巾在其東」,「巾」誤作「布」。 第五

祝饗」,「饗」誤作「響」。第九紙

「卒徹祝佐食降復位」,脱「復」字。 第二十

八紙

適 一爾皇祖某甫饗」,「饗」誤作「響」。 第三

> + 紙

「尸即席坐唯主人不哭」,「唯」誤作 惟。

第三十四紙

「尸受振祭」,「受」誤作「授」。第三十四

脱「哭止告事畢賓出」七字。第三十七紙。唐・。。。。。。。。・・「無尸則不餞猶出几席設如初拾踊三」下

石經剥蝕,尚有「賓出」二字脚可辨。 補字闕,或亦承監

本之誤。

「搔」誤從木。第四十紙。

特性饋食禮

「主人再拜賓答再拜」,誤作「賓再答拜」。 「壺禁在東序」,「壺」誤作「壼」。 第十紙。

第十一紙。

「視壺濯 」,「壺」誤作「壼」。 第十一紙

「主人服 如 初立 于門外東方南面」,「方」

誤作「房」。 第十二紙

「佐食啓會郤于敦南出立于户 西南面」,

三七五

脱「户」字。第二十紙。

「洗獻衆兄弟如衆賓儀」,脱上「衆」字。第

三十七紙。

「尸祭酒啐酒奠之」,脱「尸」字。 第三十九

「賓立卒觶酌于其尊」,「卒」誤作「干」。第

四十二紙。

「衆賓長自左受旅如初」,脱「自」字。第四

「長皆答拜」下脱「舉觶者祭卒觶拜長皆

答拜」十一字。第四十三紙。

「舉觶者洗各酌于其尊」,「尊」誤作「奠」。

第四十三紙

「主人出立於户外西面」,「外」誤作「内」。

第四十八紙

「纁裏」,「裹」誤作「裹」。第五十三紙。

「祝俎髀脡」,「髀」誤作「脾」。第五十八紙。

少牢饋食禮

「用薦歲事」,「薦」誤作「爲」。第六紙 「明日朝服筮尸」,脱「服」字。 第六紙

「取巾興振之三」下脱「以授尸坐取簞興」

七字。第二十二紙

「尸受同祭于豆祭」,誤倒作「同受」。第二

「賓户西北面拜送爵」,「户」誤作「尸」。十四紙。

三十四紙。

「尸謖主人降立于阼階東」,「降」誤作

有司徹

「祭」。第三十五紙。

「匕皆加于鼎東枋」,「枋」誤作「祊」。第六紙。

「覆二疏匕于其上皆縮俎西枋」,「枋」誤

作「祊」。第六紙。

「司士朼豕亦司士載亦右體」,作「載右

體」。第十一紙。

「尸郤手受匕枋」,「受」誤作「授」。第十六紙

「乃載于羊俎卒載」下羨一「俎」字。第+七紙。 「賓亦覆手以受」,「受」誤作「授」。第十六紙。

西」。第二十一紙。 「立于主人席北西面」,「西面」誤作「面

「主人其祭糗脩」,「其」誤作「共」。第二十

誤作「肺」。 「賓坐左執爵右取脯」要,11種祭之」,「脯」

第二十八紙

「遂飲卒爵執爵以興」,脱下「爵」字。 第二

「宰夫執薦以從」,「薦」誤作「爵」。第二十

「其先生之脀折脅一膚一」,脱「其」字。第八紙。

三十一紙。 ·受爵酌獻侑侑拜受三獻北面答拜」,重。。。。。。。。。。。。。。。.

「尸降筵受三獻爵酌以酢之」,脱「爵」字。

出此十四字。第三十四紙

第三十四紙

「祝易爵洗酌授尸」,「授」誤作「受」。第四

十四紙。

「主婦受爵酌獻二佐食」,「婦」誤作「人」。

第四十五紙。

「賓户西北面答拜」,「户」誤作「尸」,第四十

五紙。

「賓兄弟交錯其酬無算爵」,「錯」誤作 醋」。第五十紙

圈。 槩置之。 既不殊,文難畫一,與夫點畫小誤者, 字,註文誤大書混經文二字,誤隔 倒置者六處計十三字,經文誤細書一 共脱八十字,誤八十八字,羨十七字, 惟、大太、廿之爲二十、卅之爲三十,義 酢、弃棄、于於、視眡、姣嫂、摯贄、唯 他如壹一、貳二、參三、廟庿、醋

儀禮石本誤字附

正監本誤字,●遂並及之。 誤,逮補字承譌,則又魯魚莫辨。兹因校 目已爲老成典型矣。乃《儀禮》亦不免多

士冠禮

啐醴捷柶興」,作「建柶」。 醴冠者節。○捷,

初洽反。

士
昏
禮

「降階受笲腶脩」,「腶」誤作「攺」。❷ 婦見舅

姑節。

「某得以爲昏姻之故」,監本作「某以得爲

昏姻之故」。記文。監本似長。

士相見禮

鄉飲酒禮

面反奠于其所」,不云『盥』。此俗本有「案《鄉射》、《大射禮》皆直云『取觶洗南「執觶興盥洗北面坐奠觶于其所」,疏云

「盥」者誤。」司正表位節。

「受」誤作「授」。 徹俎節。 「若有諸公大夫則使人受俎如賓禮」,

鄉射禮

「司射適堂西袒決遂」、「袒」誤作「祖」。補

字。請射節。

「福髤横而奉之」,「奉」誤作「拳」。記

「大夫與士射袒纁襦」,「纁」誤作「薫」。記

燕禮

「司宮筵賓于户西東上」,「筵」誤作「之」。

● 「殿」,原誤作「暇」,據薈要本及文淵閣本改。
● 「魯魚莫辨兹因校正監」九字原闕,此據文淵閣本補。

陳饌節。

「卿升席坐左執爵右祭脯醢」,「脯」誤作

「酺」。獻卿節。

初」,監本、吴本俱不再出「大夫」二字。再「小臣又請媵爵者二大夫大夫媵爵如

閻人爲大燭於門外」,無「大」字。終燕節

媵爵節。

大射儀

「兩圜壺」、「兩壺獻酒」,「俱」誤作「壼」。

陳饌節。

「主人卒洗賓揖升」,監本、吴氏本俱「賓

揖乃升」。獻賓節。

賓升成拜」,「拜」誤作「敗」。 補字。 公酬賓

節。

「坐授瑟乃降」,「授」誤作「受」。 補字。 席工

節。

「主人洗升實爵」,「實」誤作「賓」。補字。

獻工節。

「南面坐奠觶興」,「奠」誤作「取」。補字。

司正表位節。

「司射適次袒決遂」,「袒」誤作「祖」。

補字。

請射節。

南揚弓命去侯」,「侯」誤作「俟」。補字。

三耦射節。

聘禮

「夫人使下大夫勞以二竹簠方」,「簠」作

簋」。郊勞節。《釋文》云「簠,音甫,或作「簋」」,固

已疊簋,不從。

「若賓死未將命」,「未」誤作「來」。實介死

節。

「使者既受行日」,脱「既」字。記。

繅三采六等朱白蒼」,「蒼」誤作「倉」。

記。

「又齎皮馬」,「齎」誤作「賫」。記。

對曰非禮也敢」,誤作「敢辭」。記。

三七九

「賓既將公事復見訝以其摯」,「訝」誤作

「之」。記。

「自西階升受」,「階」誤作「門」。記。

「公答再拜」,「再」誤作「爯」。記。

一聘日致饔」,「日」誤作「自」。記。

公食大夫禮

「陳鼎于碑南南面西上」,脱一「南」字。 載

俎節。

「如受饔禮無償」,「儐」誤作「擯」。 若不親

食節。

覲禮

「侯氏亦皮弁迎于帷門之外」,「帷」誤作

惟」。補字。郊勞節。

「天子賜舍曰伯父」,脱「曰」字。賜舍節。

「天子曰非他伯父實來」,脱「曰」字。補字。

入覲節。

「几俟于東箱」,「俟」誤作「侯」。記。補字。

喪服

「若是則生養之終其身如母」,「如」誤作

「慈」。齊衰三年章。補字。

士喪禮

「祭服不倒」,「倒」誤作「到」。小斂節。

「若不從卜擇如初儀」,「擇」誤作「宅」。

日節。

既夕

「御者四人皆坐持體」之下,脱「男女改

服」四字。記。

「鹿淺幦干笮」,「干」誤作「于」。記。補字。

士虞禮

特牲饋食禮

「主婦設兩敦黍稷于俎南西上及兩鉶鉶

笔設于豆南」,監本、吴氏本止一「鉶」字。

陰厭節。

少牢饋食禮

明日朝服筮尸」,脱「服」字。筮尸節

如筮日之儀」、「儀」作「禮」。 筮尸節

司宫摡豆籩勺爵觚觶几洗篚于東堂

下」,「几」誤作「凡」。視濯節

錫衣移袂」,監本作「侈袂」,當從。 「主婦被錫衣移袂」、「主婦贊者一人亦被 陰厭節

祝延尸」、「延」誤作「筵」。尸人節。

有司徹

「有司徹第十七」,脱「徹」字。篇目。

二手執挑匕枋以挹湆」,「挑」誤作「桃」。

薦尸節。

「尸郤手受匕枋」,「受」誤作「授」。 薦尸節。

·主婦洗爵于房中」,脱「爵」字。 主婦獻尸

「主婦北面答拜受爵尸降筵受主婦 爵 以

降」,誤作「受尸爵」。主婦致爵于主人節。

主人降洗爵」,作「洗觶」,「主人實爵」,

作「實觶」。主人酬尸節

賓坐左執爵右取 脯

誤作「肺」。主人獻賓節。

「主人降洗升獻私人于阼階上」,「阼」誤

作「降」。補字。 獻私 人節。

「主人拜受爵尸拜送」,脱「爵」字。旅酬節。

不賓尸主婦亞獻節。

「主婦受爵酌獻二佐食」,「婦」誤作「人」。

「佐食設俎于豆東羊臑豕折羊脊脅祭肺

」,脱「祭」字。 不賓尸賓致主婦節。

東吴 不 非 傳 禮自持者也。 著 因 檄 聞 禮 東 第 手 + 板 而 , 俾古遺經 告成。 教,特 視 於 士 録 磨也 取 以 餘 小 ,或以文學著,或 傳, 補,千百 上 漸 學 以 顧 年,克成《儀 家 蒿 者。 藏 知 山 寧人先 菴 歸 噫,功 命 士 左,俱 先 蒿菴者,固姬公之功 寇 讀《儀禮》。 抄 儒臣 林 歲辛 家 生 厥 本 憾之。 世下,《 不致廢墜,於以 生偕 是書 後 閉 所 以 亦偉 纂修三《禮》,爰時 購求是書,急爲 酉, 徐 禮 藏 去。 户 修《東誌》,見而好之, 章 鄭 窮 原本 以 我國 矣 儀 部文到濟,開列 行,四 仲、黄 癸亥 光 顧七十年來,未 註 經 ! 禮》 謀 家重 明 句 諸君子或 究 付剞 春, 磊落著,要 讀》 不 海之内 崑 心《 臣,諸 磨,諸 助 熙累治,敦 同 圃 一書。 表 劂,五 儀 流聖教, 學諸 有以 章。 兩 禮 循 先 君子 君子 以 書名, ***** 生 皆 德 是 獲 同 者 誦 閱 君 自 得 亦 誠 習 月 子 崇 是 次 曾 時 以 行 \equiv

> 月,後學静 蒿 菴之功 Ш 臣 馮 秉仁謹 也 歟 ? 識 乾 隆 八 年癸亥秋

非

儀禮鄭註句讀跋

導也。 茫然。 而《儀 蒿菴矣。 之失,庶幾三年 通 水 最 禮 者,視《周禮》、《禮 五字之文,至於數萬,學者童而習之,白首 義》之作,不免泛濫,仍蹈前失。 盛氏世佐,接踵而出,皆蒿菴之書爲之前 盛 註 鄭、賈,不復分别,令學者昧 ,如丹陽姜氏 疏删翼》,最便學者,惜惟《周禮》盛行, 韓 禮》未之見。 故康成之註,專崇簡要,正以救 先是,堂邑張蓬元有《禮經》一書,會 退之猶 兩漢講經家每失之煩説,「春王」 云《 而 口 記》爲 儀 上均、錢唐吴氏廷 竊謂《儀禮》之學,國 通 禮 藝乎。 罕。 難 讀 明 於本原,不如 是 王平仲《二 乃唐時《 則蒿菴 以古今習 華、秀 前 朝 正 此

> 書,洵 崙補 首惟 胡 較 可 集》遂爲補刊 未果,故此序復佚矣。 有序,殁後失之,康熙癸未,蒿菴之子 之任,閱淄川張篤慶《崑崙集》,始知貞 德琳 不 閱之功者爲劉果菴、李貞菴 存 作者也。 果菴一序而 鄭 此 寶書敬 氏之功臣、學 段 而 跋。 於時學使徐公章仲●欲 佳 書其後。 話 已。壬辰,余被採 也。 者之津筏也 余方校刻《蒿 乾隆 雖 非 癸巳 二先生 貞 菴 夏,桂 真 ! 訪 、跡,不 菴 刻 菴 請 遺 今 其 林 文 之 崑 亦 司 書

● 「章仲」,原誤倒,今正。

儀禮章句

〔清〕吴廷華 撰

Ŧi.

九

四

九

四

九

九

九

七八

七八

Ŧī.

九

四

九

四

一九九

九九

六五

六五

Ŧī.

九

有司徹第十七 二八二	儀禮卷第十七 二	少牢饋食禮第十六 二	儀禮卷第十六	特牲饋食禮第十五 二	儀禮卷第十五	士虞禮第十四 二
八二	二八二	七七一	七一	五四	五四	三三九

校 點 説 明

儀

纂

修《三

禮

禮 乾隆二十年卒,年七十有四。 成,得晉 以 福 林,號東壁,浙江仁和人。 州 薦 章句》、《曲臺小録》、《東壁書莊集》等。 府海 雍正 吴廷 預纂修《三禮 華(一六八二—一七 防 初,以乙科官内閣中書舍人。 級。 同 知。 尋 歸,教授於崇文書院,以 義疏》,在館凡十年,用力最 以 經 術緣飾吏治,侃侃不阿。 康熙甲午(一七一四)舉 著有《三禮疑義》、《儀 五 五),初名 居二年,出爲 蘭 經學課 芳,字中 深。 士。 書 嘗

著録 門 的 風 氣。 著 岐著《儀禮 讀 情況 作 物 儀禮》一書,韓愈已嘆難讀,習者殊少。 似 爲 其 不多見。 數 後,卷 來看 都不少 鄭 帙 注 宋元 浩 句 吴 ,而將學 繁的 讀 明爲 廷華早年 Ý, 開 之做 學 啟 術 術 了清 注 性 著 著《三 與 作 解 代整 可 與 者 禮 讀 删 頗 理《儀 疑 性 爲 減 義 完 寥 編 影時 美 寥 從目 排 禮 結 的 》的 對 合 録 張 λ

如

此。

《三禮 初學者提供 禮》, 他在二書的 與王文清(吴廷 讀》,雖 禮 疑 》,有機 者整理不力密切 幾乎成了絶學,這既與經文本身難 義》都 疑 》本文「字字探索」。 方便初 義 會 》也 卷 遍 基礎上花費十餘年 學可 個 帙浩繁, 數 閱 華 階梯。 易 秘 在館 相 其 省先儒 在吴 關。 稿。 並 時 廷 不 張 的 他 之書。 他 利 華 爾岐的《儀 認 後 同 眼 於初 in (事)的 爲《三禮 來參與 中 血 十年書成 並不 學。 著作此 《儀 懂 禮 理 義 尤 鄭 有關,更 禮 想。 疏》 其 書,欲 注 分 而 八是《儀)與《三 解 於 他 讀 是 句 與 的

《儀 並提, 有 爲 益,故受到學 無補」(《四 禮 一》讀 儀禮章句》「章分句釋, 認 爲 本時,都 是 庫全書總目提要》卷二十),於初學 比 者 較 青睞。 將《 理 儀 想 禮 的 清 章 人梁章鉅、黎 讀 句》與《儀 箋 本。 疏明簡 今天 於 禮 庶 看 鄭 經 昌等 來, 注 學 句 依 實爲 談 古 然 到 不

的又一重要著作 儀禮章句》的問 雖 爲初學 世,是繼 而 作,但 張 爾 岐 其 學 鄭 術 注 價 句 值 讀 不容 》後 代制 審 疏 句 注 讀 節 不分章。 禮 誤,故十分重視經文的 低 後,又按節次分章,這樣綱張目舉,令讀者 間 估。 讀 目 爲主」的特點,使文句上下貫穿,儀節 鄭 釋 度,增 注 爲 瞭 方 方 亦 主, 句 面 如指掌」。 校 面吸收了 採 張 讀》、王文清《儀 勘 吴廷華據賈疏及朱熹《 加 他 箋處或失其則 方 了 说,附 爾 面 初 岐 學 徐 雖 句 吴 案以發明之。 乾學《 詳, 者 讀 廷 的 方 校 華 過於墨守 略。 歷 面,吸收了王文 禮分節句 勘。 意 讀 史感; 識 禮通 吴氏訓釋多本鄭、賈箋 章 到 儀禮經 節 鄭注; 監 考 於《喪 讀》二 》的 方 本 方 面 與 面 成 傳 書俱 石 从果. 王文清專 禮》尤 井然 清 張爾 獨 對 通 本 「專 抒己見 解》分節 「十七篇 各 分節 添 岐《 有 以句 爲 有 X 序。 歷 詳 儀 以 脱 而 代 量 初 本 點

東學 四 十二年(一七五 視,刊刻不斷,版本衆多。 庫全書本(簡 海 IE 堂皇 因 如 清 此。 經解本(簡 七)東 稱四 儀 禮章句》自 庫 壁 本),道光九年(一八二九)廣 書 稱 早 莊 經解 期 初 問 版本主要有: 刻 本)。 世 本(後,受到 簡 其他各本基本 稱 初 人 乾 們 刻 本), 隆 的 重

多

有

辨正。

科學 二,原書表現句讀主要有三 的除本書之外的著作,多據影印 本、 上是以 標點。 一順從 是句後空一 的 次標點一 刻本上原 經 置 重 解 原有 書館 上 要 本爲 版 參 句 本 有圈點(四庫本、經解本删去),是本次 依《儒藏》體 所 考, 參校本。 格,一 讀 藏 的 但 初刻 翻 原句讀不合現代標點 刻。 卷 是句子中間 點 本爲底本,以 引 例, 本次整理 失當 文全部核 種: 另有兩 處 常 文渊 卷 以 是句 點 有, 點。 對。 影印 中 閣 需 或 故 要説 處 後作小字 四 本次 校 文 科 謹 庫 語 則 淵 學 慎 全書本。 整 改 中 閣 院 採 從 理 提 四 或 注 用。 現 儘 到 庫 家

校點者 徐到穩

儀禮章句序

子之禮 皆是。 李 其 佚。 間 難 末、《儀禮 而 公之法度 自 倫 獻 孟 通 噫 ! 得 \pm 悊 類 儀禮 之耳。 則此 各詁 得 是 其先 之者 今僅存 影則 粗 古 解 古書之存者既 經實 文《儀 之制 其 具, 後彼 如《士 寡。 其 漢注 義 本 與《周 高堂 禮之會歸矣。 度文爲出於聖人,文王、 ,唐賈公彦復引黄、李 禮》五 顧 也 此 稱 冠禮》之有《冠義》,諸 其 可 服 生所 禮 朱 中 以 、鄭二家,厥 十六 子謂《 **>** 希,而學 互 雖 傳十七篇,餘皆散 一原。 相 重 篇,有諸侯、 複 發 按《漢書》,河 儀 明,惟 鉤 《周 人每 禮 棘, 後黄 禮》 是 而 苟 患 潛 慶、 經 爲 天 周 玩 晰 其 篇 爲 專 節 以 默 句 而

邸舍。 及,洵 省先儒 百餘卷 嘗讀 讀》。 之疏 莫不字字探索。 改元 居 林先生實與是選,在館 以 簡 句 爲 多 而 讀》亦成。 7,元哲 不 句 明 釋,務體 紬 注 ,天子詔 其時,禮館 乎其全備 遇轇 之書 讀 分章,張氏 之筆解之,視二書尤核。 繹,于一 ,恒發古人之覆,暇復閱《儀禮》本 今國 疏 爲 而疑之, 批駮 咸 轕 主,箋 學 而 其 諸 先生 相 處,每 折衷 中 事 義 儒 矣。 推 余贈 西 理之確 所 雖詳,過于墨守鄭注, 處 輯 一讀二書 一物之間、 服 . 寧 王 頒 屬 之,更于二書 或 方先生著此書, 以 訂 失則 十年,編 先 詮釋,爲《三禮 九 即 張 禮 當,儀 Æ 而 溪 生 稷 義 鄭 略。 未 自 所 若《儀禮鄭 空曲交會之際, 疏 賈 余向 慊 著《儀禮 少 校 節之詳 先 蓋二書 本 也,乃 篤 弗怠 補 生 吾友 司 也 志 頻 苴 既 疑 備 闡 經 其 章 吴 至 王 得 俱 分 注 乾 文, 義 術 氏 節 秘 句 而 中

悵 余爲 子淞巖出守肇慶, 棋,余舘甥也。 先生南歸 酌 書,更當嘆其閎深精博,與古儒 逮 而致 如 余遊嶺表,篋携 子方子之門,時校勘 義疏》,用贊崇 乎哉 1,自慚 睹三 不及 序。 謹 嘅者,胥 乾隆丁丑仲冬望日,隱拙 序 ? 其 代儀度,抉昔聖制禮之原,于以 弇陋, 持去, 時 嗚 雖 呼 然,此 可 進 , 無能 此 經之聖治, 殁後,遺書具 以 退 夙 本,昕 與諸君共襄讎刻。 昌 秉 涣然解,不 揖 其 爲 三《禮》于 庭訓, 讓 黎 役。 尚 于 種 夕玩 苦 其 耳。 則昔賢之所 善 書成,曾手録之。 間 此 誠 讀 存。 味。 杂 齋學 經 林相 0 讀《疑 爲 父 殿。 之難 今乃獲 書。 其仲子壽 後 適 人沈廷芳 抗 學之津 壽祺 先 間 衡 義》之 流讀,而 論 羽翼 生 頃 爲 也 此 從 列 索 從 參 沈廷芳椒園

仁和

叔

隆元易齋歸安

沈德 李清 厲 彭 陸 陳 徐 鄭 趙 鍾 方 嘉 端 兆 以 或 鶚太鴻 崙 升階 植 麟 淑 穎 江璣 潛 苞 晼 勵 大 星 確 立 仁 靈 儀 田 戶 暇 齋 Ŧī. 侯 圃 臯 錢塘 宛平 丹稜 仁和 錢塘 德清 長洲 安溪 錢塘 泰安 桐 城

王文清 兄胡 官獻瑶 金志章 沈 齊 杭 雷 任 楊李 王 世駿 天游 延 召 啓 紱方來宜興 年 南 運 彤冠雲吳江 鋐 椿 紱 介眉 大宗仁 稚 九溪 次風 繪 貫 翼聖宜興 農 瑜 巨 威 卿 卣 先 來)西寧 1錢塘 侯官 天台 |錢塘 惠安 武 臨 山陰 JII 和 進

徐

元沛

蒼

仁和

沈

世

燾

涿

九

仁

和

丁

燦韞

輝

大興

任

枚甌

1

通州

沈

世

煒

南

雷

仁和

查

善

長樹

初

天津

校
刊
姓
氏

業受 陳 汪 李 劉 彭 高 張 張 慶 嗣 長 臯 沆 祺 繼介榮樂平 科登及鎮遠 坤 衍 起 敬 江 師 郟 愚 李仁和 蛟 泉錢 亭 百 Ш 浮山 [仁和 臨 南 塘 安 皮 張 成 萬 顧 江 趙 何 光 陳 學 廷 舉 城 泰 賓 調 芝 璣 衛宗 循 平. 乾 明 守之錢塘 東 夫 初 啚 錢塘 秀水 長洲 陸 如泉 長洲

JII

壻 陳 周 查 啓 元 善 珠受明 謙 和 冠 用 五 咸 海寧 天津 錢 塘

蓉鏡 111 錢塘

> 沈世 弟東杼正文仁和 周 元 **一炳蔚堂**仁 鼎定三錢塘 城敦復仁和 仁和 和

孫從 禾 書同 頴

姪

繩

年虎拜仁和

道

泰

南

阿仁和

儀禮目録

士冠禮第

燕禮第六

聘禮第八大射儀第七

公食大夫禮第九

士喪禮第十二 喪服第十一

鄉飲酒禮第五士香禮第三

師日 之,不下百千條,然未及成 是知註、疏未 去官歸里,乃著《三禮疑義 周 禮》九賦「口率出泉」注,疑而質之師 先大夫於六經箋疏,無 「此鄭 氏 盡合經,益肆力披研,疑則簽 以漢法注《周禮》之誤。」於 》若干卷。 書 所不窺。 也。年及艾, 會天 少讀

遺老 委以 臨 薦奉詔入館,益 JII 三《禮》禮節四 禮 李公尤相 説 總 契重,悉以 裁 得偏搜秘府諸 俱 圖,因檢諸儒《禮》圖七 爲 推 服 考訂 而 屬 桐 籍、及四方 焉。 城 方公、

子命儒臣纂修《三禮義疏》,先大夫以

總裁

既夕第十三

少牢饋食第十五士虞禮第十四

有司

徹第十七

415

_.

字,句 記》本 錢 綴 質 官 稿 年 + 何 紹,冠服 謂《儀禮 經各有脱誤,鄭 文之世,纂 周 讀《儀禮》之失有 直, 上下,往往賓 餘 論 官》、《戴記》並 章次不分,則禮之始終度數 成, 義 又 種 多奇零 漢 無 列 無 念《 疏 玉 **難** 亦 脉 條 人 而 增 也?」用 傳 輯 貫 絡 井 儀 删 所 一帛、牲 讀,不 不整, 井 疏 禮 起 ,其失者 著《三禮 補 易按。 文義 註 主易位 止 W 輯, 禮》以教天下。 <u>-</u> 信然耶? 是 與 牢、尊俎之陳 可 語 經幾 顯 多 賈 ·尋 ; 删繁取 語 明 ,彬彬盛 句 Œ 唯《 疏 疑 晰 澁 東 成 讀 又自一 敖氏之訛 不 義 章句 口 儀 西 絶 不 約 免轇 間當語 ; 學,當 禮 乖 唐 明 由 且. 矣。 之不 如如 禮 補 方, 則 一字至· + 是 與 監 轕 脱 赏以 書敘 數 賓 其 崇 滿 七 本 句 人 顧 勘 知 P + 篇 易 凡 失 與 屋 昌 事 經 可 Ы ^ 訛 又 又 禮 散 介 者 移 黎 數 次 繫 與 其 + 石 右 :

粤,以 爲 秋,外 書。 義》而 爲 某禮 章 ; 章 ; 第一 更按 之内 作爲 附 採 瞭 雖 於教孝 粤秀 他 仍 焉 如 爲學禮者階梯, 之前 四章冠畢、餘禮。 正 章 ; 析 令章 説 其 賈 指 謀 舅沈 外殫十 附案 二公俱 要道,故 冠 節 疏 掌 Ш 其 句 于 及《儀 之禮 冠前 次分爲六章: 長, 某事 句 從 椒 以 其 ·餘年心 讀 袁 兄 擕 發明 之禮 訓 禮子 稱 禮 更加 在某禮之後,十七篇 先 凇 之 篇之中, 釋 之。 經 如《士冠 生借 之。 巖 以 多 非 傳 力,章分句 詳 命 初 太 行 令展帙 本鄭、賈箋 偶 蓋先 通 審, 加、三 筮 抄 至《喪 字 守。 然也。 解》 畫 此 禮》 醴 日、戒賓四 壽 列 大 其 本。 者 所分之次, 兄 祺 賓 朝 加 服》 筮 夫 節 斷 口, 知 欣 從 諸 乾隆 服 四 日 目 疏 明 然 先 某 節 節 輯 制 篇 年 戒 任 生 禮 節 爲 節 成 亦 間 事 爲 丙 尤 節 兼 剞 此 亦 Ħ 在

匪淺。 世。 甲 夫目眚加劇,踰年即見背。 劂,復邀 免挂漏。 義》書帙浩繁,未克 末,與所以作此書之意,而謹述之如此。 一十六月矣。 戌自京歸子舍,冀 旅邸 既 同 惟有道者正而教之,則羽翼此 無善本可讎,而 編 好, 次 每檢 共 目 襄 録, 厥 遺著, 即 得時 成。 因 刊,乃先梓是本 憶 聞禮 又刻期校勘,不 流涕泣然。 壽祺 先大夫著禮 今距屬纊之辰 訓 少 未學禮, 而 先大 經 行 疑 顛

男 壽祺 可馴 壽平恭校

乾隆丁丑冬十月己卯男壽祺謹識

崇儀 嘉言 嘉師覆校崇典 嘉惠 嘉穀

孫

仁和吴廷華章句

禮。 鄉大夫、州長行鄉飲酒、鄉射之事。 二十而冠、三十而 鄭所定也。 謂其尊卑吉凶雜亂,故鄭氏不從。 謂未許嫁,二十而笄。其禮當同于冠也。冠于五禮 而冠。」其皆禮之變與? 又《内則》:「女子十五而笄。」注 冠》篇「公冠四加」,天子亦四加。又云:「天子諸侯十二 則自元子以下,凡學士皆同 之爲士者主之,且其子亦學士也。 之士。男子二十而冠,四十始仕。 左氏傳》「裸享」、「金石」之説而已。 〇案:十七篇次第,始于大、小戴及劉向三家。 士冠禮第一 又據賈云《冠》、《昏》、《士相見》爲先後者,以 娶、四 冠,古亂反,加冠之稱。 一十强 此禮。 而仕 今第一至第十七,則 即 其異者,特如襄 如下記「元子猶士」, 而冠以士稱者,父兄 已下先吉後凶 疏云:《大戴禮·公 摯見鄉大夫,又爲 〇士,三等 以 区 賈疏 屬嘉 九年 盡

> 《士虞禮》第七。 宗伯職 宗伯 明之。〇案:注謂「童子居士位,二十而冠」,于禮未合。 《公食大夫禮》當第十七。 飲酒禮,則《燕禮》第十三、《大射》第十四、《鄉飲 第十一、《士冠禮》第十二,據大射先行燕禮、鄉射先行 親萬民」,嘉禮以昏、冠、賓、射、饗、燕爲目 饋 則行祭祀吉禮。 又以此士爲諸侯之士,其實王朝、侯國通用之禮也 十五、《鄉射禮》第十六。 第八、《聘禮》第九、《士相見禮》第十。 \vdash 有尊卑,則《少牢饋 喪,則《喪服 食禮》第三。 Ĭ. 首日 禮節目 「以吉禮事邦國之鬼神示」,此祭禮 》當第四、《士喪禮》上篇第五,下篇第六、 其次日 ,則當以《大宗伯 其説無 又其次曰「以賓禮親邦國」,則 食禮 「以凶禮哀邦國之憂」,凶禮之首 義 》上篇當第一,下篇第二,《 食禮無文、然與響、燕並 可尋。 今次第姑仍其舊,而附是説 》五禮之次爲準。 竊謂 又其次曰「以嘉 此經爲《周 則 《覲禮 《昏禮 酒 也。 官 據《大 行 禮 特 》當 · 則 》當 常 大 U 鄉 禮 牲 祭

筮。 冠,如字。○主人,冠者之父、兄也。冠,以二尺二寸布上爲 于門不于廟者,廟,禰所獨, 蓋問日之吉凶于蓍 士冠禮: 筮于庿 也。 門, 庿,古廟字,後同。 廟 神 禰 所共 廟。 也。 凡行事受諸 主人玄冠 門。 禰 筴爲 也

襞

積

弁

而

頂平。

玄則

淺緇

色

也。

,示敬

也。 中 席。 北 東 西 與下玄端之裳同 蓋 與 筮不言韇,可 去門少南。 弟攝之。 黑屨 川則 ドト日 爵 練之黑者。 也 服 面 席 者,以 舞爲 而横 近 」是也。 即即 注云「所 Ŧi. 筮 有 門 奠龜準之,筮當在 即,就。 縫之, 異 如主人服 升 與席、 上所 司 所 爾。 布 東 知。 用 謂 《儀禮》言服不言佩,文省。 素鞸,舞、蔽 制 似 卦 撰 名之。 面 公有 西 也。 門,廟 緇 者,所 以 西塾 同 面 所 北 敬同 玄端。 藉 者 司 註 上。 卦者具 筮者。 門外西堂也。 門。 席 黑繒帶 以 云 若私 鬼 也。 塾東西之中 畫 「素裳」,不見所 筮席。 神 據 東面,鄉主人也。 東,門外之東,主人位 膝也,以白韋爲之。 地 臣。 位 士 特 即 饌 識 在西,鄉 也。 喪有執席者,蓋筮人取 牲 位于 爻」,未然。 士受地 所 于 《玉藻》: 卦者, 此不言 記 ,所卦者在其東 西 西 》及此 之。 據。 塾。 則 即 記 方,門 有 面位 位于門 士 卦爻之版 北上, 不言 臣, 經 有 布 朝 此 不言裳者 司 也。 蓍 無 則 服 席 練帶。」此 以《士喪 外之西, 「屨」,下 也。 尊 惟 則 于 如 ,藉以 者在 東, 隸子 目門 素鞸 檀 門 也。 主 \exists

筮者異 所筮。 也。 也。 下 卦 南 諾 在 鄉所尊。 闑 在 也。 面 儀 古,以 者取 冒 在左,蓋與筮人同席及面 左。 許 西 南 日 位 抽 即 抽 在 閾 在西方,至是乃東進。 版、然後 宰自右少退 聽 席 右,時卦者位在 主人在東,故 上韇見蓍,示有 上韇,音獨。 詔 卦者,筮人之貳,主記卦爻,故以事名其官 疏 外 筮人執筴,筮人,中士,公有司 也。 坐 辭 所 西 自 謂蓍長三尺,可 西 執 諾,應 面 右。 面 而 布之, 少退 0 由 也。 西故 贊 西而 ○韇,藏 席 事 闑 也。 ,後于主人。 門 此 命。 門橜。 也。 右 進。 文省耳。 中 坐 由 主人西 還,音 兼 南面 著器. 所 卒筮 筮 宰,邑長家臣之通 受命于主人。 閾 布 執 也。 者 西 之, 面,右則 以 旋。 贊 門 卒,已 西 與卦 韋爲之,一 限 中 面 助 兩韇。 也。 0 即 坐 謂 者同 也 鄉 還 也。 其 闊 筴 則 棖 神。 北 轉 與 北 筮 進 上 策 稱 闑 四 也 也。 東 少 行 , 取 X 之間 西 卦 承, 西 即 私 牢 即 面 面 者 面 許 少 蓍 席 東 臣 筮 立

0 面」原誤作「 西」,今據四 |庫本、 經解本改。

以下。 也。 人受眠 也。 H 内外爲士與大夫之分,未的。 吉 也 逐 加 人,私臣 示主人。 西面 事,先旬内近日, 席上轉身示之,但有授受之節 注以卦 條分贅舉,類此者參看可 案《曲 此文省爾。 旅占者、《洪範 卒進告吉。 徹筮 主禮 東面。 ,○反之。反,還也,還之使占。 者記爻,筮人書卦 禮 筮人執之,東 》命解 事者。 席。 要知十七篇,凡彼此 又轉而 不吉,則筮旬外遠 東進。 》所謂「三人占」也。 云爲日,「假 飲筴及席,去之。 位 在西 面 東面, 也 授而 若不吉,則筮遠日,凡筮, 方,進 則 如 與饋 爾泰 則 鄉主人也。 示之。 初 東 亦進 食禮 · 筮有 北 宗人告事畢。 儀。 日。 詳 不言坐,則離席立占 ○案: 略 面 而 異,未然。 常」,蓋 告 〇疏 省互 初,「筮 近主人也 也。 旅占,旅 筮人還,轉 經不言進 以 居多,不能 命筮 0 人執 曲 以 執 禮 之辭 上 筴 似 前 衆 主 以 宗 統 服

有

八變

而

掛

成

也。

書

卦

卦

者

書于版。

言卦,

則

爻可

知。

吉事則 僚 友之屬。 主 樂與賢者歡成之」也。 人戒賓。 將冠子,故合衆賓來觀禮者廣告之。 戒、告也、告之使預 此 與 宿時 詳略蓋互見也。 致其敬。 注 賓, 所 謂 戚 有 0 友

> 儀。 也。 門左,門 宿,讀 賓, 三日,期,冠期。 許; 也。 注止言僚友,此特廣之。 面答拜,乃宿賓,上宿賓是擯、介傳辭, 退,去也。 寶 再 賓許。 加冠之賓既戒,又獨筮之, 戒 贊,佐賓冠禮者,蓋僚友、戚友之卑者,亦有 求日,筮 如 主人退,賓 拜, 亦重 宿 東。 肅。 于門外 重 其事, 賓拜 一敬也。 拜,拜辱。 戒 已筮得 日 輕 也。 皆 故 送。 耐 前三 賓答拜。 朝服 其 宿 如 拜 吉 服如 拜 重 一日,容 者,「筮 去則不顧,故拜送皆不答。 送。 故不 賓禮 于門 也。 辭 之。 並 筮、 辭。 凡以 左 賓,所筮者。 見下。 于 宿 凡拜皆答,如 辭,許。 出門左, 廟門 則不 宿、 贊 重 主人再 爲 冠 其 ·當門 主人再 以 期 事。 者一人 下。 各 禮辭, 此則親 也。 西 賓 其 如 拜, 數 日 面再 乃宿賓 擯 如 拜 求 主人 也 致其 辭 主人 亦 賓 日之 前 主 如 拜 拜 即 東 答 如 筮 期 其 許

拜。 之。 賓如主人服」以下。 〇以上戒宿

廟門 之外。 厥 明 夕, 爲期、定冠時 宿 賓明 日 之夕,冠 也。 于 廟門外者,在 前 日 也 寝則 爲 期 于

則

瀆

也

筮

日

位

也

之家。 明。 事 立于 面 有 南 司 如 兄 有 〇以上爲期 事 相 司 西 宿 弟 宰亦自一 禮 冠事。 西 爲 方, 服, 者。 兼宗族 面 期無他 主人 東 西來,主人之右告之。 宿 自 告事 告兄弟及有司。 服 面 西 親戚言。 事,賓尊,不與,故就告之。 立于門東 來 北 朝 畢。 上。 東 服。 面 宗人告 少 言 請 亦 有 之。 **総**日 退, 司,則 也。 位。 西 宰 質,正 擯者告也。 面 擯者告期 主人及兄弟 告 擯 北 也。 日 者 言賓,則贊可 上。 兄 請 告兄弟 質 謂 期 旦 明 于 有 可 日 擯 知。 賓 行 司 東 正

簷 屋 北 者。」案《説文》棟 設之者,禮先致潔也。 洗 俱 爲榮翼 兩下; 洗 謂 夙 承沃盤 之榮。 東 興,夙,早。 也。 西 則 直, 者 其 于 在 紀 棄水器, 棟 遥 中, 者 相 下 興 直 前 爲 當 腰 爲 于 疑 腰 起 也。 簷 梠 簷, 東 也。 即 也 槃 疏 即 是謂 榮,朱子云: 也。 云: 此 此 楣 在冠 東 之榮。 也 注 西 榮, 日 : 日 一之節 則 質 屋 榮 棟 「士用 明之前 梠 士大夫屋 與 翼 梠 之 南 也 兩 鐵。 兩 北 頭 頭 言 南 以 設 先 腰 起 與

他

禮

亦用之。

素服,

亦十五

升

素

積

辟

也。

素裳

辟

蹙

弟 在 其 表服也。 墉 皆用金, 堂深 分庭,一 堂深。 深者, 多 北 墉 赤 下, 上。 牆 少,如 也。 謂 也。 服,三 大小異。」沃 洗在 在 尊 此 並存之。 弁,象合手。 爵 北 西 南 服在北。 南、北 頭 墉, 加 也。 北 色也 服。 之節 房 或云: 水在 中 去堂如 盤則以匜,若枓也。 房, 也。 爵 之西壁 注以 爵弁,用三十 東房。 弁服 洗東。 庭得二 朱子 弁冕 业也。 堂之深。 云 堂北, 而 一堂之深, 此 庭 無旒 東 貯 陳服 升布爲之,形 蓋 領 水以罍。 中 蓋與碑 非。 爲室, **户** 陳 謂 耐 堂之深 洗之南 服 言弁 在 相 室左右! 纁 于 注 東 當 裳,纁 如爵 及冠 云: 房 便 所 北 則 中 爲 于 謂 尊 又 皆 以 以

房

西

卑

如

取

絳色。 裳可 弁 方領,制與 前 絳 色。 服 知。 幅 韐 禮 後 以 禮 服 ,合韋爲之。 深衣略 四 白 服 幅 帷裳十 鹿 用玄端,正 也。 皮爲冠 同 二幅 純衣、衣 惟 即 衣裳殊爲異。 象 ~幅爲身, 章卑 腰 上古 也。 有襞積 布 爵 也。 緇色。 旁屬 弁 而旁無殺 注 祭服尊 兩袂,長皆二尺二寸。 謂 緇帶, 韎 純 視 絲 朔之 縫。 故 也 在北。 服 注 言 則 衣, 其 以 韎 皮 則 實 爲

JЦ

堂

黑

淺

幅

系。

而

用 特

因 爾

項 縅 缺 有 時 冠

存參。 故謂之「缺項」,非 黄裳,下士雜裳, 前玄後黄。」可 結之。 ※ 弁 缺項 色,屨 有此音也。 左執 文 始加 ,不言玄冠者 組纓 屬 幅 中 四 此 玉 師 也 連 前 缺 藻 隅 用之,尊古 皆詳下經。 較 而 緇 二尺二寸。 圍髮 也 則 爲 注 勝 類及之。 爲 緇 纏, 所謂 綴 于 項 ○案: 綴 大 者,三 帶 際, 黄 明 注 與 夫 也 本 Ŀ 音 别 也。 爲緇 在 結項 「可」字 項 私 綴 有 並 素 縰。 緇 缺 冠武後 一裳可隨 長 謂 \exists 朝 存 上 于 項 韠 缺 布 布 以二條 雜 中。 之服。 缺項 小 武 參。 屬于缺」,亦冠 六 0 未 冠 義未協 注讀 鼻 以 冠 裳 縄, 鐵 尺 詳。 陳之。 用 在武下 蓋 此 以 紐 固 缺 青 可 組 項 也。 次 其 如 注 冠 注 以 項 絲 組 也, 髮 兩 近 中 于 謂 「有頻者弁」之「頻」,或當 也。 貫 0 ○注 相 爵弁。 長不過 也 爲之,以 項名之。 疏 纓 有 緇 人 此 笄 屬于 注 則以冠下有武 雜、色未詳。 繩,穿 又 後 即 屬 帶 謂 謂 廟 然則 者。 或疑 事。 緇 缺, 六尺。 于 上 與 服 玄端 韜髮。 編結之: 撮 爵 八項本在 又項中 士玄裳 朝 缺即 據下 重 缺 此 也。 韠。 服 此 蓋 絛 ; 異其 纙 本玄 預 賓 項 蓋 注 于 廣 組 冠,此 有 端 如 武 頤 明 右 中 以 Ŀ. 亦 中 굸 編 Œ. 之。 裳 終 其 之 冠 冠 古 下 古 1 下 執 爵 音筭。 宿而成 之 焉。 也。 蓋以 次 事 以爲飾。 皮弁笄、 籩 醢 L. 角 在 而 撮髮,故即 也。 長 豆次 醴 先南 置服 ; 柶 服 以 蒲 櫛 所 乾 勺 無 角 北 尊。 據 條 0 南。 玄 實 肉 筵 具 而 爲 算 組 ; 邊 後 酒 酒 爵

頭

服 也 其

腰

謂墮方 或説則缺 薄析 尊升, 二,筵 子 用安髮之笄 之, 籩 用 竹器 ,組之側。 繫笄之左,繞 味 也。 北 在 分笄, 在 簞 最 \exists 取 也 南 也 IIII 南 所 後 脯 其 己 設 後 以 兼 席 也 在 尊 櫛, 組 滑 側 世 酒 奭 篋 冠,應入下文匴中。 爵 固 也。 蓋中 纓、 此 日 簞 也。 冠 尊 漬 酒 理 冠 弁,皮弁,緇 有 尊。 箱 周 尊 乾肉 緇 席 頤 髮器。 緇 笄 受一 篚 制 東 纙 也 声。 者 緇 右 而 也 尊 甒 鄉 蒲 竹竹 加 纁其邊 受五 兩笄、 組 相 升。 冠 醴 房中 執 粱 勺 簞 緇 西 仰屬 器 及禮 紘 麴 也 以 布 面 斗。 竹 爵 爲禮 組 所 及 如 也 纁 冠 待 酌 か. 陳 于 三升 笥。 各 布 紘 鹽 0 答。 之, 無 甒 注 笄 邊 于 子 冠 並 \exists 쪶 笄 以 崱 口 安髮之笄 E 設 篚 瓦 西 屈 者 貯 各 醢 實 以 紘 觶。 所 篋 也 在 音 又 甒 繫 坫 用 勺 爲 以 器 在 拘 南 一 匴 南 同 南 柶 側 先 垂 其 醴, 其 篋 兩 U 後 狀 亦 其 僅 觶 東 特 脯 爲 待 有 如 卷 在 筬 狹 餘 可

面。 司三人分執之。 , 筮日, 二, 戒宿, 北 上。 南 來,故 〇以 南 坫 上陳設。 面鄉之。 在 三,爲期; 堂 角 右第 其 東 四,陳設。 南 上 上爵 堂下 章, 冠 弁 階 前 朱子《儀禮經 也 西 之禮, 也。 賓 凡 升 南 四節 則 面 傳通 東 東

解

)移下經「屢夏用葛」至末五十字于

無笄 之袗。 階, 以上服文錯出,其實皆如主人服。 賓 皆朱錦 將 負 洗 上 玉 東西牆日 東 東,退于主人。 如主人服 冠 東階,主人酬酢賓客之地, 藻》云「童子之飾也,緇 也 塾。 者采衣 地。」紒 玄,玄冠、玄端也。 主人玄端 在 序。 東塾,門 房 結 贊 紒 中 兄 也。 爵轉,亦玄冠。 弟 者玄端從之,凡言贊,皆實贊冠者。 南 古文作 内 西 以錦束髮, 東堂。 畢 面 面 布衣, ○注:「袗,同也。」恐惧。 袗玄. 北 結 故名。 服 負之, 上。 錦緣, 東 與韜髮之纙不 畢 立于外門之外。 東西之中, 0 北面相 擯者 直東序 錦紳 盡 立于阼階 采 也 衣 主人, 弦端, 并 未冠 袗, 紐, 當 西 同 如 錦 户 者 故 画。 下, 童子結 袗 束髮, 私 立于 而 所 在 絲 服。 臣。 東。 立。 外 堂 阼 綌

也。 揖。 門 西,以待賓命。 阼,少北 東。 面。 面; 東序少北 面鄉所饌。 西 東,賓折而西,揖; 之,待于門内雷。 主人揖贊者,贊者卑,揖之而已。 主人也。 至于庿門揖 大門内之東,賓 大門 , 先有事 此 西 至于 亦序端也。 先升自阼階,立于東序 在堂上之東 也。 者,辟主人。 面 主 也。 南 階, 南 西 人 擯者 上者, 上。 〇以上賓入面 面。 人,將同 迎 升, 賓人,贊者隨之,下同。 升自 直 告。 出 以 主人之贊者 贊冠者尊也。 讓 階並 主人之贊,亦以私臣爲之。 待于内雷。 由 將 其 西階,賓主 門 西階 冠 (近序, 折 擯者 折而 左, 主 而 者 南端, 升。 位 東 在 北,又揖; 人 西 出 故 亦盥而升,先立于房中, 内塾,介告之, ,北當序。 揖 升, 即 相 房 立于 面 主人之贊 謂 鄉。 揖,入廟門,主人折 南 與 再 直 之東 立 房中, 賓揖 拜。 面 碑 廟 每曲 贊者盤 于 序。 將 在 賓西、 庭 北 序 先人。 擯 立于房外之 筵,布 賓 揖。 ,將冠者、 適 者筵于 曲 因 當 端 序, 答 子 于 東 碑,又 又 廟 冠 拜 冠 面 洗 東 西 之 于 席 西 而 在 道 告

六

執

東

冠

主人升,復初位。

初位,謂東序端。

主人言復,見賓之

其解 降; 在序端 則安髮之笄在焉。 置此,經文省耳 坐 物 未聞。 賓以 ,則篋簞 設 **贊者奠纚、笄、櫛于筵南** 東 揖壹讓升。 纙 己事降,故不敢安其位也。 北 賓 面 在房矣。 盤卒、盤、當于洗南北 賓坐筵 鄉 賓揖將冠者,將冠 將 賓降 冠者揖。 笄,兼安髮、固冠者。 前 揖 則 將冠, 此 讓皆一,殺于 在冠者後 將冠者即 降, 盥以 端。 面。 賓辭,主人對。 初升也。 西 筵 者 致潔也。 奠,置 壹古文「壹」皆 面 即 在 西 坐 篋之物 筵坐; 面。 也。 也。 賓先升。 主人 費者 言 第言 俱 縄, 賓 應

衆以服備而已。

〇以上始

加

親其事 去地二尺,升 不然。實筵前坐,東面。 緇 ž 項 面 左手 授賓。 布 行容惕 也。 冠。 興,降 士堂高三尺, 階亦三等, 每等一尺。 一等則去地一尺。 執 惕」, 賓 前。 西 面 西 其常 受之,授 此 階 言項 也。 正繩,贊設之,此又二之,示 等。 此特 其授受蓋在 既 則 則 項 言 以 本在 執冠者升一等, 容,則 算 退 冠。 兩階 矣。 又加詳 進 相 降 賓 容、《玉 接之間。 右手 整 等則 矣。

興

纓也。 前。 注云: 房,以待再 端 不言「將」。 爵 乃冠; 韓, 「行翔 ○注云: 加也。 亦易屨,下並同。 賓揖之。序端東, 而 興,復 前 「設缺項。」冠者 鶬。乃祝 不言容者,下弁服尊, 位 西 ; 出 序 辭 房 端 北鄉揖之。 興,已冠,故曰「冠者」 並 見下經。 南 東面。 故威儀 面 贊者卒。 適房 坐 有 加 加 如 禮 此 初 服 成,出 特觀 6 玄 而 結

不升。 正總 容」以下。 冠當加安髮之笄,至此始言笄者,因弁笄并及之。 冠,重櫛之。設笄。櫛則去纚矣。 也。 如初;「賓降」以下。 賓揖之,即筵坐。 賓揖之。 右執項,左執前,進,祝,加之如初,「 復位。 適房服素積 贊者卒紘。 冠者與贊俱 降 二等,受皮弁; 素轉,容,此言容,所 加 不言設縄 笄繫組。 坐。 可 櫛,去 興,冠 知。 賓 授者 又始 盥 緇 者 進 布

容」, 原誤作「客」,今據四 據經解本改。 庫 本、 經 解本改。 惕惕

0

謂 服 備 而 容 體 IE. 也 出 房 南 面 觀 衆, 且. 待 加。

加

略之也。 〇以 冠者徹之。 冠者之首,故不徹,皮弁有笄,徹則俱徹矣。 他,謂卒紘、容出,及如始加諸 弁 二,初加,三,再加,四,三加 加之。 上三加。 徹皮弁、冠、櫛、筵、冠、緇布冠 筵,主人之贊者徹之。 服 右第二章,正冠之禮,凡四節: 纁裳 等, 至 韎 地 幹。 矣。 儀。 冠彌 其 三加之服 他 尊,禮 入于房。 如 加 彌 一,賓人面位; 陳時 皮弁之儀 下 弁、冠、櫛,贊 也。 也。 置原設處。 已詳,故 爵弁在

牖之間 葉,則 洗者北 盤而 于 故以賓主 加 户東,醴 柶 洗觶 柄鄉賓 筵于户西 面 堂之中,所謂 加 也。 之。 于 側 觶。 出 據此,則房中又有洗也。 筵 賓揖 酌 于房,故受于室户東近房之地。 西 覆 醴 南 南 之,未用。 醮于客位 面。 冠者就筵,父子不可行揖拜之禮, 側 画。 ,義見上。 醴子之席 不言坐,待 也。 面 也。 酌,以勺 葉。 贊者 洗在北、 事 户,室户,位 也 柶 洗 酌 大 于 賓尊,不入 堂西北 醴 端 賓受 于 房 也 觶 在户 中 禮 隅 也。 面

受爵 〇以 面。 授之。 手祭,故左手執觶。 脯 前 房 言拜送,辟正主也。 枋」爲 也。 擩醢而置之豆間。 脯 賓東面答拜。 在西。 「柄」。 冠者筵西 加 柶 冠者即筵坐,左執觶,右祭脯 0 再 面 枋 言 祭,祭先代始爲飲食者。 拜 薦 加 則南 以 實既送觶 受觶 柶 脯 柶 北訝受矣。 醢 爲 祭 下 《燕禮 醴 面 薦, 還 二,案注 柄 西序 進 申 筵前 也。 疏 之。 端 云: 云「始 贊 東 祭脯 北 面 冠 筵 面 面 西 者 答之。 枋 扱 醢者,以 進 拜 醢 今文 之筵 皆

方右

不

南

乃言再 以至于三也。 坐 也。 賓答拜。 西 又扱再祭」,此本《聘禮・ 而 鍤」,又作「扱 也。 拜,與拜既 奠解拜,降由下。 此 者,據《 在 啐,嘗也。《昏禮》,賓西階上 席 末 冠者 爵同。 廣 者 興,筵末坐,啐 韻》「再, 蓋示 . 奠 觶 柶 席 上不 人以 將拜,暫奠于薦西。 祭畢,不 仍 記》言之。 于 拜 也,則 成 薦 故 人之禮 東 用, 降 醴 ,奠觶 再扱者,不 故 啐 也 但經言三 捷之。 酒,不 席南 執 捷 亦 坐。 鄉 此不卒爵 觶 初 敢 東 過 祭與此同,記 興, 以資 治 興 凡 上 仍 反。 言薦 前 降 則 禮 將 扱 既 末在 筵 陸 自 奠。 謂 啐 作 居

將

親

祭

不能拜 可知。 降。 禮 拜送,以送者手有所執,既授乃得拜送,受必先拜者,既 拜爲低手祗揖而已。 云: 母入廟宜在東 階,父在,不 也。 母 北 〇右第三章,禮子。 也。 時在 母拜受,重其物自廟中 面 坐 母 闡門外」,恐未合。 由阼階。 房。 取 文拜。 脯 辟贊者,及陳設, 子拜送、《儀禮》之例、皆先拜受、後 ,榮尊者之賜, 適 婦人皆俠拜,是所謂成 東壁,廟四 北 來,此 故取以見母。 面 故在此,近于房。 見于母。 周有 肅拜也。 牆,此 人而與爲有 朱子以 降 東 母 自 牆 受則 ○註 南 也 肅 西 面

命字。 西。 進,字之,辭見下。 冠者立于西階 主人降,復 賓降,將字子,故降。 東 冠者對。 初 南 位。 面。 前阼階下 直 對, 自東壁來。 西 應也。 序 直東序西面之位。 東 辭未詳。 賓字之,賓少 画。 西階下之 〇以上

又不拜送者,以 賓出,主人送于廟門外,禮畢而退,不出外門, 將醴之也。 此當有見父、及賓、宗人告事畢

> 帷幕簟席爲之。○以上賓出就次。 請之。 諸儀,蓋闕 賓禮辭,許。 文 也。 請 醴鄭作「禮」。 賓就次。 次,廟門外更衣 賓 ; 謝 其 勞 也,擯 處,以

者

脯

醢。

薦

東

者,奠不舉者于左

也。

降

筵

;

升席

奠

吳鱓.

復

雉。 時之緇 如之。 以上見兄弟諸人。 見于鄉大夫、鄉先生。 服玄端。 北而 廟在寢門外。 拜兄弟當東面也。 之。 答拜。見兄,則冠者先拜。 Ė 先生,注謂致事之卿大夫,其實凡德望 禮,于尊者奠摯而不授,《士相見禮》詳之。 經特據弟言,以見其尊也。 拜,姑姊亦俠拜,但 布冠。 冠者見于兄弟,在洗東者。 贊者後賓出也。 服玄冠、玄端、 不朝服,未仕也。 見姑姊,不言妹,可知。 如之者,亦再拜 無拜受儀。 費者位 爵 如見贊、見弟,則弟先拜,乃 遂,繼事之辭,大夫,州 韠 在西,故冠者西面 見贊者,西 奠摯見于君。 而答之。 更言玄冠者 乃易服,去爵 兄弟 如 可 師者皆是。 見母。 人 再 面 拜 入寢門也 遂 以 百拜,亦 拜之,則 士摰 别 以 冠 弁 冠者 長 于 服 者 摰 以 用 冠

乃醴賓以壹獻之禮。 獻、主人獻而賓不酢也 與

之贊者 出,贊從。 節, 賓 醴 此 俎 帛 上 則 一體子同。 俎。 繒 一,命字,二,賓出 時並行之事,而錯舉之如此。 歸 也。 無 也 燕 歸賓家也。 俎 也。 儷 ○注云: 與,與 盛 皮。 性器 人 主人 送 獻 兩 ○以上禮 制 主人獻賓,即燕無亞獻。 也。 酬 于外門外,始迎賓處。 就次, 鹿皮也。 如 賓, 几。 贊 三、冠者見兄弟諸 賓。 冠者爲介。 答 其實殺則用 **贊者皆與**。 厚 右第四 意 也。 章 腥,否 束 案: 皆無酬 冠畢 帛,十 音預。 燕爲飲酒 則 再 餘禮, 用乾肉 四 拜 幣。 端 〇主人 禮 曰 凡 禮, 賓。 束 歸 賓 四 折

之而不改也。 酒 1 尊之器,因 古今之判也。 也 此合下若殺,皆以禮之變者言之。 **棜禁。**』《玉 以 在 尊于房户之間 下爲貴 西 若不 以 玄酒 醴 爲 也 凡陳設 兩 酒 新 戒。 則 甒 大 大夫用棜,士用 水。 夫亦曰 有 儀 醮 《禮 不用 禁, 房 與 器 用 一體小 猶設之,不忘古 西、室户 兩者,酒及玄酒 酒 斯 一天子 禁」,見 異。 注 禁。 醴 所 東。 諸 0 近 謂國 下 質, 棜 侯之尊 疏 鄉 無 醴 謂 也。 故 各 有 足, 此 在 飲 舊俗, 後 酒 廢禁、大夫、 房 夏、 禁有 也。 世 在 禮 西 酒 殷 易 , 先王因 足,所 禁,承 禮,非 爲 在 西 堂, 醮 玄 Ŀ

賓自洗 也。 洗 如 也。 三加皆醮 始 南 用 如 順北 待之。 初 升 初 加 者,醴 賓降, 加 酌。 酌。 醮 勺 上 矣。 冠 洗 時 也。 南 凡 醴 者 不降洗,借 取 用 有 上 洗 在房,賓尊不入房,故贊者 枋。 據 脯 升 爵 皆 每 篚 此 降, 醢 筵 于 加 酌 則 在 有 篚 者在 坐 ; 洗 賓盥辭降之節爲準 篚 易 以 在 西 服 有 辭 下舉異于醴者言之。 下 南 首尾 之節 左 也。 也。 降 南 執 矣。 順 此 玄酒 冠者 如 爵, 亦當 初 或 亦有 洗, 上下 右 拜 洗 然 亦 故 祭 酌。 異 禁及勺, 受,賓 之中 如 特言 以 蓋 脯 酒 始 刻 醴 易 酷 在 飾 時 如 加 服 不 答 堂,故 醮 記 之 乃 以 辭 祭 卒 拜 則 醮

整也 故其 相 徹 言如 者 酒 因 奠爵 薦 興, 初,可 謂 節 者,則不 爵 不 撓之以 于薦 同 筵 知。 辟 徹。 末 後 加 示 東,此舉異于醴者言之,但文有詳略爾。 加 坐, 啐 立 新 皮 上 也。 于 祇 弁 筵 薦 其 酒 醴 入房, 如 西 他 故 降 皆 初 醴 爵 待 儀 如 筵 畢 入篚 再 見 拜。 初 加 再 母: 此 而 筵 言 醮 及下 賓 盡 尊 者異 攝 答 徹 不 皆 酒 拜。 其 如 此 徹 攝 異 者 同 醮 者 冠 口 不

IF.

熬矣。 則 如 之,嚌,至齒嘗之。 將升于俎,又節 初 如 初者,不 醴 其他 北 但 醮 如 面 如 折 醴 有 取 初 之, 且 乾 脯 脯 如 故 而 肉 脯 始 見 曰 可 醢 醮 折 折 嘗 于 洗 也。 俎 酌 母 俎, 則 下三 亦 0 如 乾 此 火 肉, 始 \exists 醮 上爲之,如《内 就 取 醮 同。 大 不 脯 殺 物 攝 則 加 者言 豚 酒 爵 解 如 醮 再 也 而 弁, 皆 則 乾 醮 用 类 之。 如 嚌 脯 餘 以

醢

也。

〇以上用

酒

此

Ŀ

用

牲

子

設 其 以 扄 實 左。 載。 兩 載 也。 中。 舉 閉 于 豆 字衍 合,謂 鼎 豚小,故合用之。 鼎木。 鼎 若 下 用 豆,以 案: 設 殺 並 載與升,皆合左右胖也。 金玉爲之。 存參。 同。 則 注 此 局今文作「鉉 云 特 木爲之, 言設,則 始 下,豬 合升,煮 「扃以 醮 鼏, 鼎 離 如 盛 當從古文作「扃」。 子曰 杠 初。 肺 濡 鼎。 覆 物 于 豚。 割 如初 鑊 用茅,長 鼏 蓋 有 而 日 禮,吉事牲用 特,一 0 蓋 杠 未 亨, 兼 亦 鼎 絶 以則東其 醴 用之也。 有 葵菹 在 也。 使 及醮言。 鉉本 高 鼎 可 H 載敖 祭 葵, 有 在 本, 右 升 鉉 鉉, 鼎,不 可 短則 M 在 氏 菜 再 有 嚌 貫 事 俎 云: 名 鼎。 也。 醮 待 編 耳 用 \Box

其

嚌注: =螺。 菹 嚌 醮 醬 肺 兩 屬 作「祭」。 ,釋上嚌之爲肺也。」卒醮,取 攝 籩 : 酒, 醋 漬 竹 存參。 而 如 豆 成。 再 也 醮, 盛乾物。 嬴 之,皆如 今文 再 醮 作 栗、 攝 蝸 酒 初 籩 脯 _ 可 知 脯 嚌 醢 四 以 肺 ; 加 豆 降 羸 籩 俎 朱 蚌 盛 如 子 牲 屬 饌 - : 俎 也 同

之儀。 于 端, 在,有鼎 于 素。」○疏云: 他皆 孤、故 冠異,且明陳鼎之所也。 丽 門外,直 西 Ë 此 階上,答拜。 若 正冠迎京 如 禮 ,不陳于門外。 身自爲主 正冠。 孤子,無父。 冠之日,主人紒古文作「結」。 于 「即上采衣紒。」蓋悮。 阼。 東 賓至升 凡 塾 也。 身自主 拜,北 北 階之節。 不言采者、《深衣》曰 與 疏 面 則父兄戒宿。 <u>Z</u> 正 ○案: 冠 冠 面 凡 鄭以 故 别。 皆 于 殺皆 不在客位,此 注 如冠 阼階上, 賓亦 上若殺不言 若殺, 謂孤 拜,揖讓,立于 然,于 主 子 得 此發之者,嫌 諸父、 則 申 而 别言其 如父兄主冠 舉鼎 「孤子純 内外,故 禮盛之,父 迎 諸 賓 北 兄, 異 者 序 陳 面 U 知 與 滴 主

節: 也 則 禮 則 何 應 不 鄉飲 也? 遽以 陳于外。 使 此 〇以 言 ,用酒,二,用牲, 人受脯 門 酒 醮, 若庶子, Ŀ 遵者之位 内 一孤子冠 斷之, 竊謂 互. 文 于 鼎 也。 且 必先陳于 等諸 西 辟 則 據 階 正冠 冠 冠 昏 雜 三,孤子冠等諸 下。 者 1禮》,壻 儀。 于房外 也 外, 母 就 右 而後人設。 遂 不 有 第五 取 醮 南 父 在 脯 而 章, 降 焉。 面 雜 或 陳 處 儀 冠 授之,不 鼎 上 註 歸 略之。 禮之變, 于門 云 經文略, 寧, 或 外 尊 孤 至 疾 子言 凡 則 似 東 東 病 壁 又 不

後。 人曰 以 者 日 稱。 冠者名。 吾子 病吾子,病, :「某不敏,某, 舉多者言之也 吾子,親之。 將 戒 ·重有 「某猶 加 賓曰: ○朱子《儀禮 布 命,某 于 下「棄爾幼志 願 辱 「某有」 其首, 吾 也 願 敢不從?」許之。 蓋 經 賓 子之終教 吾子之教之也。」子,男子 傳 名。 子某。 謙 冠、 通解 辭 爵 」諸辭, 恐 弁皆 彩 敢 不 上某,主人名; 此 之也 辭 皆所 能 布, 下 諸 共 皮 謂 辭, 此 弁 宿 教 事 謂 賓 用 按 也。 日 禮 經分附 皮。 共 對 下 辭。 : 冠 賓 某 日 之美 H 事。 某 對 主 其 將 布

壽

則

畢

德 所 發 駿云:《 二支言。 正,猶 徵 冠則有成 服 敢 將 加不言祝,省文。 日 之,則將臨之矣。 德成 加。 也。 徵 筆 所謂 謂 ,令、吉,皆善也。 不 加布于某之首,吾子將莅之,莅, 勒 也 冠。 夙 善也。 反。 也 也 兄弟具在,欲觀成人之德。 永 釋文》無叶音 自求多福 疆 乃申 人之德也。 興?」以上 受胡 棄爾 下 黄 淑 界 同。 以 限 耉 慎 爾 福 幼 也。 月之令,咸 敢宿。」實對今文無 醴 無 爾 服。 ○介、景,皆 也 志 ,此《經 辭 疆 壽 始 德 受天之慶。」 擯 胡 曰 : 考維 解。 加 申 童 再 黄 遐 心。 傳 眉 元 重 加 也 黄 通 始 棋,祥 也,謂 服 甘醴 大也。 加 壽 髪。 曰 順 解 加 爾 \equiv 萬 爾 例 耉, 叶 再 惟 服 也。 祝 加 年,老人有豪 叶 以 成 也。 蒲 加 成 吉 垢 音 厚,言厚,見 德則 對。 北 曰 成 \vdash 月令辰 羌。 介 0 面 咸 反,下同。 敬 臨 厥 元,首 加 大 爾 如 「 令 也。 順 日 也 以 其 凍 景 成之也 再 威 梨。 謂三 也。 福 戒 歲 ,以十 月 眉 加 福 未沸 言 杭 時 人 之 某 壽 皆 成 首

叶

之。

日

1伯某

甫。」

伯

其

次。

某, 所

命

字。

甫,丈夫美

也。

宜之于假,叶

古。

0

大也。

宜

之故大。

永受保

稱

如

嘉甫

孔甫之類;

或作「父」。

仲

叔季惟其所當

之反。 保 疆 升 籩 也。 來。 忘。」 也。 嘉 善父母爲孝,善兄弟爲友。 祭之,以 当。 一。一字 ,安也。 豆 折 爵 昭告爾字。 嘉薦 嘉 有楚。 叶 ,承天之祜。」福 ○爰,於。 俎。 醮 ○亶,誠也。 力之反。 薦令芳。 辭 解 孝友則安。 伊 定 乾 日 脯 籩 豆 肉 爾 孔,甚 〇孝友之德,有以感之也。 若 祥。 「旨 叶 時,成熟之時。 豚。 嘉 禮 脯 乃 滋 再 醢。 也。 申 儀 善。 酒 承 醮 承天之慶, 也。 〇昭 格 既 楚,陳列貌。 爾 髦 日 既 天 薦 感 \equiv 備,叶筆力反。 服 明 士: 清, 之 而至也。 脯 醮 「旨酒 也。 攸 始加 休 禮 醢。 曰 : 嘉 宜。 儀 爰字孔嘉 芳,香 叶 薦 美 咸 元 有序。 「旨酒 既湑,音諝,清 永乃保之。」 羌。 髦,俊。 也。 加 服,兄弟具 亶 孝友時格, 也 時。 爾 令月吉 受 壽 服,肴 令芳, 福 祭此 考 叶 拜 攸, 所 受 無 不 作 居

廣

有

伯、仲、 祝 辭 叔 季, 長 幼 之 稱。 辭 惟 稱 伯 此 又 申 之。 0 以 上

接縫中 總屨。 之爲言拘 所不及,凡三節: 緇約 之; 冬著皮屨,故置此不著也。 弁服之屨。 弁服之屨。 屨, 也。 綦、《士喪禮》詳之。 不屨者,豈嫌 冠屨色近。 魁 **總純** 屨,複. 有條紃 此 不屨,不著 魁 也、狀 緇 陸 冬皮 爵 布 ,凡染七人爲緇 也。 Ê 弁 冠 狀 如 日 青 玄 舄, 一, 儐辭; 其 刀 如 屨 纁 純 類 端 衣,鼻在屨 絇 也。 海 屨, 緣也, 可 于 服 襌 ○紃,音 蛤 音 小 繐, 之屨。 下 也 劬。 黑 二,祝辭; 〇以上屨 功 柎, 日 謂緣 布 緇亦 布 約 屨。 頭 寒 繶 注 細 旬 與? 邊 素 繶 以爲 許 也 而 音億。 黑 圓 急也。 夏 也。 制。 用 疏 純 謂 積 條。 或 行戒。 皮 者, 用 白 以 三者皆用 云: 右 純 純 純 葛。 故 繐 蛤 純 第六 屨 博 \exists 博 衰 灰 此 繶 博 音 所 미 寸。 塗 春 寸。 以 準。 玄 寸。 謂 用, 青 屨 秋 補 牙 端 魁 不 所 使 上經 此 屨 此 此 底 博 屨 白 柎 黑 非 爵 皮 系 相 約

緇布之冠也。 記 冠 義 太古冠布,太古 後世所作 以 補 經所不及。 唐虞以 前 始 用白

 \equiv

四

也。 與 也 注 子 德。 彌 有 于 義 非 而 古 不言矮,則士大夫 爲 爲 布 介之邸 生三 不合 喪冠, 未聞。 云: 時 後 飾 尊,緇 阼, 冠 成 示 王 世 質 著父子傳 道 也 用之,故 日 之 制 孔子 玄冠 東 重 也 且. 猶 同 不 冠 使 ·父名之,既冠,賓字之,是字以敬名。 序 布 都 古,故服 制 加 而 知 至 少 恒 也。 人 Ħ 齊 也 尚 殷 自勵其 代之義。 著, H 爵 北 土 音 可 無 也 道 委, 弁 西 固 齋。 章 故冠畢敝之。 其齊冠。 敝。 吾未 尊 面 有 也 安 彌 甫 志 之 也,尊其 著 也 則緇之。 尊 位, 0 ~ 禮 醮 也。」敝、壞也。 緇 按: 也。 春秋有 之聞 冠 毋 撮 其 所 于客位 近 而 追 書 者 以 敝 緌 有成人之德也。 諭 阼 其 字之,敬 同 也,上 日 安 以 何 用 階 也 其 無飾,後 説與「其 Œ 必 緌 矮者,故孔 户 户 上 在 牟 章 志 言。 容 敝 也。 堆。 甫 經 貌 也。 西 禮 緇 也。 注 世 其 南 矮也」 三字 枝 不 0 以 適 궁 : 布 以 木爲 應有 名 面 委 服 子 白 冠 周 著 子 禮 必 此 謂 貌 言 垂 也 布 書 邸 道 代 冠 緌 加 加 稱 冠 于 以 冠

皮弁古今異同之制

布恐後 寸; 詳 티 : 制 夏 漆 弁素積。 布 收。 , 姑 疏 殷冠委大臨前,夏、 殻 狀 云 依諸家説解之。 世 以 如 歛 之制。 \equiv 覆 緇 髪。 質不變也。 者制 縫 格。」夏后氏 其 〇三者 並 上,前 相 存 似 參。 又《三禮舊圖》云: 而 周 以 制 廣 微 上明 冠 四 未 周 之道 異。 委前小損。 寸,高五寸. 詳 弁, 經文緇 姑 並 也。 爵 依 存 弁 注 布冠、玄冠 案 : 疏 後 説似 殷 解 三王 廣 冠 之。 冔 有據,但 四 制 代冠 寸 相 爵 共 又《王 覆 似 制 高 飾 皮 漆 皆

知 則同,蓋以 也 者五十而 也、天下無 曰「夏之末造」,則不足法明矣。 未冠爲大夫者而明 大戴記 ,夏之末 無大 明《士冠》一 夫 后 公冠》篇及篇首注疏之非 造 生 爵 冠 也。 而 何 其 禮 貴者 制 篇 造,作也。 而 大夫冠禮之有? 之非 爲 有 上下 也。 古也。 其 通 昏 元子雖至貴 天子之元 承上言諸侯亦無 近行之禮 禮。 公侯 繼 也 或 之有 世 改 子 據 其爲學士 以 據 娶。 此 後 立 猶 冠 冠 可 世 古 諸 +: 禮 禮 以 有

之殺去聲。 言也。 其義未詳,據注疏解之如此。 則謚之。」〇案:此記與經義無涉,似承上文而推廣之,但 也。 則殺者,等殺也。 官爵人,已遜于古,死而謚,去古愈遠矣。 注云:「古、謂殷。殷士生不爲爵、死不爲謚。周衰、士死 繼世,亦非生而貴者也,而況大夫? 侯,象賢也。象,法也,法祖宗之賢也。 注云:「今謂周衰。」古者生無爵,死 其説視注疏爲勝。 也。 死而溢,將葬易名,以表其德。 案注云:大德爵大官,小德爵小官。 又敖氏云:古,上古也。以 以官爵人,德 蓋爲死謚周道 此言諸侯雖 無 益。 今

儀禮章句卷第一

Ŧī.

儀禮卷第一

和吴廷華章句

仁

日香。 娶」,則猶未仕爾; 昏爲嘉 士昏禮第二 禮。 其曰士者,鄭《目 經本無「士」字,據《曲 日入日 昏,取妻之禮 録 》所增 ,以昏爲期 禮》「三十 也。 此當第 故 耐

十三,第二説非,詳《士冠禮》。

迎。 布 昏禮有六:首納采,次問名,次納吉,次納徵,次請 納,入也。采,擇也。 庶人。」〇案:此當有闕錯 來之義也。 者,女爲下,取陽唱陰和義。」敖氏云:「此謂自天子下達于 神席 六摯,大夫執鴈,昏則無問 昏禮:下達,疏 也。 户,禰 主人筵于户西,西上,主人,女父也。 廟之户。 女氏既許,乃使 云: ,姑存二説備參。 户西,尊之,將以先祖之遺 「男父先遣媒氏通辭, ,貴賤皆用之,取其順陰陽往 人用鴈,納采擇之禮 納采,用鴈。 期、次親 ,言下達 體許 筵,

右几。 也。 親也。 賓升西 告主人。 堂上東西之節也 面。 上北 故不答,亦每曲揖。 亦西面拜辱。 父使來納采,故曰使。 屋,中脊曰棟,棟前一 \equiv 請 玄端,禮服,使者以鴈來也。 道尊右之義。 人,故受之于廟也。 讓。 事,擯,佐禮者,女氏之私臣 賓降 授,授鴈也。 面再 東 几,神 主人以 主人如賓服,迎于門外再拜,門,外門,此 階 面 出 拜,拜其納采之命,許之也。 當 西,右 致 賓不答拜,揖入。 所馮 阿,俱不在序端。 命。 出 楹,柱 南 賓升,西 也。 席有首尾,上,其首也。 也。 廟 至于廟門揖 架曰 面 注以爲夫家之屬、恐非。 納采之命也 並授,示合好也。 人道東上而左几, 也。 主 使者玄端 楣 人降授老鴈。 ○案:使當是《周 楣 堂上近階,東西各 面。 前 也。 阿,棟 架曰 辭見記。 以,與 入,三揖至于階 請 實即使者,禮不在己, 至。 庪。 猶 不言受,以授概 也。 授于 也。 問 此 使 西 神 也。 入堂深,示親 主人 士大夫五 禮》媒氏,男 所吏反。 上,神 老、私 升 道 擯者出 一,其 楹 自 入告。 故 阼 間 阼 道 臣之 間 取 階 也。 階 南 0 之 則 地

長。○以上納采。

賓人。 禮。 執鴈 問名者,如 擯者傳辭請之,辭見下。 以 授 又一鴈 E 于楹間 入行問名之禮, 者出請。 問名 伯姬、叔 也。 如 如 納采。 姬之類,故下記易名爲氏。 請問 賓出未去,有事可知,故出 亦如上主人迎賓以 主人許。 擯者 名,不言納,文省。 出 請,賓告事 請必待許,此特明之。 下。 將歸卜 女不以名行 請也。 畢。 授 如 故使 人 初 賓

之,左執校,以右 挍,拜送。 階上,可 有 易他席布之,亦南面 賓 記,納吉以 初 亦就 篚 納納 正及籩 出 次。 知 豆, 請醴賓。 下 升。 如冠禮。 主 賓 亦 校,几足也。 然。 人 袂外 西 立 徹 階 于序端。 拂之。 賓禮 入告,即 側尊甒 几,易他 上 主人迎賓于廟門外, 賓既 北 辭, 既授,乃拜送。 主人北 出 面 即席 語也。 醴于房 几授賓。 許。 答 乃授。 拜。 不言擯 此及下賓辭,並見下 面 中。 改筵, 主 再 拂、拭、尊賓、新 賓 人 拜 人 以 東房也 八告,可 拂 揖 几 東 不言阼 讓 几 辟, 上。 亦 知。 授 如

> 醴賓。 拜。 右手祭。 至階。 逡巡辟 授于階下。 主人 降筵,北 卒于階上,不敢以賓禮 贊者薦 拜,至筵前受之。 西 出 坐左,人道左几。 一于房。 北 坐同跽。 解。 右第 面。 拜 贊者酌醴, 脯醢 也。 以 面 主人受醴,亦于户東東面。 辭其親徹。 主人送于門外, 自東來席南, 柶 章,凡三節: 坐,取 以 主 祭醴三; 几 復位。 者, 賓即 人 之西 答拜。 自 加 授 脯。 賓降,授 居也 故西 筵 而 角 |階上 序端。 一,納采,二,問名, 未 尊主人之賜,將執以 柶, 西 坐,左執觶,祭 設 北 1階上北三 再 建 賓 面。 答 面 尚 主人 拜。 人 柶 即 拜。 執之也。 葉,亦覆之,如 賓 脯 筵,奠于薦 興, 門 作 拜 面 之,往 # 受醴, 階 坐奠鱓 坐,啐 面 北 枋, 也 脯 上 面 人,從者 反命也 醴賓,皆 拜 醢,亦 〇以 西階上 自 筵 設于 醴 冠 遂 席 送 前 禮 上 前

鴈,如納采禮。主人筵于户西,及請醴賓以下。○右第納吉,歸卜于廟,得吉,使使來告,昏于是定。 用

時行之。

二章,納吉

可 兩 多 面 0 爲摯。 右 也。 用玄纁,《 故不 納 皮, 徵 用 鹿 禹 皮。 鴈 納 貢》方 徴。 愚 兩 聘 調鴈 貢 案: 皮 也 亦用之,則 日 經 儷 摰 玄 不 也 纁 言 如 鴈 束 帛 重 納 則 禮 帛、 故 吉 所以 也。 疏 儷 禮 謂 + 納徵,不 納 皮 端日 徵 亦 凡 有 束, 用 得 幣 束 鴈 混 帛 Ŧī. 帛

期 請 宜 纁之爲陰,其理未確。 自 由夫家 定 也。 如 納 期,合昏之期 來,故 ○注以玄纁爲陰陽 徵 禮 辭之。 0 惟 用 下 也。 鴈 記 鴈。 與 備 男 兩 皮 氏既卜 辭 竊謂 主 帛 則 人 爲 玄,天之色,固 古 異。 吉,又請 解。 辭 也。 0 陽倡 右 者, 賓 第 陰和 謙 爲陽; 許 四 不 章, 告 期 敢

方, 載,此不言者,此令載 豚,合升,合左右胖 五,父子異宫。」此同牢之饌也。 北 期 面 北 初 昏, 上。 娶妻之日 寢,壻之室也。 升 鼎,下 于 鼎 亦 取 Ŀ 陳 合載 其 者 偶 注云:「命士以上,年 豚鼎 也。 鼎 俎 于 在北。 下 也 寢 婦 饋言合升側 去 門 其實 蹄 外 特 東 踐

汁

也。

太古之羹,

無鹽

菜。

爨,竈

也

尊

于

室中

北

墉

此十四名 腊用全。 祭肺、未食時祭之、下皆坐皆祭是 在 地 之,下皆祭舉是 也,下 中 穢 中,有正脡 惡,不用。 者,亦取 並 同 也。 其 横三,此取 舉肺脊二,舉食 祭 八偶。 肺 魚 腊 + Ē 有 特 脊 四%饋 肫。 豚 也。 止 也。 敖氏曰 凡 時 兔 所先舉者 肺 俎 腊 食 舉 用 禮 肺 也。 此 骨、二 食時 魚 有 以十 作 脏, 四者, 者,夫婦各 純 Ŧi. 也。

音泰。 敦,内外皆圓,皆受斗二升。 敦皆蓋。 成。 几 醯 也。 音俾。 醬 ,柔之以醯,醢 豆, 菹以麋鹿等肉, 牒而切之, 設扄 兼巾之,兼巾,以 二一豆,下只言醬,此 不升。 羹湆 ○ 註 : 鼎。 敦, 簠簋之屬。 去急反,今文作「汁」。 「肫」,或作 蒸乾 髀, 設 股 洗 肉 也。 于 雜 樂塵 純。 以 阼 簠 云醯醬者 近 有 也。 粱麴 階 竅 蓋 内 賤,]圓外 或牒 東 六豆 及 飯 故 在 鹽 南 宜 謂 方; 而 共一 不 温 爨。 以 漬 不切 升。 也。 以 醯 簋, 饌 1|1 西襄 美酒 大羹涪,煮 ,實之以 于 皆 大如字,又 内方外圓 醬 黍 房 飪 百 稷 菹 中 而 H 髀 正 熟 几 醢 凡

之節

麤葛。 也。 卺,半匏,蓋分一匏爲二,不用則仍合爲 爵,夫婦各二爵,故四。三酳用卺,不設篚于室者,室隘不能 無玄酒,非夫婦尊、略之。 下,有禁; 不言篚者,爵在外,篚不重設也。 此有醮子禮。 加勺,皆南 玄酒 在 枋。 西 ; 皆 篚 據 皆 此 在 [兩尊。 則 南, 尊于房户之東, 网 甒 也。 此 實四 也。 夫婦之尊,内尊 一、再酳 綌 爵合巹。 幂 絡, 用

以自蔽 聲。 者畢 裧。 之義與? 車 見與袘 主人,謂壻。 亦 ○從者乘貳車。 昌占反。 如之,男氏迎 主人爵弁、纁裳、 也, 同 緇 註云,「攝盛」,存參。 有 也。 曰主者,壻爲婦主。 蓋。 ○談,車裳帷 乘 未 至于門外。 墨 仕 是婦之車. 執燭 用 車 爵 . , 墨 弁, 也 前 緇 故 車 從冠 \exists 馬。 有革,或 袘。 從 袘,裳緣。 周 婦 女氏大門。 車二乘 時 禮 車 從者持 所 取 婦 加 ф 其 不言衣與帶 人乘安車。 也。 車 以 膠 從、乘 〇以 》謂之容,女 固 照 從去聲。 道。 上往 亦 並 用 者 婦 有 迎 去 鴈

面

被

服之。 髮髢。 白與黑謂 領。 以婦道教人者,謂之姆,古傅母 笄宵同綃。 待事也。 衻,如占反。 設神席。 位 穎若迴反。 衻,裳也。存參。 右 不言裳者,婦人德尚專一,故不殊裳,謂之袍。 純衣,絲衣,色玄。 主人筵于户 女右也。 下不言告廟 之輔 亦當户南面,尊之,此有醴及戒,具詳下記。 衣在 〇女,謂將嫁者。 謂 黼 以當詔禮。 施黼于襌 在 其右。 立于房中,南 西 其後。 蓋 衻,緣也。 示義于此 西 婦人年五十無子,出不 衣之領也。 上,右 女從者畢袗玄,纚 也。 從, 媵姪娣之屬。 次,首飾,次第髮爲之,所 也。 綃,綺屬,亦玄衣以 以纁緣衣,盛服 几。 画。 女次、純 〇以上女氏陳 嫁女必告廟, 房,東房。 潁 復 也 禅 也 及嫁, 姆 納爲 惟 立 纙 纁 故

容

也。

〇以上男氏陳設之節。

以豉反,又音移。

0

賓東面 鴈從。 讓 再拜,主人不正與 主人升,西 主人玄端,女父也。 答拜。 至于 廟 實, 壻也。 門,揖 面 實行禮 賓升,北面; 人。三揖,至于 惟迎 主人揖入,先入。 迎于門外, 拜而已, 以賓爲 異于常賓 外 階 賓 西 執 也 面

几,履以 受。 從, 上,以 也。 迎 輪。 墨 御 綏 御 降 鴈 人不答拜者 在 車 輪 所 者 以 此言從 途; 右 也 再 降 樂塵 壻 以 親 禮 周 第 不可 非 引 丽 自 拜 三,女氏 登 五章,親 俟 乃代之, 降 下 而 也 稽 西 參 則奠鴈 于 等 之, 升 明 首 階 姆 也。 注 車 菛 主 故 陳設 出 迎之禮,凡 云: 加 者。 馬 爲授 降 不 乃 外 時已 母: 主人不 景, 受。 前 亦不降, 面 御 以 僕 出 女 位, 亦 車, 禪 出 門 景 人之禮 有 女自 也。 堂 穀爲之。 四 内 則 凡 四 燭。 明 矣。 降 惟 及 摯皆 節: 車 尊. 女不 取 也 室 庶母 必 送。 亦 之解 介鴈 壻 變女言婦,已受贄而 奠 皆 授 在 答 御 制 男氏 有 乘 乃 降。 綏 大門 稽 如 見 送當少違 輪 燭。 亦 其 騙 明 首 下 優 壻 有 外 陳 衣 記。 之。 車 御 〇以 重 矣。 别之義 設; 御 先,上 其 加 者 其位, 婦 于女衣之 上 婦 姆 事 代。 授 奠鴈 車 也。 乘 辭 從之 壻 所 但 綏 ,爲 以 婦 不 壻 往 御 乘 不 主 謂 沃 席 即 壻 娣 此

西。 婦 由 阼 及 婦 階 寢 至 此 門,揖 ,主人揖 始 至 尚 人,升 西 階 婦 也 自 以 壻 西 人。 亦 階 西 壻 階 先入大門 壻亦先升下響 者 父 在 不 道 之, 由 婦 阼 由 階, 後 闑

> **贊者徹尊** 陽交錯之義。 席 姪之屬。 同 媵 北 席 盤 階 舉 沃 也。 也。 階 唱 鼎 交。 南 御 升 者。 隨 盥 下 南 之義 與 凡 席 御 婦 面 幂。 出, 御 賓 饌 席 向 同 迎 也 沃 主 皆 注謂 鼎 席 御 牢之席。 媵 事 也 常 出 在 布之。 盥 俟 婦 禮 于 至 門 媵 東 壻從者. 下 别 也。 尊 皆 外 沃壻 布席, 于 也。 西, 故 奥,室西 夫入于 贊 媵 北 盤 陳 亦婦 故以 洗。 乃 南 布 除 于 御 即 阼。 面 席 女爲之。 沃女盥 南 鼏 迎爲 下 席 室 席 隅 于 布 西 西 義 即 席 奥。 舉 兩 面 在 亦婦 及 面 以 尊 席 席 鼎 舉 道之」, 衽 北 西 相 媵 媵 者 皆 帥 對,此 女 南 と也。 上。 御 然 盤 婦 尊 陳 非 從 音 蓋 出 西 先 交 也 迓 陰 則 先

載者 西 牲 鼎 通柄 俎 舉 阼 入 面 醴 從設, 而 長一 K 執 故 設之。 畢 俎。 即 尺七寸七分,黑漆 以以上 無 上,舉牲 俟 事 者 北 名之。 後 豆 面 者先退 體 先設 載 出 鼎 北 鼎之器。 也 也 柄 亦 面 末 K 則 三缶三匕 復 及葉 者 在 吉 位 鼎 禮 逆 于門 南 以 用 退 載 棘 也。 朱。 之。 , L 匕,《禮 東, 逆 從者,各 者 退 執 北 執 者 圖 而 L 面 ×: 鼎 以 俟 隨 于 K 西 東 其 K

言對 設 湆 東。 北 壻 面 也 即 南 E 特 北 壻共之也。 豆 Ŀ 東。 對 于 位 筵 席 會 湆 " 壻 具。 于 也。 俎 者 席 贊 也。 皆 菹 于 席黍 對對 也 北 魚 蓋 設 在醬 坐 具,饌 醬 南 至 者 近 壻 次 也 黍 也。 在 對 席 是 菹 北 也。 此 北 席 醬 少 始 于 具. 此 云皆 此 醢 東 南 在 蓋 醢 即 也 東 醬 壻 故 壻 夫婦 御 豚 在 豚 在 筵 敦 黍 特 東 饌 東 則 東。 南 菹 者 西 布 俎之東 其 不 也 面 滑即 共 北 面 對 得 此 豚 南 婦 對 南 腊 告壻 か、南。 黍 在 設 爲 人 俎 席 席 敦 北 俎 特 特 在 右 豚 有 時 對 而 腊 人,設 于 上。 于 未 婦 北 俎 稷 中 便 醬 揖 陳 北 北 坐 饋 席 而 贊 俎 于 腊 設 在 者 也。 之義 婦 在 于 取 上 者 則 也。 北 其 贊啓 腊 于 菹 即 蓋 東, 也。 以 婦 設 東 C 北 敦 即 壻 對 豆 故 對 以 兩 之會 席不 壻 設 以 席 菹 會 阻之北 饌 東 筵 上 其 席之腊 下 爲 魚 具. 黍 室 郤 醢 " 壻 婦 也 言 西 正 南 席 中 乃 豚 于 于 在 饌 俎 即 故 陳 揖 稷 醢 在 前 贊 敦 腊 設 其 Ŀ 與 凡 設 席 婦 婦 之 菹 者,

拜

肺,祭 嚌 也。 用 先絶 肺 也。 皆祭, 肺 祭亦 脊 末以 用 則 口 祭 授 贊 祭。 啜 者 相 薦 湆 之。 食舉 俎 黍 用 不 稷 贊 指 能 也 师 肺 移 爾 醬。 也。 黍 祭乃 皆 皆 皆 授 食之。 皆 祭 食 肺 壻 舉 以 及 脊 婦 涪 ; 舉 也 飯 醬 爾 肺 下 卒 移之使 脊 食 並 也 同

同

牢

示親,不主爲食,

故三

飯

而

禮

成。

〇以

E

同

牢。

將

以

近

前

不

見

諸

執

事

位

此

特明

之。

于

人; 其異。 之以 異。 之義 也。 謂 受爵 菹 祭 然 如 皆 從爵 酳 酳 贊 豆 也 謂 \equiv 也 祭。 漱 洗 婦 再 而 酳 也 實 必 再 主 爵 亦 酳 進 用 贊 振 演 之。 猶 酳 如 人 酌 者 也 巹 以 贊 加 拜受, 如 之。 安 也 肝 亦 擩 取 肝 洗 初 也。 鹽 爵 如 當 從 爵 卒 如 過 贊 用 于 之。 漱 壻 多, 亦 爵 堂 洗 ₩. 肝 自 以 拜 東 以下。 皆 振 酢 潔 受以 炙 洗 禮 面 而 皆 拜。 有 \Box 于 卑 成 去 房 振 也。 下 乃 也 贊 且. 之。 無 授 用 祭 演 惟 户 酌 從 費 酒 졸, 安 夾 嚌 于 虚 酳 ; 以 宜 内 其 拜 重 室。 爵 肝 乃 肴 肝 肝 所 之不 北 及 安之, 食 酢 擩 也 南 酳 皆 面 贊 鹽 與 輕 此 面 頤 答 實 答 主 常 振 從 爲 卷 用

拜

于

禮 北 異 面 亦 洗 爵 于 拜 房 皆 酌 答 于 拜 户 外 坐 尊 祭卒爵拜,皆答拜 ; 房 户 外 尊。 人 户 西

雜

儀

凡

以上合巹

席 尊 者 餘 將 時 五采爲之,其制未聞 足 于 説 活反,下 面。 媵 寢 所 趾 奥,卧 以 否。 在 服 侍 亦交也。 佩 也。 女爲主 故 乃 興,主 于室, 于 東,婦人稱夫日 徹于 徹 既 並 徹尊不設,有 户 席曰衽 主人人,入室。 同。 之。 嫁説之。 也。 外 位 亦 房中 人 媵 服 在奥。 如 出 0 呼 因 主人及婦。 于 餕 以 親 - , 贊 以 則 外尊 據禮圖 房,説于隱處 將 主 説, 上 良。 爲布席之名。 御受。 説 聞 徹之, 禮 示 人之餘 也。 服 成 此亦交也。 纓爲己 親 于 諸 形如. 恐 爲媵 贊 不言席 説 東 雜 有 姆 房。 酌 食 婦 儀。 所 而 小 當在 御 授 此 囊。 之纓。 外 繫 徵 餕 皆有 可 餘 婦 右 婦 巾 也 求。 尊 也。 知。 第 奥。 E 席 蓋女子十五許 復 酳 餕 也 六 御 燭 婦 位。 枕 如 章,昏 媵受; 主人説 纓 之。 巾。 亦侍,言 出 北北 設 御 媵 佩屬 尊西 衽 于 優 餕 御 禮 禮 旷 之。 成 良 衽 婦 室 婦 媵 畢 嫁 以 吐 南

四節:一,陳設面位,二,同牢,三,合巹,四,禮成諸

棗取 席于 也。 執笄 舅 衣 席 席 階 器、盛棗及栗、蓋受于從者 階 姑寢門之外也。 坐撫之,示受也, 偂 上,主位 Ŀ 拜 姑,以卑不 奠之乃 ; 以俟見。 拜 也。 其 興 進 音煩。 房外, 夙 也。 赤 八答 拜。 拜, 興,香 奠 心 還 也。 宰 敢 于 至 進 栗 **棗栗**自門 于 南 從者 既昏,不復用 先 徑 席 取 之明 席 質明 古人謹 是 面 達 拜 前 其 在 徹 布 也 處 東 戰 席 日 笲 席 不 母 面 ,贊見婦 慄。 以 矣 禮 故 位 西 質 敢 贊 拜 而 入,用笲, 辟 授 面。 坐撫之。 佐 明之前 在 也。 門, 雖 執 純 拜, 也。 婦 房 行 于 衣 以 寢門, 外之西。 舅 禮 肅 且. 還 子 入也 纁 于 不 拜 以 即 便 婦 衻 此云坐 以 奠 舅 爲 婦 低手 于 亦答之。 又 席 有 于 擯 姑 見 俟見 俠 沐 由 拜 飾 地 姑 拜 祇 西 舅 爲 浴 即 則 席 以 重 也 揖 敬 即 見 席 即 不 還 棗 者 敬 也。 于 待 升 纙 席 故 席 者 言 栗 待 降 也 見 山 時 阼 通 自 笄 笲,竹 降 贄 事 進 言 于 階 未 執 也 者 宵 舅 西 婦 阼 近 則

 \equiv

之脯 受笲 姑 坐 捶之, 舉 腵 脩 以 而 不言 興 施 以 拜 出 薑 姑姑 門 桂 在中 也 則 從 饋,故異 升 者 隨 進 至 階 于 北 舅。 下 面 服 拜 授 脩 奠于 人。 者 以 從者 席 薄 析

也。

婦

亦還俠拜。

以

上見舅

姑

父母矣。 東 啐 面者 執 婦 加 于 面。 外。 醴 觶 又 柶 席 且 側 北 拜。 右 贊 首示以尊卑之禮 西。 建 面 尊 在 面 舅姑 柶 東。 祭脯 枋 疑, 屹 甒 執 謂婦 坐 婦 觶 醴 贊 出 興 入于室 拜 氏人。 取 醢 然 于 厚之 拜 西 房 也 脯 自 房 階 席 也。 心也。 以 定 ; 門,寢門 薦 中 贊答 上 前 貌。 柶 禮 榮 0 脯 席 北 \exists 北 祭 畢。 得 立, 贊 于 醢 婦 拜。 醴 面 面 醴 也。 者, 〇以 户 也。 待 疑 拜 事 如 牖 婦 魚乙反,後 送。 授婦 婦 婦 E 降, 也 升 間 燕 禮 降 東 又 禮 氏 婦 席 燕禮宰夫之位。 拜 人, 出 席 贊 面 賓之也。 议 ·, 亦 美美 拜 者 東 並 則 宰 授 受。 坐。 同 面 酌 夫 爲 歸 示 坐, 醴 升 薦 于 左 立 東 其 南 主 子

婦盥饋。以食食人謂之饋,孝養之道也。既授脯,

又以易 爵之義 既經指 餕,即 言舅 之矣。 右胖 之。 席 于 餘皆贊矣。 也。 禮 合升 即 使代,尚行賓禮故 如 婦 殺。 返 取 前 北 姑即 下 行 佐 載之舅俎,左胖 成者,謂既授之,又處置之,使知當在豆間。 女禮。 鼎 醬, 墉 祭及食 餕 如 其異者,經 也。 席 师 是 並 本作 將 席 禮 ,不易,則于尊者爲褻,故易之,猶《燕禮》不敢 兼左 既 初 爲 南 舅尊 餕。 于 卒食,亦三飯 所 食恒 易姑之醬 奥, 上。 石胖。 則又合兩 「牖」。 謂 西 謂 也 面 舅 文略 餕 同 特明之。 上。 禮 陳于室 姑 辭 載之姑俎 牢 然婦 則 親 成 下。 也。 饌 側 易醬 而 舅 而 初, 饌 則不易矣,故 食婦 載 加之以 則 餕 中 而言 此 無 婦 婦 , 合升 謂 其 自 贊 云 E ,亦交也 率 餕 餕 贊 饌 饋 也。 如 婦 上 席 故婦 敏 其 酳 其 時 成今文無「成」。 取 並 而 也 常 餕 則合俎籩言 常 0 所 女 也。 無 云側 與 贊之。 禮 特言 姑之 疏 也 陳 亦 從 則 無 内 謂 而 尊 載 盥 在 惟 릲 此辭者,未受室 魚 不 餕 則》之義 西。 者 饌 室 祭,祭薦 致 面 ·餕舅 從 姑 腊 凡 周 潔。 醬 《内 位 也 肝 贊祭,則 之 儀 婦 人尚 爲 異 也 饌 祭,不 無 節 不符。 饌 徹 其 特 先儒 則 以 稷。 褻 及 皆 右 本 婦 設 席 他 豚 明 君 其 黍 如

四

弟子。 也; 夫士 于 御 加 諸 婦 婦 亦親 篚 姪 侯夫人自 ,舅姑之飯 拜 費 娣姪,客也。 姑前飯之餘爾。 亦先于御 (祭豆、 贊亦授之。 徹 此 婦 媵 也 國之媵,故娣姪亦謂之媵。 徹 姑拜 有娣姪 對娣即 也。 也。 于房中 黍、 媵 送。 錯,媵 有娣則娣先,次及姪,復及御。 御餕; 一,同姓 乃 于 姪 肺 〇以 也。 是 食。 酸舅 ,此當勝御徹之,曰婦者,蓋姑親 坐祭,卒爵,姑受,奠之。 舉 與 姪卑于娣, 一國媵之,又各有娣姪,共九女,大 姑酳之,雖 肺、 餘、御 黍也。 婦 始飯之錯。 饋 脊 餕 姑餘 卒姑 先,謂: 娣,女弟; 脯 醢 也。 無娣 皆祭,言 先 與,猶 御。 言 機先。 姪,女之兄 今雖無 與 預 八此錯 蓋御,主 豆以 也。 者 娣 酳。 酳, 奠 始 古 概

酬 北 夫異日,士 昏 節 洗,酬 此 凡 》 厥 舅姑共饗婦 酬 但 也。 舉 同 爵 明 舅 皆 日 奠于 南 酬 姑共饗婦 洗 以 舅 見端 北洗 薦 洗 以 東 文略 于 則 男女之别 示 獻之禮。 南 不 醴婦之明 也 復舉 洗, 舅 也。 洗爵 禮 姑 成 響,以酒食禮之也。 此響 日 獻 先降 也 也。 也 禮之始。 饗 0 自 有 姑 疏 西 獻 굸: 洗 階 酬 奠 于 大 酢

舅

上

節 : 註: 于 贈丈夫 婦 于此耳。 人,可知。 送者,女從者, 送者,女氏私臣,若奴僕也 脯之義同 婦 降 古文「錦 一,見舅姑; 氏 自 〇以 送者 人。 阼 又歸 大夫無境外交,士亦宜然,此疑記載末季事, 作 階。 上饗婦 牲及乾肉皆 俎 以 二,醴婦;三,婦饋; 妾婢之屬。 帛 客 授之室,使爲主, 束 禮 及送者。 錦 也 敖氏 用俎, 舅 贈送 日 子 栅 右 饗 以 以 者 當 使反命于女之父母 第 送 作 束 束 明 七 酬 四、饗婦及送者 者以 章,香 帛 錦 代己也 外 錦 之禮 酬 後 若 始 也。 有幣 獻 諸 異 饗 歸 儀 之 不 ,厚之。 邦 婦 與與 婦 凡 言 錯 則 歸 俎 四 簡 婦

禮,以 廟 矣。 祭 祭可矣。 奠菜,祭菜,殺于正祭,此所謂 使代己,而後主祭 無過三月 奥 下記言 明其職之有 東 若舅姑既 若舅姑没,則無所受矣。 面 三月祭行,亦 故以久者言之。 廟 祀。 禰 所 没,終也。 自 廟。 受 舅 東 以 姑 然 廟 面 在 後可 若昏期 廟見也。 見之後 神之常 則 則 降 以 故于時 婦 近于 阼 助 位 乃 階時 祭 入三月 婦人必舅姑受之室 也 可 時祭,則不必三月 也。 祭之先,行 主 已 右 受之舅 必三月 乃 几。 奠 廟 席 者 見之 此 干 時 血

闔之次 姑曰 謂扱 敢,冒 地、蓋 拜 位。 婦 祝 上 面 來爲婦,此 算菜,● 某氏來婦 者,象上見舅姑之位。 扱 出 \Box 告 地 席 還 肅 昧之辭。 : 地,扱地,手至 第 祝闔 互文。 于 拜 又拜 婦降堂,無贊,異于祭。 也 某氏 祝 中 廟見之由 北 之 帥 牖 ,某氏,如齊曰 啓 方 如 皇,大也。 奠 加 來婦 婦以 户。 則 南 初。 禮 采 先 也。 地 面 也 廟無事! 户 于席 ,敢告于皇姑 也。 人。 言還,則 後 敢奠 祝 某,考字,如伯子、仲子也。 坐 此 牖 姜氏、魯曰姬氏之類。 肅拜, 跽俯手 盥 祝告, 如 妣 矣。 跽 則 位,不 閉 嘉 婦 坐奠 初 也 老 神 菜 盥 禮。 取 一時進 言 一尚幽 奠 醴 稱 于 于 **算菜人**; 某氏 几 菜 「拜 而 婦 婦 皇 門 而近 也。 可 可 已; 于 于 之 扱 舅某子。」 外 。」舅 知 先牖 席 地 几 此俯手 房 姓 來婦 矣。 别 中 東 以下。 執之。 後 日 婦 日 席 户, 奠 初, 席 婦 · 言 南 執 : 至 異 如

壻饗婦送者丈夫婦人,舅姑殁,故壻兼饗之。

醴

婦

之禮。

以上廟

見

面

舅

姑

殁,故老

大

廟

見

而

醴

之房,

廟之東房

如

舅

姑

右第八章,言禮之變,凡二節: 舅 姑 響禮 亦 贈 幣 惟 兼饗爲 一,廟見; 異。 0 , 壻饗送 以 上 壻饗 送

内矣。 子之冠 鮒,鲫 制。 來辱。 用昕。 廟 賓受命,乃 鴈,還,受于楹 敗,不剥傷也。 鮮例之,則亦取其新也。 謙、《郊特牲》所謂 已毀則教于宗室。 也。 口 也。 記士昏禮: 教于公宫三月。 受諸 摯不用 制 衣服。 魚 祖廟未毁,女子祖 有 禰 降。 鮮 女子許嫁,笄而 間 死,死,雉也; 廟 有藁,藁不必辨其 腊 「告之以直信 時。 祭 凡行事必用 必 辭 醴 西 必殺全。 用 無 大宗之室。 醴賓時 面 鮮, 將嫁,教以四 不腆 對。 也。 生,鴈 廟未遷,則公在 取 名。 醴之稱字。 腆 殽 其 當 無 昏 也。 始 新。 30] 問名主人受 ,俎實體全,不 此 辱。 昕 膳 扱 [德也 對 云鮒 皮帛 也。 賓以 魚 婿用 女父不言 祭,又 用 以 賓 五 女名。 若祖 必可 昏, 世之 猶 Ŀ 鮒 不 男 用 使 虚

「笲」,原誤作「莽」,今據四庫本改。

0

後,此私 壻 非中 入以 手 命。 薦焉,其節 立受之。 于執皮者之後。 執之以將 歛之,使文在内也。 體女而俟迎者,女既次純衣,父體之于房中南面,母 足于内足之内,則全文見矣。 扱再祭。 二人,先進者後 張」也。 執 Ĥ. 當戒女也。 庭 西爲左,上者,首在左也。 横執二皮,恐中門阨狹,故相隨先後人。 前兩足, 納徵、執皮、有司執之。 也。 左者,首在 臣也。 命者,故親受之。 初執外足攝文在内,此釋外足不執,從上 如醴子。 賓致命,釋外足,見文。《聘禮 賓右取脯,左奉之,乃歸執 右手執後兩足,首在左,皆以象生 退, 日士者,以尊者言之。 自左受,自後出自執皮者之左, 女出于母左,將聽戒,當北 故 皮之文在毛。 左也。 母 日逆。 南 面 遂坐,攝皮。 士受皮者自東 主人受幣,東帛 適東壁。 于房外。 參分庭,一在 兼執足左首; 攝之,内文, 出,謂自東 藏在東。 出 者,示 逆退,士 西上; 面 也。 以 出 》所謂 方出 一轉外 親授 而 南。 攝 父 于 隨 反 父 左 賓 並

笲。 聞。 日堂。 洗在 爵自薦; 北堂之西北 設時也。 間,加勺。 尊,貴新也。 時持之,備傾躓也。 在身而不忘也。 西 裏,被,表也,此笲之飾。 玄酒,三屬于尊,從外器中酌涚水三度,注于玄酒 言之者,爲從者記也。 西,女出,乃至西階上戒之,辭見後。 有正焉,若衣若笄,正謂托戒之,蓋托之衣笄,以 面戒之, 作階上主位也。 或謂器之有横梁者。 舅答拜時。 北堂,此北洗也。 直室東隅;室東北隅也。 不言俎 也。 更爵,男女不相因,舅獻婦 三者,禮成于三。 此溯升尊時 者, 母: 篚 婦席薦饌于房。 在 俎自階 婦人寢門,贊者徹尊幂 戒諸 從者二人坐持几 東,北 北 舅答拜,婦奠笲時。 加勺之地也。 升。 西階上,不降。 加 堂房中半以北,無北 于橋。 下命辭即所以戒之。 面 棄餘水于堂 饗婦 盤 南 婦 則 謂醴婦饗婦未陳 庪 北之節 姑 乘 姑 婦 笄之器 笲 薦 薦 相 以 酢 緇 焉。 如 對 几 舅 此婦 初 下 被 壁,故 宰徹 此 制 立 階 必 更 婦 纁 酌 則 自 未 乘 復 房

凡婦 者名。 惠。 之、某不敢辭。許之之辭。 某之子,女也。 上,當有「納采」二字。 昏辭統六禮之辭言,以下問名、納吉之例準之。 「曰」字 某,壻名,此云貺室, 異者,如下易 子有惠,昏辭者,擯者傳命,及使者致命,皆用之。 婦。 舅姑既没」之前。 上經。○以上八字,朱子《儀禮經傳通解》 並 薦者,嫌人薦之。 人不下堂。 同。 先人,明納采之爲古法。 禮殺也。 貺室 人相響,無降。 對 舅 降 日 某 婦入三月,然後祭行。 「請」爲 婦不饋。 :「某之子意愚,某,女父名,下同 則 也。 惷愚,謙辭。 不敢 辟 庶婦則使人醮之。 則 貺,賜也。 敢 同 某有先人之禮,某,壻父名。 納采之前已通 避」。 爾。 辭洗,不敢與尊者爲禮 養統于適。 謂姑饗婦人送者,不降者,婦 使某也請納采。」某 又弗 吾子,女父也。 于房; 室,妻也,謂以女許之。 致命曰敢納采。」 能 昏辭曰:「吾 辭,女父許之矣。 教。 不 庶婦,庶子之 移人經 謂主祭,餘詳 敢 惠, 貺室之 吾子 拜 也。 文「若 洗 命 使 其 下

> 之堅。 當阿 對 某,壻父,卜以女名卜也。 者,不得許辭之命。 不敢斥言使,●故以從者爲辭。 以氏告也。不言者,省文。 有命,且 氏?」氏,如摯仲氏任之氏,猶名也。 者名,命不敢辭之命。 告。」對曰:「某之子不教,唯恐弗堪。 又請之之辭,言先人,見不可辭。 事矣,敢辭。」禮辭也。「先人之禮,此及下主人 於某之室。某有先人之禮,請 曰:「吾子有貺命,謂示以女名。 一辭者, 致 命也。 「某辭不得 用 以備數 前辭與? 致 命, 而擇之,某不敢辭。」不辭,則 亦 敢不從也。」禮辭許之。 問 命,此及下,使者又答也。 用 將加諸 名 前 醴曰:「子爲事故,至 辭, 日 占 :「某既受命,某,使 弟 曰吉。 對 敢固 易請 ト, 敢請 티 : 對 爲敢 以請。」 醴從者。」謙 「某既得 某加諸卜, 使某 日 耳。 :「吾子 女爲 無主人 子有 也 納吉 固,請 不 誰 敢 將 得

> > 445

● 「斥」,原誤作「斤」,今據四庫本、經解本改。

二八

皮束 吉,我 聽。」 唯 將不得取,故及今吉時行之。 衰期服之親也。 族之不虞,三族, 先人典常之禮 徵。」對曰: 子有 體,夫得吉則婦可 上某, 壻父; 日 命矣。申,重也。 承命?」請: 命 此即辭之之辭。 再 是 帛,使 嘉 某既 與同 辭。 聽。 命, 預。 下某,使 使者 前受命矣,此命,壻 期 也。 此 某 貺 「吾子順先典,順,循也。 虞,度也。 曰 -知。 命,請期之命也。 室 也 在,言我亦在吉占中也。① 謂納采以後,受不一命。 曰: 規某重禮,某 謂父昆弟、己昆弟、子昆弟、皆己齊 日 某 請 者。 某不 也。 吾子有賜 納 言生死不可料,恐卒有死亡, 某 對 某命某聽命于吾子。」 徴。 敢辭。」納徵曰: 使某也請吉日。」對 某 日 使 ...「某 某 致命 有 聽,從 家 先 受命, 不 命 上 某既 敢 人之禮 也。 固 四 日 辭, 禮之辭 某 典,常 惟 蓋夫婦 吾 唯 經言主人 子 敢 是 命 申 敢 吾 受 也。 儷 是 也 不 納 不

期」也。 將,行 子曰: 日: 「 禮,亦 父。 也。 告。」 也。 先妣之嗣。 妣,以殁者言或父之母,及壻母 使者歸反命 昏,使某將 有 醮子,男言醮,女言醴,互文也。 常。」 某, 壻父也。 宗事,宗廟 擯者請。 也 告禮,謂 應 往迎 「諾,唯 在 對 若, 親 廟,與 勖帥者, 曰:「某敢 女也。 迎 請 爾 所 而 之事。 曰:「某既 執 承 相 醴女同。 日 命,上 對 恐弗 脯。 戒其子自 承 命 常, 曰:「吾子命某,吾子,謂 相,助 命,立言之法也。 。」某,壻名,言其父使之來迎 勖 敢 言 堪 主 不敬須?」須,待 不 帥 勖 -; 不 也。 人 命之辭 勉 敬 帥 得將 也。 以 勵 日 有 須之命 敢忘命。」賓至,壻 承 敬 帥 取婦 常 婦人代姑承 我 也。 聞 先 婦 事矣,敢以 石經 以承 敬 也。 宗 妣 對 此 嗣 命矣。」父 事。 之 無 也。 又 祭,故重 日 以 申 祭,故 也。 嗣 辭 兹 戒之。 若則 承,奉 0 「某 字。 禮 初 凡 女 先 其 \Box

許

,某敢不告?

期

日

某

日。

經所謂

「賓許

告

^{● 「}吉」,原誤作「古」,據四庫本、經解本改。

分也。 父,大宗之適長子,謂之宗子。 意。 命。 夜毋古文作「無」。 以上十四字,石經有之,監本脱落,今補入。 壻授緩,姆辭, 曰: 作「示」。 以所結之帨。 送,此送至廟門而已。 之事,亦舅姑所命也。父曰宗,母曰宫,大小之分,如其 鞶,無盛帨具,結之而已。 也。 古 命之曰:「戒之敬之,命,即 尊聽之。 :「敬恭聽宗爾父母之言。宗,尊也,言敬恭 敬具以須。」承上 鞶,盛帨囊,女用絲。 母施衿結帨,衿,帶也,蓋繁聲之帶。 曰:「勉之敬之,夙 庶母及門内,庶母,父妾之有子者。父母不 諸衿鞶 夙夜無愆,愆,過也。 申之以父母之命,申,重也。 !」使職之也。 違命!」毋,禁辭。 施聲,以母所施之衿繫之,而盛 請 「未教,不足與爲禮 庶母 期 施而結之,亦上必有正 答 夜無違宫事 辭,故 施鞶,此先施帨,以 若小宗宗子,則有大宗 經所謂戒之也。 所謂 日 蓋期之。 固。 一必 命,舅 宗子 父送女, 有正 | | | | | | | | | | | | 視今文 帨, 也。 命之 一焉之 姑之 佩 未 也 無 夙 内 施 巾

而

前,故 得濯溉 後。 之。 見。」禮辭、言往見、蓋不敢當其來見也。 今吾子辱,請吾子之就宫,還家。 人對曰:「某以得爲外昏姻之數,某之子未 文昏姻通。外,别族也。請覿。」見也,此皆擯辭。 外昏姻,《爾雅》女氏稱昏,壻氏稱姻。 也。 以下至末,朱子《儀禮經傳通解》移入經文「舅姑饗禮」之 小宗皆然。弟則稱其兄。凡有適兄者,皆稱兄以命 稱其宗,支子,宗子之庶昆弟也。 諸父兄之命以行。 事,此命之者,蓋其母命,而諸父兄轉命之也。 兄者,宗子兄爲庶長子,不得命。 宗子命之,宗子有 若不親迎,此禮之變,如 然後 壻見,往見婦父母。 則婦人三月,三月以至久言,蓋天道一變爲久 以未得濯溉爲 于祭祀 有父者,「七十 ,謙辭,據此,則壻見或在三月祭行之 親皆没,己躬命之。 解與? 是以 ·老而 《詩 母命之。 \Box 稱其宗子命使者,大 未 》俟堂、 傳」者 :「某以 敢 此言昏姻者,散 對 見。 也。 俟宁是 某 曰:「某 支子 使者亦 婦人無外 不言無 將 往 得 見。 走 主 也。 則 爲 稱

以 爲昏姻之故,不言外,親之。 不足辱禮辭之命。 非 他故,言爲壻而來見,親也。 請終賜見。」對曰:「某以 ○ 註: 不足以辱 古文日 外 命, 得 昏

于寢。 從?」主人出門左西 西面,主位也。 壻入門,東面,賓位。 画。 門,大門。迎于大門,見 奠摯

姻。

敖氏曰:

當有「外」字。

不敢

固

辭,

敢

不

酬

賓主則授。 再拜,出。 擯者以擊出,請受。 摯,未詳。奠于寢之中庭,卑者,不敢授也。 請以賓禮受之,辭

而奉之以入,將授于主人也。 其奠也。 壻禮辭許,受摯人。受摯人者,受于擯者 主人再拜,受,賓禮

受摯于堂、《聘禮》詳之。 壻 再拜送出。 見主婦

扉 見女父既出,擯者請事,乃請覿于主婦。 扇,此室户扉 也。 婦人無外事,扉常闔。 主婦闔扉 註云闔左

扉

,則室户亦兩扉也。

○舊作寢門之扉。

案 :

婦人不下

外 堂,故以室户言之。 東 面 賓 位 立于其 主 婦 内。 拜,先 西 面。 拜。 壻立 壻 答 子門 再

拜;

主婦

又拜, 壻出。

就次。

主人請

禮,不言

「及」、當作「乃」。 壻辭,省文。 無幣。 殺于賓。 及揖 醴以 讓人,註: 壻 出、主人送、再拜。 一獻之禮。 及, 與 也。 主婦 敖 薦 氏 日 奠 :

儀禮章句卷第二

 Ξ

仁 和吴廷華章句

士相見禮第三古者,以擊相見。

凡公、卿、

大

體不變,故存雉名,夏乾腊,則形體變矣,故變本名謂之腒。 腒,乾雉。 死,以其不可 用 贄,天子鬯,諸侯圭,卿羔,大夫鴈,士雉,庶人之贄匹。] 冬/ 以自致。 左 雉,用 頭 冠之。五禮屬賓禮,此當第十,第三説非,詳《士冠禮》。 禮則一。曰「士相見」者,以經首摯用雉爲士,故以「士」 夫、士、庶人于本國、異國之君若友,初見時擊雖不同,其 《曲禮》:「凡執禽者左首。」陽之類也。 士相見之禮:贄,贄、質通,又作擊,執也,所執 蓋君子見所尊敬,以此將其厚意也。《曲禮》:「凡 雉者, 暵熟而乾之,取不腐臭也。 生服 取 也。 其 文明 《虞書》:「二生 耿 介,交有時。 疏云: 一死贄。」夏用腒。 别 有 冬時雖死,形 奉之,執 倫也。 雉用 而

命。 對日: 進之。 以贄不敢見。」嫌其太簡。 主人對曰 以習禮,言不足以習盛禮,亦不敢當之義。 又一辭 見時聞之。 賓對曰:「某不今文作「非」。 家也,古文云「固以請」。某將 敢爲儀,言誠心欲往,非徒外貌也。 往也,此一辭也。 將走見。古文云「某將走見」。聞吾子稱贄,言將走 之命爲又也。 紹其間,故賓、主並稱之。 姓名也。 謂 請終賜見。」主人對曰:「某不今文作「非」。 無 也。 딩 : 某子命某見,言命某走見,蓋謙辭也。 由 以命者、某子達之、因以主人之命命見也。 第辭贄,則已許其見矣。 稱,舉也。 :「某也固 此 請吾子之就家也,某將走見。」走 擯 賓對曰:「某不足以辱命,就家之 某子以命 解,下 敢解贄。」執贄禮崇,故辭之。 並 吾子有辱。有,又也。 同。 辭不得 命某見。」某子,所因緣之 主人對曰:「某不足 某 敢 走見。」再解,固 也 命,不得見許之命。 賓 爲 固請吾子之就 願 人儀,固 對 見,某,見 日 -敢固辭。」 以 對某子 某 某子介 主人 請 辭 也 不 此 自

449

儀禮卷第三

申,故 賓再 迎于 不敢 又固 右。 也。 請 賓奉 門外, 拜 見,固 古 見 送贄出。 賓對 辭 贄,人門左。 不 再 以 賓反 \exists 得 拜。 請 :「某也不依 命, 見 。」主人 主人請見,實以崇禮 賓答再 退。 敢 不 主人再拜受,受于庭 主人送于門 敬 對 拜。 從?」許其 티 -于贄,言依,亦 主人 某 揖, 外 來, 也 稱 贄 今文 再 誠 入門 謙 拜。 欵 中。 辭。 出 無 未

某見。 也。 矣,此主人,上之實也 得 往 不言 之主人,則謙之至。 來 見 也 請還 也。 主 實, 非 請還贄于將命者。」臣贄不還,餘皆還 人復見之以 故以 贄,實贄。 敢 贄 敢 古 求 于 擯爲 見,此 辭 將 幹。 命者。」主人對 日 賓對 此言之法 賓,上主人也。 敢 其贄,復 主人 辭 **曏**許 딩 : 。」辭其答己。 入對日: 也 :亮反。 某不 往 古 復。 不敢求見者 「某 日 以 者吾子 敢 復見 請 也 以 賓 于 某 者,「 既 聞 對 也。 將 也 辱 得 不 嫌 日 禮 命 既 見 使 不 褻 敢 尚

> 于門 以入。 見宜別有贄,不應第還其贄而已。 者。」謙不敢聞之主人,特請之擯而已。 某也 外, 主人 古 辭 再 再拜受。 不得人 拜。 右第二章,復見。 命,敢不從?」實 賓再 拜送贄,出 此疑 0 有 案: 闕 奉贄 文 主 禮 人 尚 主 人,迎賓 對 往 人 日 送

拜。 終辭 于其 右第三章,士見大夫 (入也, 其 士: 見于 贄。 亦迎。 大夫,此言大夫,則 註云 辭 贄 拜 以 將不 其 辱 親 也。 答, 上 爲平等 亦 似非 賓退,送,再 相 往 見 來之 之節 義 也

右

第

章,賓主相見

奠贄 某 : 贄。」上某,主人,下,則 者還 不得 有主人禮 也。 其 再 命 若常石經作「嘗」。 某 既 不不 辭、賓再請之文及辭、蓋 拜。 贄于門 得 非 見 敢固 敢 主 矣, 爲 人答 外,辟君。 解。 儀 敢 擯 也 辭。 壹 此賓再 也。 爲臣 此 拜 擯 賓對 及下 一闕爾 者 日 請 者 殺 而 則 俱 禮 日: 對 許之之辭。 述主人命之之辭 禮 曰 딩 : 某 賓 辭 某 也 出 其 也今文無 使 贄, 某 某 賓 某 世 也 使

禮 也。 也 辭 某,主人,下 也 蓋 使 ,夫子之賤 不 日 賓客不受贄 得 某 賤,謙辭。 不 命 同 敢 敢 爲 敢 不 私 不 也 儀 ·從? 以 ·足以 ,夫子,謂主人。 也 敢 請 固 _ 古 踐 再拜,受。 以 辭 禮, 請受之。 <u>.</u>! 請 踐,行 。」賓 家 擯 臣 者 賓 也。 對 右第三章,當爲 日 對 對 日 私 謂不 曰 以 曰 足 : 嘗 某 行 爲 古 某 某 賓 臣

者相見之儀

之。 來之辭 以 足。」存參。 夫例之,則 侯之卿大夫布不績 **布**,此以布裹之,故須索。 上 布 大夫相 面 又 也 曲 前 四 大夫相 禮 也。 維 亦 以 見 如 》節 并 之結 卿 鴈 左 執 布 羔鴈 繫之, 似强 頭 見,言下 雉。 也。 取 于 如 者以 其 面 未 爲分别也 以 知 亦 靡 注云「裁 繢 必 左首, 時 羔, 則中 執 繋 四 此 飛 聯 之。 維 取 言飾 可 四 翔 蓋 耳。 其 縫衣其身」,則 知。 足 有 介群 因 維 靡, ,則績 行列 鴈 相引 交 0 之以 \Box 鹿 以 註 出 相 也。 子。 布 帥 明 云 背 見 (索,以 也 也。 執 上 則平等 宗 近于 飾 雉 聯 伯 胸 疏 之以 之儀。 飾 繫 上大 淫 前 六 謂 之 禽 結 其 諸 巧 往

臣

同。 無之。 云: 麝,孤之摯。」並 〇右第四章, 言大夫相 或謂 聘 禮 **|** 執 存參。 鹿 皮 左首 見 如 士 此 相 云靡, 見 之禮 也 又 執 注 異 ൬

或

儀

某還 有定。 必辩 當帶 也。 大夫則奠贄, 官者。」不爲容,容,謂趨翔。 首,受。 見來聘之君。 庶人其不答與? 庶人,民也。 方,正 不 也。 則使擯者還 敢 君之南 摯。」實對 始見于君執 君 鄉 或有 辭 容彌 北。 凡 古者民得見于君 知非 燕 時 不 面 蹙。 禮 不 見 再 若 聘 疑 然, 無 日 于 拜 其 辯 使 他 蹙,促 受 君。 :「君不有其 贄至下、《 不 君,燕間: 者 他 摯,禮不當受。 視 稽首、君答壹 邦之人,過客也。 可 ,聘使贄 臣 也。 也、恭 不 疑」當 贄 辨 進 其 辯者 法 也。 非 贄 慤貌。 曲 用 退 時之見 為。 故 作「擬」,言不得 君 禮 君南 走。 若 不 瑞, 外臣 所 疏 敢 不 曰 : 庶 拜。 面 謂 蓋 請覿 不爲容 云: 辭。 得 臣 人 或 〒 有 則 措 此 見于 北 事 本國之臣 此 又不 再 寡 如 言答 辭 面 而 也。 正 庶 擬 提 君 拜 見 然 其位 君所 人在 方, 用 拜 也 也 稽 使 暬 蓋

IF.

東則升東 辯君所在 處邪鄉之。 階,在西 君在 在堂則 則 堂,路寢之堂。 升 有 西階,無一定之方。 正鄉,可辯 升見 也。 〇右第五章,凡見 無 燕見禮 方階,君在 殺 也。

君之禮

之問 爲主,此當合公卿、大夫、士言,與上事君,二義兼舉也。 子弟,故稱弟子。其實凡老皆有弟若子,不必學者也。 也。 待安。與君言,言使臣;此皆恒言也。 本,無人不當然也。 者,弟子之典型,其美惡皆由于所使,其事重也。 者言,言使弟子,老者,疏云: 君;大人,公卿、大夫也。 言,言忠信慈祥;忠信,誠也。 言,言孝弟于父兄;敦行之本,成于幼也。 君事雖多,以 也。 出 凡言,爲君言事也。 也。 妥而後傳言。 言必君安坐而後聽之審也。 知 與居官者言,言忠信。 人善任 臣 妥,安坐。 爲 道在事 非對也,自有所言,非答君 主。 慈祥、仁也。 致仕爲父師者,教鄉閭 君,諸侯亦然。 與大人言,言事 《 詩 》: 若君有問則對,不 使,命之職事 以妥以侑。」 任職以 蓋居心之 與 幼 與 與 衆 者 老 凡 老 誠 氏謂以所食之具告從者,以

君子倦而欲食也。

改居,

謂自

出之早 之。 于君 而已。 否也。 晏,問早晏,則坐久矣。本問晏,先曰早者,早特未晏, 遊 大夫在此者,皆如其視之容也。○案:今文「衆」作「終」,蓋 也。 不上于袷。」袷,交領 若不言,立則視足,坐則視膝。 卑禮别。 言自始至終無改也。 如疾言遽色之類。 與大人言,大人,兼君長言。 信。 目,遊目,謂目可旁視,以察其安否也。父子主恩,與 卒視 中視抱,抱,懷抱之所。 子,君子,謂三達尊。 也。 〇志倦則欠,體倦則伸。 足、膝、皆極下也。 《論語》:「未見顔色而言謂之瞽。」《曲禮》:「天子 毋上于面,近于敖。 面, 以 食具告,以晚食已具告之,則晏可 察其納己言否也。 衆今文作「終」。 也。 亦一説也。 此視面 此兼君、父、長上言。 君子欠伸,「伸」,古文作 言畢,垂目當抱,若容 問 者,與大人言事,異于 始視 若父,今文作「甫」。 毋下于帶。 日之早古文作「蚤」。 皆若是。 毋改。 面,觀 不言,則 改,改 其顔 凡侍 何其行起 注 等于 色可 知 謂 常禮 其思 非 衆 也 坐 則 言 Ï 卿 視 敖

辭

于

側

屨。

屨

此承上言。 者,猶進食也。 禮》「君卒爵 受于尊所。」升 動,如 以 俟,俟君食也 也。 [膳,合] 以 隱辟者 不 席 可 膳 脱 下 則君 敢 不 撰 葷, 屨升堂, 並 也 重勞君子也 杖履 敢 君爲之興 再 與《燕禮 有膳宰 然後 所食之葷辛 解解之。 ,辟之隱處。 俎及羞皆嘗之。 祭先飯 拜 問 席祭,卒爵 、視日早莫之類 膳宰主進食。 稽 此 夜及膳葷 飲 進食, 取 》無算爵受賜之節同 君 首,受爵。 微 介則日 屨 ,示嘗食, 命之 君若降送之,日若者,君 異。 夜侍 [©]曲 則不先飯徧嘗也。 物、蓋 則 將出 倦將息也。 禮 然 而俟,君卒爵 食然後食。 飲 則 坐,問 葱、 後受虚 蓋以 則 所 也 [©]曲 而 俟君之食然後 君無 謂 薤之屬, 請 俟。 禮》:「 無膳宰進食者言也 隱 就 夜膳 退 則以 若君賜之食 爲 辟 屨, 爵 飲在 可 興,臣 食之可 司 跽 酒 若君賜 若有 童,夜, 也。 無算爵 僻 而 進 食後,亦 此 退 舉 則 倦 本 將 坐 言也 之, 與《 不 起 止 而 ·無送 刻漏 食。 甚 之 卧。 燕 敢 食 屏 后 取 拜 當 思 張足曰 徐行 矣。 人名。 繼事 故不 法 則 蹙 請。 舒 君之老」。 不 先見之。 夫,少尊。 -稱寡。 爲 唯 以 明 が句 之辭。 辭 而 則 此 舒 爲 趨。 無以, 辭。 亦 爲非 儀 不 退

則

下

爵

之數。

息

故

徧嘗

之。

侍食。

請

退

先見之。對走見爲後也。 異爵者,先生,達尊。 ○注云:「言姓名。」凡執 已,視執幣 ,易之。 武、舒、 不趨 此承不 不稱 言走見,又言先見者,謂本將走見, 常禮 顧 言不足當其見。 此 下, 辭不得命,則曰:「某無 進 也。 以 舉前 者, 寡 安步。 也。 尤 而 公命 降 君及寡大夫之等。 顧 下 慎 益恭 如執 辭 也。 也。 言大夫,則 曳 則 使, 異爵 以明 武,足迹也。 玉,懼 踵 無 不 非 比 故 0 少 案: 敢 則 及 其 幣 稱寡。 以 舒 辭 趨 顛 出之速。 卿大夫也。 顧 門,三辭。 逞 者 君 此 武 者先舉後 躓 不 辭,不 \pm 命使, 以 也。 不 得 \vdash 大夫 言 也。 」當屬 爲 寡 趨,執幣,享 不 命 大夫則 威 容今文無 君 敢 敢 遂 儀 此舉 F 士 , 將 之老,則 謂 以見,某,主 請見之,士 ,因不得命 疾 當 句, 出 若 趨, 則 非 私 執 走 前 事。 注 先生、 常之禮 \Box 但 辭 加 見。 玉 斷 禮 遂 舒 不 仍 大大 寡 故 者 也 者 彌 則 步

惟 曳

儀禮章句卷三

仁 和吴廷華章句

里之

年賓賢能,行此禮。 鄉老、鄉大夫、州長、黨正、 嘉禮、當第十五、第四説非、詳《士冠禮》。 内,天子六鄉、諸侯三、其地有州、黨、 鄉 飲 酒 禮 第 凡養老諸飲酒禮皆用之。 四鄉在王城外,近郊遠郊,百 族師、間胥、比長。 族、閭、比, ○此經與《鄉 于五 鄉大夫三 其 禮屬 官 有 戒賓。

455

射》異同之處,相參乃備

者,以考于平日,不待謀也。 皆賢,其判甚微,故須謀,鄉 介,處士賢者。 人,鄉大夫。 鄉飲酒之禮:主人就先生而謀賓介。 先生,鄉先生。 賢者爲實,其次爲介,又其次爲衆賓。賓、介 先生則知之有素也。 詳《 此見古人取士之慎。 《士冠禮》。 就者,尊之。 不言衆賓 〇以上謀 賓、 主

> 如戒 也。 拜。 賓賢之意,請其許。 「賓出迎再拜。」主人答拜,乃請 賓, 曰拜辱者,拜其辱賓己,故異其文也。 主人退,賓拜辱。 則 亦親戒也。 賓禮辭許。 疏云: 《鄉射》: 衆賓,使人戒之。 賓。 主人再拜,賓答 「賓送再拜。」此亦送 請,請命也。 介亦 〇以上 如 之。 告以

主人戒賓,賓拜辱,謂屈辱

至己門也。

《鄉

(射):

之。 實,户牖之間南面。 氏《圖》: 西。 此與戒當異日。 之東。」斯禁;大夫斯禁,詳《士冠禮》。 之長三人」未然。 衆賓,賓西南 尊兩壺于房户間,壺,尊屬。 設篚于禁南,東肆,肆,陳也。 南, 乃席賓、主人、介、衆賓之席,席, **館爵三,觶一。** 南北以堂深,東西當 面, 或東面。 注云「夙興 皆不屬焉。 主人, 阼階上西面。 加二勺于 ○案: 往戒, 此明言衆賓。 歸 皆獨坐不相屬,尊之。 而 兩 《鄉射 敷席 東 壺 謂 介, 西階 榮,水在 二,則 有玄酒, 由 設洗 西 注 「尊于賓席 以同 而東。 敷 云 上 于 「衆賓 東 席 日言 洗 阼 在 面 也。 楊 0

階

東

儀

禮卷第四

三八

東,篚· 在 洗 西 南 肆。 楊 氏 圖 篚 觶 四。 0 以 上 陳

設。

不言縣,文不具

定,

猶孰也。

賓

節: 賓從 辱; 其親速也。 鄉射 則 主人答拜還; ,謀;二,戒;三,陳設;四,速**賓** 》主賓朝服。 羹定,肉日羹。 介可知。 介亦如之。賓及衆賓皆從之。 〇以 此亦兩拜辱者,初拜與戒賓時同,後又拜 上速賓。 賓 (拜辱。 右第一章,飲前之儀, 羹定乃 主人速賓, 宿,異 一个一行 言衆 凡四 拜

○以上迎賓

主人一相,相,主人之擯,傳命者。

迎于門

外,

皆入門左,北上。《鄉 謂以手向身引之。 賓 迎。 衆賓。 鄉 涉反,今文作「揖」。 南、衆賓在 揖至于階。 飲酒義》:「主人拜迎賓于庠門之外。」一再 賓答拜,拜介,不言再,則一拜。 差卑,禮宜異也。 介南 入者以西爲左。 也 三讓、主人升、三讓而後、主人先升、 介入門左,推手 主人揖 拜介、揖衆賓,當西南面, 射》: 先人。 東面 介厭 北上。 衆賓人,衆賓 H 與賓揖。 介答拜 揖; 拜賓,西 主人 引手 以 與實 賓 日 介在 |面拜 厭 揖 厭

後、已取爵將

洗

也。

南

面

對。

賓

復

位

初

降位

當

西

升。 楣 人阼階上當楣 是先讓于賓,乃道之也。 北 第言賓升者,介及衆賓在門左,俟獻賓後乃升也 面 答拜。 東西相 "; 北 面 《鄉射》:「主人升 鄉 再拜,拜至。 也。 鄉 射》: 賓 北 一等,賓升。」 西 面 [階上 再 當 主

或曰: 進,南 洗爵 東面。 北,乃于篚南奠之,威儀多也。 面。 《鄉射》: 射》:「取爵于上篚。」實降。 下, 篚下, 謂 主人坐奠爵 致潔 主人坐取爵,興,適洗,南 行, 直洗西南,又東進,直洗南乃 主人坐,取爵于 主人坐 直洗 主人西面坐,奠爵,興,辭降 也。 篚 西 此已盥 南 于篚,興 南 一莫爵 東 蓋 北 而 篚 于 將洗。 面 南 對) 篚,降 邪 肆 階 從主人也。 鄉 盥洗。 前 則 之。 前既奠爵 賓進,東北 北 辭, 北面鄉之。 Ŀ 必辭者,致 面 南 重 有沃盥 賓 坐,奠爵 立 矣, 下 以 將 西 也。 對。 獻 己 此 階 事 者, 亦 面 賓 復 潔 西 主 少 煩 也 奠 禮 辭 盤手乃 人在 于 進, 説 賓 重 洗。 西 也 也 篚 也 東 飵 鄉 進

以

面

洗者西 序,東 鄉也。 辭乃復位, 西階上北 與賓俱升也 沃,注也。」此主人之群吏也。不言沃盥,上已沃盥,此特洗 尊賓。 少退。 一疑立。待主人實爵。 塵也。 ,自房户間實爵, 受爵 西北 降盤。 卒盤 實之,以勺挹于尊, 獻賓。 面 面拜 北 面 賓西階上拜、鄉 則此賓降,已越初降之位,因主人辭,乃復初位 賓降,主人辭,賓對,復位,當西序。 以復位。 ,揖讓升。 少退、逡巡辟之。 面 邪向主人。 洗。 復盥者,拜者手至地,爲坋污。《鄉射》: 賓拜洗。 獻,進 沃 主人阼階上北面奠爵,遂答拜。」〇份,音 轉 洗,以料 也。 南 東南面受之。 《鄉射》:一揖一 西折, 卒洗,主人壹揖壹 而注之爵也。 主人坐奠爵,遂拜,奠阼階 實立西階 主人坐,取爵,奠阼階上之 鄭水而沃手。《特牲 賓進,由階上 射》: 北鄉席。 賓 主人 上,而獻于 鄉射 西 賓之席前西 讓,升。 階 日 西 北 面 坐, 上 進也。 》受爵于席 北 取 席前者,席 面 賓西階 拜。 讓 爵,沃 ,則亦邪 談註 主人亦 升。 云: 「賓 前 北 主 郤,縮 東。 席。 本; 之。 薦 脯

也

憤

上。

也。

初降

無

文

此

特明之。

位,西 席,皆與《曲禮》西上、南上之例異。 遂祭酒;《鄉射》: 手在上,明肺之末垂。 本,至末絶之,大夫禮也。 醢在席前,近, 奠爵于薦西,奠將舉者于右也。 賓俎,脊、脇、肩、肺。 奠爵,拜,告旨,美也 啐酒,筵東上,末在 末以祭,直絶之,士禮絶祭也。 興,加 人道尚東,升當由東。 也。 賓坐,左執爵,祭脯醢;《鄉射》:「右祭 本, 肺 階 醢。 上 右手 位。 大端 薦,進,相進之。 于俎。 俎在 取 主 肺, 一人阼 坐, 脯醢之南、遠、故興取之。 捝手,執爵,遂祭酒。 主人阼階東,疑立。 西 坐, 脱手, 说, 拭, 則 齊之,右手在下,絕末,以 弗繚, 伸; 亦 賓以士禮自 階上, 今由西者,東有尊。 執 賓升席,自 南 左手, 爵 面 音了。 坐。 興。 尚左手,尚,上 拜 乃設 則 興,右手 居, 送爵, 降 縮 適西 0 也。 席,席 故弗繚。 興, 繚 Щ 西方。 折 階 祭 執 事 俎。 ○《儀禮》之 賓 席 本也。 郤 東,階上之 佩 取 西 以 有 左 少 末 下記: 升 授 也。 脯 手 肺 右 捝 坐, 坐, П 縮 醢。 ф 絶 執 左 肺 脯

反其蹠 餘倣此。 故古坐、跪 必興而 蓋不敢居賓禮 阼 上主人獻 階 上 而坐于 後 一爵,卒,盡 一答拜。 坐奠者,更端以 執 通 也也 爵 其 謙 興。 上,日 拜 也。 凡答拜, 也。 必 將降洗。 先跪, 坐; 興, 於 示敬 此 反其 必 坐奠爵,遂拜,卒爵不 此 盡 也。 少 洒者 坐而 主人阼階上 蹠 辟。 古人坐、跪、皆 伸 日 腰 與筵末 賓 遂 及股 西 拜,則 而 階 啐 不 一答拜。 坐 上 兩膝 酒之意同 坐, 者 北 着 跪 日 即 面 也。 跪 地。 奠 以

阼 也 賓 南 面 爵。」主人對。 **爵降。」主人降。** 者,由 階 面 坐奠爵, 東, 辭 北 賓降,洗,將酢主人,此不易爵。 一碑南 坐 洗。 面 一,奠爵 坐 西 東適 興, 奠爵 面 主人阼階 洗 賓 于 辭, 于篚 從賓 坐 言 在 篚 復 洗 鄉鄉 少 下,興,盤, 降 興 南 取 東, 則 也。 也。 射 爵,適洗 辭 ***** 洗 對 不南 時 立 在 阼 由 賓 洗。」主人 阼 北 阼 面者,恐背主 階 階 西 南, 階 面 東 《鄉射 東 階 少 東 南 西 前 西 北 少 東 面 阼 進 南 面 面 主 當 也 面 階 人。 「實以虚 人 坐, 東 鄉賓 東, 此北 が序。 鄉 賓 復 奠

崇

酒

,又言阼階

上

以

別于

序

端

也

崇

敬

也。

主人之酒

酒言。 也。 東,句。 者,謂 降, 初。 坐 設 席 復 北 自 主人席阼階上,賓自房户間來,故東 《鄉射》: 奠 折 自 席 位,賓西 面 不 主人作 盤 北方。 初 由 俎。 賓西階上北 爵 前 盤 于篚 言祭 北 適 「賓升實爵。」主人之席前 〇洗 如 謂 遂 方降 坐, 者 下 則 獻 作階上,北 主 拜, 在篚 階 階 賓。 不言賓立, 升當由 其餘 席 將 人 取 獻 上 上 面 從 執 禮。 東,賓 爵, 升, 亦如之矣。 介, 答拜。」主 席前 一拜,賓 拜,送爵 爵 上,此升自 不 主人 卒洗,不言沃 上「主人降盥 初 興。 可 ·易爵 至 面坐,主人降當由席 在 階 知 少 篚 上 人坐奠爵 賓 拜 不告旨。 南 退。 祭如 北 威儀 阼 對 西 方,則與 洗。 薦 南 訖, 階 東 面 階 多也。 主 以 脯 賓 鄉之。 Ŀ 可知。 乃 南 賓答 下。 Ŀ 禮 人 醢 于序端 介席 少 己物, 北 面 答 祭 進,受爵 東 卒 面 酢,報 酢 賓 南 就 俱 拜。 拜 主人 揖 爵 亦不 北 洗 實 再 主 日 東序 興 讓 上 南 薦 人。 興, 席 其 也 升 也 如 鄉 前 及 獻

四 0

實之者 (西階上答再 賓。 敬 賓 拜。」○以 故 拜 也 上 作主人 賓 西 階 上 一答拜 0 鄉 射 *****:

其將自 親奠 已拜,主人奠輝,不親 下並 也。 將坐祭矣,又興者, 賓 用觶 坐 辭 鄉 拜,主人少退,卒 降 奠 西 降 射 道 也 同 者 升 洗,賓 觶 飲 階 也。 飲 惟 不拜洗 奠殺 也。 人坐,取 上 主人 鄉 西 獻 遂 射》: 階 疑 用 阼 于 降 拜 立 上 爵 階 立 授 實 解 北 主 當 賓將拜,必少退。 解, 執 禮殺 面答拜。」坐,祭遂飲,卒觶 上 篚 觶 授 辭 西 人奠觶 待主人自飲。 北 觶 如 禮 者 賓之席 Ŀ 于 序, 于獻。 拜 面 興。 獻 篚 殺 篚 重 ,進,坐奠觶 辭 坐 東面 禮 也 更 也。 降, 將 賓 奠觶,遂 端 賓 降 賓對。」 酬 前 賓 西 獻禮、主人辭降、賓辭 西 賓。 北 賓 主人實 洗 坐 辭 階 卒洗, 階 西 上立。 受三 賓不 上 取 之 拜,執 已拜復辭 面 于 階 賓 一答拜。 觶 升 揖 薦 觶 降 上 辭 賓 \Box 亦 答 西 復 栅 讓 觶 洗,以 觶。 主 西 疑 興; 拜。 位 辭 興 賓 升 立, 主 階 人 其 賓 洗 此

介。 辭 不舉,不盡人之歡也。 送 于 席 賓降,謙不敢 賓 前 北 復 于 面 階 坐 上。 獨居堂,故從降。 又進 復位 主 坐于 人 將 拜 席 階上。 前 辟 之。 奠鱓 立于 主人揖 主 于 人 階西,階 薦 阼 降。 東 階 , 酬 上 下之 將 拜 獻 爵

西。

當序

東

面。

以

上

主

人酬

賓

端,上 與 面以 席西階上東面,主人自東北來,故 内之西,至是乃揖 人介 上 辭 相 立 面 主 當 立。 于 洗, 拜,主人少退。 人同 東爲右。 乃 右 主人以 西 酢畢所奠爵。 如賓禮,升,不拜洗。 揖 北 主人實爵,介之席 階 也。 設 東。 面今文無 主人拜于介右,降 介 折 拜 介升。 揖 俎 薦 如 降,洗。 讓 脯 賓 北 介進 蓋自 升 祭 醢 禮 面 如 _ 以 阼 賓 介 尊 階 介降 北 主 拜 西 前 與與 就卑,亦 東, 升 禮 南 人 也。 送 面 介禮 面 西 主人 南 席 受 坐 爵 不 行 介及衆 南 自 殺 禮 爵 取 介 近 嚌 介少 也 之殺 而 北 門 復 爵 西 辭 肺 獻 賓, 方,升、降 介西 位 階 降 于 西 退 介 並 不 面 東 主 Ŀ 與 在 階 啐 人 北 北 主 介 序 介 門 介

興。 上。 酒 北 不告旨; 主人介右答拜。 面 坐,卒 凡不者,下于賓。 - 爵,興 以上獻 ; 坐 介 自 奠 南 爵 方降 遂 拜 席 適 執 西 爵 階

介也。 以酢。 楹 遂 祭,遂飲,卒爵 坐 初 主人先降。 介答拜。 介 拜,執 奠 西 南 辭 爵 ,猶序端 階 介降 介卑下賓,不 介揖 洗 上立。 也。 爵興。 介降 遂 介、主人拜皆北 洗 讓 也。 拜, 如初,謂 升,授主人 將 主人實爵 奠此,將獻衆 ,興,凡言遂 酢主人。 立于賓南 敢 執 介答拜。 酌酢,而主人爲之酌,故盥。 寶酢。 爵 興。 面 主 爵 卒洗,主 主人 賓。 者,其 介答 人復阼 主 酢 于 以上介酢 人 介右 于 兩 復 禮略。 拜。 楹 坐,奠爵 西 阼 人盤 之間。 階 階 主主人。 再拜崇 階 主 指, 上,介右 坐 降 人坐, 盥 奠 賓親 于 辭 迓受。 者,尊 降 爵 酒 西 如 酌

拜 階 不備禮,大夫尊 東 遥 鄉 人 拜 西 之。 南 故 也也。 拜 面 示 特 徧 拜 性禮 也 衆 賓, 衆 答士再拜 賓 \Box 皆 西 南 答 面 以下凡與 壹 則 拜 即 在 上 阼

席。

實、介以次相厭

,衆賓又自

相序,將

旅酬

也。

以

L

升。

介

衆

賓

既,卒也。 矣,三人見拜之節也。 位。 下, 異 于其席上。 謂三人。 爵,如三人,以次降復位。 不 同 爵將以次獻也,亦立授。 人辭 主人以 坐祭立 主人以 升。 者 拜,主人亦 南也。 洗。 賓厭 衆賓之長升,年長者升。 皆 衆賓獻 禮之殺。 虚爵降。 衆賓辯今文「辯」皆作 爵 飲 下記: 升, 即 介,升, 衆賓席 即即 介酢 降, 不拜 實 席 則不拜受爵、衆賓、三人以下。 「立卒爵者,不拜既 衆賓不 送,禮 畢 奠 爵 主 坐 在堂上 ·所奠爵。 **二**祭, 于 · 于 人 主人拜 又殺于介。 酢 降 厭 揖 篚 乃 西 賓 每 飲于 禮 升, 復 西。 降, 階 下 略 賓 位。 人獻 西階 送。 坐取 也 篚 上 0 偏。 拜受者三人,衆賓多 洗, 升, 坐 獻 奠下 注 爵。 復門西之位,待賓、介 上。 揖、 拜送當· 一祭立 \overline{Z} 衆 記 爵 衆 則 位 有 授 復 云: 讓 不 賓。 于 用 薦諸 在 脯 主 飲。 升 拜 衆 西 堂 在 序 酷 人 **宗賓之長** 不 下 右 既 楹 鄉 升 其 獻 主人 升 爵, 立 未 爵 如 射 F 受 于 席 亦 飲 介 即 ; ; 其

凡

衆賓及就 席

觶之所 르 賓及就席; 上舉 階 拜。 奠 洗。 者,若親授也; 進,坐,進席前坐。 上主人殺 飲,卒觶,興 E 解,遂拜, 二、獻賓; 觶 案: 升,舉觶 降,洗,升 拜 爲旅酬之始。 也。 鄉 送, 人洗,一人,主人贊者。 禮 七、舉解。 後 不 射》、大夫人在舉 賓 同 三,賓酢主人; 興者 立 執 于 ; 司 坐,奠觶 觶 正,乃 實 賓; 坐 ,爲舉觶者拜,將少 賓 奠觶 右第二章, 蓋正獻禮之餘 興。 奠 辭 輝,立 發酒端也。 取以酬主人。 解,遂拜,執 辭 于薦西。 于 賓 解者降後 四,獻 親奠。 其 席 正獻之禮,凡七節: 于 所。 主人使之,取鱓 末 介; 節 西 退也 實 也 坐 答 此 奠鱓不授,卑 階 五,介酢; 舉 其所,上舉鱓者奠 受 觶 拜 經附 觶 上。 觶 以 西 興。 舉 篇末。 者 階 興。 坐 觶 于下 賓 六 降 祭, 上 賓 者 也 拜。 獻 〇以 日 坐, 答 篚 遂 西 衆 迎 事 受 與 謂 鳴 内 矇

東。 東 設 Ŀ 席 于堂廉 北面 以 西 邊 爲 隅 Ŀ 日廉 此 賓 堂四 在 堂 面 中 皆 故 有之, 東 Ŀ 此 近 在 賓 西 與 階 工歌

氏

儀

禮

卷

四

其事。 東。 者東 樂正 承下 首、瑟首。 尊歌者,爲之先道 者言也。 云: 也。 席 》燕嘉賓、四 瑟 宵 則 廉,三 異 雅肄 工西。 側 先升 面坐,授坐不立也。 故 也 Ι. 皆 擔 一瑟則歌 有相,以弟子爲之。 皆左何音賀。 歌《鹿 一指人孔持之。 挎 音 枯。 取 三、《小雅 也。 鄉 ,疑即大司樂。 工人,入門。 其 牡》勞 射 得 右 者二人也。 也。 鳴 用 手 席 者歌 ×, « 使臣、《皇華》遣使臣、皆 越,越、瑟孔。 》燕響之樂也。 坐則歌 于 相 深 西 瑟,擔于肩。 之。 四 階 人曰挎,淺 升自 主樂事 遂授瑟,乃降 每工一人, 曰二人者, 先。 瑟 牡 左 上 不 少 何 先。 言 東。 瑟 相 西 故先升。 疏 挎,持也 瑟, 故 階、北 皇皇者 者二人,凡工,瞽 日 樂貴人聲。 云: Ι. 也。 瑟 執。 後首,後,肩後 依 四 「皆歌 歌 小 人,大夫制 歌。二〇 立 内 面 謂以 華 者 降 雅 于 其 弦 坐 則 瑟先 在 類。」 據 左 弦 西 西,近 徒 以 何瑟 巨 《鹿 階 相 相 敖 所 擘 Ŀ 在

卒歌,主 人獻 Ι. 鄉 射 ×: 主 人取 爵 于 Ŀ 篚

禮又殺 賓介降 瑟,獻 音太。 拜既 也。 之洗,明 瑟于西 獻工。」《 使人相祭。 凡言不、殺禮也。 人辭降。 亦 爵 師 其餘 如之。 燕禮 人拜,四人中之年長者,先獻之。 北 禮 洗 祭,飲,辯有 則爲之洗。 面 工不辭 不洗也。 以 殺。 ○以上獻工。 必降,故從降。 人,即 此 西 主人洗升,獻工于西階之上。 先言瑟者 爲左也。 授主 主人阼階 相 洗。 不洗亦祭者, 者也 人 大師,工之長,四人中或有之。 脯 工,太師。 空其右, 爵。 以 言賓介降, 醢,不祭。 歌 祭,謂 上拜送爵。 者 衆 無 或 便于事。 酒 工. 事,此則 使 及薦。 鄉 則 則 人 射 工不 輕于酒 不興,受爵。 洗 不 Ι. 坐者先 記》: 有左瑟之事 不 拜 薦 降 工飲,不 左 親 受爵, 也 也。 脯 一瑟,置 既獻, 洗 歌後 醢 也。 大 主 爲 脯

設于 知。 設于堂下,此吹者入也。 階間 樂《南 笙人,笙,吹笙者也。 笙 陔 在 其 南 白 笙磬同 華 堂下 **≫**′ 《周 音,從其 磬 華 禮 南, 黍 類 春官》有 北 也。 樂 面 磬不言 立,磬 以 笙師。 笙吹 Ļ 詩 亦先 笙先 可 爲

爵于下篚。

樂也。 也。 其義 養。 **篚。」○以上獻笙。** 拜受爵,三笙 爵。 于西 立,飲,不拜既 醢,不祭。 《白華》,孝子之潔白。 而亡其辭。 主人拜 盡階,升二等也; 階 詩 上。 皆《小雅》篇。 送 一和 朱子曰: 亦 爵。 人拜,年長者。 授爵。 爵,升,授主人爵。 ,則四人也。 三等,則升堂矣。 亦盡 六笙詩,有聲無辭。 《華黍》, 鄉 詩 堂不降 射 序》: 坐,祭,立,飲,辯 時 《南陔》, 階。 盡 主人以 和年豐。」 階 不升堂,則在階 階 不升堂,受 虚 衆 前 孝子相 主人獻之 注 爵降, 笙 坐,祭, 云: 則不 皆 戒 有 Ŀ 以 有

子《集 上間 君子, 物盛多也"《由庚》,萬物 笙《由儀 庚》,歌《南 南 Ш 百有臺》, 至誠樂與賢者共之也, 傳 乃間,去聲。 樂得 有 歌, 六詩 賢 嘉 燕 也; 魚》笙《 饗 皆《小雅 0 間, 通 命由 得由 用 更 儀 之樂 《崇丘》, 其道也; 常丘 叠也。 篇。 萬物 歌 《詩 》,歌《南 歌《 之生各得 萬物得極 南有 序》 笙詩見 魚 嘉 《魚麗 麗 魚》, 其 其 Ш 上。 宜 高大也; 笙 有 太平之 〇以 美萬 臺 由

彩邑。 蘋》。 也。 覃》,言后妃之職;《卷耳》,言后妃之志;《鵲巢》,言國君夫 國,召公巡行于南國 之世,風化所及民俗之詩,爲房中樂。 蓋樂之卒章也。 人之德;《采蘩》,言國君夫人不失職;《采蘋》,言卿大夫妻 南國之詩。 葛覃》、《卷耳 階下。 者,重 締絡 循法度。 獻工,三,笙, 所奏皆風雅 乃合樂 《周 旦 而 一人聲 賦 〇以上 H 南》、《召 日周 其 朱子《集傳》: 周 也。 事。 奭 一合樂。 南 四、獻笙; 故曰正 日 工告于 樂 也。 南》、《國風 卷耳》,后妃思 得之南國者 召。 Œ 召 右第三章,樂寶,凡 歌。 《詩序》: 南南南 告于賓,乃 《關雎》,言文王得聖女;《葛覃》, 南 樂 五,間, 笙間合皆 三終 》篇。 方諸侯之國也。 正 鵲 《關雎》,言后妃之德; 君子。 \exists 日 周 六,合而樂備 召南 巢》、《采蘩》、《采 正 初,分岐周地爲 其得之國中者,雜以 周 降 歌 餘與《詩序》略同。 以 南 六 節: 故曰 備。 周公爲政 事 周 畢 關 備。 公采文王 I, 也 一, 歌; 旦 雎 其 子王 降 第 《葛 、奭 長 立 H 楹 許 司

:

歌

樂

八

音

並

作。

•

重 其事。 主人降席自 南 方降 由 Ŀ 南方,爲立司 也 側 降 ; 正降 側 獨 也。 也。 必降命之者 主人 獨 降

帥

西

歌

成 能

答拜。 可知。 升自西 實觶 此其例 **賓**。」安,安燕。行正禮勞,至是請安留之也。 司正升自 主人升,復席。 恐有懈 賓不降。 東西之節。 當近主人,則 遂 以 間 諾。 飲 正告于主人。 IE. 降 以 惰 也 司正告于賓,賓禮 也。 《鄉射》: 階, 作階 西 主人拜 相 作 故 自 立于觶 言階 皆揖 階 作階 拜, 立 相 西 司 由 爲 則 階 正爲之監相 相 賓西階上答再拜 東 楹 -,《鄉 南 司 上,北 碑 復 拜, 也 司正洗觶,安賓先洗,示所 内 主人 階 正。 所 北 席。 適 當于 射 主人就其位 也。 以 間 作階。 表其 阼 面受命于主人。 作, 北 賓、 楹 退, ,即下記 「主人再 辭,許。 間 階 使 位 面 主 少 主人曰:「請 也。 上 共 拜 坐 並 南。 作之。 坐,取 時 主人贊者之類。 再 少立 奠 北 拜。」 IE. 皆 面 禮, 拜 主 觶 禮 離 司 人優實 既 可 ; 席 凡 ; 不言介衆賓 觶 司 賓 成 共手 正 兩 拜 IF. 《鄉 不 IF. 西 皆 階 有 答 將 禮 安 之間 7 階 而 司 有 故 射 事 留 拜。 辭 其 也 立 相 辭 干 賓 Œ 干 H 位

禮 殺。 卒 觶 興, 坐奠觶 遂 拜 初 奠鱓

所, 拜, 本 飲 立 ()反 以率之,乃奠以 有 位 無 盤 所受也。 字。 位 不祭,遂 位 少 北 也。 卒觶 洗, ,立位少 待 既 卒觶。」此 乃 行 北 飲,又 拜 面 南 也 成 洗 坐,便于 階間 故 禮 而奠之者, 退 有進 也。 立于 之位 鄉 退 監 諸節 有二: 射 觶 杜舉 也。 南。 進, ·爲罰 一奠觶 奠 執 觶 觶 以 坐 輝,先 上 興 于 位 取 立 俗俗 觶, 其 司 自

酬介。

IE.

鄉射

》此下入射

節

西。 主人。 之西北 卒鱓不拜 觶 主人受觶 面 東南 、答拜。 栅 E 主 面 俎 禮殺 北 拜送。」實 西 面 者 賓拜 不祭,立,飲,不拜,卒觶,不洗,實 面 授主 也。 坐 主 俎 在 人 揖 人。 送于主人之西。 取 賓 薦 降 南 坐 俎 復席。 席, 主人阼階 奠鱓,遂拜,執 俎 西 西 立于賓東。 之觶, 猶 初起 薦 西 旅 Ŀ 人舉 也 《鄉射》:「賓主人 酬。 拜,賓少 觶 旅 阼 觶 〇以 酬 所 階 興。 奠 同 上 階,又 上 退。 賓 易 主 北 薦 酬

主 人 西 階 上 子 介。 以 所 受 酬 觶 栅 之, 西 南 面

> 之禮。 介 降 席 賓 自 坐 南 取 方, 觶 以 立于 下。 主 主 人 人 揖, 之 西 復 如 席 賓 以 栅 上 主 主 人

此凡 主人酬 者以 自左。 某,其 酬。 自介右者,衆賓尊介,故異于介之受酬。 西 例 上,以觶奠于篚。 在下者,贊者不 ||字端 爾。 Ŧī. 右 姓 解降,坐奠于 衆受酬者受自左,此衆賓相 司 節: 第四章,旅酬之禮,先 介, 也,辟 受酬 拜、興、飲皆 也。 正 介在 升 姓 栅 者降 立司 西、北 者。 同 與。 相 以伯仲,又同 司 旅,曰:「 Ē, 又敖氏二 東 席。 正 面 面,便于 如 以 能 。 降, 二、賓酬主人; 西 賓 司 云: 復位。 爲 衆賓之末。 쨈 人舉 相 正 左 以字。 某子 卒受者 主 也。 退 觶 受酬者自介 人之禮 立 觶 凡受酬皆 此 受酬。」 酬尊 〇以上介酬衆賓。 南 無 介酬衆 于 節 鄉 位。 所 别 卑等, 主 序 酬 射 人 0 端 告 賓,衆賓 衆賓之長 IE. 酬 故 乃 以 辩 獻 介 東 上衆 亦受之 自 徧 此 卒受 條 遂 舉其 飲 面 下 四

介酬

衆賓;

五,衆賓

相

酬

而酬

禮

畢

皆拜送,降。 賓 自 南 賓言取,介言受,互文也。 坐 南。 薦 觶 拜,執觶與,賓介席末荅拜。 使二人。 也。 飲如一人。 一受以興。 介席 ·西奠之。二人並進,一奠于賓之薦西,一奠于介之薦 ,皆立于西階 賓辭,坐,取 奠未舉,無筭爵乃舉。 末答拜。 洗,升, 卒觶 薦 賓介奠于其所。 南 實鱓 者, 觶 上。 ,興,坐奠觶, 逆 介 以 降,後升者 東 介亦 北 于 興, 而 〇以上二人舉觶。 面。 兩 辭 以 介則 階 南 賓 與 爲 上. 賓同 介皆 皆坐祭,遂 先降。 右 其所,實 薦 遂拜,執 皆 猶賓之薦西 南 坐 拜。 退, 奠之。 洗, 奠 薦 西 西階 皆 升 觶 觶 飲 介薦 興。 進 亦 上 也 介 實 遂

亦主人贊者,主人使之,

將燕賓爲

無

筭

爵

也

飲

賓

及

介

故

賓辭 主 也 請 人日 坐于賓。」盛 主人 以 「請 俎 正升 請 徹 徹 司 俎 自 正 俎 西 述 禮 賓許。 俱成,賓主倦矣。 階,受命于主人。 命 鄉 而 射 賓 *****: 辭 司 蓋燕則 正 賓 述命, 辭 以 請坐, 禮 俎,反命于 賓 殺,不 許之。 主人 將以實 敢 當 司 主 燕 日 「盛饌 か、也。 正

> 衆賓降立于大夫之南。 致仕 公置孤一人。 主 北面 者 席, 者。 降 衆賓皆降。 降,介從之。 卿、大夫居 面 立于階西 鄉射》: 降 人取俎,還授弟子。 謂 居鄉 西階 向 階 司 將 可 自 席 遵 徹故降。 前 正 東 弟子 者。 取俎, 阼 法 此 Ŀ 升 命 面 也。 鄉; 階 北 曰公者,孤貳公,在國亦稱 立于 ,主人降 以 弟子俟 衆賓無 則 轉 大夫 若有諸 面。 南 或 使 主人降席, 南 介取 面 别 面 人 阼 俎 俎 席 異 〇以 鄉 授之。 遵者降 亦降 階 受石 (于賓。 石經作 徹 出授從 來觀禮 公大夫,王朝則三公、侯國 俎,還授 東 Ŀ 俎 者 西 徹 經 弟子以降自 司 面 者。 將 席 賓 者,下 阼 俎 作 序 立。 階 Œ 説 取 階 「授」。 東 屨 則 分弟子。 西 大夫降 以 所 俎 上 端 也 此 公也。 南 階 굸 降, 使 遗 北 面 《鄉 俎 是 人亦弟子 弟 立 賓 也。 面 賓 如 西 授 子 日 于 射 弟 遵 降 1階,主 賓 諸 從 賓 司 謂之遵 學 子 介 席 南 謂 ф 之。 賓 容 正 也 以 孤 降 北 有 則 少

說音脱。 屨,爲安燕也。必脱于下者,屨賤,不空居

堂。 第五章,燕賓之禮,凡三節: 主人送于門外, 或合,盡 爵 蓋 陔夏》,九夏之一也。 而終于無算爵 行 胾、醢之屬,燕設 無數 揖 歡 讓 醉 而 如 止 而 云: 初, 咋 賓 昭具 奏九 升, 其 再 出,介及衆賓從出。 陔之爲言戒也。 儀 拜。 夏, 坐 所以 //鄉 一乃羞。 一,二人舉鱓,二,徹俎, 皆歌于堂上, 別射》詳 案酒。 以上坐燕而終于無算爵。 之。 無 羞,豆,謂 以 算 《陔》爲節 無 堂下鐘 奏《陔》。 爵。 算 内羞、 樂。 筭 鼓 明 應 數 庶 知無失 或 陔 羞。 之 也。 右 間 坐

東也。 故謂 既 迎不言門外,蓋既 賓介降,衆賓皆降, 夫 再 之賓。 重。公如讀若。 人舉觶 賓若有遵者諸公大夫,雖來觀禮, 尊之不與鄉 若有, 乃 人,主人乃降迎于門 有無不定之辭。 人齒。 人。 不敢干正禮 復 大夫人,如,及也。 公三重,席 初 位。 大夫, 也。 階 内 下位。 中、下 異于 領 席 爲 干 賓 大夫。 主 亦賓之類, 主人降, 賓 重。 人迎, 東 揖 尊 大 則 讓

升。

公升,如賓禮,

辭

席,謙自同于大夫。

使

不言請,告之而已。

賓

介不與。

禮不

可

瀆

鄉

樂

唯

詳之。 再重去一,與凡席等,無以表尊 席,主人對,不去加 委于席端,主人不徹; 人去之。大夫則如介禮,有諸公則 ○以上補遵者入之禮 席。 無 公辭則去之,大夫則不去者 也。 諸公,則大夫 遵者獻酬 之儀、 辭 加 辭 鄉 席 加

也。 即 疑即《儒行》 俱 未見也。 朝 服也。 ○以上賓主相 明 日 》所謂 主人 主人釋古文作「舍」。 ,實服今文有「服」。 「其服也鄉」,蓋章甫 如 拜 賓 服 以 拜 鄉 辱。 服,更玄端, 逢掖 服 之類。 拜 以 賜 拜 拜 賜 將 辱 註 則 息 賓、 鄉 以 司 服 主 IE. 爲

賓。 司 君 欲 薦 正,長 微沼 子 脯 不 可 醢, 乃息司 殺,用宿 也,爲賓。 也。 也。 羞 告, 所 唯 Ē 欲 儲者、不殺 所 請 無 凡 有。 息,勞也。 也。 介, 知 交可 可 凡宿 禮 者 隨 則 略 禮事既 召 意 儲 也。 無 否唯 召之。 俎 可 無 也。 爲 成,勞諸 所 介 羞 欲 或 以 者 則 也 用 告于 諸 贊 乾 徵 贊 者。 敖 肉 者 氏云: 先 唯 折之。 獨言 爲 生 所

章,補 欲。 樂者,其以二《 夫之樂也。 遵者人,及飲酒之餘禮,凡三 《燕禮 唯 欲者,不從其 南》及《風 Œ 遂 歌 鄉 樂, 》爲民間之詩與? 蓋《周 次 也。 南》、《 一節:一,遵者人;二,賓 0 以 召 Ŀ 南 息 注則 × 六 司 正。 篇也。 \exists 右 此 第 鄉 \exists 主 六 大 鄉

背

相

三,息司

于禮者。 下東壁之北,祖陽氣所自始也。 之屬,使能, 賓介皆戒而又宿,此曰使,又曰 也 祭于其上, 鄉 至, 射 其他 ○純、緣也。 注云「取擇人」,存參。 經不言服,故特明之。 記 : 徹之。 記 不宿戒。 用觶 故可 鄉 祭半 祭, 朝 以不 示有 尊給幂,給,葛之粗者。 所 服 膱 薦 祭 宿戒 宿戒,再 事。 而 膱 脯 脯 謀賓 長尺二寸。 也。 也。 Ŧi. 亨 皆使能,使,令也。 其 挺,本亦作 ,同烹。 不宿 横 戒, 牲, 介,鄉,鄉人,謂 獻用 蒲筵 者,殊之,于人則 先戒 戒,則 狗 半 于堂東 爵,爵尊,不褻用 緇 而 也,用 則 又宿戒 擯及主人贊 布 「脡」,猶職 六寸 幂,覆尊 純。 狗, 北 也 也。 鄉 能 大夫 之閏 爲 義 ф 横 巾 堂 未 者 經 諳 縮

用臑肫。 也。 右。 不 不徒作,謂必 爵 體 後脛骨。 格,今文作「骼」。 脚,亦曰臑。 也。 凡饌皆在焉。 於篚以下。 長者、餘則雖 奠者于左,謂不飲者于左,不欲 也。 進 拜 拜者不徒作。 脊旁爲 脅。 祭 便也。 自 既 尊者用 横, 腠。 西 凡牲 ○肫 爵 則 階 立者東 酢。 爲之洗,亦不辭 〇臑,乃到反。 衆賓之長一人辭洗,一人,三人中之 腠理,皮膚之間。 Ŧi. 前脛骨三: 貴骨,賤 俎由 ,同膊 升。 如 挺 主 石經日 衆賓之長是也。 皆 坐卒爵 一人俎: 音純 賓俎 東壁,亨處載之。不言鼎 縮 面 謂 者用 可 拜既 一肫 北 肩 知。 股 賤 者 胳」、朱子删「肫」。 脊、脅、臂、 上,謂降 介 俎: 骨也 臂、 骨, 爵。 脊、脅、肩、 出 拜 如 進 臑 前 其 腠,則 自 賓禮。 既 惟 徒,空也。作,起 也。 相 貴于後也。 肺 工不 左房。 脊、脅、 爵,立卒 立 妨 前其本也 後 一時。 也。 從 肺 脛 主人坐 此禮 骨 肺 若 將舉于 東房 肺。 大夫當 胳、 則 臂 有 爵 取 爲 脊 無 也 膞 凡 者 以 北 胳 音 肩 在

胳

皆薦以 正位西階 面 則北上之外,又有東上者,統于門。 者 則 盎。 東,蓋薦于其 東 上。 立者,謂贊者之屬。 言薦,以 賢 者 位 衆寡 也。 無 凡 常。 舉 少 爵,三作 樂 則 北 正 明飲 上 與 統 也。 立 而 于 堂 者 不 樂

薦。 爵于上篚;既獻奠于下篚。 爵,獻賓及大夫與工。 大夫亦然。《鄉射》 樂作大夫不入。後樂實也。 》主人以爵降洗獻大夫是 其笙則獻 諸 獻工異器敬 獻工 西階上。 也。 與 笙, 上 也 古文 篚 取 獻

縮 記 也。 直 也。 然拜送亦見于經。 謂直 前 雷東西之中也。 磬 階 北面鼓之。 間 縮 雷,雷, 鼓,擊 承雷

無「上」。

○經已詳之,此疑

衍。

注云:

此爲主人拜送爵

降 也。 自 北 南 面 則在 方。 磬 司 南矣。 正 既 主人介,凡 舉觶 而 薦 諸 升席 其 位。 自北方, 無 獻

祭。 旅 大 酬之始 其舉觶而薦于階間之位也。 不潔。 則 既 一人洗 旅,士不入。 後, 俱 不 洗 凡 禮殺 亦謂觀禮 旅 不洗。 也。 不洗 者既旅 經舉觶 者 , 則 不 將 爲

> 作。 東方。 燕矣。 下者不與。 北上,統于公。 則大夫於主人之北,西 以東。經于徹俎直言降,無出文,故記之。以東,藏于 受者以降,遂出 不與; 此明命工之人,及奏《陔》之節也。 不入,後正 樂 IE. 無算爵,然後與。 謂不獻。 命 主人之贊者西 奏《陔》, 禮 也。 授從才用反。 賓興禮重 徹 賓 俎 面。 : 出、至于階、《 面 酬 賓介遵者之俎 者;主人之俎 諸公尊,莫與並 北 及 衆 上,北 若 賓 有諸公, 而 止 上; 陔 統于 故 也 在

徒爵。

三作,

謂

獻賓、獻大夫、獻工。

不

徒

爵

謂

皆

有

儀禮章句卷第四

仁 和 吴廷華章句

尊

酒

乃備也。 冠禮》。 序,皆用此禮。 鄉 射之禮 鄉 ○案: 注已見《鄉飲酒禮》者,此不更贅 射禮第 五. 物詢衆庶; 此前後同 Ŧī. 禮屬嘉禮,當第十六,第五説非,詳《士 Ŧī. 《周禮》: 又州長 《鄉飲酒禮》,而文有詳略,相兼 鄉大夫既賓賢能, 春秋以禮 會民 耐 射于州 退而 以

再 迎 鄉 不謀實,又無介,不實,略之。凡以平日所考德行之優者,及 飲酒之介爲實可也。 拜。 再拜。 鄉射之禮: 無介。 主人 主人答再拜,乃 再拜,賓答再 以 Ŀ 主人戒賓。 一戒賓 其服未聞。 請。 拜。 注云:「玄端。」賓 主人,鄉大夫及州長。 告而戒之。 主人退,賓送 賓禮 出

蔽體。 之。 東肆。 席。 十丈也。 並六尺,蓋三十丈。 下躬、舌各二尺、去地尺二寸、則侯高丈九尺二寸。 中,兩旁木爲植。 鐘鼓,則縣者鐘磬鼓。 當東榮。 左下綱,侯北面,左則西也。 席主人于阼階上,西面。 于洗東北 者。 禮》所謂 武,足也。 南面,東上。 中掩左相,鄉右而東之。 乃席 北 亦 設洗于作階 \Box 面 西五步。 「房户間 容、又曰 以 賓, 水在洗東, 篚在洗西, 南肆。 西 西爲 中人足尺二寸,故取數焉。 牖 面。 下綱不及地武。 也。 居侯黨之一,黨,旁也。 防。 左,上也。 户 間。 乏去侯十丈,西旁三丈, 衆賓之席,繼 洗東北,辟射 乃張侯,侯,所射布 參侯道,鄉侯道五十弓,弓與 東 兩 凡 壺 南,南北 射 乏,如 皆 不繫者,事未至。 斯禁; 尊于賓席之東、鄉 必 加 先 位 勺。 行 小 也。 屏,唱獲 鄉 以 以 左玄酒; 而 侯 飲 堂深, 侯 下 篚在 西。 酒 中 繋繩 也。 奏《陔》須 則 高 禮 參三之一, 者居之,以 中 縣音玄。 邪 其 亦 故 于 中 不繫 丈, 東西 鄉 掩 不 爲 據設 植 先 南 也 束 侯 用 飲 \exists

469

○以上陳設。

賓。 迎 速賓。 右第 再拜,主人答 羹定。 章, 飲酒前 主 人 之禮, 再 朝 拜, 服 凡三節: 退,賓 乃 速 一,戒賓; 送 賓。 再 拜。 賓 二,陳 朝 以 服 設 上 出 速

皆 主 面 阼 階,三讓,主人升一 揖 入以 階 入門左,東 相 '答再拜。 皆行。 上當 出 賓及衆賓遂從之。 賓 迎于門外,再拜,賓答再 揖 楣 皆揖而 以上迎 , 先 人。 面 北 北 行。 面 上。 賓 等, 三揖 再 以,與 拜 賓少 賓 , 同 因事曰遂。 也。 升。 鄉 賓 進。 飲,時 西 賓 衆 階 拜 厭 賓未升。 主人以賓 衆賓未行。 上 及門,主人 衆賓,衆賓 一,當 揖衆賓, 主 楣 人 及 北

賓 南 爵 興 降。 面 坐 主人坐,取爵于上篚,堂上尊 解 主人作 奠爵 降 于篚 賓 階 對 前 下 今文無 主 盤 人 阼 洗。 坐 階 取 賓 爵 南之篚。 西 進 興 面 東 坐,奠 適 以 北 洗, 降。 面

拜。

賓

西

階

上,北

面

坐,卒爵

,興,坐奠爵

遂

主人少 手,執 席之前 賓升, 當西序 左執 西 阼 右絶末以祭。 西 辭 坐,絶祭,《鄉飲酒 遂答拜, 坐,奠爵 于階 方。 階 階上,北 洗。 上 爵 東 前 西 爵, 乃設 拜送 退。 面。 主人坐,奠爵于篚 辭。 拜 西 階 乃 右祭 遂 降。 面,拜洗,主人阼階上,北 北 上 主人卒洗,壹 尚)爵,賓 賓 賓進,受爵 折 祭 疑 告旨 面,獻賓。 脯 左手, 嚌之, 興 對。 俎。 酒 將更盥。 禮》右 醢 立。 少退。 興, , 執 主人阼 主 手取 奠 主人坐, 人卒盤,壹 席 賓降,主 爵 爵 于席 賓西 肺 揖壹 興。 末 薦 興,對 于 階 卻 坐, 脯 薦 前,復位。 左手,執 階 東 取 加 讓 主 醢 人 西 啐 疑 上,北面,拜, 于 賓 人 爵,實之,賓 以 揖 辭 酒 立。 賓升。 俎; 阼 興 賓 本 降 壹 反 面 階 升 坐弗 亦 降 位 取 賓 讓 奠 坐 主人 E 席 肺 升。 坐 坐 爵 答 捝 賓 亦

拜,執爵興。主人阼階上答拜。以上主人獻賓。

拜 爵 禮 醢 進 主 階 洗 面 面 如 初 坐 之東、 升。 崇酒 興; 主人 人反 答 阼 ,受爵,復 奠爵 北 不告旨。 拜。 主人升 主 面 之禮。 以 人。 位 坐,奠爵 一**,** 坐 主 南 賓西階 興,辭 虚 主 人 面 亦 爵 席自 主人 人 位。 奠 拜 辭 自 賓 復 降 坐 降。 洗。 爵 洗 阼 遂 升 席 E 北 阼 , 奠 賓 階 于 答 前 主 賓 拜 方。 東 實 西 階 賓坐, 篚 主 再 爵 人 滴 答 西 爵 階 人 上 下 執 拜。 降。 面 于 阼 乃設 拜 ,主人之席前 對 上; 拜, 爵 奠爵 興 序 階 以上賓酢 興。 興,降 賓 賓 盤 端 拜 賓 上 折 卒洗 賓 于篚 一,洗。 西 送 少 俎 坐 賓 阼 北 階 爵。 盤 退。 主人。 西 與 階 面 取 前 揖 祭 主 階 亦 1 坐 爵 了; 對。 薦 主 人 如 讓 東 東 上 北 阼 適 再 北 卒 賓 脯 人 南 面 如 面 拜 賓 酬 卒

洗。

賓

西

階

上

立

主

人

實

觶

,賓之席

前

北

主人坐,取觶于篚,以降。賓降,主人奠

賓 觶 洗,揖 之 西 不 辭 階 阼 辭 降 E 洗 階 讓 北 ; 上; 升。 賓 面 鄉 對 北 答拜 飲 賓 酒 面 東 禮 西 坐, 面 階 主人坐 立。 奠 賓 上 不 觶, 疑 主 辭 立。 祭,遂飲 洗 遂 人 立 坐 拜 主 當 取 西 執 人 · 卒 序 觶 觶 實 東 洗 興 觶 面

答 興; 拜。 坐,奠觶 主 人 降 遂 洗。 拜, 賓降 執 觶 興 辭 如 賓 獻 西 禮 階 上. 升,不 北 面

辭 面 坐 賓 取 西 觶 階 以 Ŀ. 興,反位。 拜。 主人 坐,奠 È 人 觶 阼 于 階 薦 上. 西。 拜 送。 賓

賓 賓 降,東 北 面 坐, 面 奠 于 觶 西 于 階 薦 西 東 當 西 反 序 位 以 主 上主人酬 人 揖 賓 降。

人,主人 爵 主 一人揖, 西 主 階 人西 拜 上 升,坐, 送。 獻 南 衆 面 坐祭,立飲; 賓。 取 爵 拜衆賓,衆賓 衆賓 于 序 之長 端, 不 降,洗 升,拜受者 拜 既 皆答 爵,授主 升, 拜。 實

衆賓 醢。 飲。 人爵; 升 主人以虚 每 降 衆賓皆 人 復 獻 位。 爵降 升,亦序升。 則 衆賓皆 薦 奠于篚 諸 其 不 就 席 拜 席。 受 揖 衆 爵, 讓 以 賓 升 上 坐祭, 辩 獻 衆賓 賓 有 厭 脯 立 及

就

席

者降。 拜。 奠觶 舉 觶 祭,遂飲,卒觶 觶 者 拜 降洗 者 進,坐,奠觶 以上一人舉觶 人洗,舉 西 執 階 ,升,實之,西階 觶 上 興 興。 拜 觶 于 送。 于賓 · 薦
西
。 賓 坐奠 席 賓 升,實 末 觶 反 上北 賓 答 奠于 拜 辭, 拜。 執執 解 面 其 坐,取 觶 舉 西 所。 賓拜 興 觶 階 以 上 者 舉 賓答 興, 坐, 坐 舉 觶

答拜。 次自明 降 人舉觶 復 少也。 大夫若 初位。 主人 乃人。 則 入門 有遵者、《鄉飲 以爵降,大夫 主人揖 彼文 左。 在經 讓 末 主 以大夫 故 人 酒禮 降 い特明 降。 ×: Ź; 升 主 賓若 賓 人 拜至; 此 及 在舉 有 辭 遵者 衆 降 觶 賓 大夫 後 則 皆 大 其 既

拜。 賓禮 自西。 大 上 拜 夫 醢 夫 洗。 辭 拜,進受爵,反位 以下皆如介禮。 主人答 ; 洗 註 辭 不 云: 主人實 加 如 嚌 席。 升自東者,以尊在西 賓禮 拜。 肺,不 爵 主 席 以 席 一人對 啐酒 大夫升席。 上主人獻遵 于 前 尊 了, 不 ,不告旨 主人大夫之右 獻 東。 于大 也。 去 席 與 加 設 夫。 統于尊,西上,升 賓 席 西 折 夾 大夫 尊。 階 俎 乃 E 拜 升, 祭如 薦 卒 西 送。 爵 不 階 脯

堂,故從降 階 再 拜。 奠 兩 盥者,尊大夫,與 主人復阼階,降 爵 楹 揖,降。 拜,崇酒 大夫降 主人坐,奠爵于 拜,大夫答拜。 間 復位。 也。 ; 將升賓。 賓 洗 介同。 在大夫右。 南者 主人實爵, 辭 如 雖 揖 大夫降立于賓 尊不奪 西 初。 讓 坐祭,卒爵 大夫答拜。 楹 升。 卒 南 人之正禮 以 洗,主 ,大夫若衆,畢乃 大夫授 酢 于 , 拜, 大 夫 答 南 人 也 西 主 主 盤 階 經 人 不 人 Ŀ, 不 敢 自 復 爵 奠 言 獨 飲 阼 坐 于

酢

主人。

大夫若

衆,

則

辩

獻

長

乃

酢

公,據大夫如 介禮 則 有 諸 公可 知。 〇以 Ŀ 遵 酬 主人。

獻賓; 席。 人舉觶, 六,主人獻遵, 七,遵酢主人, 八,就 以 二,賓酢主人; Ŀ 就 揖 席。 讓 右第二章,正 以 三,主人酬 賓 升,大夫及衆賓皆升 飲 欧酒之儀. 賓; 四、主人 凡 八 獻衆 節: 席 一,主人 賓 就 Ŧi.

人

Ι.

覃 謂 蘋 笙 T. 鼓 西 正 越,内 者在 射 入磬 于 坐, 瑟瑟先; 先升 面 禮 席 前 略 南 Ι. 相 弦。 卷 \exists 也 工于 乃降。 不 北 者 北 縣 耳 中,則 右 興,告于樂 面 坐,授 面 執 相者皆左何 西 立 手 越, 立于 以上合樂 ^ 階 縣 不歌,不笙,不 相 召 乃 有鐘鼓,不 内 瑟 上 ; 其 南 合 弦、《鄉 少 乃 西。 人 樂《 正 • 東。 降。 升 瑟 鵲 止 亦于 日 周 自 間 飲 巢 亦設 酒 面 笙 磬也。 以 南 西 西階 **≫**, [鼓,面 禮》: 射時 正 階 于 東。 堂 歌 采 影 左 立 北 又有 廉 鄉飲 備 前 蘩 雎 于 面 Τ. 東 何 樂也。 也。 × 瑟 上。 酒 縣 東 几 樂 禮 ^ ^ 後 謂 中 上 樂 采 葛 IE. 注 首 可

北

辭

席 人降 不祭。 爵。 送爵。 使人 賓 主 飲酒禮》: 笙 大師之外,皆不親洗,特于此見之。 卒洗,升,與賓揖 降。 拜 人,《鄉飲酒 不拜受爵,祭,飲; 面 許 一人,拜于下,盡 受 衆 受爵。 席 主人取 相 司 諾 降不言大夫,可知 階前 命于主 正 笙 祭。 自 主 「主人日 洗 南 人 不 主 觶 坐祭,立飲,不 爵 方,側 禮 人 以 拜 Ι. 主 請安于賓。」賓 升 于 受 飲, 爵 人 讓 再 升。 上 司 爵,坐祭,立 阼 降 自 拜 降 西 不 正 篚 階 階 奠于篚,反 實爵。 西 作相 告 階 辯 拜 獻 司 主人 不 階 上 于 1 有 既 正 賓 升堂受爵。 拜,送爵。 禮 工. 北 脯 爵 拜既爵,升授 辭 答 遂 由 賓禮辭 大大 爵辛 爲 工不興, 7,授主 面 醢,不祭; 降。 獻 楹 拜。 飲, 司 請 許 升, 師 内 笙 Œ. 安于 辩 許 \mathbb{T} 則 適 于 主 人爵 就 司 有 薦 作階 西 左 不 爲 人 主 司 司 正 席 瑟, 脯 階 不 脯 辭 之 正 升 Ē 主 人 告 洗。 洗 告 醢 醢 洗 就 禮 拜 主 于

主人。」遂

退 觶 降 賓 坐 , 北 拜, 取 取 自 西階. 奠觶 西階,中 面立于觶 執 觶,興;反坐,不祭,遂卒 上答 ,興,退少立:《鄉飲 解興 再 庭 ; 洗, 北 拜 南。 北 皆 面 以上立司 坐、鄉 揖, 面 坐 就 酒禮 一奠于 正。 席 飲酒 右第三章,樂賓,凡 *: 觶 禮 其 司 退 所, 共少立。 正 興 實 階 ; 興, 間 觶 坐 北 少 奠 進 面

節:

一,合樂,二,獻工,

三,立司

Œ

附

于此。 上。 西。 不 韋爲之,著左臂以 象骨爲之,著右大擘指 口 · 得 射 射、故未旅 兼 適 未 \equiv 一耦,學 挾 堂 旅 耦 乘 尚 西 未比, 士習射者,耦二人,司 矢,乘矢,四矢也。 旅,衆也,序也,謂 · 司 面 遂 射 射 弦 此 也。 以 射 2特言其 又謂 人也。 鉤 弦開 之拾。 耦 人數 俟 體 袒,左臂免上衣也。 衆序 側 也。 射前戒之, 于 爾。 取 持弓矢日 酬 堂 弓于 遂 也。 堂 西),射韝 一西, 西 執,方持弓矢 旅 階 至是乃 南 終實醉 西 也 堂下 面 俟事 西 以 決, 也 東 恐 階 朱

> 「弓矢既 無不 然。 人,曰: 曰「爲二三子」。 兼司馬諸執事言。 三子許諾。」二三子,衆賓也。 ,見鏃于弣,右 司 惟 誘射 也 「請 具,有 僅 升 挾 射于賓賓許。」 自 E 司射 个, 賓對 指鉤 司 西 及獻 請 階 弦。 適 曰 : 射。」 阼 釋獲釋之, 袒 階 階 決以 有司 上 某不 以 上 詢衆及會民 北 下,示 上 司 東 以 請 面 能 射白謂 下文 北 射 告 所 面 不 于 謙 有 有 也。 特爲 賓 詳 事 丁,始 略 或曰: 于 爲 賓, 曰 其 終 主 實

横 皆 也。 器。 亦 與大夫之弓倚于 如之。 設 在堂 射器,弓矢之屬。 也 弟子,學士之少者。 司 西。 射 衆 矢在 降 弓 曰皆,有不皆者,下主人弓矢則 自 倚 弓下 西階 于 日 西 堂 北 納 序 西 括 西 階 則 既 面 俟于門外也 矢 命之, 前 括,矢 納乃陳之西堂 在 西 則 其 面 接 執 弦 。 命 上 事 處。 占皆 乃 弟 在 待 在 Ŀ 北 納 廉 子 也。 于 括 也 射 上 西 納 亦 則 東 階 賓 射 序 北 矢

H

挾

下記

凡挾矢,于二指之間

横之。

大射,挾二矢于弓

^{●「}正」,原誤作「止」,據四庫本、經解本改。

張侯

括。 主人之弓矢在 東序 東。 以 Ŀ 納 器

比次其才相近者。 曰:「子與某子 于子。」上下當以 耦之南北 司 射 不釋弓矢,遂 面 三耦,習射者,故先比之。 齒。 ·射。」古文曰:「某從于子。」○以上比 一耦,南面也。 某,下 以 射 也。 比 命上 御 耦 侍 射 于 也。 堂西,其 日 堂 命 西。 「某御 下 位 也。 比, 射

以其 其屬 此乃解 南位 之。 旌 侯,射之節 馬 又 ,納器在 也。 每 司馬 ,西面命之也。 命 司 之。 中 - 必報 旌 獲 正 也。 命張侯,事至也。 堂 者倚 遂繫 旗 爲 獲、故 西 屬 侯 司 故 中 析 旌 左下 馬。 由 日 弟子説 羽 于 命 西取之。 獲者,亦 爲 中 侯 綱。 司 旌。 處 中。 馬 也 同脱。 本 中 謂之唱獲。 前 上未盡張 倚于侯中 有專 則舉 獲者, 不 獲 繫, 官 之以 束, 者 有 此 此 ,故復言之。 由 司 必 乃 前中掩束之者, 唱 則 ·乃退。 ,服不氏之屬, 獲。 西 司 繫 以 馬命之者, 于 方 相 倚 植 禮 坐 侯,去 以 就 者 取 可 上 觶 攝

> 遷樂。 三,比耦; 者升降由西,故遷于東。 則遷者瑟也。 子,工之弟子。 南,堂前 者。 樂 右第四 如 正 四、張侯; 初 適 章,射 **笴**, 箭幹, 長三尺。 人 不言笙 遷樂階 西 方, 瑟先降。 五,遷樂。 前之儀, 則 下,以辟 命弟 樂正北面,立于其 太獻畢 凡五 降 即出 子 射 自 節: 也。 贊 矣。 西 T. 縣 西 一,請射; 階 弟子 遷 在洗東北不必 面 阼 樂 北 階 相 于 上 南。 Ι. 下 下。 坐。 納 即 即 之 以 遷 東 射 H Ŀ 弟

相

弓把。 設中 挾 以 立 弦而授弓,有司 袒,決,遂。 讓 命三 取弓矢拾。」拾 于所設中之西 个。 南當福,西當西 司 遂授矢。 **耦**: 三耦尚 射 搢, 猶 決、遂亦取自堂西。 插 挾乘矢,猶者,見誘 也。 遂,因也。 司弓矢之屬。 序, 南 更 在堂西,亦 右 也。 楅 東 插于大帶 南當 面 謂 \equiv 洗 北 中 耦 註 耦 則 外、革帶 面 以盛算,爲 有 \(\frac{1}{2}\) 更代 命之。 射前 皆 在 司 中 執 亦弟子爲之。 取 左執 恒 庭 写, 内。 也 執之, 西序之南 各 獸 形。 搢 驸 與 司 未改 射 右 耦 其 下 弣 先 皆 耦 而 執 中 松平

行, 本未設 而 俟。 如升 射 特豫言其 俟 射 也。 由 司 地 ○以上三耦就射 射之西,立于其 爾 耦 皆進 位 由 西 堂西 南 進 東 而 面 南 北 亦 上 並

尚餘 揖; 下物 在楹間 内,鉤 堂 揖; 東北。 右足 以 淺 依今文作 搢 意言之。 》「無 亦 揖 趾 也 如 及 西 室日 之。 而 司 射 架、容執 西 曰三耦之北者,蓋 繞 階 轉 物 者所 鄉 履 射 「序」,謂 也。 挾 风楹之北 堂則 榭 當 而 揖 下 履 東 東。 棟、 立之處 説 物 事往 當,遥 个, 物 面 州序 當 之横 而 非 由 謂 左 豫今文作「序」,注 楣, 來,不必無室始 東 立 IE. 序 揖 也 相 楹 足 也。 畫 無室 直。 射 總 以 于三 進 其 外。 將 也 履 也。 以 所 制 蓋庠序之庭 誘 ; 既 去侯 故可 物 畫 射 耦 大射 揖轉 東 不 言 以物當楣 物 進 物 此 故 之北 方足,方, Ŧī. 當 而北。 一堂深。 + 誘 與三 下 미 棟 詳 射。 則 - 弓爲 物 當 也。 作 有深淺,堂上之物 畫 之。 司 也。 耦 棟 也 榭」。 可 也。 當階 限 愚謂棟 並 0 及 射 東 知 猶 謂 當 也。 案: 立于射 矣。 階 爲左 位 併 序無室,亦 北 左物,物 揖。 在 則 註 後 面 北 併 豫 鉤 北 左物, 室前, 大 位 及 耦 足 」,當 面 物 爾爾 也 升 楹 面 則 深 之

西,不 知。 異 射 西鄉,左足在南 也。 一个,一矢。 取 如 執 旌 故 足 首 方 先之。 必 面 而 審 也 升 弓 爾。 誘 即 固 以 遂 个挾之。 射 誘 不挾,矢盡 说侯中 由階 反位。 還 乃 謹 適 射 俯 降 射。 于 視侯 不 階 下, 揖 司 Ė 正 禮 者、蓋以 西 出 畢 今履 射 中,不 徑 足。 也 右足在 南行,將 中 以 主 于 至 改,更乘爲 取 上誘 射 物 堂 其 故 將 還 唱 視 驗物之正當侯中否 時 扑 禮 西 不挾。 位 北 射 獲 畢, 轉身 西 乘 左足將 搢 故 乃 揖 南 併 矢。 故 乃 不 之, 由 足 西 及階揖 ; 不 右 射 俯 鄉 也。 南 耐 中 隨 去 猶 而 扑 將 執 耐 而 立 右 西 旌。 挾 正 以 乘 南 北 乃降 弦。 南 行 足 然 之。 足 矢已 視 撻 者 併 然後以 東 也。 誘 也。 也。 有 使 立 言 面 尚 與 過。 〕發,故 之方。 南 射 之位 矣。 發 左臂 挾 威 升 此命中之要 履 矢則 搢 面 射 儀 物 誘 則 乃不待 之, 更挾之。 引 揖 揖 也 執 必 滴 矢 不 亨, 教 同 待 弓 併 行 堂 也 去 改 揖 用 口 惟 掉 足

其位 司 司 馬 馬 位 命 在 獲 司 射 者執 之 南 旌 蓋 以 命 負 張 侯。 侯 後 記 已 云 自 觶 命 南 負 改 侯 者 立 于 由

此 故 記 時明 之。 此 亦當升堂,與下命去侯同,文不具。 獲

中,故 者 滴 適侯乃執旌。 侯 執 旌 , 負 執旌負侯、勵 侯 而 俟。 献其命中 今文作「立」。 也。 〇以上負 ○ 旌 具侯。 在 侯

릲

乃升。 當階 外。 物 也 上物 也 進 作 升,上射揖 上射本在北爲左、又言之者、嫌如大射之易位也。 五等,升三等,則中等也。 Ė 當上 還視侯中,合足而 北 在西,下物在東,上射先當物,俟下射少東,乃各當其 少左;北面 射,故又南 北 耦 中等。 司 面 射。 射 面 揖; 耦 揖 上射 還 並 西 作者,告之使作。 行,及當上耦, 當物並轉 上射升堂,下射至中等,上射已先升堂 同 面 及階 行。 在 以西爲左。 旋 Ξ 左,東行以北爲左,便其 耦 0 揖。 皆當其物,二人俱升 在 下 而 注: 俟。 司 北。 射從之,上射至三等,下射 上射先升三等,大夫階 乃 射 少西 左 司 西 左 合,猶併 及物揖。 旋也 南。 轉 射 讓 而 下 反 司 謂 西 射 也。 射 位 面 轉 升 將 皆左足履 身 俟者,司 也。 (就右 與之相 反位, 時 並 行**;** 上 並. 左手 下 物 耦 東 欲 馬 行 也 鄉。 射 揖 物 作 百

執

司 射方有 事也。 〇以上三耦 升射

乃舉。 《大射》許 絶而已。 者在南。 階,亦尚威儀。 反位,立于司射之南。 右手在北,執簫; 立于物間; 上射之後,上射在西,司 也。 旌,本執 自 執弓,用 司 西階;反由司 興而 右執 馬 諾以宫、商。 以至于乏,坐,東面 命去侯。 旌, 適 俟。 簫 侯在南,乏在西 以指 升 堂西,不決遂, 重言之者 左手鄉南 , 弓末日 自 司馬 揮。 西 注 命獲者去侯, 射之南,適堂西 階; 簫,或 出于司 出于下射之南,還其 揚弓也。 馬 嫌 以上命去侯 自西 此 南 不 鉤 作 威 執 故 一來,故 消。 楹 儀 也。 射之南,堂西 袒,司 偃旌,偃,仆也。 至乏,辟射 鄉之。 揚 以 省 南 由 舉也 當由 許 不 其後。 揚 馬 兩物之間 諾 以 ,釋弓,襲 不 弓, (宫、商, 上 也。 聲 射 南揚者,獲 射 西 西 不 後 直 不 獲者 南 南 堂之 聲不 後, 待 絶, 徑 袒 面 由 面 獲 至 而

中

司 馬 南 司 面 射進,與司馬交于階 降 在 西 司 射 北 面, 升 在 前 東 相 彼 左 此 各 交相 在 其 左者 左

降

堂下 獵 命 獲 曰 !」獵謂矢出乏旁,雖不中獲,亦 西 階 無 之東,北 射 獲, 射 面 獲者, 視 上 矢少 射 西 不 駭 人也 則 命 獲 下 者 射 上 傷 並 也。 射 聞 之南 南 相

也。

由

揖

司

射

退

反

位。

以上命上射

司

無

者 則 獲,下獲,謂釋算。 釋, 大 以 唱 者,唱 獲則 釋獲矣。 而 坐 釋籌 無 小 弓。 而 乃 舉 于手 聲與之相 見 獲,中 一,唱 射 其作 〇以 而分計之, 畢 拾 止之有 則 上正 則 發,二人更迭發也。 射 應 唱獲 偃。 未 也。 既 射 釋 獲者, 宫 唱 以 也。 發 漸 獲 聲 算之多 , 挾弓 唱 非 高, 舉 以 而 偶 旌 商 始 寡爲 合 矢 耦習射故也 高終卑,君 聲 也。 以 卑 而 勝 宫, 以 負 獲 后 宫爲 將 偃 也。 而 下 唱 乘 君 旌 射 未 臣 Ŀ. 第二 矢。 以 和 獲 商 射 釋 爲 商 *,《大 番射 且由 獲。 謂 臣 獲 ; 唱

南 上射升降皆在 行將西揖,及階揖, ,從之中 卒 射、皆執 · 等, 左 無取 並 乃降。 于便, 行,至中 不挾, 與下 上 -等乃 南 拾 射 取 面 降 並 矢别 行。 揖 等,下 揖 Ŀ 與 一射于 如 升 升 射 射者 左 射 少

> 以上卒射 于西階之西,便于取 「三耦卒射。」賓揖。 射 面 左 去 東 適 **升** 扑, 上。 堂 射 西 者, 去扑 三耦卒 謂 釋弓,説 次耦。 乃升, 不 然之。 射 交于 升堂,北 敢 亦 決 佩 如 拾 刑 階 司 器即 之。「三」,當作「二」。 襲 射 前 面 降,搢 相 尊 而 告于 者之前 揖 俟 于 賓, 曰 扑 由 也。 反位 司 西 倚 馬

左物之 之所在 矢。 上在 物 負 弓,此節與上命去侯等,惟易 司 面,立于所 侯 之後,右 射交于階 兩射 取 而 司 矢,爲 馬 取 俟。 者間 南 矢時,以 適 還 物, 設 再 命弟子取矢,而 隱 前 堂 射。 Ŀ 福之南,福 其 故 西,袒 相 旌指教之。 射 後 須 獲 左。 所 揚; 。 降 者 履 執 此 升自西 執弓,由其 自 揚 特言獲者 物 立 旌 俟, 幅 西 間 于 爲 也 許 俟弟 顯, 階 物 揖 兩 階 諾 揖 子。 間 端 以其近侯 異。 聲 之 遂 皆 位 西 鈎 而 不 龍 適 司 揖 르 楹 南 南 首 絶 堂 馬 推 自 進, 面 審知 中 之也。 前 出 以 命 以 右 取 揖 與 北 于 旌 布 矢

矣,此 求。 矢,取于侯及地。 東 東 于 東 先 爲 西 子自西方應 若矢不備 南 北 左右手,四 司 取矢不索!」索,求也,盡也。 幸當 番 方,故獨應之。 則 肆 立于其 ,故曰東肆 面,以弓爲畢。」 $\dot{+}$ 射之南 北 加 復言者,嫌 鏃 似 庭 耦 以 面 于 南 有首尾 射 ,東西之節 南 承 四分數之,人行乘矢,故以 坐,左 鄉 之儀 楅 一等齊 則 退,釋弓于 實無首尾也。 便 侯, 矣。 于 日 有 象射 司馬 司 矢 凡 乃 命弟子 指]: 「諾. 右 事 北 蓋弟子 九節: 馬 示也。 故 復 撫矢 也。 則 仍撫之。 面,坐,委于 又 南 取 求 袒 邊 」 時 袒,執弓 當 也。 奉福. 堂 一, 比 矢,不索之矢,必 設 《大射》: 乃 而 疏 幅 一洗,南 **云**: 退。 西,襲,反 楅 整 乘 〇以上取 敖 自 耦; 獲者猶負侯,而 齊之意。 氏 之。 堂西 不索,言求之未盡。 有刻飾記之。 西面 日 小 如 司 北之節。 四 來,横設之,從西 楅 撫 計 馬 臣 矢。 初,升,命 此 誘射 命之。 "; 北 命。 其 也。 拊 師 衍。 襲, 右第五 在 設 制 也。 東 矢當七乘。 隱 楅 三,負侯; 括,括 下 司馬 乃 弟子 進 弟 司 處 肆。 ,司馬 記詳之。 就委矢, 當 子 馬 設 章, 日 故曰 ·已在 已 弟 取 楅 由 日 楅 第 Œ 襲 在 而

九,取矢。外拾取矢節,别寄第二番射前。四,升射,五,去侯,六,命上射,七,正射唱獲,八,卒

皆與射 至又請 故此得據以告賓。 大夫則未定也。 司 猶 則 射 戒 倚 遂 而 告于 又速。 扑 告, 于 適 以與射告 階 阼 寶,若者,未定之辭。 賓 西,升 階 許 上 也。 諾。 告 蓋射否已定于納 于主人,以 請 賓、 射 主 于 賓 人、大夫 賓主無 如 Ŀ 請 射 初。 器 不 射 時 若 事

士,謂 也。 也。 作 射》:「命大夫之耦曰: 大夫, 曰 夫,曰遂,則亦階上告也。 子,告上射之辭。 以自尊異也。 衆賓射。 下 由 衆賓大夫而 主人與 衆賓皆降,乃 司 「某御于子」。 馬 之南適堂 以 司 賓 與士耦,且爲下射者,蓋助 大夫爲下射 耦 射 爲 比之。 二字,監本無,今依 降, 『子與某子 耦 ; 西,立, 搢 大夫雖衆,皆與 衆賓 主人爲下射。 某,士名。 扑,取 而 以 射。二 將 Ŀ 比 射 上 與 西 衆 倚 爲 石經補人。 子,大夫。 音 辭者,尊之。 于西 階 主人禮 耦 預 上 遂 階 士爲耦 告 射 將 某御于 賓,不敢 北 比 者 告于 于 搢 未 面 《大 大 皆 之 比

六二

西面比 比 也。 爲 降 -,將 泉耦辯。 上,大夫不先降, 耦 賓、主人與大夫皆未降,事至始降。 衆賓或多,南 而 之。 與 立 則 獨言衆耦者、 東 有 上 不與 Ė 一將比,至: 面 、者矣。 故 不 三耦之西,南 以其耦 能 大夫之耦, 溶,則 此 乃比 爲上。 由 司 折 也。 馬 而 面東上。 若 已定于告時。 東面 亦北 之 有 南 北 東 面 適 上 面 大 有 堂 統于 夫之 東 者 司 西 0 面 射 則 者 以 乃 耦 北 繼 相 上 則

北 進 西 發步東面進。 上耦取 拾取矢。」司 告之也。 及 遂,執弓, 爲横 楅 並 及福,乃 遂 行 蓋 上 至 拾 矢, 西 射 楅 鄉 進 更 射 南 文也の 東 當 東 路弓, 耦 南進 反 西分行 進 坐 楅 面 拾取 西 位。 矢在楅者,《大射 北 ൬ 楅 面 位 横 立 卑 面 立 西 矢,遂者, 于 于 司 鄉 揖 故 楅 南 東。 耦 兩 射 司 坐 北 北折 旁 取 也。 馬 拾 反 之。 下 方比耦于三耦之西,因 東 乃揖。 之西 取 位 郤 西 射 矢,皆 横 「命三耦 手 鄉 西 弓 南 上 楅 及福 面 郤 耦 ; 各與 仰 袒 東 司 上 揖 揖 位 面 也 射 射 進 其耦 以 決, 東 作 揖 北 ; 左 南 鄉

揖

皆少

進

;

當

楅

南

上

射進東南

行,下

射進

西

南

行

還,同 乘矢捆 餘地 下取之。 出于福 西面者,右手當括不可取,故必從弓上向 而西 位,又 爲異爾。 而 之。 面 面 横矢直 手 或逆,又以手順之。 大射 南 執弓横矢上, 揖。 以 矢在下,故手覆也。 進 也。 面 》言毋周,此不言, 由 左手 旋。 之, 而 北 而 西 仰手者,以手在矢下也。 東 揖下射, 既 兼 坐,横弓; 向外, 無 謂 括 面 面,行 〇右手執之, 拾取 諸 損 而 合 而 南鏃。 乃 而 南 弣,兼鏃于弣也。 由 執 俟其取一 至東 仰 齊等 面 乘 東 括 右 ·; 以 且. 方位 面 則 矢揖,取乘矢畢也。 括有羽 手 之也 東 興 則始終 便 興; 復于 而 取 逆 路。 者 个, 矣。 北 于 矢 乃 挾 東 面 隨 末鄉 也 其 乃更取也。 覆手,自弓上取一 由 左旋 皆 也。 東 而 面 順 東 他 面者 西 不覆手者,弓下矢上, 左 括。 隨 自 面 順 周 左旋 四 面 如 興 澴 而 弓 也 方 羽 取 右 遂 也 上 北 左執鏃 者, 矢者執 下 下射 匝 西面 Ħ. 手當鏃 射。 面 退 上 反 取 大射 興 執 行 以 位 射 反 是謂之周 順 惟 進 弦 復 鏃 在 位 及 便于 既 恐委 于 自 羽), 亦揖 西 則 而 南 个, 西 西 方 拾 西 而 羽 東 左 面 取 面 出 方 東 時 己 楅 面 順

比

耦

揖

升

如

初。

以

上將

射

就

取 个,略也。 兼 之矢,福矢七乘,三耦各取二乘; 耦 本 南 本 由 北 並 無 行則 在 北 至 乘矢 面 拾 右。 面 楅 退 取矢亦如之。 在 而 南 北 」,今依 進者之西 言之者,嫌降 而 西 , 婦 及 以 面 面 取 授 而 將 楅 之,取矢者,挾一 石 南 有 搢 揖 經補 面。 西 Ħ. 處 司 挾。 或 行 也 人。 E 于 後者,下耦之下。 則 在 搢 三 挾 射 西 左,如射 皆 在 反位。 子右; 進 方, 左還 者之北。 个, 其一乘,則 而 也。), 皆 兼乘 |二|《大射》作「二」。 後 南行以西爲右 與 反 由 相 矢 揖 進 南 遂取 位。 揖 誘射之矢 , 皆左 則 面 者 又 而 相 以 并 退, 東 誘射 挾五 上 左, 上射 還 面 也。 拾 監 而

挾一 嫌射位或别也 上。 言此者,嫌衆與三耦 个; 大夫之耦 衆賓未拾取 由堂 司 西 爲 射 同。 進,繼三 矢,未,不也。 上 作 皆袒,決,遂,執弓,搢 射 前 如 堂西之位已詳,此復言之者, 耦之南 初 不拾者,無福 謂 第 而 立,東 番 射。 上 矢 面 也。 耦 北 \equiv

> 馬降,釋弓亦襲。 司 馬 命 去侯,升 反位 堂 揚 以 弓 上去 如 初。 獲 者 許

> > 司

在西, 之節。 乃請 亦相 矢數 于中 者坐 鹿 西面, 及視,則 北 算以從之。 獲。」遂視之。《大射》: 爲賓言之,其 中,制 面; 之。 左。 也 西 故 以 設中,坐設中,中卑 司 西當 向東。 定中當福之位。 則 又西面 西面又北 射猶挾一个,去扑,與司 賓 横 升,請釋獲于賓,上未釋獲,賢否未分,至是 如鹿,下記詳之。 此 委其 實皆 許。 亦 西序 算,籌 矣。 東 興,受算 面 有 面 餘于中 降 東西之節。 可知。 也 命 也。 者,自階下 搢 釋 以 時 日 扑, 西 「以弓爲畢, ,執算者授 獲 也, 記獲之多寡 釋 中 實 大夫兕中,士 西,八算之外皆委之,待 者 獲者 東 者 來,當 面設之。 設 東 算于中,八算者, 期 面 在 中、《大射》: 其 面 堂西,故又北 立于 而 所設 北面。」釋獲 勝 制詳下 退。 ; 鹿 馬交于階 負 爲 中之東, 所 南 中。 等。 鹿 坐 當 設 記。 形 據下 此言鹿 中 楅 「太史釋 故 面 遂轉 南 人 者 釋 命之。 之 日 再 東 前 中 面 執 執 獲 東 耦 面 北 而 實

六四

待 也。 南 東南 末 面 下 鄉 記 侯。 素 握 以 其 Ŀ 請 本 釋 也 獲 興, 共 而 俟。 拱 立

之。 也。 Ŀ 射 釋, 命 百 釋 日 射 獲 遂 不貫不釋 進 \perp 射 由 揖 堂 下 _! 司 北 亦 射 面 命上 退, 射 耦 反 也。 己 位。 升 貫 故 貫 以 北 革 上 面 命 中 鄉

中也。 者。 若 射 之八算,上執者,已釋 右 而 俟。 中 ,下射于左 算 釋 釋弓于堂西,止焉。 則 于 釋 則 取 釋 中 獲 反委之。 後言 算。 者 獲 .,爲後 者 坐 興 如如 獲 取取 坐 射 則 者 射 唱 而 者 坐 還委之中 中 位。 也。 將 釋 〇以 取 乃 之八算, 釋。 也 獲 釋 若 改 Ŀ 于手 坐中 有 西 興, 實 耦 餘 恐其 耦 而 八 執之以 射 西 執 算,未釋者, 委之地。 算 卒 東 混 而 面 射 于 也。 俟。 待釋。 中 每 每 又 上 乃射。 興 射不盡 取 射 个中 改 耦 中 執 于 實 卒

東, 袒 賓 決 主 ,遂,主人,大夫也。 夫 揖 皆 由 其 不 階 言纁 降 襦 揖 不 敢 主 殊于 人 賓 堂 以

上大夫射

卒,南一 席,其 降。 升。 席。 不言出 射, 射時,大夫止于堂西,至 挾 説 執弓, 止于 在及階之前, 序 4. 文也。 決拾,襲,反位, 爲下射,皆當 西,西序之西。 揖 尊得 个,由 升堂,得 ○以上賓 堂 降 司 進 搢三 面 階 西、大夫升 射之西,則 亦如之。 伸 揖,皆 ; 耦 亦 申 耦 堂 挾一 故 (主射。 少 謂 徑 Ŀ 少 西 將 退。 射 就 由 主人序 其 升也。 自 个。 退。 出 之儀 階 皆由 物、北 堂 其 ,上與耦皆 大夫袒,決,遂,執 堂上 是 于 下 皆 東 階 升 始 司 賓于 揖 八西, 釋 其 位也。 就 及 卒 堂 東, 射之西, 如 階 面 弓 其耦,尊 階 徑 階 射 與 堂 [揖, 及 行 =至 階 于 東 Ŀ 賓 揖 反, 階 西 故升如 耦 序之東。 堂 揖 揖 主 謂 下 下 人等 也 升 如 西 就 或言 將 物 降 優 揖 堂 升 及 衆賓。 反 其 尊 大夫 揖 也 階 升 襲 弓, 也。 階 揖 皆 射 耦 揖 乃 釋 也。 堂 就 升,升 搢 此 耦 耦 耦 爲 皆 射 獨反 賓 席 遂 先 先 就 賓 主 下 主

司 射 所 衆 作 賓 唯 繼 上 射 耦 釋 獲 此 衆 皆 演射 如 初。 于 是言 合 賓、 惟 上耦 主人、 者 大夫。 嫌 賓

主

人射亦作之。

○以上衆賓射

敢

耦射; 矣。 七 西 下 也 六章,第二 日 射 ; 四 ·; 此 升自 執者,有告 興 卒射,釋獲者遂以 ,就射位; 左右卒 謂衆上下 共 賓主射; 番 西 射,凡 而 階 1必有 射。」 五,去侯; 俟。 盡 射 + 十,大夫射; 也。 執 俟第三 階 釋獲告者,以其 也。 節 降,反位,坐,委餘 不 六,請 若 · 升堂。 一,請 一番射。 所 末耦 執 十一,衆賓卒射。 釋 射 獲; 八 餘 異于司 0 算 將有事 獲,所 以 二,比耦; 七 盡 上衆賓射。 釋 命上射; 射。 也。 釋 則 執 獲 告 末耦之餘 Ξ, 左右,上 餘人第 前 于 于 右第 拾 所 中 賓 取 委 所 以上取矢。

之矢,知大夫矢,則矢有題 謂 則 司 第 馬 兼 東之以茅,上 降 司 番 射 馬 釋 下 袒,決,疑 弓, 並 同 反 位。 獲 握 行。 者 焉。 識 弟子 執弓、升、命 許 也。 諾 上 握 肅 委 以以 者 慎氏貢楉 矢 手所 旌 如 負 取 握 初。 矢 侯 矢 處 銘 在 如 如 大 中 其 初。 初 央 括 夫

純

外

于中央之下束之,使握 順 ,便于取也。 殊于賓。 司 東大夫矢,優之。 馬 乘矢如 者 在 上。 初。 近 主人亦大夫,不束者,亦 不 鐵 備 而 ,亦使弟子求之。 去羽 遠 則 羽 在 下 不 间

扑,襲; 文省。 也。 横 純 陽全也。 左 每 獲者東 釋 也。 子下。 則 委異之; 下 前 東 少南 0 縮 ○注 案: 司 所 面 奇 射 面 而 進, 坐之前。 坐,又 又從于餘 就 云: 司 不及十者,又異之。 于 中 遂 委之,縮 純 而 射 每委十純,異之,便于 由 適 數之。 自 以 惟 言東 近爲下。 中 西 西 取 此 左,左獲。 純之下, 坐 東 階 視 實 縱也。 面 算, ,坐近右算。 立 西 于左手 算 嫌 于 及 釋弓,下 改 左獲 爲 亦 獻 數者 中 算 坐 近身爲上,則下者,十 異 純 釋 南 爲 ; 在 之也。 獲 或 東 純 北 校數。 奇 右 先數 異 者 面 北 手取 記 東 面 全 云: 奇 則 兩 面 也。 面 興 也 右 釋 東 以 者 有 則 視 西 弓 獲。 實 自 餘 兼 以 又 算。 弓 爲 之 矢。 北爲 偶 矢。 歛 前 純 縮 從 則 純 上 也 + 釋 算 諸 則 去 適 陰 此

番射 左右勝 案: 猶勝 至。 奇。 于公。」若 實于 坐 右 日 横縮上下。 左手,委于地,變于右 兼飲算,合八十算並斂之。 鈞 西 以上總衆耦之左右 〇以 也。 也。 「左賢 左手; 兼純奇之數以 階, 負計,則總計衆耦之外,又當每耦計之。 則 上校算 賢 委其餘 右 盡 左右皆執 獲,勝 司 於右 勝 階 右手欽不 射復位。 則 不 黨之獲。 于 升堂。 告也。 \exists 中 也。 而實之。 以 以 : 西; 計勝 算以告,曰:「左右 「右賢於左。」若 十則 純數告,若有 取,取 純,若干; 釋獲者遂進 告于賓。《大射》:「北 興,共 負 實八算于 異之, 也。 純 算以 以 下飲者, 奇,一 而俟。 委,每 其 告 也。 取 而 餘 奇者 中,爲第三 又以每耦之 己。 賢獲 不執, 降復位 如 左 執 純 右 若 勝 鈞。 亦 以 ~, 賢 事 面告 獲。 實 左 日 則 71 未 之

執 立莫觶 而 \exists 司 也 奉。 射 其 適 制似 升,設于 堂西, $\overline{\nabla}$ 而 卑。 命弟子設豐。 西 楹 弟 之西,在西者, 子 奉 豐 將 重 其 飲 射 不 事 爵、 勝 故 者 罰 不 爵 H 以

也。 位。 則取鱓于下篚 于此言之者,明弟子亦與射,在勝者中,蓋衆耦之少者。 奠于豐上; 言決、遂,可知。 乃降。 位,司射西南之位 也。 勝者之弟子洗觶、升、 降,降 此當在下經司 酌者,東酌于尊,反于西 立堂西。 ,即下所謂射位 射命後,三耦衆賓立射位 袒, 執 也。 弓,弓,張弓。 酌 以 南 上設 面 洗 乃升 坐, 反 節 不

之。 弓。 者皆與 命辭。 弛弓于其上,遂以 飲者,如作射。 弦,如卒射。 耦之南,命三耦及衆賓: 不言賓、主人、大夫,以授之席 司射先反位。 司 決,遂,執張 其 射 遂 耦進,立于 不勝者皆襲,說 袒,執弓,挾 以上 當弟子降時,合勝 執弣。」不執弦也。 弓。 作 飲 射 示 位, 能 決 个, 前 用 「勝者皆袒, 北 拾 弓 也 上 。 郤 也。 搢 者及不 扑, 皆以示不 左手 左執 耦 司 勝 射 及 北 驸 者 以 作 衆 右 面 下 並 右 升 射 于 加 皆

下射。 及階 耦 進,揖 勝者 先 如 升堂 升 射 少右。 當階 揖 尊 以 賢 下 也 北 面 此 以 仍 東 分 爲 上

飲 ; 于階 弓、特升、飲。特升者、大夫在堂。 升。 卒 授 不 之,不由 奠于豐下 右 言之,見優大夫也。 飲者如 者,不洗,略之。 贊者代弟子 弓,襲而 祭不拜,受罰爵,不備禮也。 觯 執弓,不降。 飲者 于席前,優尊者。 賓、主人爲耦 飲罰爵,不宜自尊别,主人亦飲于西階,與 前, 授 次 在 坐取 初。 俟。 也 相 西 執 酌 揖; 辟 也。 爵者,反,就 降 興, 1,豐卑。 三耦卒飲。 反,奠于豐上。 襲,謂勝者俟,俟復射。 之也。 而 執爵者i 飲 出于司馬之南,遂適堂西 執 少右, 揖。 若大夫之耦 時俱 爵 受觶 興 不 復並 者 在堂,嫌大夫之耦亦 不勝者先降,後升先降,略 勝 取 小 飲者左執附、右執觶。 退 坐,取觶, 席。 者 以 觶 賓主人大夫不勝,則 行。 ,立卒觶 進 適 ,降洗,升,實之,以 反,自尊所還也。 與 北 不勝 大夫飲 西 升飲 衆 階上,北 有執爵者。 面 賓 實之,豐 ; 則 者 坐 繼 八常禮 升 立卒鱓,不 亦 則 相左 取 飲 進,坐 也 射 執 故故 耦 面 豐 異 一下奠 也。 立 升 釋 交 爵 弛 不 上 使 特 祭 經

設豐者,反豐于堂西; 者辯,《大射》: 衆繼飲 執爵者,反觶于篚。 如 耦。 乃 徹 豐 〇以 與 上飲 觶 射 徹 爵

侯之中。 中者,尊者 射》: 從之,人,有司。 不同面者,辟正主也。 以祭爲祭侯,據《夏官· 右、中 之出侯中者。 位,此將設 不于乏者,明 與正獻,特 有祭,祭爲飲食之神,他處 爵,祭脯 明言獻 肺、醢 「三手祭酒。」興,適左个,中亦如之。 皆其處也、故徧就之、與他處祭食之禮 司 則 馬 獲者 北 射主 未設 在 無別也。 醢 後 其 洗爵,升,實之以 面 執 設薦 又祭 也。 也。 以 于獲、故獻之而唱獲 拜受爵 侯 爵 適右个,舌謂之个。 三者,祭于侯三處也。 侯北面 脯 爲功。 俎。 俎 興,取 臨諸 獲者執爵, 與 射人》,祭侯則爲位。 司 獲 薦皆三 節 祭而已,此獨三祭者,獲者 薦 東爲右,西爲 者 馬 肺,坐祭,遂祭酒 俱 脯 西 南 獻 醢 降, 禮 之功。 使人 面 祭。 面 設 拜 非 坐 獻 祭禮也 執 獲者負 送 籩有祭脯, 鄉 左右个,左右舌 折 又繫于侯, 獲 不同。 此不言 其薦 爵 俎,設之于 0 侯。 者 先左 于 《侯,負 故 拜 左 與 俎 本不 侯。 注 獻 右 送 《大 執 俎 爵 必

之。 獲者 之西 馬 右 俎從之,辟,不使當位, 其位也。 受爵 東 獲者 北 面 左个近乏,故卒爵 奠于 薦 負 步 西。 東 侯 篚 面 而 立. 復 不就 飲,不 俟。 位 妨 俟, 于 侯之左右中者,凡卒爵 往 拜 此 獲 俟 來也。 既 者 第 設 爵 \equiv 執 薦 設于 番 其 俎 與 射。 薦 獻 · 乏 南。 ·, 使 Τ. 0 獲 同 以 皆不 者 人 上 執 薦 司 右 獻 于 獻釋

獲。

將獻釋 反 既 坐 其 東 實之,以 /南,辟 位 爵 薦 面 拜, 坐 司 獲 遂祭酒 中 薦 射 司 受爵? 也。 降 故去射服 亦 謂 射受爵, 適 東 薦 階西, 薦 獻 面。 及俎 司 脯 釋 興, 也 左 射 醢 獲 奠于 釋弓矢,去扑,説決拾 辟 司 執 適 北 折 者 之少西 洗 射之西北 爵 面 俎 于 篚。 祭 洗 拜, 有 其 爲 位 爵 送爵 釋獲者 祭。 脯 復射 少 ; 醢 面 爵在 南 釋 ; 妨 立 司 興 釋獲 獲 少 洗 飲 位 射 西。 西 者 視 在 取 ,不 者 辟 薦 算 中 襲; 升, 肺 西 就 也 拜 薦 右

司

射

適

堂

西

袒

, 決, 遂, 上脱

「決遂于階西

此

因

袒

于堂 挾 右第七章, 一,取矢; 一个, 西而連及之,其實與下取弓同 二,校算; 第二番 搢 扑,以 射 畢 反位 設豐; 諸 雜 儀 四 爲 蓋 飲 將復 節 六 射 也。 章之分 爵 射。 取 Ŧī. 弓于 也。 獻 以 上 獲 凡 獻 階 六 釋 西 節 六 獲

前射 決 位。 西, 初。 時所立,故曰反。 遂,執弓 命 賓 司 射位。 三耦 許 射 去 各 司 及 司 扑 射 衆 射 以 先 倚 賓 ○以上請射、就 降 其 反 于 耦 皆 搢 位 階 進 袒, 扑 西 以以 \equiv 決,遂, 由 升 與 位 耦 也 司 及 請 馬 衆 反 射 之 執弓, 賓 于 于 南 皆 射 賓 適 位 袒 就 堂 如

賓堂 楅 位。 面 楅 旁, 揖 主 此 西 賓 司 轉 自 皆袒 主 射 耦拾取 而 階 作 前 西 人 及 面 拾 矢, 楅 決,遂 大 恰 取 東進 則 在 夫降 矢。 階 楅 當 前 執 旁,不 楅 南 南 弓; 揖 行 耦 由 東 乃 如 楅 西 轉 皆進 拾 初 南 當 北 取 也 楅 及 矢 主 階 楅 地 拾 如 人 南 前 取 賓 初 堂 然 轉 矢 後 而 反 如 東 至

揖 不敢自異,故説之。 及 取 西 弓,就其耦; 主 釋弓矢,襲;升,即 三挾 耦 乘 階 人 耦 面 以 一个, 矢,尊大夫,不敢與之拾也。 揖 堂 大夫進,坐 下 反位 東 卒 射 升 北 也。 皆 揖 堂 揖 面 以上拾 退。 釋 揖 大夫 ,皆進,如三耦。 搢 亦 興,反位。 弓 就 兼 耦 進 席 矢,襲; 取 挾 席。 取 矢 反 ~, 坐 乘 位 衆 个, 説矢 矢, 大夫 賓 而 不言 順羽 繼 大 揖 如 后 束,束矢,尊之也 袒, 夫遂 拾 其 耦 耦 脱 退 而 決、 取 耦 揖 東面、大夫 決, 興,反位 矢,皆 適 進 賓 遂, 北 遂, 序 坐,兼 堂 面 可 西, 西, 知。 執 如 搢 若 如 《翳 適 節 日

者許 交于 如 笙 初 間 以,用 階 諾 司 合 射 前 止 也。 猶 以 耦 司 樂 去 挾 揖 馬 請 賓 扑, 用 升 降 者 樂以 个以進,作 如 不 襲 釋弓,反位 同 初 樂于賓 ; 升,請 賓 司 也 許 馬升 Ë 諾 以 此 敖氏云: 比 樂 命 司 樂以 司 樂 射 去 射 觀 音 衍 侯。 與 降 德 洛 文。 司 與 搢 于 馬 獲 射 Ŀ 節

扑, 者,自 記云《 之可 初。 應,不釋算者,比于禮,又當比于樂也。 退,反位。 如 也。 階 其 耦 初 虞》九節 , 是 東 也 。」若一 階下 騶 間 卒 卒 奏《 大師 節,在未發時使聽之,知其 虞 面 重 以上 射 射 堂下北面 日 工樂節 退 命 騶 Ť. 降。 賓、 卿、 而 : 者,注 Œ 樂正 不 樂 節 也。 反 虞》 射 大夫則用 興 位 正 請 用 主 則 釋 也。 蓋 云: 不不 許 東 樂 此 猶 以 獲 命 五節 人、大夫、 諾。 是 據 面 樂 反位。 就 者執餘 重 有太師 日 卿 《采蘋》五 命 樂 歌 節。 樂 大夫之節 IE. 大 樂 Ŧi. 「不鼓不釋 于賓,賓 終, 疏 命 師 者 正 長 乃奏《 云: 之者,傳 獲 衆 按 言 短始 西 節 退, 升 賓 節 其間 無則 與 上射揖。 面受命,乃轉 此 終 而 繼 命 ,告左右 鰯 許 天子 言 尊 發。 Ŧi. 時 命 射 因 者 虞》 《翳 節 未 其 見 之命 乘 不 長 釋 進 虞》者,下 長 不 司 Ŧī. 矢 同 以 而 與 節 短 卒 射 獲 司 而 天子 射 言 如 用 希 鼓 遥 射 間 東 射 如 遂 相 退 四 數

司馬升,命取矢,獲者許諾。司馬降,釋

皆升, 者 決 弣,不挾,亦執之也。 賓皆袒, 如 鄉 左執 遂 初。 射釋弓,視算 與 反于射位也。 兼諸弦,亦 弓,反位。 而 也。 與第二番射同 算 命 拾,襲,反 初。 以 釋之,說,說射時 旌 弓,右執一 勝 降,復位 而 就 俟 退, 者皆變于射,射畢也。 司射 者執張弓,不勝 搢 決,遂,拾取 席 三挾 弟子 命弟 遂授 以 位 反位。❶ 但 如 旅 可 个兼諸弦,兼矢于弦。 委矢, 栅 增以樂樂賓。 初。 子 司 之義也。 射 所繫者。 有 後 司 蓋 射命 退 左執 乃 司 或 馬 矢如 三耦及賓主 釋獲者以賢 復射 楅 適 于 司馬 命 弣,右執弦, 設豐,設豐 者 釋則 堂 堂 以 弟子 也。 適 司 初; 執弛弓,升飲 西, 西。 退,不反位,射畢,不 乘之, 司射猶 盡 堂 射 此 解 ,説侯 釋 合諸 矢不 西 命 编 拾 而 一矢兼諸弣,三矢 弓, 説之也。 以 獲 皆 釋 人、大夫、 實 射器言 袒 之左 -挾兼諸 與 命 獲 如 去 面 觶 取 决,遂, 拾 鈞 者 鏃 初 如 扑 矢 如 言 下 取 告 命 退 初 /; 揖 初 面 俟 中 獲 緇 説 弦 衆 矢 如 司 以 相 凡 其 雜

見凡退者同 儀 四 節 下 一,請 仍 也。 入飲節 射; 〇以 上卒 拾取 射 矢; 諸雜 儀。 Œ 右 射 第八章,第 用 樂; 四 卒 射

禮 降 也。 也 可 一,升自 馬 樂正命弟子 反爲司正 西階,反 · 費工 一,退, 坐。 復鱓 即 Ι. 位 反 南 坐 爲 弟 而 無算樂 子 立。 相 將 Т. 也 旅 如 當

上諸

執事反位

觶 拜 拜,賓少退。 拜,不洗,實之,進東南 面 送。 拜,執 酬主人。 賓北 賓揖 觶 面 興。 坐 就席。 主人進,受鱓,賓主人之西 主 取 人 主人答拜。 俎 降 以 西之觶, 席,立于 上賓酬主人,爲 面。 主人作階上 賓 興,阼 賓不祭,卒 東 旅 酬始 階 賓 上 坐 北 北 觶 不 奠 北 面 面

立于 主人之西 主 人以 觶 適 如 西 賓 階 酬 上 主人之禮。 栅 大夫; 大夫降 主人揖就 席

^{● 「}司」,原誤作「同」,今據四庫本改。

之。 席。 長,衆賓之長。 大夫于是獻長 賓。 〇以上主人酬大夫,或長賓 若 無 大 夫 則 長 受 酬 亦 如

之少者 某子」。 興也。 章,旅 奠于 席。 第三章未旅之前,至是乃 主人酬大夫或賓長; 拜,興,飲,皆如賓酬主人之禮。 主,尊受酬者 謂 酬之禮 司正退,立于 司 也。 皆升,受酬于西階上。 衆有司,即主人之贊者、無堂上 Œ 某,酬者字 鄉 升自西階 故 司正降, 凡四節: 飲酒 稱 酬 禮 也。 Щ 者字, 》旅 一,諸執事反位; 西序 賓衆相 復 相旅,作受酬者,曰 某子,受酬者氏 酬不與。 以 位。 端, 别于 酬。 以上賓衆相酬。 · 所尊 此與酬者,射禮輕 東 其「立司正」一 卒受者以 位者。 面 二,賓酬主人,三, 也 也。 辯遂酬 衆受 酬之者,衆賓 受酬 此 以酬 解降, 「某酬 右 節先附 쨈 在 者 第九 于賓 者爲 下 者 降

觶 觶 興。 升,實之; 使二人舉觶于賓與大夫。 賓與 大夫皆席末答拜。 西階 1 北 面 ,皆坐,奠觶 舉觶 舉觶 者皆 者皆 拜, 坐 執 洗

> 夫則唯賓。以上二人舉解,爲無算爵之始 階上立位也。 觶 觶 皆立于西階上北 祭,遂飲,卒觶,興; 本無「坐」,今依石經補人。 與 以 大夫皆答拜。 者皆進,坐奠于薦右。 興。 舉觶者退,反位,二人無堂上位,蓋反于西 皆拜送,乃降。 舉 面 東上。 觶 坐,奠觶,拜,執 奠于其所,興。 者逆降,洗,升,實 賓與大夫辭,坐受 賓與 賓與大夫 大夫反坐,各 觶 若 拜。 興。 無 觶, 舉 賓 大

還 西 E 賓降 階,階前命弟子俟徹俎。 人,主人 西階 面 授弟子。 東 席,北 司正 大夫 Ŀ 司正 面 北 日 降席,席 面 升自西階, 作階上受命于主人, 適 以 司 面。 :「請徹俎。」賓許。 弟子受俎,降自西 降 請 正 坐于賓,賓辭 以 自 主人 俎 西階,賓從之降,遂立于階 東 出,授從 降 南 席 面 司正升,立于序端。 自 以 者。 賓 南 階 俎。 方,阼 取 司 以 主人 俎, Œ 反命 東。 階 還 降 取俎, 授 上 于 北 司 西 È

降

自

阼

階

西

面

立。

大夫

取

俎,

還

授

弟子。

主人之意無 盡 也。 以上無算爵

弟子 降,立于賓南。 北上。 以 降 主人 自 西 以賓揖讓,説屨乃升。大夫及 階, 衆賓皆降 遂 出 授 ,立于大夫之南,少 從 人者。 大夫從之 外再 拜。

衆賓皆説屨升坐

乃羞。

以

上徹俎坐燕

退

也。 飲也。 受酬 興,以 夫,則 旅。 酬者不拜,乃飲卒觶,以實之。執鱓者受而酌之也。 觶以之主人,大夫之觶 奠觶飲,卒觶 請賓與大夫飲,因舉以徧也。 舉大夫觶以之長,即所謂錯也。 執觶者,即上舉觶者也。 者不 其飲亦以齒。 無算爵。 旅在下者于西階上。主人,贊者。 解由賓至衆賓以 ·拜受。 不 使二人舉解。二人已奠解,復言舉者, 拜。 卒受者以虚觶降,奠于篚; 辯旅 徧也。 執 ,皆不拜。 賓與大夫不興,禮略。 長受而錯,長,即衆賓之長 觶者受觶,遂實之。 徧矣,復言之者,嫌已飲,不復 皆不拜。 以下相錯皆如之,無大 執 辯卒受者 觶 長受酬 者 皆 執 與 賓 取

觶

者洗,升,實觶,反奠於賓與大夫。復奠之,見

及階《陔》作。 無算 以上無算樂 樂。 賓 賓出,衆賓皆出,主人送於門 興,樂正 禮 終 命 奏《陔》。 賓降

言之。 拜辱于門外。 明 主人不見。 日,賓朝服 乃退。 不褻禮 以拜賜于門外,朝服,疑爲公士 以上賓 也。 主 如 相 賓 服 遂從之,

ΙĘ, 坐燕;三,無算爵; 與。 不拜至,不拜洗。 不,見其簡。 羞 亦見其簡。 獻、衆賓一人舉輝、不別使人。 主人不崇酒,不拜。 唯 右第十章,飲之終節,凡六節: 徴 所 主人釋服,乃息司 唯 有 無司正。 所 使人速。 欲 鄉 樂 以以 四、無算樂而禮終,五、賓主相拜,六、 唯 薦 告於 使擯者而已,不立司正 崇酒 欲 迎于門外,不拜; 脯 醢 正。 則 鄉 凡 無俎。 拜,否則 禮 先生、君子 一,二人舉觶; 皆 無 遂 略 介,不 也。 無 不 拜。 賓酢主人, 算 0 也。 殺。 爵 以 衆賓 人,升 可 上 賓不 凡言 息 日 也 既 俎 司 遂

肩、 寸。 在西序 大夫? 賓。 皆 膱 拜 北 綌 能 大夫乎? 加尊於大夫。 公士爲賓者 但 飲 上。 横 者 幂 不 右 肺 射 賓至 俎 于 宿 不 體 記 北 皆處士爲賓,大夫未嘗不 且即 衆賓席于賓西,南 上。 徒 上,統于賓。 《喪服 由 戒 也。 此 主人俎 ,此與經 大夫與, 作 東 當 云 一徹之。 據經,大夫如 一鄉人 别 醢 壁, 其 進 》公士爲公卿 爲 以 薦 牲 腠。 不可 文不符。 脊、脅、 自 豆,出 禮 脯 獻 音預 狗 蒲 加 西 非 用 用 也 凡 筵 面 尊 介 鄉 階 籩 東上。 爵 注爲之解 舉 緇 於大夫,公士 禮 〇與 自 此 飲 其 臂、 與、不 升。 爵, 亨 則 酒 則 東 Ŧi. 布 及鄉 飲 注 鄉 若衆 于 房。 純 膱 他 肺。 也。 以 Ξ 賓 人 聞 日 堂 · 音 射 用 爲 何 舍 : 作 俎 則 在 則公 膱 西 東 正 觶 獨 嘗 不 處 肺 職 官之士 有 禮 而 脊、 可 長 序 不 敢 ± 北 皆 東 也 使 加 加 尺二 而 不 祭半 之 士: 以 面 脇 鄉 尊 尊 别 離 者 席 徒 爵 尊 爲 使 於 於 人 以

侯,白 者」字。 鄉 樂作 公,則 大夫 爵。 凡,凡天子以下,侯制 以 扑 既 笙 遂 司 Τ. 和 虎豹; 人 而 倚 射 舉 則 與 而 飲 壓于諸公; 成聲。 升, 如 于 前 觶 笙 ,大夫不入。 酒》大夫皆用介禮,此 辭 凡 獻 質;諸 倚 戒之。 介禮。 奠者 西 取 而 諸 洗 司 士布! 旌 階之西。 薦 如 西 爵 馬 三人吹笙,一人吹 諸 於左, 階 賓 于 侯麋侯 無諸公,然後其尊得 階前 侯,畫以 主人不親 其位 凡 無諸公,則大夫如 禮 上。 上 文有 侯 篚。 樂 將 命 在納 立者 詳 若 舉者 正 張 三耦 略 凡,大 經則 赤 戒 鹿 射器 既 有 與 侯, 也 皆 豕。 質 東 獻 諸 立 不言諸公,文不具 於 和。 者使 用 前。 概 遂 公, 奠 一者齒。 司 面 右 布 之辭。 伸 大夫 凡 和,小 爲之。 命 也。 射之弓 于 北 司 弟 則 畫 古文此 賓禮 上。 下 射 衆 子。 ○案: 布 笙也 如 者 六獸 天 三笙 賓之長 既 篚 侯, 賓 丹 子 矢 學 司 衵 有 質。 畫 有 此 爾。 士 能 決 與 正 其 獻 首

優尊者 如之。 笴。 燕用 南。 棟 赤。 也。 日 其始尚在 立于司射之南。 由 廣 前爲庋。 距 射 于 云 旌 隘、侯道 相去之數也。 其位。 ,右足來合爲隨 正 張獸侯 堂 ○案: 之。 侯中 鵠 此從畫也。 威 物 也。 旌 則 正 正 儀 物以侯道爲準,當棟、當楣者,堂及序前之地 觶 在 無 有遠 所 各 多。 鵠 物 言賓,則主人亦如之,言取弓矢,則射畢降亦 此與司裘、射人之制不符,惟《考工記 南 經: 此者,以 兩 以 謂 居 以 當楣。 也。 息燕。 的, 近 九 唯 侯 記 弓長六尺。 司 其 虎、 笴,矢幹,長三尺。 旗之物, 中三之 賓 故 特明之,見 馬命負侯,不言位,命去侯乃言反 凡 謂 物。 類及也。 畫 與 豹 横畫 注以爲畫獸之侯, 適 五架之屋,中爲棟,棟前爲楣 物入堂有淺深也 大夫降 如 堂西 鹿、 旌 也,横尺二寸。 距 孤 元命負侯 旗 豕,畫 白 射 卿 隨 1皆出 也 質、 建 階 自 長 其 其間容弓,上下 赤 時 旜,大夫、士 旗 武。 楹 遂 質、 則 入于司 必 由 間 耐 西取弓矢。 有 丹 此爲獸 司射之南 命負 序 른 左足履物爲 旌,故 質 物 則 丹 建物 采 馬 侯者 物 長 侯 梓 淺 名 其 升 之 人》 位 當 又 如 之 息 旗 有 于 地

蛇交,中 釋也。 博 旌别。 屬。 石經作「拳」。 之背,當中心以籍矢。 錯拾矢。 樂行之。 爲射主故也。 矢,於二指之間 尋者,非所當用,故以 朱 則 ○復言楅者,爲髤言之。 司射在司馬之北 長三仞,以 無物 羽 廣 各以其物者 也。 糅,女又反。 鴻,鳥之長項者。 也。 上射於右。 韋當。 央爲蛇身相交。 厚 ○注 觀德有漸也。 4 鴻 始射 之南面 \(\frac{1}{2}\) 有 脰 謂 直心背之衣曰 ○糅, 主人及遵 音豆。 半, 獲 鴻 士不命者 右物。 横之。二指, 乘矢,則分委之。 奉者 髤,漆 胆歛之,如 龍、 而 脰, 司 龍 雜 復者、第二番釋後、第三番 未 項 韜 也。 馬 首 蛇 南面 楅 也 釋獲,復 無 也。 上 無 此與 無 物。 君子之象。 長 赤 當 兩 事 結 物 八尺 多 頭 如 以 八君之翻 謂 尋。 旌 坐 黑 不 爲 笴, 則 丹韋爲之,置 賓 食 制 加 少。 日 龍 福髤,音 執 與? 釋 指 以 及衆賓 尋。 此 首。 博 奠之,南 弓。 交,象其 旌 横 獲 白 與 將 同 韜 君 其 而 復 凡 指 羽 未 以 上 之翻 休 也 仕 中 挾 奉 用 杠 與

賓主 者, 皮。 矢。 既 也。 卒 射之 加 于下也。 降,立于堂西以 亂 撻 云: 北 發 襦,然後著拾, 背容 事。 有 主中 委矢、取 事。 時 鹿中鬃 扑 大射: 惟 一人射 乘 洗 也。 此 而 射者 擯, 作 大夫與士射 八算。 矢 取 不 教刑。」衆賓不 一者釋, 相 則 矢皆言坐 南 賓 司 主 誘 而 前 謂 貢 射、 也。 北 射 司 尊 射之矢者既 取 之節 革 足 釋 燕 則 也 射擯,升 耦。 相賓主人者,尊之也。 之。 釋 跪 俟 尚 射 擯 弓 則 (升降 皆 耦 獲 德 矢 射 過 , 前 卑 不 以 \exists 袒 案: 少 者 視 與 而 尚 禮 謂 既、 足跪、象教擾之獸受負 皆不釋 退 纁 奉之, 臨射始降尊之,不 降 射 無 樂,所 算 射 力 舊 人也。 拾取 足 襦。 \exists 獲 于 卒 與 者 啚 . 后, 也。 獵 物。 射 謂 獻 云 也。 不 獲及失儀者 主 先首。 襦 明 禮 矢 射者 釋 即 降。 楅 司 射 取 皮之射 禮 退 短 而 獲 席 也。 心之之序 射爲之主射 有 衣。 而 射 不以 后 有 足。 者 而 少 一使久俟 不主皮 大夫 不 釋 兼 北 袒 反 過 者 禮 無 《虞 裼 也。 也 主 弓 位 誘 蓋 則 事 書

侯,張獸 之禮, 臑 階 者不祭。 主歡洽,乃可 數、大夫、衆賓無數。 虞》若《采蘋 大 字,俗本悮入爾。 也。 又 又言祭者,肺 少,禮略 堂 田 大夫説 射, 上。 則 敖氏 取 折不用· べ獲者 則 亦 三十、餘陳 不 無侯, 皮 以 亦, 云 矢 東爲 而已。 也。 用 勝 束 膊 以 臑 全 者 直 也。 右 禮 語 》皆 ·, 坐 舉 皆有祭。 在 與大 射 也。 又將 0 降。 于 射。 肺 先王之道 甲 澤宫, 肺 存參。 疏 五終。 説 下 古者於旅 夫同。 革 云: 釋 射 非 不復升射。 獲 之。 非 于 卿、 椹 獲者之俎 祭 者之 次。 臑在肺下者,若大夫多, 皆,皆獲者。 東方謂之右个。 射 也 質,皆主 肺 用 大夫以 復言 宫 射 也。 按 臑 凡 無 也 俎 先于澤宫爲 《大射 之義 則 嫌 主 旅 算。 皮之射 主皮之射 語 折 獲者 無 折脊、脅、 不 人 未 祭,祭肺 学注 脊、 祭 禮 賓、 亦 洗 肺 分大夫之餘 引 也 成 不干賓 主 脅、 飲 試 此 取 故 樂 歌 也。 侯北 之。 射 弓 無 不 明之。 于 勝 備 習 無 有 肺 肺 臑 洗 賜 西 者 賓 言 餘 無

臑

鄉

凡

骨

肺

既 旅 士不入。 大夫後 出

七六

也。 中。 素。 之。 楚 又四寸矣。 足狹也。 丈,則鄉侯總用布十六丈。上廣下隘者,象人張臂寬、 下舌半之,左右出躬各五尺,合當躬處,共用布一幅長三 倍躬,用布一幅,長四丈,當躬二丈左右,各出躬 爲左右舌。 布五幅,共五丈。倍中以爲躬,躬倍中,上下用布各 道 尋,四丈也。獨言上个者,與下个異也。 下躬之下有舌,舌亦謂之个。 之禮也。 上个五尋,侯之正中爲侯中,中上下有躬,上躬之上, 幅,當侯中一丈,左右各出中五尺,合二丈。 荆屬。 ,每弓得二寸,五十弓則侯中方一丈,布廣二尺,用 八十、十耦之。 有握 侯道五十弓,弓二寸,以爲侯中。中視侯 握言素,則采其末矣。 箭籌八十長尺,箭、篠。 主人送于門外再拜。 以爲扑 ,握,手所持處。 或 云 凡倍皆以横言。 所 握 算射者無數,以 謂 在 夏楚以 尺 疏云: 經言末,此則 内 曰上个,對下个言也, 下舌半上舌。上舌 威之」也; 也 握四指 全數爲率,多則 與賓禮等。 楚 籌,算。 中十尺。 扑 長三尺。 其本也 長 "指寸 倍躬 以篠爲算 如 一丈。 鄉 笴。)則尺 刊 握 以 侯 張 侯 五 益 丈

或云: 《王制》: 作 形。 射爵之禮也。 也。 《大射》: 君飲射爵,賓先飲,乃飲公, 射。 謂三 射。 本尺。 則皮樹今文作「繁笠」。 潔也,授則不 其異,故不及其他。 也。 「射」字。 「縚」。 或云:大射先行燕禮,故以大射爲燕,謂如 射、上射先就物而俟、重勞尊者也。 退一等,臣禮然也。 西面射 以古文無。 先著短衣于表衣内,袒左臂表衣,則見襦也。 如 「大學在郊。」則 驢,岐蹄。 刊其所 〇用羽,尚文德也。 上射 東面對君。 搢不 君國中 退于 持處。 翿 挾矣。 于竟,境同。 以 小臣 旌 旌 物一 ·射,注云: 獲, 既發則答君 君 君 間 中,張鎰《圖》: 獲 以 若 樂 射 中,間,獸名,如 白 **笴**,君與賓射,則 于 ф 飲 作 則 羽 析 郊,注:大射于大學。 執矢以 ○注: 君 羽爲 而 與朱 爲 「城中也。」此 又自飲,所 如 后 下 旌 君袒 燕 就 而 射。 羽 皮樹,人 授。 與 俟。 物。 則 糅; 驢, 上 大射 朱 夾 賓 各 謂 以 答,對 燕射。 襦 樂作 一角 此言 今文 夾爵 爲 文 以 面 君 爵 Щ 以 其 致 上

物之旌爲旗者别

「與

八隣國

君

射。

士爲小國州長,用翻爲無物之故,未確。 無以獲。○士卑不嫌與君同,其無物者亦鹿中。 大夫有孤、卿,故曰各。 尾,畫龍,尚文也。 則虎中龍旜。 大夫兕中,兕,似牛而青角。 ○案:三者之射未詳,姑存注説以備 通帛爲旜。 士鹿中, 翿旌以 聶氏云:繫斾于末,若燕 各以其物 唯君有射于 獲。 ○注以 古文 獲。

射今文無「射」。則肉袒。不袒纁襦,嫌于君也。國中,其餘否。臣不習武事于君側。君在大夫

儀禮章句卷第五

肉」、疑衍。

禮 章 句

儀禮卷第六

仁 和吴廷華章句

備也。

官饌、各官所饌。

寢東,寢堂之東。

具之以待設

也。

主飲。 르 先行燕禮,彼經自詳之。 之禮有三: 聘使還國,三; 惟此獨得燕名。 燕禮第六燕,安也,飲 燕有四等: 曰響,尚儀節,不飲不食, 卿大夫有王事之勞,一; 君無事而飲,四。 于五禮屬 又飲酒有坐燕之禮,但 酒 嘉禮、當第十三、第六説 以安之也。 皆用此禮。 日食,主食; 飲四方聘使, 人君 至大射 日 節而 逮下 燕,

客; 禮》小 響食大事,相太僕。 臣,上士、太僕之屬。 燕禮 小 臣 戒 此小臣戒,亦相太僕之事也。 與 音預 王燕飲,太僕 者。 與,與 相,小臣 飲者。 掌 〇以 小賓 《周 也。

上戒

之屬,故謂之宰與? 膳宰具官饌于寢東。 其職掌膳羞、所 膳宰,即 饌 牲 與 膳夫。 八脯醢 之屬。 或以太宰 具

人也。 縣」,言縣者,爲燕新之。 樂人縣。 天子宫縣,諸侯軒縣,《大射》詳之。 同懸。 ○樂人者、《周禮》「視瞭掌太師之縣」,其 或 君 無 故 不 徹

霤。 膳篚在其北 亦南北以堂深。 諸經第言設洗,此兼言篚者,爲下目也。 罍水 西 面 在東, 篚在洗 膳,即 設洗篚 膳夫之膳。 于 阼 西, 階 其篚饌 南 東霤近東 東 肆。 南 君 象 當 榮 觚 設 東

設洗。 尊之,異其文也。 司宫尊于東楹之西 篚 \exists 面 其 以 識記與? 《周禮》 無司官 《少牢》下篇 · 疑 公司尊 司 彝 宫

之屬。 士之尊,散尊 東楹之西者,惟君面尊也。 也。 左玄酒 南 上。 兩 方壺、方壺、卿 左 者, 西 面 南 爲 大夫 左

然天子燕禮,亦未嘗不以此準之。

又此

與

鄉

飲酒

炎

大射》獻酬

諸節略同,彼此詳略參看可

也

非

,詳《士冠禮》。

〇案:經言公,是鄭所謂諸侯之禮也,

尊,所謂太古之瓦尊。 上,玄酒 也。 公尊瓦大音泰。 《明堂位》曰:「有虞氏之尊。」此 兩, 有 豐,瓦大, 即 膳 太 尊

瓦太有豐,則方壺亦有禁也。

尊皆南上,則瓦

太亦

在

方

七八

公爲 尊亦 席 階 兩則 疑宫 西, 布,抽 射人者,以 則 西 或率之來觀 南 用 亦 壺之南。 在 畫 殺 上,玄酒 東 上 綌 主也。 純。 具 矣。 有 正所掌之士庶子,無禄,給稍食, 旅,衆也。 上,無 皆有玄酒 其半,治其布,使滑易 西 若 中 《大射 也 宰夫爲主人,而 鄉 錫,今文作 射 之幂 用 其 禮與? 設 八相卿 人 綌 以 加 也。 也。 告具。 而 Ě 周 加 席 己。 大夫之儀 陳設 禮 尊皆不言勺,可知。 膳 也 註 席 在 易。 旅 궁: 尊 尊 在 公位 下士在三等士中 具, 兩 案: 南 《周 尊 大射爲祭祀,重賓,故有加 日 此 甒 者也。 ,未用也。 如 庶 錫。 ○《大射 南 禮 此 于 在 上 階者,宰夫主 人在官者。 南。」不言玄酒 諸 二節 南 所 用 侯酢 小 云 故曰 上。 綌若錫,冬夏異也。 當在告具之上 也。 臣 尊 司 席莞筵紛 食。 綴 尊南,瓦大之南 設 士: 燕不必 此 宫筵蜜 兩 諸 獻 言士旅食者 此經有庶子, 旅 公 箭。一十 睘 可 而 席 食 射 己 純 壺 知。 席, 于 于 于 以 仍 加 而 Ŧi. 户 門 阼 幂 他 其 以 繅 燕 言 升 用 文也。 請

公升,本在阵階東。即位于席西鄉。升席自

阼 也。 面 言 卿 者立 司士之位,太僕在路門左, 位 北 人在東堂下 大夫西,統于門。 東上,士立于西 也。 也。 爾 方。 西 階 不言士,文省。 相 于 之 面 爾 祝史立于門 小 兼乃備也。 東 門 北 大夫,大夫皆 臣 上; 南 西 納 南 東 南 卿 祝、 爾, 鄉 上。 面 西 方 大 卿 爲 史 近 面 大,納, 東,亦門右 東 左 大夫皆 門 小 北 謂揖 南 揖卿、大夫降也。 一西,則 臣 右 上 少 面 面 師,小臣 王, 以 謂 之使近 進 與 北 在 故 由 入門 公命 此東堂下等。 上。 士南矣。 特 門 卿 表之。 也。 正之佐, 右 北 命之人 言 右 士人門 少進于北 面 面,大夫言進,互 《大射》言 爾同邇 公降,立 臣 東 太僕之屬 小 也 禮 L: 右 臣 其 士 轉 乃 位 旅 師 揖, 北 而 卿 在 西 朝 也 食 此 卿 面 西 就 位

賓 射人擯也、《大射》始終稱擯者,此則始終稱射 群 者,命由 臣 射 則 人請賓。 大夫爲 君出也。 賓。 公曰:「 《大射儀》「大射 某,其 名 命某 也 射 IE. 爲 擯 人命 賓。」聘 擯 者請 賓 使 賓 文異 二,此 則 賓 介爲 少 則

注云"「大夫猶北面。」○以上

面

位

進

禮

辭

進

進

而

北

稽

留 面 也。 也 稽 反 首 命 謂 先以兩手拱近 又 命之。 地,及 賓 再 揖之。 諸 大夫。 賓入門而 賓人 及庭,不言主 左 與主人 相

公揖 命。 拜稽 在 禮》燕群臣爲多,故此經從其多者言之。 頭至手,又引頭至地,稽留久之,拜禮之至重者。 ·戒前,賓至,公迎于大門之外也。 卿大夫,乃 賓出 首 許 立 諾 于 門 升 外 就 東 席。 面 揖 而后升, 餘以類推 出 立 若燕聘 待納 謙 可知 也。 使 賓 射人反 矣。 之命 案 : 則 0 請 也。 燕 以 賓 辟 北

上立

賓

之也。 節: 賓者。 尊皆 尊卑之等 于君 南 執 幂 也。 北 一,戒,二,陳設,三,面位, 有 者,以公命命之。 凡請,皆以重 羞,進 小 幂 面 臣 也。 賓至 膳 東 宰請羞 自阼階下 也。 上。 〇以 一徹之,不必執。 膳,即 上 其事。 尊南,瓦太之南。 命 于諸 膳篚之膳 執 北 執 事。 ○注謂方圓 幂 面 公卿者。 此執幂者, 右第 者升 請 四,立 謂 執 薦俎及庶羞進于公與 ~實; 上玄酒 幂 自 章, 壺 小臣 無幂 ,蓋爲瓦大請之,重 者與 西 Ŧi. 燕 階 ,命執事。 前 幂。 膳宰分請 悮。 之禮, 羞膳 立 東上,統 乃命 于 者。 凡 之 尊 Ŧī.

射人納賓。

射

人爲擯·

也。

立賓矣

,用擯納之,

異

于

賓人。 人,膳夫也。 禮,不參之。 已。《大射》言賓辟,此 正主 面,至再拜; 也。 後凡與、 臣不敢與君亢禮,故以之代爲獻主 賓升 主人禮異 至再拜,拜 自 略 西 爾。 階 者、做 至也。 公升就 人迎,可 主人亦 揖 此。 讓。 升自 賓答再 席。 公不爲主,揖 知。 西 升 階, 自 公降 以 也。 拜。 拜 主 西 于賓 人 階 賓 之而 以 將 右 等 右 Ŀ 主 行

賓拜 洗南, 位 進 屬,受二升。 人北 面 爵,文省。 猶 不東北 則 位,降位。 洗 東 主人降洗,主人升降 面 面 北 盤 ○以下《鄉 面 也。 主 · 坐 不用 面,辟 矣。 人賓右奠觚 主 主人卒洗,賓揖 取 爵 兼言 正主 人 與 觚 飲酒 坐 奠 古文 西者,爲 禮 正主異 也。 》已詁· 觚 皆 觚 也 者不贅 主人辭降,賓 賓降也。 ,答拜,降 西 于篚 皆作 階。 賓少 ,乃升。 觶 篚 洗 興 賓 進 在 盤 南 對。 降 堂 洗 辭 下, 主人升。 西 階 對 洗。 賓降 賓反 北 不 西 觚 言 血 主 東 少 取

獻賓 主人辭 爵, 旨 酒,興,席末 祭、嚌之,興, 記 羞膳者也。 反位 上 反幂,覆 時 觚 爵,右祭脯醢 膳宰設折 린 1,執爵 拜。 薦與羞者,小 興; 加于尊。 取 幂 筵前 取實右所奠觚。 主人賓右拜送爵。 坐奠 興。 也。 賓 《大射》:「宰胥薦 俎 對。 主人酌 受爵 主人筵前 膳 主人答拜。 ,奠爵于薦右; 興,取肺,坐、絶、 爵,遂拜。 坐,啐酒, 加 俎 宰」是也,下 卒 于 實當 東面 - 盤,賓 膳 俎 執幂 與《鄉飲 ,尊西,東面。 ; 受之。 獻 脯 降席,坐,奠爵 坐, 捝手, 執 揖 同。 者舉幂,此言舉幂 賓。 主人答 賓 膳宰 酒 升。 西 觚 》同。 賓 西 此膳 亦 階 薦 升 主人 執幂 \Box 北 拜。 上北 筵。 面。 賓 宰亦宰胥。 脯 爵 爵,遂 醢 升, 坐, 左執 者反 散 以上主人 賓 面 自 此 文 拜 西 通 坐 西 坐 幂。 則升 所謂 升。 階 卒 告 祭 也 下 取 射 執 如

南 坐,奠觚 以 虚 奠 一爵降。 觚 言 坐 降洗不更爵。 則 立 盤 也。 少進,辭 主人 降。 降 賓 洗 西

> 拜也。 爵也。 主。 主。 洗; 洗。 面。 序 射》不言告旨。 坐,西階上坐也。 拜受爵,賓主人之左拜送爵。 盤,主人降。 初,以 爵 内 人 不拜酒,即告旨之拜,分而二者,一 主人坐祭,不言薦,下獻大夫乃 主人東 及階揖 東面。 主人 興。 升賓、升賓、優之。 賓降,立于 以 虚 酢 賓答拜。 辭 爵降,奠于篚。 主 升。 面 曰序内,則進于序端: 不告旨,遂卒爵,興; 洗。 賓辭降,卒盤 人 祭,祭酒也。 對 于西 主人升,拜洗 西 賓 賓 主人不崇酒 坐, 階 階 不言 坐 西。 上。 取 不 奠 命 不奠于序端,下獻 一,揖 觚 矣。 啐 觚 獻 西南面。 可 酒 畢 主人之左,亦異于 于 升; 知 奠 如 〇以上賓酢主人。 即 1,凡不 ,不崇酒 薦,異于 篚 賓禮。 于 拜 降 賓 坐奠爵 酌 告 , 興 主 篚 升, 君 膳 人 下, Œ 在 也。 對 則 皆 公須 立于 賓 北 執 堂 主 辟 盤, 亦 拜 《大 也 也 降 卒 幂 面 īE.

以象骨飾也。升,實之,東北面獻于公。西面酌訖,主人盥,不言降盥,上已降也。洗象觚,象觚,觚

受爵。 凡拜下,皆臣禮 主 人 也。 降 媵 也。」案: 者 以非正主,若舉解者 酢後 有酬禮,此 即酬 然。 也。 不 用觶者,示盛也。 酬不于賓酢之後,又謂之 酌

散

人俎同。 君尊,變于賓 脯 執 升自 醢 爵 一,士即 興。 授祭尊君 膳 西階。 膳宰也。 宰設 主人答拜,升受爵 也。 嫌 折 升作 薦不言自左房,文略。 俎,公俎未聞,當與鄉 不拜酒,立卒爵,坐奠 階。 公祭如賓禮,膳 以 降 凡異 飲 言升 酒 者, 主 疑衍。 卒 降 筵 北

士

薦

自

西

階。

阼

階下

北面

拜送爵。

由

楹

南

至

公

席

前

故

東北

面

也。

公拜

宰贊授肺。 受,則答拜降也。 拜 奠于膳篚。 以上主人獻公。

爵

篚。 君酢 爵,省文。 爵 IE. 獻 再 坐祭遂卒爵, 酢 以上主人自酢 拜 更 皆 稽首。 亦 用 再 洗,爲君 膳, 拜稽 成公意也。 亦拜者,如公酢 酢 祭遂卒 首。 致潔 也。 公答再 爵 酢 于 則 酌 也。 諸 阼 膳 拜, 節 階 酒 皆略矣。 公答再拜。 下 以 主人奠爵 ', 北 降 ; 自酢,不敢 不言坐 面 酌膳 坐 者 于 主 奠 奠 當

騰 主人盥洗, 觚 于 賓; 註 升媵,今文作 궁 : 媵, 送 也。 媵」。 讀 或 敖 爲 氏 揚。 云: 揚 當 舉 作

膳, 復位。 實酢主人,三,主人獻公,四,主人自酢, 上主人酬賓。 立于序内,其位彌尊,其禮彌 者,因坐而奠,不北面 拜,送爵。 降,賓辭 膳,正尊, ·爵拜,賓答拜。主人降 賓 位, 主人坐祭遂飲,賓辭。 西 故方壺謂之散 面 作階下 階 洗。 答拜。 右第二章,正獻禮,凡五節: 賓升席 1: 卒 拜,受爵于 西 也。 面 洗 上賓立序内以後 位。 坐,祭酒,遂奠于薦東。 揖 薦東者,酬 西 殺,一 賓降 升。 階 張 筵 Ŀ 筵 洗,賓降, 不 爵不舉 辭,辭 坐 前, 弛,是之類與? 無升筵 拜 西 五,主人酬賓 奠 一,主人獻賓; 東 反 洗。 爵 其代君行 也 南 事,此言降 位。 拜 面 主人 主 主 7 主 人 人 酒 〇以 降 也 X 酌 辭 賓 不 遂

也。 下大夫之年長者。 未樂賓 小臣自阼階下請媵爵者,媵 先 媵 爵 請 爲 不言下大夫,以 旅 쨈 者 燕主 飲 常職 也。 進也。 可 公命 知 也 長 爲 旅 小 個 長 臣 請

更爵 興 進, 公答 人並 進, 阼 先者既酌 于 名。 作 象 也 長 媵 執 媵 觚 而 爵 下 爵 觶 階 楹 故 奠觶 洗 拜命也。 小臣遂作二大夫,其爲定法可 盤 升 君 北,楹: 坐 興。 請 者 再 者 大夫二人 下,自 故 洗 所 自 之。 奠 執觶 後 阼 拜 飲 (待于洗 于 角 西 解,再 公答 階 也 北 者 西 篚 若 公答再拜。 階 觶 待于 階 即 下 媵 西 阼 君 升 升,實之; 進, 適 再 楹 角 皆 媵 拜稽 爵 阼 命皆 洗南。 不言 階 之北。 拜。 觶, 往 小 北 爵。 階 者 來 序, 下 下 爵 臣 首 立 面 致,若 相交,各 也。 屬 媵 皆 作, 請 長 亦 再 媵 于 酌 待,待致爵之命 執 者先進 爵 制 再 致 序 作 皆 拜 膳 爵 洗 知。 也。 如 觶 者 者。 之于 者 拜 奠 在 稽 者 散 南 興。 皆 序進 致 稽 無 其 酌 觶 洗 首 序 受 西 西 致,送詣 坐 首。 定 左 象 四 其次待于 面 致 進 之 也。 面 公答再 祭,遂卒觶 拜 再 坐,奠于 升 北 也。 觶 酌 辭 北 飾 皆 拜 拜 上 象 則惟 也。 降 散 須奠鱓, 公 之 致,故二 稽 上 以 階 則 西 位 觶 命 公意 公命 拜。 首, 角 階 上。 也 也。 交 序 序 薦 即 故 觶 命 則 于 階 進 也 南

者,公舉之也。 公答再拜。 適 奠、皆右還。 實觶前 北 阼 上; 階 下。 不言序進,後不言交,是 西 面 以 皆 此先拜送。 北上者, 南 上媵爵于公,爲旅酬之始 再 爲 拜 左 其長所奠也。 稽 0 下文凡與 將 首 舉 送 而 觶 接 奠 子 踵 常 降 至 左 法 舉 尊 者 阼 異 觶 先 階 不 者 不 後 于 下, 敢 皆 酌 賓 必 君 膳 而 降 君 禮 之舉 以 于 自 也 公 西 次

稽首 先拜 于席上酬之。 也。 辭,賓升 即 情 賓,公不爲獻主, 升 凡酬者,必就 治 ,與未拜者 尊 公坐取 賓下拜,小臣辭。 也 君也。 拜禮俱 成拜。 賓降 膳夫爲獻 同。 未成 公坐 大 其 而主道 夫 西 後 階 也。 凡下拜,或 兩升 階 所 主 故 此不言階,下言實進 媵 下 不可以 拜 升 耐 答 觶 再 公爲舉 而 賓 將拜未拜,或 亦應言成,文不具耳。 興 成 拜 不 升 再 海,其 伸,故 稽 再 拜,執觶興, 旅 以 首 者 拜 酬 未畢 酬實于 稽 正 賓。 拜 拜 受 公命 獻 而 首。 者 未畢 則 虚 旅 此 分 爵 酬 復 公舉 立 小 嚴 拜 受酬 之始 再 則 卒 臣 拜 間 西州 即 旅

❶ 「西」,原誤作「酉」,今據四庫本、經解本改。

奠鱓 上 主人在階下,故 東進 答 也。 再 降 拜 . 奠 于 日 執 升自 篚 觶 西 ,膳 階 興。 篚。 此 賓進 賓 〇以 在堂 受虚 上公酬 故 \Box 爵, 賓 進 上公卒爵 蓋 由 西 階

篚之鱓。 首。 卒觶 奠 也。 故易之。 若 旅 氏 觶 洗 大夫長,卿 西 諸 둜 則 解 階 因 嫌若不以爲潔 臣。 公有 不言執觶興, 命乃反 或 不 Ė 拜 「觶」,衍文。 有不用 ○注 觶 據上不 **嬪者告于公,公許。」射人作大夫長升受旅** 也。 拜。 執 命則 以 洗。 也。 謂 觶 象鱓 以 賓大夫之右坐,此 易觶 卿 若 興。 也。 君之酬 爲 不 尊 文省。 尊 下拜。 者矣。 膳 君 易,有命者,優之。 爵不襲 則大夫之解即 酌, 故更觶 反,升,酌 觶 大夫答拜。 爵也。 臣 也 公答再拜。 賓 禮 故 小 有 一,則降 未然。 也; 易别 命 《大射》: 臣 辭。 膳 自 故不易; 篚之觶。 上 更 飲 象觶 升,實散。 觶 應北 賓坐 酌 觶 賓升 ,反者, 不 「賓告于 賓以 膳、公 蓋 面,右則 洗。 易 大夫未 一祭,立 洗, 膳 爵 方適 旅 再 意 觶 膳觶,膳 擯 君 猶 也。 也。 大夫 東也 酬 者,請 拜 有 洗易 尊 更 飲 命 于 稽 不 敖 爵 日

> 以徧。 祭。 如受賓酬。 及之。 拜受,賓拜送。 大夫辯受酬 卒受者 不繼賓獻之者,燕不 受賓酬者 如受賓酬 以 于 虚 其 此 觶 長也。 旅 立衆賓 大夫者, 降, 之禮,大夫受酬于大夫,故 大夫受酬 奠于 大夫猶 故大夫與 篚 即 衆 公 賓 降 以 卿 也 復 上 序 賓 故 獻 舉 因 不 也 H

席 席 也。 左, 遵也, 觚 \exists 君舉 兼 坐,左 · 主 乃薦 東 西 卷 故 旅 主人洗, 階 人 舉觶 上。 行酬 則 執 諸 拜 上 脯 後 卿 而 賓左,遵者 爵,右 北 送 醢 獻之。 後 異 升 獻卿」 面 觚 席 坐卒爵 卿 實 也 祭 大夫 司 是 散 卿 位 脯 席 官 也 也。 辭 本 醢 無 0 獻 兼 興 卷 俎,禮 重 遂 設 卿 卷 蓋 則 因 席 于 祭酒 卿 布 設 重 坐, 殺 之矣。 在 以 西 司 于 席 遵 奠爵 明 不 大射 階 宫 重 者 之。 之席 上。 徹 卿 啐 席 也 拜 之, 設 升 洒 即 則 卿 于 執 拜 加 燕 辟 猶 席 降 升 受 害 爵

記注疏》改。 「君」,原誤作「賓」,四庫本、經解本同,今據通行本《禮

0

興。 之地,特 卿 也 無 西 諸公于此,亦遵者之禮也 以 命升乃升,臣禮 加 虚 〇以上主人獻 北 卿皆升 席 爵 主人答拜 面 設 降, 席以 東上,席于阼階西者,諸公不與卿並,故于近君 卿設加 ,就席。 奠于篚。 然也。 表 卿 尊 席 ,受爵。 也。 而去之,諸 不酢者,辟 若有諸 不于西階上者,不敢干正 今文無此三字。 如 卿 獻 公尤尊,疑于君,故并不 正獻 降, 卿 公,則先卿獻之,獻 之禮; 復位 辯 射人 獻 席 卿, 獻 于 畢 八乃升 主 阼 禮 即 降, 也。 階 人 設

知。 薦 稽首,公答再拜。 故又請。二大夫媵爵如 下若賓若長,一, 笙人之先, 公又舉奠鱓,一。 則 南 媵 待者,待致畢皆拜也。 請 爵者奠觶 ,論先後之序 小 致者。 臣又請 若 媵 于 則 篚 命 爵 洗象觶,升,實之,坐,奠于 此 者,公舉媵鱓 ,一人待于洗南。 長 觶 長致,致者阼階下, 致,止 初。 當在 此言如初, 南觶之南。 用三爵, 者三 故 則 上 今經 上酬賓, 請致以 不皆 媵 人,不 止 第日 再 致 下可 _; 也 爵 拜 致 薦

> 二人,皆再拜 者,初並受君命,宜終之。 公答再拜。 南 則 在 公所取 酬 稽 賓 北解 首 送觶。 之處也。 拜于阼 降, 與 以 階 立于 上再 下。 媵 不 洗 南 亦 者

賓。 也。 加禮 卿 長; 卿而及大夫與? 當以公卿之年長者言, 舉旅以徧 酬長,則長轉 也。 大夫卒受者, 若賓若長,唯公所 公又行一 以 旅 于 而酬 賓已受酬. 爵,行,舉奠以行酬 西階 以 賓,乃及其次以辯 末又言大夫者,卿 虚 Ŀ 此 酬 解降,奠于篚。 獻長可 如 此 初。 旅 矣。 在 也。 酬賓,則 也。 獻大夫之前 亦大夫也。 又兼言賓 初 爵 謂 賓轉 所 以 上公爲 公始 媵 者, 或 則 而 南

或

因

長

送觚。 舉旅 爵。 洗 主道于卿,故于此獻之。 北 行 西 主人受爵。 主人洗,升,獻大夫于西階上。《燕義 酬,而後獻大夫」是也。 面 大夫坐祭,祭,祭酒也。 · 此 與薦 大夫,一 大夫降 大夫升,拜受觚。 時 大夫不 並 復 行之禮 位。 立 繼卿獻之者,公方伸 卒爵 胥薦 也 膳夫,士 不 主 主 人 拜 人 也 于 既 拜

酬

與大夫並

薦

者

以

其

、爲獻主異之。

音升。

0

席。 節 祭,下于 旅;七,獻大夫。其爲大夫舉 二,公酬 夫猶衆賓 **%**賓主 以 敵 賓; 别見于徹俎之後,作經者參錯之文 上 卿。 也 一獻大夫。 或 三,實舉 脀 有 繼 卒,射 俎 則 賓 也 無 右第三章,旅 以 旅; 俎也。 辯 人 西 四,獻 獻大夫,遂薦之,羞庶羞,乃 乃 東 卿、大夫皆無俎,于 旅及獻士二 上。 升 卿 酬禮,凡七節:一,媵 大夫,大夫 脯 Ŧi. 大夫席繼賓以 醢 再 節, 無 媵爵; 沓。 别見 六,爲 此言之者, 皆 西 于 升 者, 樂寶 卿舉 一爵; 就 大

者華》。 故小臣 乃 于其 何 Ι. 降。 瑟 四人,工四 **,**相 西。 席 代之 自 以 I. T. 以 上工人。 西 相 用 于 上工 小 階, 與? 小 人,燕禮,殺 臣 西階上少 臣 歌 納 北 Τ. 亦 面 Ι. 面 與 歌《 鼓 東 周 于大射 獻畢 東。 上 鹿 禮 執 鳴》、《四 坐。 即 越, 異。 也。 樂正先升, 納 或視 二瑟。 内 Τ. 小 者,急于 弦, 臣 瞭卑 牡》、《皇皇 坐,授瑟, 右 不入君 小臣 北 樂 手 賓 面 相, 所 左 也。 立

《大射 衆上 不親 以上 拜」。 左瑟,一人拜受爵。 脯 不親洗,有代之洗者,故皆祭也。 者不祭。」 醢 獻工。 洗。 不拜受爵; 》有太師,此及笙皆不言太師 辯 卒歌,主人洗 此衆工皆祭,故知皆洗。 0 有 使人相祭。 疏謂不辨太師與群 脯 醢 不 坐祭,遂卒爵。 祭。 升, 卒 主人 洗 主人受爵 爵 I 而 疏悮。 皆 西 不 竊案: 獻 而 1洗、《鄉 言洗 階上 拜。 T. 者, 獻 洗者親洗; 飲酒 古文日 義 太師 拜送 I, 主人受爵。 降 可 記記》: 知 奠于 則 爵。 Ι. 矣。 卒 爲 不洗 不 示 爵 餘 篚 洗 薦 興 不 洗 則

在 賜 亦酬 也。 士」,此在獻士之前,則爲大夫舉 設工 ,若賓若長。」以 也。 正 公又舉 席之前,錯簡于 歌未備 不言所賜之人,據《燕義》「大夫舉 即 奠 舉 旅 觶。 旅 者 于 此 西 也 燕 觶 主 階 再 飲。 媵之觶。 上 旅 也。 如 0 以 初 《大射 Ŀ 唯 公二 初 旅 公 * : 謂 行 舉 所 酬 觶 上 賜 惟 兩 而 公所 此 舉 後 觶 獻 賜 疑

華 黍 卒笙,人立于縣 以上笙奏 中。 奏《南 白

射

立司

司

Œ

者

君

受爵,降坐祭,立卒爵。 祭,立卒爵 階 不 ·升堂, 主 人洗,升 不拜 受 爵 獻 既 降 笙 爵,升授主人。 于 主 西 辯有脯 人 階 拜 上。 送爵 醢 不祭。 衆笙 人 階 拜 不 前 以上 拜 坐 盡

公二 遂歌鄉 魚》, 而 亦 有 工之長告。 之歌,明所歌爲鄉樂也。 召 北 I. 早解 備。 面 也。 南 樂正 笙《崇丘》; 乃間 不告于賓者,公在堂也。 右第四 人自阼階下請 東 日:二 鵲 四,笙奏; 樂正 ,歌《魚麗》,笙《由庚》, 楹 巢 章,樂寶,凡六節: 之東告于公, 周 》、《采蘩》、《采蘋》。 由 正 南 五、獻笙; 楹 歌《南 歌 • 内,自 大師告于,本無「于」,依石經 備 關 。」太師,上工 雎 Ш 六 工西 》、《葛覃》、《卷耳 乃降 東楹之東,公席 有臺》, 間 正,公不自作 耐 歌 而樂 東,由 復位。 歌;二,獻 也。 此亦合樂,而 笙《 歌《 備 楹 内 無太 以 由 南 在 者、楹 Ι. 上間 馬。 儀 有 師 嘉 告 歌 南 則 補 謂

也。 禮 云 少 觶 受 觶,興,坐,不祭,卒觶,奠之, 日 大夫者,謂以我命安之。 卿、大夫」。 者,君在堂,將奉命,不 觶 司 司 左還,南 「相爲司 正于後 西 立,右, 升, 酌 正于旅始。 别 :「諾,敢不安!」司正降 命, 南 右還者,右手鄉外而 也。 于 〇以上立司 鄉 西 面 Ē 也。 取 面坐,左,觶東。 階 坐奠于 觶西。 此射 鄉飲 散 觶 公許。 此卿、大夫、士、皆老成 君 上 洗 IE. 人相 北 》 賓、 降, 曰」云云者,舉 南 中 南 面 面 、介皆年 敢 禮,故因 庭;《鄉 者, 南 射人遂爲 面 西 命 不言賓者, 以 反 則 面 罰 從鱓 卿、 北 少學 奠于其所; 左還者 爵 坐, 其 面者由觶 鄉君 大夫,「 西 射 請 君命命之也。 士: 奠 自 而 司 賓 如 始 也 飲 命之。 左手 觶 興? 西 執 降 亦 IE. 旅 酒 東 ; 階 解 西 大夫也。 君 升 鄉 尚 易 再 對 階 升。 右 南 反,復其 可 致 外 東 司 日 鄉 拜 君 也 還 面 以 自 而 愆 飲酒 此奠乃 以 楹 正 也。 稽 我 西 持 儀 皆 北 之 坐 坐 我 洗 安 首 禮 0 俱 故 故 東 取 取 對 安 面 升 角 疏 在 立 立

鄉

射

降自阼 耳。 北上,以升降在西階,便其復升也。 以 亦 夫皆降,東 鄉飲 北 因賓 出 面告于公。』《鄉飲》: 今敘公許于 升自 》請 階者,實以 辭 坐乃 而 膳 請之也。 西 宰 徹俎 面 階 徹 降後,謂以公許告賓也。 北 君 公俎,公尊也。 上。 在 此不請坐,則安兼坐 東楹之東 公許,告于賓,公許,乃降告于賓 故親 請坐于賓,賓辭以 卿大夫無俎,降者,從賓也。 徹。 清徹 此 〇以 亦若 降 Ŀ 俎 君 矣。 自 俎 親徹 賓 降。 阼 俎 ,主人請 故 北 然 階 安實即 面 以 取 卿 徹 東 東。 徹 大 俎 俎 面

坐 醉 也。 以 曰 也 賓及卿大夫皆坐,乃安。 不 安,猶燕也。 「諾,敢 敢 賓反 〇以上坐 皆 同 命, 于卿 入,及卿 命 不醉 也。 賓與卿大夫。 燕 羞庶羞。大夫祭薦。 司 !」皆反,坐。 大夫皆説 Œ 升 受命,皆 賓 及 即席末坐,故公以之坐 屨,升, 卿 反者 大 命 夫 興 君 就 大夫至是祭 皆 而 席。 \Box 對,乃還 興 無 公 對 不

主人洗,升, 獻士于 西階 Ė 士: 長升, 拜

者,常執事于寢之位,不可易也。 獻 薦 禮 》: 射人,則有兩射人也。 則獻可 爵。 夫降位之南,薦 本在西方,東面 辯獻士。 ○註云: 大夫,其貳有士。 上,近階間 其他不升。 受解,此所謂「大夫舉旅行酬 亦 正以爲位也。 士。 就 |至此十八字 司士掌朝儀之位,其位宜在庭。 其位 其他不 知。 薦必于 天子射人、司 故 與 主人拜送觶。 士既獻者立于東方,西 而 東上, 就此獻之。 亦于其 射 薦 北 拜,坐祭, 疑在 其位,故待 此與士並薦,則皆其貳 上 人 一人,射人爲司 之。 由 「乃薦司 位。 既 士皆下大夫,諸侯則 司 不言膳宰,可 祝史以 正 獻易位于東方,西 立于 司 而 立于 立飲。 西。 正之上。 正以 而後獻 士坐 下,仍 東 觶 《周 主人就旅食之尊 下 方之後乃薦之。 知。 南 執 祭,立飲,不 士」也。 在 官 則 乃 東上。 正 入門時之位 祝、史、小 也,下祝 仍 幂二人,位 司士一人,《周 薦 矣,言司 面 面 射人、司 在 上 司 北 北 士 日 觶 正,言 上,在 士 上。 南 史亦如之。 此 南 正,復言 長 士皆 ○「辯 臣 拜 升, 無 不 卿 士位 因 在 攷 而 師 乃 既 大 口

右第五章,安賓及終獻,凡四節:一,立司正,二,徹俎,三,旅食不拜受爵,坐祭立飲。以上獻士,因及諸執事。獻之。就旅食尊,賤也。北面酌,南鄉獻之于尊南,不洗。

坐燕,四,獻士,因及諸執事。

執事則 者,謂自「有司 也 周 而 用鄉射之禮,則非大射之燕矣。 ,故獨爲一章 禮》無大射正,其亦射人之類與? 若射、《大射》射 别也。 請射」至 〇右第六章,言射爲或然之節,非燕禮之常 「釋獲者退算」,蓋儀節之似射者,其 在立 司 正之後。 則大射正 如 彼先行燕禮 鄉射之禮。 爲 司 射 此 如 燕

于上也。 觶 之,又不敢以大夫媵公之爵酬公,故于旅酬之末媵公,因爲 賓坐祭,卒爵,卒爵于上者,將飲亦降,承命乃升,故飲 士舉旅也。 公,賓主獻酬,不敢 等,小臣 賓降,洗升,媵鱓本作「觚」,依註作「鱓」。 酌膳,坐,奠于薦南,降拜。 再拜 不曰酬 辭。 稽首,公答再拜。 而 賓 E 與 君 媵, 臣禮 升, 亢 禮 再拜稽首,公答再拜。 , 但 也。 一公既 酌散下拜。 酬賓,不可 賓降, 小臣 公降 無 洗 辭。 以 于 象 答

> **媵爵。** 公亦降。賓升成拜,公答再拜。賓反位。

> > 以

上

賓

之。 士也。 者,「以次自酌相酬,無執爵者」,所謂徧也。 旅食皆及。 夫奠爵拜,士答拜。大夫立,卒爵,不拜,實 大夫卒受者以爵興,西階上酬士。 不拜也。公不拜,略 唯受于公者拜。受于公者,固拜矣,復言者,明此 席坐行之,坐而行酒安也。 膳,下拜。 則爲士舉旅也。但卒受者爲大夫,則仍自賓、卿、大夫以及 其人,據《燕義》「士舉旅行酬,而 命大夫卒受者。 士拜受,大夫拜送。 公坐,取賓所媵觶興。 受者如初受酬之禮,降,更爵,洗,升,酌 士旅酌。 小臣 爵辯卒受者興以 也。 辭。 士西階上 司正 升成拜,公答拜。 執爵者行之。有執爵者。 後 士旅 命執 無席,則不坐行也。 獻庶子」,此在獻庶子上, 唯公所賜。 爵者,此 酬 于 士。 〇以上 西 階上,辯。 士升,大 此即命辭。 命執 酬士。 乃就 賜不言 外皆 旅 爵 酌

卒。

主人洗,升自

西

階

獻

庶子于阼

階

子 章,旅酬之終,凡三節: 之,掌宫中之使令者。 Œ 官,故從君 正 宫 諸 存疑。 Œ 與 庶子 聯 内 事 小臣 也 即 在阼,至是乃獻也。 如 周 獻 如 ,皆于阼階 禮 庶子之禮。 獻 諸 士之禮。 左右正 子 一,賓媵鱓; 也。 庶子 上,内小臣,《周 ,未詳,以内小臣準之,則 ○註以左右正爲樂正、 以 辯,降 亦 L 二,爲士舉旅,三. 在 獻庶子諸 作者 洗,遂 以 禮》以 人。 教 獻 公族 右 奄 左 僕人 士爲 獻 第 亦 右 庶 Ł 内 與

拜,禮 賜 所賜 者。 之,往也。 卒爵,然後飲。不敢先公飲,臣禮也。 公,公不拜受。 爵 兩爵並 殺。 者興 酌 者興受爵,降 無 算爵。 之公命所賜,就所賜 反 公答拜。 行, (奠之。 授執散 公 飲 士 執 膳 也 公既卒爵矣, 受賜 席 散 爵 餘 有 下 爵 飲 執 執 散 者之席 爵 者 奠爵 散 膳 者 酌 執 爵者乃酌,行 爵 又奠之, 以 以之公命 也 再 膳 者,有 爵 ,謂賓及卿、 拜 爵 執膳 就 備公飲 稽 者 席 首。 酌 執 爵者受 坐,公 所 、大夫。 散 以 之。 不降 賜 受 爵 進

唯受爵于公者拜。以上公舉旅于卿、大夫

之,如旅酬也。 士于 士 不 拜受爵。 西 卒受爵者興,卒受爵者. 階 上。 〇以上大夫舉旅 大夫就 士升, 大夫 席。 于士。 謂 不 士: 卿、大夫之末。 旅 拜 酌 乃飲, 亦 如 之。 實 以 栖 如

也。 自卒之也。 也。 皆降,士亦降。 賓,與請坐同。 拜,拜公之命也。 遂升 公答再拜,大夫皆辟。 公有命 反 ○以上徹幂 坐。 徹 公命小臣 上兩 西 幂 士終旅 階 命不 , 徹幂者, 終旅。 下 拜,此 辭。 北 于 面 期 獨拜 辭不升 此言 盡 東 如 酒 Ŀ 者 初 辟 拜者, 也 恩 則 再 益 大夫 則 凡 醉 渥 拜 君 尤 也 卿 反 稽 拜 謹 席, 大 于禮 皆 不言 首 夫 士 辟

無算樂。以上無算樂。

諸侯禮 矣。 照夜 也 未爇日 所謂 司 宵則 也。 宫 荆燋 執 | 燋,已 大 庶子 燭 燭 也 在 爇 于 執 地, 燭 日 西 燭 燭,以 有 又 階 于 在 日 地者, 上 燎。 阼 荆 爲之。 階 甸 庶 有手 E 人執 子 ,燕至于 亦 蓋 執之者。 執 古 大 燭 無 燭 宵 麻 與 執 燭 于 宫 則 燭 以 庭 恩 IF. 天子、 情 火 聯 庭 炬

星 司 中 宫掌宫 宜 人爲 在 地,亦 大燭 甸 日 人共薪 執者,持之,防 于門外。 蒸 闡 人司 門外地 在地者之傾 門, 故 廣 因 不 其 必 職 也 用之。 持 與與 爲之而 執 燭少 〇以 異。 른 Ŀ

設

賜 四,無算樂; 則送之。 卿 則外亦有霤也。于内霤賜之,則鐘人事畢將出矣。 以其爲己之行節,且以廣君惠也。 禮 ,公舉旅于卿大夫, ,薦爲重。 、大夫皆出。 鐘人於門内霤,奏《九夏》、用鐘鼓、 賓醉,北 〇以上賓出。 五,設燭; 取之,榮君賜也。 面 公不送。 坐, 二、大夫舉 六,賓出 右第八章,無算爵 取 其 奏《陔 不送,待臣之禮然也, 薦 旅 雷在門内之中, 日 于 脯 <u>.</u>; 以 三,徹 禮 以 降。 賓所 終,凡、 脯賜 凡飲 幂終 執 鐘 遂 六 内 脯 人 聘使 節: 旅; 出。 食 雷 者 以 之

名 之酒 須臾也。 請 吾子之與寡 對 , 擯者述君命于賓 公與客 日 不 日 終日 寡 燕。 君 君須 解 客,聘 君之私 令然也。 () 與焉; 也 使 腆,善 也。 也。 使某 須臾者,言 也。 日 此賓答 也 : 言 以 不 寡 辭 請 相與飲酒 腆 君 下 謙 有 解。 某 不 請、 擯 共 腆 以 此

> 對 君無 請。 之。 賜,賜之燕。 臣 不腆,擯三請 須臾焉 命,致命,謂親相見致君命,則上六辭皆擯、 命,某,聘使名。 寡君使某,有不 沿皆準 敢 蓋辭之之辭。 使某 所辱賜于 拜賜命 此。 !」「君 古 私,言邦交之成也。 君 以 恩 .! 下逮,近 敢 請 使某 使臣 貺 臣 不從?」三請 !」「寡君 腆之酒,以請吾子之與寡 敢 寡 猶賜 一, 臣 古 辭。」「寡 君多矣,又辱賜 于屈 以請 也。 敢固 , 故 君 〇右第九章,補 君之私 無 ! | 「某 日 辭 君 乃許, 辱 所 ?!!| 寡 古 辱 、介傳命 賓 無 也。 賜 固 所 禮 不 于使 于 謂 然 辭 君 腆 賓 也。 也 使臣 無 不 古 又對。 臣 擯 所 君 得 日 致 曰 用

賓爲賓。 爲苟敬席于阼階 大門 素舞、 外 内迎 黑屨 東 記 方。 燕,膳夫爲獻 : 也 燕 于門 若 朝 其 内,與公食大夫等。 與 牲 服 之西 狗 於寢。 主,非 DЦ 方之賓燕 也,石經在 北 賓之敵 面; 朝服、玄冠、玄端 故 饗禮,君爲獻主 則 東方」下。 揖 介 爲 讓 公迎之于 賓 升 而 緇 席 , 故 帶 賓 賓

與 有晉,不嚌 上經諸公同。 曰苟者,蓋主人謙 肺, 不 啐酒 ; 解謂 其 介爲 其敬 特荷 賓 周

也。」日 燕 卿 無 夏》,亦九《夏》之一。 也 且 于 此 ,亦大夫爲賓。 燕 膳 若以 羞卿 尊, 奏、曰闋,其節也。 則 無 大夫 樂納賓 者, 膳爵。 小 爲 膳 注云:「今亡。」吕叔玉云: 賓。 ,則賓及庭奏《肆 無膳尊及爵、降尊以就卑也 羞膳者, 宰 以《夏》爲節,尊賓也。 卿不爲賓嫌也。 也。 小 與 膳宰,其 執 幂者 夏 膳 與 「《時 夫之屬 皆 賓 大 **拿** 邁》 拜 士 夫 與

凡

栗階

凡

公所

栅

既

拜

請

而

夏》。公卒爵,主人升,受爵 酒 主人答拜 而 樂闋。 公拜 以 受爵 下 而 而 樂 奏《肆 翼

云 也。 「《小雅》逸篇。」〇或云: 蓋以子聲奏《南陔》、《白華》、《華 新宫,謂宫之子聲,四 **一黍**》也 子 清 聲 聲 升,歌《鹿鳴》,下管《新宫》,《新宫》,未詳

註

鄉 用管,將 作于十二律之後,故曰 樂 終 遂 則 和 則 以 無間 笙 而 新。 歌 樂成 也。 存參。 也。 若 三成,三終也。 舞 笙人三成《新宫 則《勺》。 [《]勺 遂合

> 奏,進也。 大夫無 此與經文小 升也。 頌 篇。 俎 皆栗階。 也。 聽命,不敢必公受之。 異 蓋告成《大武》之樂,歌舞而奏之,以 當别 獻 公 爲一 日 : 栗,蹙 禮 也, 臣 唯 謂 公與 凡公所 敢 越 奏 等。 賓 爵 急趨 有 辭 以 俎 聽 君 象 命 命 功 解之 對 也 也。

臣。 與羞者小膳宰也。 侍臣、公、卿、大夫、士也。 不過二等。 羞,庶羞、内羞。 請 旅,不專惠也 有内羞 凡 旅 薦 房 侍

射, 中之羞,羞豆、羞籩也。 袒 朱 襦,樂作 而 詳 后 《天官 就 物。 君 樂奏、《騶虞》以 與 射則 爲 下 爲

連。 節。 小 臣 以 巾 授矢,稍 屬 稍 屬, 稍 與發 矢 時 相

之節 爲 不以樂志。 識 而 必欲應之也。 志,與 一識 既 記 發 一之「識 則 小 臣 同 受弓、《大 言 不 以

受弓以 上射退 大射 于物 Ē 此 笴, 以 小 臣, 既 發, 禮之别 則答 か也で 君 以 而 俟。

疑悮。 若飲 君 若 小燕 與 四 則 方之賓 夾 爵 燕 君 勝 在 大 爵 夫 \Box 射 三臣 則 肉 一受賜 袒

命。有房中之樂。

處也。相者對曰:「吾子無自辱焉。」相亦公

矣。臣請贊執爵者。」贊執爵,謂媵。蓋以臣禮自

九四

儀禮卷第七

仁和吴廷華章句

第七説非,詳《士冠禮》。 不可考,與此當無大異也。 大射之燕與常燕雖略有異同, 儀者,以威儀 于禮樂而中多者得與于祭。 》已詳者不贅 対儀 第 惟此爲極盛也。 七諸侯將祭, ○按: 射于五禮屬嘉禮 \Box 與 而大概相似。 諸侯之射也,必先行燕禮。 大者,重其事; 注凡《鄉飲》、《鄉射》、《燕 群 臣 射, 以 觀其德 天子大射雖 不言禮、 當第十 , 其 四 言 比

設。 遂戒,次第如 戒宿之前。 首言之者,重祭事也。 將祭,先擇與祭者,與祭者定,乃于祭前旬有 大射之儀: 外此。 射雖不齊,預 疏 以 君有 下 此戒爲祭前 射前 戒之,使致敬 命 三日,又言戒宿 戒 旬 射。 有 也。 凡禮 日 , 悮矣。 皆君 案 則 此 日ト 命, 射 在 宰戒 爲 此 三日 Ħ, 祭 特

> 以 官。 也。 官卿、凡大射合其六耦。 者,則凡量人、司宫、小臣師之屬皆是 公卿 也。 宿視 宰及司馬。 國中之士治,凡其戒命」。 司 射者,不必皆與射者也。 百 宿」二字,並以申前戒訓之,未合 本職所 士: 官 案: 《周禮• 宿,如下「樂人宿縣」之宿 滌。 戒 大 有 士射, 此 夫 有事也。 事 謂 滌者,掃除射宫 大宰職》: 于 射 戒 宰夫,冢宰之考,掌百官之徵令者。 射 冢宰等于射之前 殊戒公、卿、大夫、士、辨 此 者。 前 專 射 戒 作大事則 司馬量道張侯,故先戒之。 宰,冢 總戒之,故曰 三日,視 射 與贊者。 及滌飲 者 謂射之前 宰。 射 戒于百官。」射 夕視 人掌 有 、射諸器。 滌 也。 事于 贊,助 百 前二日。 夕也。 滌 以 貴賤 官。 戒 也 射 射用 射 也。 法 也。 戒 視之,以 〇以上 謂 疏 用宰, 治 司馬 宰 下不言贊 凡 合 司 司 射 執 射 夫 馬 之屬 戒 士: 儀 戒、 戒 致 崇 事 政 戒 人 掌 百 于

設乏,乏視侯爲遠近。 者。 量,謂 司 馬 度地之丈尺也。 命 量 人量侯道,量人,司 以 侯道,侯去物之遠 貍 步, 貍,未詳。 馬 之屬 近 注以 貍 掌 與 之伺 度 所 地

鵠得其 于參; 侯各 豹鵠 也。 + 下 可 物 丈八尺, 鵠得六尺, 上下躬舌合八尺, 下躬去地二丈二尺五寸 鵠 命量人者,當指而示之。 也。 侯 北,干侯之南,二侯之中,故曰 熊侯,並 爲 也。 並 知 《周 説, 而 同 有乏,此 士射 侯之西、北各十步遠也。 遂命量人、巾車 參見鵠 大侯 一、鵠上下各得其 蓋貍 官 崇,高 用布畫獸爲 侯制、上下躬、舌各高二尺、侯中、視侯道三分侯中、 飾。 侯叠張,大侯最南,参少北,干又少北,此在大侯之 參 豻 侯。 之伺 七十,卿 將 車 九十,君侯也。 存參。 也。 僕共三乏。 設也,下 於于干,參次而北 注謂 物 鵠, 鵠。 , 引 干 五 以豻飾侯,故 的 足遠 大夫之麋侯也。 ○長,去聲。 九十、九十步、所謂 一、大侯九十步、步二寸、爲侯中 也。 乃設之。 +; 張 此言巾車,則 而 參也。 大侯最 與 移步徐 《周禮》: 三侯,侯道既定,乃張侯 鄉射不同者,彼 干,同新,野 各 又謂之干。 ○案: 量量 + 南、参掩其北、故 大侯之崇,見 去 天子熊、虎侯、諸 參,蓋 掩于 侯道者似之,其 其 其 注訓參爲雜 長張之也。 量 侯 前 一侯道 犬也。 毋 設乏,三 故 西 往 侯,此三 止見鵠 也。 + 一参焉」 止 《射 北 鵠 仍 謂 其 侯 謹 方 見

干齊也。 也。 分有奇,總高三丈二尺五寸三分有奇,故得與大侯之鵠下齊 得四尺六寸六分有奇,上下躬、舌合八尺,下綱去地丈五寸三 其見鵠于參者,謂 下躬及舌四尺,合去地之數,總高三丈二尺五寸三分有 乏用革。 武。尺二寸。 地之數,總高一丈九尺二寸。 總高一丈九尺二寸,故得與參侯之鵠下齊也。 一分有奇,總高 参鵠下得侯中四尺六寸六分有奇,下鵠及舌四尺,合去 干侯五十,侯中一丈,上下射舌八尺,去地尺二寸, 用以蔽,故須革也。 四丈八尺五寸三分有 不繫左下綱。 鵠下與參齊也。 所謂「見鵠于干」者,謂鵠下 ○以上設侯 参侯七十,侯中丈四尺,鵠 設乏西十北十。 奇。 鵠 下 得 干不及 侯 中 -六尺, 地 凡 與

笙、 其 縣 南。 者,以鐘、磬、鑄皆縣,故特言縣 而 ,每 簾 南 鐘同。 南 笙磬 笙鐘,其 樂人宿 也。 +== 擊 西 此東方之縣。 處 枚, H 面 縣 南 以 ,磬 面 于 應十二律,後 鑮 也, 阼 西 如鑮鐘 面 H 階 建鼓 笙 則 東,宿縣,豫于 者, 也。 擊 而 在 又增 者 大特縣。 謂 諸 阼 東 其 侯 四 面 節 階 軒 也。 子 與 縣,三 西,南 皆 笙 事,樂有 此 相 南 爲 面 及 應 + 縣 鐘 也。 皆 闕 不 枚 建 下 縣 由 編 其

北

三面宜 故闕 鼓,備 也。 聲。 磬 鼓,以 屬 氏 建 南 方之樂,三者皆縣 磬 之,然後擊 在 在 E: 東鼓 鼓 面 其 東 鼗, 其 此不言堂上樂,不宿縣也。 以 東 相 東, 木爲 在 導樂, 辟 皆 面 西 北 對 如 面 射 兩 此 有 西 爲 鼓 了; 大鼓。 南鼓。 未 而 與 柱 位 與下 縣。 鼓 義 E 階 故 加 然 歌 之間 也 也。 貫 小, \Box 之東, 鼙 詩 鼓 此 间 相 H 鼗 樹之跗 簜 蓋 下 在 視東方多二鼓,見下。 東西皆 其 則 注: 及西階 應, 與下朔鼙皆 應 鐘 有 其 東 在建鼓 南 西 磬 或 故 以 柄 南 不西之中 北。 有縣, 鐘 重 君爲諸侯, 謂 應 紘。 東建鼓,並 殷 旁 面。 於 之頌。 朔鼙言也。 之楹 有 其 鼓,不可 朔,始也。 之間。 小鼓 也 北 耳。 此 南 方止 鼓也,不 倚 亦北 此 上宿縣 也。 編 則三 鑮 持 于堂。 爲 西 磬 遷, 有 北方之樂。 柄 方樂。 [磬東 先擊 繩 簜 建鼓 以 西 面 皆 故 摇 縣 先擊名也 縣; 階 竹 南 建鼓 兩 不 面 朔鼙,此 鼗 謂 而 耳 也, 此爲群 縣 諸 之 陳。 南 與 西 無縣。 倚 侯軒 鼓 笙 西 惟 上東 倚 相 在 于 應 管 設二 于 擊 此 擊 鼙 臣 縣, 其 頌 頌 鼙 成 敖 紘 之 西 磬 應 處

〇以

門有侯,故尊于此。 幂,加. 盛也。 等,俱爲侯 于獲者各有乏,何必尊于大侯之乏? 洗同。 隸僕人之屬之尊也。 南。 壺; 豈有舍之而反先尊不在乏之僕人等、及兩獲者之理? 以不言酒 尊于大侯之乏東北, 北 在 加,又并勺覆之。 北。 面 下 有豐。 膳 獲者等之尊,下爲服不之尊。 獻服不之前亦設尊, 厥 特言獻者,謂專 綴諸箭。 西 勺,又反之。 《燕禮》:「玄酒南上。」 尊 明 I 鑮南· 而設, 故 兩 , 射 亦不言獻 有鼓 幂 甒 何 日 用錫若絲,今文作 皆玄尊。 在 必别 箭,篠 正 ij 時尚 兩 旦。 南 用以 鑮者,舉 也。 爲設 反,覆 睘 也。 未設 司 與此同 獻, 壺。 兩 甒 兩 尊? 宫 二者皆有 幂易卷辟, 以 壺 壺 也。 因 尊士旅食于西鑮之南 無 大者言 瓦 尊 皆 注: 酬 上設尊 獻 又注 幂 似 竊謂 言 酢 于 則 酒 賤 酒 蓋 也。 即 東楹 「給」。 又獻服 無 其實在 矣 讀 地 玄酒之尊 故 服不在大侯之乏 瓦 而 則 ※玄酒 獻 此 太 兩 旅 類 因 綴 無 之西 爲 尊 獻 也。 食 及之爾 加 而 絺 不及 玄酒 鼓 沙, 細于 亦 存 勺 横 故 南 之。 獲者,及 無 參。 也 南 前 謂 隸 注 矣。 也 怬 兩 啓 綌 且參 沸 僕 以 下 壺 酢 又 酒 蓋 方 此 設 近 既 禮 鬱

鬯,和 阼 西 獲者之尊西北 「, 南 階 盎齊,摩沙 東 陳。 南,不言 , 則 用酒 設 出 膳 不 水在 其香汁。 當雷, 用鬱鬯也 篚 在 可 洗北、篚在 其北,西 竊謂 知。 ,故依敖説以正之。 品鬱 鬯裸 罍 水 面。 而不飲 南 在 東陳。 東, 又 服不之屬, 設洗 篚 設 洗 在 案此 于 洗 于

縣;

四,設尊洗;

六,具饌

與上同。

〇以上設尊。

或 階 也。 之地,猶 東 貳爲十二小卿,蓋中大夫也。 賓東,東上。 同 燕禮異,要皆公先即席也。 上,猶東上也。 而 西。 西 面 司宫設賓席于户 一; 北 「燕禮》言卿大夫而不言小卿,則統于大夫,故位亦繼賓 者則北上。 小臣設公席于阼階 大夫繼 ○以上設席 未設也。 面 東上。 席工 小卿賓西,東上。 而 注 東上。 云: 大夫衆,南面不能容,故轉而東 于西階 據下公、卿又言設席,則 惟 不言加席,可 西,南 公及賓席布之,其餘樹 諸侯無中大夫,則下大夫之長 在 小卿 之東,東上。 上,西鄉。 面 西 有 《天官》疏以六卿之 亦繼賓也。 知。下公、卿、大夫 加 先設公席, 席。 此特言布席 諸 于位 面。 公阼 若 卿 後。 有 席 北 與

> 〇右第一章,射前之儀: 官 饌。 以 五,設席; 上 具 饌。 凡六節: 燕 禮 一,戒 膳 射, 宰 具 官 饌 于 寢 東。

即位 揖之。 南,日 在東堂 干侯東北 不能容,少進在此也。 正,其上者與? 獲,故特表其位也。 諸公、卿、大夫皆入門右。 用小臣師,異於燕。下言若有諸公,則不必有,此連及之也 大夫,不言詔,文省。 東南,南 太史在干侯之東北、《燕禮》太史無執事、射則 一于席,一 諸公、 羹定。 士南,亦遠于門。 下, 則此入庭又深矣。 鄉。 南 西 卿、大夫「大夫」行。 燕,故有羹。 不言祝史,文省。 小 面 鄉。 干侯之東北者,以近門有大侯、參侯 臣 西 北 大夫皆少進。 師 小 上。 北 面 詔 臣 射人告具于公。 小臣 面 東上。 揖 師 士西 東 諸公、卿、大夫、詔即 北 納 公降,立 師 上。 及其 面 諸公、卿、大夫。 方, 士: 西 東上。下大夫在 以 小臣 屬也 旅 面 東 上 于 入門面 食者 北 面 作階 下有 師 上; 揖 公升, 北 從 在 位 當 上。 小 之 者 1: 俱 臣 釋

反

位

主人

卒洗

賓揖

乃

石

經

無

「乃」字。

升。

幂者升 反命。 北 禮也。 賓」。 請 請 之者,不必其同 羞于 面 賓再拜稽首受命。 請 大 擯者 公揖卿、大夫,升就席 諸 自 執 賓出,立于門外,北 射 公、 幂者,與 西 正 命賓。 階, 擯 也。 卿 者。 立于尊南, 〇以上立賓及執事者 羞 擯 賓 下庶子設 語者。 者 小 進 請 曰受命,示鄭 禮 賓 面 折 北 乃命 辭。 俎 公 面 小 不 卿 東 執 臣 日 東 反 重也。 與 面 上。 自 幂 賓 命, 而 命 者 阼 同 北 膳 又 某 階 擯 面 此 室 臣 者 命 爲 執 下 兩 賓

辟; 記 從之,賓右北 》所謂 同 節 不敢 擯 · 或 以 者 人降,洗,洗南 當 先或後,其 樂樂賓、「賓及庭奏《肆 納 公升 賓,賓 面 至 義 再拜。 可 即 及 知也 席。 庭、公降一 北面。 賓答再拜。 賓 夏》」也。 奏《肆 升自 賓降 夏》。 在此者,因與 等 西 階 ··, 階 揖 以上賓入。 《 燕 賓, 主人 禮 賓 公

東 興,加 牲醴者。 獻賓。 興; 坐,啐 庶子設 膳, 升。 盤。 西 也。 主 主 脯 送 人 爵。 階 人 醢 酌 執幂者蓋 坐 答拜 主 賓 上 升 畢即蓋幂,因加勺啓,而又覆也。 奠爵 酒 于 一奠爵 降,主 薦設别官, 折 宰 人 拜,受爵 俎 賓 ,降席,坐 ·胥薦 俎 升, 于 ,坐,捝手,執 拜 拜 樂 薦 幂。 坐 人 庶子、《周禮 脯 洗 闋。 執 異于 右 于 取 辭 醢 ; 酌者. 爵 筵 觚。 降, 燕 奠爵,拜,告旨, 興,取 主人賓右 賓 興 禮。 宰胥,膳宰之吏也 前 西 加勺又反之。 賓對。 》作「諸 執 爵,遂祭酒 反 賓 階 主 肺, 幂 坐, 位 人答 上 者舉幂 子」,司 奠觚 坐絶、祭、嚌之、 北 筵前 卒盤。 左執 主 拜。 面 ; 馬之屬, 人賓 獻賓。 答拜 坐, 執 興 觚 賓升 酌者, 主 以 爵 右 賓 上主人 右 卒 掌正 揖 筵 賓 酌 拜

賓 以 虚 爵 降。 主 人 降。 賓 洗 南 西 北 面

洗

賓

少

進

辭

洗。

主

人

坐

奠

觚

于

篚

興

對

面

主

人

辭

降

賓

對。

主人

北

面

盥

坐

取

觚

主

西

西

主人 遂卒爵 人之左 酢主 降。 揖 對。 西 西 主 坐 奠 階 升 人 序 階 西 不崇酒 人 賓 辭 東 觚 西 面。 東東 于 辭 拜送爵。 主人 洗。 興; 降 少 西 降 位 面 以 , 卒 進 一階上。 升, 賓 也 以 坐 上 辭 坐 一賓酢 盥 擯者 虚 奠爵 拜 賓 主人坐祭,不啐酒,不 降。 奠 揖升。 爵 洗 坐 主人。 主人北 觚 7,拜,執 降,奠于 以 取 如賓禮 主 于 命升 觚 人 篚 酌膳, 面 西 奠 ,興對,卒洗 賓。 **篚**。 爵 拜,受爵。 階 于篚 賓降 興。 執 西 賓升,立于 賓 幂 東 下 降 賓 盤 如 面 立于 答 拜 盤 初 賓主 主 及 少 拜 酒 洗 階 人 以 進

階,作 賓禮 房。 酒 東房。 公拜 主 卒爵 階 庶 人 子 下 盤, 受爵, 庶子 北 贊 坐奠爵 洗 面 授 設 象 拜 乃 肺。 折 奏《肆 觚 送 拜 俎 贊 爵 升, , 升 用 執執 庶 夏 宰胥 酌 自 爵 子 **%** 膳, 西 興。 與與 階 薦 常 主 東 禮 脯 主人答拜 人 北 别。 公祭, 醢 降 面 不 自 獻 由 拜 如 左 于 西

首。 降,不可 文省。 坐奠 之前 受爵,降, 樂 翼 者、二 爾,再 公答拜。 酌膳者,禮成 主 入坐. 燕 者 禮 奠于篚,主人。 同 拜 節 祭,遂卒爵興; 稽 記 主人奠爵于篚。 或 首。 ,益自引分也。 先 主 或 人受爵 公答拜 後 與 更 Ŀ 以 酢 爵 及庭奏《夏 下 坐 奠 爵, 于 耐 此與下俱 洗 以上主人獻公。 樂 作階 闋 升, 此 同 下 不言 酌 再 在 也 主 拜 散 北 再 人 稽 面 以 升 降

升席 賓降 答拜。 四,賓酢主人; 禮正獻之儀 上 卒 飲。 奠爵 洗。 拜,受爵 拜。 筵 坐,祭酒 賓 主人 解。 賓 主人 西 ,凡六節: 揖 賓 盤 東南 于 五,主人獻公,六,主人酬賓 升,不 降 卒爵 洗 西 筵前 ,遂 奠 于 升 洗,賓降。 階 面 興,坐 ij. 上 一,面位 勝觚 拜 反 北 洗。 以上 薦 位 奠 面 于 東。 二、賓人; 入爵,拜 答 賓, 主人酬 主 主 拜。 主 人 人 酌 主 人 酌 爵辛 賓。 散 拜 主 降 執 膳 三,主人 右 降,復位 送 人 爵 西 第二 賓辭 坐 階 爵 賓 興 獻 一章, 燕 西 祭 E 賓 洗 賓 階 賓 遂 坐

-00

若 拜。 散 北 作 再 再 觶 首 再 門 拜 命 興 ·; 執 ?,交于楹 拜 拜 上; 下 位 序 稽 媵 稽 大 皆 稽 小 觶 進 首 坐 序進 首。 夫二 ○以上媵爵 致 爵 臣 首。 興。 坐 送 奠 自 者 則序 北 奠于 輝。 解,再 公答 阼 公答拜。 盥,洗角 人 執 公答 階 媵 降 觶 進奠 ,薦南 爲旅 公答 拜。 下 適 爵 待 拜 拜 請 阼 酬 于 觶 稽 觶 拜。 北 之始 媵 媵 階 媵 媵 洗 媵 于 首 上; 爵 下; 爵 升 爵 爵 「, 執 南 爵 篚 媵 者 者 自 者 者 者皆坐祭, 降 爵 皆 公公 立 阼 觶 西 阼 洗 小 者 適 奠鱓 于 階 興。 階 階 命 象 臣 皆 阼 洗 下皆 ; 下 長 觶 請 退 階 公答再 皆 再 序 南 致 反 下 升 北 遂 進 拜 西 北 小 位 者。 皆 實 卒 稽 酌 面 臣 面 面 賓

答 長,異 賓 降 拜 、于燕。 西 執 階 坐 觶 下 取 不言公命,可 興。 大 再 夫 拜 公卒 稽 所 媵 知。 首 觶 觶 賓升 ,賓下拜,小臣 興 小 ,爲 臣 成 實舉 Œ 拜。 辭 旅 Œ 公坐奠觶 以 長 正 栅 也 辭。 賓 用

拜,請: 爲日 以上公酬 禮 觶 階 下 也。 賓坐祭,立卒觶,不 大夫之右 賓 進 賓 酬大夫畢,乃反位 不 告 拜。 受 洗 上。 升 洗 ; 也 旅侍臣也,不敢逕達,故告于擯 于 , 升 虚 再 ·祭酒。 大夫,兼卿言。 擯者 賓舉旅 小 觶 拜 擯者告于公,公許。 實散 公 臣 降 坐,奠 稽 有 正 首 卒受 . 奠于 請 命 辭 大夫 旅 觶 則 公 者 篚 諸 大 擯者作 賓升 拜, 坐 不 拜。 易 拜 臣 以 夫 易, 奠 受。 虚 辩 執 觶 再 觶 若 《燕禮 觶 受 觶 大 不 興 拜 答 膳 降 賓 賓 夫 酬 興。 洗。 , 日 稽 拜 \Box 觶 拜 以 長 記 奠于 諸 首 興 如受賓 也, 送 旅 升 執 臣 大 反 則 凡 受 大 與 觶 夫 則 升 坐 公答 篚 遂 公所 夫于 旅 下 奠 興 答 降 酌 復 就 所 而 子 位 拜。 拜 膳。 席 易 之 更 賓 西 賓 既 者 之

主人 宫 兼 拜 卷 主 重 送 人 觚 席 洗 觚 設 卿 于 升 辭 賓 實 重 左 散 席 東 司 獻 上 卿 宫徹之。 于 卿 西 升 階 拜受 乃薦 上。 觚 脯 司

用庶子,則薦者宰胥,卿 醢 卿 升 庶子 尊得與實同 設 折 俎 也。 卿 卿俎 有 俎,盛 未聞。 于 燕。 注 云: 設

以命。 獻卿。 拜,執 興; 席。 爵 如 于薦 獻 興,加 降席,西 以上獻卿。 卿之禮; 席于 、爵興。 卿皆升就席。若有諸公,則先卿獻之, 主人以虚爵降,奠于篚。 右 于 興 俎,坐捝 主人答拜受爵。 階上北 〇右第三章,旅酬之始,凡三節:一,初媵 取肺,坐絶祭,不嚌 卿 坐,●左執爵,右祭脯 作階 面 手,取爵遂祭 坐,卒爵興,坐奠爵 西、北面 卿降 擯者升卿,亦 東上, 肺 復 次酒,執 位 目貶于 醢 無 奠 爵 加 辩

致者。 洗 拜,洗象觶,升實之,坐奠于薦 待于洗 (南者二人,皆再拜稽首送觶。 小 若命 臣又請 南 長 長 致 媵 致 則 爵者,二大夫媵 者
作
階 媵 爵 下 者 再拜稽首,公答 奠 觶 南 公答拜。 爵 降與 于 如 篚,一人 初。 立于 以上 請

師

爵,二,公初舉旅,三,主人獻卿

再 媵 爵

解降, 奠于篚。 旅于 公又行一爵,若賓若長,唯公所 西階上如 初。 以上公再舉旅 爲卿舉旅。 大夫卒受者以 賜 虚 以

《陔》,工當在 之。 凡三節:一,再媵爵; 大夫皆升,就席。 夫,遂薦之,繼賓以西東上。上不言賓西,故 胥薦主人于洗北 爵,不拜既 升,拜受觚。主人拜送觚。大夫坐祭,立卒 一,少師 若有東面者,則北上。卒,擯者升大夫, 主人洗觚 乃席工 一,及瑟工四 庭, 爵。 此言納 于 西階上少東。小臣納工,奏 升,獻大夫于西階上。 二,公再舉旅,三,主人獻大夫 主人受爵。 西 以上獻大夫。 也。 則奏訖即 面。 四 瑟。 脯 出 醢 右第四章,旅酬 矣。 工六人,下太 禮大樂衆也 大夫降,復位 無晉 辯 獻大 大夫 僕人 申 崩

0 坐」,原誤作「至」,今據四庫本改

正

徒

相

太師

,僕人,疑太僕之屬;

太師,樂工之長。

 \exists

徒

相

則

太師

不掌瑟也。 正,其長也。 下同 徒,空也。 僕 爵。 洗,升,實爵,獻工。 主人西階上拜,送爵。 工不興,左瑟; 薦 脯 醢 使 人 人相 拜

卒爵,不拜。

主人受虚

爵。

衆工

不

拜

辯有

脯

醢

不

祭。

主

不言太師、少師,以

工概之

也。 正、小樂正 之相也。 口 師 小樂正從之。 挎越,右手相。 知。 相 不言群工,可知。 少 僕 上以爵爲次,故太師、少師在先,此又入門之序 (師,師 人 爾。 1: 疑 相 《燕禮》「樂正先升」者,彼不必有太師 案:下第三番射,言樂正而不言小,則樂 後者徒相人。 上 正之佐。 相者皆左何瑟,後首,内絃, 工。 士當卑于 少 師,太師之佐也。 師。 徒相,謂太師、 上工,四 不言徒, 一瑟之長 少 也 也。 師 祭。 受爵,降,奠于篚,復位。 受爵,坐祭,遂卒爵。

鼓北, 將遷樂,又公在堂,故 也。不言爲之洗,亦洗也。 鼓北 ,西階東、建鼓之北也。 歌 畢 即 大師及少師、上工 降 也。 降位 不言相 本 在 可 皆降 東南,此 立 于

降自西階 暫 止于此 也。 ,將東就降位,因階間下管正作,不當 據下卒管即 東 其 義 可 知 矣 立 過而參之,故 當 面

案: 群 注 謂 此 在 西縣之北。 愚謂 將 遷 于 東, 何 必 迁 而 西?

説似

混

且.

此

經雖無間及鄉樂,而上兩奏《陔》,射又用樂,又

〇疏謂不先升者,略于樂。

其

加

四工爲六工,不

得概

謂略于樂也。

升自

西階,北

面

此有太師,故從之而不敢先。

于

西

階

東。

乃

歌

鹿

鳴

》,三終。

《左傳》工

歌

鹿

》之三,即燕禮

所歌

《鹿鳴》、《四牡》、《皇皇者華》也。

 \bigcirc

因經第言

《鹿鳴》,又《鹿鳴》本三章,恰合三終之數,

故

謂第歌

《 鹿

鳴》三章,不歌

《四牡》、《皇華》。

然據

傳『鹿

明

兼

四

牡》、《皇華》,

此 未必

獨

異

也

主

人

東

上太師

少

師。

坐,授瑟,乃降。

小樂

正

文

管《新宫》三終。 Ι. 陪于後。 群 將終, Ï, = 瑟工 亦以笙和之。 也 小 樂 卒管。 Œ 亦 從之矣 亦獻,文 乃

北 略也。 上, 坐。 大師及少師、上工皆東坫 樂正北面,立于其 南。 〇以 之東南 西 面

遂爲 司 擯 正 者 自 司 阼 Œ 階 適 下, 洗 請 洗角 立 司 觶 Ē 南 公許, 面 坐,奠于 擯

受

降自 中 樂賓;二,立司 司正,下即 坐,取觶洗,南面反奠于其所,北 坐,奠輝; 公、卿、大夫。」皆對 坐不祭,卒觶奠之; 命賓、諸公、卿、大夫。 公曰:「以我安賓、諸 庭,升,東楹之東受命于公,西階 西階,南 入射節矣。 興,右還 正 面 坐,取 右第五章,燕禮之半也,凡二節: 北 日:「諾,敢不安?」司 興,再拜稽首,左還,南 面 解,升,酌散; , 少 立; 坐,取 面立。 上, 北 降,南 觶 以上立 興 面 Œ. 面 面 ; 上請 命

射。

弓,右擘指 弣 禮 適堂西,此次在東,亦君 適,則張侯時已設次矣。 者退息之所,在洗束 方持日 也 司 袒,決,遂,執弓,挾乘矢于弓外,見鏃 挾 箭 射 鉤弦, 刃。 也 適次,次,與《士冠 驸 而 自 弓 一挾矢于 阼 南。 把 階 禮别。 《鄉射》無次,殺于君。 適 前 左右將指、 右 次者, 曰:「爲政請射。」前,階 巨 以下凡異于《鄉射》者 禮 指 決 》「實就次」之次同 食指, 遂等俱在次 鉤 弦。 見鏃于 《鄉射 以 左擘 也。 驸 影司 皆君 所 蓋射 指 此 于 謂 拓 射 云

> 下也。 君。 告曰:「大夫與大夫、士、卿于大夫。」 大夫與大夫耦,不足則以士耦大夫。 爲政,猶言執事。 請,請于公。 不言公許 日 御、卑 略 告選 也 也。 \bigcirc 耦 遂 Ŧ 以

俟。 中、籌、豐皆止于西堂下。 君之弓 司在西階之南 賓之弓矢挾矣,以納者言也。 有 福以承矢,故並 司 遂 適 矢適 納 西 射 也。 階前,東 東堂 器 東 面鄉 在 次。 射 ; 與 君 器 面 俟,俟事也。 《鄉 皆 偂 總衆弓 右 右 射》别。 人。 顧 顧 衆弓矢不挾。 命之、示命有 東 器 矢福皆適次 〇以上 面 在 賓之弓 以 門外, 南 納器 爲右 故 所 矢 日 承 君 則 人。 也。 與 而 及 有

不止 屬 容弓」是也。 卑者不敢 侯,故並命之也。 言遠近。 如《考工記》績畫之類? 于尺, 曰度尺者, 多寡以尺爲增 工人士與 容弓,上下射左右相去之限、鄉射 由 正 若丹若墨,無定色也。 階 也。 北階,北堂之階。 梓 人升 兩 楹 之間 自 與梓人者, 北 . ; 階。 不升自 損 也 數 據 度 工人士,疑工 考 容 西階者,君 尺而 弓, Ι. 縱 記》芸 記 午。 横 疏 》梓 數 在 \exists 一其 官 人 午 堂 物 間 掌 之

也 射 謂 畫作十字。 記 司 》詳之。 宮婦 縱三尺,横尺二寸,縱置左足,横置右足、鄉 所畫 射正莅之。卒畫自北階下。 物、畫 而又埽 者,以 丹墨 易污 下,降 故 去

之,存其蹟于地而已。

自北

階下。

以上畫:

物

許諾。 者與 者非 侯!:」賓亦大侯,士亦參侯,同 猶告也。 主釋獲,故其位近中。 西序之南,南當楅,西當序,時尚未設,特豫言其地爾。 〇以上誓· 尊者爲耦,❶如賓耦公、士耦 其侯,中之不獲! 太史俟于所設中之西、東面 所誓在三侯之别,而以中之不獲爲主,❷故專誓太 曰「公射大侯,大夫射參,士射干。 太史 聽政,待誓也。 不釋獲, 侯則 勝 司射西面誓 大夫之類。 負可 與不中等也。 以 、聽政。 計 也。 太 不 中在 Ź, 太史 射 史 異 卑 出

上。 比之,當在三耦之西,東面。 入次也。 請 遂 射之先,已俟于此,特因比以著之。 比 司 射 一耦。 命 上射曰:「某御于子。」既此,遂命 三耦,鄉學所貢士也。 三耦俟于 次北 在 俟于次北 次北者 西 面 故就 便于 北

面

之。 三耦。右第六章,將射之儀,凡五節: 弓矢于次。 三、畫物; 命下射曰「子與某子射」。 四,誓太史,五,比三耦。不言繫左下綱,省文。 《鄉射》:「取弓矢拾。」此 卒遂 亦宜然。 請 射,二, 命 0 =以上 納 耦 取 比

再發。 教之。 各節目 升堂揖,當物北 卿,不知 北,乃轉足南鄉,少北于物也。 由下物少退,下物、左物也。 鄉射 臣 于次,西 禮,以 》不足于物 司射入于次,搢三挾一个,不言弓,可 將乘矢,始射干,自卑及尊。 , 詳略以 射在 教尊者宜詳也。 君 楹 在 面 間 《鄉射禮 堂 當 揖,西行。 與 也。 寶,卿 此 面 異。 與 揖,物,下物。 》參之可 自在 卒射,右挾弓。 鄉 誘 射 當階北 履下物少退,不敢干正禮 官實東 射。 南 左物在 也。 面 也 别。 射三侯,合三侯以 由 東,履物之儀,及下 及物 面揖,及階 者,自物 及 0 又射參,大 案: 北 階 揖 揖 面 注 南 揖。 謂 逾 物 不 侯 也 南 北 如 背 而

0 0

卑」,原誤作「畢」,據四庫本、經 解本改。

主」原誤作「王」,今據四 庫本、 經解本改。

在西 或日: 東適堂西也。 升射之儀。 階 此當如升射節,降階南行、當次轉東揖,及次揖,遂由 以 改取一个挾之。 遂適 立于所設中之西南 堂西 \exists 遂 遂取 則 徑 適堂西,不歸 東 扑 面。 **晉之,❶**撲 中之西 次 也。

南

,則大史之南也。

○以上誘射。

足

而

俟。

之。 侯也。 ○案: 與負侯爲一人,故言獲者負侯。 子繫左下綱,獲者取旌倚于侯中。 二俠,則其徒四人分任之,故不亦第言獻服不而略具徒 服不下士二人,或一人居乏、一人負侯,故並謂之服不。 負侯者皆適侯,執旌 此篇略繫綱之節 注以負侯爲服不,下獲者爲服不之徒, 司 按"此經言服不負侯,服不職則曰居乏以待獲。 用旌者、《鄉射·記》射于郊,則間中,以旌獲是也。 馬師 命負侯者執旌以負侯。 ,故于此示之義也。 負侯而 此又有獲者居乏,故第言負 則旌本在侯,故適侯執 俟。 ○以上負侯 《鄉射》: 又謂其相代而 《鄉射》獲者 將 射,弟 也。 據 餘

進。 作上 西進 一耦射。 射適 上 次,取弓矢時三耦已在次,故適次作之。 射 司 射 在 左,西面 反 位。 南爲左,上射本在 上耦 出 次,西 北 面 此 揖。 轉

司

堂少 揖。 而南 北 面揖,及物揖。 左。 便于 E. 射先升三等,下射從之中等。 就 以上三耦射禮之半。 下射升,上射揖 右 物 也。 皆左足履物,還視侯中,合 並 行。 並行。 當 階 北 皆當 面 揖 其 射 及 升 階

諾然也。 北趨,而曰直西,則方行不由便也。 悉在也。 前至兩物之中,與《鄉射》異也。 不揖執事,禮略也。 又諾以 諾以宫,所射特干侯而負侯兩言皆,則 右執簫,南揚弓,南而少西。 弓右挾之,亦右巨擘鉤弦。 司馬正適次,正,疑師之長也。 商,非再諾也,所謂 不言執旌,下言授獲者,可 至 三乏聲 啃 適下物,適者由 授 敖 「諾聲不絶,以至于乏」,若又 出,出次。 氏 立于物間 命去侯。 日 知。 及乏南,乃 : 下射後轉南 射一 此 趨 袒,決,遂,執 脱 升自 侯而三負侯者 直 「旌」字。 負侯皆許 左執 西 西階, 出 愐 不西 下射 驸 北 獲

0 扑」,原誤作「朴」,今據四 庫本改

者,授 〇以 釋弓,説決拾、襲,反位。 獲者 正 出 上司馬命去侯 于下射之南,還其後降自 興,受旌 旌 使 唱 獲 故興。 也,三 侯皆 共 而 然。 俟。 鄉 退 執 /射》: 立 旌 西 以俟事也 于 反位于司射之南 階; 西 方。 遂 適 司 待 次, 事。 馬

位。 左 射 以上司 由 口 獲 堂 射 下 進,進階 射命上 西 毋 階 射 獵 前。 之 獲 東 與 北 上 司 面 馬 射 視上 揖。 正 交于 射, 司 射 階 命 退 前 日 反 相 :

發,以 旌 未射也。 以宫, 乃射,上射 將 拾矢後,太史釋之。 偃 乘 旌 矢。 以 商,獲 既 獲 發,挾 者 坐 〇以上正射唱 而 而 未釋 矢; 獲,干侯之獲 獲。 而 后 獲 未釋獲者 下 射 者 也。 射, 以 拾 舉 公

適 射 上 于 射 次,釋弓, 左。 降 卒射,右 三等,下射 與 升 説 挾之,挾弦。 決 射 拾, 者 少右,從之中等,並 相 襲,反位。 左, 交于 北 面 揖 階 次中 揖 前 西 如 面 行,上 相 升 北 揖。 射。 上。

卒射」。 倚 于 耦 階 卒 射 西,適作階下,北 反, 搢扑, 反位。 亦 如之。 「三」,當作「二」。 以上三耦卒射 面 告于公, 司 日 射 去 扑, 耦

適次, 補。 者,此、 疑衍。 此 臣師 命設 于楅,北括。 南 階,自右物之後,不言鉤楹,省文。 次, 自 馬 東面 次 面 故 正 來 若矢不備,則司 方執弓,故 日 揖弓,命取矢。 設 楅 降 司 釋弓 者 皆 司 出 馬正袒,決,遂,執 自 楅 馬 彼 執 也。 福在. 西 在 楅 旌 説 自堂 西 中 階,出于下物之南,還 即 與 司 次,小 以 庭 以马 決 故東面 司射交于階 馬 西來,司馬在其南 當 負 拾, 洗。 臣師 指 師 其 馬正又袒,執弓,升,命取 授如 坐 負侯許諾 襲,反位 侯 司 則 以 乘之,北 在東堂下, 畢 而 馬 弓爲畢。 也 弓右 俟。 正 前 東 既 俟, 其後,乃 故 挾之, 如 立于 相 面。 故北 面 小 設 北 左。 俟 初 鄉鄉 畢 臣 面 楅 卒。 面命之。 小 物間 去侯, 以 坐,委 臣 出 司 指 此 射 升 也 依石經 楅 示 自 馬 北 北 東 亦 執 面 小 正 面 司 西 西

索 命上射;六,正射唱獲; 射,凡七節: 足矣,不必 進 矢 坐,福. 如 番射之初 初,初,初, 乃 南 復乘也。 復 北 一、誘射,二、負侯,三、上耦升,四、去侯,五、 求 見之。 面 命 矢,小 取 矢、 左右撫之,興反位。 ○以上取矢設福。 由 七、命取矢設福。 臣 次升 也 堂之儀。 加 于 福。 右第七 其拾取矢節,别于 日 卒,司 : 補 章,第 取 所乘之闕 馬 矢 不 正

東 故立于其南,蓋以射之先後爲序也。 尊卑之辨。 告于上,又不言 爲下射而謂之御,尊君也。 東,又轉而 請 比 大夫從之降,適次,立于三耦之南,三耦先 面 射 耦 于公。 于大夫之西,不于三耦之西者,爲大夫比 司 ! 」卑者先即次。 射適 大夫與大夫,命上射曰:「某御于子。」 西。 司 射 公許。 比,尊之。 西階西,倚扑; 命賓御 自 西 階上 于公,以御告公, 遂適 大夫則 諸公、卿 司 射先降, 搢 北 西 階 升自 面 西 降 則以 上,請 告 面 即 于大夫 西階,東 北 位 因命賓也。 耦告于上, 上。 射 扑反 而 在 後告。 東楹 耦 司射 在 日 位。 面 也。 次 : 公 之

> 耦。 辭。 下射之辭,尊大夫也。 與大夫爲 命下射曰:「子 尊之,故命以上射之辭。 命大夫之耦曰:「子與某子射。」士爲上射而 衆耦 諸公、卿皆未 立 , 期以大夫之耦爲 于大 與 夫之南 告于大夫曰:「 降。 某子射。」卒 命衆耦,士耦。 嫌其或降,故特明之。 西 面 北 上,居 遂 上。 某 如 比 御 命三 衆 士耦之上。 若 于 耦。 〇以 一耦之 子。 有 命 士: ± Ŀ 以

復于東 遂, 由 《鄉射》 左還,且左還者,隨順隨還也。 弓,郤手,自弓下取 面 西 西 福 面 面 執弓,右挾之。不言司射反位 》左還至西 揖,西進。 遂命三耦,各 西。 面 而 北 四 下射 面,以 方 1方位 匝 當福, 復于東 西 是謂 西 面 面,又 與其耦 、面,注 之周。 北 一个,兼諸 楅 面 左手 東。 所 不言執弦,可 揖 此 謂 拾 向 一毋周 E 及福揖 外, 右 取 射 還 可 可 弣 由 則 揖 愐 知。 西 又以 反 知。 面 進 興 東 右 前 坐,横 上射 面 順 手向 南 毋周 耦 也。 羽 面 出 外 以 東 鄉

矢,皆

袒,決,

比耦。

射

左

旋

耐

反

于

東面

Ë, 下 射進, 大射 禮盛、故合左右旋。 坐 横 弓,覆手,自弓上 反 面 揖。 取 反 面, 射之矢,兼 未至本位 也。

堂以 个,兼 既 以 左還 南 面 故 -射右還 揖。 日 面 揖 内。 北爲内,上射左還 左還,以, 取 諸 北 文省 鄉 變皆左爲皆 矢 射》: 曲 面 驸 梱 也 西 揖 面 既 與 興 適 上及楅揖之所也。 取乘矢,揖,皆 而 也。 内,威 順 楅 北 謂 還, 面、 齊等 由 羽 南 東面 儀 而 且. 南 之 多。 東 面。 鄉 左 面 而 射》,皆 左還。 兼 還,毋周,反 北 南 而 上射于左。 搢 挾 面 南 面 三挾 乘 面 少 揖,南 而 揖 進 皆 矢 西 當 從北 一 个, 面 。 皆 面 楅 楅 揖。 兩旁各南 而 鄉鄉 南 面 内 面 南 還 此第 揖, 還 揖 面 射 也 皆

皆襲 反位。 乘 以上三耦 耦 矢 拾 而 取矢亦 拾取 取之, 矢 如之。 以 授 有 司 者遂 于次 取

在綱 退。 也。 在南北 其籠綱 綱而繫之植 中 先 階 命 命 司 司 射猶挾 西 首 下 射 釋獲者設 去侯,負侯許 太史不自執且設,禮 故 太史實 西 司 面。 北 故 興, \Box 坐 射 面 注以 綱 面 設 太史釋獲。 以 作 命 一个,去扑;與 日 請釋獲于公; 綱 絹 古 興 中 之 八 \Box 射 籍以 爲 侯 則 算于 東 : 如 網 也 坐, 諾 以弓爲 布,謂之絹 面 初 中 實算 如 盛也。 以 中, 也。 離 表其職。 其 初 中 也。 繫綱于 離 南 維 自 畢 公許。 司馬交于階前 鄉 耦 面 西 麗 網, 司 北 共 「實之。 近 射》: 堂 揖 也 馬 植 小 植 面 舌 來, Щ 升 降, 處 臣 故 上下 維 反, 俟。 先 横 如 即 中 或 人執算以 師 繫 釋弓 首 以 屬 以 委 自 搢 初 執 也 則 俟 絹 絹 7 西 其 中 扑 司 面 爲 爲 繩 北 適 反 謂 維・ 從之。 餘 來,故 司 紐 射 東 矢著 如 間 命 也 阼 馬 遂 于 以 持 網

南

行

也

退,

退

至次

釋

弓

矢于

次,

説

決

拾

襲

面

揖畢

北

行

退

者

在

西

南

行。

鄉

進

者

東

面

揖

畢

轉

īfīi

反

位。

位亦在次,至是乃言反者,釋與説

時

在

有

司

立

處,

揖

還。

石經無

還

字。

○還

者、

進者

在東

北。

鄉

退

者

西

其

東折

至次中,在

下

射之北也。

退

者

與

進者相

左

相

射于右

者,便

其西

折

至

射

位

在下

射之北;

此于

左者

便

後

誘

堂下北 雜儀 揖。 與 ! 改實八算,興 分命三獲者。 者命小史,小史命獲者。太史不能徧命,故使小史 可 侯 以末藝示拙于下,故優之。 也 司 棞 維公所中,中三侯皆獲。」擇獲可知。 射退,反位。 面 視上射, 謂矢至侯,不著 司 執而俟。 射遂進,遂者,因 揚 觸 命曰 梱復、揚觸, 釋獲者 而反。 釋獲,則 執所取八算。 示 公則釋獲,公尊,不 坐取 唱獲可知。 貫不釋 命太史遂 中之八 〇以上射前各 !」上射 進 衆 也。 釋獲 則 算, 由 不

維

綱,不中

鵠

也。

謂矢中他

物

執 反委之。 上射于右,下射于左。象左右物。 而俟。 乃射。 三耦卒射。 又取中之八算,改實八算 若中,則釋獲者每一个釋一算, 以上三耦射 若有餘算,則 于中。 興

堂西。 賓降不敢與公並在堂,俟司射告 取者, 閲 視而 른 閱弓矢畢,遂止于西階東,以待 也。 取弓矢于

揚 而 觸 位。 者。 隸僕 告。 侯如初;《夏官·射人》: 立。 堂西,袒,決,遂,執弓,搢三挾一个,升自 以俟于東堂。 小射正授弓,授大射正,在東堂。 其旌,三旌皆執。 明在大夫之北。 階,其節如升射。 適西階東告于賓;賓當以此時升。 司射去扑,適阼階下,告射于公, 諸公卿則適次 公爲下射,在東,鄉之。 小射正一人取公之決 人埽侯道。新之。 公將射 公將射,重言,尊之。 先待于物北一等,北三尺。 以 負其 與與 「王射,則令去侯。」則上命負侯 (其耦 則 隸僕,夏官之屬,掌埽 侯 司馬升,物間少進。 司 而 並 馬 拾于 俟。 降。 拂弓,大射正。 師 繼三 命 司 東坫上。 遂搢 則實降 負 馬 耦 侯,皆執 師 扑,反 公許。 以南。 除糞洒 反 東面 命去 位

者亦射人。 右還」。 〇出下物之南,還 曰司馬者,以其爲司馬之屬也。 其後 西行,西爲 右 還右,今文作 也。 乃降,

釋弓反位。

公就物,自席就之。

小射正奉決拾

皆

適

西

襦上。 袒 韋爲之。 也 執 上再下壹,隈,弓淵也。上隈向右,下隈向左。 俟于東堂,小射正 名指韜之,以釋弦 者,拂決及極,先拂其 以 正執弓,左手横執之。 坐奠笥于物南 表衣内 曲禮》:「左手承弣。」 右手持袂拂摩之,由 簫 笥,決拾 ,公袒朱 摩。」注謂 贊設決,朱 心也。 費設 極 授 ,放也,謂放弦。 大射 在 拾以 襦。 公。 「拂之摩之」,是也。 笥,故奉決拾 也。 正 極三。 遂 詳 笥 公親 此云 執弓,皆以 上,取之,又拂 上以及下。 《鄉射 退, 又坐取 贊設畢,奉笥而俟。 拂 以袂順古文作「循」。 執, 揉之。 奠于 三者,著于右手,食指、將 以 君決用象,著于右巨指。 必以笥。 以其 巾,取 記》。卒袒,小臣 拾興。 《考工記· 号人》云: 下壹,略也。 坫 似 今文作「紐」。 從 其 執 Ė, 不言襦者,襦先著于 下也。 決興; 于物。 也 亦拂以 復位 其實承之。 小 凡 左執 臣 先拂 順,循 以 小 左右 巾 ○揉 致 射 大射 - , 著 于 Œ 正 極,朱 指 其 後取 驸, 和 宛 右 也。 隈 退 贊 正 無 潔

《周官 以巾。 以上公與賓射。 退。大射正受弓,小射 拾發 過去。 命升賓; 時立位也,故曰 于堂西,第言釋弓,省文。反位于階西 臣 于站上,復 注云:公先發。 既發,大射正受弓而 公矢所行,公自不覺,故告。 以 正 ф **費襲**。 以將 内拂矢,向身拂之,恐塵及君。 稍屬。 左右曰方。 射 (人): 升賓以 乘矢。 位。 反。 公還反位。 公卒射,小 「立于後以矢行 詳《燕禮 司 不升者,未有命。 大射 云拾,則與 正 旁出 者,擯 俟、《周 也。 記》。 正 下 者爲司 而 Œ 臣 退,反司正之位 告。」以 賓迭射也。 曰留,不至。 告之,使知而 后賓降,臣 大射 以笥受決拾,退 師 官 Œ 以 公即 也。 矢行告于公: Ē 巾 而 司弓矢授受弓。 〇上 退 立于公後, 席, 授矢于公, 賓 東 改 反 上曰 升復筵 一射當先發。 其度。公 面 司 位 釋弓 Œ 上 揚, 奠 以 先

中, 袒 而 一,決,遂,執 后 卿 大 夫 写, 搢 繼 射。 三挾一个,出, 諸 公、 卿 取 公矢 于 西 次 面

之以試

其强弱、《弓人》所謂「和弓」也、謂調之。

小臣

師

釋弓, 餘别 皆與,凡八節: 揖 獲,古文作「算」。 如 而 左右卒射。」反 '; 揖 俟。 初。 Ŧi. 入九章 射前 説 如 以上卿大夫士卒射。 皆,皆實以 決 各雜儀; 耦 拾, 一,請 升 下。 襲, 適 位 六,三耦射, 射,二,比耦; 射 阼 坐,委 卒射, 反 ; 階下,北 位。 卒 右第八章,第二番射,公以 射 釋獲者遂以 餘 衆皆 降 七,公射; 獲 三,拾取矢; 面告于公, 如 子中 繼 三耦 射 八,卿大夫射。 -西,興 ; 所 釋 四,命去 適 執 獲 日 (), 次, 皆 餘 下 上取矢。

親也。 小 卒,正坐,正 之矢皆異 初。 負侯 執弓,升, ·臣授之,此言矢人,則納器時 小臣 許 司 反位。 諾 馬 東之以 以 委矢于 命 袒 ,司馬正。 取 賓之矢 此 旌 矢 司 負 茅 楅 馬 如 侯 ; 正 左右撫之, 如 則 初。 如 《鄉 也, 初。 以 矢人賫器, 初 射 不 授矢人于 夏 言 賓、諸 官》: 正 「東之以茅 司 及 進束,整結之,示 馬 遂俟 決、 射 公、 降 鳥氏 遂, 于此 西 卿 釋 Ŀ 文 堂下。 取 也。 握 大 弓 略 王 焉。」 夫 如 矢。 也。 賓

> 不拾取矢,優之,同于公。 言之者,爲 可 知。 司 卿 馬釋弓,反位,即 大夫升」節。 不言公矢,小 而 后 上命取矢畢之反位 卿 大夫 臣以授矢人于東堂 升 就 席 也。 以 複

于右」。 疑衍。 下。 之, 右 實于左手。 復 右勝,則 如 坐,先數右 立于 餘 位 右 純 鈞 由 獲。 興,自 则 则 中 司 實于 則 阼 坐 射 南 以 横 左右各執 曰「右賢于 階 兼 司 適 ·左手: 純 獲。 前 十純 下,盡 諸 歛 北 階 射復位。 數告; 下。 適 算, 面 西,釋弓, 二算 左, 階 則縮 視 實 左。 不 算。 東 算 若有 純 爲 八 算 升 釋獲者遂 而 面 以 純 算 以 堂。 爲 去扑,襲; 釋 坐 ; 委之,每委 若 委, ,詳《鄉射 告 于 奇者亦 奇,奇 獲 北 . 曰 左 中, + 坐 者 勝 面 進, 則 兼 委 東 則 左 告 日 则 则 異之, 進, 歛 其 奇。 取賢 面 右 于 又 異 旦左 算,「坐」 餘 縮 之。 鈞 于 由 純 若左 于 獲 其 諸 以 中 中 賢 中 還 執 餘 純 有 取 東 西

西,興,共而俟。以上校算。

卒 皆 于三 之。 射爵 者,與 不 出 先 郤 射 復位 司宫之屬 小 上 射 反位。 左手, 勝者 袒 觶 遂依石經 使執事 Æ 升 與下爲綱。 一耦之西,次中。 鄉 ,決,遂,執 司 司 酌 射弟子爲 進 進 勝 射 如 射之屬。 右 散 坐 者,示以德之足尊 三耦及 由 者之弟 命 升 補 加 北 奠于 西 設 射 南 弛 面 小 衆耦之少者不同,故下不言袒、執弓 袒 階 豐。 面 弓 費下, 坐,取 使之作 張 及 飲 衆 執弓。 升, 坐,奠于豐上,降,反位 子 弓。 階 于 正 射 命三耦及衆射者 亦 洗 北 適 其 作 者 者皆升、飲 豐 興 勝 觶 堂 不 也。 面 上 升 升 上之觶 西。 揖 挾 者 , 弟 坐,設 勝者皆襲,説 飲 飲 此發其端,下僕 先 遂 子隨 一个, 搢扑, 禮 射 司 不 升 以 輕 宫 爵 父兄 于 勝 興 于 射 執 升 西 士: 者 者 升 驸 爵 觀 奉豐, 射。 堂 少 楹 如 先 :「勝者 禮 于 退 決拾, 降 少 作 西 人 于 西 司 東 立 ··, 與 右。 師 君 射 也。 士; 耦 階 射 降 面 司 繼 所

> 或曰: ○案: 受觶 執爵 公、卿、大夫不勝 反位 洗 人降拜 賓當用自酢禮,如 衍,此下别有賓不勝 耦不升。 序 升 有 角 升 端 飲 執爵 觶 降 者 者,反就 于 賓與公耦, 公飲之,亦 飲 者」也。 席以 升 于下, 僕 相 洗乃 升 耦,謂士。 左 飲 人 酌 升 交于 降 賓 師 者 取 散 席 當 上 賓不勝,不當云「耦 禮 繼 飲 適 獻公、主人自 如 觶 實 則 降拜; 如 則 酌 階 禮,或 士耦于大夫,公卿 酬 下 若飲 西 觶 初。 實之,反奠于 前 禮 拜 不降,不執弓,不言襲 射 階 以 小 脱 爵 無夾爵。 三耦 相 公降 公,則 上 授 簡 臣 酢、 與下 北 ; 揖 爾。 正 洗、 面 賓、諸公、 卒飲。 辭 不升」。 據 爲 侍 並 適 等,小臣 升以下 耦闕, 立飲,●卒 乃升、 下飲 綱 ·豐上 存之。 射者 次, 此 公用 釋 拜、卒 經 亦 是也 若 《鄉射 降,實 耦于 卿 僕 賓 退俟 弓 賓、 酬 正 觶 大 人 可 爵 》所 禮 字 旧 也 知 爾 諸 授 夫 師 于 則 疑 謂 主

| 賓升,再拜稽首,公答再拜。賓坐祭,卒爵,洗角觶升,酌散,降拜,公降一等,小臣正辭,

^{●「}面」,原誤作「西」,今據四庫本、經解本改。

皆繼 夫之耦 洗 以 再 也。 再 觶 再 立,擯者以命升賓 上 拜。 散 拜 升 拜 飲射爵 實散,下拜,小 飲 觶 稽 酌 稽 射 賓坐不祭,卒鱓 升 首,公答再拜,公卒觶 不 首 膳以 爵 勝 ,散解,酌散之解,即 不 謂士。 降 如三 致,公受之。 禮 殺 耦。 ,賓升就席。 臣 則 Œ 公答 亦 射 ,降奠于 辭,升再 下拜,小 執 角鱓。 爵辩, 再 弛弓,特 拜。 ,賓進受觶 如 篚 若諸公、卿 拜 乃徹豐 上以象觶爲膳觶 臣 階 賓 稽 升飲 正 降, 首 西 辭 了, 公 與 降, 升 東 洗 觶。 大 衆 答 象 面

北 酌 實 南 侯之乏者,至是乃設之。 負 西 上 面 面 散 皆 拜 司 于篚。 服不,大司馬之屬,餘詳 宮尊 ,受爵。 遂實 [加勺; 侯 爵 散,爵 于 獻 設洗于尊 鄉 服 射 服 名,容五升。 不之東北 上不言侯,此「侯」字 》獻于侯,此近 不。 西 鄉 服 北 射》。 不侯 ,此及洗,即上設 司 其所 篚 馬 兩 在 西 正 爲獻者 獻 南 行,或 北 洗 酒 三步 散,洗 東 東 一十大 君 肆 上 禮 面 脱 ,

> 置俎、 之。 别 爵 故不奠、未然。 此及下獻釋獲,俱不言奠及捝 右祭薦俎,俎,祭肺,祭肺用 俎。 夫有司,宰夫之吏也。 故 也。 祭之以致敬,似亦祭酒常禮. 先反,與 、豆、籩。 服不下 獲者左執爵、 司 鄉 馬 士,而 射 正 獲 異。 二手祭酒; 西 者 有 0 面 適 俎 鄉 注 拜 如 右 鄉 謂 卿, 送 射 略 射 个, 》薦 賤,非。 重其 爵 , 此 左執爵以祭,右手無事,因 兩手,須奠爵; 可 獲者,服 俎 特明之者、示下 知 反 獲 事 皆 也 也。 者 位 \equiv 宰 南面 祭。 0 不 夫 卒錯 注 有 也 坐。__ 謂 有 庶 司 祭後須 置 馬 示 司 \pm 子 薦 此 師 薦,宰 耐 備 設 文省 受爵 捝 俎 也 當 禮 手。 從 折 謂

矣。 受虚 禮 獻 者,不言負侯,負侯亦可云獲者 爵。不言不拜既爵, 卒祭,左个之西 服不之禮也 ,當致其敬也。 不言量人及工人士、梓人,文省。 爵、洗, 獻 卒,司 適 隸 司馬 北三步 左个,祭如右个, 僕 馬 人 正已反位,不 師受虚 與 也。 東 巾 面。 下 車 爵 皆 第言獲者,其 獲 拜可 設 奠于篚 如大侯之禮 者 知。 中 薦 此 俎 亦 二侯 司 如 義 馬 立 之獲 可 之。 獲 師 卒 知

南。 者 人、巾車 從之,設于乏少 皆 服 執 並言之,此但言獲者,省文也 不 其 復 薦 負 皆 侯 皆 南。 而 俟。 一侯之負侯及獲者。 近乏恐妨 言服不以 往 來, 注 概 謂 其餘。 Ŀ 隸僕等, 合獲者 庶 子 0 執 以 相 與 上 隸 繼 俎 獻 而 僕

服不。

獲者。 位。 袒 篚 肺 釋 獲 其 拾 面 , 決, 遂, 取 者 位 獲 襲; 立 坐祭,亦 以 取矢; 釋 卒 者就 薦 司 Ŀ 獲 右 射 適 獻釋獲者。 南。 ·爵,不 者 適 其 東 洗 二,校算; 奠爵。 階 少 薦 面 薦 弓 洗 西, 西 坐, 拜 拜 挾一个; 脯 觚 右 辟 遂 去扑 既 左執 受 醢 第九章 升, 薦,反 祭酒 爵 折 爵。 飲 ; 射爵; 實之; 爵, 俎,皆有 ; 適 適 第二番射 司 位 司 興 右 堂 階 射 射北 四 祭 降 西, 西 受 司 司 獻 祭。 脯 後 獻 服 虚 射 射 面 釋 搢 不, 諸 醢 釋獲 爵,奠 適 之 弓, 拜 雜 扑 祭。 儀 Ŧi. 堂 西 送 興 者 以 説 獻 凡 爵。 西 反 于 北 取 釋 決 于 釋 Ŧi.

> 于公, 司 如 射 初。 倚 扑 以 上請 于 階 西 適 阼 階 下, 北 面 請 射

案: 拾取 故爲 卑常分爲上下。 矢束。 公、 此大夫與 次可知。 矢_; 初,謂 袒,決,遂,執弓,皆 弓,序出 如 處。 初,就 鄉 卿、 上射以 蓋 矢,如 司 射 反, 搢扑, 適次, 命三耦 進,進及福揖 立 射 自同于二 禮 士耦,不過以士 大 若士與大 射位。 于 第二 大夫爲遵,士爲衆賓,故大夫爲下 示禮之變? 射位, 夫皆 取 番 此 矢。 耦。 小 耦 射 云土 將 降, 之儀。 射 就東西 拾 夫爲 謙 司 上 東 取 抑 正 補 也。 如 進 面 「射 射 矢 傳者 大夫耦數,非 作 初 耦 此 也。 則 揖 先 相 上 言 取 西 位 之訛 士 士 上射 位 進 射 反 作 面 \equiv 矢 又進 矣 坐 揖。 位 與? 東 東 皆 則 與 耦 如 横弓」以 面 豈 面 Ŀ 遵 至 耦 既 初 當 袒 \equiv 所 非 下 姑闕之。 嫌 楅 拾 射 大 旁也。 楅 人 謂 寶,自 士: 耦 決 代 夫 于 取 同 下,不 以 射 司 拾 遂, 于 尊 西 次 矢 西 應照 耦 耦 射 大夫 大 坐説 取 賓 言 拾 作 北 面 面 夫 也 皆 諸 執 矢 之 取 面

揖

之位。 席。 弓, 耦 矢 毋 進 而 退 7,反位 搢 親 皆 周 一、《鄉射》「揖 亦 且 與 北 反 挾之也。 不 釋矢。 耦 如 大夫俱 面 進 面 揖 搢 以上拾 揖 進 耦 坐 升, 説 退 揖 坐 説 挾 不 決 是 一,兼 進。 取矢 大夫 遂 矢 言大夫,文脱 拾, 也。 束, 个,從福 取 轉 進 襲,反 于 大 乘 而 耦 坐,亦 次, 夫 南 矢 不 行。 與 束 旁至 位 釋 興 也 其 兼 衆 敖 弓 楅 順 耦 氏 取 諸 南 退 矢 射 羽 日 皆 乃 乘 反 者 公 説 適 轉 矢 且 位 既 卿 進 北 次, 左還 決 升 拾 如 面 拾, 當 楅 揖 其 取 就 釋 作 旁

言其 于 降,釋弓,反位。 升 司 射 階 位,此 如 西, 反, ᆔ 初。 射 東面 適 正 搢 猶 阼 司 티 : 朴 命 挾 馬 階 之, 東 下 升, 諾 則 司 个, 面 從工,在 射 北 命 命 以 與 去 司 樂 面 作 侯 司 東站東 請 射 正 負 射 馬 以 小小 遂 樂 交于階前 適 南 樂正 如 侯 于 堂 許 初 下 也。 公。 日 諾 : E 北 倚 公許 一遷樂不 命 耦 面 司 扑 馬 用 揖 眂

> 壺之節 降, 卿、 位。 初。 若 其 如 曾 大師 不貫之命又嚴矣。 貍 孫侯氏 初。 射 他 首 大夫、 反位。 以上 》七節。 奏《 如 ,射節之半 日 命 詩 公樂作 初 一七節 正 貍 日 衆 射 其 「奏《貍 釋 儀 賈 : 首 用 如 射者 存 獲者 疏 以下 不 者 卒 云: 上 以 而 節 鼓 射 後 也。 射 射,三 首》、《貍 皆 執 后 不 謂 節 太 揖 繼 餘 就 之曾 言 如 釋 先以 師 司 射,釋 發 獲 物, _! 初 耦 不 射 進,告 孫。 矢 首》, 聽; 不與 卒 稍 興 退 射 賓 逸 諸 射 獲 四 以 屬 一鼓節 許 反 鼓 侯 節 詩 就 左 爲節 以 如 諾 位 拾 不 賓 右 席 應 將 初 貍 卒 以 待 射 則 後 乘 首 樂 樂 亡 樂 義 諸 于 矢 不 卒 一,今投 正 爲 正 釋 》所 志 公、 物 節 射 如 間 命 反 視

弓, 告 司 射 反 如 釋弓 司 位。 初 馬 升, 視 小 復 算, 命 臣 位 取 委 如 矢, 矢, 司 初 射 負 司 命 釋 侯 馬 許 設 獲 師 諾。 豐 者 乘 實 以 之, 司 賢 觶 皆 馬 獲 如 如 降 與 初 初 鈞

上徹俎 以東。 禮,遂· 賓。 皆興 安。 皆説 公, 命。 司 復 位。 正 請 賓北 對 公曰:「衆無 羞庶 屨,升,就席。 升 司 坐燕。 出,授從者 徹 賓。 俟賓及公卿。 賓、諸公、卿皆入門 馬 曰 羞。 俎,公許。 面 正 : 不言卿大夫,文省。 取俎,以 升 諾 大夫 自 于門: 不 西 庶子 、祭薦。 公以賓 醉 階, 出。 敢 遂 !」賓及諸公、卿、大夫 外。 不 適 正 東 諸公、 醉?」皆反 西 徹 楹 門 及卿、大夫皆坐 賓以下 司 賓、諸公、 階 公俎 之 右。 正 上 東 卿 升,受命 同 降 東 取 北 北 位 卿 面 俎 大 自 面 面 坐。 、大夫 夫降 北 阼 如 告 乃 省 階 于 于 以

諸弦,

面

鏃

退

適

次,皆受有司弓矢,襲,反

射

者皆袒

決

遂

以以

拾取

矢,

如

初。

矢不挾

兼

如

初。

司

射

反

位

三耦

及諸

公、卿、大夫、

衆

弓,右執一个,兼諸弦,面鏃,

適次,命拾取

矢

初

卒

退

豐與

觶

如

初

司

射

猶

袒

決

遂,左

執

遂

命

勝

者

執

張

弓,

不

勝

者

執

弛

弓

升

飲

如

位

卿、

大夫升

就

席

司

射

適

次,釋弓,說

決

臣

師

退

楅

巾 巾

車

量

人

解

左下

綱。

《鄉射

一説

侯之

拾,去扑,襲,反

位

司

馬

IE.

命

退

楅

解

綱。

小

左下綱而

釋之。」司

馬

師

命

獲

者以

旌

與

薦

俎

退。

不具。 不 觶 司 Œ 拜 ,今文作「觚」。 與 既 主 司 射 人洗 爵。 正 人于觶 爲上。 其 酌 他 主 獻 南 辩 不 人 士 拜、坐、祭、立、飲。 拜 獻 于 北 送。 士 面 西 東 階 士: 士 上,不言司士 上。 既 坐,祭,立,飲 獻 士長 者 升 立 拜 乃 于 幂 薦 受 東

公所 舉 大夫卒受者以 旅 賜。 公又舉奠觶 禮 在工 若賓若 歌後,此 虚 再 觶 長, 經 降 舉 無間合一 媵所 奠鱓 以 奠 旅 干 于 飵 節 ,爲大夫舉 西 故射 反 階 位 後乃舉 上, 旅 以 也。 如 Ŀ 公 初 唯

射 右

四、卒射諸雜

儀

射

禮

畢

第十章,第三番射,凡四

節:

請射

拾取矢;

三, 正 司

射

命

釋

獲

者

退

中

與

算

而

俟。

以

上卒

射

諸

雜

儀

旅

第十一 其 方 執 而 獻之。 虚 位 西 爵 章,旅酬之第三節 而 面 奠于 薦之。 北 旅食不拜受爵,坐,祭立,飲。 上。 篚 祝、史位門東。 一,復 乃 薦 位。 也,凡三 ±; 洗 北西 祝、 節: 主人就士 史、小 面。 一,公三舉 〇以 臣 旅 上 旅; 獻 師 食之 士。 主 亦 人 尊 就 坐 右

燕;三,獻士。

膳 答再拜。 拜,公答拜。 首,公答再拜。 下,拜。公降一等。 ,坐奠于薦 賓降洗,升,媵 賓降,洗象 賓依《石經》補。 南 賓坐祭卒爵, 降 拜。 小 觶 觚, 臣 于公,爲 注云"「當爲「觶」。」升, 小 IE 反位 臣 辭,賓升, 再拜 正 士舉 辭。 以上賓媵爵 旅 稽 賓升 首。 再 酌 拜 散 公 成 酌 稽

席 稽 如 派卿大夫。 首。 ,坐行之。 初受酬之禮 公坐,取賓 小 臣 有執 Œ 降 辭 所 更 媵 升 爵 觚 成 洗 興。 拜。 唯受于公者拜。 ; 升酌 唯公所 公答拜。 膳 ţ 賜。 下 受者 乃 再 以上 就 拜

> 升,大夫奠爵拜,士答 士。 西階上辯。 拜,實之。 大夫卒 司 Œ. 命 士拜受,大夫拜 士旅 ·受者 執 爵 酌 者, 以 以上旅 爵 爵 拜。 興, 辩, 士 送。 西 大夫立卒爵 卒受 階 反 上 者 位 酬 興, 士旅 士。 以 不 于 酬 士

答拜。 心。 者皆獲,尚歡樂也。 射,故賓舉旅始入射 應更射,故緩之。 卿、大夫皆 若命曰「復射」 壹發中三侯,皆獲。 ○《燕禮 〇以 降,賓在大夫中。 節也。 上復射 則 》未射 司 不獻庶子。 射 故獻士 命 釋獲 射 再 唯 後 也。 拜 即 獻則 欲 人 凡正 稽 射 正 首。 射 節 射,不 禮畢,不 否唯 此 公 其

535

臣 夫,三,旅士, 右第十二章, 獻士之禮。 ,皆于阼 主人洗,升自 旅酬 Щ 辯獻。 階 再 之終 上, 射; 如 西階,獻庶子于阼 凡 <u> Ti</u> 降 獻 Ŧi. 獻 洗,遂獻 節 : 庶 庶子。 子之禮。 賓 左右 媵 爵 以 Œ 階 上 與 獻 上, 旅 内 庶 子。 小 如 大

無算爵。 士: 也 有 執 膳 爵 者 有 執 散 爵

奠爵 執散爵者。 酌 就 者。 者酌以之公命所 拜。 反奠之。 席 坐,公卒爵,然後飲。 ,再拜稽首。 執 以上旅卿大夫。 膳爵 受賜敖氏云:此當有「爵」字。 執散爵者乃酌行之。唯受于公 者 酌 賜。 以 公答再拜。受賜爵者以 進公,公不拜受。 所賜者興受爵,降 執膳爵者受公爵, 者興,授 執 席 散 爵 下 爵 執 賓

席。 夫不 ·拜,乃飲,實爵; 士不拜受爵。 卒爵者興,以酬 士旅酌亦如之。 士于 如上旅酌。 西階 〇以上旅 上。 士升。 士 大夫 就 大

旅

降,西階下北面 于上如初。 辭,公答拜。 公有 命 以上無算爵 徹 大夫皆辟。 幂, 東上再拜稽首。 則賓 及 升,反位。 諸公、 公命小 卿、 大 士 終 夫 臣 旅 皆 正

無算樂。 以上無算樂。

階 上, 宵則 甸 人執 庶子 大 執 燭 燭 于 于 庭,閻 作階上,司宫 人 爲 燭于 執 燭 門 于 外。 西

> 出。 賓出禮終。 注所謂「公出而言人」也。 恐非行道所可奏,或公將入國,于射宫奏之,因即以入爲辭。 言之,但據《鐘師》疏; 也。 士; 脯 醉 公不送。公人《驁》。《驁》、《驁夏》、《九夏》之 以 三,徹幂,皆無算爵也, 北 公在射宫之堂,無入而言入,故注、疏以爲 賜 面 右第十三章, 禮成,凡五節; 鐘 坐 人 取 于門 其 凡奏《夏》歌于堂上,堂下鐘 薦 然無可考,存之以備參。 内 脯 四,無算樂; 霤 以 遂 降。 出 奏《 一,旅卿大夫,二, Ŧi. 賓出 卿、大夫 陔 由 鼓應之, 〇以上 禮終。 賓 還 皆 所 或

儀 禮章句卷第七

宰,貳

君

事者

也。

衆介者,士。

士屬

司馬,故命戒之。

愛

官

影司

士掌作士、適四方、使爲介、是也。

使

尊

故特言

仁 和吴廷華章句

聘 賓禮,當第九,第八説非,詳 大聘使卿,小聘使大夫:禮有隆殺,其節皆準諸此。 曰問」,故注謂 聘禮第八諸侯使大夫問 「大問日聘」也。 《士冠禮 于諸 比年 小聘,三年 侯曰聘。 經 · 大聘; 云小 聘屬

中 事。 上。 也。 戒上介亦如之。 戒上介言既圖事者,明上介亦 者,以所事名之,重聘事也。 也。 聘事謀于治朝, 君不許,乃退。 遂命使者。 聘禮: 如,謂 「再拜」以 君與 遂者,因 君南面,卿、 卿圖 下。 退者,受命者必進也。 事 宰命司 事之辭。 使者再拜稽首 ,圖、謀也,謀聘事及可 大夫西面 馬戒衆介,宰,家 大聘使卿,變卿 北 上,士 既圖 解。 東 在 所 重其 言使 面 使者 事 圖 北

衆 用,故書之使具。 逆命而受之。 衆 執事各備其所宜具也。 介卑,故君不親命也。 不辭,卑 命宰夫官具。宰夫,宰之考。 也。 衆介皆逆命 〇以上命使具幣。 宰 書幣,幣,享幣。 不 辭。 逆, 宰 官 迎 制 具 也 或

也。 也。 下文「東帛玄纁」是也。 掌次舍帷幕者。 者以齒爲上下。 行時授之。 衆介,兼上介言。 夕幣者,夕而陳幣。 面 朝服、玄冠、緇帶、素韠。 ,言則者,容用皮。 使者北面,衆介立于其左,東上。 官陳幣: 及期,夕幣。 皮北首西 布幕以藉幣,不敢褻也。 加其 官,有司也。 管館同。 使者朝服,朝服而視之,重聘事 奠幣 奉于左皮上,奉,所奉以 期,先行一日之夕也。 左皮,北首以西爲左也。 上,皮、馬皆謂之幣。 言使者,其他可 人布幕于 不陳王者, 于 · 其 前 知。 寢 重器不暴于外,故 寢門外,寢門之左 前 門外。 帥 者 夕,莫夕也。 四 衆 衆介在: 幣 馬 皮。 介夕。 在 舘 則 致 馬 執 命 人 也 北 北 皮 使

幕

東,西

面

北

上。

宰

入,告具

(于君)

君

朝

服

者之西,

Ŀ

介近賓

此

在

幕

南

便于

視

幣

也。

卿

大

夫

在 拜 者言主人,廟中之常稱 祝 告, 禰 主東 鄉, 也 告 主 者 西 人 鄉。 在 右 告,告行 右 祝 之北 又 再 再

訖,授書于宰。 展幣者,備具之官; 大史掌禮 出 門左, 南鄉。 故使 告備! 讀 視之者,載幣之官也。 史讀書,史、太史也。 之,當 具于君。 北 面 先日具,後日 展 幣。 宰 展 書 執 猶 備 即 書,史 宰所 挍 具,事以 録 書。 也 讀

公揖 視載者,載者,訃 舍于朝。 (而詳 人。 也。 公幣不當入私家,故舍于朝,待旦而行。 授 官 使 載 者 數 其 人 幣,官, 載。 授書。 上介執書 有司 使 者 從行者。 以 受書,授 視之, 載, 亦 載 重 上 上介 于車。 其 介。 事。

謂

次

載 隨行者, 厥 明 **行** 便于展幣也。 H 正 旦。 賓 ○以上夕幣 朝 服 ,變使者言賓,尊 異 之。

賓先出,上介視畢,乃

與

衆

介俱

出。

所受書以

行。

以

書

北

注

釋 臣 几 也 祖 于 幣 禰、大夫告禰 室中。 于 祝先入,祝習于神,故先之。 禰 釋奠禮 釋,舍也 而 已 輕 父在 舍而奠之。 亦 設 則 洗 告于父之禰 盤 父廟日 几、筵 主人從人。 也。 如 禰、天子諸侯 祭。 有 有 司 司 變使 筵 家 出

幣

亦如之。

衆介可

知。

以

£

一釋幣

埋于 拜。 尺,廣二尺二寸。 往受命, 若常位,當在大門之西。 夫五祀,行其一 又入,取幣降; 立,示有俟于神。 **云**: 面設主于載上,奠于主。 藏 諸 ·西階¹ 釋幣 行在廟門 此 兩階 云「遂 東。 間 制 也,常祀 也。 受命」, 外之西,爲軷壤, 玄 十卷日 埋用器,若藏之然。 主人立于户 纁 卷幣實于算,此日卷 又 束, 在冬。 則介已 遂受命。 釋 束。 案 : 制 幣 奠 出 釋幣俟 廣 于 彼據《喪禮 厚二尺,廣 則釋幣,禮 狹長 東。 于 行。 受命于 几 西階 于 短之法。 下, 行, 祝 門 一》,故以 東、《曾子問 矣 朝 Ŧi. 殺 道 立 則 尺 出 也。 路 于 前 幣 賓須 之神。 上 輪 廟 介 不卷矣。 牖 長 出 介 門 四 介 户 丈 西 尺。 令》 言 釋 來 所 大 少

也。 者,不敢于釋幣之禮 「孤卿 上介及衆 建 潼, 日 介俟 載者, 也 使 載 于 于車上, 者載旜,「 使者 之門 示 所 通 有 外。 帛 事 日 猶 介不 旜 未 張 旗 也 屬

不尚飾 韋衣。 朝,與 君使 故代君授受。 以爲飾 九寸,侯信圭,伯躬圭,皆七寸,子、男則蒲璧、穀璧,皆 價,能辨玉之真僞也。 八人」是也。 以備遺忘。 于其左,左,賓西也。 東上,上賓也。 服,亦重其 以 聘 命使同 卿 受命于 以 也 不起 . 曰 則 門,非謂 執以 藉圭者,曰 進使者。 繅。 賈音價。 命圭重器,典瑞掌之,而取自賈人者,以其知物 自公左授使者。 事,言君則他可知。 而授宰。 宰執 通信,事畢,則還之。 垂 君揖使者進之; 進之使近。 使者人,及衆介隨 朝 諸侯外門外之外朝也。 繅者文,屈繅者質。 藉,繫圭于版,使不墮者,曰組, 主,屈 先于大門外,君進之,乃入,受命 人西 啟櫝,取圭,圭,命圭。公桓圭, 接聞命。 授圭不起,賤不爲禮也。宰貳君, 繅,屈 面 坐,賈,當即玉府之屬「賈 卿大夫西 繅者,明主君誠信之心, 自 垂 接,續也。 公 賈人垂繅者,示飾之 入,北 繅,繅,圭飾, 左, 君 朝 贊 面 服 幣自左 繼賓聞之, 面 上介立 東上。 北 南 垂 其餘 木版 五寸 在治 上。 鄉。 也。 介。 受命。 垂繅 0

帥

帥

帥

介也,

,待命于外門之外。

言朝

也。

半之義。 君, 琮方象地,故以享夫人。璋半圭,夫人用之,蓋陽全陰 既聘又享之。❶ 衆介不從。 人, 賈人, 從行者。 因陳玉 此不用錦,則彼天子禮也。 與玉瑞不同,故用以享。 循君之言,重失悮也。 命,出使之命,此則 夫人之聘璋、享玄纁東帛加琮、璧圜象天、故以享 使者受主 上介受圭,屈繅, 以受命。 而 典瑞、瑑圭璋璧琮以頫聘。 連 同 言 出授非衆介事,故不從。 之。 面 東帛加璧,享玉有加、 正聘 字君 垂繅者,示全而受,且 皆 受圭,亦當 蓋宰 時所致之命也 如 左西 小行人六幣,「璧以帛,琮以 夕幣時,已加其奉于皮上,此 述君命以命之。 初。 1面,實 屈 繅, 垂 如 小,轉 **繅以** 嫌 初, 蓋圻鄂瑑起,皆八寸, 于 ,聘則圭璋特。 耐 馳其 謂 使 受享,享,獻 聘事尚 既 同 受圭。 也。 述命,述 面,在宰之左。 同 飾、文 出 文也。上 面 省 授 授 以上 錦。 爾 受 也 賈 E 特

遂行,舍于郊,舍,止舍。 君言不宿于家,故遂行

之」,原誤作「乏」,今據四庫本、 經解本改。

Ξ

没其竟。 没,盡也。 〇以上假道

節 : 旜。 事,約已終日,故止宿也。 舍者,以 一,命使具幣,二,夕幣,三,釋幣,四,受命,五,就道。 未有 臨 事 行有釋幣受命等節,出國門有祖祭、飲酒、肆 也。 〇以上 一就道。 ○注以舍爲脱舍朝服,未然。 右第 章,將聘之儀 凡 幣之 歛 四 之。

帛,無庭實。 賓誓衆也。 次介假道。 若過邦,道所值之邦,非所聘國也。 東帛將命于朝曰 將,猶致也。 不敢直徑,睦鄰之禮 帥,猶道也。 請 也。 不言假道者,過客不 帥 使次介者,上介貳 0 至于竟,使 凡有言, 用東

馬執筴,同策。

○卿行旅從,司馬主軍法,故執策以

示

矣。 諳當出何道,無可措辭。 奠幣。 不親授受。 請道己所當由,則所假之道在其中 下大夫取以 入告,取,取幣。

出許,遂受幣。

曰遂者,幣本爲行禮,非爲求許,今不以

牢,並以東帛致。 許道受幣,特以辭讓不得命,遂受之。 餼之以其禮,賜 上賓太牢,言上,尊之。太牢,牛、羊、豕。注云上介亦太 人以牲,生日 詳下歸饔餼。 積唯芻禾,積,道路之積。 以其禮者,以其爵爲等殺也。 注云: 上賓

云

羣介無帛,牽羊焉。

士:

帥,士,彼邦道路之官。

帥,道

實。

士,上介。

庭實必執之者,皮有攝張之節

也

習

夫

禾十車, 芻二十

車。

疏 云:

上介無之。

介皆

有 餼

注

概其餘。 于所假道中暴掠犯禮也。 面 ,貳賓。 誓于其竟! 史讀 衆介北 書,書,誓書。 面 次介假道 東上,鄉賓聽誓也 賓南 太史掌執法,亦在西。 時,即止 面,專威信 而誓戒之,恐士 言衆介,以 上介西 司

誓衆。 立于其後。

在史後者,見書

在而

法隨之。

〇以

上

假

道

執也。 服之。 北面 壹肄。 無宫者,不畫外垣,禮 癸反。○封土曰壇,起土爲壝。 畫階,亦象之而已。 西 未入竟,竟,所聘國之竟,未入者, 上 介皆與,音預。 無主,不立主,尊也。 習聘享之禮,重失悮。 此 習聘 也, 所不及也。 如 帷其北 下 北 正 聘 面 無成,又無尺數,象壇而 爲壝壇,壝,以垂反, 無 無宫。 所云。 西上。 朝服 執 也 威 習 帷,有 下介皆入門 享,士 儀繫于 玉,重器 及 竟 所鄉 愐 朝服, 執 未人。 不 依 右 也。 庭 以 故

私覿、私面之事。 〇以上習儀。 人之聘享亦如之。習公事,聘享。不習私事。

竟上四 對。 此國。 因道之。○以上竟上諸雜儀 男之使者三介。凡從者亦有定數也。 以 當共委積之具。 問從者幾人,從,才用反。 「諸侯人、王則郊勞」是也。 介對。《聘義》:上公之使者七介,侯伯之使者五介,子 君使士請事 及竟,將人。 誓。 面有關。 義同所過邦。 《周 舅 人卑,不敢斥言尊者,故以從者 禮 ,君得關人告,使士迎勞之。《小行人》 張 / 震,謂使人維之以縷,示事 司 仍請事者,慎也。 關 乃謁 幾,居豈反。 「每關下士二人。」關 關 介尊于羣從,故以爲 ○欲知聘問,且 謁,告也。 遂以入竟。 爲 古者 辭。 人 在

而 幣之位。 人北面,以賓西面 布幕,亦管人。 視之,典告在。 人竟, 歛旜 介皆北面東上。 賓朝服,立于幕東 故也。 上介北面視之,賈人在前,進 ,去國尚遠,未 拭圭,亦潔之。 賈人北 有事。 遂執展之。 面 西 乃 坐拭 面; 異于夕 展。 主,賈 展幣。 而 執 視

之,告賓,下同。 也。 幣,所奉也。古文曰「陳幣北首」。 〇以上入竟再展幣。 幣以告。私觀,及大夫之幣。 亦如之,賈人告于上介,注賈人掌玉,則告者聘 馬則幕南北面,奠幣于其前。 皮北首西上,亦官陳之。 介視之,退。 上介告于賓。上介不視,貶于君聘。 賓在而兩言「上介視之」者,尊卑之體然也。 退 復位。 退圭。 又拭璧展之,會諸 有司,載幣者,自 加于左皮上。上 圭尊,不陳之。 展夫人之聘享 有司 展 展羣 自 其 陳 璋

賓從不一館矣。 之館如初。 伯三十里,子男十里。」又展如初。 有遠郊之勞,並須受于館 候館。❶《遺人》: 及郊,遠郊去國百里,注云:「遠郊,上公五十里,侯 環人訝士,皆當見賓于館。 此三展。 五十里有 ,故就賈人之館展之,便疾也,且見 〇以上入竟三展幣 市 市有 候館。 及館 又或主君加 展 ,舍也,謂 幣 于 賈 遠

●「候」,原誤作「侯」,據四庫本、經解本改。

近國將 行 者 有 設。 禮 辭。 儐 者 賓 在 庭, 揖 此 先 設 入,勞者從之。 于門内 也。 張 攝之節,詳 乘 去聲。 下經

四

使 聘 君使下大夫請 卿 賓至于近郊,近郊,半遠郊。 他 或 朝 須 服 先 此 往 也。 言 朝 行反。 先士,後 服, 見 請者之不然。 知其來聘矣,又請 大夫,後 張 卿,禮 旜。 用 之序 束 也。 帛 四 Ξ

事。

君

或

兼

勞。 而 西 許 北 面 止舍門外, 亦 迎于舍門之外, 朝 服 使彌 入告。 尊, 禮 北 彌 賓 面。 備 介皆 也。 賓 朝 禮 上介出 服 辭 再 傳命, 拜 請,出 重 門 辭 拜

君命之辱。 勞者不答拜。 爲君使,不 敢 當其禮。 賓

揖

先人,道之,介隨人。受于舍門内。

同

儀

職

以上

近

郊請勞。

辭」,又云「受于舍門内」, 命。 日 諸公之臣 又 日: 凡侯、伯、子、男之臣,其儀亦如之。 相爲國 客。 與彼經不同,豈 郊勞,三 一辭,拜 辱,三 舍無 堂,故 此乃云 讓 登, 止 禮 受 聽

降拜。 賓北 于 庭 與 面 再拜稽首,受幣。 聽 勞 命, 者奉 北面 幣 聽命者,若君在 東 勞者 面 致 出。 然。 命。 還 止 舍門外,不 少退, 對 賓 西 面。 衆

> 拜。 面 拜稽首送幣。 錦者,賓禮; 儐者,賓 揖 乘。 執皮者,若親受之,從者訝受皮。 在 皮,注 舘 皮則君 如 云 家 以以 受、送、拜皆 禮 麋 也。 來者爲 鹿 皮。」賓 勞者再 賓也 北面。 用 拜稽首受,實 上 束 勞者揖皮出,東 乃 有 錦 退。 乘 儐 而 勞者,言 賓 第 送 言 錦 再 皮 再 物

授不游手,慎 棗。 兩也。 蓋; 簋」。 内亦方也。 大夫二手授栗。 其實棗蒸栗擇,①選擇。 右手執棗, ○簠外圓 夫人使下大夫勞以二竹簠方,「簋」, 使下大夫,降于君。 也。 内 左手執栗。 方,此 賓之受 如簠 右手授棗訖, 如 而方,則外亦方。 賓受棗 初 玄被 禮 兼 表也。 執之以進。 即 , 勞者先以右 卿 兩 勞。 手 纁 共 授 若 儐 作 裹 之如 栗,受 簋 或 手授 有 則

者

儐之,受命後不即儐

者,不

敢

以

臣

事

亂

君

命。

勞

者

送

欲

儐

之。

授

老

幣。

老,

家

臣

之

長

出

迎

绺

作

⁰ 栗」, 原誤作 據 四 庫 本

初。 三、習儀; 七、夫人勞 〇右第二章,在道之儀,凡七節: 下大夫勞者遂以 四,竟上 諸 雜儀; 賓人。 五,入竟三展幣; 入國。 一,假道;二,誓衆; 注云: 六,近 賓不拜 郊請

賓日 拚,謂 祧 ○以上至朝 尊,不敢斥言,故以祧爲辭, 請入告,出釋此 既拚以俟矣。」拚,方問反。 洒 至于朝,外門之外。 掃。 俟間 遷主 辭。 ?。」入廟 H 言至即受之,不敢久稽賓也。 祧 主。 必 齊 非 諸侯遷主,藏于始祖 主人曰:「不腆先君之 戒沐 始 祖 浴 廟 〇主人者,公也。 可 且不欲奄卒主人也。 名桃 也。 俟, 廟。 腆, ,俟賓。 善 太廟 擯出 也。

之。 卿 宰夫朝服設 儀》,諸公之臣相爲國 再 拜。 退,賓送再 公舘設于堂,私 此經不言償,故彼 大夫帥 卿 致 至于館, 飱: 命 拜。 ,以東帛致,亦東面。 舘 食不備 客郊勞者 注以 設 卿不俟設飱者,非 于 卿 爲無 廟。 禮曰 致 有 僧,然 朝 館。 飱,宰夫掌牢 儐 服 致 致所以 無與彼 尊 舘 賓 其職 如 賓再 也。 如 初 安之。 也。 禮 初之義不合。 儀 不 拜稽首。 飱 則 言 奉,故 ○案《司 亦 賓迎 致 有 命 儐

> 門外 文省。 舘; 禾。 六 八壺。」西夾六。 之饌 也。 致舘設飱。 魚、腊。 車,米陳門東,禾陳門西。 豆、六簋、 夾者,廟 九,正鼎也。 介飪一牢,在西,鼎 三,設 也。 言堂,則西夾 衆介皆 米禾 者,膷、 飪 堂上之饌,四 中 四 · 尊 堂上之饌八,注:「八豆、八簋、六鍋 右第三章, 釽、 皆二一作「一」。 西 臐 车, 鼎實如 也。 少 兩 膮。 西夾室,在 無。 簠、 飪,孰 牢。 響餼 東 豆豆 初至儀 腥 六壺。」日 無之,殺于饔餼, 門 四 者。 亦 陳設 七,羞鼎三,堂 薪芻倍禾。 外 簋、 飪 牢, 西堂之後,西房 米禾皆 兩鉶、 凡三 在 在 亦如之。 + 八、日 西,鼎 西,新 在 節 車 東,鼎七。 四 六,以 壶、 皆 五,羊、豕、 + 六 羞 各四十車 至 者, 車 無 鼎三; 視 尚 至朝 之西。 簠。 死 $\overline{\nabla}$ 注 孰 上 薪 爲 牢 물 也。 〇以 之 此 腸 芻 主 兩 牢 在 庭 陪 胃 倍 饌 也 L. 鼎 致 上 + 西

厥明訝賓于舘。迓,以君命迎賓也。記云:「卿

● 「中」,原誤作「申」,據四庫本、經解本改。

隨 在 日

二六

擯,以 案旅 且不 使前 之。 至于 大夫訝 不 之末介,末介傳之次介,次介傳之上介,以達于賓,賓對 紹擯對、公命請事 次介、末介以 請之者,賓當與主君爲禮, 也 Ŧī. 聘 與 以待事也 爲率也 展 人、侯、伯四人、子、男三人、多寡視主君。 出 儀 謂 大門 傳 ○案《大行人》注主旅 擯傳 介紹 幣 對 次而 相 朝。 解 語 同 大 繼 而 夫 辭之禮,公在大門 降 乃告于公。 南 何 也。 傳命,君子于其所敬,不敢質,敬之至也。 介亦在焉。 卿 次而 賓人于次,次在大門外之西,以 士 于待其君。 大夫爲承擯,士 必 , 俱西 旅 爲 訝 擯 擯? 則 北 上擯, 士 面、紹擯負棖 者 上擯傳之承擯,承擯傳之紹 東 皆 出 愚謂擯 乃陳 面, 公皮弁, 有 ,恐其謙不 大夫納賓。 請 擯 擯,主國之君 賓主相去五十步, 訝 不傳 内南 事。 幣。 以 賓 辭 賓大門外 面,上 不敢斥尊者。 賓 爲 既 迎 語 説 皮 有 紹 知 賓于大門 告 此 司 ·擯在公-弁 所 延之進 其所爲來之事。 公, 擯。 陳于 使 注 聘 北面 因謂 出 此三人者,以子 獨 故問 次介負根: 接賓傳 廟門外,其 承、 非傳 南 帷爲之。 皮 此 介在 擯 E 弁,示 紹 承 擯 以 内。 上 辭 紹 擯、 擯 揖 賓 啟 命 皆 乎? 公國 亦如 擯 北 之。 者。 也。 賓 敬。 與 紹 傳 節 人 公 復 繼

> 門,所 日: 位在東,揖 揖 賓本作「客」,依石經改。 接,近也。 由西至祖 公待賓于此。 及 神。 侯三 入,俱 西,人門以西爲左,賓位 大夫者,卿 廟 人,揖入,揖賓入廟也,賓位 入門 昭 謂 門,公揖 門 設 者出 居 曲 北 者, 廟 每門每曲 東面。 賓使東,並 東,二穆居 泉 面 而 司 隔牆三,門 亦大夫。 鴈 東 賓立接西塾。 應、 請 宫 行。 東有閣 人,先人道之,擯皆隨. 介以次立。 也。 命。 路。 也。 行。 西。 公再 注 注 臯 亦三,是以每門皆 門, 請 云 云: ○案 也。 辟 爲大門, 至 賓 廟 义 廟 皆别 拜 賓 行 不答拜。 **宝** 在 几筵 疏 曲 主皆 賓 門 IE 待事 云: Iffi 門 東 少退 一藻》曰 聘 庡 西,廟 廟 北 裼。 既 面 前 禮 諸 兩 在 也。 有 設 應門 邊 爾]::公事 人。 拜 在 不 侯 都 有 賓 蒲 每 有 西 鄰 五廟, 宫門, 外 敢 聘 曲。 筵 牆 外之東。 H 門 人 塾,門外 國 立 門 當其 在 請 自闡 一之辱 門 于 中 每 内之東,公 廟 其 太 命 乃 純 央 制 禮 中 左 曲 祖 西。 故 至 通 命 西 未 朱子 右 設 廟 祖 揖 庭 聞 門 也 公 以 居 廟 介 賓

諸

几。」擯 賈 人 東 面 坐 啟 櫝 取 圭 卿 陳 幣 時 俟 于 此 至 啟之。 尊之。

依

垂

一繅,不

起

而授

上介。

不竟授賓,尊

卑之節

介

544

與主尹 皆同 負 又揖; 門内雷,賓入門 之。 拜,當擯者進 拜,不言升,則在阼階下之西也。 也。 其君之命。 擯 北 辭,亦禮辭 襲、《玉藻》所謂 不襲,受圭不 入,賓已執圭,故以告公也。 也。 序。 面 北 執圭。 面。 先賓升二等階,亦以道之。 西上。 于此言退,則曏隨公升矣。 相鄉,致君命也。 面者,尊之。 當 三者,不一之辭。 碑、又揖。 實襲,楊者,祖 公左還北鄉。 耐 執
圭
禮 遂拜也。 而西,公將曲 襲,嫌于 介止于此以待事,不升。 「充美」也 納賓,賓 擯 盛 至于階三讓。 者進。 賓。 而又盡 此言當楣 擯者退中庭。 外 繅 不辟 人門左。 而東,皆揖; 出 服見裼衣,尚文飾也。 執 亦 左手向外迴身北面,乃拜 飾、則誠敬掩矣、故執龜、 屈。 辭 賓升, 圭 釋拜 公當 者, 中庭近堂。 則立 玉。 屈 以 擯者人告,請 貺之辭于 繅,授賓。 將 時可知。 楣 讓升。 西楹 介皆人門 圭重贊,故以公命 三揖,時公迎于 當階、皆曲 進授 再拜。 公親受命,不用 賓致 圭 賓 西東 公升二 賓三 也 且 左還 襲則 而 授、 命; 相 面 左, 命將 北 退 公 玉 受 將 命 公 掩 降

ें

中庭待事。

〇以上聘。

也。 之。 位,至此升受于序端,亦無贊。 出。 堂之東,東楹之西,二者之間也。 側 賓降,介逆出。 擯者退,負東塾 東楹之間。 如賓服。 獨 今更侵東半間,蓋賓急于趨事,故 裼,免上衣見裼衣,見美也。 聘事畢。 也 ○注襲于隱,序坫之間 無 費。 中堂,東西當兩楹之中,曰與東楹之間 公側授 尊 賓將出,迎之; 其 而 事 立。 也。 本作「受」。 襲,將受 授宰者,宰之屬,受藏之府 内東塾也, 可 疏云: 此言裼, 也。 下賓出 宰 越堂之中 受 玉 兩 玉 無事 則迎 則 楹之間,賓 玉 故 俱 以 于 宰 遠 資時 充 出 在堂 中 于 洏 矣。 中 堂 爲 可 近 主共 下之 蓋 庭。 公。 賓 與

下記云:「庭實隨人,左先。」毛在 則者,容用馬,攝之者,右手并執前 在内,不欲豫見其文也。 出 裼,則至朝時可知。 許。 擯者出請。 許受之,庭實: 奉束帛 請者,不必賓事之有無。 内 皮則 攝之,兩手相向。 加璧,享。 攝之,皮,虎豹之皮。 内, 兩足、左手并執後 兩 足 擯者人告, 相 賓裼,此言 入設 鄉,得 兩 也。 并毛 足。

皮如 公側授本作「受」。 東爲右也。 自後 也。 讓 設者,有 坐攝之。 賓出時,士受皮者在庭,故對賓攝之,如受于賓。 如 〇以上享。 公再拜,受幣。 右客; 人,内攝。 初,升致命,張皮。 司,亦參分庭,一在南,如昏禮。 既受,客遂出。 士,有司。 右首 宰 賓不言拜送,文略。 而東。 幣,公言受幣, 由客後居其左。 賓出,享畢。 釋外足,并內足之内,見文 執禽左首,此右首,變于 賓入門左,揖 則 當之,當對也。 客右者,北 皮不 士受皮者 親授 面 也。 以

者出 下記詳之。 ○以上聘享夫人,及有言 公立中庭」以下,此公代受之。 請 聘于夫人,用璋,享 事,事之畢否。 如享禮。 有言節同享禮 賓告 用琮, 若有 事 畢。 無玉及庭 言 如 聘享公事畢 初 則 禮。 以 實。 束 如 帛, 也。 者, 擯

生。

意 時已見公,故觀不用摯。 也。 不東帛 奉束錦 嫌 如 以 īE. 請覿。 享也 用錦 者,如 擯者入告,出 不用羔者,摯爲初見禮 聘後有享,以 辭。 達 外臣 容 此聘 醴 之

廂,瓦

太一,有豐。

凡

醴不自酌

故《士冠

禮

 $\stackrel{\sim}{z}$

贊

者

側

酌

入告。 塵也。 也。 升。 云: 告。 賓後行之。 進設几,乃退而 尊者皆内拂。 君惟爲敵國之君出外門也。 端以示敬也。 迎賓以入,迎之于大門內,下所謂 左。 面俟將辟拜。 筵前,迓,迎也。 受几,遂外拂之,以賓在西也。 主人禮未成,故不降。 公東南鄉 不降,臣禮拜于下,此不降 以公授几告于賓。 中 側受几于序端。 宰夫徹 攝之,受時已然。 請醴賓; 〇疏謂上公禮,故不出, 公壹拜送。 奉 拜 也。 兩 外 東鄉迎受之,執兩端。 几 拂 端 改筵。 宰夫實 以 几三卒,宰夫自 賓禮 賓進,自階上進。 未然。 進。 揖讓 東序。 賓 進,西 振袂,右袂拂几,又 更布之。 辭 觶 奉几兩端,以公將中 以 ,外臣之禮又別也。 階 如 聽 以 宰夫内拂几 几 「如初 初。 進。 上答再 此私禮,故出。 命。 醴 辟, 公出 東面俟。不設 一,下記 東南 也。 西 公升,今文無 許之。 北 迓受几于 鄉 拜 來,故 面 又迎 醴 出 稽 設 三,向 振以 尊 擯 者,更 擯 廟 恐主 于東 ○注 攝 几, 相 者 之

受、公辭。

命

擯

者

辭

降拜

辭

亦

降

等。

升

再

拜

稽

入中庭 進。 醴。 堂,此退者,以庭實將設,當降而相幣也。 壹拜,壹拜,義 醴。 士 籩 0 筵前受醴 豆 也。 注 旁 》訝受、故贊面葉; 脯 云: 也。 賓祭脯 醢 君 ,賓升筵,擯者退負東塾。 未詳。 公西面,宰夫東來,從公側授受。 尊 ,復位。 不 自 醢 注云: 酌。 以以 此側受同 階上。 未然。 **柶**祭醴三; 醴質, 以少爲貴。 公拜送醴。 面 加 故面枋。 柶 負東塾者,以 于觶, 庭實設。 進自階· 賓不降 公側受 面 相拜在 宰夫 馬 枋。 乘 將 上 醴賓。

馬也 連步。 者 也。 自東來,公受,立 之手,以 北 進 面 坐啐醴; 相 趨 將啐 降 君 幣。 西階上。 命 辭 也 降 尚 階 公用 而俟。 疾 享以皮,故不復用皮,此侑幣也。 尚同 也。 前 也 以 兩辭皆擯者傳之。 東帛。 賓 上 柶 聽命 建 降 兼諸 柶, 擸 辭 擸 庭實以 聽者從也。 幣,不敢當賓禮。 北 觶 葉也。 机, 面 奠于 東帛致也。 未 栗階 建 葉在上, 降 薦 兼并 拜 升 東。 宰執之 ; 則執 于 栗階 降 公降 將 執 擯 筵 柄 拜 觶

> 者訝 二馬,主人牽者 示親受也。 俟賓受之,當楹 公方拜即 轉東逡巡、若有所俟。 首,受幣 受 降者,不敢當君之盛禮 馬。 當 左奉幣,右牽之。 東 西 牽 從 楹 面 而從之。 者,士 北 退,東 公壹拜,賓降 面 介, 故 上介受賓 臣 左者,北面 面 與 禮 也,實 俟。 也。 上 介 公先升,受幣于 分 執 退,將降,因 以 也,公再 幣 受之。 西西 左 束 爲左也 馬 帛。 0 以 以 出 從 上 餘

門東。 使馬 命。 從,主人有司 賓 于地,授馬于贊者,乃拜也。 私事自闑右。 之,親之,敬也。 出 在 從之,賓受幣,費者受馬。 賓覿, 右。 西 事畢, 面 于東 也。 北 奉 擯 設,賓禮, 二人贊。 束錦 面奠幣, 者 初 、塾南。 受馬 坐 取 别 于贊,此 庭 幣 于 擯 有 再拜稽首。 實 帛。 擯者辭, 出 司 牽 者請受。 先設 居馬間 並 馬 有司 總 出 右之。 乘 將 扣 賓 二人 辭 馬 還之。 馬 賓禮 臣 奉 其 ; 禮 以 右手牽之 幣 總 牽 也。 臣 辭 出 門 八 人 馬 禮 奠幣 轡 見 門 聽 以 牽

在庭設之。

升。 子 降階東拜 牽馬 其右,故從其後之右受之。 受馬者自前還牽者後,適其右受。 也 左 拜,故降等再辭,于 牽者西上,三馬在其東,故自前之西出 左,至牽者之後,故曰還適其右。 前 自 拜,此乃爲賓拜辱也。 讓 幣在 還後者,謂 東 如 面 進,授,當東楹北面。 多脱闕、士冠 者 介皆入 公西 初 反而西,及序,又還而負序東面 方從之辭 手,故未降。 賓降, 自 送。 前 士自南來,北至牽者之前,又自北還 門 降。 公北 西 西 賓階 左, 賓有 乃 》及《相 拜 階下之東,鄉 公側授本作「受」。 雖 出 賓三退,反,還負序,反還者, 也 面 西 加 上再拜 將 禮 再 上。 見禮 拜 不受于前之右者,恐驚馬 君 受者尚 也。 拜。 起 降 受者,牽者右手牽馬 外 公東面受之,文略 介從人, 也。」 主 稽 擯 前以公事人,故不爲 在其 君 此 也。 也。 等 首。 者 其僅 也 謂起 辭 曰 後 客 出,出廟門。 振 之右, : 公少退。 存 禮 宰幣。 君 自,由 幣,絜之,敬 而 者。 也。 辭。 升階 寡 辭 南 故 也。 也。 而 栗 君 公 自 馬在 賓猶 以方 從其 《儀 前 也。 階 從 賓 揖 馬 主 士 自 奉

出。以上賓覿。

賓。 辭,介 錦錦 既出 上幣。 之。 進授之。 之,仍不敢授也,介隨 命。 委。 士執 上介奉幣,皮先,入古文重「入」。 介及士介也。 士介四人皆奉玉 幣,儷皮二人贊; 不言士介,其無皮與? 介振幣,上介。 擯者請受。 上介許之士介, 有司乃委皮南 文纖縟者。 公降 衆幣; 出請受。 逆 北 Щ, 立 面授幣,退復位 奠幣 衆,衆介。 後者先出。 阼 請 將請, 階。 則終不 請于上· 面 皆 覿。 錦 立。 自皮西進,自 束,無皮,「玉」字疑衍。 再 擯者 猶 有 皮,麋鹿 公再 未請 擯 許也。 執 皆人 介,及衆介也。 拜 司二人舉皮,從其 擯 者 幣 出 稽 也。 聘 者執 拜。 皮。 入告, 者 門右 請。 首。 皆進,訝受其幣。 時 西 委皮南 用皮,變于賓 西進 拜于中 入門 門 上 面 上介奉 亦 東 出 幣,上,上介。 左 東 臣 之位 北 上,皆, 介禮 許。 禮。 當公, 奠 庭,介 上。 面 注云: 皮。 束 再 辭 擯 上介 乃 卑 幣 皆 擯 幣。 者 拜 奠 玉 東 7: 不 者 上 執

新子, 是一个人员, 只有一个人身首。 雖隨上介聽命, 然分又卑于上介, 終不敢以客禮見也。 擯出道之人。 士介人門右, 奠幣再拜稽首。初奠時, 出道之人。 士介人門右, 奠幣再拜稽首。初奠時, 。有司 二人坐舉皮以東。 擯者又納士介。稽首送幣。介出。宰自公左受幣, 不側受, 禮

之。」非 請。 以 者辭,介逆出。 出,不言餘幣,未出也。 日 禮者,謂執當受之禮以請 賓 古 辭。 擯者執上幣,上,謂 H 賓者,士介亦賓也。 禮請 也。 受,初既 案注云: 士介之尊者。 「一請受而聽 總請矣, 初隨 上 一介禮 此又

擯者出,擯者初以賓辭人告,此又出也。門中爾,而曰出,再拜。此拜受也。曰答者,介先拜送也,士已出遥答之。辭,此終辭不受,故曰固。注云:賓代辭,固,衍文。 公答

間相之,尚執幣。士介皆辟。士三人東上,坐取則閾外也。立于門中以相拜,介在外,公在內,故于其

幣,立。士,主國之士。取幣,將授宰夫。立者,俟擯者。

以上幣來

夫受于擯及士,士介又卑也。執幣者序從之。初受于擯者進。北進。宰夫受幣于中庭以東,宰

| 擯,餘三人以次來,一一受之。○以上介覿。

禮辭許。 使請之,不言問,嫌與小聘同也。不言卿,卿亦大夫也。 送賓。 介覿;七,送賓。 聘,二,享,三,聘享夫人,及有言, 賓對。公勞賓,道路勤勞。賓再拜稽首,公答 恙」也。 公再拜送,賓不顧。 拜。公勞介,介皆再拜稽首,公答拜。賓出, 禮,禮畢送賓,尚須揖讓,故及初迎處,乃問之,所謂 擯者出請,賓告事 賓對,公再拜。慶之,賓亦辟。 出廟門送之。及大門内,公問君。 暴方行 以上送賓。 右第四章,正聘儀,凡七節:一, 賓請. 畢。 有事于大夫。 四,禮賓; 擯者入告,公出 公問大夫, 五,賓觀;六 告于擯 「君無 公

之。 也。 章弁,兵服,不應用于此。 知。 ○注謂卿 上介釋辭辭之。 君使卿 賓即館。 亦奠鴈,恐非。 韋 卿大夫勞賓,賓不見。公事未畢 弁歸今文或爲「饋」。 大夫奠鴈再拜,不言卿奠羔,可 禮 書曰: 上介受。 即皮弁也。 勞 上介、 或然。 餼 Ŧi. 亦如 牢。 殺 日

 \equiv

以辟 弁拜 豕。 + 階間 香。 4 出 前 非 兼 羊 鼎 命,禮 于 堂塗,不 腊 碑 不受也, 飪 腥 許堯反。 ,實升之處,當 () 腹 也 俱 近 以 與 陳之,重其事。 二字, 西 H 在 麗 故 之差 腥 一獸之肉 堂 臛 中 鮮 上 牲 同 統 何 也。 廉 庭 0 于正 介 魚 鼎 也 及識 饔 之南。 必 也 鼎 豕 請 肉 以 盛 析 臛 鮮 鼎 0 膚,燖者有膚,豕肉下于 二七,牢各 在階 羹無菜曰 日 少 朝 而 事 而乾之。 也。 西。 注 腊 景 服 餼 牛,羊,豕,魚,下言鮮. 饔: 東 謂 前之南 示之? 賓 殺 以石爲之,設于中 析 朝 面 陪鼎 也。 者 朝 臛。 而 飪 服 北 腸、 未 陪 七 以 服 上,生 Ŧī. 與 一牢,鼎九, 有司 乾。 當 臐 示 鼎 者 禮 胃同 正鼎 之實。 不 無 内 ,許云反,○羊 饔 辭 設 受。 鼎。 人 鮮 對 廉 扄 鼎,牛、羊 陳,二列 陳。 牢 庭 魚 鼎 愚 腸胃 蓋陪 朝 上當 鮮腊 謂 服 餼 上 鼏 \equiv 設 者 有 當 禮 臨 則 碑 牛 碑 當 于 牢 司 辭 内 饌 臛 腸 鹏, 彼 此 之 也。 設 羊 廉 南 西 出 胃 薨 則 膳 皮 此 下, 醯 肉醬。 臡。 鉶 西 則 又《醢 菹 並 亦 菹 則 豆 自 所 南

陳

兩

階

辭

于

阼

階

前

西

面

南

陳

如

飪

鼎

列

堂上

八

膮

皆

自

也。

豕 鹿臡東葵菹, 多,故名。 七菹,韭其一 人》朝事之豆, 東上。 下 羹器 東 豕 醢 東 謂 醓 此經所載 設 同。 人》 醢 互. 醢 凡臡 而 饔 南 上,韭菹 陳 屈 于 以 西 菹 爾, 錯 西 此 而 牛, 黍 户 不 醢 金爲之 者 醢 葵菹 也。 不 昌 南 **酷** 鹿臡而下,又屈之自 皆 其 豆豆 黍 相 韭 西 應舍茆 本,昌本 以 兩 菁 人》七 比屬 用 菹 與 東蝸 其 兩相 菹 凡菹 東羊 ,既與《醢 肉, 南 稷 室 似 醓 耐 南 户 稷 交 醢 此 鼎 則 菹 對 醢 下 西 西 醓 互. 麋 名醓 可 屈 麋 此本《公食大夫》 切之四寸,柔之以 豕。 黍 彼 昌 芼。 鹿 臡 耐 醢, 而 人》合, 則 臡, 臡 本、 稷 也。 又錯 注 而 西 者 中 各四, 又 以 麋 有 易 注 也 麋臡、 自 堂 西 屈 爲 菜 矣 以 臡 궁: 則 東 屈 詩 也 而 氣 而 西 \vdash 饋 而 八 南 東 北 醓 羹。 味 菁 菁 食 豆 西 八 大 北 案疏 鉶 西 是所 之葵 相 即 菹 菹 雅 肉 又 爲 簋 注言之。 且 醯 が列っ 成。 陳 4 繼 朝事之豆。 汁 鹿 菁 屈 醓 궁: 而 繼 謂 疏 菹 之,又 也。 成 以 臡、 菹 而 醢 今 皆 之, 以 屈 錯。 蝸 屈 至 北 南 西 韭 茆 肉 也 又云 按 醯 菁 醢 鹿 ൬ 羊、 汁 菹 菹 謂 東 西 人》 臡 菹 也 以 至 是 醢 此 而 而 麋 韭 獨

陳于 壅,以 西西西 竹器圓 羊手牽之,豕束之寢右。 醯 饌于東方亦如之,東夾。 皆二以並,南陳。 羊,羊東豕,豕以 南,下同。 本,南麋臡,麋臡西菁菹,菁菹南麋臡。 西墉 陳。❷ 者,稻粱加也 茆菹、麋臡,易 八者,清、白各四也。 八八豆 在 陳也 瓦。 門西,門内。 東。 下,北 同。 上白 此米之精鑿 夾碑,在鼎之中。 黍,其東稷,錯。 醯,穀,陽也。 也。 兩 壺東 南 上 八壺,壺受一石。《玉藻》曰:●「酒清白。」 簠 北 , 韭菹, 其 酒不統于豆 爲東西 繼 上,西陳。 北 者,與 設于西序,北上,二以並,南 北牛。 之,粱在 六壺, 面東上。牛以西羊、豕,牛 豕西牛羊豕。 醢,肉, 爾。 門外米不同。 一,酳也。 東醓 十以 屈 西上,二以並,東陳。 西北上。 兩簠繼之、粱在 陰也。 四 北。 者,韭菹東醯醢,又東昌 醯醢 醢 鉶 西夾六豆 爲 , 屈。同上。 稻 六簋繼之,繼而 百 繼之,牛以 列,東西各 餼 在 筥半斛,十斗 米百筥,筥 壅, 醯, 醋也。 二牢,生牢。 設于東墉下。 南 簠不 一,設于 Ŧi. 特無 西。 繼 列。 南 簋 門,日 列,北 十籔日 0 0 日二三 致命。 日斛。 牢三也。

拜主君命也。 列。禾三十車。 輈,下同。 皮弁,迎大夫于外門外再 于門西西陳,亦三列。 百秉爲秅,三之則千二百秉。 黍、粱、稻皆二行,稷四行。 讓」。 廟,則 秉。 設于 人三揖,皆行。 上。 車乗 爲三列,列十車。 秉又五籔,則二十四斛 私館 大夫先升一等。 中庭,中 每 大夫不答拜。 有同又。 列一色,無上下。 也。 車三秅。丁故反,又疾加反。 賓揖入。大夫奉 庭 五籔。 有甕夾碑,此 皆, 並 薪 芻 秉,把也, 東陳; 拜。 也。 倍 揖人。俱人。 也。 日 門外 奉命而 音速。 北 禾。 至 大夫,卿 設 上,則上黍横陳之。 與 在 白門 碑南。 于 米三十車,死 Ŀ 于 各 〇十六斗日 來,賓不先道 乗字 六十 階 束 門東 而東,東西 也。 帛 讓 + 車。 别。 及 方文 再拜, 車 以 0 廟 賓 設 爲 以 北 四 爲

[「]玉藻」,當爲「内則」之誤。

^{)「}陳」,原誤作「服」,今據四庫本改。

重君 在西,賓至堂中,又少西,急趨君命也。 成 殊拜,重君之賜也。 命。 拜。 命也。 八升堂 賓降 受幣 大夫降,出。 階 堂 西 北 一, 再 中 面 〇此疑在升成拜之後 聽 西 拜 命。 北 稽 賓降,授老幣,以上 面 首 阼 ··, 拜 階 受于堂中,日 上。 餼 北面受,則 亦 大夫 大夫辭,升 如 西者 之。 東 南面授, 致 面 大夫 同 命。 致 命

受幣于 大夫止 拜。 日 對 夫東 初。 面 命 來也。 庭實設,馬乘。 則致 大夫降,執 明 賓升 面 出 日 楹 迎 退 幣 不從降, 賓致 間 大 東 有 賓 等,賓禮道之。 辭也 南 夫。 面 拜 幣。 左馬 面 俟。 使之 于 , 受者 大 北 朝 不言命,非 以 餘尊 賓降堂,受老束錦; 夫禮 面 賓 掌訝 南 出。 當 再 也 面 楣 拜稽 大夫從。 道之大門外 辭 則 賓送于外門 再 君 賓 許。 致 命也。 奉 者 拜 首 北 稽 幣 送 人 面,尊 首,尊賓。 升堂。 大夫 西 幣 揖 拜 面 大 饔 讓 外 致 亦 夫 ·; 大 對, 幣。 與 再 如 皆 北 奉

饔餼。

餼。 士介朝 米不入門,略 賓西夾之數。 介及士介,亦各服受之之服,從賓拜于朝。 四人,皆餼太牢,無饔。 如賓禮。 **芻倍禾。凡其實與** 七、羞鼎三、腥 用東帛致之。 牢。 右第五章,歸饔餼, 上介饔餼三牢,賓介異館。 門外米禾視死牢,牢十車,各二十車 服、北 皮弁出迎以下。 之。 西夾 面 下大夫禮 宰 一牢在 再 亦如之。 夫 凡二節: 拜 陳 朝 稽 東,鼎 , 殺于賓。 如上賓。下大夫韋弁 服 米 **儐之兩** 首 一、賓,二、介。 百筥,設于門外。 筥及罋如 受。 牽 七 4 上介韋弁以受, 飪 馬 以 無 堂上 束錦 致之。 \bigcirc 牢在 儐。 上賓。 以 之饌 Ŀ 明 西 歸 士介 H 介 二, 上 幣 牢 薪 餼 鼎

外, 者 太祖 急見之。 再拜 廟也。 賓朝 受問于廟,亦以重其事。 服 拜君 擯 問 者 命 卿。 出 之辱 請 卿受于 事 賓 ; 不 大 祖廟。 答 夫 下大 拜 朝 夫 揖 服 卿 擯。 迎 廟 大 干 無土 夫先 外 祖

餼

亦殊拜。

皆

再

拜

稽

首

亦皮弁服。

0

以

上

歸

賓

入,俱 上問 稽首 中之西。 賓 賓奉束 揖 「三讓」。 東 卿 面 揖。 不几筵,辟君 致命。 賓辭, 帛人。 賓升 賓降 每門 ''**,** 出 升成拜。受幣堂中,西 君命也。 等 ; 每 三揖,皆行,至于 曲 大夫降,授老幣, 揖。 大夫從,升堂 擯者請 大夫降階 説 見上。 命。 一西,作階。 及 庭 階 實設 北 廟 讓 北 無 門,大夫 面 儐。 面。 四皮, 聽 古文曰 再 命。 拜 堂 以

對,北 大夫 右。 實設,揖讓 面 如 立。 覿 雖敵 西 幣 擯者 面 賓當 以上賓 面 當當 也,猶謙,若降等。 出 賓 如初。 楣 賓 楣 奉 請 面 再 稱 再拜 幣 事。 拜 面 大夫升一等,道之。 庭 送 受幣 賓 稱,舉 實從,不先設,辟 幣,降,出。 面 大夫辭。 于楹 也; 見 也。 舉願 間 不 見之辭。 賓遂左。 南 言 大夫降,授 面,退, 君。 覿, 賓從之。 辟 大夫 人 君 門 禮。 西 庭

擯者出請事。上介特面,幣如覿。介奉

升,再 幣。 介面 中庭 者執 者反 門右,奠幣再拜。 以賓禮見,與觀君 人門右,奠幣皆再拜。 介升,大夫再拜,受。 立于門中以 、幣。 上介不致命,奉幣而已。 上幣出 拜送幣。 £ 一幣。 庭實設,介奉幣人,大夫揖 相拜,士介皆辟。 禮 士三人坐取羣幣以從之。 同。 擯者出 請受,賓辭。 大夫答再拜。 本降等也。 介降 請。 大夫辭, 皮二人贊。 拜、大夫降 大夫辭,命擯 衆 士 介面 老受擯者 介 擯者執 尤 介逆出 卑,故終 , 如 讓 儷皮。 辭。 上 如 幣 不敢 初。 擯 介 擯 Ŀ

拜。 則賓不親問,上介問 大夫,下經 上介,問 賓不顧 擯者出請事。 下大夫嘗 則 爲實, 小 聘 故 \exists 擯者 使至者幣及之。 減 問 之而已。 其 介 退,大夫拜辱。 賓出,大夫送于外門外 禮 而 如爲介。 用 上介朝 三介 三介,蓋下大夫聘爲 此問 亦問 服 大夫, 以上 且覿,曰 介 遂 問 一及之, 因 下 再

節 : 受,故禮殺也。 使大夫各以 其 所 謂三介 面 一,問卿,二,賓面;三,介面, 如 此 賓 ,各以其爵稱也。 即 面 賓之士介也。 〇以上問下大夫,右第六章,問大夫,凡四 其爵爲之受,實以君命問大夫,故主君 于卿之禮。 如主人受幣禮,不拜。 下大 大夫若不見,有故 夫如 四,問下大夫 卿 受幣之 禮 君 代

夕,夫人使下大夫韋弁歸今文作「饋」,下並

陳。 同。 清糟之總名也。 稻、黍、粱三醴各有清糟, 古作「醪」,又籀文「糟」作「醪」,是「酸」、「糟」通也。 並 籩、 禮 周 或以酏爲 也。 南 官》, 東,以上皆辟君饌位,下君也。 豆各六,實未詳。 禮。夕,問大夫之夕。此《周官》所謂「致飲于賓客之 壺注云: 后夫人致 無牢禮, 醴」, 醙 六壺 黍 此 |黍清、《説文》「曹」作「**蓉」、《集韻》「**酸」, 又與君異 飲皆 酏 應六壺,清糟 視豆也。 其天官 注 有 謂 此言黍則黍醴也。 醫酏。 釀粥爲醴 日,下君 加 羞所用與,屈陳之。 設于東序北上,二以 《内 皆二壺 面上; 也。 則 則清糟之外,又有黍 》三醴之下,又云: 則 堂上籩 不言醴者 止四壺矣。 二以並,東 豆六, 《内則》 設于 醴即 據

> 于朝。 束錦。 禮; 不及士介。 大夫以東帛致之。 酒,謂 粥 以酒言之,又經明言黍,似不當兼言稻 别 爲二 稻、黍、粱皆有清、 介從之。○以上夫人饋禮 上介四豆、四籩、四 |壺,故六壺與。 **儐之兩馬** 白、三酒六壺。 賓如受饔之禮, 儐之乘馬 無 醫 束 殺 壺,無酏。 錦 也。 竊 、粱也。 ○案: 明 謂此 日 致 受之如賓 注 皆 飲, 以 兩 恐不 醙 拜 壺 爲 可 白

致餼 注云「無粱」,存參。 衆介皆少牢,米六筐,未詳。或黍、粱、稷各二筐 稽首,受。老退,賓 後。 記: 筐,二以並,南陳。」其陳設未詳。 「凡餼大夫,黍、粱、稷筐五斛。」注: 存參。 大夫餼賓太牢,米八筐。 賓迎 再拜。 皆士牽羊 再拜送。 老牽牛 ○注云:在門外,牲 以 以致之, 賓再拜 致之。 「黍、粱各一 上介亦如之。 竹器方曰 以 二筐,稷 上大夫 筐。 陳于 下 四

Ξ. 存者、《饗禮》獨亡。《王制 \exists 響、日 公于賓壹 食、日 燕。 食 《儀 音嗣。 》疏: 禮 再 燕禮》、《公食大夫禮 「崔氏云:『響體 饗。 待 賓 及 養 薦 老 》,其 之 而 不 禮

之屬。 後,存 饗。 者,又 準 恩 據《掌客》「天子于子、男 食 主 朝 食,公有疾,及他 食饗,賓介爲介,從與食饗,故從拜于朝。 公食大夫禮 饗 意 君 也 爵 服 也。 響食等儀 有 有 又 盈 ,致之以 佘内 如 特 酬 加 而 .則》詳 致 聘 食 矣。 故 燕 不 義》 饗 談 飲 饔, 别曰 與 之,尊 據 洗如 之。 侑幣,侑食之幣。 謂之時 依 羞 故 無 周 酬 尊 不 俶 俶,始 響 官 儐 其 卑 上 能親 賜。 獻 則三者 影皆 爲 實 介 饗 獻 即 也。 也。 無 先 致 也。 賓 侑 饗, 常 取 饗 食」,此 儀 幣 謂 介皆 壹 數 數 此 節大概 使 以 響,殺 也 四 畢 上禮賓東帛乘馬,其 在 時 酬 大 食後 視天子之待子、 其 明 羞, 新 亦 大各以 幣 上 相 大 也。 物 日 禽羞 如 · 酬 略 似 介壹 注謂 拜 之。 無 偂 而 若 賓勸 己。二 常 于 少 謂 互 不 食 其 數,由 異 以 朝 鶉 相 酒 也 爵 親 壹 鷃 先 男 據 上 之

皆 也 如 其 日 公,見其非 君,而少殺。 若不親 大夫于賓壹 響,則 私交也 上 饗 介 公作大夫致之以 金食。 致 若 食 食若饗,二者用 以 賓問 侑 幣。 一觀如其 以上大夫食饗。 酬 君 幣,受與 其 故 一,又 響食 致 殺 亦

位

夫致餼;三,主君食饗等禮; 〇右第七章,聘 後饋 饗 諸 禮 四、大夫食饗 凡 四 節: , 夫人歸 禮;

上還 入告。 升自 入。帥,道之。 外,不拜; 夫,以事未畢,且 言中庭者,爲賓降節 爲右,受玉退立,示鄭重 左。 南面、故 故不受。 也。 玉。 受圭,並受,慎 君使 西階,與主人禮 此 賓 山楹内 **迟授玉後** 卿皮弁,亦以 迎大夫、還璋、如 卿 將去, 也。 皮 須授玉 大夫升自 即受賈人藏之櫝矣。 弁,還 禮 也。 也。 賓 重其事。 殺也。 也。 也。 自 别 賓 退,負右房 碑 玉 授上介于阼階東。 降 大夫降矣。 西階 于館。 自左,南 内 帥古文作「率」。 自碑 賓皮弁襲 初 聽 人。 鉤 命 内, 玉,聘 上介出 而立 楹 聽 初,謂 大夫 面 東 命于下,敬 南 迎于 圭 面,不 還 降 重器 大夫 也 南 面 圭。 請 中 以 面 外 重 上介 送大 東 Ħ. 0 請 庭 以 以 門 以 西 爲 而

紡絲爲之,以 賓裼 遺聘 迎 大 君 夫, 爲 加 賄 幣 用 禮 束 玉 紡。 禮 賄 禮 聘 與 君 人 財 所以 也 報 紡

三八

大夫出,賓送不拜。以上報享。也。玉用璧琮,亦如享。束帛,乘皮,皆如還玉禮。

賓館 己,敬 後。 拜,餘俱見上,此總結之。 問大夫,送賓,公皆再拜。 曰請命,不敢斥尊者之意。 勤,且謝聘君之意也。公朝服。 公退,賓從,請命于朝。 也。 命。 公館 賓,賓行之先一日,親存送之,以賓將去致殷 不見而 亦 出 外 \exists 車 辟 者,君至門外而不見,若辟者然。 前聽之。 〇此錯簡,當在正禮畢賓不顧之 公辭,辭其拜。 聘享,夫人之聘 賓辟,不敢當主君之見 送賓時, 此拜主君之舘己也。 惟問大夫不言 賓退。 以上 享, 上

○以上拜禮。 ○以上子之, ○し上一

受于舍門外,不入門,又無償,禮殺也。如受勞禮,。遂行,舍于郊。公使卿贈,如覿幣。贈賓。

面幣。 無儐。 介,如: 無儐。 禮,凡四節:一,還玉;二,報享;三,舘賓; 其覿幣。 贈上介,亦如之。 士送至于竟。以上贈送。 使下大夫贈上介, 大夫親贈 如其 亦如之。 使人贈衆 右第八章,將行之 面幣,大夫贈賓。 四 使士 介, 如 贈 其 衆

也。 謂不加于皮上也。 各隨其庭實而 尊,故皆陳之。上介公幣陳,他介皆否。 于朝,報贈諸幣也。 行道日久,恐罹不祥,故爲此祭。 請而後反,臣禮然也。 東帛各加其 介卑,以次漸略,其所受幣,亦載以造朝, 公幣私幣,皆陳,公幣,君之幣,私幣,卿大夫之幣。 禳乃人。此人竟也。禳,祭名,蓋禳之以 使者歸,及郊,未入竟。 加于其上也。 庭實,皮左。 公南 亦布幕,如夕幣。 朝服 鄉。 皮左則馬右,與 載旜。 庭實,馬及皮也。 亦宰告,公出 乃人,人國也。 請反 將入竟朝服 西上; 命。 但 夕幣微 不 陳 朝 郤灾咎 在外有日, 1: 服 各加 不 别。 一賓之 介也。 陳 南 告 也 鄉。 者 幣 注

稽首;

拜公之嘉命也。

公答再拜。

私幣不告。

陳

也。

〇以上反命。

之可也,告則瀆矣。

君勞之。再拜稽首。

君答

再

享某君,某君再拜。」明不辱命。 君,某,國名。 賓。 必 卿 拜,以享于某君夫人,某君再拜。」執 賄幣 以告,曰: 夫人之别也。 夫人之聘亦賓事,而上介爲之致者,明賓介並命,且見君與 亦同面。 某君使某子賄。」某子,賄者姓也。 《進使者,●使者執圭,垂繅北面", 立于其 ○疏以爲裼, 悮。 受上介璋,致命亦 注:「致命曰: 某君受幣于某宫,某君再拜。 左。反命,曰:「以君命聘于某 上介執璋,屈繅,亦不敢同 以君命聘于某君夫人,某君再 如之。 宰自公左受玉。 此賓告。 致命,反命也。 如受時 授宰。 執 以 圭 于

盡言賜 即 禮玉亦如之。 而 執禮幣,主君郊勞初禮賓之幣也。 始以概終也。 汝 也 呼而 善之。 由勞至贈之幣不勝執,執初幣而以次數之, 公曰:「然。 注:「告日 授上介幣,將拜,故授之。 某君使某子禮。 諾之。 言則執此以實之。 而不善乎!! 宰受之。」 再 以 拜

> 于賓也。上介之幣,如饔餼之東帛之類。 拜。 賜臣下言之。 也,故别言之。 君,亦無私交之義也。 異之物,在覿幣之外。 君勞之。再拜稽首。君答拜。 若有獻,下記云: 上介徒以公賜告,徒,空也,謂不執,略 君其以賜乎?」不必當君所須,故以 時彼君亦有私獻報賓、賓歸乃獻 則曰:「某君之賜 既覿賓,若私獻,奉獻將命, 勞士介,亦 如上賓之禮。 也。 特賜 蓋珍 之己 如 别

之。 貴有終也。 之。 士介不告賜,君即勞之,略也。 拜稽首。 上介矣,士介不陳不告,亦言賜者,報幣有數也。 幣,使者再拜稽首。 陳者,臣之禮; 乃退,揖。 乃退。俱退。 賜者、君之惠也。 揖别。 諸禮幣,本彼國賜賓之物,故 介皆送至于使者之門, 使者拜其辱。 賜 君使宰賜 介,日 介,則不特 介皆再 辱爲介 使者 仍

釋幣于門。祀門設主于門左樞。出言行,人言

●「卿」,原作「鄉」,據四庫本改。

行釋幣 門 行 者,從者,家臣從行者也。 正 也。 祭。 者,反其居也 酬 人 \exists 以 以以 舉 薦 陳 歸 E 者 爵 釋奠 歸 脯 次 祀之禮 略 相 醢 將 其 略 酬 獻 禮。 乃 酢 出 至 從 而謹 至于 于 禮 右 者也,不用解,亦 席 成。 徧 第九 入也。 于 禰, 主人以所舉爵獻之,勞之 三 乃 作,酢 章,歸國 筵 獻 出 觴 几于室,薦 酒 主人不于室者 室 之禮,凡二節: 上介至, 陳。 老亞 異 于 獻, 祭。 此主人一 士 脯 亦 獻 異 獻。 醢 也。 從 如 獻 于 往國喪。

受也。 生,故 之受。亦受強,省文也。 命委幣于殯而已,子不爲之主也。 告則反,否則遂入。 飱、饔餼、饗食燕之屬。 無主也。 象生時 聘 不賄,不禮玉,不贈。 遭喪,主國 所設,不别設几筵也。 不禮賓。 不郊勞。 君 朝夕之資,不可廢也。 死 喪故不禮。 受之以資朝夕而 也。 子未君也。 入竟 不筵几者,初喪不忍異于 不受于太廟者,子未入 並以 主人畢 則 喪殺。 遂 己 不筵 也。 賓惟 響 歸 食燕則 遭夫人 几 歸 禮 饔 人未 餼 致 如 不

之喪。 冠,不以純凶 廟,大夫,卿也。 世子之喪,君不受,不以凶即 冠,小祥之冠也。 大夫攝主人也。 將命于大夫, 濱者。 接純 長衣與深 吉也。 大夫爲君斬衰,夫人、世子齊衰,此去 其 他 如 此蓋以補上文所不及。 衣同 遭 君 制 主人長衣練冠以受。 喪。 吉也。 惟 袖 長 遭喪,即上三者 使大夫受于 0 爲 以 一衰易 Ŀ

在堂。 于此。 也。 君 人則 事 嘉禮又不可以 不受饗食。 若,蓋主國未 者,尚未至也。 ,則當長 反奔 食 聘君若薨于 升自 不 衰于館 可 衣 廢 赴者 得 練 西 凶 故受之。 赴 赴, 冠 一服臨之,此出 不可 階,不 則 未 者 故 與 ,後,遣は 哭 至,赴,告 至, 攝 不 以 敢 主 于 升堂。 M 歸 則 純 同。 服 巷,館之巷門,未爲位, 執 使 當以自 X 出 衰 後薨。 也。 也 也。 惟 圭, 而 子 稍受之。 舘至朝言。 使 出 受 其聘享之事,吉 即 復 者已得 禮 人 案 人 位 命 竟 謂 一、哭位 于 則 竟則 告 若入 殯 稍 遂。 其 其 餼 遂 如 廩 而 服 故 赴 不 而 未

哭位 位 ; 哭。 上遭聘君 反 反 襲經于序東 奔喪》, 命 命 朝夕哭位 門 西 亦 也 有 右,即 鄉、哭、成 北 皆哭者,痛君之不親受也。 告事 惟無勞爲異。 哭 喪 鄉此 盡 不同。 ,絞帶,反 ·, 宜 哀,袒、 位 云人者,行奔喪禮,進 踊 清 踊 出 静 括 彼 也。 位。 子 髪,在 位, 哭位。 子禮 袒 臣 辩 此 皆哭。 括髮。 亦然 **與** 内。 復 此 命, **奔** 此 與 異 但 愐 出 也。 介入, 異 喪 括髮,詳《士喪禮》。 臣 如 近 者, 其 亦在 聘。 殯 又《奔 處 臣 也 所爾。 阼 位 降東序, 北 如 階 不 喪》云 新至, 鄉哭。 君 下 在 〇以 西 在 内。 即 故 之 面 亦準諸此

之嘉禮· 不敢 而 歸。 上 稍 則 介反 成服 如 行 存 前 以私喪自聞 見 若有私 參。 也。 命 而 星 也。 後 歸,使衆介先,先君命也。 前 行。」 ○注云: 衰 舍。 而從之。 喪,父母之喪。 一行聘享禮,則使上 注云:徐行,與奔喪不合。 于主國也。 聘 使則 ❶行禮皮弁。 徐行 奔喪日行百里。 衰者,《奔喪》云: 也,今使者從之,則衆介之行 則 介攝之,不敢以凶服 存參。 哭 于 據此, 不響食。 館 父母之喪,見星 又云: 則人國 「若未得行 衰 而 反 亦使 亦受 命 于 居 君 乃

亦疾矣。 介率衆介反命可 入國,既 也。 不 可 〇以 以 衰服 上私 見 喪。 君 又不可 經不言介之私喪, 易 服 而 往 使 概 E

君弔 之外。 也。 之禮。 命,以 而已。 不可 君,縱有臣子姻親,不爲主也。 喪用所需,❷介則如故。 人,主國之君。 士 介死,爲之棺歛之,不言殯,亦殯也 ·以一人而廢邦交之命也。 受饔餼而已。 卒殯。 介接聞命也。 賓入竟而死,遂也。 不 按經明言殯,則不止於飲矣。 介卒復命,卒,畢也。 辭 者 視殯畢乃去。 具,自始死至殯所當用。 以 反命當陳之也。 歸,介復命,柩止于門外。 君弔,介爲 介受賓禮, 若大夫介卒,亦如之。 主人歸 主人 出,奉柩送之。終之。 人 主 竟則 不 介攝 人。 爲 饗 無 ○按疏云: 禮幣,必 聘 之具 食。 辭 其 事 介與賓, 命。 已 也。 而 聞 爲 君不弔 于 殯 喪 以 歛于 代爲 受賓己 並 主 外門 主 用 命 君 故 棺 主 于 致

「注」當爲「疏」之誤。

0

❷ 「用」,四庫本作「服」。

聞命。 焉。 乃 既 死,士介。 于 歸。 復 棺,造于朝,體死者奉命之心也。 士 命,往,已爲之長,又同事之義,不忍恝也。 一人死,餘不反命可 卑。 以上賓介死 歸復命,惟上介造于朝。 若賓死,未將 也 命,俟間 若介 死 介將 之後。 雖 士介卑,不接 命。 士 則 介, 若介 卒 既 殯 賓 歛

也。 郊勞。 右第十章,言禮之變,凡五 諸 人不筵几,不禮。 侯、卿、大夫、士爲國客,則 三,私喪,四,賓介死, 此 小 注以如介爲聘之上介,則與彼别 其禮如爲 聘 日 問。 介三介。 不享,有獻,不及夫人。 面 不升。 五,小聘。 節 : 如其 一, 主 介之禮,謂 禮,饗餼之屬。 覿 也。 或 矣。 之喪; 曰 從君爲介之禮 面、略之。 〇以上小 二,聘君 掌客,凡 聘。 不 主 之

交,歲 也。 言「比年小聘,三 如 相問 元年 案疏以此 記 也 聘,三 久無 殷相 年 爲周 年 聘 大聘」。 事 問 也 禮之殷 則 四四 世 相朝 聘 年 又《大行人》: 聘, 又聘, 焉。 也。」歲,間 據 六年 聘 注 義 : -又問。 事 炎 「凡諸 歲 也。 ≘ 王 謂 四年 侯 制 盟 殷,中 之邦 會之 之 並

知所 宰 館 加 内人稠,不能審悉,故不讀于内。 臣與客至治事之所議之也。 諸門外。主人,主 編連,不及百字,則一板書盡也。 \Box 《春秋左氏傳》,魯自襄二十年聘齊,及昭 聘,恰 大夫以其 氏》云:「古文篆書,一簡八字。」此百字以上,故 策,簡也。 書,將命,百名以上書于策,名,書文,今謂之字。 制,亦不得謂之中也。 如齊殷聘 何 賓,書 于書 策。 論 ·, 問 聘 有 在兩問之中,故彼注以殷爲中 道路遠近,故問,抑 不及百名書于 事無事? 幾 問 明 尚疾也。 以竹爲之,一片謂之簡,編連謂之策。 蓋 月之資。 東帛反命于 日 相 隔 君館之。 此 二 十 君也。 語疑 既受行,受命將 古作齎。 一年。 若有故, 末世之事,如? 行用之給否,亦 方。 自 讀者,内史也。 館。 讀畢、又讀 是則 行之前 方,板 ○資,行用也,此使者 未確。 主人使 爲書 也。 則 所謂 也。 卒 《大行 行 報之,亦 H 于門外者,使 久無事 九年、孟僖 但 客將 聘 所 ○案: 以木爲之,不 人與 聘 報 出, 束 人》 既 不日簡 計 服 帛 有 歸 注謂 以 明 疏 遂 客讀 注《左 非 定 束 子乃 日 所 見 期 使 加 0 未 即 帛 在 其 古 引 而

Iffi

言之。 也,制 與《雜記》「贊大行 左右各剡上寸半, 圭 采韋布,衣板 酒,蓋受阼之義。 門左,疏 行祭之名。 謂「咨諏」、「咨度 事,使者卿 三采六等,朱白 Ë [繅。 Ħ 謂 與 朝 君 故其祭不同。 繅皆 見上經。 同 君時, 此享禮瑑、圭、 問 九寸者, 繅與 臣 所謂 位 謀 諸侯,問 也 他 既 密,使者不 九寸,此以公之桓圭,概 平. 與 以 ,則知之審矣。 卿 出 承玉,日 日適道路之神也; 釋,釋奠于載也。 介同位,于 也。 也。 或 處 」説同, 門, 一首鋭 圭等也 者亦于此餞之。 祭酒 , 亦 璋、 日 古同輩亦得日 知,故問 乃 朝者、别之、且問 藉。 璧 聘也。 但 也。 祭 每 脯, 經義似尚未合。 壁圜 琮之繅,故與玉皆八寸。 先 藉亦 使者既 色二行,故采三而等六,此 以采組繫圭于 厚半 行 之。 乃飲 朱 五寸不剡 案 : 九 者。 此 緑 寸。 竊 寸 則 朝。 受行, 所 酒 上經釋幣于行, 疏 謂 繅 五. 釋 道已經,《 博 以 于其 剡 瑞之玉 以 · 軷, 軷, 經 八寸。 0 則 爲 藉,垂其 言 朝天 出 案: 三寸,繅 上 此 Ш 日 君 祖 4 側 惟據 也。 行 注 與 詩 朝 二色 半, 子, 道 軷 卿 疏 餘 祖, 》所 同 0 圭 用 飲 路 在 謂 壤 啚 也。 案: 也。 義 主。 則

每

位

注

 \Box

圭

陳于 馬也。 皮馬。 命不 何? 尺、 中,又戒此二者。 説,音悦。 又諸侯享于諸侯、天子,並用瑑 俟于郊,注: 訓繅藉組繫,多未分明,故易之如此。 **豫** 圭 言 問 繫之固矣。 之至 雜采成 諸 受辭, 朝 爲 絢 辭多 姑依注解之,而存此以備 幣言肆,此言齎,互文。 侯朝于天子,及 組。 即 肆,肆,陳列 齎,載以行也。 諸 也。 0 命有 曰辟君 則史,文勝質則史。 文日 侯,互相 孫, 此 繅爲繫之餘,故可垂可 宰夫載之,待于郊。 定, 言 承上二者言。 絢,即 順 于 辭 别 也。 辭 備 應 也。 芍 陳之可 無定 玄、 自 經第言皮,此有馬者,庭實非 也 事 説, 足 相 之宜 必 纁二色,雜 也。 朝,并 和 陳列之者,不夕也。 以 皆 矣。 也。 〇案: 繋,謂 圭璋。 爲 達,孫 玄纁 説。 少 孫 使 不于朝付之者,辟君禮 俟于 資辛 極 大夫聘 則 屈 而 命 此 以 絢 辭 此 至 問 繋、長 也。 組 説 郊,其去 不 無 説。 成 幣,當與 命 也 無 大夫之幣 常, 面 達 。 文 圭言朝天子 ○案: 繫圭于 常,使者受 也。 又 並 孫, 以 辭 直亮反 能 用 孫説之 私 順 君 音 又 長尺 達 曰 命 藉者 説爲 交 禮 皮 注 遜 也 圭 並

乎? 迓。 訝。 則可。 ○注 事 然。 也。 0 也。 浴髮也。 家,故以次皆降一 館不足,則館于私館也。 之賜,則辭之。 夫館于士,士 非 非 也)案:主君之惠,何論重輕? 降 禮 謂 禮 沐 此疑有悮。或云:此反言以見致飱之必 飧不致,賓不拜,凡不者,注謂草次饌 訝 亦士也。 館于其廟。 賓 管人爲客三日具沐,管人,掌客館者。 朝覲 也 也 浴 五日具浴。 等者,以 即 敢 敢 而 く。」解答。 一解, 館 食之。 聘問之日所使訝賓者,經 固以請,乃答之也。 此 訝 掌訝 館 等爲館也。 按: 須道之。 于 辭 將 經文,蓋卿大夫爲之, 廟非館 致潔,尊主君之賜也 工商。 不受也。 疏謂皆賓介語 沐浴以致潔,三日、五日 不館于敵者,卿尊,不應館于其 公命,此 大夫士訝。 工商,其庶人在官者與? 賓之地,如經受饔餼于此 沐浴而食矣,又何 此 敢,不 私 卿館于大夫,大 掌訝 館 敢 蓋主國或有非分 也。 也。 「訝 也。 而掌訝 賓于館 或賓多,公 將,奉 士: 拜 卿 對 具 爾。 惜此 皆 大 輕 日 其 主 也。 也。 沐 有 是 夫 : 其 或 拜 節

> 謂隨 之禮然也。 行 升堂讓,後升。 圭 也。 少退于君之次。 廟,故凡事主之。蓋掌次供之,此乃授之也。 之厚也。 幣之四享幣也。❶ 以 訝 所奉之命、掌迓職 授次,聘日門外之次,宗人掌宗 又見之以其摯。 步。 如 聘 以 此無聘君之次、蓋以相朝 玉 重 可 其 存參。 一所向 聘 也。 摯。 如不克也。 用命圭,一 實既將 蓋一 授如争承,承,接也,謂 四 禮尚往來。 心于重器之義。 器, 將授,志趨,授,圭 享而日 》所謂 注謂 君之次者,兩 公事 奉命待事,故見之。 圭而已,不得云惟 授賓。 「次于舍門外,待事于客 聘,因聘 圭、璋、 凡 聘享問 時設次之地 四 賓人門皇; 廟、不掌次、以 而享也。 璧、琮,蓋《小行人》六 器 ○注以 君相 正禮 者 其 朝聘 也。 如 言 、所實。 畢 志爲 以摯者, 唯 曰所寶,見享 與 次以 也 人争 趨 君 其 上 念 莊 受聘干 亦 宗人 所 復 向 是 接取 相見 有次 謂 帷 也 執 寶 見 也。 審

❶ 「人」,原脱,今據《周禮》補

堂主 鴈。 揚 門 物 上,入門以 且 衆 情 身護之,故取 也 舉 怡 氣,至是舒之。 退 君 人,不並行 如也 重勞 足,自安定乃趨 送 一行,承 介北 屈 故氣爲之舒。 重 IE. 也 私 失墜 舒 慎。 也 焉 。」再三舉足又 鴈 君 覿 也也。 面 君 謂 人 也 西 鵝 也。 愉 容色復 敬 蹌 象焉。 爲 曲 還 門 也 怡, 則 愉 下 身 左 焉 下 不 皇 而 容 而 必 者 焉。 階 如之, 和 故。 則 先 如 後 慎 行。 耐 所 及 謂從 也。 設 一發氣 慎 上 送, 言執 退。 之者 謂 享 升 者 容 執 也。 謂 趨 如 人門左北面 貌 先 則 ', 發 論 謂 威 享禮,有 玉 圭, 入門 恐失之。 君 \exists 也 又 和 語 怡焉; 聘 之儀 儀 臣 没階當趨以 又 初 加 敬, 禮 自 氣 禮 鄉之,及還 謹 然 畢 皮 則 也 甚 容色 焉 降 而 也。 人 馬 人 而 時 于 鞠 發,舒 降 盈 物 時 享。 門主 有 也。 左先,皮 等,逞 也 相 躬 有失墜, 凡 容。 亦 君 示敬,必 行 間 授宰 趨 不送, 也 列 蹌, 焉 庭 出 盈 矣。 顔 , 升 敬 也 可 享 容 實 如 盛 鞠 色, 玉 馬 必 再 堂 敬 圭 巾 貌 升 也。 及 隨 皇 舒 西 舒 曲 怡 屏 乃 達 曲 如

> 貨以凡 時實襲 藉 故裼。 「爲」。 禮,禮 掩其 横于上。 薦 廂 拜 財 也。 代 此 脯 謂 0 誠 悮 意。 聘 也 Ŧī. 東 執主。 幣言。 無藉 凡 敬 其 賄 也。 序。 時 膱 祭 執 幣 餘 或 也 故 醴 詳 謂 禮 皮 美 ○案: 賄 玉 \exists 德,誠敬 皆 瓦 或 則 圭 若 再 不 傷 鄉飲 無 財 東。 大 璋 馬 足 私 扱 拜 藉 相 三禮 特 也。 掩 音 覿 幣 之德 義詳《 至。 其禮 酒 達 代 者 則 藏 太。 也。 惟 注多 禮》,下同。 美 拜。 襲。 在 無 也。 《聘 意 賓 則 東。 士 加 賓 以垂 也 以 醴 幣, 冠》。 藉謂 禮 邦交誠 没 之 君 瓦 多 尊 繅 主 言 賄 禮 幣 命 太尊 束 一于質 貨 爲 祭半 始 于 來 帛 在 敬 無藉 賄 惟 則 扱 東 加 幣 賓 非 聘 爲 馬 故 壁 傷 膱 以 以以 箱 主 自 于 餘 屈 襲 出 束 至 横 有 主 于 則 貨 依 柶 繅 帛 箱 于 之。 當人 謂 扱 故 爲 如 注 多 德 文 言 則 百 有 之 作 醴 聘

廐

間

0 有 原 誤作「無」,今據四 庫 本

而

祭

祭,卒再祭。

主人之庭實,

謂

馬

則

受之。 私也。 正主。 降亦 拜。 大夫無不及,下大夫惟嘗使至者及之。 受,負右房而今文無 自 君不見,與經 弟之國則問夫人。 獻 再 後所獻者。 馬,主人牽馬者從出 主 上經介觀禮同。 下聽 拜稽首。 人 ,舉以入告,出 降。 有事于己,故必先申主人之意也。 儐者 遂 幣之所及,此謂下大夫。 擯者入告,出禮辭。 經:「從者訝受馬。」既覿,賓若私獻 命,賓將君命,故堂下聽之。 以 奉獻 此儀如 立于 出 由東面轉北面再拜。 「不親饗食」義同。 , 經 : 將 還玉 閾 擯者授宰夫于中 此 命 禮 禮 外 所謂 承上文言之。 惟 賓畢, 請 而 以 賓大夫易處 雖己物 受。 「遂以出」也。 相 賓執左馬 立。 拜,亦中門。 賓東 賓固 ,猶以君命將之,不 使大夫受。 言及,有不及者。 擯者東 近西序南 爾。 問,猶獻也。 皆勞,在 面 出。 得 自 辭,公答再 庭。 賓之士訝 坐 聞者 不 西 注 一,奠獻 面 禮 若兄 賓辟。 面 階 謂 既 亦卿。 坐取 賓 朝 升, 餘 請, 賓 若 聞 上 辟 敢 覿

車掌車. 器于大 《曾子問》天子諸侯將出 其賜 廋所求反。 即埋之、未聞奉之以出 以 服,言其速也。 固 日 以祭,故假之于大夫,以 某子。」如饋食之禮。 祝不出 昭 據《左氏傳》孔悝 也。 孝子某,禰廟之稱。 日 則 示 問 其概。 ○案: 也。 昭 某子某子。 大夫。 頒 故以僕攝之。 祭穆則穆,據 夫。 肉汁有菜曰 肉 疏云:「大夫士無木主,以幣帛主其神。」此據 下云「如饋食」,故用飪, 車。 及之,則 聘不以祭器行,歸罋鼎 賜饔,惟 古文曰 「反祏于西圃」,則有主矣。 不釋服。 此 羹。 頒 其 此,則實以子弟行也。 也。 薦嘉禮于皇祖某甫、皇考 祝 胙 其分相等也。 必以 問 上 此六鉶 也。 曰:「孝孫某,祖廟之稱 羹飪 夫人」。 可 不言少牢者,以用太牢。 筮 朝服 知 幣帛告 夏官廋人掌養馬 一尸,若昭 矣 飪, 也。 也。 若用腥 夕,夫人歸 聘 廟,遂奉以 飪 退朝 胎音班。 俎,又用 牢 日 不 止 也。 即 致 ,則朝事未盛 又上經釋幣 若 僕 往,不 于 器,不 出 羹, 祭先, 穆。 爲 春 肉 言之。 官巾 舉 待 禮 祝 假 明 及 築 可 祭 此

禮也。 百 菹 禮 凡 敢 饔 服 宗廟之美,百官之富。 歸 以 或 既 面 脯 為羞 主國 即 致 辭,君 ,歸 大禮之日,饔 致 鴈 無 朝 下門,其偏隅 醢 蓤 上 禮皆用其 前 饔 牢 餼 留 凡 交、栗 服以 經夕「歸 也。 中,間 笥 之, 而 H 惟 獻 旬 初 菹 린 、觀,敬 用 如 則 謂 禽 脯 而 爲之辭 也。 致 響禮之篡豆 魚 其 禮堂上籩豆 羞 無 稍 禽 廩 醢 也。 響之加籩 醢 有 饔 間 餼大禮。 食以 十 日 饔 門, 俶 人加 日 請 餼 執 此 0 矣。 者 獻 如闡 諸 資朝夕。 注此、 請于公。 之數,日 一雙,不 爲 豆,芹菹 無 侯 比。 故 一六」是 雙,以將命。 旬 門與。 既 禮 此二 儐 宜 云 豆。 賓留 受饔 在 日 日 故 比, 也。 兔醢 句 宰 五雙。 訝帥之,自 凡 禮 凡致禮 用 此掌客 + 倣 雙者,一 宜 各以 夫 未 六 籩 餼 Ħ 在 也 日 與。 盛。 深 人加 始 爲 皆 「問大夫」下。 士中 下。 委其 蒲 其 所謂大夫致 請 謂 IE. 歸 雙不足 夫 謂 籩 大夫不 其 醓 或 觀 爵 乘 凡聘 人 數 餘 士: 下 日 醢 蓤 有 致 禽 芡、 等。 無 門 故, 朝 于 則 皆 禮 箈 觀 爲

得 夫畢 視君 士介。 禮 言 也。 然 賓, 皆然,重賄者 國,無他往 明言用饗之加 故 也, 爲 拜 用 主人代公獻。 禮 筐,器寡而大,略 ,第有籩豆,本與此記合乎? 致 也 小小 賓,賓爲 于 經聘 謂 多 即 餼 禮、不當 加 朝,訝 存 爲榮 殺其 君 請 籩 凡餼 時實致 問。 案: 豆 與 · 必 也。 也。 君 ,聘君之意專,不可 請 混 謂 **邊**豆 注 寡 苟 聽 ,餼賓介。 百 反幣, 無 者,謙不 其 命,公左還將拜 加 궁 筐 主 敬。 之。 君 日 實 爲 行 也。 社 則 Ŧi. 也 拜 經 致 則 稷 且. 其 子 斛。 所 敢 詳 拜 禮,謂 亦 君 既 非 重 大夫黍、 故 白專 賜 實于 謂 《燕禮 饗有牢,不 將 致 命 並聘享之。 以 也 賄 君用 餐明 禮 公事 君 也。 之辱。」「 罋 , 擯者乃釋 君 反 玉 無饗者無 無以答之,且 • 不 筐。 稍 筥 矣。 記》。 命 幣 主 親 束 不 粱、稷,大夫餼之, ", 器多 拜。 國則留之。 應第言 響 帛 竊 在 又況上 謂 宰 以 無 在 乘 寡 請 而 此 君 經 燕 行 酬 皮 寡 夫 小; 饗禮 君, 辭。 籩 歸 言 以 謂 使 也 經夫人致 幣 則 豆, 獻 小 致 者 致 專 此 社 在,存 子, Ŀ 凡 大夫 問 況 君 亦 凡 聘 其 稷 介 賓 謂 以 聘 爲 謂 記 此 大 此 禮

饗食, 饗之。 帛。 其辭蓋曰:「子將有行,寡君敢拜送。」「君 貺寡君 拜。」拜者,所謂 罪 罪于主國之理? 視致響爲殺矣。 者,亦仍以幣致之也。 大夫來使無罪饗之;罪,謂失禮之大者。 人不拜。 致近于私交,而館 據此贊辭則拜矣。 謂大夫。曰君貺延及,則賓 及一二一老,拜。」此贊拜問大夫之辭。 者贊拜之辭也。 則 執 過,失禮之小,亦 所以愧厲之。」則其 以酬主人、公館、私館皆然。 或 非古法 客不可 兩言不,爲其難于授受,故權而行之如 也。 ○案: 以法 又拜送。 日 寡 人又不可不酬,故變于常禮如 罪、曰 賓 君拜君命之辱 其 懲, 《聘義》: 致饗 聘君遣使,必慎擇而命之,豈有 于館 介爲 解不 故 過,不過行禮之悮爾。 也 稱君命以 以 注云:此當承上君館之下, 堂 介。 云 響不響示之意。 「使者聘而悮,主君不親 而 君 楹間,釋 \exists 賓不 也。 有 餼 注:「饗賓有 請 故 則 也。 此聘享夫人,擯 也。 致,無 貺,賜 生 經不言 致 四四 過 饗, 此。 也。 其 然不 注謂 君 皮束 則 牢 謂 命可 此。 拜 老 餼 主 延 禮 尊 響 有 獲 親

> 斗。 十秉 秉」是也。 廟,不 此四秉之謂也。十筥曰稷,音總,古文作「稷」。 疑有脱闕。 十六斗曰籔,十籔 並行禮也。 先至者當先畢之。不饗食,不親。 實行敵禮也。」有大客後至,大國之使。 **秅**,則千二百秉,三百筥,三十稷也 也。 此上經一車之米數也。 爲神位殺 十 與十籔之秉別。 唯大聘有几筵。謂受聘享時,小聘受于 四 稷 秉曰 也。 日 秅 筥。 + \exists 斗 四 秉。 萊陽 刈禾盈把日 日 車秉有五籔,其數 百 斛, 秉 十六斛。 有刈稻聚把名爲筥者、 斛、籔、 爲 致之。 「乗**、**《詩 秅。 二百 、 秉,皆 則 尊卑不當 》一彼 如此,此 先 經車 四 量 0 有 也 + 禾 四 遺

儀禮章句卷第八

仁 和吴廷華章句

禮。 詳《士冠禮》。 聘之大夫,未盡 大夫,則士介無食也。 也,故統言之。 稱。大夫,聘使。 豆、六豆之等,其禮則 公食大夫 蓋以禮食賓介也。 也。 賓 禮 大聘 第 食再 食屬嘉禮,當第十七,第九說 使 九 上、下大夫,禮有等殺,如 而已。 《聘禮》不言食士介,此又單言 卿,小聘使大夫。 饗,上介一 食音嗣。 鄭《目 〇公,主國 食 録 》第以 響,即 卿 爲 亦 君 食小 經八 大夫 之通 此 非, 食 器。 者。 定。

辱。 之」,則本日戒也。 公食大夫之禮: 辭許之,乃 上介傳語 出 也。 各以 山外門外 以先既受賜,不敢當。 其 ,拜君命之辱,亦朝服 爵。 使大夫戒,據下云「遂從 上介出 請,人告, 賓 出 大夫 拜

禮

不答拜 之。以上戒賓。 大夫還,復于君。 將 命。 將 賓不拜送,從之,故不拜。 猶 致也 賓再 拜 稽 首。 遂從 受命。

即位 也。 主于食,不獻酬 設筵,實,户西南面。 挹于匜,而棄水則在槃也。 匜,以支反。 鼎,一太牢。 正聘,則皮弁服也。 鼏,鼏,若束若編。 》禮賓、公親受几。 注: 匜,似羹魁,柄 廟門外,以 即 賓朝 甸人陳鼎七、《周官》甸 位具。 設于阼階東南。 ○此爲公盥設也。 服,朝服拜命矣,此始 當門,南 待事也。 擯者即位大門外,卿、大夫、士及宰夫之屬 飲酒漿飲、飲酒 中 即 有道,以 此 公, 作階上西 位于大門外 先設,則 設洗如饗。 面 具,饌具,下「陳 小臣 小臣掌沃公盥,故具之。 西 沃盥澆手,蓋貯 上,設 槃、盤槃,以承洗者棄水之 不 具槃匜,在 人供薪蒸 親 云朝服 面。 授 神 如 先響後食,如 高、今文作「鉉」。 禮 īE. 鼎 加席、几。《聘 聘。 者 四 殺 故陳 」等是 趨 飲 水于罍,以 也 東 即 中 君 鼎 -之清 位,即 命 堂 無 也。 新之。 尊。 下 其 酒 羹 近

儀禮卷第九

東房。 以 漱 口 非 凡宰夫之具,篡豆之等。 獻 栅 之酒 也。 漿,六飲 之 一, 饌 載漿 于東房。 也。 俟 以上 于

〇右第一章,食前之事,凡二節:一,戒賓,二,陳設

賓升。 在祖 每 之。 西面拜辱。 大夫,謂上擯。 曲 揖。 賓從。 廟,注以爲禰廟也。 公如賓服,迎賓于大門 以上迎賓 至于階,三 賓辟, 每門每 賓 入門左,入門以西爲左。 再拜 曲 揖。 公揖 讓。 稽 及廟 首。 人。 公升二等,爲賓升節 門, 賓北面。 先道。 内。 與受聘同地,亦 大夫納賓。 賓 公揖人,道 公再拜; 入三揖, 當

面

之東。 上。 即 以 小 遥當夾。 諸 爲内宰之屬,疑即 臣 侯内宰,未然 宰,冢宰。 東堂下, 大夫立于東夾 内官之士 西 面 日南 北 南 上。 内小臣 介門 在 上者, 面 宰 西 南,東堂上也,或 西北 士: 東 也。 膳夫,其屬也。 上。 立 北 南 于門東, 宰東夾北 上者, 奄士 面西上。 西 面 南 東夾北,蓋 云: 北 四 上。 以上即位 人。 面 在 西 内 東堂下 西 〇疏 面 官 北 上。 南 注 階

> 至此 趨君命。 拜于階下。 隨降隨拜 君從子,雖將拜,興 蓋俯身欲下也。 一,迎賓;二,即位;三,拜至 再拜 筵也。 公當楣 稽首。 不拜,不敢成拜于上。 成拜,主人禮也。 擯者辭,即 賓降 北 公降 以上拜至。 鄉,至 也,將拜, 辭。 也。」擯釋辭。 等 再 即降,不 賓 辭 拜 〇右第二章,賓人,凡三節 拜 西階 " 賓固 也; 命之成拜,階 將 敢 拜 至矣。 東,北 據下云: 當也。 即 賓栗階升,疾 降。 此 「雖將 面 公 拜者 曰 答 再 上北 拜, 拜。 拜 拜 寡 其

也。 出 面以西爲右。 碑 外,將載,故去之。次入。 南 自 坐奠今文作「委」。 中 鼎 士舉 西 庭。 鼎,士,甸 即委扄處。 抽扄者, 高以閉 南 面 西 人也。 上。 出 于 便 鼎 以次入設, 鼎 入不易面。 也 舉之,將入設。 而 舉之; 西南 左人待 將 先牛。 順 右 載 人 載 則 猶 抽 去 抽而 陳 南 載 扄 鼎 鼏 肆 去之 于 也 于 于 俎

⁰ 蔵」,原作「蔵」,據四 庫 本改。

注云: 匕。 載 之義,並存之。 腠理之精者,又少牢 也。 右 寢 載 鮮 于 北 盥 乃加于鼎也。饔人言人,旅人言退,互文。 二尺六寸,葉長八寸,博二寸,以載牲體出于鼎。 陳 上,則 魚腊,此蓋乾者。 也。 進 右。 者 前 體進奏。 于 不異牛羊,略賤 注: 鬐 西 鼎 饔人之屬,士 匕以大夫長,尊賓也。 亦匕人矣。 也。 魚匕, 面 洗 **豕膚** 東 乾 南。 也。 則 腸、胃、膚皆横諸俎,垂之。 垂及 體,右胖也。 左人也, 旅 魚 牲 近 人 旅食者。 卒 注以倫爲擇 倫 也。 體 序 腴多骨鯁。 羹定矣,又言飪者, 南 視 盤, 進南 理 西 皆上,則牛羊總二十八矣。 此 面 也 面 矣。 奏,見《鄉飲酒》。 加 載 序進,進 進。 舊 謂 洗 于 ·圖:匕,飯秉,以棘爲之,長 匕 精 縮,從也。 謂 腸 俎。 理滑 盤。 東 于鼎 擇其美者。 胃 南 洈。 鼎 魚 K 嫌如饗之有 退者與進者 退。 大夫長盥,將 北 西 腊 同 蓋首 0 面 案: 飪。 俎 魚 蓋倫 旅 南 西 旅人持入, 北 K 人,未詳。 尾 精理,謂 匕鼎 面 有等 皆腹 上,日 倫 腥 縮 東, 匕。 也。 交 膚 寢 俎 俎 次 腴 無

> 位。 距。 大夫既 東夾南。 上,上 〇右第三章,鼎入,載 奠于鼎; 逆退, 者 先

> > 復

也,不

Щ,

雍

人以

俎

人,雍人,疑

内外饔之屬,俎

人。

也。

旅人取 文曰 特。 鄉。 視設處爲少東,蓋不敢當公親設之意。 西上東肆。 今文易之。 以主君離阼 辭,辭公親設。 讓,公升,賓升。宰夫自東房授 豆南 菁菹、鹿臡。 上: 韭菹 授,授公。公設之。饌本,故親設之席前之中。 一西階。 注:特者, 東序之北,不于阼者,示親饌也。 西上 公降盤。實降,公辭。 匕,甸 也。」據下公揖食、 疑立。 以 宰夫自 魚在 東醓 士,膳宰,《周官》膳夫上士。 直豕與腸胃東也 北面坐遷而 醢人朝事之豆,八,去其二。 人舉 牛南, 西階上也。 醢、昌本; 東 鼎 房薦 腊、腸、 即 賓降拜,則在階上可 E 豆六,設于醬 ○案:注云:「不立階上 舉 東遷所。 鼎 昌本南 特膚者, 卒盤,公壹 胃亞 者 賓立于階 公立于序 醯 順 之,膚 出 牛、羊、豕, 醬,以醯 士設 麋臡,以 東遷于其 出 下牲,賤 **华** 知,故 東, 西,今 揖 以爲 俎于 内 鼎 爲醬 先 所 壹 西 賓 西 西 依

餘

則

順

次

而

出

奠于其所

,原陳

之處。

宰夫設

黍

稷

五 二

于豆 于 以 北出門,執之以入。 何爲? 蓋 宰 不 俎之西。 六 豕 **涪,**今文作「汁」。 其 南 以 醬 右 . 簋 于 此 和,無鹽菜和之。 蓋 處。 升自 黍,黍西 宰 東 西 西 降 執 似分登與蓋爲左右者,但 此 牛。 鐙, 東 夫 其 俎 賓解 醬西者,公故設醬處之西,賓遷醬于東,乃又設 蓋 阼 出,徹蓋于外。 右 西 西 當 階 上 宰,太宰 [稷,錯 二以 飲 執 在 蓋 , 今文日 坐 登上, 〇大羹,太古之羹。 交錯 酒實于 觶 盡階 牛 遷之。 左執 實于鐙。 也。 以 耐 以 並 以 一人門自 南,與 不升堂,以即降也。 東 西 終, 人反位。 左手按之, 太宰 觶 羊,三牲之鉶 亦東遷所。 豐,進 亦 蓋以辟塵。 南 北 執 聘 阼 鐙,瓦器, 上。 登 陳。 有漿, 禮 階 設 欲 涪,煮肉汁也,在爨。 東 尊 東夾北。 稷南黍, 黍當 其 太羹 後 無 上者别。 于 宰 既不入設,徒執 古 如 設之。 升」。 豆 夫設 爾。 也。 豆 羊 4 東。 公設之 授公; 黍東 以 南 ()由 俎,牛 加 鉶 由 大羹 左 盛 豕, 羹。 稷 宰 于 四 門 執 湆 夾

> 者負 也。 夫 東 公在序内西面。 東 面 房, 坐, 南 啓 簋 面 〇右第五章,陳 贊 會, 者即 簋 蓋 擯 也 告 IE 各 具 卻 于公。 于 其 西 正 饌 贊 具

非滿把力 于。 間。 亦醢也。 賓。 興以 也。 右手;反實于右,便于授 首。 使食也。 離 豆,故曰 簋。 切切 賓 捝 授賓。 賓升席 公再拜,揖 也 而 醢 取 手,扱 (祭之。 上。 賓降 不離也。 上豆 擂 黍實 以 辯 間則 次授之。 相 猶染也。 坐,取 拜。 上鉶 之間 于左手,實者,右手各取少許置之左手 亦 菹 祭也,遠 黍三簋, 贊者辯取之,坐取,興授。 随二豆· 興受,坐 食。 公辭。 牛鉶也。 祭。 賓 韭 醢 故授之,授坐不 拜亦當楣北 之間 興,受,坐 皆徧也。 也。 菹 醯 一祭于豆 上豆, 醢也。 上 命擯 也。 曰反者,以本自右手 豆。 此以祭,則 韭 辭。 間 贊 又 菹 面。 \Box 以 者 辯 也,以 祭 取 立。 辩 賓升,再 揖 東 則 扱者扱菜也,下 稷 食、揖賓 擩 牲 受 此 亦擩于臡, 面 其 辩, 興者 西 于 之 而 壹以 坐, - 今文 祭 E 肺 反 拜 進之, 來 之豆 在 第 重 干 授 稽 不

近

間 同。 魚、腊、醬、涪不祭。 祭; 牛、羊二鉶之間。 以 柶辩 擂之,擂,猶 魚、腊非盛饌、醬、 扱 祭飲 也。 四 酒 鉶皆徧。 于上豆之間。 湆 非 上鉶 牲, 故不 之

○以上祭正饌

未安。 之。遷近于涪。 不授豆止授蓋之理。 豆而反其蓋也。 先者設之,則不反也。 親設,下于粱也。 位,序内,及兩階。 也。 先者既往復來之辭,亦與「之」字義未合。 下騰羞者當亦如之。其不授先者可知矣。 執蓋,以蓋降。 爲大臠,所以祭。 疏以先者爲第二人以下,下注謂騰羞者授先者蓋,其説 公設之于湆西。 宰夫授公飯粱,上不授黍而此授粱,重加簠之首 蓋同一先者,不應上下異視。 先者反之,先,謂執腳豆者。 此當在下盡階不升堂之後,授以蓋之前。 公與賓皆復初位。 蓋,豆蓋。 士羞庶羞,皆有大,應也,以肥美者 宰夫膳稻于粱西。 且據經言執豆如宰,上言宰以蓋降,則 曰反之者,謂騰羞者不升堂,先者受 **涪西少遠**。 執豆 如宰。 又蓋在豆,騰羞者亦 賓北 又敖氏以「反」爲 由門入,升自 以將加饌 膳,進也。 面 亦右執豆、 解,坐 十六豆,皆 也。 稻不 遷 左 無 俱 初

西階。 《内則》:「膾,春用葱,秋用芥。」此第四列,自東而 炙肉也。 正豆並。 稻南 之句,當在此句之上,蓋先者受豆,以蓋反授之也。 交列,屈 三列,自西 自東而西。 作「牛膾」。 爲炙胾鮨而設。 上膷豆也。 特明之。 盡階不升堂。 簋 也。 據此,則庶羞不在房。 四者,爲北第一列,自西而 西, 膷豆也。稻南者, 稻之西南也。 間容人。 旁四列,西北 一而東。 所謂「肉腥細者爲膾,大者爲軒」也。 鮨南羊炙,以東羊胾、醢、豕炙,此第 脚古文作「香」。 胾醢雜陳, 以西牛胾、切肉。 衆則喧 炙南醢,以 其間容設者,及賓往來諸饌皆然。 錯也。 賓,故不升。 上,四列,下所列是 以東 衆人騰羞者, 西 先者一人,升,設于 **豕胾、芥醬、魚** 東。 臐、膮、牛炙;炙; 授以 醢、牛脂;《内 炙南醢,四 蓋,上先者反 庶羞加 此第二列 也 騰, 西 降出, 進 西 不 東西 膾 則 醢 北 此 與

贊者負東房,告備于公。以上陳加饌。

即稻,即,就也。祭于醬涪間。不于豆間者,與正饌贊升賓。升賓于席。賓坐席末,西也。取粱

别。 則 醬之間。 膾 亦有大,惟醢醬無大。 贊者北 公答再拜。 賓降,拜,拜庶羞也。 兼壹祭之,不分祭,異于正饌,亦祭于涪、 面 坐,辩 以上祭加饌 取 興,一 庶羞之大,據上言皆有大, 公辭。 以授賓。 賓升,再拜 一并授之。

鼎,舉 二者皆公親設,不敢安食于堂,故降,欲食于下也。 粱 反,還也。 鄉公、乃對。 四 視拜爲輕。 以飯必歡之,不以醬者,梁不須醬也。 涪, 涪在東, 北 此取公所設,須北面也。 取之,左擁右執。 面 ,梁在西,北面則 必 賓北 兩 必 所 手, 奠于西 賓西 面 對者, Ŀ 此 . 自間 席 面東爲右也。 右手將執 前 面坐,奠于階西,降階奠于其西,故 階 述其所以降之意,且從命也。 西爲左也。 醬西設處。 栗階 者,以將食 坐,兩饌之間,不于席者,席必南面, 左擁簠本作「簋」、依《石經 湆, 升,北面,反奠于其 登中有柄,故可執。 故第以左手擁之。 擁,抱也,不言執簋者,簋 于其 降辭公。 處。 公辭。 東 辭,辭其親 面 不降者,此 對, 西 用湆者, 以降。 右執 所 面 轉 淡。 坐 臨 似 而

> 飯故捝。 于箱。 饌也。 也。 上。 庭實設。 奠觶也。 食,不安于坐也。 卷置席末,前已即 將食,無事故也。 己食,嫌同于贊者侍食之禮也。 賓三飯,以涪醬。 以上三飯 宰夫執觶漿 東堂也。 稻西者、弟子職 興受。受鱓。 乘皮侑 席坐矣。 負東塾 注云: 公不辭。 幣也。 飲 東夾之前。 宰夫設其豐于 與其豐以 》云「左酒右漿」,南面 一面立。 此始卷之者,前 賓坐,祭,遂飲,奠 每飯必歡涪,又以殺 公在廂,辭 公許,賓升,公揖 賓坐,遂卷加 擯者退,釋辭畢 進。 必親來, 特坐 稻 賓挽 一祭爾 西爲 西。 振醬, 手,方 重 于 右 爲賓 食正 勞賓 此將 席 曹 也。 退

從之也。 辭幣,升君升之。 命 設至此,一時並 首,受幣當東楹 也。 公受宰夫東帛以侑,西鄉立。序內也 北 降,拜。 面 于西階 行,無先後也。 Ė 將拜受。 北 聽命,聽,從也。 面 擯者進,相 東楹之北 公辭。 賓降筵北 幣。 也。 君當有勿辭之命,賓 賓升, 主君 釋解。 画。 南面 再 以 賓降, 君 拜 授之。),庭實 將 稽 有

受皮。 者俱出 也,君 退西 ○以上侑賓。 出 畢,賓已降辟,公遂成拜。 公將拜 上註以東面立爲俟君送幣,是俟君拜也。 未畢,亦一 也。 亦是此意,易之。 楹 一拜未畢,賓已降,則一 賓北面 故少 《聘禮》士介亦曰從者,此注謂「府史之屬」,非是。 西 公降 拜 東 也。 東鄉,舉步 立。 揖,揖執皮者。 面 賓 立。 降 俟賓反。 介逆出 逡巡,似 也,執幣降。 ○按:受幣當退,不待公拜 退由西楹西,將舉步降階矣。 拜且 上介受賓幣,從者訝 ,迎賓以出,其實賓將出 乎立也。 執庭實以出。與執皮 不敢當,何有于成 公再拜。一 此注云「不 公壹拜, 敢俟 拜? 始 拜 拜 因 未 成 退 未 雖 也。 也。 面 湆 注

拜? 升,公先實後。 非古人誠信之道。 云是也。 畢,理應復入。 則過之矣,以公在庭故也。 並易之。 賓 ○注云「不退則嫌,更人行拜。 入門左,介從入。 再拜者,以公降立而待,故拜其厚意,下注 公辭,拜于下,故辭。 賓再拜稽首,升乃成拜。 又敖氏謂拜侑幣,不知上已拜受,何必又 再拜稽首。 没霤 北 揖 若欲從此退」者,似 面 讓 將拜也。 門内雷 如 公答 初,初入。 食禮未 也。 再 所 没

> 拜。 介逆出,賓出。 在東廂 蓋一日爲一飯。 者,謂簋有會之飯與? 以爲黍稷、據上黍、稷獨言啟會、稻、粱不言會也。 升,公揖,退于箱。 再拜。答之也,賓且出,不復辭之使升堂,故亦降 \(\frac{1}{2}\) 者,庶羞 坐,奠于階西; 坐,取粱與醬以降; 梁爲加饌之首,醬爲正饌之首,故取之以概 合正食則十二飯矣。《少牢》、《特牲禮 以上賓卒食出。 實降辭,以公尚臨己食也。 初食加飯用正饌,此食正 開資降出堂西面 中 有膷、 不以 臐、 公送于大門内 右第四 膮 東面 醬 涪; ||一飲,上三飯乃飲,此三 ,故東鄉拜之,拜畢乃 賓卒食,會飯,會飯 則涪 不以歸 再 章、食實、凡 之類 飯用 醬以配牲,此庶羞不用 拜 稽 公如初。 而取之以降者,示親 也 庶羞,互 首。 五節: 捝 再 》疏 卒食拜 相 手, 拜。 出 小 成 許之。 其 未詳 也。 飲則 數 然則 興 徐。 . 正 而答之。 公降, 也。 \Box 不 飯, 會飯 九 也。 西 北 賓 公 以 注 飯

面

二,加饌,三,三飯,四 顧。 侑賓; 五,賓卒食出

有司卷三牲之俎歸于賓館。 卷,猶 收也 無

遺之辭, 也。 **企**。」

「竊謂經明 魚腊 Œ 不與。 饌 重三 「俎」,與下「不親食」禮異,不當據以 牲, 非盛饌也。 盡以 歸賓,尊之也。 言此, ,則腸胃膚可知。 ○注云: 實于 〇以 爲例

上歸

俎

拜饔餼、 命等也。 諸侯相 之,則 聽之。 孤位同于卿,則爲使當亦無異也。 魚腊皆二俎; 侑 小國之大夫,九者,大國之大夫也。 十一,大國之卿。 膚,若九若十有 孤視子、男」,此大行人王朝之禮也,以侯國言,如燕射禮, 拜賜。 幣,幣亦食中之事。 孤 明日 朝 卿 不拜東帛者,彼使人致之。 以上拜賜。 非 庶羞 上大夫八豆,上大夫,孤卿 爾。 ,賓朝服,拜賜于朝,朝門也。 聘使矣。 ,西東毋過 典命諸侯之臣,大小國各有等也。 八簋,六鉶 魚 右第五章,食後之禮,凡二節: 一,此上經所謂个也。 腊,鲜與乾各一 下大夫則若七、若九。七者, 拜 食又拜幣者,君親授 四列。 九俎 若以子、男待之、則幾于 其同于小國之卿者,再 皆 俎。 不言南北者,惟下大 並 再 也。 魚、 拜 詳 九,小國之卿; 稽 《聘禮 孤即 也。 腸胃、 拜食與 首。 《聘 ○注謂 以 》歸 歸 卿爲 俎, 禮》 饔 倫 訝

是也。 物 字,焉知非注家所改與? 爲二豆,此「駕」字,當從《内則》作「鷃」。 大夫二十豆,所謂加于下大夫者以此。 上經加饌詳之。 大夫,以雉、兔、鶉、鴽。 夫十六豆,從横皆四列, 上大夫庶羞二十,「二十」,《石經》作 據《 《内則》 爾雅》: 注改「鷃」爲 「駕、鴾母。」郭注以爲鶴 蓋下大夫禮也,此則其後之四豆,合之爲上 若上大夫二十豆,則 〇以上俎豆多少之制 「鴽」,遂分一 《内則》膳二十 ○案: 物爲二豆。 則 《莊子》所 鸙 廿 也。 豆,前十六豆 南 疏謂鶉、駕一 北 謂 加 Ŧi. 此 物 于 列 不 也 下 可

東上。 羊、豕 也。 實于甕,凡十六甕本堂上 也。 于楹外,二以並,每豆 筐,筐米四。 幣致之。 二以 庭實陳 若不 陳于門内,生致之, 賓朝 並 豆實實于甕,在堂上,則醬東之豆 親食,使大夫各以 南陳 于 陳于楹 服以受,如受饔禮 碑 外。 内, 饌,故近堂設之。 庶 乘皮在 羞 兩 如 陳 楹 碑外者,本庭 聘 于 間 北 其爵 禮 碑 在中 陳。 歸 内 不于堂者 詳 餼 之陳 朝 者,食主于 此 簋 實也 聘 服 亦 實 禮 豆 實 以 西 實 加 方 于 無 陳 侑 饌 當 飯

僧。^{禮之殺}。明日,賓朝服,以拜賜于朝。 訝

聽

命。

道之。

0

以上不親

食

人臨 之。 授者升一等。 降有四: 錦 知。 謂 主人方降一等受。 席,主人 同 執 于門外,拜至,皆如饗拜。 食,故得如饗之拜。 君 粱與涪,之西序端。 從辭賓降」,未審。 也,皆自阼階降堂受,受有三. 醬也,治 己食 主人 食禮。 降,盤。 大夫相· 主人又請 三受及 送 辭,亦與君别。 降 主人辭,賓反之。 幣 受醬涪、受醬亦降,大夫禮異。 食,親戒 亦然。 賓許, 等,降不盡階, 賓止也。 盥 賓即降 也。 受侑 乃升。 拜于門,一 速。 再拜稽 注第言三降,據不從降者言 辭,與主人並 賓反之。 之,往也。 幣, 主人從升,將授之也。 不從降,賓主敵體 質明戒,羹定速之。 首。 《聘禮》: 殺于君。 反奠于其 再 拜于堂。 拜 辭 在 辭 不降,别 稽 于主人,辭 大夫于賓一饗 主人從。 幣 所 等階也。 言拜,揖 首。 也。 降 也,幣 侑幣 于 也。 卒 君 迎賓 卷加 等, 拜 0 讓 也。 也 主 賓 束 從 受 注 餘 可 主

> 降, 章,食之餘禮,凡三節:一,俎豆多少之制,二,不親食,三, 幣致之。 賓受于堂,無儐。 大夫之禮。 東 面 許之,乃 再 拜,鄉主人拜卒食。 退。 若不親食,則公作大夫朝 卒食, 徹 于 降 西 出 以上大夫相食。 序 其他 端 亦 皆 徹 服 如 粱 右第十 以 公 及 湆 侑 食

大夫相食。

而已。 「莞」,亦蒲 外,賓車不入門, 司宫具之置于房,宰夫出之。 自上至下便也。 帛 本無阼席,不待言也。 六尺,以便往來。 人掌之。 不授几。異于醴。 純 加加 記: 戒不速。 司宫 席,故 也。 不宿 席尋, 美其 具 宰 廣 緇 戒。 几 食日夙興戒之,賓即從來,不待 敬 夫筵,布席 飾。 布 與 無 享于門外 也 雈, 宿 純 蒲 阼 皆 細 ,純,緣也。 前期 西 席。 筵 卷 葦 賓之乘 方 常,二尋爲 席 也。 É 日 北 此 也。 東 筵。 末 當别 食禮輕,本 面 方。 八尺爲尋。 加 車,在大門 出 立。西方,近 首 有 常。 在,今文作 君 自 所 在 禮 指、若 外 東 筵 H 也 展,則 速 房。 長丈 戒之 玄 也 食 亨

醬。 賓次。 首。 也。 漿飲飲之,并食庶羞,蓋以上大夫之禮,廣 盥,從俎升。 苦,茶也。 藿、藿、豆葉也、牛汁芼之。 飲,在庶羞之後,又不言食庶羞,故記云羞時即可 上、下大夫之席同,蓋以補上所不及也。 夫蒲筵,加萑席。 稻、粱將食乃設,去會,蓋以幂,經文不具爾。 乾薨,相和滫瀡之,令柔滑也。 不升堂,以堂上有贊也。 云:「秦人溲曰滫,齊人滑曰瀡。」謂堇、荁、枌、榆及新 上大夫庶羞,酒飲漿飲,庶羞可也。 ○或曰:此已見於經,疑衍。 拜食與侑幣皆 已有鹹和,庶羞用醢。 北面, 豕薇,皆有滑。 便于待賓出也。 從者,俎其所有事也。 其純皆如下大夫純。此言 上贊下大夫也。 再拜稽首。 此言醬者,其屬也。 羊苦,今文作「苄」。 滑,調和之名。《内則 ○ 荁,音完,堇屬。 鉶芼:芼,亨也。 嫌上大夫不 卿擯由下, 簠 經 有蓋幂。 之所 凡炙無 上,堂上。 經設漿 進 上大 費者 不 酒 注 牛 及 飲

儀

禮章句卷第九

五八

覲

禮:

至于郊、郊、近郊、去王城五十里之内。

諸

仁 和吴廷華章句

也,蓋諸侯入王之名。

《大宗

爾。 覲以 爲他篇脱爛之文,類附于此。 例彼也。 省 朝 伯 即有同異,其節亦微。 當第八,第十説非,詳《士冠禮》。 遠之意至周,非拘文牽義 ,則脱闕者多矣。 ,既與《大行人》經義不符,又遇禮無考,亦未便據此以 巡 本無詳略異同。 《大行人》等職所載牢積之禮最詳,此經所存不過十 比邦國之功 時之朝,日 覲 又此經「饗禮, 禮 第 十朝,見 朝、日 」是也。❶ 兩經詳 蓋春、秋雖有殊時 宗、日 注因此經 乃歸」以上爲覲之正禮,此下 所 《虞書》「肆覲東后」,則巡 能 略,當參看而得之。 朝、 若並 盡 也。 略而 日遇。 ○案:《大行人》四時之 以爲覲禮,失之遠矣。 覲于五禮屬賓 不詳,遂謂覲遇禮 朝、 又《大行人》「秋 覲不過 先王柔 一狩禮 禮 禮 疑

别也。 面。 省。 不執矣。 此諸侯,不帷宫。 侯氏 特而不以帛者、蓋璧以將命、與享禮不同也。 據此,則侯氏叩關,關人告之,小行人出勞,乃以賓入,如聘。 則逆勞于畿」,②則郊勞者,大行人也。 凡異乎聘者,尊禮 迎于帷門之外,再拜。 委積等禮,掌訝、環人諸職詳之,如聘,至是大行人又勞之璧 使人皮弁用璧勞。 侯告廟命官而后行,及畿,亦當有一 使者 降 亦皮弁,五等通曰諸侯,此曰侯氏, 使者不答拜,遂執玉,璧也。 再 三揖。 左還 拜稽 或以帷爲壇壝之門與? 而 别也。 首,使者不辭 至于階,使者不讓,先升。 立,注以左還爲 注: 《小行人職 侯氏升,聽命,不言致 天子,掌舍爲帷宫,設 降。 肄三展之節 南 遂 皮弁,天子之朝服。」 面 升 , 就 則 此言執,則在 不于舍者, 「凡諸 受玉 用 東 一人言之也 玉,重其事。 面 如 聘。 致 侯人王 命也 命、文 升壇 旌門。 東西 覲 王 道 禮

0 0 勞」,原脱,今據《周禮 覲」,原誤作「見」,今據《周 禮

下分詳之。

儀

禮卷第十

五九

敬也。 還之。 者時,有司先布之也。 聲爲賓禮,非。 者,非君命也。 使者乃入。 立不降者 使者乃出。侯氏乃止使者,迎之,請 使者受。 將還 授几。 亦庭實設。 侯氏先升,道之,主人之禮也。 玉 侯氏 侯氏 侯氏 使者升,乃授之。不言席者, 降,再 還 侯氏與之讓升。 拜送几,使者設几,答 壁, 拜稽首 玉 重禮 與東帛 。 還玉再 ○注以 使不 不 拜 同 儐 止使 先升 也。 加 加 故 先

受。 拜。 出。 從亦拜, 受帛。 侯氏之人,牽三馬從出。 侯氏 天子使也。 用 侯氏 束 帛、乘 再 侯氏遂從之。 拜送 馬 幣。 侯氏送于門外再 儐 使者, 使者降,以 從勞者至朝。 使者再 左驂 〇右 拜。 拜,

第

章,郊勞

侯氏 致館。 也。 伯父女順 順命 再拜 注 云: 天子賜舍,道路勞苦,先使就安。 謂 覲。 稽首 命于王所。 所使者, 賜 受館。 伯父 司 舍。」此 空 僧之東· 諸侯不一稱,言伯父以概其他 也。」曰 擯 帛、 : 者 傳 小行人爲 乘 石 致 馬。 經 舘 無 之 禮 承 辭 日 擯 如 也 郊 以

四,釋幣。

勞。○以上賜舍。

日。 侯氏再拜 伯 天子使大夫戒,大夫訝者。 父帥 稽 首。 乃 初 以 事。」帥 上爲期 循 也 初,故 日 : 也 某 謂 日 故 覲

上,主位。 朝。 謂凡朝者皆然,非如疏同 曰皆,下又合同異姓言之,似皆不一之辭; 即門外之次也。 諸 侯 異姓東 前 朝, 前 面北上。 曰舍,尊之。受之,則上介也。 朝,朝之前 日行禮之説也。 賓位。 日 〇以上受次 也。 司 其 實 皆受舍于 姓 大概 西 面 日 言 之 諸 北

章, 覲 于 爲裨,蓋諸侯衮冕以下皆服 禰。 前 侯氏裨冕,裨之言埤。 行時以. 諸 雜 儀 東帛依神,此乃 凡 四節: 之。 賜舍;二,爲期;三, 告。 天子六服 此 覲 日 以 之質明 上釋幣。 大裘爲上 也 受次; 右 釋 第二 餘 幣

常 弧 韣,弧 交龍 乘 爲 墨 弓 が旅 車,乘大夫之車,屈于王 也 諸 侯 弓衣 所 建。 H 韣。 言 載 旗 不言張 Œ 幅 直 也。 爲 則 終,族 不張 載 龍 則終之外 亦 族,《司 屈 也。

坐奠圭,此命圭

也,以爲贄,卑

者奠摯而

不授。

《明堂位

斧依。 韜之。 父實來,來朝。 則 爲主幣之官,注以爲司空之屬,未知孰是。 響乃迎。 冕,衮十二章,冕十二旒。 黼 位 繡斧黑白 飾 侯氏乃奉命人。侯氏入門右,門東,臣道也。 他,言所以受于廟者,非 人》:天子見,公擯五,侯、伯四,子、男三。 天子設斧依於豈反。于户牖之間,依如今屏風 入,予 一人將受之。」上擯傳而下,至下介,遞傳 設輔 也 承命者,承天子命,傳以出,告者傳侯氏説以入也。 純,左右玉几,以安至尊也。 不言矢,矢畫于縿也。 依,依前南 龍 負,背也。 能族九族 文,以示斷也。 嗇夫承 屬于終。 鄉、設莞筵、紛純、加繅席、 予一人嘉之。 命告于天子。 南面,不言迎者,四 左右几。 有他也。 終以弧張之,此 ○《周禮 乃朝,以 不言席,可知。 下所謂嘉其來朝爾。 》注以爲九章、悮。 《司几筵》: 嗇夫、《左氏傳》注以 嘉美之。 時之朝,皆不迎; 天子曰:「非 瑞 又注以爲 不 畫純,加 ·張、故 玉 大朝覲,王 伯 天子 , 有 載 《大行 父 介從。 而上, 末擯, 次席、 弧 繅 兖 其 伯 負 畫 惟 而

覲禮

崇坫 再拜稽 謁。 輯五瑞之義。 子,此乃申之,見非無故來也。 「升!」升成拜,乃 取圭,遂至門左。 康 告也。 圭。 首。 據 天子將以賓禮親受之,故告侯氏。 王南 此 拜送。 則 活即 面 升,西階。 ,侯氏北 擯 在 出。 門 者 右 面。 王授宰玉。 延 王受之疑衍。 也。 致命。 之,傳 侯氏 再 拜 四時之朝,命之天 降 命進 〇右第三 稽 階 首。 之。 東 玉。 侯 北 氏 章,正 擯 日 此亦 面 坐 者

也。 之前 以下, 三享,故古書作「三」。 謂惟所有,分爲三享,而 有。 上,匹,一 有,則當以《禹貢》爲準。 案: 也。 注以皮、馬及《禮器》「三牲、魚腊、籩豆之實」等言之、 惟 四 國所 此即《易傳》「爲的顙」之的,彼注所謂 字,「四」,當作「三」。《大行人》諸侯廟中 ○注以卓爲的 馬 也。 有。 卓,高 未安。 也 皆東帛 以 謂 〇又注云: 幣致之。 超 奉束帛, 馬爲上,以 也。 上 加璧,庭 此其 初享止 前 兀 素的 也 大概 馬 用 書國 謂 也,至 實 璧帛,至次享 額有白毛 卓 超 名及. 惟 卓 竹 于 各 角切。 或 州 九 , 如 所 産 馬 所

將幣

皆

命。 將受之。」亦傳辭。 卓上爲上。 别有物,其説似不足據也。 不言其他,以無定物也。 出,卓上者。 授人,王人受于外,與聘異。 也,以上三享同。 之乘,❶且 今之戴星馬者,故鄭以「素的」言之。的非作書之地識之,當 示受而已。 王撫玉。 以成數爲敬也。 奠幣,再拜稽首。 侯氏 如《昏禮 西階 降自 且升之。侯氏升致命。享亦王 事畢。 前再拜 》舅撫之也。 十人分牽之人。 西階, 九馬隨之,十匹者,不敢斥王 右第四章,三享 擯者曰:「予一人 東 稽首,送幣。 璧,輕于瑞,故撫之, 面 授宰幣,璧帛 中庭西 九馬隨之。 以 Ŀ, 馬

姑擇訓 謂無過,故聽事。 人門右,北 不過貶削。 右,變于禮事也。 乃右 詁之稍 若其罪當刑 肉袒于廟門 面 可安者,存之以 立 聽事,猶 注云「刑宜施于右」,未然。 一,告聽 ,則六師早移之矣,何待覲後? 持罪 一之東。 事。 備參。 也。 介告擯也。 ○案:此禮 此恐懼待罪之意。 擯 者 謁 蓋侯氏之罪, 述職不 諸 僅見于此 天子。 敢 乃 É 袒

拜,降出。右第五章,聽事及勞。 勞苦。再拜稽首。 西,復初位。 稽首,出自 無事,猶言無然,謂 遂入門左,北面立。 屏南,天子外屏, 袒也。 擯者延之,曰:「升!」升成 歸寧乃邦!」侯氏 出 屏 南 王勞之。 乃襲也。 適門 再 道 拜

其上; 車服之重也。 奉篋服,篋服,置服于篋也。公,天子三公,使之致命,示 好予,多少由君恩也。 馬 也。天子之車曰路,尊大之。先,先于服也,在中庭。 于外門外,再拜。古文「迎于門外」。 報享之意。 上,一車而 也, 與 天子賜侯氏以車服。 八駟同。 書兼 以上尚有歸 E 車 公奉篋 上,對亞者言也。 亞,次也,謂次車 服, 加 石田田 在車 于篋者, 饗飯 諸 則不 南。 及后致飲之節,文略 篋 前 所謂 面 止 路下四亞之; 東。 加賜卑于車也。 可 篋矣。 置 車 重 書 路先設,路,大 服以 賜 也 加 無 庸 數, 升 命 也 自 諸 書 四 此亦 匪 西 于 西 迎 頒

天子辭于侯氏,釋辭辭之,命無祖

也

 \Box

「伯父

^{● 「}斥」,原誤作「斤」,今據四庫本改。

階東面 帛四 者出 之稱,惟 于服上,服在箧,故 各三、餘以其等爲差。 九牧稱叔父。 之,與此不同。 命,異於常禮。 則曰「叔舅」。 亦如之。 伯舅」,同姓 及饗 其右也 侯氏 侯氏 馬 而覲禮 曲 ,賜不止于服 侯氏 降 升 禮》二 同姓大國則曰「伯父」,其異姓 蓋如周公右王之右,謂左右之,如下述命 太史是古文作「氏」。 不 兩階之間 西 疏云: 升成拜。 送 知 小邦則曰「叔父」,其異姓 伯曰伯父、伯舅、九牧則以 面 伯 何 再拜, 儐使者; 據。 立。 命曲 叔、父、舅,尊且親之。 亦曰 此經無文,闕 . ⊟ 饗禮 禮》二伯,不問 1賜服 聽命。 服上。 太史辭之,乃升。 ; 北 者,以重者言也 乃 面 太史述命,奉命 歸。 侯氏受。授介。 也。 右。 日是右,則 再拜稽首,拜天子 諸公賜服者 同異姓皆 〇右第六章,賜 掌客,上公饗食燕 ○案此爲 叔父、叔 太史加 儐 稱 加 小 則 太史 伯 舅别 書之 非 書 父, 邦 日 束 使 書 定 但 車 讀 前

之。

屬。

在

諸 侯覲 于天子,以 下别 爲 禮。 覲,所謂 肆 覲 馬

置于宫,其義未聞。 黑,上玄,下黄。皆繪畫之。 故加于壇。注"「方明 深者,從上度下之辭。 壇十有二尋,方九十六尺以象堂。 東后」、蓋巡狩時殷同之禮也。 者傳辭。 表朝位之旂,與銘旌 方琥,北方璜,東方圭。 不以之,則上下之神,非天地之至貴者也。」南方璋,西 而著之。」上主,下壁,注:「上宜以蒼璧,下宜以 尺,設六色:東方青,南方赤,西方白, 韶明神」,其方明乎? 故曰宫,有壇 爲宫方三 H_o 四 男皆就其旂 尚古文作「上」。 其 一百步 有 四 帷 門 , 所 與。 及 疏 者,四方上下神明之象。《司 在 疏: 謂壇 方明者木也,以木爲之。 加方明于其上。 云 : 注 軍 而 以爲 鄭 左。 徽幟同,皆以尺易刃。」建之,在 壝 在 立。 官, 或 司 注 上介皆奉其君之旂 Ŧi. (儀所掌,大概相 外。 設六玉:注:「刻其 蓋壝 《夏官》中 亦别于常禮。 服 四 四等之位 深四 四 傳 土 爲埓 門 擯 夏辨號名 ; 方明,所祀 以 每 傳擯, 四 象 似而不同。 黄琮,而 方 牆 北 方四 位 有 北 謂 門 方 E 此 面

伯、子、 擯

六四

第七章,爲宫以朝諸侯。 擯者告,乃陳列而升。敖氏則以一朝三享,皆傳辭也。○右

常。 變拜言禮,客祀也。 章,拜日、祀方明及日月之事。 瀆于北門外, 時,又加于壇,以載辭告。 郊。 日 司常》之制不同,故《司常》不言大,此獨言大也。 下仍合日月與龍言之,是所謂「龍章而設日月」與。 載大旂,本作「斾」。 于東門之外,注: 反祀方明。 升龍降龍,疑即交龍 天子乘龍,馬 禮山 盟神必曰 注 : ○注:「太常也。」象日月,日月 八尺以上 川、丘陵于西門 祀方明,乃以會同之禮見諸! 此會同,以春帥 禮日于南門外,禮月與 日月山川 也。 注此會同以夏、秋、冬者也。 日 ○案經言旂,則 龍。 ,尚著明也 乘,乘 諸 侯 外。 輅 而朝 耐 出,拜 交龍 駕馬 《春官· 右第八 H 侯。 于 矣。 也。 几 盟 東 爲

謂: 云 陵, 神以柴、《虞書》巡狩亦用柴, 升,小陵曰丘,大阜曰 或 **庭埋藏之。** 祭天燔柴、爾雅》:「祭天曰燔柴。」《大宗伯》祀天 庪 或懸,置之于山。」《山 此言升者, 陵。 注則以爲祭日也。 升而 海經 爾 陂 雅 懸之也。 ≥ ∃ : 祭 「懸以吉玉。」 Ш 日 祭川 祭山、丘 庪 **「縣。」**注 沈,

> 《 爾 此祭月。 祭地 雅 瘞。 *: 「祭川日浮沈。」言 〇右第九章,祭外神之事。 《爾雅》: 祭地日 投祭水中,或浮 瘞種」,謂 注則以 既祭埋之。 爲會盟 或 沉 此 文略 云:

也。 東箱。 旁觀視之,如在繅上也 人門奠圭也。 王五輅,正駕也。 天子以下爲記説,非經本文,存之以備 偏駕不入,故乘墨車 記: 案《儀禮・記》無略于此者,故或疑諸侯覲于 東序也。 康圭有站 諸侯金路以下,俱謂之偏。 俟王負扆設之。 以朝。 日 繅 上 者,時 奠圭于繅上。 偏 方屈繅 駕不 一説。 王門, 人王 纏 几俟于 于 主,自 侯氏 國門 門。

儀禮章句卷第十

問

仁 和吴廷華章句

齊 此謂生人喪之喪,平聲。服,天子以下,相喪之服,斬、 功、緦是也。 喪服第十一 言服而不及其他者,冠、絰、帶、屨、杖皆 子夏傳人死日喪。 喪,去聲。

服。

年月多寡,亦以服斷

也。

人心至痛,莫若死亡。

賈

于今者惟此篇,雖 禮,當第四,第十 齊衰貌若枲。」蓋表貌以表心,所謂 疏 云 「貌以表心,服以表貌。」《間傳》云: 列 説非,詳《士冠禮》。 朝 因 革 不同 而古 稱也。 制尚 ○案: 此于五禮屬 「斬衰貌若苴、 未 盡失。 古禮之行 蓋 X

朝服 惇典之大經。 聖人折衷于天理人情之至,以爲王者教孝之要法,生 制 者, 明 古法著爲憲章,與愛羊、愛禮之意 儒者最宜詳審,不徒丹黄占畢而已。 不同 附 列 民

> 母之喪用之。 裳無别制 之意、據彼注合衰負版、辟領、謂孝子哀戚無所不在 有負版,領有辟適,下記「凡衰外削幅」是也。 綴之衣,下記「衰長六寸,博四寸」是也, 》所謂 喪服: 創鉅 輕也。 耐 先儒謂齊衰以上皆然 痛甚也。 斬衰裳, 斬衰,正服布三升,義服三升有半。 上曰 斬謂 衰,下曰裳,衰有二:一當心, 截布斷之。 此則所謂衰者,衣爾 一即衣,前有衰,後 二者皆取 曰斬者,《三年 ,則惟父 升,八 摧 傷

升,練易大功衰七升,大祥麻衣十五升,禫而纖,裳未聞。 十縷,蓋麻之極麤者。 三日成服服之,卒哭受服,正義并六 蓋

首在要,皆曰經。 視衰,女子在室,略同。 首經 如環,加喪冠上,系以 苴経,苴,子麻,麻之極麤惡者,在 繩纓; 要經 象

子謂圍五寸,首経視要経去五之一。 樛,絞也。 大帶,並 用苴。 下「殤大功」章注:「大功以上経有纓。」首 《檀弓》疏: Ŧi. 服 之經皆 絰, 實也,明孝子有忠 樛, 惟 環 経不 經,朱 樛。

實之心也。 杖,竹杖也。 在此者,杖雖不用苴 而有苴名,且

糾之,蒙上「苴」字,則亦用苴。 制如要經 也。 絞帶,絞帶象革帶,以束身。 《士喪禮》厥明小歛,服首經 絞者,合 而

韋

奉尸夷堂,服要絰散垂,三日 成 服、杖, 絞帶 垂。 卒哭,説経

帶,易以葛,婦人易首絰以葛,小祥除之,杖,禫而棄之。 冠

禮卷第十

等也

以二 屨,俱 茅屬, 辭以發 七月之服而謂之三年,是欺父母也。 之。 之。 此 苴 H 以 練 冠 繩 緝 「三年之喪」,惟《 加 無可 實不以名。 미 者, 小 纓, 經 也。 練 但 月也 唐王元感主三年非二十五月之説,張 祥。 十五月畢之,本自可疑。 知 喪 .無約,不言三年者,體孝子罔極之心, 亦三 冠 疑 考爾 也。 明 有六之數,必 《春秋》多變制 Œ. 重 衍 傳 又曰 其 ,則言三十六日而不言二十五日。 日 義 衰 者者,合下服 猶訓 特存 服之。 並 絰 者,麻 據 練 編冠。 用 下 小戴記 也。 《喪服 再 詁 此以俟來者。 布 並 之義 期而大祥,中 卒哭,受齊衰蒯藨屨, 六升。 有 成服 同。 禫, ,恐亦非古法。 之有蕡者 所 》自期至總,皆月之實數。 》乃有二十五月而畢之説,至今並 此 自 纖 服 緝 蓋子 纓, 者言三年之喪,卒哭而變服 冠。 來。 之, 又如漢文帝作 縫 夏釋 冠 卒哭,受冠。 也。 傳 惜 月 菅古顔反。 系 大紅、 一种。 也。 經 日 愚亦謂人子之事父母, 連 繩 蕭山毛氏曰:以二十 語 : 屬 糾 小紅 也。 斬 蕡 之 東之據《春秋》駁 練 麻 ○按: 且齊衰言三年, 漢時古制 短喪之俑 爲之。 繩 者 麻 不 何 及纖之制 Œ 屨 屨,大祥,白 子 者, 何 義同 緝 諸經皆 獨三年則 者。 也 其 ? 于 作 未亡, 邊 t 其以 爲問 此 菅 也。 升。 苴 不 其 期 從 云 言 帶。 帶。 帶。 則貌若苴者,謂枯槁 苴 此。 分 以 搹 下

經,斬衰之帶 本在上説而通之。 麻尾搭麻根之上而綴之也。 者,謂以麻根著頭 之尺爲最小者與? 以爲首經之圍有小于此者,故曰大。 経大搹 五分者,象五服之數也。 言之。去五分一者,謂 者、《大雅 把也,中 經帶各五。 大功之絰, 以爲帶。 合五服並發于此者,圍數迭減遞 小功之經,大功之帶 緦 麻 此 人拇 **》**疏 之經,小 以 絰 指與 首 直,草木之枯槁者」,則 左邊、從額 也 齊 ,首經。 絰 去五分一以 齊衰之帶也, 衰要經, 左本 第 言 與 腰 功 下 斬 苴杖,竹 経得 指 帶,腰經 之帶 衰 在 ○案: 前向 齊 又去首經 腰 衰 首 韋 下,本,麻根 絰 之經 右 絰 也 也 爲 以 傳語 韋 同 也 五. 日帶 鄭 指 帶。 等 之四 陳 注謂圍· 去 去 由 去 五之 苴 尺度之,不過 下 未詳,今就朱子 並 者,蓋指象大帶 頭 杖 斬 故連及之。 Ŧi. 五. 並 \mathcal{T}_{i} 同。 也 後 此 也。 其 衰 倣 分 分一 分 斬衰之帶也 九寸,豈 至 也。 枯 服 此 麻 盈 左本 齊 竹 之。 手 根 下 以 衰 以 以 處,以 去 六 日 謂之 注 並 在 所 寸 爲 爲 Ŧi. 之 搹 者 據 然 下

也

削

杖,

桐

也。

齊

衰

服之。

削

作

帶

冠

繩

纓,條

屬

右

縫

條

繩

也。

條

屬

右

縫

杖。

節

蓋大概言之。

絞帶

者

繩

帶

也

絞麻 童子

言

主喪者不杖,則子一人杖。

注以

子

爲

童,

則

婦 爲

不

能

病

也

成

人婦

人亦杖

則亦

能

病

矣。

0

案:

也。 任服 子。 亦童子 佘小 杖必 0 杖 齊 而 者 當 而 其 有 案: 繩 人 亦 記 不 亦 杖 者 其 纓 以 亦 輔 扶 取 爵 下 縫屬于 大門 則户 居倚 朝 亦 其親,東壁則遠甚矣。 君宫之,謂 親 此 塗,形如偏屋,北户。 于 菲 須 武,以畢其事也。 升 目 廬,哀敬之處,非 **疎貴賤** 也。 地 者, 夕哭之外。 以 白 ,則不可解矣。 了, 外 有簾 身親之。 内塾之東 也。 以 廬 作 非適子則又東矣。 武之右 畢 五椽斜倚壁上,以草蓋之,椽上及旁,夾草蔽 傳 矣。 爲遠近,則皆 ,居者,適子以下 衰三 有幛; · 冠 時 〇疏 ○案: 有 哭 北 前 升。 脯 此 大夫士袒之, 有其實則不居。」所 後 畫 鄉寢也。 鍛 寢苫: 以 稱 結之于 兩 舊説 居此 夜 也。 而 此當在 頭 有 菅屨者, 無 枕塊,苦,編藁,哀父母之人土,故 勿灰。 無 廬 謂 皆 婦人不居廬。 者 所居 時 至謂 左 外 也, 時 言 去 在 也。 痛深不 寢門少東, 納。 東壁 則 此 之, 也。 武 非 鍛 無障 第以 下。 哀 適子 菅 小 則 五尺,竊 動 謂 孝子于 水濯 向 安處 功 仍 菲 孝子 也。 屈 則 則 廬 外 以 有 又其户 大喪宫 哭, 堊 向 在隱處 編 也 治之也。 時 也。 下 言。 殯宫 聶 外,又屈 之, 室 非, 矣, 故 謂 左 孝 氏 不 無 北鄉 猶 未然。 按 正授 雜 謂 與 門 不欲 子 時。 屨 外 外 人坐 簾 《大記 記 勿灰,不 之縫于 也 廬,視 之,不 冠 以 畢 置楣 此 則 忍 注 線 也 歠 者 在 離 \Box 在

不杖;

當

室緦,則

亦

杖

也。

婦

人

何

以

不

杖?

能

病

也。

不

能

病

無知也,無知則

無

心可

表,故

不

也。

童子

何

以

不

杖?

年十

九以

ĺ,

皆

日

童

者

. 何 ?

非主,

衆子

之屬

輔

病

也。

凡

病者,皆

婦

人也

童子

Ħ

婦

人,「大功」章「婦

人之長殤」是

持之責

也

注

芸

假

也

謂

假之以

杖。

曲

矣。

非

主

何

擔

主

也

擔

肩

也。

主

主

人,謂

主

病

杖

任

其近

根者

,以其堅,且

順

性

也。

杖者何?

爵

也。

心

便于扶

且.

以

表

心

也。

皆

下

本。

日

下

本

, 則

者

必

有

1. 德。

能

爲父

母

致

病

故

以杖扶之。

無

爵

而

者,桐

本

圓

削

去其

枝

葉

也

或

굸

鹿鹿

者削

面

去之。

員

據 竹

小

記

杖 杖

大如 方,以

經

則二杖

皆圓

也

杖

各

注

謂

杖

圓

桐

象天地。

又説者謂

桐杖

Ĺ

方

六七

六八

則每 食, 른 注説 有 以 舍, 用 所 禮 亦 者不同。 之草也。 屏 適 粥,不言飲水,省文。 素爲復平素之食 也。 節 謂 止于此,若哀至而哭, 屏 糲者, 疏 剪 止也。 而設户。 心則 堊室 食 飯音反,食之也。 與與 未葬,則 此 · 芟也。 常食何異? 但 升有 剪去,將 經帶, 也。 柱 手之盛謂之溢 無盡 小 易 楣 祥之祭曰練, 疏 朝夕哭在殯宫。 奇。 寢有席,食疏食, H 屏 則衣可 也 爲 塗之。 外 前楹,謂之楣。 案 : 飯 廂 則 寢 屏。 爾 寢 素,空也。 知。 飲 朝 則 病者之粥必薄, 則仍無時 此屏與 酒食肉矣,非也。 不脱絰帶。 則 時 既 少 水 虞,改户 既虞,祭名。 安矣。 不 滿把而已。 溢米,夕一 飲, 此已啟殯,故在廬朝夕一 居 常間 楣 謂不以肉佐飯。 廬 也。 朝 下兩頭 音嗣。 傳》「芐 西鄉。 始 即 既 且所食無 爲廬處,壘 食 痛深,不求其 注云二十 哭 施柱, 練, 溢米。 ·翦」爲剪 既葬 菜 0 屏, 哭 夕 疏, 果, 廬 無 舍外寢, 塗其四 而 ○案: 廳 兩旁 多 虞。 兩 時 塹爲屋, 蒲 米當用 也。 也 哭 飯 H 體之 席 所 哭。 面, 溢, 素 翦 而 禮 注 粥 頭 蔽 如

> 母,故曰至尊。 齊衰異等也。 斬衰也? 先言父者,君亦有父也。 父。 《檀弓》謂之「致喪」,蓋以恩制 不言恩者,父母之恩等也 父至尊 爲,于萬反,下並同。 也。 歷 父母,家之嚴君 代同 0 傳 問 者也。 者 \Box 疑 而父又尊 適、 其與母之 庶子 父 何 于 並

同。

以

矣。 特言天子者,尊王,不與 曰:「朝廷之士服天王斬衰。 王,則下總衰是也。 喪,爲天王斬衰」疏:「凡喪,諸侯諸臣皆爲天王 天子至尊也。 衰說無明文,因據 徐氏云:「諸臣,王朝之卿、大夫、士也。 五服之親,亦從其重,下同。 諸侯爲天子。 《雜記》「士居堊室 合天下言。 又《通典》,晉張祖高 餘君等也。 《檀弓》謂之「方喪」,下 邑宰居堊室, 〇以下 ○案: 言諸侯,則 謂 服 若諸侯之大夫爲天 以鄭氏士服 ± 《周 當服 則期。」傳曰 唐 禮 以 同。 期 斬衰。」 凡 後 司 Ŧ 無之。 天王 服 謝 臣 君 崑 州凡 之上 沈 可 知 Щ

曰 : 曰太子,惟卿、大夫、士稱適。 爲長子。長子,適長子,其父亦適長子也。 君至尊也。 君。 諸 侯、 卿 以一 大夫、 國及 ± 曰長子,則 家言, 凡 有 君 1: 上下 臣之義 者 通。 皆 天子、諸 日 且. 也 君 立 適亦 侯皆 父 傳

無重可 祖之正 年。 自起。 故曰 馬 繼 四 之適説,舍子 明 是 得 年 世,是也。 日 祖 重 大傳 禰之適子,亦不得遂三年之服。 可 氏 世之説証之,謂必適子適 爲長子三年者之爲適子耳。 也。 爲 也。 也 不 以 Œ 》説與此同, 長子三年,適子之弟、及妾所生皆曰庶子。 繼祖 其 傳, 歷 體,其指 IE. 體于上。 祖,長子之祖,庶子之父也。 愚謂 又以其將代己主宗廟,則 代並 諸説之失矣。 弊 賈公彦 疑與 與禰 故長子亦不得繼 在 而言曾孫 Ŧi. 同 諸 長子言。 者, 0 世 因注不必五 惟《小記 子異 《明會典 疏以長子父言, 謂 不 四 繼祖 世 庶子身不繼禰. 也 要之,傳言庶子不爲長子三年,正以 既 蓋 適適 》言「不 與經 孫 山與禰 孫祔于祖,是長子與 改不杖期。 正 祖,不當爲之三年也。 世 ,乃得爲長子三年,外 相承,其爲長子三年,不必言 馬 體 説 義不符。 者, 繼祖與禰 融主 是又舍子而言孫,其 所傳 未協。 于 遂舉賀循、虞喜、庾蔚之 皆爲庶子耳。 上 戴聖、 庶子不得爲父後,則 故其長子爲不繼 者 傳 **,**注 鄭氏 重 又乃 」,此聚訟之説所 日 聞 也 云: 以爲不必 人通漢 祖爲 將 重其 庶 何 譙 ○案: 此 不 子 所 體 以 人失與 (當先 則 Ŧi. 氏 祖 也, 繼 不 傳 \equiv 世 周 雖 Ŧī.

> 矣。 悮。 推之遠也。 子,與大夫同 爲長子三年? 子三年,則繼禰之適子,其 若此傳· 不知宗法雖廢 若 止 則爲 以 《朱子語類 敖 繼禰之適子言,注 氏 服 長 繼 制自當從古。 子三年 公據殤 彰載 長子 或問 小 亦 即得 當與 功 亦 章,①謂公之昆 宗 與 庶子之服 謂 大夫同 祖 法 爲 既 爲 父後 體 廢 而 , 亦 因 庶 者 傳 疑 然後 不 子 重 此 弟 何 可 爲 不 爲 傳 以 必 例 庶 之 不 必 長

適子,其繆不足辨

也

以

長

也。

疏

云

立

庶長子及適孫

庶

孫

者

雖

承

重

īſīj

不

得

Ξ

後? 後。 以 傳 父母後,故以次適後大宗。 而 後,爲高曾祖後,亦如之。 適 尊 則 可 曰 以 宗子所以 : 爲 服服之。 爲人後者。 就同宗言。 妾子,又 何以三年 之後? 收 無 受重,受傳重之重。 族 支子可 則 疑 也? 爲宗子後,不言父者,不皆父也。 故 以 非盡 長 須 不言爲所後, 適,俟 同 不言庶子, 人可 也。 疑與生己者異。 宗。 爲。 其生子, 次 何 適 尊, 同 嫌 如 也 可 用 宗 而 猶 還 知。 妾子 適 爲所 重 則 可 受 長子自爲 也。 以 可 也 重 生 歷 爲 爲 者 何 代 後 無 爲 也 同 之 如 必 次 其 祖

❶ 「殤」下,原衍「服」字,今據敖繼公《儀禮集説》删

一七〇

高、曾及祖、則其妻之父母已無服矣。如也。子、親子、謂如其親子之服、據爲人子者言也。若後弟之子、此蓋略言之、推類以盡其餘可也。若子。若、爲所後者之祖父母、妻、妻之父母、昆弟、昆爲

至尊也。妻雖以齊爲義,而夫實尊于妻。妻爲夫。《小記》:姑在,則爲夫杖。傳曰:夫

妾爲君。奔則爲妾,媵亦曰妾,謂夫爲君,尊之。

傳曰:君,至尊也。

幓 也。 笄,箭,竹也。 則去縱矣。 蓋韜髮以縱,束髮以總。 頭 以 也 麻自頂 布總,總,束髮,以疎布爲之。 小飲服之以終喪。 始 死縞 而前,交于額上,卻繞紒。 始死,去吉笄,成服 總 成 《内則》「櫛縰笄總」是也。 服,用 衰,斬衰如男子,又言之者,以 布 以終 箭笄以終喪。 曰總,則東本及末矣。 喪, 注云:如後人之着 五服 並同 髽,露紒 此言總, 箭

同。 小功總一尺,吉總尺二寸。不見所據。 别也。 也。 人喪服之異于男子者言也。 其連裳,又無衽也。 下,吉笄去首。存參。吉笄尺二寸。連文及之。 長,不止此也。 韜之妻之姑之喪,榛笄長尺,斬衰亦同。 六寸,注謂出紒後垂之爲飾,則此第以垂者言。 傳曰總六升,與冠等也。亦受七升。長去聲,下 妻、妾、女子子,已見于上,故不言「者」,「者」爲下出 ○案: 孔氏云: 斬衰六寸,期八寸,大功同 連裳,故不言裳。 三年。 在此者,嫌已嫁而 箭笄長尺,南宫 ○或云:大功 反者之服 此合上下 總之 或

年。 也。 反,則遂之。」既練則已者,期服已除,又不及與兄弟同 而出,則三年; 今與夫族絶,則服與未嫁等,故亦言在室。 未嫁者微别也。 ○《政和禮》、《司馬書儀》無。 反,夫命還其家也。 子嫁反在父之室,反,被出而 既練而出,則已, 爲父三年。《小記》:「爲父母喪,未 未受服,仍服 未 歷代並同 練而 期 歸也。 反,則 既受服 日父之室,則 期 出 嫁 則 既 服 受服 練 期 與 練 而

胞、濯、閹之屬、蓋吏也。 爲其君,布帶,齊衰之帶也。公士大夫之衆臣,士,卿士。衆臣非士,如煇、

之屬。 仍 菲 皆 官 以 亦 地 士,邑宰家宰。 繩 杖即 君 爲其君 繫之此章之末, 衆 屨。 世 也。 衆臣 臣 位之義。 君服 大功之屨 漢謂之不借 近 也 餘 杖 臣 俱 斯 亦衆臣耳 不 無 君 此 服 貴臣。二者皆貴臣, 則 以 謂 本 亦 矣。 斬 傳 在 有 即 衰之服 君 年 日 以 位。 地 君嗣子,臣 服節 服 近 者 也。 君 公 猶 内 不 也。 不 是 卿、 與 不 因 也。 敢 敢 貴 不 帶 君 大夫室老, 異 世 臣 與 ○《開 其服不 屨 也。 謂 貴 一爵。 同。 有 所 臣 異, 服 同 繩 曰君者,家 元 近 殺。 故 者。 禮 服 屨 臣 别言 $\stackrel{>}{\succeq}$ 蓋 者 其 家 地 閣 即 釆 之。 餘 相。 繩 長 或 寺 不

曰 : 内 大夫之適子,爲天子亦然。 侯有五屬之親者,皆服 之」,又「與諸侯爲兄弟者服 代之執喪也。 宗 斬 爲 也 曾 三。 注: 右 注疏天子諸 祖 斬 後 衰案不杖期, 服斬, 者斬。 又祖父爲廢疾不立、己受國于曾祖 民父在 外 《喪 斬。」 宗 服 姑 爲 注:「 斬」。 傳 小 姊妹 雜記 祖 云: 記 斬 士爲國君斬。」天子、卿、 》「爲 衰 之女之類; 熊氏安生云:「凡與 「父卒,然後爲祖 「外宗爲君夫人,猶 所 殤後 謂 父 者 有 内 以 公宗, 廢 其 疾、 黄氏 Ŧī. 服 後 諸 子 者 屬 服

> 母」、「 姑。」 賀循、 之女。 母」、「女嫁反在室爲母 大夫,爲父母 嫁,反在父之室。 斬。」《家禮》: 衰三年。」唐律: 」、「婦爲姑」、「 政和 今制增夫爲適母、 夫爲人後, 爲 譙 疏: 周 人後 禮 諸 熊 家云: 服斬,不 者,爲 「爲人後者,承 氏 「凡夫爲祖 云: 庶子爲所 則 疏: 婦婦 在己國則爲君 妻從 所 降。 即 天子之女嫁于諸 後 二、「適 爲舅。」《宋 繼母、慈母、養母,妻同 嫁 母, 服」、「庶子之妻、爲夫之所 戴 在 生母 其 德《 曾 他 及 孫 (祖。」明 或 所 祖 喪 爲 火史・ 服 子 後 祖 服 高 亦 斬 祖 記 母, 祖 爲 爲 侯, 《孝慈録》: 禮 母 本 他 承 及 繼 志 二、「女 諸侯之女嫁 或 重 國 「爲 母、 曾 則 者 諸 高 高 不 慈 侯 婦 在 祖 妻 服。 祖 母、 子 服 母 室 從 爲 後 斬 爲 爲 舅 生 養 承 夫 者 子

斬

服三年 受十升。 絰,奉尸于堂服 在 年者,降服七升,受八升; 衰成之後也。 緝 裳下。 疏 及 杖 衰裳齊,斬衰亦疏,于此言之者, 削 期 杖, 斬衰先言斬,此後言齊者,斬 并三月 要 牡 (経,散 布帶,輕 麻 者 絰 垂 服 牡 于絞 成 Œ 同 服 不帶 服 于 絞 八 斬 垂。 升,受九 子,惡減于 衰。 疏 屨 冠 不 在 草 杖 布 升; 嫌齊衰 未 期 纓 苴 成 屨 者 義 衰之前 也 小飲服 服 輕 或 白 于 始 九 細 布 升 死 繩 也 深 首

母 母: 重

降服四 除 ? 杖期 典 屬。 藨 功 下而綴之。 頭 牡 而 升,義服九升。 衣,十五升,素冠,吉屨 母没、然後三年。 右邊,從額前向左圍 》改斬衰,今因之。 ,則上之皆不得言功。 皮表反。 麻者,枲麻 ,厭于父也。 是也。 云: 升,義服六升。 冠者沽音古,下同。 〇《開元禮》不分父存没,皆齊衰三年。 蒯 三年者。 古怪 也。 也 父卒,則尊得伸,故三年。 徐氏謂言父卒,則父卒即可 謂麤蒯。 ○厭,同壓,下並同 反。 負版辟 無約。 牡麻經,右本在上,以麻根着 由 功言沽 之菲 頭 傳 曰: 後至 成 積 父卒則爲 服 則麤于大功矣。 ,卒哭,受降服七升,正服六 麻根 也。 功也。 服齊衰裳, 齊者何? 處 藨, 以 鹿藿 母。 沽,麤也。 疏云: 麻尾 正服 服 也。 父在 納麻 疏履 布 父服 緝 何 《明 蒯 Ŧī. 爲母 根之 此 必 也 升 者 菅 除 會 服 \exists 日

父, 也。 下 則 -慈母 同 與 也。 慈母 同。 大 母如 ○歷代因 母 傳 如 同 日 母。 母 革 注 後母 傳言 繼 同 因, 親 母 終其 也 母 猶 何 繼 身 親 以 《明會 母配 也 如 則 父, 與母又有間 母 典 故 恩 ? 淡改 孝 雖 斬衰, 子 繼 有 間 不 母: 今因之。 矣 而 敢 之 尊 配 傳 殊 親

> 子,不問父在與否,此亦適子婦服其子也。 降,母亦不敢降 期,今因之。 貴,重也。 其身如母,死則喪之三年如母,貴父之命 子。」命子曰:「女以爲母。」若是則生養之終 者,妾子之無母者,父命妾曰: 又《小記》:「爲慈母之父母 : 慈 母 若不命,則服庶母慈己之服,小功章所載 者 傳曰 何 也? 也。 : 何以 不敢以己尊降祖之正體 傳 無服。」母爲 三年 日 : 也? 舊 傳。 「女音汝。 《明會典》改不 長 父之所 子。 妾之 服 以 無 是 適 不 也 爲 子 杖 長

年。 皆如衆人。」此謂 父後者」注: 所後者之妻若子。 妾有子子死者爲後 者,爲庶母可 明 長子,與女君同。 會典》改不杖期,又《小記 明 右齊衰三年 會 典》 「大夫卒,庶子爲母 也,爲 改斬 所 生母 妾從女君 祖庶母,可 明《孝慈録 呼 衰 案: 爲 今因之。 也 祖 明 庶母 斬 》祖父卒而 而 也。 並 》改斬衰、《小記》妾爲君 衰 出 改斬 三年,士雖 又《小 亦 疏: 章「爲 則 服之三年。 衰 不 父命己子,與 記 后 爲 人後 黄氏補 爲祖母 女君之子服 在,庶子爲 「爲 」傳 「庶子爲 後 慈 天子之 \exists 其 母 者 父 爲

女嫁于 爲母。 《宋會要》爲所生母。 服。 母 元禮》父在爲母、《政和禮 、斬衰。 也 《開寶禮》養母,謂養同宗,及三歲以下遺棄之子者 《孝慈録》並改斬衰,今因之。 繼母爲長子、爲高 ,諸侯、諸侯之女嫁于大夫,爲 戴德 喪服變除篇》「父卒爲君母」,謂庶子爲適 《明集禮》女在室爲母;女嫁反在室 、曾祖後者,服高、 》婦爲姑、《家禮》夫承重,則 母: 皆 齊衰三年。 曾 祖 母。 《開 從 明

問 絞 麻經 升數並如冠,故連及之也 功,冠其衰也。 衰、大功,冠其受也; 三,其冠同; 十五月而 削 視其冠。 齊衰冠而 垂。 於,布帶,疏屨,複言之者,嫌其服 ,服期者,小飲,首 疏衰裳齊,負版辟領,衰六寸之屬,並 冠 畢。 布 帶,布 并言大小功、緦者,以類及之也。 齊衰有四,不知冠之異同,故問 纓,今文無此三字。 傳 曰 : 緦、小功無受,冠、 象革 問 經,奉尸侇于堂,要經,散 帶。 者 言冠之升數,與卒哭受衰同。 日 緣者,喪中所服衣之緣也。 : 升數 衰升數同 何 冠 或輕 並 也。 也 同齊衰三年。 也。 同三年。 ? 緦麻、小 帶緣各 曰 垂 期者。 斬衰有 成 齊 牡 服

年之義,父爲存之緣情定制。

禮

有曲而致者,此其是

與?

已也。 尊也。 也。 禫。 于父母之喪皆曰三年,此經獨以父之存没别之,故有 娶,改娶。 前,得無傷其父心,屈之至期,所以安其父,而子心則 古法者,但王道本乎人情,其父至期除服, 期,其心喪則猶三年也。 典》改斬衰,今因之。 母大功。 庶子不以杖即位。」又「慈母」注: 「大夫之妾子,父在 屈也。屈于父。 自其父達之而屈者伸矣。 父在爲母。 母謂之私者,據子言之也。 士之妾子,父在爲母期。」唐律改齊衰三年。 達子之志也。 傳 曰 **:** 《小記》: 至尊在,謂父。 三年後娶,其志乃伸矣。 何以 達,通也 「庶子在父之室 又父若子雖並 期也? 父必三年然 伸也。 ,而子以重服 不 敢伸 子 疑其應三年 服 于母 ○案: 爲 期, 仍 疑 其 其 《明 不自 侍 其 屈 母 愐 後 私 于 非 古 IIII

親也。 子父在爲妻亦杖,又《雜記》:「宗子,母在爲妻禫。」則父在 記》父在庶子爲妻,以杖即位可 蓋適子父在主喪,故爲妻不杖, 《雜記》爲妻,父母在不杖,不稽顙; 傳曰 何 以 期 此經爲 也。 也? 蓋父不主庶婦喪,故庶 無父者言也。 疑 同 母: 于 在,不 母 又《小 稽顙 妻 至

作者宣介

不禫也。適子亦如之。

母 服,舊傳也。 者,或未改嫁者。○以上歷代同。 出妻之子,爲母。出,去也。 則爲外祖父母 母 出 與廟絶, 無服。 是與族絕也。 傳 曰: 傳 曰: 謂犯七出之法而去 旁 出妻之子爲 及日 絶族 施 無 親 施

者屬。 者,從嫁故也。 祖、是正 嫁,從爲之服,繼母 者,喪者不祭故也。 爲父後者,適子。 體也。 母子至親,無絶道,故以服連綴之。 不從則不 不敢服其 傳 則爲出母 由 日 服。 疏 : 而親,嫁則仍疏矣。 私 與 報。 尊者爲 親 無服。《小記》:無服也 嫁母 也。 亦如其服以答之 一體,尊者謂 父卒繼母 出妻之子 亦爲之服 以期也?

以 若不終父三年喪,亦不服。 也。 言之。王氏肅始主從嫁説,視疏爲勝,今從之。 期也? ○案:馬氏融謂 貴終也。 重 成 母道, 終母子之恩也。 金大定間改三年。 故隨 爲之服 言 繼母, 傳 曰: 疏 又馬氏 亦 則 本 親 此 何 母 義 之至尊。

右齊衰期案"本章"「繼母嫁,從爲之服報。」則

Ø

嫁者可知矣。

固不厭也 之。〇又案:「慈母」注:「士之妾子爲母期。」不知士子 典》改斬衰。 祖母後者三年。」注:「祖父在,則服如 嫁母爲子之從嫁者,亦期。 衰期。」《孝慈録》:適子、衆子爲庶母皆期,妻同。 《檀弓》:「子思之母死于衛。」注:「嫁母 又《小記 父在爲母。」《明會 祖 父卒, 今並 脯 後 齊 大 爲

世者,以繼世先適長也。「叔」、《説文》作「尗」,父行之少者。世父,❷後生爲叔父。」「父之兄妻爲世母,弟妻爲叔母。」曰世父母,叔父母。《爾雅》:「父之晜弟,先生爲

祖爲孫大功,此乃期,故問

也。

至尊

也。

父

「生」,原誤作「王」,今據四庫本改。

^{●「}親」,原誤作「服」,今據《儀禮》改。

尊者一 也。 故曰旁尊。 傳 亦 可 宫,四方之宫,古或有此稱, 私 子不私其父,則不成爲子,天理人情之至,不嫌其 也。 析言之曰一,統言之曰四。 期 二者不言適庶,蓋 夫妻胖合也,本異體,以胖合而一。 疏爲親。 父子一體也,以下廣明一體之義。 己之尊,加之彼也。 也? 故有東宫,室也。 然而有分者,謂異居 昆弟之子,各私其父,不可 此昆弟所分之宫也。 體也。 其制 昆弟 世父、叔父何以 服與一 不足以 未 一體也,故父子首足也,首足一體。 詳。 其服 體 尊者謂父。 故報之也。 同,疑 或同 加尊焉,尊者爲卑者降其服,是以 同 姑 可 宫 故昆弟之義無分,一體故 《内則》 有西 故有因以爲氏者,言四方則中 殺 在 而 也。 然則昆弟之子何以 期也? 也 室 有 間于旁尊,故辟而分之。 亦如之。 别室與? 》命士以上,父子異宫,當 宫,有南宫,有北 如其服己之服,是報也。 則 旁尊也,己爲諸父, 夫妻一體也,合 辟 昆弟四體 疑其同于祖 同避。子之私 〇以上 異居 歷 代同。 而 也。 亦 同 與

> 也? 争矣。不足則資之宗。世母、叔母, 也。 財,宮分,故居 宗,謂大宗。若小宗,昆弟同財極難,以宗子主之,則 疑其本路人。以名服也。 異 也。 有餘 則歸之宗,餘, 配伯若叔 何以亦期 而 有 母 用 之

父之所不降,大夫不以尊降適婦,重適也。 爲妻」條。 妻。《小記》:世子爲妻,與大夫之適子同。 也?本應杖。父在則爲妻不杖。父主喪故也 伸,非以其貴也。 大夫之子,所以有降服者,因大夫降服其子厭于父而不得 厭降,公之昆弟,以旁尊降,爲人後,及嫁女,以出降。 敢降也。 大夫之適丁狄反,下並同。 傳 曰 : 降有四等: 注謂大夫子以厭降,信然。 何以 君大夫,以尊降,公子、大夫子,以 「男子先生爲兄,後生爲弟。」 昆,兄 期 也? 疑其異于衆子妻也 本又作「嫡」。 ○後世統于「夫 何以 子亦不 子爲 不杖 案:

父母兄弟之爲大夫者之喪,服如士服。」「大夫爲其父母兄弟之未爲大夫者之喪,服如士服,士爲其也。所謂一體也。此亦合適庶言,姊妹在室同。《雜記》:民弟。《爾雅》:「男子先生爲兄,後生爲弟。」昆,兄

爲衆子。長子之弟,及妾子女子子,在室亦如之。

衆子者,大夫則 謂之庶子,降爲大功。 天子、諸 侯無 服。 未妥。

日

晉人云: 適子有廢疾,服同衆子。

歷代同。 昆弟之子。《檀弓》:「兄弟之子猶子也。」〇以上 傳曰:何以期也? 報之也。

弟」者,其適或兄或弟,未可知也。 弟大功,嫌其于適昆弟亦然。此特于昆弟之下明之。 大夫雖尊,不降其適。 何以期也? 大夫之庶子,爲適昆弟。下大夫之庶子爲昆 疑其與衆昆弟異。 子亦不敢降也。 ○歷代人昆弟條。 父之所不降, 亦以大夫之降 日 昆 傳

服斬,故于孫不重服,特加隆于大功而已。 從父爲長子之例服斬。 祀事,則服適子婦, 若適子婦在,使其子婦代己主祀,則並服之。 子在,則猶是衆孫而已,無所謂適孫 敢降其適也。 祖爲之期。 適孫。《爾雅》:「子之子爲孫。」適子死,適孫承重, 傳曰: ,其適孫婦,與衆孫婦同。 有適子者無適 何以期也? 今不斬而期者,適子死,其祖已爲之 也。 孫,有適子者,謂適 疑其與諸孫異。 孫婦 疏本非一 〇案: 如適子婦 亦如之。 此 尚主 體說 似當 不

> 者,嫌同于所後之妻也,故降同世叔父母之服,以示大宗之 曰其父母,則既不没其本生之名,仍不混于所後之實, 爲人後者,爲其父母,不降于齊衰三年及杖 疑其應斬。 不貳斬 報。此支子也。 也。 何 以不貳斬 傳 降其小宗也。 日 其父母本應服 何 也? 以 期 期

能推遠 也? 解不貳意。 重。 言也。士,汎言其人民。 知,而況于宗? 持重于大宗者,持重謂執斬衰服。 期,以昆弟之子爲報服,故亦以報言之。 人子之心,庶兩無所負矣。 化稍遠,不能分別父母尊卑。 不可絶。 大宗者,尊之統也。族人尊小宗,小宗又統于大宗,故 大宗也。 有先君之廟曰都,無曰 也。 禽獸知母而不知父。惟知所生母,父且 小宗,謂其父也。 大夫及學士,大學、小學之士。 曷爲後大宗? 野人曰:「父母何筭焉。」野 邑。」此則指國中都會與政化稍親者 則知尊禰矣。 算,分别 爲人後者孰後? 以 下 也 廣明 稍 都 後 知禮 大宗之義 則 義,尚 人與 知 後 尊 不

上,猶 祖矣。 統下。 之君,亦始祖也,但視天子始祖則近矣,故不曰始。 以承父統,不當出也 故族人以支子後大宗也。適子不得後大宗。 者也,收,合也。不可以絕,與祖爲體,且主宗事故也。 示重宗之義。 統之也。 也,日始祖者,見其 及其始祖之所自出。 遠也,謂始祖。 卑者,諸侯也。下,猶近也,謂太祖,蓋合太祖之後 通于率祖、率親之義。 四「統」字義同,自禽獸知母至此,推宗所自來,以 大宗者,尊之統也。 (遠。 統,謂合始祖之後統之也。 尊者尊統上,尊者、天子也。 遠推發祥所自來也。 諸侯及其大祖 大宗者收族 此亦太祖 卑者尊 天子 始封

婦 期,故第以父問 傳曰:爲父何以期也? 爲父本斬衰,母,父在亦 兄弟不言報,蓋爲之大功,「大功」章爲姊妹適人者是也。 黨,故從父言之。爲其父母,昆弟之爲父後者。 人不 女子子適如字。人者,不言婦人者,以其服父之 ·貳斬者何也? 也 婦人不貳 婦人有三從之義、從、從 新也。 爲夫斬 愐 릲 此

> 之説非。 比。夫者妻之天也。故有從夫之義,不言子者,天不 注辟大宗之説非。 也。 嫁又反服其昆弟,故曰歸,注所謂不自絶于族類 父後者,何以亦期也? 人不能二尊也。婦人之德在專一。 可加之子也。婦人不貳斬者,猶曰 者子之天也,故有從父之義,人所尊大者惟天,故以爲 既嫁從夫,夫死從子。所從者三,服斬者一。 其教令也。 在外,出嫁。 言此小宗爲親昆弟,服期。 曰小宗,經不言小宗,傳者斷之也。 無專用之道,不敢自專。 必有歸宗、宗、宗之、謂尊 疑其與父母同。 若昆弟爲大宗、服亦如之。 不貳天也,婦 故未嫁從父, 爲昆弟之爲 其 小 也 婦人雖 故 宗 疏歸 也。 故父 服 期 寧 既

下。 同。 也。 其續成父道,故雖路人亦謂之父。 ○以上歷代同。 傳曰 子無大功之親,從父昆弟以 繼父同居者。嫁母之夫也。 夫死 傳 曰 : 妻穉,未滿五 何以期 不係以母者,義不起 + 上 也? 繼者,繼 同 子幼。 財 者也。 疑其與骨 續之義,以 十 五 與之 于母 肉

主後。 月 雖 則 祀 此祭當在寢 也。 子,可知。 適人,子從母。 廟絶也。 前人多疑之,大概謂此子若宗子,則自有廟,若非宗子,則不 金玉之屬。 異所 也。 焉; 服 築,謂别起室也。 齊衰期,謂此不杖期也。 同 是泥定 而子 《石經 神不歆非類,故使子祀之。 財而祭其祖禰爲同居。」別築官矣。 若是,則繼父之道也,必三者備也。 所適者以其貨財爲之築宫廟,貨,布 財,五穀賄賂之屬。 尚居 或因祭而遂以廟名,不必實有廟也。 着 廟 其 而 也」字。 字, 室 所 此不應作廟,言廟者,因宫而類及之。 而反致疑于 適 且 同 者 ○《小記》:「有主後者爲異居。」 財 亦 也。 貨亦財,此謂所適者之貨財 《小記》: 無 傳說也。 異居 大功之親 妻不敢 「必嘗同居,皆 則 曰同居者,祭 歲時 服 與馬 齊衰 ○案: 不言 同 使 之 \equiv 居 與 此 無 無

從 服 也。 爲夫之君。 從夫也。 此命 凡從服降 婦 也。 等,其夫三年 傳曰 何 以 故妻期 期 也? 夫

路

人而已

後爲異居,尚

有父名。

未嘗同

居

則不爲異居。

但

無主後,

而

非同居同

財祭祀,亦異居也。

必嘗同居然

亡則不服矣。不言君之妻,無服也。○唐後闕

弟。 傳 子者,以其出適,還爲父母服期,不必言報也。 也? 大功, 矜之, 故仍服期。 「父之姊妹爲姑。」男子謂先生爲姊,後生爲妹。 日 出適,則皆降在大功。 姑,姊妹,女子子,適人無主者,《 爲其無祭主故也。 無 主 者, 謂 姑姊妹 其 今相 無 爲期, 祭主 不言喪主者,可 報。 故曰 者 姑對 報 也 也。 姪 出 , 姊 何 適已 不言女子 歷代 爾 妹 以 降 對 同 期 兄 在

説 | | | | | | 準 從服期」。 夫人、太子,如士服。」注: 士爲小君期。 父母之下,示此爲禮之變也。 斬,故從服 未嗣位,而早卒,祖亦有廢疾,故受于曾 也。 乘從服」。《雜記》:「外宗爲君夫人,猶内宗也。」注 衰。]〇案: 之,非 若繼體 爲君之父母,妻,長子,祖父母。 君之父、祖 期。 又「君之母、非夫人、則羣臣 説 注謂既爲君矣,而有父若祖之服者,蓋始封之君 則受國于曾祖。 所 其 能 説如 拘 ,雖曾爲君 也 此 0 竊 歷 疏云: 謂 既老 《服問》:「大夫之適子爲 代 禮 | 闕 無 而 或 傳, 祖。 無服,惟近臣及 祖 定, 傳 「太子,君 嗣 父有廢 日 事 君 劉 可 氏 在 續 類 位 祖父母 何 疾; 求 服 臣 以 斬 或父 僕 禮 「齊 君 期 臣 在 驂 此

斬。 君同服期而不降。 也 ? 妻則 疑 X 其非 小君 親。 也。 父卒然後爲祖後者服 從服 此臣爲小君常服,非從服也 也。 從君。 父母長子君 斬。 ,故與 有適 服

子者無適孫也,兩言君斬,明臣之所以期。

也。不降。

存參。 「女君于妾無服。」案:娣姪當服姑姪姊妹之常服。無服説問。妾之事女君,與婦之事舅姑等。女君注云:問。傳曰:何以期也? 同事一人,而獨爲重服,故同。傳曰:何以期也? 同事一人,而獨爲重服,故同。傳

記》: 姑。 以其本路人,而爲之重服也。 姑齊衰三年。 《服問》:「傳曰: 「婦當喪而出,則除之。」〇歷代同。宋改舅斬衰三年, 婦爲舅姑,《爾雅》:婦稱夫之父曰舅,夫之母 明姑同舅,今因之。 有從輕而重,公子之妻爲其皇姑。』《小 從服 傳 曰 : 也。 既體其子,故降 何以 知也? H

叔父報服言,此以世 \mathbf{E} 何 夫之昆弟之子。 以期 也? 叔母報服言也 疑本路人。 女子在 報 之也。 室,出 嫁 上二傳以 並 同。 傳 世

> 等,爲衆子大功,其妻體君,皆從夫降,故以妾不降爲 曰 : 妾不得體君,妾卑,不得與正妻等。 何以期也? 公妾、大夫之妾 諸侯絶旁期,爲衆子無服,大夫降 爲 其 子。 爲 己 所 其子得 生子。 疑 也。 遂 傳

女子子。 弟,昆弟之子,姑姊妹,女子子,無主者,爲大 據下傳言之。其説極確,從之。又案: 疏言六命夫: 世父, 鄭謂男女同不報,而以傳爲失之,何其考之未精與? 而可見。 及之者,嫌其或降。 夫命婦者,唯子不報。大夫之子,從父降旁親 若世父等諸人爵與其父等,則不降也。 大夫之子爲世父母,叔父母,子,衆子。 惟嫁女本服是期,則疑于報,故傳專主女子言之。 ○案:崑山徐氏云: 又據傳此爲命婦,與上 男子爲父斬,其不報,不待言 無主説已見上,此復 一别也, 唯子,謂 昆

不敢 以期 言不 也? 婦: 朝,妻貴于室矣。夫妻一體也 見于上,故此傳專以命婦言之。 也。 爲大夫者也。 凡七命夫。○歷代闕。 六。 世母, 竊謂昆弟既分爲二,其子亦應分昆之子六,弟之子七, 叔父,二,子,三,昆,四,弟,五,昆弟之子,六。六命 降也。 也? 報也,本服,不可言報。 無主者,命婦之無祭主者也。 疑其獨異。 一,叔母,二,姑,三,姊,四,妹,五,女子子, 疑其當降。 大夫曷爲不降命婦也? 命婦者,其婦人之爲大夫妻者 女子子適人者爲其父母期 傳曰:大夫者,其男子之 父之所不降,尊同。 何以言「唯子不 言其餘皆報 無主之服,已 夫 尊 于 也 子 報 故故 亦 何 故明之。

與適也。
曰:何以期也?不降,故問。大夫不敢降其祖曰:何以期也?不降,故問。大夫不敢降其祖大夫爲祖父母、適孫爲士者。歷代闕。傳

皆然。爲其父母。歷代同,今律闕。傳曰:何以期公妾以及士妾曰及,則中間公、孤、卿、大夫之妾

此傳似悮矣。 父母 也? 春秋》之義,雖爲天王 遂也。 疑妾卑,不得伸其私親 禮,妾從女君而服其黨服,嫌不自服 注 云: 后,猶曰季姜,是子尊不加于父母。 然則女君 妾不得體君,得 有以 尊降其父母 其父母 者與? 爲 其

孫」注: 俱爲諸侯,則各依本服期。 注: 士妾爲君之衆子期。 適孫、適曾孫、適玄孫、適來 同。《周 小君期。《雜記》:「外宗爲君夫人,猶内宗。」注謂 問》:「大夫之適子,爲君、夫人、太子,如士服。」注:士爲 反,服期。《小記》: 世子爲妻,與大夫之適子同。 問》:「君爲天子三年,夫人如外宗。」《小記》:女未練 服》:凡喪,爲王后齊衰。 報,則女子子適人無主者爲晜弟、晜弟之子並期。 則本生父母,爲出嗣之子亦期,又姑、姊妹適 又《服問》:「公子之妻爲其皇姑。」注 右不杖期。 「凡父于將爲後 禮·春官· 司服》: 案:本章「爲人後者爲其父母 者, 又《小記》「與諸侯爲兄弟」疏 注:「諸侯爲之不杖期。」《服 又本章「爲君之父母妻」疏 凡凶 非長子 孫,皆齊 事服 皆期。」又「大功」章 衰期。 三: 弁服。」疏 齊衰,與小君 又本 人無主 章「適 又《服 又《司 齊衰 Ŧ. 爲 īfij 者

子衆子,與所生子。」「妾爲家長父母。」今並因之。又今 前夫之子從己者。」《孝慈録》:「爲適長子。」「妾爲夫之長 所生庶母。」《政和禮》:「嫁母出母爲其子。」「繼母嫁,爲 期。」唐律:舅姑爲適婦。 臣爲小君期。 「大功」章「大夫之妾爲君之庶子」注: 「妾爲君之衆子亦 ,前夫之子,從繼母改嫁于人,爲改嫁繼母。 「杖期」章 傳 以上歷代同。《開寶禮》:「父 注: 適子父在則爲妻不杖。|

也

月也。 五月 禮須即吉,無服可受也。 受,承也。 衰麻,尊尊,減其日月,恩殺是 月者,天道期年 嫌葬時 故特言之。 與上同也。 而 葬。 疏 又下傳所云"「不敢以兄弟之服服至尊。」注謂 無服也。 衰裳齊,義服衰六升。 此齊衰三月也。 《小記》齊衰三月,與大功同者,繩屨、衰経至重, 三月之後,尚須藏服,待葬時服之。 無受者,卒哭受服,士三月卒哭時,喪期已盡 一大變,三月 〇案:此服以曾祖爲主,不九月、五月而 不言三月者,天子七月而葬,諸侯 不言冠及帶者,義服 一小變,俱時之重者,不期 也 牡麻絰,無受者。 若言三月 冠九升,餘 重其 故

國之君也。 寄公爲所寓。 ○歷代無。 0 寄公,如 案: 此 黎侯寓衛之類。 章當首 曾 祖,疑 錯 所寓,本 簡 爾。

> 傳曰: 已,以婦未與宗事也 宗子之妻服 也。 歸宗之説,則嫁即不反,亦齊衰三月。 絶服者之服。言婦人者,兼已嫁、未嫁者言也。 也? 疏以此章論義服,故 敬宗者,尊祖之義 婦人爲宗子,宗子之母妻。 章,女子子適人者爲昆弟之爲父後者傳,婦人雖在外,必 ? 宗子主别子祀,故尊之。 疑其疏。 失地之君也。 何以 也。 服齊衰三月也? 言與民同 首寓公、未然。 母 在而傳之婦,則並服,否則服其母 也。 何 也。 以爲 宗子之母 尊 此宗子,謂大宗也,故有 同居國 所寓 祖 傳 〇後 故敬宗。 疑其服 日 惟 : 服 土也。 在 寄 《家禮 齊衰三月 絶。 ·, 則 據「不杖 公者. 丈夫、 》有之。 宗 尊 不 子。 爲 祖 何 有

律

也 ? 義不當服斬 下章,歷代並闕。 疑「爲」。 爲舊君,此在國 言與 仕焉 則與 民 同 而 民 傳 同 也。 已者 Iúi 而致仕者。 르 君臣之恩,惟 爲舊君者孰謂 也。 君之母、妻則 何 君之母、妻。 以 此 服 及 斬二服。 齊衰 也? 小君 三月 一謂 舊 也。 此 及

服者不同,蓋恩之深淺稍别也。《小記》士爲小君期,舊臣,則降之同于舊君,與庶人無小君

内之民服天子,彼疏又謂天下服,謂諸侯之臣,並存參。者。《檀弓》天子崩,三月,天下服,則天下皆然。○注謂畿庶人爲國君。不言民而言庶人,容有庶人在官

專言長子者,本隨父服斬,與母不同也。
同也。長子言未去也。妻亦以未去而服,去則無服。知。傳曰:何以服齊衰三月也? 妻言與民知。傳曰:何以服齊衰三月也? 妻言與民知。其妻長子爲舊國君。大大在外,去國。其妻長子爲舊國君。大

繼父不同居者。初本同居,餘詳「不杖期」章。

○歷代同。

也。 昆弟,曾祖之曾孫也,服皆小 章,從祖祖父母,曾祖之子也,從祖父母,曾祖之孫也, 緦,皆有兄弟服,獨言小功者,爲曾祖之後言也。 齊衰三月也? 〇《開元禮》改齊衰五月,後並因之。 曾祖父母。 小功者,兄弟之服也。 此當· 在章首,經不言高祖服, 功。 從祖兄弟,則小功中之最 傳 日 據 大小功 與 「小功 何 從祖 此同 以

卑者,故舉以明之。不敢以兄弟之服服至尊也。

三月也? 大夫不敢降其宗也。 大夫爲宗子。謂維族。傳曰:何以服齊衰

出處之義,是所謂有故而去也。 月也、《孟子》所謂「三有禮 出入有詔于國」者。 《雜記》違諸侯,之大夫,不反服, 夫之謂乎? 埽其宗廟,使族人祭祀,是《曲 夫爲舊君,何 (檀弓》仕而未有禄者, 舊君。 此去國未仕 言其以道 以服 宗廟,舉其重者言之。 違而君薨, 齊 衰三月 也。 者。 去 未絕者,以未仕也 過禮》 君 既 違大夫,之諸侯,不 言與民同 弗爲服也 仕 》所謂 而 也? 則 猶 不 故服齊衰 「爵禄有列于 未 服 大夫去, 傳 曰: 絶 也。 辟 也。 新 反服。 何大 君 大 道 朝 君 屯

其祖也。無。傳曰:何以齊衰三月也? 大夫不敢降無。傳曰:何以齊衰三月也? 大夫不敢降

嫁者而言。未嫁者與男子同,當在上爲曾祖父母條內,此特女子子嫁者未嫁者,爲曾祖父母。此經爲

因嫁者 未 嫁 不 者,其 敢降 嫁 者也。 而 其祖 類 嫁 及之爾。 于大夫者 也。 童子不任服。 ○《開 此言嫁者 元 也。 禮 何以 》增爲齊衰 若 未嫁者,其 許 嫁未嫁,則 服 齊 五月。 衰 猶是在 三月? 成 傳 人而 日 室

:

疏

謂許嫁亦有降理、未合

亦 宗並言之。 注曰:「其無服 畿内之民服天子。」《雜記》「外宗爲君夫人,猶内宗也」, 如之。〇歷代同 右 齊衰三月。 服齊衰三月。 而嫁于庶人者,從爲國君。」疏云: 案:本章「庶人爲國君」 又《開元禮》爲高祖父母,嫁 亦内外 注: 女

别 云:其文不縟,故終 升,不言冠屦帶,與 此乃言布者,灰之,布始成也。 一鍛而 也 勿灰」,則此灰也 大功 布衰裳,此 成服 喪一服而 同 但 殤大功,蓋 也 其功麤, 始死,及飲,服同 르 牡 故曰 不言月 麻 齊、 絰 大功。 斬 者,或九或 之降 無 受者。 上殤服衰七 齊斬 也。 亦 彼言 Ł 布 傳

殤者,男女未冠笄而 子、女子子之長殤、中 死者也。 本服 殤。 長子 斬, 子,兼適庶,略 衆子及室女皆 也

> 則》。 無服。 爲斷。 期。 殤。 殤,十一至八歲爲下殤,八歲齔齒,故殤始 年十九至十六爲長殤,二十則冠 辱,繁也。 爲成人。 何 則旬有三日哭。 女子十五而笄,則斷自十四以下矣。 不 者,哭之一日,與易字義不符。 不滿八歲以下皆本無,不不經 樛 以大功也? 殤則 死則哭之;無服之殤始此。 垂 無 + 哭之而已。 服之殤,以 並降爲大功,昆弟之子、女子子亦如之。 五成童,十六則成童以上也。 , 樗, 曲也, 絞也。 成人絞帶垂。 何以無受也? 喪未成人者,其 **總麻**,則以 以其本齊斬也。未成人也。 故子生三月,則父名之,詳《內 日易 三日爲制。 喪成人者 月。 以 文不縟。 日 心有之。 王氏肅曰 十五至十二爲 姊妹之長 未名則不哭也。 易 而不爲殤,故以十九 ○案:注謂 此據男子言 月之殤 蓋 ,其文縟。 未成人也 爲 故殤之經 殤之期 無 傳曰 1、殤、中 冠 生一日 也。 殤 服 于 笄 此 之 中 而 則

殤,昆弟之長殤、中殤,「小功」章有昆弟之子之下殤 叔父之長殤、中殤,姑、

言適子者,天子、諸侯于庶子,則絶而無服。 之長殤、中殤,大夫爲適子之長殤、中殤。 殤、中殤,適孫之長殤、中殤,大夫之庶子爲 則 大夫之適子皆正統,成人斬衰,殤則不得著代,故入大功。 適昆弟之長殤、中殤,以上本服皆期。 長殤、中殤當在此。 等,故唯言適子也 夫之昆弟之子、女子子之長 大夫于庶子,則 公爲適子 公及 所謂「蓋有受我而厚之者」也

冠纓。 九月之殺 五服無七月之服,此因中殤爲特起之文。 人大功者,七月爲 其長殤皆九月纓 自大功以上皆用之。 與 小 功 别 也 絰 經,首經有纓,禮之重者,制 其 無纓,殺于長 中殤七月,不纓 殤 也。 小 功以 絰 如

右殤大功。案:此及下諸殤服,自漢迄明初皆

下同

大功布衰裳,衰,降服七升,受十升,正服八升,

仍其制。《孝慈録》删,今因之。

義服九升,受十一升。

冠,降服、正服十升,受十一升,

義服

帶,絞垂,繩屦。三月受以小功衰,升數見傳。曰三十一升,受十二升。左縫。牡麻經要經散垂。纓,布

升。 之葛與小功之麻同。 月、據士言也。 布衰也。 此義服。 即 葛,即,就 九月者 小功布十一升。 也。 葛,葛帶。 傳 曰 : 《間傳》: 大功 Œ 布 大功

傳曰:何以大功也? 在室本期。出也。《檀弓》姑,姊妹,女子子,適人者。姑姊妹亦報。

從父昆弟。《爾雅》:「兄之子、弟之子,相謂爲

從

父昆弟。」姊妹在室亦如之。

딩 : 弟 也。 何 爲人後者爲其昆弟。 下記所謂 以大功 也? 降 本期。 爲 本 人後者,降 生 昆 弟 亦 報。 其 昆 傳

庶孫。降于適孫,男女皆是。〇以上歷代同。

適婦。《爾雅》子之妻爲婦,長婦爲適婦,蓋適子之

妻也。○唐改不杖期,後並因之。傳曰:何以大功

也?異于衆婦。不降其適也。

後者期。其實父在亦服之。 女子子 適人者爲衆昆弟,注:父殁則爲爲父

姑者吾謂之姪。男女皆然。 姪丈人婦人報,傳曰:姪者何也? 謂吾

道也。 服也。 母,此皆以明夫昆弟無服之義。 等。其夫屬乎父道者,如昆弟之子之屬。妻皆母 也,治,倫理也。 之稱。蓋兄妻之尊稱也。 者,是「姣」亦可謂之母乎? 婦道也。子妻曰婦,言當服者惟此。 等。○以上歷代同。 夫之祖父母,世父母,叔父母,其夫期. 其夫屬乎子道者,如世叔父母之屬。 夫之昆弟何以 可無慎乎? 傳 曰: 弟妻不可謂之婦,兄妻不可謂之 無 故名者,人治之大者 服也? 何以大功也? 後增夫之兄弟小功,兄 姣,猶叟也。叟,長老 謂弟之妻「婦」 疑其與世叔 妻皆 妻降 從 父

夫子,此言大夫,互文爾。○歷代闕。傳曰:何以大子,爲士者。爲大夫命婦者,已見于「不杖」章。彼言大降其庶子。」昆弟,下記:大夫于兄弟降一等。昆弟之及夫爲世父母,叔父母,子,《小記》:「大夫

親服。位同則不降旁親也。九者皆本服期。 功也? 尊不同也。尊卑别也。尊同則得服

其

母,妻及兄弟皆期,從父而降,故止于大功。 當總,庶子本期,降則大功,此大夫降 也。 父殁得伸,而猶厭于餘尊,故服止于此。 三日俱無服,公子父在,厭于父。下記練冠縓冠,其服也 傳曰:何以大功也? 先君餘尊之所厭 昆弟在傳下,鄭氏移此。或疑上言大夫之子爲昆弟,此不應 夫在也。士妾有子者想,大夫降而 則從乎大夫而降也。日大夫之庶子,又日從降,則大 明其同尊不降爾。若與昆弟連文,則不可解矣。 言昆弟之爲大夫者與此不同,非重也,且下特爲公子庶子, 爲母,生母。妻,昆弟。亦庶子。〇歷代闕。 重出,因謂與下節連文,謂昆弟爲從父昆弟服也。 一等,與父之所不服、子亦不服義微別。 ○言公之庶昆弟,則其父已殁,故曰「先君」。 過此,則重矣。 公之庶昆弟,妾子也,即公子。大夫之庶子, 此言公之庶昆弟。 無服,庶婦本小功,降則 也。 大夫之庶子, 父之所不 不得過大功 庶子于生 此僅從 諸侯絶旁期 注説爲是 案:舊本 ,同壓。 本 一母如 服降

子爲世叔父等九人傳同,疑爲下節而發。姑依注記之,而存子亦不敢降也。謂適也。○案:二語與「不杖」章大夫

其説以備參。

服也。 也。 婦 昆弟與大夫亦尊同 以尊同不降言,疑專言大夫之庶子。 承上「公之庶昆弟,大夫之庶子」言也。 同,故服其本服。 人子適人者。 在室期,出則大功。 皆爲其從父昆弟之爲大夫者,本服大功,尊 據敖氏所引《春秋傳》公子之重視大夫說,則公之庶 〇案:此當在上經「昆弟」之下,疏所謂 也。 世叔母服之也。 並存以備參。 ○歷代同。 司馬氏《書儀 皆者,注所謂昆弟互相 或以公之庶子,不可 不曰女子曰婦人,出 爲夫之昆弟之 無 上

○案:

此當以

舊説爲是。

如注説以「女子子」八字下屬,則

于大夫,又當降而小功,何得仍服大功? 與服制不符。蓋女子子之爲此七人本期,嫁當降而大功,嫁 姊妹者,謂妾自 大夫者也。 之説,非也 人,故大功,否則當爲殤服也。 服大功也。 妾爲庶子及女子子之服,下妾自服其私親,傳義甚明。 子,妾亦與之同也。 君之黨服,得與 疏逆降之説,尤非。 未嫁者,成人而未嫁者也。 服 女君同。 下言爲 其 私 親 世父母、 何以大功也? 傳曰 女君從夫降其庶子及女子 也。 得與女君 未嫁則期,尤不得 嫁者,其 叔 父 母 同。 言惟成 妾爲 嫁 爛脱 上言 姑、 于

歷代並 得 之子稱公子,庶子以下,廣 尊同也。 兄弟。爲姑,姊妹,女子子,嫁于大夫者,君爲 姑,君謂國君。 禰先君。 闕。 大夫,大夫之妻,大夫之子,公之昆弟,庶 傳 尊同則得 其父也,謂不得立禰廟,以適子爲禰廟主 曰 : 姊妹,女子子,嫁于 何以大功 服 其親服。本服大功。 推尊 也? 不同 之義。 國君者。 疑 諸 侯絶旁 公子不 諸 以上 服 侯

子爲祖 之所不服,如封君子之昆弟。 己之一體,可略,且其父已絕服也。 不臣而服其本服也。 則入親廟,四世而遷,其國君之昆弟,則仍祖公子,所謂 百世不遷。 諸父昆弟。 父昆弟。皆其父所臣者。故君之所爲服,如封君之 弟,諸父,即父之昆弟,父所不臣,故亦不敢臣之也 故始封之君,不臣諸父昆弟,祖父及子之一體 封爲國君者,則世世祖是人也,始封之君爲太祖 也。公子公孫卑,故自別于尊。若公子之子孫,有 而已,《小記》所謂「繼別爲宗」也。 公子之子稱公孫,公孫不 ,繼别爲宗」也。 子亦不敢不服也,如封君之于諸父。 不祖公子,不得爲太祖也。若在四世之内, 封君之子,不臣諸父而 此自尊,别于卑者也。 得祖諸侯。惟奉别子 子亦不敢服 此自卑,别于尊者 封君之孫,盡臣諸 也。 臣昆 昆弟 君 故故 别 是 如

爲舅姑大功。」歷代同。 右大功 九月。 下記:「夫之所爲兄弟服,妻降 案《小記》:「夫爲人後者、 ,其妻 封君孫之盡臣也

並同。 《政和五禮新儀》: 女適人者,爲伯叔母,又爲姑姊妹兄 有報服也 大功,又本章姑姊妹適人者、爲人後者爲其昆弟,亦並 後並同。又爲人後者,爲本生祖父母。晉人議當降 弟,及兄弟之子,又姑、姊妹、兄弟爲兄弟姪爲人後者。 之女適人者報。」「爲人後者,爲其姑姊妹之在室者報。」 伯叔父母兄弟姪」,又「爲衆子婦」。 等。」《開元禮》定爲五月,後因之。唐律:「女適人者,爲 《政和禮》:「爲兄弟之子婦。」「爲夫兄弟之子婦。」以上 又《開元禮》:「出母爲女子子適人者,女報同。」 《開 元禮》:「爲兄弟 後

也。 明此功亦小,其制蓋在五服之外,非謂五月之服,亦繐衰也。 十一升,則細同而 之. 德也。治其縷如小功,而成布四升半,縷細者,以恩 之者。不言七月可知。 以 升數少者,以服至尊也。 繐 諸侯之大夫爲天子。士亦當如之。 總衰裳,總,布之細而疏者。 衰 也? 疏密異矣。小功之布不疏而曰小功之總; 諸侯之大夫,以時會見乎天 傳 以四升半之布,而同于小功之 日 : 總衰者何 牡麻! 經, 既 以 傳 曰 : 小 葬 功 除

子。 何 以時會見爲有恩

帶不絕本,與絰不同。不言無受,可知。 大功。《小記》不言首経,則首経斷本也。 大功以上,帶絰有本,小功以下,斷本。 潔白也。《小記》曰:下殤小功,帶澡麻,不絶其本。 小 功布 衰裳,澡 麻帶經,澡者,憂治之,去莩 此殤小功不絕本如 疏云帶在上者,明

以大功之名則同 殤」也,○案:大功之長殤,本有七月、九月之别。 此大功、即下所謂「齊衰之殤」、此小功、即下所謂 小功,蓋以降在大、小功者言之,與「總麻」章言本服者別。 也。 傳曰:問者曰:中殤何以不見也? 爲經長殤問 其昆弟,從父昆弟之長殤。本服皆大功,此應報 子之下殤,本服期,下殤則降而小功。 大夫庶子爲適昆弟之下殤,爲姑,姊妹,女子 大功之殤中從上,小功之殤中從下。 叔父之下殤,適孫之下殤,昆弟之下殤, 也。 注謂此以成人之服言,恐悮 爲人後者,爲 曰 從者 「大功之 此大、

爲夫之叔父之長殤。本大功

子之下殤;本期。 昆弟之子、女子子、夫之昆弟之子、女子 爲姪、庶孫丈夫婦人之長

> 殤。 本大功,言丈夫婦人,亦恩疏之義,此應報

人降至大功,殤又降至小功。 昆弟、庶子、姑、姊妹、女子子之長殤。六者,成 大夫,公之昆弟,大夫之子,適庶同。 爲其

大功。 大夫之妾爲庶子之長殤。君之庶子,成人

五月者。

弟姊妹之長殤 應小功,又從父昆弟姪,亦應報也。 殤,從父昆弟姪之下殤,夫之叔父之中殤、下殤,其 姑、姊妹、適昆弟亦並應報也。 夫爲適子之長殤、中殤,則其下殤,皆應小功。 庶子爲適昆弟之長殤、中殤,公爲適子之長殤、中殤,大 弟之子、女子子之長殤、中殤,適孫之長殤、中殤,大夫之 中殤、叔父之長殤、中殤、姑、姊妹之長殤、中殤、夫之昆 右殤小功。案:「大功」章,子、女子子之長殤 又下「緦麻」章庶孫之中 《開元禮》增從父兄 又叔父及 八長殤

升。 言澡,可知。 冠同,所謂 小功布衰裳,降服十升,正服十一升,義服十二 即葛,三月葛帶、間傳》:「小功之葛,與緦 「冠其衰也」,無受。 牡 麻 絰,要絰

麻之麻同。五月者。 舊説小功以下,吉屨無絢

父。」「父之世母、叔母爲從祖祖母。」從祖父母、爾 父之從父昆弟,爲從祖父, 從祖 祖 父母 ,《爾雅 父之從父昆弟之妻,爲從祖 「父之世父、叔父爲從祖 雅 母。 祖

從祖昆弟。 父之從父昆弟之子。 報,旁親言報,略之。

從父姊妹。

孫 適人者。 父昆弟之女,及己之女孫,在室皆

大功。

舉其親,則恩輕者降可知。 後,降大功,適人,又降小功,此亦報也。不言姑者,注云: 爲人後者爲其姊妹適人者。 馬氏曰「不降」,未然

傳 妣 祖 死則爲其 慈母之父母無服」。 爲外王母。」《小記》: 尊名也。 爲外祖父母。 何 (母之黨服。」 爲其母之黨服 以 小功也? 又《服問 「爲母之君母,母卒則不服。」又「爲 《爾雅》:「母之考爲外王父,母 外親皆總。 出 則不 則爲繼母之黨服,母 爲繼母之黨服 以尊加 也。 之

> 服。 報。 傳 姊妹之子,男女同。 從母、爾雅 日 : 何以小功 「母之姊妹爲從母。」丈夫、婦 也? 下 記: 庶子爲後者爲其 以名加 也,母、母、 亦尊名 (從母 無

外親之服皆緦也

二婦年之大小言也。 以備參。 也; 以上歷代同。 長謂姒。 婦。」注:今或曰妯娌。 弟妻也。 生小功之親焉。 姒,後生爲娣。」同出,謂同嫁一夫,蓋媵也,與此不同。 女弟爲女妹。」又女子不殊在室,略之。 聲伯之母,小婦也。 夫之姑,姊妹、《爾雅》:「夫之姊爲女公,●夫之 《爾雅》:「長婦謂穉婦爲娣 敖氏以經先娣 何以小功也? 傳 曰: 此或春秋之俗稱,似 ○案 娣 爲 「穆姜曰:『吾不以妾爲姒。』」是據 長,非也。 姒 《爾雅》:「女子同出, 婦者,弟 以爲相與居室中, [©]左 婦,娣婦 娣 非從夫之義,姑存 長 氏傳》穆 姒婦,夫之昆 也。 謂 長婦 謂 弟爲娣 姜, 先 大婦 生爲 報 爲 則 姒

本期,以爲人

大夫,大夫之子,公之昆弟,爲從父 昆

0 姊」,原文作「子」,諸本同,今據宋本《爾雅

九〇

弟,庶 子子,適士者。 孫,二者本大功,以爲士,降小功 本期,嫁降而大功,適士 再 姑,姊妹, 降而小 功 女

在室,及嫁于大夫,皆大功。 大夫之妾爲庶子適人者。 曰人,則卑者,故又降而 庶子,女子子 小 功。 也。

○以上歷代闕

君母 黨服。 母。 君母 恩輕 君母姊妹、《小記》爲君母後者、君母卒、則不爲君母 在,則不敢不從服。 之父母,君母,父之適妻也。 ○歷代統于甥舅條内。 庶婦。夫不受重者。 〇唐貞觀加爲大功, 傳 君母 日 : 妾子服其父母。 不在,則不服 何以 小小功 歷 也? 代 同。 從 之

不命爲母子者。○歷代同,明改不杖 小 子者,貴人之子也。 功也? 君子子,大夫及公子之適子。 士爲庶母不慈己者緦。 貴人,適夫人。 期。 以慈己加 爲 庶母慈己者 爲 傳 庶 日 母 也 君子 何 以

服

姑爲之小功。」唐加大功。 右小功五 月案《小記》: 本章爲從祖祖父母、從祖父母 「適婦不爲舅後者,則

> 代同。 姊妹報。 禮》: 也。 報 禮》:「母出,爲繼母之父母兄弟從母。」後並 報 姊 之。《政和禮》:「女適人者爲從父兄弟」、「爲人後者爲 從祖女,姊妹,從祖孫女也,爲適孫之婦又同母異父兄 姑在室者報,祖之姊妹也,爲從祖姑姊妹在室者 妻,亦如之。 口 從父兄弟」,「女適人者爲其兄弟姪之爲 妹適人者,及爲人後者爲其姊妹適人者之服,此 堂兄弟之子,皆小功。 則爲兄弟之孫、 則女適人者爲從父晜弟及晜弟之爲人後者皆 又夫之姑姊妹報,則女在室及適人者爲晜弟 爲從兄弟之女,及兄弟之孫女在室者。 唐律: 見《政和禮》。 爲舅,爲兄弟妻,爲夫之兄弟。 、同堂兄弟之子,爲夫兄弟之孫,爲 《政和禮 又《顯 》載之。 慶禮 又本章有 人後者」。 爲 同爲從 甥。 報 後 以 上 祖 開 姪 皆 從 並 小 姑 因 祖 功 夫 元

共八十絲,抽其半, 去也,高安朱氏曰: 者。 麻,布衰裳,澡 天道一 **總麻**,總,絲 變。 麻經帶, 傳 ,則每齒一絲,十五升本千二百 織具日 也。 無 受服,殤 治 總者 **簆,** 短四十齒爲一升。 其 麻 十五五 如 服 絲, 不别章, 蓋 升 麻之至細 抽其半 略之。 絲。 齒兩 者。 三月 此十 抽

五升,則六百縷也。冠、裳並同。有事其縷,澡治之使

細。無事其布,不必滑易。曰緦。

文據下「從祖昆弟之子」條,爲族父之報服,則四者皆報也。 文,父之從祖祖母爲族曾王母。」蓋高祖子、曾祖昆弟也。 於祖父母,《爾雅》:「父之從祖兄弟爲族父」, 之從祖父也。族父母,《爾雅》:「父之從祖昆弟為之子、父 則族祖父母,《爾雅》:「父之從祖兄弟爲族父」, 之從祖父也。族父母,《爾雅》:「父之從祖昆弟為為 一父之從祖昆弟之妻爲族母」。族昆弟。《爾雅》:族父之 大為、於之母,《爾雅》:「父之從祖昆弟為為 一次之從祖昆弟之妻爲族母」。 於記弟。《爾雅》:「父之從祖昆弟為為 一次之從祖昆弟之子、父 大為、於記弟。《爾雅》:於 一次之從祖昆弟之子、父 一次之從祖昆弟之子、父 一次之從祖昆弟之子、父 一次之從祖昆弟之子、父 一次之從祖昆弟之子、父 一次之從祖昆弟之子、父 一次之從祖昆弟之子、公 一次之從祖昆弟之子、公 一次之從祖昆弟之子、公 一次之從祖昆弟之子、公 一次之從祖昆弟之子、公 一次之從祖祖父母、《爾雅》:「父之從祖祖父爲族曾王 一次, 一次之從祖祖父母、《爾雅》:「父之從祖祖父爲族曾王

下,恐悮。案"以上皆成人服,惟此爲殤服。本大功長殤,降小功中殤。在此者,中從下也。注云中當爲庶孫之婦,殺于庶子婦。 庶孫之中殤。 庶孫

又從祖之孫也。本服皆小功。小功之殤中從下,此不言中弟之長殤。《爾雅》:「父之從父晜弟爲從祖父。」昆弟、而總麻,以出,降也。○以上歷代同。從祖父,從祖昆妹,爲從祖姑。」姊妹則從祖父母之女也。女服之,同變小功妹,爲從祖姑姊妹適人者報,《爾雅》:「父之從父姊

服矣,何從下之有? 下殤,以無服也。○案:注謂不見中殤者,中從下。錄

謂

從父昆弟姪之下殤,從父昆弟,世叔父之子。生,故曰外。外祖尊,故不報也。以上成人服,歷代並同。外孫。《爾雅》:「女子子之子爲外孫。」以嫁女所

姪,姑謂昆弟子也。本大功,降小功,中下殤緦,應報。

夫之叔父之中殤、下殤。長殤小功。

從母之長殤報。本小功。

《孝慈録》改斬衰三年,今因之。傳曰:何以緦也?庶子爲父後者爲其母。所生。○歷代同。

疑斬。 喪則廢祭,故不敢服,既三月不舉祭矣。 三月不舉祭,吉凶不並 也。 傳疑其無服也。 子夏引舊傳証之也。 傳 曰 : 與尊者爲一體,不 有死于宫中 行也。 然則 者,謂 何 因是 以 服 不 以 臣僕 敢 緦 妨 服 服 服之至三月 也 想也。 有 則爲 其 私 據舊 親

士爲庶母。言士,以别于大夫。庶母,父妾有子而

降説爲是。

也。

○敖氏本無「因」字。

又案:

其妻之服,當以晉孔瑚

日

:何以緦也?

以名服

也。

以上爲庶母無服。

降絶,故無服。

不命慈己者。○歷代同、《孝慈録》加不杖期,今因之。 傳 從母有母名,故服其子。

以有母名。大夫 甥。姊妹子,唐改小功,後因之。 傳曰: 甥者何

之也。 也? 謂吾舅者,吾謂之甥。 何以緦也?

壻。《爾雅》:「女子子之夫爲壻。」傳 曰: 何以

總也? 依《石經》增。報之也。

乳母,大夫有食母爲乳母,士自養其子,有故,或使 姑。」《小記》:「世子不降妻之父母。」又《服問》:「有從有服 也。從妻。 而無服,公子爲其妻之父母。]傳曰:何以緦? 妻之父母。《爾雅》:「妻之父爲外舅,妻之母爲外 從服

姑之子,外兄弟。○以上歷代並同。 傳曰:何

以緦? 報之也。

者妻之昆弟若子。○唐貞觀改小功,後因之。 舅。《爾雅》:「母之昆弟爲舅。」「斬衰」傳: 傳曰 爲所後 一: 何

以緦也? 從服也。 舅之子。 内兄弟也。「斬衰」傳: 從母。 爲所後者妻昆弟

從服.

也。

從母。

也。《小記》: 士妾有子而爲之怨,無則已。不别貴賤 ○歷代闕。 貴臣,室老、士。 傳曰:何以緦也? 以其貴也。 貴妾。 姪娣,此公士大夫爲之服 也。

服 傭,傭則安得有母名? 他妾代之,則亦庶母也。有三年之恩,故服之。○或謂爲 也。 從祖昆弟之子。族父母爲之服也。 以有母名。 傳曰:何以緦也? 以名 ○《開元禮》

統于族父報、《書儀》闕、

曾孫。《爾雅》:「孫之子爲曾孫。」玄孫同。

姊妹爲王姑」、「姪之子爲歸孫」。 此亦當報。○《書儀》闕。

父之姑。

歸孫爲祖之姊妹服也。

《爾雅》:「王父之

○以上歷代同。 從母昆弟。《爾雅 傳曰:何以緦也? 「從母之男子爲從母昆弟。」 以名服也。 之子若子。傳曰:何以緦?

吴徐整曰: ●古者三十而娶,何緣得服夫之姊殤? 蓋此篇姑姊妹之文甚多,此亦連及之,衍文爾 夫之姑姊妹之長殤。本服小功。 ○案《通典》 其 説是

如本章從父昆弟姪,本服大功,下殤則

降而總也。

其

也。

緦也。 父母,則父行,非祖父行也。 案:外祖于外孫不言報,則外孫之婦可知。 ○以上歷代同 小功之諸祖父母者,從祖父母也。 夫之諸祖父母報。此夫之小功之親,故妻爲之 敖氏又曰:「諸」,疑衍。 注益以外祖父母。 敖氏益以從祖 並存

也。 母卒,則不服。傳曰: ○歷代入甥爲舅服内 君母之昆弟。 妾子爲適母之昆弟也。《小記》君 何以緦? 從服也。從君母

明之。

等,謂 降 之妻。夫服小功、從服降等,亦報。 同 何以緦也? 之孫之長殤。本服皆小功。爲夫之從父、昆弟 財,故亦謂之同室。 中從上者,「殤大功」章 等,如此經兩長殤,本服小功,降而 從父昆弟之子之長殤,此及下皆應報。 疑娣姒之服。 則生緦之親焉。 諸 以爲相與同室,以異居 中殤是也。 ○歷代同。 緦 也。 長殤、中 下 殤降 中殤降 傳曰 昆弟 · 殤 :

> 等。 下。 即上所謂「大功之殤,中從上」也。 殤。「殤大功」章有斬衰之殤,不言,省文也。 中從下者,亦降二等,本章庶孫之中殤是也。 言,則曰小功之殤; 上以降服言,則曰大功之殤; 即上所謂 小 功之殤中從下」也,經不言中 此以本服言,故曰大功之殤。 此以成人本服言,故曰齊衰之 大功之殤,上以降服 齊衰之殤, 中從上; 殤, 中 故 從 以

歷代闕。下記:「改葬,緦。」《服問》:「公子之妻爲公子 兄弟之子及女之出嫁者。 之外兄弟。」注:妻爲公子之外祖父母、從母、緦。 又《家禮》爲從父兄弟之女出嫁者,其報服 及昆弟之報服。 「女適人者爲從祖姑」是也。 「從祖姑姊妹適人者報」中當有女適人者,爲從父兄弟子 右總麻三月案《小記》:「士妾有子而爲之緦。」 其服姑、姊妹也,男女並同。 又女適人者爲從祖昆弟姊妹。 政和禮 》女適人者爲同堂 與。 《政和禮》 又夫之諸 又本章

0 「吴」下,原衍「氏」字,諸本同,今據通行本《通典》删

者報。 外祖父母,女適人者爲從祖父母報,爲兄弟之孫女適 上 禮 者,女適人者爲從祖父母、從祖祖姑,爲外孫之婦。 爲姊妹子之婦,爲甥之婦。 母、爲夫之從父姊妹在室及適人者、爲夫之舅、及從母、 之婦、夫之從父兄弟之子婦、爲玄孫、爲夫之高曾祖 此矣。又父之姑爲歸孫亦當報。 昆弟,亦當有昆弟姊妹諸 報 曾孫,服室女並 孫,爲從父昆弟之孫,爲夫兄弟之曾孫,爲夫從父昆弟之 之子,亦男女並服之,亦當有報。 室者報,爲族姊妹,是也。 兼族祖姑; 亦 祖 元禮》爲族曾祖姑在室者報,爲族祖姑在室者爲族 服爾。 報服 父母 歷世同。 》從兄弟之妻,爲夫之從父兄弟,爲夫之從祖祖姑。 爲夫兄弟之孫女適人者,爲夫之從父兄弟之女適人 《唐禮儀志》: 也。 報。 其族父,又當有從祖昆弟之子若女之報服 族父母,當兼族姑; 爲同爨,爲朋友。《孝慈録》:嫁女爲同堂姊 又族曾祖父母,當兼族曾祖 政 同,似即族曾祖父母 和 禮 爲舅母,女適人者爲兄弟之孫, 》 爲 兄弟 報服也。 又《開元禮 《開元禮》:爲人後者爲本 孫之婦、爲 族昆弟、當 又唐律:爲從父兄弟 其諸姑姊妹之報服 族祖 和禮 》爲夫之從祖 姑, 夫兄弟孫 父母及族 》爲兄弟之曾 兼姊妹。 族祖父母,當 次之婦, 兄弟 母母 姑 《家 《開 後 以 子 人 生 父 視 族 之 在

中

殤,從祖姑、姊妹之長殤,爲人後者爲其兄弟、姑、姊妹之 之長殤,亦並當報。 從父昆弟之長殤。 之子若女,長殤之報服 其中、下殤應總。 子子之長殤,大夫之妾爲庶子之長殤,此皆降 大夫、公之昆弟、大夫之子爲其昆弟、庶子、姑、姊妹、 長殤、爲夫兄弟之長殤、爲姪、庶孫、丈夫、婦人之長 妹出嫁者。 殤、下殤 又殤服上章爲人後者爲其昆弟、從父昆 又本章從母之長殤報,則 本章從夫昆弟之子之長殤、昆弟 又《開元禮 也。 又上章爲 》增從父姊妹之中殤、下 人後者,爲 亦當 服 有 其 小 之孫 弟之 昆 姊 功。 殤 弟

帶,二者又輕于母。 有三年之戚也。 服、公子被厭不得伸,權爲此制 雅》:「一染謂之縓。」以 麻 母,所生。 文。 以繒爲緣。」此皆三年 衣,白布深衣,布如小功。 或以其不在 記 : 案 : 練冠,以練布爲冠。 五服之中, 記 爲 「惡笄有首布總」以 其 麻 喪練之受飾也。 泛海 经色 衣, 縓緣。 妻 故歸之記與。 縓 布爲長衣領 線緣; 冠, 縓色布冠。 耐 麻,總 服 三年之受飾,猶 皆既葬除之。 諸侯絶期以 縓,淺絳色。 上,當爲經之本 緣 麻之經帶 公子 也。 葛 疏 爲 下 굸 經 其 爾 無

也? 注:「諸侯之妾、貴者視卿、賤者視大夫、皆三月 大戴 禮》文也 君之所不服,子亦不 傳 日 : 何以 不在 敢 服 Ŧī. 也 服 耐 葬。」此 之 君之 中

等。兄弟,凡同室之兄弟皆是。 大夫、公之昆弟,大夫之子,于兄弟降 所

服

,子亦不敢不服

也。

同居者異,故亦加等。

報 ; 及之爾。 其皆降也。 衰」章所謂爲 爲大宗後,嫌本生兄弟,不降其宗子,故言報以 爲人後者于兄弟降一等,本生兄弟 于所爲後之兄弟之子若子。 所後者昆弟之子若子也,因上文兄弟而 即 也。 斬 明 連

爲兄弟發問 愍其孤幼。 兄弟死者幼小,不及識父母,而父母早没也。 仇及被放者,愍其客死,故 居,先與死者同居 兄弟皆在 也、欲得加 傳 日 他 何 邦,加 加 等爲何如兄弟爾。 如 加一等。 等。 則 可 等。 此不在: 謂 不及知父母 之兄弟? 謂出仕、行遊 他 傳 曰 : 邦,亦 與兄弟 加 此 調 小 者 非 避

> 必加? 兄弟大功以上同居 功 以下爲兄弟。 惟大功以下,或緦或袒 ,此當是疎遠 言小功者,大功以上, 或無服 兄 弟 孤 故 貧 則 相 必 加 親 等 自 與 喪之。 「親,何 大功

異。 自項 也。 以免服衰經迎 也。 及衆主人皆有袒免之節。 本服麻,以在他邦,故加袒免。 示有主 ,疑襯冠者。 高安朱氏曰:禮,秃者不免。 祝氏大昌曰:不應別製 鄉前交于額上,卻 舊説免如冠,廣一寸。 朋 一道也。 友皆在他邦,袒免,袒,露褻衣也。 ,則免有服 歸 ○案:注云: 則 己。 焼髻; 也。 同宗五世無服 疏云: 歸 有主 愚謂免冠之免如 冠謂之免。 免亦如之,但布 蓋以同宗無服之喪處之、 免,音問,謂去冠以著免 《左傳》 髽與括髮,皆以 可以已 》秦獲晉侯 , 亦袒免。 免如所謂 外字, 廣一 寸爲 穆姬 主人 免 朋 友

且

同道之恩,故有服外之服。 卿、大夫總衰,士疑衰,庶人素委貌。 朋 友麻。 麻, 總之經帶也。 不言月,則既葬除之矣。 注,其服弔服,諸侯、 朋 友雖 無親 而 有

問

兄弟服,則君蓋公士大夫降期 君之所爲兄弟服,疏: 者 也 諸 侯 室 絶旁期,此 老降 等。 君 服

凡從服降一等。 不言士,可知

無服 安得有降 疏云:從母之類。 夫之所爲兄弟服,妻降一等。 夫之兄 一等之説? 應氏撝謙曰: 此當是凡兄弟之親,如姊妹 此當闕。 弟

也。 舅,無服。 不爲後,如邦人。服之如常。 庶子 與尊者爲一體,不服所生母,故其黨亦 爲後者,爲其外 祖 父 母,從 無 母 服

,無父曰孤。

若父在,即

老而

傳

其

○案: 修整,故須改葬 如 月筭,親,五屬之有 小 子,尚不得爲宗子也。 不必虞者。 三月殤則降, 邦人改葬緦。 功衰,下殤則服之。 及啟墓至室, 其餘弔服加麻,既葬除之。 鄭謂 宗子孤爲殤 三月而除 要之,改 故 也。 三月 依 見柩不 葬則神爲不安,自當虞以安之也。 猶是,而降齊衰爲 服者。 王 謂 正葬之禮; 大功 肅謂既葬除之、諸家辨訟不 墓以他故崩壞,將亡尸 皆三月。 可無服 殤之喪期,如 衰,長殤、中 其儀: 有 疑 故主人服 此時神已 絶屬服宗子齊 始則卜吉,乃 功 衰 常 也。 降 殤 緦。 柩,不 則 在 等 親 服 廟,可 朱子 也 之。 則 可 衰

> 朱子曰: 禮疑從厚,當如鄭説

君爲體,故服其私親如常人。 爲 略之也。 室爲父後承家事者,爲族人服其服,又止于緦,以未成 私兄弟、兄弟者、目其族親也 童子唯當室緦。 傳 曰 : 不當室則 童子未冠,不能 無 緦 如 邦 服 也。 爲 禮 妾不與 凡妾 惟 當

往來。 爲異。 衰。 也。 之功也。 傳 夫,命婦弔命婦。 事其布,治布使滑易。 日 大夫相爲,皆錫衰。 大夫死,命婦弔命婦 若族屬,則自有本服,何 大夫弔于命婦 錫者何 錫者十 也? Ħ. 經傳之文,有不可 升, 曰錫。 也。 錫 抽其 麻之有 命婦 衰。 蓋知生者弔,而男女不 必錫 弔 半,無事 細同緦 命婦 衰? 錫 于 泥 者 大 死, 者,此類 故知大夫弔大 麻 也。 大夫弔 夫, 其 惟 縷 治 有 亦 是 大夫 鍛治 其 也 錫 相

髽,則髽有著笄者 惡笄 有首以 女子子適 髽 人者爲其父母,婦 卒哭,子折笄首,子,女子子 婦 人齊衰之服 皆 注 爲 舅 言以 姑,

笄者 或曰: 也。 婦 ? 有首 以笄者,用笄曰總也。 子,以見婦爲舅姑之不然。 卒哭歸夫家,不當純 榛笄。 也。 ,象笄也。 適人當言婦。 惡笄者,櫛笄也。 折笄首者,折吉笄之首也。 終之也。子道由此而終。 何以言子折笄首而不 傳 凶,故易用吉笄而 티 : 以笄布總。 笄有首者,惡笄之 以櫛之木爲笄也 髽 折其 一而布總 首。 也 吉 \exists

削,殺 而 下 所謂制十二幅,以應十二月是也。 \bar{z} 旁無 幅 體 幅鄉外,猶外畢也。 辟 狹 凡衰,外削幅,衰以衣言, 兩側,空其中央。 殺 服廣二尺二寸,兩旁各削 頭鄉上,禮服幅裳當全幅。 也 経地 幅 其 三袧。 幅亦惟十二。 裳内削 ○案: 音鉤。 0 裳之幅 鄭注凡于裳 幅,縫之邊幅鄉内 去一寸。 彼以 \bigcirc 朱子所 日 裳幅三 數 凡 布 惟 謂 六 外者縫之,使 則 辟 幅, 見于 Ŧi. 要 則 積 服 破 以 有辟 也。 深 同 爲 前 衣 也。 注 裳 積

> 濶中, 外。 存之。 幅後 出于衰。 方八寸,適亦如之,日 肩,謂之適,亦曰 横各四寸,横處各剪入四寸,以所剪各反摺鄉外, 四尺四寸,中分之,前後各長二尺二寸。 置于衣背,缝着領 縫,五服皆然; 而悮,未可知也。 後六幅,兩旁幅前曳在身旁,後又似乎 後各六,前又分左右各三,外衿掩内衿之上,似乎三幅 負版」,適詳下。 寸,則博尺八寸也。 四 亦與上同。 總博尺六寸,則兩旁各出于衰六寸。 ○又案: 幅爲説。 衰,即下長六寸。 此言下緝,則指齊衰以下言。 深衣圖相傳似 辟 先儒從之,然于經傳 負廣 下適及濶中合廣六寸,此旁出 下,垂放之,以在背,故謂之負。 若齊,齊,下緝 領。 博四寸者,以 適博四寸,適者,衣左右 其 出于適寸。 中空者,爲濶中,合左右前 博 前三後四者、蓋十二幅 四 也。 寸者,衰博四 畔 實不見所 迦 言也。 上言背 上角 負者,以一方 幅。 衰長六寸 當領處,縱 鄭 裳 博 及屬袂之 據, 寸,適合 適外 注 内 廣 覆 各長 姑 又 因 也 衰 于 各 布 並 H 此 前

●「鉤」,原誤作「鉤」,據四庫本、經解本改。

章句

九八

内衿。 際也。 也。 其 爲 以外衿掩内衿之上,則衰正當心。 交斜裁之爲二,綴于前衣身下左右,在左爲外衿,在右爲 接每不能掩,故于當帶處,以布綴之,垂下長尺,以 帶者,要間當帶之處,衣長二尺二寸,不過及要,與 博 謂有外衿,則有内衿可知。 疏以此衽爲掩裳兩旁下際。 右,接右畔六寸處,斷爲兩衽,邪裁各尺五寸,合上下各 人六寸,下右畔亦然。 幅上下各留 版,左右有辟領,孝子哀戚,無所不在也。 燕尾 尺 義可知矣。 尺,總二尺五寸也。 四 者 謂 寸。 爾非 蓋 以 連 衽二尺有五寸。 邊布廣二尺二寸,凡用布者,去邊各 掩裳際,所謂衣帶下尺者,疑即 衣有衿而後可以 綴之外衽之上, 一尺不破,中尺五寸,上當尺處從左 别 其制當以 用 布 也。 ○案: 又從上左下裁人六寸處邪 兩潤頭 袂屬 蔽其 黄氏宗羲云:用布二尺五寸, 王氏廷相謂 廣 注以衣帶下尺爲掩裳上際: 衽者,以布三尺五寸,廣 連綴 長當心 、胸體,又綴衰于外衿,而 幅。 《説文》以 于衣,而 袂 前 上 兩濶 衣帶 袖 有 衰長六寸,疏 垂其 衰,後 也。 衽爲衿交, 頭之各長 下 寸 兩狹 畔 屬, 袋相 爲 裁 掩 横 户。 有 裁 連 頭 鄉 終 裳 負

> 可以 廣二尺二寸, 寸。 衰裳之制 殺,屬則整幅,不削其邊,取其正方也。 運肘, 袂中而言衣,袂屬幅,長與衣等,袂與衣等者,取其 且. 袪殺其半, 取端幅 也 足併二手而拱之也。 袪尺二寸。 袪,袖 衣二尺有 〇以 П 也 上言 袖

升數。 若九升。 升。 總者,總衰冠同十五升,抽其半,不必言也。○以上言 受,受衰六升。 七升、十一升者,可知。又大功不言受,經已見也。 功七升、八升、九升,小功十升、十一升、十二升。」此 爲次也。 衰四升有半,其冠八升。經在大功後者,以喪期 縷三升有半者成布還三升,故冠同也。 以其冠爲受,受衰七升。 衰斬衰。 此在大功前者,以升數爲次也。 小功十升,若十一升。 受冠七升。 三升,三升有半。 齊衰四升,其冠 受冠八升。 大功八升, 其冠六升。 《間傳》: 以 其冠 不言 不言 大大 爲 繐 七

儀禮章句卷第十一

衾也。

不用小斂衾者,當陳之。

○以上始死

大夫縞衾士緇衾,皆一。大飲二衾,一藉一覆,此大飲所覆

仁 和吴廷華章句

屬 其子喪之,自始死至卜葬之禮。 IĮII 公使孺悲之孔子學士喪禮,蓋春秋轉相 :其書尚在,故孔子以教孺悲,而是禮遂傳。 凶禮,當第五,第十二説非,詳《士冠禮 喪禮第 十二十、謂死者及其子。 據《雜記》恤由之喪,哀 僭竊, 士喪禮 喪于五 蓋 士死 禮 廢 而

反。 禮》:「士曰不禄,庶人曰死。」此云死者,散文通也。 有堂、有室。王六寢:大寢一,小寢五。 室者,死必以正。 曰燕寢,又曰下室。正寢在前,燕寢在後,妻各如其夫。《曲 二。大夫士二寢;大、小寢各一。 用 士喪禮: 死于適丁狄反。 一飲念。 幠,覆也。 魯僖公薨于小寢、《春秋》非之。 衾,被也。 適寢,大寢也。 室,正寢之室也。 《大記》小飲君錦 諸侯大寢一,小寢 小寢,又 **幠** 火吾 必于適 衾, 寢

衣於既反。

尸

0

庶

其隨

衣復于身。

復者降自後

西

之。 名。 幽。 降衣,下之于堂前,象死者之復也。 取生氣也。 帶;扱,插也。 神所習也。 要。」以爵弁服,士服之尊者,弁不用,以表服 禮一人,餘以位爲等殺也。下記:「復者朝服,左執領,右執 氣之反也。復者有司、《周禮》有夏采、祭僕,此其屬也。 裳于衣,簪,連也。 《喪大記》:凡復,男人稱名,婦人稱字。 用篚者,防 招 復者 一人,復者,人子不忍死其父母,招之,庶其生 以 衣,曰「皋某復」三。 左何户我反。之,肩之,便于升。 中屋,屋之脊也。 其 插于復者之帶間。 汶。❷ 連之者,登屋防脱遺也。 升自 聲高則 阼 階,生時 升自前東榮,東方 受用筐,●别使人受 遠聞。 臯,長聲。某,死者 降衣于前 升降 復必以 北面 而已。 扱 處。 領 服者 求諸 以 于 士

懂」,原誤作「筐」,今據上下文改。

一汶」,四庫本作「瀆」。

九九

儀禮卷第十二

祭。《喪大記》所謂「西北榮」也。蓋幽陰之方,庶其隨復者

降也。○以上復。

云: 困之,且一楔之後,雖含以 使不辟戾也。 反。 角柶,見《士冠禮》。 也。 ○以上楔齒綴足。 拘之。復後遷尸 爲楔矣。 綴足用几甓尤迂。 楔,拄 足用 楔息結反。 兩末上鄉,則末出口外,要與 也。 燕 燕,安也。 几。 將 南 含,恐口閉急,故以柶 案吕氏 首,足在北,綴之者,几脚南鄉,以夾足, 娲 據下記,言楔貌如軛,上兩末,則又名柶 綴 用 並存之。 ,猶拘也。 燕几,其燕居時憑以爲安之几與。 角 物 四四 而 柶 禮 П 疑 將屨,恐足辟戾,故用几脚 以下 不復合也。 <u>×</u> 扱 所謂 死欲 , 拄張尸 醴者别。 復 安,不宜楔以 《儀禮節 耐 П 後 使開 綴丁劣 行 死 略 也。 事

小訖,帷之,以鬼神尚 奠,其餘閣也 奠 脯 醢 與。 禮酒。 升自阼階,奠于尸 幽 闇 也。 設奠以依神 〇以上奠。 也。 東。 《檀弓》: 帷堂。 始 死之 事

命送者,可也。 者拜送。 乃赴于君。 西階者,親雖死 赴君,故 赴,告也。 必 親命而送之,餘如 尚不忍在阼。 主人西階東,南 《檀弓》。 有 賓 則 面 父兄 拜 命

> 夫則經必稱之,如下有大夫則特拜之是也。○以上命赴君。 之。因命赴出,遂拜之。注:「賓,僚友群士也。」疏:有大

婦坐。 之東。 東則户之西也。 子子之屬,在牀西日 親者在室。 二者之後。 入坐于牀東。 婦人俠古治反。 衆主人在其後 衆婦人户外北面,衆兄弟堂下 大功以上,父兄、姑、姊妹、子 前亦坐,于此見之。 俠者,與主人東西 主人人室 西 牀 東 面。 面 西面 庶 下 俠牀 昆弟 妻、 ·記 對死 妾、 也 也。 姓也。 室 者 姑 中 其 主 床 惟 後, 姊 當 婦 北 又 主 在 妹、 在上 主人 人主 面 前 其 女

于迎君。 反。 徹帷, 徹者, 底之, 爲君命變也。 褰帷 君使人弔,注"使人,士也。 而上也。 見賓不哭,實,謂使者。 主人迎于寢門外,不于外門 事 畢,下之。 不哭,爲其以 禮, 使人必 〇 层, 羌據 君 以 命來。 者,别 其

面。 主人哭拜 先入門右,北 致命位也。 稽顙, 面。 主人進中庭,不升。 成 弔者人,即實。 踊。 成踊三者三,凡九踊 升自 弔 者 西 也 致 階 命。 東 賓

一者皆小功以下,北面,鄉室也。

〇以

上面

位

于室; 主 兄弟襚, 也。 出。 别 君 出 友襚,親 牀東之位。 人將之以致命,同 者,本不爲賓出 夫雖不 下東面 執 , 曰衣尸者, 加衣于尸上, 如衣之者然, 與記委衣于牀者 使 帷 則實出即 升降 Щ, 有大夫則 拜, 人人襚。 堂。 衆兄弟在堂下,故致命于室也。 解,人也。 不 以進; 即 升 主人 自 委衣如初 委衣于尸 踊 下 主 上衆兄弟,蓋小功以下 致 西 也。 帷 遺人衣服曰襚,蓋以 人 也。 拜送如初。 特拜之。 階 財之義也。 命 因拜,故即拜位也。 拜 進,進于室也。 親者襚,大功以上。 主人如 辭之,恐其爲賓留于外也, 送 遂拜 主人 東 退; 于 牀 餘則旅 外 賓, 以 拜 反 初。 上。 唯君命出 門 (實位。 即 如 親 因 助飲。 外。 者。 陳。 拜。 以 尸 初。 出遂拜,不 襚者左執領,右 不 進 牀上之東也。 哭不 主人拜于位, 踊,别于君。 使人以 以上 即 不將 禮 陳于房中。 徹 襚 與 ,否則在室不 位 帷,此又言 者 兴親者等 君 踊 不辭亦 ·出則 命,不使 于 使 入, 將 西 人弔。 不拜 以 大 衣 也 朋 階 命 庶 人 L 桷 人弔,八,襚

二,復,三,楔齒綴足, 房。 三者,皆不踊 牀不足容,故 以上襚。 有 别 右第 可 于 徹之。 君 也。 章,始 四 如 奠; 徹 者,亦 死諸 衣者 Ŧi. 雜 赴 左執領, 儀 君, 執 凡 衣 六,面位, 八節: 右 如 執 襚 要。 一,始死; 襚 七 以 者 君 適 使

階上。 爲柩。 不命之士,蓋泥于士喪言之,不知其由士以推之民也。於 已,似不必言各 日 經,丑貞反。 大夫士之銘 爲不可别已,故以其旌識之。」蓋以 大夫、士載物之物、謂雜帛也。 月爲常,交龍爲旂」之屬。 寸,竟幅二尺,半之則一尺也。 屋 「某氏某之柩 椽 爲銘各以 也。 竹杠音江。 宇,屋 ○赤色。 宇 一爾,不計命數也。 西階上 也。 邊 也,謂簷下。 其 亡 長三尺,杠,銘 物。 者,宇下 長終幅,廣三寸,書銘 則 上某,氏 大概言之,故 以 《檀弓》: 階 緇 如其説 注謂 亡物,當指庶人言。 上 也; ○案大夫士同載 表柩 也 長 之相。 銘 下某,名也 種也 半 則 也。 H 初 各。 明 彼此 幅 置 物, 梠 此 旌 置 不過 畫 布 ○註 也。 待 桷 于 幅 爲 端 物 于 尸 注 去 以 以 宇 連 重 如 邊 在 以 則 物 物 死 訖 木。 西 日 凡 爲 者 而

乃置于重。○以上爲銘。

皆濯 鬠 役。 用 謂 服 猶 死 盛 承 庭 謂 用 南 坎,以受所棄沐 米器 之西 饌 事 以 桑者,桑之爲言喪 襲 也。 飯含餘鬻, 音膾 布 E 少,直從 也 也 土塊爲竈。 于 , 盤 不 舞 以以 甸 皆 西 衣三 綪 人掘 此以以 其似 濯 以盛水, 新 笄 身 牆 縣于 南 潔 盆 用 之服 稱 下 之。 至 側 待 敦 浴 即 坎 桑 餘潘 庾 事。 重木,故謂之重鬲。 東 庶 無 北 槃、 槃承 名竈爲垼。 貴 也。 ~ 于 反 己 襚 0 足, 鄉。 潔 及 渜, 階 盡 雖 陳 瓶、 同 渜 故 1 長 星 不用,亦陳之。 故 不 襲 奴 謂 濯 間 許亮反,今文作「 柶 也。 E 四 廢 之 復 事 亂 之屬也 瓶 少 明。 爲之,以 廢, 0 反。 寸 從 敦,音對。 于 以 名 西 西 北 纋 汲 髻 實 布 領,便于 房中,襲事,襲所用 造于 屈 水。 新 制 音 日 Ŧī. 甸 煮潘 幕 而 憂。 鬠 者皆瓦器 器 詳 人, 房,東房。 布 南 廢 也。 者 下記 西 画。 取 水 也 敦, 也 甸 重 中 也。絲 也。 取 階 鬲 師 0 制 無足 鬲 髮聚之義 之屬。 明 下。 ○ 垼 用 笄長尺. 詳 甖 爲 西 屈 衣 西 屬 者、蓋 牆,中 音 下 新 垼 記 歷 塊 造 裳 也。 領 重 以 衣 音 爲

則含時 與。 注謂 同 賈鑿 中 玄纁 其實覆目 人幞 嫌 周 以安髪 組 纊 首裹至項,又以 長 此 「廣」。 有惡。 布 四 ,未安。 繋。 五尺,析 新 中 死者不 頭。」 巾 寸 方尺二寸,尺二寸,足以 綿。 央。 裹 以 反其巾而已。 幅 也 Œ 者 幞 組 竊謂 也。 含, 則 幅 纋 繫爲可 幎 掩 裹 冠 頭 握 布 故 方二尺二寸 狹 首 赤巠 即 練 父母之喪,無貴賤 手所 依 其 後二 謂 或 記以 巾 用 也 注。 冠 裹 末。 帛 云 以 結 掩, 以 脚 環 雖 掩 于 爲 謂 〇注大夫以上: 韜 掩,裹首也 結于 目 纊 裹首 不 其 幅 後 兩端皆 譏。 著, 兩 手, 用 如 制 也 用 也 頭 項 字 冠,不 以 少 不 彼 濶 故 緇 充 中。 異 鑿 其 疏 注 謂 鑿 析 也 不 中 皆當 當 在 并 云 以 幎 不 冠爾。 以 央 必 瑱 以 練 手 以 面 口 鑿 目 終 可 狹 古 賓爲之含,當 此 親含。 前 故 絮 覆之,故 用 煮繒 鑿 四 1 幅 謂 以 之,以 以 含 日 充 爲 角 之不 白 綿 據 蓋 脚 ф 笄, 覆 握 有 于 大 而 爲 疏 笄之中 纊 目 也 表 結于 熟之。 注 著 夫 雜 Ħ. 云: 含 冠 非 禮 裹 便 緇 以 也。 記 也。 也 環 謂 握 瑱 之 者 頤 于 爲 口 央 與 掩 以 手 中 下, 覆 存 不 周 充 鑿 細 歛 纊 手 公羊 其 若 此 案 之 面 也。 也 也 用 從 今

620

下囊

以

質。

握

矣。

死用

纊

極

將無名三 爲決,科 尤不合,故取朱氏説以 ,所以固之,不使脱落。 韜 日 質 纊 決裹右 也。 之,以固 繫之,左手無決。 寸,牢中 殺,或 而極二,則生時 此 Ē, 廣五寸者,約指及掌之數也。 首 冒緇 用 指。 高安朱氏日 亦應 旁寸; 而 也。 其 下。 極,見 巨 以 握 質, 此極 指。 用 非 也。 其窄于質與? 長 《喪大記》: 帛 ,萬氏曰: 冒以韜尸 與 射 IĘ, 萬 兼 ○案: 日 氏 手 禮 用 案: 其不及無名指與? 射 善 纁 Œ. 握手長尺二寸 日 亦 裹 之。 齊 也。 左右握手各一,右大指别設決,合 棘 諸侯射 此則所謂尺二寸者,横裹五指之 用 注 牢,籠 則玄者其表也。 ; 于 君 也。 制 疏説 極 Ξ. 決 其用之,先以殺韜 兩 如直 也。 錦 棘擇 端摺 赤巠 用 冒 朱極三,以韋爲之。 組 未 也。」牢中,謂中寬,足以 殺 囊。 黼 朱極三者,以裹右手食 棘 正王 旁寸者,尺二寸之餘, 鉤 繫, 分曉,以牢中爲 而 殺 , 所界反。 善 縫 于中 上下各一,上 綴 決及極 棘 服決若極,乃加 理堅韌 之,廣寸。 旁七; 長尺二寸, 指 若 足 環 擇 皆 者 而上,後 大夫玄 掩 裹餘 中窄, 音澤。 有 足。 囊 此 皆 著, 繫 日 士 可 Л $\widehat{\pm}$ 笏。 衣必 邊不縫 冒 二寸半,上下皆 袍連 衣。 三也。 于 屨, 禮 乃 白則葛可 士 有 黼 一冠禮》。 踵 冠 皮屨 有裳, 褖 衣 禮 笏以 注: 韎 裳 也。 爵 綦 所 知。 也。 故也。 但衣裳連

棘,

寸縫

數

也。 而

握

指

組

籠指

廣

Ŧi.

有玄端,無緣衣。 殺三尺。」蓋兩囊各 殺,綴旁五; 處,用帶綴 , 袍必有 弁服、 黑衣裳赤緣之謂緣,所以表袍 此不用冠而言冠 士緇 此三 表。 而結之,或七、或 純 縫合,一 服 不禪 冒輕殺,綴旁三。 衣。 有緣衣, 片謂之一 頭 者,亦以 皮 上下 弁 無玄端,則緣以 稱。」疏: 相 五、或三。 服 接 表服 處; 凡 也。 白 也。 冒 布 又縫 士: 衣,與 此 質 喪大記 冠 褖 表袍, 士 合 長 他 禮,綴 陳 與手齊 上 邊, 亂 有袍 並 E 反 服 旁

之也。

本象,蓋竹笏而: 幹。 書思對 屨 謂 日 白 係 皆 飾 此爵弁之轉 殺 白 屨 也 命 以 緇 繶 而 象也。 則《士冠禮 緇 睘 以 指 帶。 緇 約 組爲之。 畫于 純 約 不言象,可知 Ξ 笏度二尺六寸,中 也。 純 君 蓋 服 前 皮 所 不 之帶 足 皆,皆皮葛二 弁服 謂 亦 言 後 用 素 皆 H 以 之屨 之。 韠 踵 緇 魁柎之」者。 夏葛 爵 也。 綦當 ~ 玉 博三寸,下 屨 屨, 餘 藻》士 屬于 文省。 組 也。 詳《士 冬白 ,跟,後 綦 此言 此 以 竹 繫 即 廣 竹

冠

與婦

人緣衣同

,故以

名之。

必表袍者

之棺 言韎 皆用 篋。 也 經 據大夫以 之爲貴也 襚 白屨當據 上 以 天子九,諸 實 雖 四 兩 秋傳 字。 端鄉 〇以 繼 幹 者 衣以 用 以 上 浴 惟 · 宝 著者言之 上言 豆 概 前 櫛 庶 布。 衣 侯七,大夫五,士三。 竹 一襲前 素爵 服陳 四 貝三實于笲。 與 襚 笏 于 是 升 也。 注, 約 陳設 之,而 繼 也。 簞 爾。 相 漢之通 韠 浴 陳 其 于 沐 連 皆 爵 日 于 不 亦 笲。 巾 不 用 \pm 用以 脚 可 緇 饌 弁 裁似之。 用。 冠 跗踵 帶 纁 隨 ıψ 于 禮 巾 襲 屨 服 貝,水族介物 則 浴 西 上 ×: 庶, 實 足之上,合結之。 服之,若屨則 玄端 每 注 稻 于笲 絲下給。」此皆 序下 巾 既 服 衆 所 櫛 米 浴 黑 謂 也 實 也。 帶 屨 多陳之爲 衣之以 南 于 上下 襲 雖 館。」 也。 隨 豆 或 上。 不著 不能 惟 服 云 實 體 水繁之可 用 晞其體,下 飯含用之 浴 0 下,序 異 榮 稱 重著 綌 于 于 當 案: 衣 巾 少 筐。 故 L 則 亦 也。 知。 于 納 南 庶 置 此 脱 彼 以

長 反。 必 ○繙, 屈 而 人汲,爲將 持 汲 之。 水 綆 祝 也 淅 沐 不 浴 米 説 也。 于 將 堂、祝, 就 不 祝 説 濯 夏 古 米 活反。 祝 也 也 屈 淅 繙, 之。 沃 君 也。 繙 必

渜音愞,

古文作

「緣」、《喪大記

作

濡。

濯

棄

于

坎。

潘

E

記 用言之。 記》: 水用 拭 槃。」 出 記》:「大夫設夷槃。」此 貝 祝 受,受于 用 將 沐,人。 冰 設 煮潘 而 北。 盛米 則皆 謂 盆 牀 斗。」 櫛 御 晞 甸 襢第, 得 之使 用 人取 者人浴 出 因 賜 祝 此 不言浴,可 士有 于敦,日米 管人 夏 外御男從者,此受于管人,蓋 也。 象平 者 祝 沐 浄 亦 有枕。」此文省。 所 應 而 徹廟之西 冰、冰 則 無 抗 小 時 盡 治 用 煮 此 潘 沐浴 衾, 臣 髪 知。 階 于 夷 禮 欗 也。 四 文 賜冰 則飯者不煮也 自 以 垼, 槃 人抗衾 裸裎,子孫不在 北 不 省爾。 夏始 主人皆出户 浴 寒尸、《喪 挋 厞,爨之。 可 得與大夫同 升 爲 用 乃沐、 文慎 也。 也 將 堂 御 巾 挋 沐 以以 者二人浴。 反。 于 用 大 堂, 承 煮用 受 記 ф 《喪大記 潘 敦 浴 旁也。 夷槃也 P 用 外 用 重 浴 也 潘 之 鬲 即 衣 重 其 Щ Д. 士 槃 北 廢 則不 浴 事 拭之。 鬲 《喪大記 潘 無 也 拭 水 沐 面 挋 冰。 外 者,以 淅 用 以 且. 沐 南 奠于 《喪 晞之。 睎 御 釜 米 盆 喪 喪 用 主 此 面 汁 也 受 也 沃 大 瓦 所 大 大

○注以 翦須。」 依注 鬠 揃 用 展 作 組 通 揃 疏 爪 用 云: 爲 展 翦 其 組 翦手爪,又治 湏 鬚 同 以 使 蓋悮 束髪 (直。)或 揃 連 如 也 彼翦 須 他 謂 如平 乃 揃 日 字 爲斷 笄, 爲 生。 翦 鬚 喪 設 湏 大記 則 明 生 爪揃 時豊 萬 衣 氏 者 裳。 「小臣 斷 斯大 , 揃 鬚 爪 以上 乎? E 爪手 蚤 也

沐浴

水爲渜

既

沐

浴

則

謂之濯

坎,上

甸

人所

掘

于

階

間

者。

于

上,不言 謂袒 枕 筐從人。 宰 也。 商始矣。 牀之東,布三 大記》: 衣,可以入。 洗柶,以 左袖、從前扱于右腋下帶之内,以 主 主人 南 「含一牀,襲一 入出, 褖 商 洗 盆 人 稱之服。 故 祝 衣 挹米者。 商祝襲 北 其 執 即 次。 南 面 即 巾 面 位。 徹 階 牀。」此文省爾。 從 枕 注 既含,乃遷尸 祭服,二弁服 左 建于米,執今文無。 下之新 以 不言皆,則 袒 入,中 設 連 扱 巾,爲 衣裳爲緣 盆與。 小以含。 諸 于 惟 將扱米也。 面之右 飯 也。 服 商 洗 主人人 時 衣,故 當牖 祝掌襲,則襲 上 遺 貝, 襲者别設 以 落米也 衣之也。 爲 也。 以 執 北 祭 盤于 面 從。 以 面 服 已 牀 前 **社禮自** 于含 周 之 設 盆 徹 也 次 執 喪 擁 明

爾。 氏坤 北。 外,先言之者,掩有四 以佐 南,以 東視之,初 實一貝。 于牀 由足 西 人襲,反位。 П) 故 Ė 飯事。 至尸 不 商 受米筐 將含也。 死不虚 近 掩。 西 祝 足 南 必 以貝及玉,或 在 西,不就床 在浴 跟 從頂 掩 覆 時主人方人,遂先人而奠之。 左、中亦如之。 П 右。 于宰 主人左扱米,實于右 也。 面。 瑱 東面 牀 至項,遂結二 牀 ○案: 設 也。 謂 宰既授米,乃西,主人東 東, 東位 徹 先 東 幎 角 此 楔, 受 米少許以 以 貝 位者,東 目 實 先以 也。 在 鄉尸 中 北 米惟盈、保 襲 央 近 飯含畢,遷尸 角 前 也。 三者以次設之,掩 牀 屬 主人,以先扳 貝,受主 二角 東 有 于 存不虚 又實米惟 于 項 襲牀 跗,又結之也 祝又受米,奠于 日 與。 也。 結于 無蒸 反位 也。 П <u>=</u> 案 頤 乃屨 主人 人 服 之意,可 面,則 腐生蟲之患 者 下,乃 貝。 也。 上。 牀 浴 盈 以 在 П 由 牀 北 上 奠 主 宰從 猶 設 瑱 未即 爲右 爾。 内 連約 足西 似惧目 坐,近 平. 人 是 瑱 于 之右 坐 時 幎 牀 乾 貝 主 立 目 之 床 吕 東 致

膳

然後用 跗 以下皆當于遷尸後爲之,遷尸其亦士

二〇六

○殟 爲紐 大夫紫爪,實于緣中。 浴畢,已合渜濯並棄于坎,至是乃築坎而埋之。 巾、柶、髻、蚤埋于坎。 設 指,由手表與決帶之餘連結之。 以 也。 自 之序也。 者,左衽 也。 以 衣不成數 綦 横帶貫紐 飯持之;麗 冒 兩端 決,以韋爲之,藉 ,外端有横帶,即 苦侯反。 秦古刀反。 不紐 也。 設 從跗 ,結于掔之表也。 決 擐,音患。 設 稱 向 明 麗于掔,烏亂反。 附麗 **給、帶**, 屨 衣 頭穿約鼻結之。 之,囊,韜也。 前 有疆,疆當大擘本,向掌爲 組繫也。 不在算。 士埋之者,卑也。 也。 遷尸襲上矣,此乃衣之也。 設握乃連掔。 搢笏。 掔,手後節中 糧,亂髮,櫛之餘 不言繫極,大概相似,文省爾 先以紐擐大擘本 此謂 算,數也。 未服先屨者,以 幹帶, 幠 右手,記説則 古文作「捥」,音同 用 屯。 不言櫛、 靺 給 緇 帶 衾。 謂以綦繫約中 不 飯,大擘指 《喪大記 也。 内端, - , 因 沓 在算 如始死。 浴衣,可 左手 凡衣死 四 在 者 | 者上 其殟 内端 服 此 也 著 本 衣 襌 内 作 鎏 西

注: 士重木長三尺。 重 木 刊 鑿 之。 鑿者,鑿之爲孔 木日 重者,以 以 其 横 縣 木貫之,每 物 相 重 累 横縣 也 知。

○以上飯含襲。

襲畢,有賓出之節,文省

幂以 之。 後。 東端 者,謂 交縣。 二鬲,天子八鬲四横,諸侯六鬲三横,大夫四鬲 于肂,今未殯,故暫置 炙,音救。 西之中也。 右第二章,含襲諸儀, 也。 牆 粥。 四、設重 在下 塞 祝取 賀, 以席先于重南,鄉北掩之。 下,西牆下煮之,盛于鬲也。 鬲 謂 士,二鬲一横而已。 加 鄉 П 竹 餘 之、炙、塞也、以蓋塞 銘 青可 也。 西 ,此則用 三分庭,一 飯,飯米以 置 西 席 以爲繫者。 端 于 兩端交于後爲左衽, 于重,以 在 凡四節: 重。 一于重, 上 飯尸,餘米爲鬻也。 在南。 鄉 據下篇 甸人置重于中 東。 以 覆 縣 重 一,陳設; 富口 鬲 于 有主 帶用 左衽者,北面以西爲左,謂 南北之節。 也。 重 此夏祝也。 幂 也。 道 乃加 用 靲,賀之,結于 二,沐浴; 北 也。 幂 繫 疏 密爲帶 東而 面 用 用 布 庭,中 二横 用 左 夏祝鬻又 銘,殯 以 幹,幹,竹 葦 久 二扇 衽 Ŀ 注讀 皆 席,上 , 北 設 庭,東 訖 飯 互. 重 于 爲 連 含 結 面

西上 厥 明 綪 死之明日 者, 衣十 九 陳 稱 衣于房,小 前列 自 西 ൬ 歛 東 衣 後 列 屈 南 之 領 苴

經

大

鬲

下本

在

左,此首

經

也,

絰

帶

在

饌

東、設

盆

盥

于

饌

東,

有

巾

無

洗

灰治之布

也。

實

于

簞。

未覆

也。

下

奠于尸

醢

醴、

酒

幂

奠古文作「尊」。

用

功

中 外

此

則 不

其用

之不 矣。

盡

者爾。

饌

于

東

堂下

則

用

明

又

日

不

盡

用

者

明

庶

襚

用

襚

也。

不

用,陳之而已。

不必

盡

用。

之終數。

凡十

有

九

稱,單、複具曰稱。

足十九稱之數。

疏

굸

當重之。

○疏云:

以

下,袍繭之屬,士祭服惟二弁服及玄端三

布

時

乃

後于

散

衣

者,

所

謂

美者在

中」也。

散

言陳衣于十九稱之 十九,蓋天九地 者、合散衣、恐不 布,功 陳衣繼之,庶 祭服次于 令可 東全在 東飲 南齊站 者已 制 復易,無 被 衣 東 服,令 詳 喪 本 結 在 次, 布 乃 事 無 也 横 《喪 + 絞衾。 略 覆 首 絞 堅 服 九 褖 用 鍛 之。 也。 尾, 也。 酺 緇 濯 稱 + 衣 識 急 衾, 衾制 簣,牀 衰婦 之。 當 上陳 帶 也。 大皮反。 東 也。 要 兩 鼎 盥 婦 兩 舶 方。 舶 東 于 如 經 此又用夷衾者,飲衾將陳之。 人之帶,牡 垂。 也。 衣之陳, 人亦結本。 要經象大帶,大帶垂長三尺,故 成 牡 棧也。 小焉; 塾 , 脅也, 兩 寢 東 脊 服 麻 首 爲七。 小斂夷尸于堂, 此 方。 少 乃 去蹄 門 經爲上, 大功以 經 絞 南 夷衾,緇 蓋 外, ,齊衰至小功皆用 爲舉 五分去一。 惟 記「三日 則 鬄 西 苴經 喪 麻 牲 陳 兼左右矣。 上者,小 事 面 據 者 之以 結 解 用 質 略 同 設 下 頳殺,如 也 特 本,此 男子。 也, 也。 絞 經 覆是衾,故以名之。 覆尸 其 豚, 功緦 垂」是 經 散 去 四 實 故 在 于 及 脊,連左右爲 蹄,謂去其甲, 解之,殊 帶 齊 特 堂下, 冒。 則 在 序 之。 棺 衰 饌 也 垂 鼎 東 絞 房。 豚 婦 經 不 聶 于 而 長 而 如 則 右 小 人之異 亦 左右 以 氏 結之矣。 四 已 西 \equiv 者 歛 此 如之,此 牀 本 歛 則 謂 蓋 尺。 坫 [肩髀 鬄, 在 也 第 不 小 有 不爲 以 夷 于男子 饌 脊也 南 ψ 絞 託 歛 其 上 于 爲 夷 皆 始 陳 即 斬 不 禮 四,合下 歷 囊 東 衰 死 也。 散 上 潔 反,又 陳 西 饌 亦 殺 堂 之經 用 則 肺 而 要 也 也 也 散 方 于 第 斬 歛 仍 如 垂 經

也。 生時

衾皆 恐

Ŧi. 後

幅 互.

··; 如

約。

祭服

次,此陳衣,

前

换,

故

有

紞

記之。

死者

定

不

衾

赬

裏

無

紞。

1

敢

反。

○紞

被

識

也

此 者

與

、大歛之絞别。

廣

終

幅,

析

其

末。

縮

從

也。

横者三

幅

從者

幅

以

收

自

東

൬

西

也。

絞

横

縮

絞,

所

以

收

二〇七

斂席 爲上。 死之奠,記所謂 服莫美于祭 倒 也。 不止二人矣。 以 者,蓋茅之尾 設 衣 並 祭服 扄 布 祭 在 東 鼏 地,有 覆 布于 服 服之重 **,**用 K 面 服 席 司 也。 茅。 《喪大記 衾,緇 也。 東 立 布之。 「小飲辟奠」是也。 者,故特言之。 于 柄 祭 素 鼏 疏 衾 西 俎 服 궁 : 西 *: 也。 下 示未 階 在 不 末。 凡斂者六人。 莞上簟。 祭服 鼎 倒 夷 下 用 念不以 茅 禮 也。 西 美者 之中更有善者。」 長則 俟 西 ○以上陳小飲具。 嚴上下之辨。 舉 士: 順 歛 在 束 也 商 盤 素 本。 布 中。 此 祝 日 先 席 西 無 二人以 日 布 外 中,謂 漆 盥 于 末, 此 後 絞 凡 飾 户 内 應 服 則 也 衾散 並 近體。 之次 徹 不應 内, 不 人 始 則 東 束

階下。 近尸 簟。 記 西 因 有 遷尸 面 設 撫之也。 枕 馮 舉遷尸, 牀 于 可 堂, 第 飯 憑 時 于 下 又一 後 徹 舉尸 君 兩 並 之, 撫 床。 同 楹 遷服上,男女共奉之。 此 主 又設 之 衽 人馮 P 間 馮 如 也。 · 又 初,衽 將 者, 日 卒歛 遷 不當 依托之義。 尸 卧 于 君 席 堂 所 徹 反位。 也。 亦 則 帷 撫者 蓋 下 莞 喪 引 主 不 身 西 上 大

> 雞斯 不踊 必馮 死,婦 髻髪 袒 服 無 去笄纚而紒矣。 則 筭 徒 馮 先免。 人將斬衰者,去 則又去笄 衆 ; 跳,极上衽。」鄭 主 者必兼撫,蓋親 哀至 主 冠 人 髻 則 纚 〇以 尊,不以 免 踊 1古文作 而 于 故 露 第而 上小飲于户 以 無 房。 紛矣。 疏之等 袒 數 雞 括 縄,將 也。 也。 斯 0 始 爲 亦于 死,將 也。 笄纚, 髮 齊衰者, 主 内 婦 房, 袒 婦 注 人 齊 云: 蓋 東 此 鬆 衰者 骨笄 去 問 及 面 馮 于 冠 喪 免髽, 素 馮 而 室。 而 服 冠 纙 亦 見 膺 並 親 笄 也。 如 髽 注 小 詳 纙 始 之。 歛 則 : 《喪 也 死 踊 并 始 將

後,如 于所 夫 降 位 而 踊 拜 東, 特 自 無 設牀 也。 在室。 以 拜, 西 筭。 士: 主人等 尸 上。 舉,舉尸。 階 在 士 主 婦 幠用 室 旅 俱 將 人 降 主 即位 之 出 阼 夷衾。 人 也。 男女奉尸侇于堂,侇, 于 不 階 主 總拜之。 出 足, 衆 上 婦 主人 此 亦 男 主 西 奉 在 女如 人 尸 焉。 面 即 東 在 出 東 位 矣 即 主 室 婦 故 踊 故 人不下堂: 位 位 人 偏拜 由 拜 牀 西 足 位 陳 賓 階 後 之。 東 在 也。 下 而 西 此 鄉 主 位 西 位 大 人 其 變 陳

襲,將 垂, 此 歛 時 故 也。 袒 事 0 畢 舊 乃 説 襲 散 也 垂 在 絰 小 于 歛 序 于 户 東,此言 内 時, 未 絰 然 則 散 復 帶

位 乃 奠。 舉 者 盤 舉 鼎二人 並盤 也。 右 執

西階下位

也。

0

以

上

奉尸

侇

于堂

飲異 錯 俎 扄 尚 左手 抽 匕,俎已錯,匕 俎,左,人右手 由 右 肩 人, 作階 兩 有 人左手舉鼎 亞 俎 扄 加于鼏 端 事 載 北 ,故左手兼執之。 右手遠 兼 左髀之内 兩 面 執 前 端 髀 上。 逆 之,予者,置 西 于 俎 于 北 數 空 尚 舉 不 左肩, 之前 之也 兩 面 面 右手,遂 在 鼎 坐。 錯 横 端 手 口 後, 左手 右 置之,以 也。 以 · 錯 一髀之内 前 合升者,髀 取 兩 乃 抽 執之。 空也。 左 置 在東,東 高于左手,若予之者 扄 舶 朼 鼏 手 俎 也 而 右肩 亞, 載。 委于鼎 執之者 出 本 謂 卻之; 横 之。 西 亦 左 各 置 右人匕之,左人載 肩 順 攝 髀 升 1鼎西 以 也。 貴 子 以 之; 左 北,右手。 膞 西 于 仰 面 古 右 右 胳 右 右 也。 文作 亞于 方 屬 與 髀 攝 然也。 人 有 焉 門 也。 曰 左 左 肩 亞 于 事 外 持 與 匕, 也 者 也 同 也。 執 執 加 兩 大 之 右

> 徹之。 臂 之,故執事者執之以待授祝。 丈夫 夏祝 于 巾 此從升之次也。 本 也。 臑 中 作 屬 句, 悮。 踊。 及 皆 骨 于肩, 巾 執 有 待 覆。 丈夫在階下,見奠而 本 事 膊 於 奠于 末, 胎 盤 覆 阼 升 屬 本 以 階 執 于 尸 自 在 巾 髀 下。 醴 東,執 北 阼 爲 示 先, 階。 塵 殊, 巾,功 下祝受巾 執 也。 祝先。 故 醴 哀。 而 俎 以 不 布,上實于單 酒 亦 俟。 食 肩 甸 是 酒 自 脾 也。 北 故 阼 人 概之。 俟 覆 脯 升 面 徹 祝 0 醢 西 東 喪 者 鼎 疏 脊 堂 禮 Ŀ 讀 進 俎 此 下 肺 異 已 徹 將 從 也 在 Ŀ 用

足 祝 醴 于 北 者, 籩,第言豆者,籩 醴 南者 在 降 受 西 鑿,下並 西 北、記 上,統 巾 上。 自 南 西 方設 待 同。 執 于尸 有 階 于 豆 柶 醴 阼 亦竹 俎 俎 也。 及勺, 階 皆 且 者 錯 下 也。 便 豆 降 此 于 者 又 其 也。 後 也 「觶 由 上,上豆 豆 設 足 亦 巾 祝 東。 俟 降 故 西 先 之, 時 也 立 上。 在 也 而 兩 而 尸 $\overline{\nabla}$ 酌 豆之東也 待 醴 錯 東 俎 俎 事。 北 酒 置 皆 故 此 巾 錯 即 也 闕。 由 豆. 豆 足 尊 于 以 北 立 而 下 也 豆 屈 于 西 並 不 錯 南 降 同 俎 由 不

也。 見之。 之使代也。 哭,所謂官也,蓋大夫以上禮。 注 親 婦 重 謂 屬守尸者,哀至則哭,夜不絶聲,若更番相 南 人 防孝子以死傷生,故使之更哭,則 愐 乃代哭,不以官。 踊 東 賓 其 出,小飲禮 孝子之哭,與 婦 位 人在階上, 先見之。 在 東 也。 畢。 、此又别。 丈夫踊 主人拜送于 大司馬之屬挈壺氏掌 此 奠者由重 〇以 士禮,故 不 位 上小 幾以哭爲市 在 門外。 不用縣 作階下, 飲奠。 代者然。 南 子縣壺以 壺之官。 東。 與 ○案: 寢 至 非 門外 此 强 代 乃 由

自

至尸 賓人。 三,襚者在 降 也。 親 不親襚也。 擯 出 者出,告須,須 襚 東。 則將命。 如 有 仍 賓入中庭,北 襚 初 西 出于 東, 主人 者,遠者小歛後乃襚 儀 面 故出 ,「升自 足 鄉尸。 擯者出,請入告。 (拜稽) 西 于足,立西階上, 待也 降 西階 而 顙 委衣,委于床。 出。 面 以下。 《雜 致 賓升自 主 命。 記》云: 也。 人 西 邪 出 日 階 鄉尸, 西 日 主人待于位。 致 「孤某湏矣。」以 有 拜 階,出 東 如 命,則 者,不必 哭之。 送。 北 于 面 室禮 使 于 朋 哭踊 人襚 降。 其 足, 友 有

> 成稱而 上重記襚 帛爲褶,有表裏而 主人不踊。 西 階 可 用。 禮 謂 徹者 執 主人不徒 無著,形 衣 以東。 如 初。 踊 如 袍, 藏以待陳 襚 徹 短 者 衣 身 以 者 而 與上 廣 褶 亦 袖 如之,升降 適房別。 則 故 必 必有裳,乃 有 裳

Ŧį, 凡六節:一,陳具,二,小斂, 重記襚禮,六,爲燎 宵爲燎于中 · 庭。 以 上爲 三,奉尸于堂; 燎。 右 第 四,小 章 歛 歛

幅 也。 + 而 布,裂兩端作三片,用之。 絞,縮者三,横者三。」 11一 西上 去其一,其中皆不辟裂也。 稱、《喪大記》: 無紞。 衿不在筭。 一,精。 厥明滅燎。 衾二,君襚,祭服 大飲服 君百稱 單 小歛次日之旦。 尤多也。 一被不成 横者,則以二幅布, 幅 大夫五 爲三。 稱也。 衿,單 絞、《喪大記》: 十稱。 散 不辟。 被 喪大記》: 陳 衣, 也。 衣 此 《大記 謂 庶 于 兩端裂爲六片 三十 直 襚 房,南 小飲 「大飲,布 者 稱,士禮 》布 以 凡 約 領 幅

0 下「三」,原誤作「五」,今據《喪大記》改。

用以 天子 三,衽 擇。 葵菹 輁 在 見衽,坎淺深之度也。 饌 也。 四 饌 ൬ 反,又音 木 守 而 關 軸 兩階 寸,此長而 不 柶 北 軸。 狀 連合棺與蓋之際,每束處 此喪事 用 布 如銀則子,兩端大而中 芋、 東 諸 上。 、堂下。 大飲奠有席 四。 如 巾 毼 若 侯 藏 敖 轉 鸁 用 ,豆亦有巾,文省。 三十 略也。 遺 氏 棺 不切 轔 見賢遍反。 輴 \Box 瞎反。 衣 醢 刻 入,主人不 兩 以 服 稱 ; 故曰 亦不必 兩頭 。」鄭 殯 軹 脯 瓦 菹 神 旁 古者棺 甒 又曰 士 四 豆 爲朝。 芋,言全葵也 之。 四 云: 則 兩, 脡。 輪 衽。 盡 其 用 芋 用者, 「大歛之餘。」即 不 小,漢人謂之小要,亦木爲之 歛 哭。 之升棺 者, 前 不 其實栗不擇; 實 輁 覶 四豆籩,禮盛 衽 必 用 席 後各二, 而甚反。 狀 齊人呼 醴 白 柩 釘,以 盡 如 士殯見衽, 升棺 在 或不 也 酒 朝 用 長牀,穿裎 其 兩 各 謂 祖 各有 全菹 足容 皮條束之,縮二横 ○肂埋 東。 籩 用 而 無 也。 此 己。 漆 軸 無 爲芋 甒 塗上帷之,建 《聘禮》 也 飾。 軸 注: 在棺之坎 掘 前後,着金 縢 奠席 或 東 《周 以貫之。 肂 角觶 縢 蓋 云: 方之 其 以二 菹 禮 軸 也 實 在 栗 緣 既 長

燭,下

燭。」注

「以照饌。」〇以上陳大歛

鮒音附。 設此以 明,室 記》: 他皆 北 奠 疑之。 也。 魚 腊 迁 上。 則 君 黍 一尚闇 矣。 入肂 如 每 聚之,去熬 愚 稷 心謂注 四 初。 亦 筐皆 也。 九,大日 中 陳 西 各 種 也。 八筐; 面。 説 \equiv 小斂。 燭 有 是 也。 俟于此,有執燭者、《喪 鼎 筐 而 蓋 也。 鱄 豚 于 蟻 大夫,三 合升, 在 注 燭 饌 小曰鮒。 門外 亦 蓋 下 俱 俟于饌東。 于 柩 所 去, 忌 西 一種六筐; 以 序 增增 魚 蟻 蓋 坫 惑 端 腊 縳、 于 善 又 蚍 南 左 小 法 新 蜉 熬 市 歛 也。 ±; =: 大記》: 胖 掘 將設奠于奥,堂 使 日 案: 轉 之土 不 亦 熬 反, 敖 髀 當 此 種 至 氏 則 不 又 東 蚍 四 經 棺 ± 謂 以 諸 升 市 塾 蜉 筐。 堂 置 火 專 少 必 此 喪 熬 上 家 多 其 反 南 有 代 穀 大

不

在

稱

則

衾

亦

不

在

筭

也

三十

稱

外

古

陳

升

夫 即 文省。 盤 設盤,謂 或 踊 小 0 祝 盥 歛 徹 祝 此 陳 于 徹 **,**將 亦 饌 門 宜 巾 設之, 大飲, 外, 然。 覆 遂 上不言門外 饌 按 徹 不 者 小 小 徹 飲奠,舉者 飲奠以辟 先徹 爾。 之。 設 入,升自 盥 之,祝 授 盤乃人,則 疏 執 據 及執 事 小 阼 歛 者以 事 門外 階 陳 並 饌 徹 待。 本 丈 訖 也

待于

阼

階

下

以

大

歛

奠

將

巾

也

徹

饌

先

取

醴

酒

北

于君 女共奉之。 以 于大飲,則當在外以榮其 主人馮如初,主 衣美者 方飲 襚 也。 非 在 . 飲時 君 復 外。 襚 位。 則降拜之。 不 在 婦 外 · 倒。 主 亦 者 賜 人 如之。 君 有大夫則告。 審 士舉 踊 襚 矣。 也 無 遷尸 以上大飲 君 君 筭。 襚 襚 而言美者,見 遷尸 不 卒 用 後來者, 歛 于 席 小 上 歛 徹 告之 亦 莫 而 帷 男 美 用

上。 乃 小 小 Ŀ 旁則 位。 踊 者, 肂 踊 人》疏 塗 拜大夫之後至者 殯 必親蒞之也。 無 如 明 已 所統 以此爲熬。 設 **阼階上**。 筭。 初。 主人奉尸, 歛于 在 柎 肂 也。 樹 側 漸 男 杠 矣。 不見棺 女 設 棺 衆主 若然, 置 踊 在 熬 之肂 乃 無 西 ··, 西 哀 ,則不當重言熬,又熬無升文,此 旁 塗。 筭。 階 人 東。 愈增 階東。 上建 復 棺 筐, 疑 乃 以 亦士 主 也 位 中,《檀弓》殯 蓋。 木 人復 北 覆 卒塗,祝 舉,男 阼 盛塗 面 棺 階 主 上 視 位 東。 人降 具 而 女奉之。 肂 者, 塗 于 踊 之, 婦 取 客 升 周 銘 襲。 爲 事 位 階 言 官 置 東 視之 少 火 是 言熬 主人 訖 備 也 于 復 以

舍

飲奠 斂訖 神,未

然。

當

西

榮,

階西。

如

設

于

· 堂。

醴

酒

位

如

南

西

序

也。

神

之所

憑,不

忍即

徹

故

重

設

之。

注

以

爲

求

後

俎

出

于

足,

降

自

西

階。

婦

X

踊

設

于

序

西

在

先

也。

北

面

俟

畢

徹

俱

降

也。

其

餘

取

先設者,先豆

面

一先錯

57.

及

俎

醴

酒

先

升

而

後

設

此

先取

者,

以

降

仍

初。

執醴酒者,尊不變位。

執事

豆北,南

面

· 東

執

豆

俎

者皆

西

Ę

今東上

者

便

其東適,

階

下禮略

也。

適

饌

適

東方新

饌

所

以

待奠,亦

由主人北。

帷

堂。

徹

帷

至

是

帷

之

以

徹

事

畢

將

大飲

也。

〇以

上

徹

莞 尸 親 士: 西 也 上 者 盤 面 簟 大功 位 婦 布 但 袒 如 人尸 席 阼 以 初 階 爲大歛變也。 上,前 如 西 上 初。 爲 如 東 位 異 小 大 飲 席 画。 于 歛,士盥二人,並 室 商 中 不 主人及親 祝 也。 一言髽 者。 布 取之饌北奠席之東,亦 免髻,小 絞、衿、衾,布于 出 于 立于 者升 Ž, 飲以 西 一階,以 自 由 來 自 足 西 若 而 待 階 席 也 東。 下 遷

東。

腊

特

于

俎

北

當

魚

俎

醴、

酒

在

籩

南

醴

南

脯

脯

特

也。

豚

當

豆.

兩

豆之

東

魚

次。

豚

豆

一,右菹

東

面

南

爲

右,

在

醢

南

也。

菹

南

栗,

北不異于生。 執席從之,小斂無席 ,故有 執饌。 作階 四四 ф, 祝 燭 也。 席以 以 執 南 初待于阼階下者,奠席 豆籩,不 ,俟于饌 下。 三列; 面 醴 妥神 如 土盤 ф 魚 如 初。 委于席 也。 止 東者、升、先 左首 ,舉鼎人,亦阼 初,先升。 者 脯 每三爲列。 小 醢 設于 以在尸東,尸 飲右執 右。 也。 進 奥,席 鬐 立于 祝 L 在 酒、 脊 腊 反 以 饌 室 門。 不出。 栗,酒 尚哭未止也。 下疏者不就次,先出。 踊。 言户, 人,及兄弟 踊 立于户 則 主人送 奠者 當 主人揖就 哭止,皆西 牖 脯 西 未 了, 西上 由 賓不 啟 巾 北 衆主人出門,大功以上及主人出 也。 重 如 面 踊 次。 南 初。 一哭殯。 面 先 東。 主人拜送于 俟 主 據 于 由 既 饌 人拜 間 東 丈夫 畢, 楹 錯 階下位。 傳》: 方。 從 者 西 送 于 、祝降。 出 降 踊 父母 出 門外。 既 自 者 兄弟

門

外,

皆

廟

門。

出

小小

功

以

大功以

上

也

婦

人

賓

出

婦

西

階。

婦

祝

後

蓋

户,止

設即

出、室中

狹

栗 升自 俎之 楹之 東 設 以上就次。 小飲奠;三、大飲; 謂小功以下。 揖者,揖兄弟衆主人之屬。 衰居堊室,大功寢有席,小功總麻, 右第四章,大歛之儀,凡六節 歸,疏謂大功異門者亦歸, 四、殯,五、大飲奠, 凡小功緦 以上者,皆就 六,就 也。 與 一,陳具; 間 此居次之節 傳 茶 次 徹 注 則

豆、籩、

俎

從,不言

脯

醢

進

柢。

如小

歛

牲

體

也。

北

于室,醴

酒

北

面

執

醴

者

西

上,

亦

如

初。

阼

階。

丈

夫

踊

甸

人

徹

鼎

奠

由

楹

内

東

也,以

横

俎言

也。

下。

載

載

俎亦

如

初

載

兩髀

降,

適饌所。

及執

事

也。

奥,神

位

東

面

執

本

有

席

也。

此

在

室

無尸

北,祝執巾先,執事

者

階

前。

西

面

北

上,上

牲鼎

户外。

祝執

巾

席

從

乃

奠。

燭

升

自

者。 則視歛。 君若 有 賜焉, 既 布 視斂 衣 也。 厥 明。 H 賜 君 者 至,視飲 恩賜 也。 也。 有 皮 不 弁 賜

之喪

君

倚

齊

門

外

位

也

闔

襲裘,主人成服之後則錫衰。 主人出 迎于外門外,

服

不敢因君 迎于馬前 見馬首不哭,厭于君。 廢其節 人門右,北 也。 凡陳鼎及饌,亦皆以次爲之。 面,及衆主人袒。 還,見馬首而還 以以 變服 將 巫 大飲, 不敢 止

于廟 天子禮也。 門 外, 《喪大記》:「巫止于門外,祝代之先。」此注所謂 祝代之。 《檀弓》: 君 臨臣喪,以祝 桃 药。

臣掌正君之法 君釋采,萬氏充宗曰:釋采,釋去吉衣也。 儀, 且. 以爲衛。 二人後。 小臣二人執戈先,小 亦執戈在君後。 蓋士始 死,君

代巫,執苅居前,下天子」也。

未賜衰,故釋采于 門,主人辟。 此。 婦 人可 ○注 知 讀 采 君 爲菜, 升自 謂 阼 禮 門 階, 神。 西 存 鄉。 參。

房南 鄉尸。 壁 也。 祝負墉 在 房户之間 南 面 "喪大記》: 鄉 君 以 當 相禮 「祝先入升堂。」墉,東 也。 主人 中 庭

大 ,注謂「不敢必君之卒飲事」是 (哭,拜 君 迎變位 也。 稽 顙 君 拜君 哭。 《喪大記》: 賜 臨 成踊 也。《喪大記》: 君稱言 出。 視祝 以下主人凡六 士出 而 踊 Ě 俟于

門外。

君命

反行事, 斂事

主

人復位。

階下位

也。

爾。

婦

東 君在堂,不敢遽升。 牀。 東 上。 北 卒公卿大夫逆降,復位 面。 在主人之西,與尸遠也。 近尸。 升公卿大夫,亦君升之。 君升主人,命主人升。 一,主人 乃歛。 降 主人奉尸飲 出 主 人 主 君 西 反 楹 于

主 當 心。 人,將撫尸。 主人拜 主人中 稽顙, 拜君 庭。 之撫。 君坐 成 撫,以手按之。 踊,今文 無

也。 踊 0 出。 〇《喪大記》: 君反之;將命之馮尸。 「凡馮 尸,興 必 踊。」則 復 初 君 位,初, 與 主 人 拾 君 初 踊

君將降 入時中 也。 庭位也。 其 實 主人辟 衆主人辟于東 時 衆 已 在 東壁, 壁 南 至 面。 是 乃 明 東堂下 之。 君 以

降自阼,在主人之東西鄉命之,體孝子之心益至。 降,爲將命主人及主婦馮 也。 西 鄉 命主 人 馮 不言命 君 主

馮後撫。 可知 也。 不當君所; 主人升自 于君所撫處,爲少北 西階 , 由 足, 西 面 馮 踊 P , 先 主

婦

東面 馮,亦如之。奉尸,歛于棺,中 有 踊,文省

左,不言階 乃 蓋 下, 主 君 人降 在 阼 出。 也 視 君 塗。 反之。 亦 踊 命 視 君 塗。 升 門 即

在阼 矣。 也。 哭如故。 之反奠。 反,古人君之體羣臣如此。襲,入即位,哭殯。 奠,主人出,哭者止。 也。 位,尸東。 人襲。拜大夫之後至者,布衣後來,因君至,不及拜 言止,則既殯哭矣。 曲禮》: 君升不在阵,得入而右也。 也。 而不過,上以奠者升降爲準,是也。 主人哭拜送。 貮 車 君出就車,左右攘辟。 君式之。馮式以禮主人 主人不哭,隨君出故也。 君要節 畢,貳車不入大門,此言畢乘,則君車 人門右,上入門左,以塗在西,此門右,主位 衆主人復位。卒塗,主人出,君命 而 君 踊,要,歸 出門,廟門。 按君以厥明視奠而反,主人屢出屢 君將出,不敢喧,故暫止也。 也。 乃奠,升自 節,當踊之節,言哀歸 廟中 辟。 主人從踊。 哭。 恐妨車 西 君已出, 階。 十出大門 衆主 -行也。 卒 此 君

五等服也。 喪大記 三日 殯前已經帶,此加冠衰而 士之喪,三日之朝,主人杖,婦人皆杖。 成服杖,殯之明日,則除死日爲三日 服成, 杖詳 :《喪服 也。 下記: 傳 服,

位

也。

成

踊。

賓出,主人拜送。

右第五章, 君視飲

「三日絞垂。」拜君命,拜其弔也,下同。 施己,故不拜,未安。 拜棺中之賜。 重 〇以 禮 而 Ŀ 輕 成 財 服 也。 拜在 朝奠之後,注謂 及衆賓。

不

其位也。 人。丈夫即位于門外,西面北上,丈夫,衆主人及 哭。 明爲主人辟也。 上。遠于門,故以方言之。 東上,據下,此 西上,據下,此諸公位也。 之、北上。據下、則此實、公、卿、大夫也。 及下北上,明以親疏爲去門之遠近,各不相 衆兄弟也。 據下徹大斂奠,則朝夕哭,自 亡日,吉事闕焉,凶事則不辟。 ,當在丈夫之北 婦人在内,故先即位哭。 朝夕哭,既殯,在次哭無時。 敖氏曰:此士位。 外兄弟在其南,南 他 婦人拊 西 國 異 面。 爵 心不哭。 者之位 辟 下疏謂家臣 下無文,據經無老及士位 北 成服始。 堂, 阼階上也。 門。 面, 婦 則 也 人即位于堂,南 上,異姓有服者,南 言此于主人即位之下. 鄉 人哭,則以朝夕爲節, 婦人方哭,以男子將 門。 不辟子 在門右。 西 方, 門東 門 統 南上,統于主 也。 西北 卯。 東 主人即 北 賓 面 此, 桀紂 面 北 面 上 蓋

位以 へ也。 哭。 痛 闇 于其東,酒 面,醴. 奠 朝 故並 徹 南 用 無奠, 燭 燭 也 先 在 可 醴 入,《檀 容祝 升自 東 也, 也。 阼 亦 弓 ,) 朝 北 階。 立 面 此 奠日 以俟後徹者。 丈夫 取 出 豆、豆、 夕奠 踊 籩 日 祝 俎 取 取 , 南 酒 室 醴 中 立 北 面 尚

爲列

· 故

E

旁。

每旁三拜,

則

旅

拜

也。

右還,人

門

右手向外,

轉

而

北

面,乃入也。

不言即

位,則入門即

哭

主人爲

哭而

來,門辟

即入,何暇拜賓?

則主人即

西

上。

豆在俎西,籩

在

豆南,

徹

者

必先豆後籩,則

上

豆

也

也。

主人

拜

賓,旁三;

此

當與下門

内之拜同

賓

東 餘

西

入哭,不敢

先哭,故

暫

止

而

俟。

拊

心者,

方哭

而

止

有

三拜, 上 位 面。 殯。 所 少 既錯,立于 豆西 西 三俎豚在西,則 豆、籩、俎序 南, 面錯。 直 西 執豆之西東上。 榮。 從,降 上 立于豆北 豚 也。 醴 自 西上 酒 西 北 , 南 立 階 面 俟祝出。 面。 西 酒 婦 錯 俟 上 後錯 踊 祝先 復位。 以 者 上 設 出 如 東方。 籩 于序 室 酒 位 俎

兄弟

皆

即

位

如

外

位。兄弟,上丈夫及外兄弟,

下,皆一

時事。

蓋即位

時

門將辟未辟,

故拜賓而人。

示

徧

而

른

婦

人

踊

主人堂下,

直

東

序,西

退于主人。

卿大夫在主人之南。

在外兄弟南

下,日 降 西 升。 醴 南酒東也。 上。 自 遂先, 遂先 丈夫 西 俟祝俱降。 階 則 踊 由 不 祝不 人 人 婦 主人之北 巾 人 復 如 滅 位 踊 禮殺 初 燭 也。 設 出 也。 奠 適 乃奠, 亦 者 饌。 祝 錯者 在奥。 由 出 也。 重 醴、 朝 出 如 奠之饌,在 南 祝闔 者,豆 ,立于户 酒、 東。 户,先 北 脯 從祝 籩 東 西 南 醢 堂

奠,次日徹之,若朝夕奠,則據 徹 者盥于門外, 徹大飲奠,爲將朝 《司尊 彝 》疏云: 奠也。 朝奠夕徹 襲 歛 夕

下不言哭者,主人哭則哭也。

〇以上

朝夕哭。 案此客:

此言拜諸其位

則

餘亦

拜

如

門外。

位

也。

兄弟以

公,卿大夫亦

如

之。

凡

異

爵

者

拜

諸

其

位

特

拜

也。

于西方,此皆

如外位。

不言士,省文。

敵

則

先

拜

他

或

醴錯

于西。

以上徹大飲奠

哭畢又拜之,賓有公,則先拜之。

然後

拜

本

或

諸

他

國之異

爵

者門

西

少

進。

異

爵

謂

卿大夫。

士:

則

位

謂

賓繼之者

也

諸

公門

東少

進。

門

内

進

北

近

主 送。不復人。 丈夫 朝夕哭有節,安神須 人卒 踊 拜 賓 送 衆主 出 賓 静 凡 卒 人 也。 賓 禮 出 皆 之 皆復 婦 婦 出 終。 婦 位 揖 踊 人 衆 門 踊 主 外 出 位。 人 門 主 哭 乃 蓋 人 岸 就 門 拜

次。

以上朝夕奠

稷。」用一 執者 菹 舉 饌 左首以下。 有 加牲有黍稷,其 加 豆 人拜賓,如朝夕哭,門內外之拜。 于 一、醢 鼎 黍 亦 進也。 朝 黎。 如之。 酶 入升,升于俎。 夕奠。 朔 、黍、稷、 瓦 月 北 敦,有 卒化。 始 化 者 逆 出 奠,朔奠在朝節詳 菹 有 陳 兩 禮 南 黍 盛 瓦甒以下。 \equiv 俎。 稷, 蓋 矣。 鼎 俎 釋 。 當 利 皆 俎 錯 一; 甸 籩, 如 匕于 養 如 籩 豚 豚、 之漸 初。 亞獻所 無籩,禮 人徹 位。 初奠之儀,大飲奠, 鼎,釋, 下記。 在 魚 也。 寢門 東 腊 鼎。 黍當 進, 當 也。 下 卒徹。 外 兩 含置 不必 用特豚、 篇 豆 栗,稷 以 豆 註 其設 其 重 下。 也。 盡 二而籩 其 序 東 當 「殷奠 同于 徹宿奠終。 醴、 于室: 東方之 輕 魚 脯 魚腊, 俎 祭 有 朔 載 酒 行 也。 腊 主 魚 黍 月

> 又奠。 案:下記:「朔月若薦 如于 敦有足者, 會面足,啟上所部,不復 奠,朝奠夕徹。 饋, 哭之儀。 也。 初。 方。 特,特于豚 所 成 乃出 敦 初在 服; 室。 謂「燕養、 有薦新,若五穀,及時果。 啟 無 籩 會, 魚之北 以 月半不殷奠。 南 足 闔户 Ŀ 朝 則 饋、 夕哭; 郤 先 此 朔 廢敦 出 奠。 在 取 羞、 諸 當兩 新 敦 醴酒 也。 湯 其 Ξ, 右 南 主 ,則不饋于下室。」是朝夕有下室之 俎。 沐之饌, 蓋 南。 第六章 人 序 徹大飲 ir, 其 也。 祝 禮殺也。 要 黍 出 與 敦 稷當 餘 面 節 如 如 南 殯 奠; 如朔 執 足執之,令足問 取 後 他 而 近 人。 ○ 注 : 先設者。 豆 諸 日」是 甒 籩 四, 踊 奠。 者 雜 位 其設 朝 儀, 皆 醴 巾 也 大夫以月 夕 凡 酒 如 ·, 共 加 奠 鼎 于 饌 Ŧī. 敦 徹 朝 位 之屬。 ; 在 巾 外, 于 節 Ŧi. 前 啟 朔 夕 如 半 之 東

地。」據此經,則士大夫之葬亦掌之也。 冢人營之。家人,公有司 筮宅,宅, 葬居。 \exists 筮者 也。 春 與 下 官 爲 誉 所謂 綱 冢人掌公墓之 蓋 「經之營之」 將 筮之也 朔奠。

界。

外

其壤。

壤,高

土。

掘

中

封處。

南

其

壤。

葬者北

首,故積土

在

足。

既

東面旅占,卒,進告于命筮者與主人:「占之

下所云是

也。

0

案:

示

「大夫ト宅 筮, 絰。 去 不踊。 從,筮擇如 人 經, 復經。 變位而哭,明 初儀。 哭,痛親之將 非常。 更擇 而筮之。 〇以上筮宅 入地 也。 歸 殯 不 前 踊 北 面,哭 若

絰左擁之。

喪服以経爲重,免之,不敢純凶

也。

事畢即

命筮者在主人之右。

説見《士冠》。

《雜記》:

南

北

面,不西面者,兆

在北也。

免如字。

絰。

將

朝哭,言哭,則奠矣。

主人皆往,皆,皆衆主人。

兆

曰從。」從者,從人求吉之意也。

《洪範》:

「龜從筮從。」主

視也。 椁,還 葬先置之壙。 明器。」材 材 面 于殯門外,如穴中之制 于 拜 殯門外,明器之材, İ. 既 反位 ,周繞之,謂由 井 存材. ,拜其成 椁,既, 一,拜位。 據下「獻素、 也。 功, 椁 椁 已 西 也。 哭不 用 南 也。 面 木 四 獻 未斵治者,預獻之,以將 者,主人在 重 周 成一,此 踊 四 檀 其 以察其材之美惡,下 弓号》: 事 周 于 故特 婦 日既 壙 東 「既 人哭于 也。 表 如 殯, 井 之。 則 以 左還 旬 以 已成 堂。 主 面 衛 所 布 同 棺 言 壙 謂 材 旋 西 獻 宜 陳 將 徧 與

之,南

面

受

命。

命

Ė: ¬.

哀子

某, 贊命者稱

主人

名,命之。

爲其

父

某

甫

筮

宅。某,死

者字。

度

兹

者東

面,

有司

位

也。

抽

上

韇,兼今文無

灬 兼」。

執

弁。」又云:「史練冠長衣以筮。

占者朝服。」士禮未聞

筮

喪屢,緇布冠,不蕤,占者皮

葬日,有司麻布衰,布帶,因

其處者然,不坐, 0 土, 原誤作「上」,

神,其

辭

在

假

爾

泰筮」之後。

不述,喪

事

略也

左還

有

庶

幾之辭。

筮

人許諾,不述

命,

述,述命辭于

基

無

有

後

艱

兆

兆

域。

基

始

也

謂

兆

域

之始

也

幽

宅,度,相

度

也。

宅

在地,故

日

幽。

兆

古

文無「兆」。

北

面

, 指

中

封

而

筮。

指者,

,若示神以

據四 庫 本 解本改

如之。 定 謹 北,不拜者,殺于椁也。 而哭,猶哭椁爾。 也。 故 有 與 上及績 法定爲 獻椁異 也。 日。 素, 如者,反位哭而 其次當如葬。 治 西 畢 如哭椁。 面 爲 北上 成, 此 / 続。 主人 不踊。 承 哭親也, 曰哭椁 椁 材雖 徧視之, 與 獻素獻 器 未 言。 治 而 0 由 其 者,見 成 以 用 南 亦 Ŀ 而 已

獻

材

之。 荆、燋。 火所以 者。 北 外位。 此 焞存悶反,又吐敦反。 上 曰:「上」,衍文。 特備 族長也。 上。 北上,與族長不相 及宗人吉服玄端。 1 灼 具,未然也。 族長粒 占 龜。 ト人 Ħ 者,占人也。 主人即位 葬日 燋,炬也, 八先奠 南首,有席。 卜,族長,族人尊者,非宗子也。 也。 置,謂荆、 一,則易 統 置于燋。 龜 謂存火。 用卜,别 也。 《洪範》「三人占」,蓋占卜之吉凶 于 而東。 立于門西,東 西 〇注:「三人,掌玉兆、瓦兆、 燋並設。 于吉。 華人掌共燋契以待 塾 ト席也。 占者三人 楚,荆也。 上, 既朝哭,皆 在 廟 先以藉 以 龜 焞,火也。 北 在 面 東。 爲 涖 龜 南 其 上。 1 席及 臨視 上。 南 事, 復 楚 荆 或

鄉之。 ○案: 席于 東西 也。 之,以授宗人。 示高。 卜,與 具。 扉,門扇,臬東西各一。 原兆。」未合。 10 人兼抱之? 面 與 燋並執之也。 0 1 面, 主 涖 闑 贊命微别。 主人北 注疏以卜人抱龜燋爲句。 師,凡卜事視高 **燋在北。宗人受卜人龜,卜人既奠龜** 卜,族長 至是乃 婦 西 [閾外。 立 今從敖氏説。 卜人及執燋席 于其内。 轉 面 注云:「南 也。 而 1 免經,左擁之。 北 以 卜席也,亦門中與筮等。 人抱龜, 燋先,執 面也。 事明 東言闔 皆 高,龜腹起 面東上。」則上卜人。 以 奠龜 以 之,當在主人之南 重 别 涖 則 其 者 據上燋别 西首 内 1 事 處可 外, 既哭之後 在 也 即 主人既哭,出 塾西。 且 ,奠于席西神位 ,灼者 位于 涖 便 有 燋者,先道之。 于 也。 執 ト受視 宗人 西 ,門東, 西 者,何必 ,代主人命 闔 不言 扉 示,示 視 東 尚 告 1 楚焞 又執 在 未闔 扉 也 反 西 事

門

受粒卜 曰:「哀子某,來 命也。 少退者, 日某,某, 示高宜近,受命則 依 石 經 可 》補。 少 遠 也。 來 日 謂 命

之。

宗人還,西反龜于卜人,乃還而

東。

少

退受命。

涖

擇將

悔?」考,登。降,下。 許諾,宗人許諾,異于筮。 來之日卜之。 1 葬其父某甫。 言神魂上下,無近于悔, 不述命; 考降 如筮。 亦 無 庶 還 有 然幾之 即 近 宅」。

席,西 辭。 面坐; 命龜,「假爾泰龜」等辭是也。 興,授

人龜,命灼。

負東

扉。

立視其灼。

卜人坐,作

師,又卜師揚火以致其墨。 龜 ,作,灼也。 華人,凡卜以明火爇 興。 燋,遂吹其焌契,以授卜 授宗人龜。 宗人受

釋龜,占畢,卜人仍授宗人龜 以授占者。宗人退東面。 俟占。 ,則既釋復受也。 乃旅占,卒,不 日不釋者

龜,示涖卜。

涖卜受視,反之。 宗人又反之卜人,

復執之,如未釋也。 告于涖卜與主人: 東面。 占

婦,不執龜,下主人也。 某日古文曰「爲日」。從。」授卜人龜。告于主 主婦哭。治卜不哭,吉服 也

主人不哭,未絰也。不言告兄弟,可知。 告于異爵者

者。 如筮宅。 重他國尊者,故宗人告之。 使人告于 衆賓。賓不來 ト人徹龜。 賓出,拜送。 宗人告事畢。 若不從,卜擇《石經》作 主人經,入哭。

> 儀 禮章句卷第十二

一,筮宅,二,井椁,三,獻明器 如 初 儀。 以上卜日。 四,卜 右第七章, 營葬, 凡

四 節

和吴廷華章句

仁

者,亦大戴諸家割經首二字以名篇,無義可説也。 哭,此謂既夕哭之後,告啟期也。 禮屬凶禮,當第六,第十三説非,詳《士冠禮》。 下,葬禮也。 既夕第十三夕,葬前二 劉向《别録》以爲《士喪禮》下篇。 〇案:此接士喪筮宅以 日之夕也。 上篇言 曰「既夕」 于五 朝

既夕: 哭,謂出門哭止復外位時。 請啟今文作

告于賓。告與哭者,餘亦往告之。 開。 期。將葬,當遷柩于祖,有司乃請啟殯之期于主人。 言實,則兄弟可知。 0

以上請啟期。

盥 盆 也。 祭法》「適士二廟,官司一廟。」二廟,祭祖若禰,一 **夙興,**次日平旦之先。 設鼎先設盤,以舉者必盤也。 設盤于祖 注 云: 廟門外。 祖、王父。 廟, 0 亦

> 祭禰而 殯者,大歛既殯之饌也。如者,「陳三鼎」以下。 奠皆然也。 日 朝 于 禰 禰朝 祖 故爲是説,但 廟,猶先廟。 릲 則 先禰 東方之饌亦如之。 鄭氏以一 耐 後 共廟之説,不見所據,姑 祖 蓋大概言之,或然。 廟爲 此經設盥第言祖,下又第朝 祖禰 共廟,蓋 侇音夷,本亦作夷。 因下記言二 陳 鼎 存 以 皆如 皆,言下三 備考。 廟 祖 殯 耐 則 或 不

夷。 牀饌于階間。侇如夷衾之夷,朝 二燭俟于殯門外。俟啟而遷。 丈夫髽散帶垂,小劍髻髮散 IE. 帶 柩,陳棺于上,故曰 〇以上陳具。 垂, 此 將 啟 見 棺

故仍服之。變髻髮言髽,與婦人互見也。 拜之,如臨。人即位,袒。 夕哭,門外位。婦人不哭。 將啟。○以上即位 主人拜賓,賓爲啟來者 即 位 如 初 朝

一一,聲,噫興也,蓋三作聲以覺神,爲將啟也。○「興」、《曾 子問》注作「歆」。 麾執披引者。 而免者,以有事于柩故也。 商祝免今文作「絻」。 入,升自 啟三,啟殯也。 西 執 階,盡 功 袒,將啟 布,綴于竿以 三啟以始之,燭入而 階 故變服,此當 不升堂。 拂柩 且指 弔 聲 後 服

儀

將見 此啟 啟 之也。 柩 殯也, 燭 0 而上下不言啟 人。 注 以 啟 燭 二: 爲告, 則 聲 以 此 則 照 啟 已 啟, 非 告之,不 啟 殯 以 而 照 何。 必 徹 再 也。 命 告 東下柩 東西

哭。

也。

Ħ.

有

司

盡

以下。 表柩, 接也。 祝 言啟,凡四節: 用 夷 降 念。 出則先之也。 取 商祝拂柩 銘 上不入飲,爲幠柩 徹宿奠者降 置于 一,請啟期,二,陳具,三,即位, 用 重。 踊 功布,拂塵坋去之,將 無 也。 夏祝升,取之。 算。 與 也。 夏祝交于 見柩不勝其哀,蓋自 〇以 上啟殯。 降置于重 階 用 四,啟 衾也 右第 下 蓋 殯。 主人 旌 事 章, 幠 以 相

燭,慎 先後,各從其昭穆。 故先于柩。 重先,表柩也。 僧号》: 周 主人從。 人朝 燭從,照奠及柩 ൬ 奠從,注云宿奠,則夕奠也。 遂葬 無服者,又在後。 丈夫由 軸 本 在殯 右 柩 婦 中。 從, 人由 男女各以類 此 左,以 燭 更端 從,柩 服之親 亦神所 故復言之。 相 前 從 疎爲 後 也。 依 有

遷于

祖

用

軸

遷,

徙

也。

祖,

祖

廟

謂

朝

于

祖

也。

自

西

設如 北面。 主人 即位。 降 柩東,記謂「饌祖奠于主人之南 陳 説未確。 上,俟設奠,乃東。 故暫設于西,與上篇「設于序西 極東 初, 席升,設于 階下東方之位。 階。 巾之,在室中不巾, 初, 面 西 謂大歛奠,如其陳設之次也。 是 奠者從極爲 面 也。 衆主本無「主」、依《石經》補人。 由 柩 婦 足 人升, 西。 正 而 升 東。 柩 降。 一、蓋主人固 此 直 于 南 東 巾者, 置 柩之西 0 兩 一義同。 面 注 重 楹 堂 云 如 在 當西 間 Ŀ 從主人後 此宿奠也,不 極東 下三 初 柩 塵 多也。 用 北 階 奠則 也。 足 夷牀。 如 也 人東 在 辟其 設 立 ○注 寢 升 奠 重 階 于

足,存 者 先後有拜也。 由 參。 足 西 主 面。 人 即 踊 位 主婦, 無算 , 阼階下位。 及親者 降 . 拜 婦婦 賓; 踊 人 襲。 西 又拜 面 阼 階 主 如 上 婦 朝 及親 夕哭, 由 足

不言載柩之車者, 乘,神實憑之。 薦 車,薦 陳之,象其 陳也。 據下記,「正柩、賓 車 出。 乘車 注以 道車 出 爲 - 東車 後 遂 世 匠 一之魂 納 也。 車 車 于 此 階 平 或 間 日 所

設

東

面

北

上。

主人從升。

立西階

上視

正

柩畢,乃

升自西階。

柩不

由阼,存子道

也

奠俟于下,

IE.

極乃

者,

由足而東也。

〇以

上

朝

祖

畢。

主人送于門外。

以上奠,

及薦車

馬。

右第二章

出

此文不是 北 鄉 具。 也 直東榮,北 據下 陳明器于乘車之東,則乘車 輈。 在 庭 南北之中,偏于 此乃言質明滅燭 西 Ŀ 也 東。 則 質 北

轡以 後。 交轡 啟 明 三成,謂 굸 節 甫設即徹 鼎等,則 乃奠如 時尚早矣。 滅燭。 而 車二馬。 夾牽之。 牽馬,馬二轡,左右各 《周官》: 就 馬不可久在庭,故既 哭成! 踊 條絲也。 如大飲奠也。 初,此遷祖之奠也。 辟 纓以絛絲爲之,馬鞅也。 自啟殯至此,有二燭爲明。 如飲奠之節。 踊,主人也。 新 疏云:下公賵兩馬,士制 蓋 徹者升自 作階, 徹宿奠。 乘馬 奠也。 在 入門北 四層。 庭, 注: 防 升降自西 奔軼 馬 薦 此云夾牽,則每馬二人,在左右 面 薦 「不設序西南者, 入則薦車禮 即 也。 當席柩東,設在席前,其陳三 馬 交, 互易也。 入門,即陳之也。 出 ; 而 御 階。 就,成 駕 待。 也。 者 上三車 成、故哭。 如 也。 執 三車則六馬矣。 賓 初。 , 已再 降自 策 圉人夾牽 一之馬 出,遷祖 飾纓三色而 V. 設爲褻。」 主人 交轡, 西 也。 于 右還 階 馬 要 注 事 也,謂過中也。

遷祖, 凡二節:一朝祖, 二,奠及薦車 馬。

請于門外,蓋人而即載,不及請 有司 請 祖 期。 祖 ,行祭。 也。 期, 日 時 也。 日 側 請 者

因送賓

昳

〇以上

一請祖期

首也。 今以首鄉前。 〇以上載,及降奠。 東也,注所謂當 後二束,後東東于車前,前東東于車後, 襲,降奠,當前束。 主人人,袒。 踊無算。 下堂, 鵬。 行益迫,痛 順載于車,則 腢 爲載變也。 肩也。 下遷車之奠于柩車 益加。 此 南 徹奠當如夕奠,設于西。 首, 乃載。 卒東東,東棺 此棺之前束 在車 -後,還 西 柩 也。 在 堂北 車 車之後 棺 于車。 乃北 有 首 前

高三尺,徑二尺,士則又殺矣。 紐二,緇紐二。 後緇,棺旁有帷,上覆有荒屬 四、諸侯三、大夫二、此一 甲,在荒内。 三采無貝。 商祝 飾柩: 此懸于鱉甲 蓋 左右各 齊設于鱉甲上之中央,形 一,前 池,以竹爲之,如小車笭, ,以象宫室之承雷,故 池、士制也。 纁而 紐以 采者,以采繒衣之,又連貝 結之。 後 緇 當 在前。 此言經 《喪大記》: 圓如車 曰 紐 池。 蓋 車 纁 前 士纁 天子 君 有 也。 赤巠 以 制 鳖

者,用 聞 引 加 貝 車 于 蓋 則 大記》: 上也。 此無 使 加 木 在 固者; 披與 縛 前 者 柩 士 也。 三采者,注云:「上朱,中 車 注云: 又曰 又此應有翣,文不備 屬,着 轅 披 上,以 用纁。 戴 「元士以上有貝。」 也, 以帛繫束,旁引柩車, 屬引于上而挽之」,是 謂 蓋左右各二也。 着 于輅,下 白,下蒼。」《喪大記 〇以上飾 設披,披,繋棺束着 經 前 屬 , 使不傾 輅 引。 也。 柩 疏 引 披 覆 云 數 類 也。 $\overset{>}{\pm}$ 未 輅 \exists

言席 用器 者 也 以 小 折 容柩 世。 面 視 此 壙口。 横 加 沽 向 饒 近 于抗 陳 E 、覆之。 而 ,當縮長而横短,折 于 也。 疏 小。 明 縮 車。 注云: 木之上,則與入壙反,故折亦反郤爲覆 者 蓋入壙 《檀弓》「竹不成用,瓦不成 壙 其 于乘車之西。 抗木横 折,方鑿横木爲之,加于棺上,以承抗席,大 縮 長方也 制如簣。 折仰 者三,横者五。」竊謂 入壙亦如之。 抗 大小如 又下既空云: 縮 席覆其上,抗 藏器也。 折 抗 此 横 不言折 禦 味 木又在 者, 當 明 加 也。 一之屬是 折,郤之。」謂 如 亦與 神之也。 抗 蓋 席上。 則 也 木,横 入壙 禦 在 也。 又壙 止 折 下 反 西 土 視

也。 矣。 也。 也。 也。 醴 文省爾。 牢,苞三个。此二者,其中下士與。 之下體者。 在 而 之上也。 个, 遣車七乘, 大夫五个, 遣車五乘。」下 淺。 即 南 先言葬器,故又言器以别之。 三者、三穀各一也。 下記: 也。 酒 繼茵 器 内則 亦縮二横三。 加 ○注: 西 茵, 綪者, 筲 三: 而 用 幂 南 茵著用茶,及綏澤。 二,則羊、豕各 西 茵 翦 疏 屑 用 也。 上 西 褥 布 桂與 功 陳不容,又自 也。 苞二。 黍、稷、 淺 布 也。 一薑。」 疏麤之布, 以 亦,亦抗木也。 器,明 雅 三: 藉棺 一个也。 謂 按 幂 朱氏 以 染 麥。 用 華編之, 南 下,承上 淺 器 蓋縫合兩邊 西 屈 無 <u> </u> 緇色之布 疏 遣車 ○案: 謂 筲 醯、 而 謂 功 布 苞 苞 東。 如 者 茵 制 抗 以 一苞牲 據 如 盛 醢 西。 席言 筲 睘 《檀弓 壅 苞 下 此 種 茵 幅 緇 蓋 也。 罋 幂 之畚 爲袋 屑 則 南 復言茵 則 有 一疏云: 翦 以 是 甒 亦 上, 形 幅 裹 上 加 甒 或 應 菅 以 今 薑 所 言 如 遣 于 盛之 實皆 士少 君七 桂 草 奠 其 明 抗 邊 文 抗 屑 牲 作 明 端 器 木 幅 木

之 □ 「味」,原誤作「沫」,諸本同,今據通行本《禮記注疏》改

縮

如

抗木,承上抗

木

而

言

加

則

加于抗

木之上

所謂

反

陳

也

抗

席

席

以

承塵,二

一則重席,欲塵之不入也

横

陳之。 之。 耜,面 西。 水以盤 置之一桁也。 也。 \bar{z} 應于總中又分言之也,況明器本無實,塞之何爲? 言,似與皆字意不合。 几,則有跗也,故曰久之。 盧 板 用 小 非 内則 器言 也。 [爲之, 皮食物, 士庋于坫, 此以木爲之, 異于生。 人「灸諸牆」之灸、灸、柱也、謂樹之。 有 《荀 「飲水器。」《玉 桁 兩 用之物; 也以以 説 之所譏則不 》站説不符。 之器 下記苞長三尺,注疏謂筲容斗二升,罋亦如之, 流 子》日 敦, 皮也,《内則 似 以訓之。 也 非經義。 也。 金爲之。 П 兩 ○案: 且 也 村,音于,今文作「桙」。 肉 也 村方。」槃匜。 過 藻 腐 且三者果須塞口,則當各于幂下明之,不 用器: 實 南 備 注以灸爲用,蓋案塞其口,則第指: 》謂之閣、「大夫七十而有閣」,是 皆木桁久音同上篇。 》注云: 末,其柄也。 蟲 若如 流 器 于槃中, 生、尤爲 而 士坫惟 南 疏 已,未必實之,其 弓矢、耒耜,耒、耜, 上 浴 説 也 盤。 非便。 槃, 以每器異析 一、皆者、謂 其制、《考工記 南 用器皆 承盥之棄水。 此 流。 阮氏《 注 其 所謂 説 ○村、《公羊 繼 匜小槃大,故 苞、 器 《圖》謂 是 爲皆 之。 桁 「盛湯漿 亦 也 筲、 以 視 車 故取 久,當作 次 此在 匜 桁制 則 也。 明 罋 用 田器。 而 人 則 皆 又與 器 壅 器 甒, 西 注 《廬 者 》詳 用 合 沃 甒 如 甒 以 而 面 翣,葬器無翣,文闕。

干 案: 也。 辭, 此 口 經 也。 蓋可 翣應在葬器中,疑錯簡于 笮。 先 燕 後 用 器 燕樂器 其 則 而 : 不 日 序 燕居 一必定 反。 也。 謂 與賓客燕飲 安 〇甲, 用 無 體 也。 祭器。 所 鎧 役器: 用 此。 胄, 兜 用樂之器 杖、 ± 或云: 禮 師役之用。 笠、 鍪,干,楯。 殺 也。 也 此 翠。 另是 可 有 者 用 翣, 甲、 燕 笮, 器 僅 樂 扇 中之 矢 胄、 可之 也 箙

祖,始 東也。 祖變。 人降,即 在主人之南 在北,此移 之者然,下婦 襲,少南當前 還車,又祖奠將設也。 也,還 徹奠,巾席 主人 商 而 祝 位 則主 南,一 人階 柩 要節 御 于 鄉外 柩 束。 階 人在 間 車之地 亦然, 間 圃 俟于 執功 爲行始 俟,俟復用之。 柩 柩已爲行始,主人不忍遠去,且 踊 東 故曰 此 布 初 西 矣。 車之前 納 居 以徹 也。 方。 前 車 少。 此 本 者升 爲還 注 踊 在 奠,遷祖奠。 東 ○案: 乃云 西,俟于西 階 降 板之後 柩車之節 以 間 爲節 柩 下皆指 下注東方之饌 既 西 還 東 者 徹之. 車 未 衵 也。 È 的。 乃 則 陳 人言。 若攀 祖 階 載 爲 器 以 婦 將 間 時 在 將

並存之。

〇以

上

一陳器

柩 也。 不 上 以 祖 北 二人還重, 故置之。 此 南 柩西。」誤。 還車 面以 祖 必 與 空 四 下記: 器 奠。 還 新 ○案:主人在柩東,奠 西爲左。 並 輈 也 之, 不置于車者,銘以表柩,須 言 之地 右第三章,凡六 「祝饌祖奠于主人之南 祝 則 亦薦 主人要節 五,還 左還。 取 薦 故 車 布 位 畢 銘 車; 出 亦 于 席, 置 此 還 重 節: 六 于 也 賓 乃 蓋 而 初 祖 茵 車 在其 奠 一,請 出 踊 北 明 奠 後 面 器須 如 兵南, 也 鄉 亦 當前 祖奠畢 薦 祖 初, 入壙重,既 夏祝 柩 執之以 期 則亦柩東矣。 馬 祖 輅 至 亦 也。 還 如 陳三 是 是 行 初。 車 主 乃 虞道 載 也。 茵 鼎 還 且 不 在 人 柩;三,飾 又薦者, 初 鄉 左埋 抗 本 還 送,以 此 疏云: 外 南 木 謂 祖 器 之。 也 上 上 遷 奠

也 位,當前束之位。 有 司 請 葬 期。 以上請 亦 請 于外位。 葬 期 人 復 位。 主 人

位。

杖。

以上公賵

門 主 助 葬東帛,以 右 公賵: 北 釋 杖 面,及衆主人袒 尊 將 芳鳳反。 命者,故 君 命 也 第 玄 迎 \exists 纁束、馬 于 賵 也。 爲君變也。 廟 門 擯者 外,不哭,先入 兩 出 馬 車 馬曰 入設。 請 賵。 告。 重 以

> 哭,拜 則車 服者, 送于 襲不當在外,則入外門 舉 在 車 由 南。 輅 柩 也 西 幣 東 爾 折 南 賓 外門 近主人,且下受者在 以 士乘棧 東 也。 宰自 稽 奉 \Box 東。 至中 前者 顙 幣, 當之,則 外 東來, 車。 成 拜 士受馬 庭 ,以在前名之,非對後爲前之之謂 由 踊。 車 服 ,送賓也。 故得 馬 東對 前 乃襲也。 車 西, 之中,北 賓奠 在其 箱 車 以 東也 矣。 也。 賓使 出 北 即于受幣及馬時行之。 幣 車 面 北 者 則柩 室 于 ±, 南 鄉 復位,入廟門, 面 由 鄉 棧 死 主 西之説不足信 當 致 者 主 人之屬 以 左 前 致 命。 人之北 東 服 命 輅 爲左,奠于 出 也 · 音 既 輅 當 復 路 主 明 棧 主 輅 在 柩 矣。 轅 左 柩 乃 東

賓從, 位 初 人 不不 告, 左 賓 服 踊 致 出 赗 告 命 舉 者 此 幣、 須。 如 將 言 初。 位 命。 受 馬 則 馬 如 拜 使 設, 人奉 如 君 公 賵 賵 初 也。 違 賓 命 而 其 奉 宰 下 位 來 舉 幣 同 也。 也 幣 擯者先 士 賓 主 擯 一受馬 人 奠 者 拜 幣 出 于 擯 如

亦宰也。 正之。 又請。 而已。 者出 命 若無器,則捂五故反。 北 者,明主人哀戚,志不在受,而强委之也。 奠不出,賻則出者,赗奠爲死者,故必受于柩前 告;主人出門 人,舉所委以入也。 者之用,不應重凟死者,門外受之,若受于次者然。 言若,若者,不必然之辭。 云"「出者,賻主施于主人。」其説若主人私己而黷貨者,特 東 ,將命如初。 此云無器,則委者有器也。捂受,逆受也,謂相對受之, 此 反位。 面舉之,宰自主人之後,出其北,轉而東面,鄉主 若奠若賻,或賵而 賓東 所 若賻, 又請,賓告事畢 謂 以 知死 面 復 人門而東藏之,乃反位也。 將 有 者 左西面; 音附。 贈 由北者,便于入; 命; 士受羊如受馬。 也 又奠且賻者與。 若奠,助 據下所知,賵而不奠,則賓惟 主人拜,賓坐委之,不授 記 受之。器、筐、 貨財 云: 門,廟門。 日 贈幣無常。」〇案 拜送人。 牲奠也。 賻。 鄉主人者,若受命于 不 言羊,則豕可 入告,出 宰由主人之 亦 篚之屬,以 有司 拜,禮殺 案 : 以 助 位在 贈者將 此及下 賻以 葬。 ○案注 也 東方。 以 注以 盛賻 助 知 人 賓 生 賵 賵 兩

禮》。 所知則 恐賓事 疎之殺. 坐奠于 爲玩 遣于策。 所容書少于策。 此言贈賻,不言賵,亦兼賵也。 弟赗奠可 將禮 而已。 者,陳,謂明器之陳。 初。 多,故書于策。 若九若七若 獨不及明器 好,據下就器奠于陳 入至極 言赗,以概奠及賻也。 將,謂 也 未畢也。 如大歛之衣,陳者不盡 陳。 赗 遺,猶送也,謂藏器,如上「折抗木」以下及實贈名 此贈 知 也。 前。 而 將命。 就,成 死 聘禮記》: 五。 不 瑁奠賻字少,九行、七行、 **赗奠不兼行**,而必請 謂有 賓奠 非明器 奠。 者贈, 禮 明器不成而以成器人者,不入壙 也。 、聘禮 服者,得 幣如 調奠賻 賵 《檀弓》: 則 而何? 「百名以上 知 重 記: 贈 下 加 用 生 初。 即明器爾。 書赗 贈 史讀 奠輕 爾。 兼此二 「不及百名,書于方。」則方 者 也 擯者 明器皆不成。 亦左服。 賵 注 書于策。 于方,方、策 賻。 ,此舉其 者,容有 必請 則以就爲善也 則 禮, 出 五行可 飲有襚, 賵 此 許其厚于 重, 請 」此公史書之。 者 而 亦史書之矣。 他 若 略 事 後 承上言之。 此 納 就 並見 也 也 其 拜 則 親 器 賓 有 其 陳之 送。 兄 馬 **灣** 親 也 凡 書 則 如 成

乃 内 四章, 賵 之右。 代 哭 如 贈,凡 出 初 人多 節 哭 由 不 門右 一,請 絶 聲 故設燭 葬期; 痛 如 于此。 二、公赗; 將 殯 〇以 宵 Ξ, 爲 上賓 賓赗賻。 燎 賵。 于 門 右

大遣

奠陳

具

腸 方之 肺 後 其 初。 蜱 涿 體、左胖 豕 少牢,可 施、 腴。 皮加反。 也。 實 亦 Ŧi. 脊、 羊 此 饌 如 胃 厥 少 魚、 則 知 大遣奠 脅。 之,亦左 牢、牛羊 Ŧi. 左 明 此 四 腊 ,少牢各三,此 胖 體 醢 四 不 經 遷 也。 也。 兼 ,蜱,蜯 七體 豆 鮮 祖 喪 之肺 Ŧ. 胖, 言 用 Ŧī. 次 獸 中朝 脾 愐 髀 者 日 豕 左 皆 也。 四 離 則羊 侯國互言之也。 之旦 胖 音 不升, 羊、豕 體 **此加爲五** 如 而 毗。 吉則 者, 葵 可 不 初。 也 及離 提 菹 據 知 魚 析 用 變于吉 心 左 魚 陳 肺 右 腊 胖 鸁 無 思 如 謂 胖。 也。 鼎 言 鮮 力禾反。 狄 初 腸 中 如 也。 뾆 Ŧi. 者 反。 央 也 下 胃 豚 初 也。 未 注 于 鱄 ; 髀 解 離 0 絶 言 謂 鮒 門 君 豚 天子之士 醢 不 百 少 豕 大 九。 肺 子 外 許 歛 葉 升 前 不食 解 ; 奠。 也。 也。 肩 四 東 如 ; 舉 七

> 東西 及遠 夜藏之。 也。 各 燭 賓 滅 (入者拜、 照徹 燎 ; 及奠, 執 之。 燭 并衆主 俠 不迎, 人。 同 夾。 拜于其 燎 輅 而 位 北 燭二者 愐 面 Ë H 燎之照 0 夾 以 Ŀ 則

糗東栗 序西 獸 羊東,腊 所。 在 不 籩 中 右 糗 綪; 羸 南 西 鼎 蜱 腊 醢 徹者人,丈夫 栗 豕之北。 在 · 蓝 在 此則少北矣。 人, 羊 南, 奠者 北 魚北 在 脯 乃 其 羸 北 綪 北 奠。 出 亦南上,但 醢 上; 也。 醴 外 一; 主 也 酒 綪。 則 **精者** 豆 婦 踊 人 在 俎 鸁 南 人 要 不精 籩 醢東羊,羊北 棗 設于 蜱 上 踊 節 以 西 在 醢東 爾 成 羸 而 北 徹 西 醢 成 來遊 不言 上 踊 南 者 南上者 北 豕,南 東。 猶 徹 載 棗 以 棗西 葵 , 可 并 南 上 菹 小飲 也 糗 奠。 知。 上 脾 醴 由 南 也 析 西 北 鸁 奠 醴 南 右 北 在 特 醢 南 Ŀ 魚 上, 設 第 席 適 也 也 酒 鮮 奠 Ŧī. 在 前 于

道左倚之。 甸 抗 不至壙 重 出 虞祭後 自 I道,抗, 即 于 舉 道 也 左 埋 出 之 出 薦 就 馬 路 薦

煎。

醴

酒

亦饌

于堂

東。

陳

器

明

器

也

此

言

陳

則

籩

,棗、糗、栗、

脯

糗

以

豆粉

爲

餌。

下

. 記

凡

糗

不

章,遣奠,凡二節:

一,陳具,

性,以 器。 骨也。 也,上 門 人執之以 取 道 于 IE. 庭。 牲 下 非 也。 徹者出,踊 馬已 體。 乘車,道稟序從。 在 苞包牲也。 馬 西 行也。 俎兩 言腊 在 出 面 注: 道 自道 端 則 而 也 茵 前 鮮獸 俟,將行未行,故曰 取 注 : 脛 如),薦畢 苞器 之,示 車各從其 折 初。 在其中矣。 象既響 取 徹 出 全 臂 序從,先後如 者 以上器出 體皆 臑 廟門, 而歸 一人,踊 後 取 馬 而 脛 行器 牲俎,見《雜記》曾子説。 也。 日 折 ; 于道 俟。 如 出 取胳 從 不 初。 自 ,「折抗木」以 陳。 馬 南 道 以 出 每 上。 者 門。 車 魚 徹 牲三个,皆 謂 從。 腊。 巾 便于 自 駕 此 下, 苞 于 次 行 非 出 釋 算 自 北

哭者 車 死者,主人亦宜 面 于死 則 當前束 執算從。 既請,主人南面矣。 相 主人之史請 者,不 止 西 擾之。 也。 知之也。 面 算以計 自 惟 止 讀 近主人少 主 也 主人在 物 賵 不命毋哭,事輕,不敢 之多 人 ,史,有司 \exists 主 相 南、執算又在 少。 柩東,當東西面 婦 則 哭。 執 自 私 者 相 臣 戒 痛 史之貳 也。 也。 其 極 不能 南 讀之, · 史 以 禁哭者。 也 北 此 史 自 方有 亦 面 聞 止 柩 請 西 于

> 但不踊 讀遣 注謂君使讀之。 遣卒,命哭,滅燭,枢左右各一燭,上 滅者、天已明 讀遣暫停,至是滅之。 則 則 則 西方東 禁哭者,以 籌也。 史執算及執燭 坐。 耳。 對死者讀,當立以 燭 面 卒 書與 在 人壙多寡,皆國家禮制所 命 命哭,滅燭; 主人、主婦皆不哭。 右 毋哭,公史,公有 ,俱少東 南 算執之以 出 面 以 示 南 Ŀ 史右,史之北 敬。 面 燭 一讀書。 非爲照 照 逆出。 釋算于 書 司。 便也 已滅其 繫 書 其 地 西 算先。 也。 設 餘可 故 方, 也 故 左,右 重 讀 坐。 賓 知。 其 卒讀 人 公史 事 位 在 燭因 算 也 讀 釋 乃 E 史

披者 袒。 踊 上下之節,使執引及披 襲。 旁 爲 商祝 四 柩行變也。 以 人。」兩 上柩 執功 行 旁則 布 乃 以今文無「以」。 者 八 行。 人 預 也。 知 柩 防 車 不 十行。 也。 言 執 執披。 踊 御 引 無 柩。 可 算。 知 下 以 記 功 主 出 布 人 宫 執 爲

公使宰夫贈玄纁束,下主人贈死者即此。主人去至于邦門,城北門也。《檀弓》:「葬于北方北首。」

;

賓由 贈。 位。 也。 拜 起 吕 稽 三,柩行,四,公贈 入帷 右第六章, 柩行之儀, 杖。 反。 顙 右致命。不南鄉柩車者,在道,禮 荒中置之。 杖不哭,由 賓升,升柩 此日行 降。 左 車之前也。 凡四 聽 ,則爲君贈 主人拜送復位,從柩 命 節: 一,器出于道; 柩 止不行也。 實幣于 車 略 北 也。 鄉 以 蓋,棺 〇以 主人哭 西 爲 上公 行之 左。 讀 蓋

話反。 以 西 説 壙 在 緘。」蓋棺束之末爲緘耳,以引貫結之而下棺也。 載除飾, 面 西,北上先入壙者。 北 案: 至于壙。 上。 乃以引屬于緘。《喪大記》:「君室以衡,大夫士 緘耳,蓋作圈以貫引也。 婦 人東 陳器于道東, 擴南之東。 面。 茵先入。 皆夾壙爲位。 主人袒。 當藉柩也 〇以 西北 衆主人 上至壙 ○説,士 屬 引。 上。 上窆。

玄纁束; 上君贈也。 者,長丈八尺。 主人哭,踊 皆不哭。 拜稽顙 乃窆。 無算,襲,爲贈襲也。 以之入壙,榮君賜 踊 今文作「封」,下棺也。 如 初。 也。 卒, 芝畢。 贈 制 用 幣 ○封,音 制 幣之合 袒, 幣,

賓退如· 文。 于旁。 也。 率之,工乃成之也。 之;見上,非苞筲上也。 以名之。 見未詳 代然也。三則成踊矣。 抗席覆之,加抗木。 違其位也。 爲拜變也。 此云襲,則實土 助 葬勤勞,故拜之。 出 注以爲棺飾,則帷荒也。 兩 器自在旁,此加于柩上,非加于器上也。 門 日 也。 拾踊 拜賓,主婦 旁,則不在壙 藏器 三,拾,更也。 時袒 主人 于旁,用器、役器之屬 襲。 也。 即 以上皆錯綜之文,當細 也。 亦 7拜鄉 實土三。 位 拜 如 不言罋甒 賓出, 窓畢。 踊,襲, 賓; 疏謂棺不見,止見帷荒,故 初。 人 踊者多,相 女賓。 踊 日 實土曰三,則主人 上拾 襲皆 可 鄉 知。 人,則 踊 繼不絶, 即 如 則 玩之。 初。 加 藏苞 位 後 拜 别 加 折 送。 于 見。 若 0 無 拜 郤 筲 加 以 賓 衵 則

禮處。 主人堂下,東 廟出也。 《檀弓》: 乃反哭,自窆所反于廟而哭之也。 入,廟門。 反哭于堂。 面 北上。 升自 反諸其所作 西 統于主· 階 東 一人,與 面。 也。 不先于殯者, 常位 作,行 鄉阼 别 者 禮 處。 親 婦 所 極從 衆 行

右第七章,葬禮,凡二節:一,至壙;

虞。 也 日 不哭于殯,此朝夕哭,指末卒哭之前也。 不應如是之濡滯 衆主人,乃就次。 送。亦出矣。 如啟 宫,自 降,則升堂弔也。 甚,故弔之。 及丈夫拾踊三。 主養也。言主婦人,則其餘皆在堂。 主人拜稽顙。 主婦人于室、僧弓》:「主婦人于室,反諸其所養也。」婦, 人,丈夫踊 也,以虞易奠。」二二虞。 虞,則末虞之前,猶朝夕哭于殯 此乃就次者,豈就次後又出而行虞禮與? 與下卒哭,並詳《士虞禮》。 位,即朝夕哭位。 廟至寢也。 升 衆主人出門,哭止,闔門。 \Box 也。 自 | 丈夫 不言面鄉,則拜于其位也。 主人送于門外,拜 殯已啟矣。 西階,曰「如之何!」痛惜之辭 存以 賓弔者,反而亡焉失之矣。 各就次。 ,則皆踊 備參。 虞,安神之祭名。 拾踊三。 日 也。 按《檀弓》:既葬,反,日 卒哭。三虞後,又有卒哭 也。 殯宫 猶 踊,出即位,阼階上。 升 卒哭而後朝夕哭于次, 朝夕哭,不奠。 兄弟出,主 如如 不奠者《檀弓》: 自 親尚 稽 阼 三,則安之者至 顙; 賓降 階。 然速反而 在 一殯也 主 遂適 Щ, 辟主人。 于是爲 入揖 人 中 是 虞 拜 皆 士 殯 言 而

祭。 之祭,所以卒朝夕殯宫之哭。 祔穆,謂以新主祔于祖而祭之。 明 日以 其 班 袝。 卒哭之明 ○ 記: 祭已復 H 「虞爲喪祭、卒哭爲 于 也。 寢 班 既 者 練 而 昭 遷 袝 于 昭 穆 吉

〇右第八章,反哭諸雜儀

正終也。 易坋。 知。 也。 之齊。 下。 衣。 牖、北 養,則滋培調劑之益,非侍 存内養而已,與凡齊别。 道固然。 疾者齊。 夕者非。 「士特縣」,不言縣者,琴瑟無故 疾病 内外掃 有墉。 居恒寢當户 記:此上下篇總記也,當日 掃 兩齊字,其理最 養疾之方,亦不外于此。 以 士處 經 外 謂之適 致 側皆反。 墉, 除, 内 潔, 適寢, 衣服 牆 皆埽。 南首, 亦 也。 室。 齊之 猶 ○心齊一,則 精 疾則東首 居恒 宜 無 寢 體 疾者一其心 養于亮反。 窗 病 净 餘 會自得。 東 牖,借 潔 處燕寢 意 疾甚也。 也 首 褻 以 但 性 手 一士喪禮 光于户牖。 不 衣垢 徹 去,此 此所謂 受生氣 將 情 文 志不爲功 徹 者皆 室有 死 得 反。 褻 汙, 琴瑟。 記。 其 則 徹則 衣 遺穢 徹 齊、不 正,考 處適 齊, 室中 于 而 故 有 縣 以 北 加 加 寢 神明 去 疾皆 終之 者 亦 過 南 爲 新 新 牖 謂 静 以 口 有 既

儀 句

疑悮 及與? 也。 指御者,滯矣。 臣,並宜自遠,不但 子之手。 者艱于動 猶 \Box 爲養疾及正終而設。 其潔净無垢,非爲美觀也。 女改服。 祭法》士祭門、行,此曰五祀,豈常祭惟 内外 鼻,以驗氣絕否。 或散文通。 男子不絕于婦人之手,婦人不絕于 屬纊以 掃 乃卒。 也 作,每體一人,助 君子重終、懼爲其相褻、子女之外、媵、妾、 侍病宜自潔清 俟 御 乃行 絶 言乃,見其養之慎重也。 者四人皆坐持 主人啼、啼、即泣也。 持體之御者而已。 〇案:此節前人多非之,要非先王 氣。 鄭注 禱 于五 一以賓客爲説,則舍本而 其轉 纊,新 ○案: 玄端、 側 絮。 祀。 以上止 深衣浣濯者皆可 ·非 體。 0 拘 物 盡孝子之心也 輕易 疏因「手」字,專 是潔净 而 二,禱則可 大夫曰 蓋哀甚 執之也。 御、從者。 動 故 卒,此 意 務 則 以 着 但 男 專 男 倖 聲 徧 病 法 之 末 取

上.

簟

設枕。

此浴床也。

即 以

含。

《喪大記》:

含、襲

否

也

設

牀

第

牖

北

墉少

南

南

首

衽

下

莞

發

而氣竭。

若往

而不反也。

兄弟哭。不啼,哀有甚

有

者 也。 服,朝 首北足,按應在 在上,則屈 馬 此牀爲浴及含而設,不足証死者之廢牀也。 據此記設牀、遷戶,爲《大記》廢牀之証。 反。 各 故經言降自後西榮。 右 大記》或謂遷尸浴牀,故牀遂廢,非如注 清沁,是益其病而速之也,且斷 非之,謂垂死之身,方保護之不暇,乃舉 有 在 領,使不出者,形 執要,此與經文別者,經以 「廢牀」之文。 「復者朝服 坐持之。 愚案:《檀弓》,曾子易簣,殁于牀,無廢牀之事。 牀。 疏所謂生氣還,反得活 招而左。 服 者, 是 處人口 也。 若迎之而 」節之下。 北 即 既招, 注云: 遷尸 也。 E 如 牀 南者 半 楔貌 綴足用 0 由左下也。 反,不敢 而 ○案: 將死,置死者于 環,兩末鄉 設牀遷尸,所 奠,始死之奠 謂几足南鄉 如 如 《喪大記》: 軛 無 服 初 升屋 燕几, 按在南 將死 生在 Ŀ 招 褻 下,以制 衣 時 時 兩 而可 北面 説也。 前 地 也。 言 地 謂 末。 説非不近,不 以 也。 委之地。 在 拘 一行死 馬。 此 藉地 庶 徹褻 牀 左執 以 足 以復 復者朝 高 其 軛 信齊楊 西爲 東。 也 氣以 衣」上, 此 以 安 生 事 户 時言 領 朱 氣 兩 制 地 當 御 南 末 服 知 E 喪 生 氣 氏 復 當

650

盛 據。 也。 喪同。 亦坐。 袒 浴 也 北 于室,户西 襚 人主 赴今文作「計 毼 腢 方,姑、姊妹、子姓 長子則曰「 面致之。 豆 之。 者委衣于牀 襢 則四 ○疏: 尸 腢 注:「爲其 矣。 通 婦 若士之喪, F, 在室,有 擇之乃盛。 惟此四人坐,則 人舉衾于上。 坐。 若 肩。 第。 有命夫婦 夏祝 醴 北 君之臣某之某死」。 裸裎蔽之。」敖氏曰: 恤其哀。 用 袒簀,去席, 日「君之臣 皆坐 若 則彼記謂「主人父、兄、子姓皆坐于 面 不 吉器 淅西列 君 酒, 致 御 于西 則兄弟皆立,無則 坐。 命, 如 命。 餘不坐矣。 者 ,未忍遽 兄弟 惟 幕,二人乃浴 反。 方」,與此不同 四 衆主人不 所 录 以神事之,不敢坐。 户 水便 有。 人抗 某 有 米,差七何 内之西也。尸 變 死。 也。 也。 命 此與《大記》大夫之 無 衾 四 夫 于下 巾 歛 皆坐。 人抗 出 其 而 當別爲 命 室 奠 赴 柶 母 也。 浴 衾而二人 反 婦 中 則 母、 之喪, 南 不二主。 不 用 首, 其 在 唯 略 檀古 抗 擇 見所 妻、 素 也 主 也 故 襚 焉 東 舉 禮 俎

若角 壤。 「象齒堅。」蓋齒堅 緆。 ○ 辟, 順; 幕 纊,不言塞,嫌 故明之。 柱 入室時。 如 今之褌襂。」其制未詳。 之不冠。 則 而 0 布蓋 也。 **禅與**。 或云: 又有裳,蔽下體深 内 反。 積 他 廣尺,輪 垼用塊。 御 疏。 夏祝 計反、又羊 也。 記日 ○足跗 設明 要之,與明衣相似也。 者 瑱 佗殿 反。 實貝 袂屬 死者須飲,要不妨寬與下等也。 浴 徹 :浴髻, 如 衣,婦 鬠 柱 也, 餘 二尺,輪,從也。 在 生 塊, 堛, 土塊也。 豉 幅,不削幅。 口如 長則 右 人 也。 飯 内 反。 則 縣 齻 **案**: 御, 塞 人 沐 柱,記特取象言之,非必 蔽足。 于耳 0 有 耳。 經第言夏祝鬻餘 女御 、 則設· 丁千反。 耐 襂,垂貌。 縓,紅也。 前 不 旁, 卒 浴 也。 塞, 縓綼 後 長 中 也。 故 明衣裳 洗貝反 裳 下 充 帶 深 左齻。 浴 明 或明衣連裳,裳下 耳 鬠, 膝。 飾 毗 不 無 三尺; 之。 也。 裳,在 皮反,又音卑。 辟,必 注:「中帶,若 猶 笄 飯不 用幕 男 長及觳。 長下于膝 于笄,執 掘 經言瑱 案注 子之沐。 幅 猶男子 建之如 南 坎 亦 言 \Box 云: 布 反 綼 其 南 用

夜。 既 坎。 上 左手 領若 坫 棜 升 約與絞連文,故統于 約 蓋 築,故明之。 在 在 華 飾 以 布 執 下 襲, 鉤 南 實點 無決 尺 賤役者。 袂。 \Box 也 厥 築,實 中 南 四寸,深尺五 緆 死 指 齊于 明 盛 Ŀ 《少牢 設棜 設 日 以 皆 東方之饌 醴 滅 土: 反 東 飯 隸 握 握 緣 涅 其 燎 與 坫 含 繫 也 於庶反。 練掔 飵 淤 人 中,堅之,穿坎之名,一 塞 陳 裹 而 用 寸 涅 在 也。 即 凡 也。 饌 襲。 端 衣 緇 布 者, 親 乃 斯 也。 東, 繞 如 于 純 禁 古不共 膚 南順 結 倫 結于後節 木糧 宵爲 掔 于東 小歛 甒東。 其 倫 反。 此 如 還 繫 諸 Ŀ 棜以 北北 比 堂 朝 從 有闌答, 此 燎 厠 鉤 允 厠。 : 也, 皆經 上 上而 掌中。 F 服。 反。 南 陳 于 死 中 兩 自 比 饌。 校 者不 順 隸 中 貫 指 所 畫 無万 南 于 人,徒 日 有三 衣之緣 下 朝 未 庭。 青雲氣, 菠苕 禮 坅。 甸 醴 甪 實 又 詳 結 也 服 圖 以 人 角 故言 故塞之。 隸 長 于 酒 經不言 則 既 《特 築 之屬 觶 齊 七尺 凡 也 襲之 端 + 堅 牲 凡。 坅 酒 絞 兀 于 Ŧi. 鄉 謂

布,言 之面 _; 則大歛奠也。 柶 位 也 也。 \equiv 至 踊 序 以 暫 反,又芳益反。 具設,皆巾之。 木 西南 神所憑依,不遽去也。 徹,以辟飲 而 也。 有候及數,記 柶 蓋皆作經者約舉之文,非强 盡 且. 己。 既 象革帶者 醴 此 人皆踊者,以著其 枋,及錯建之。 及殯 經 者,經 馮 酒 則 所載之外 此 各 每 尸 出 于 蓋 不 醴用 室矣。 西 不 籩 出室, 兼 乃言無節 也 奠不出 階 言 用 小 兩 亦 觶 帶 斂于 苴 , 其 則賓之矣 奠 觶 豆 如 也 暫設于 無 言, 踊 候, 俟 在 柶 之。 衆主 者 將設 户 必 踊 室。 大歛于 覆則 甒 以 内 其 時 有 經 節 室 新奠,去之。 奠 畢。 中 每 不 其如 亦 北 蓋 而 人 西 始 此 大夫升 未建。 酒 止 有 在 徧 其哀未 北 死, 酌 布帶 于此 連 是必 阼 主 體 甒 始 隅, 襲 踊 北 人情 奠後 以 徹 者, 不 徹 奠 小 踊 則 未忍 可 彼 並 自 袒 矣猶 JŁ. 在 凡 歛 每 齊 是 如 舉 節 也 者 注 P 西 奠 髺 衰 所 其 柶 籩 遽 是 也 辟 東 謂 在 兩 階 以 則 謂 必 哀 離 髮 素 婢 覆 豆 是 觶 $\overline{\nabla}$ 設 將 主 下 無 約 痛 Ŀ 者 籩 階 實 勺 絞 加 用 節 以 歛 亦 切

言。

堊

枕

外納。 米,不 奠乃巾,是巾之而 者,冠從武下,鄉外縫之,若厭于武也。 大猶以爲飾,不失孺子之心也。 自阼階,由主人之北 角也。 翦髮爲鬌,男角女羈,否則男左女右。」注 塊,不 ,大夫逆降 垂。 哀甚不他 士活反。 面 功、 車 食菜 縪 斬衰 杖下本, 「午達 東 緦, 説 拜 纓 上。 要 初 果。 經帶,哭,畫 君 髦。 日 及。 條 即 絰 覊」,三角 及 室事畢 復位 也, 屬 絞之。 近 筮宅之屬 竹桐 既 音毛。 歠 尸 厭 小歛 練 爲 粥 也。 乃 東。 冠 上 散 也。 西 ○《内 食。 六升, 1階下位。 朝 涉反。 帶 並 也。 執 此 夜 喪無飾,故説之。 嫌由 垂矣。 左右, 須 謂 燭 主 無 則 出 君 溢 其 者 居倚 〇 厭 人 ×: 也。 時 以 則 視 衰三升。 成 南。 米, ", 非 滅 1 下 「三月之末 乘 歛 服 伏 一夾囟 並 雜記 奠,大欽既 角 時 廬, 惡古文作 燭 既 夕 喪 則 也。 詳 而 出 殯 絞 린 *****: 日 事 寢 既 喪 外 其 角 主, 主 服 溢 不 苫 擇 降 馮 屨 日 端 縪 垂 長 也。 之,則右手執 矣。 副 氏 ○齊,翦也。 也,亦 也。 車 不 無飾 幦 衰 執 不言齊衰諸服 服則兵服也。 乃管反。 一館用 心喪車 馳 也。 主婦 綏 其 , 故 也 攝 金 以 以 出

傳。

外

者。

小

絞

兩 日

説

東

北

帚,童子,子弟少者。 示未用 取少聲。 狄反。 皆無等。」此 他皆 登車 御 蒲 緣 此用木,少有聲 此 拜 者, 也。 不翦毛以爲飾。 蔽 末 爲 以 犬皮, 0 之車,其貳車與。 女賓之弔者 如 此言 未入室。 郤 策 馬 蒲 一幦以覆答,狗 乘 之,蓋 服,兵 王 不 菆 繩 取其堅。 犬服 車。 喪之木 齊于 車 則 服。 用 不言箕 音 也。 郤 而 兩 吉 主人所乘惡車。 兩手 鄒。 淺反。 邊 릲 此言 喪 車 事 取其 之,左手 主婦之車 木 爲 也 貮 疏 用 有兵器 也。 者, 0 風 绾, 約綏 白 絲 臑 以 車 布 蒲 雨 髦。 矣 以 白 郤 喪 則 裧。 菆 藩 É 聚 建 而左奉,示未 土 約 蔽者。 宜 奉之,執柄 上 狗 牡 一堊之。 于 突,不 今文作「毛 木 于車 一大服 亦如之,敖 白 尺占反。 朔 蒲 攝 轡, 鑣 也。 也。 月 莖。 上 以 服 ; 不 童 一答間 白 0 約, 蒲 用 用 平. 馬 喪 貢 臑 狗 子 奉 白 0 Ħ 則 箕 用 衛 繩 車

去席 之者。 筮 也。 其 忍 也。 故從之。 服 末 謂之愛,愛近户,不可 也 徹 也。 朔 不饋 羞、湯沐之饌, 地 宅冢 也 内 謂 者 月 日 也 0 如 據下 及徹 若 而 鬣 用以 廢 饋 注 從執 布 他 其 入不隨者,燭先也。 人物 同 等 云: 卒奠,徹 薦 不饋 席 奠 日 事 沐 末如 謂 新 燭 乃舉 浴。 如 親 「左手郤之。」 童子 子下 土 進 之禮 初。 者 如 《内則 鬣 食 燕養, 則 席 生 畢。 不 室, 而 也。 以 物 也。 用 掃 不 舉 專 時 東。 聚 也。 蓋 以 相 平. 而 禮 計 饋 掃 羞 塵 不 \exists 小寢 掃 則 掃 事 也 時 日 言 者 掃 于 羞 東者,復其位 童子分當隨 或户扇之内與。 燕 三. 也 供 掃 浴 手 也。 内之者,恐 執第,右 室 豆 居供 1 下 之, 畢,復布之, 也,不 可 籩, 棄 具 比 日 室。 不 不 知。 沐 養之具。 諸 及 奠 告,告從于 以 于 當謂之奉。 四 突,室 行 舉 Ŧī. 以 正 親 有 執 時 案: 日 室, 其 燕養 死 燭 餘 則 席, 柄 珍 是 具 殷 饋, 遂 出 徹奠,不 塵 也 非 此 浴 異 當 東 比, 奠 廢 最 不明 盛 之 與 觸 有 南 也 也 後 主 饋 從 不 垂 等 及 奠 下 人 去 隅

禰, 升 其二 東。 子哭矣。 咋 遷 人 于 婦 南 者升堂,人,入門。 東 下 自 面 祖從柩之燭不升 要節 設 西 面 東 西 禰 故 饌于 西 啟之昕 主 衆 面 面 階 廟 廟 于 階 一婦哭, 從主人初 主 是説 北 而 此 柩 東, 重 則 照 踊。 人 上。 正 西上 IF. 未 止 階 饌 外外 東 柩 如 婦 審 間 于門 經不言 于 徹 升 小 即 于 何 在 近 内不 人皆哭; 及奠 止于階下者。 時 此 階間 後 歛 禰 指。 西。 位 兩 位 遷 外之西 人 奠 廟 皆 楹 哭。 西 近 祖 也 經不 床 夷 者 以 階。 時 間 饌 饌 堂, 牀 升 柩 正 特 西 主 言 經 于 降 豚 前 遷 柩 亦 主人 階 主 東 第言 奠止 婦 升 祖 輁 爲 後 以 之 祖 以 人。 面 下。 廟 升堂, 東 踊 降 燭 奠 軸 照 由 婦 升, 節 也 也 北 Œ 自 軸 婦 人不 足 于 饌 乃 柩 柩 饌 西 西 面 西 朝 于 燭 柩 哭 東 人 也 哭 啟 于 面 階 在 祖 楹 先 從 東 階 西 殯 則 經第 必 下 主 宫 之 奠 升 之 升 朝 階 人 西 先 男

朝

服

次

5于乘車

故

載

朝

服

其

飾

亦當

少

殺

也

稾

車

也。 主 人 降 載 車皆漆車 簑 笠。 散 車, 備 兩 服 而 已。 敖 氏 E : + 乘 棧

也。

將

載

祝

及

執

事

舉

奠

户

西

南

車,

則

西 即 階 位 主 IE. 柩 人 拜 踊 賓 如 時 也。 初 徹 降 即 乃 位 奠 以下, , 遷 俱 祖 見于 奠。 經。 升 自 重

言

滅

燭

故

以

升

不

升明之,見二

廟

同

此

節

執 事 舉奠,巾 席 從 而 降 經經 自 「殯遷 祖 時,惟 言重 先

言之者,經第以祖

廟言

此明先朝于禰者亦然也。

祝

及

而

東

上。

言舉不

言

設

則

執之,

俟卒載

降

奠

也,

經

未

進

奠從,無從降之文, 故就 自 禰 遷 祖 言 之, 以 明 其 同 節 也

柩 從,從燭,非從奠也。 序 從 如 初, 適 祖 薦 乘

豹 車 犆 鹿 此 淺幦 亦當以豹 淺, 皮爲緣 鹿夏 毛也。 也。 干 毫玉 -,盾 藻》: 也。 士齊 窄,矢箙 車 鹿 也 皮

用

茶,著,謂

以

茶綏

澤

充于表裏之中

也。

茶,

茅

秀

也

言窄, 則 弓 矢 可 知。 革 靾 靾, 韁 也 以 革 爲 之。 載

襢 通 帛 爲檀 色 赤 孤 卿 建 之。 大夫、士 建 物。 襢

疑 物 字之誤, 或後世之法與。 注則 以 爲攝 也。 載 皮

銜 弁 以 服 貝 · 士 飾 尊服 之。 縣 故 載之乘車。 于 衡。 承上三者言。 纓,轡, 貝 衡 勒 轅端 馬 衡 頭 木。 絡

縣之者 事 未 至 也。 事 至則 施之馬,三 車 同 道 車 載

> 詳 也。 謂 卒束 南 進 前 而 降 而 奠 及 降 席 奠 席 此 遷 于 袓 柩 奠 也。 西 巾 前 奠 前 行 乃 牆 南

以 牆 巾奠明之。 棺 飾 帷 荒 之屬。 抗 木 刊 經 惟 言 剥 而 降 奠當 削 之,成于人工。 前 束 商 祝 飾 茵 棺 著 故

實綏 **冷澤焉。** 綏 廉 薑 澤, 澤 蘭。 一者, 並 爲 著 也

大也。 葦 苞長三尺一 菅筲三,其實 編 、皆 以三尺之葦,一 瀹 餘若 反。 道 編之, 0 瀹 以 則 水 苞

之。 ○案:以水湛之,則易腐, 此 疑 後 世 實 明 器 之法 也

者旁四 祖 還 車 人。 不易位。 披二人,此 鄉外,未 前後二 行也,少 披 故 四 南 人; 而 릲 合左 執 右 披 則

八人也。 凡 贈 幣 無 常 視平 日 所 好 爲 贈 也 若 賵

以 車 馬 則 有常 矣。 凡 糗 不 煎。 經葬 奠 有 糗 糗 平. 時

三七七

出,遂 問》。 載柩之車也。 加 蓋 如 馮 不空歸也。 服 北 其 唯 以 遂人職》:「大喪,帥 也。 上,還 疑。 君命, 膏煎之。 餘 蓋 面 而 別否。 之。 君命,上經「至于邦門,公使宰夫贈玄纁束 立東上。 而 出 疑,故徐行不驅也。 卒室而 丘 至卒 納 止 《問喪》: 此 不 飲乘車、 不煎, 柩 祝饌 不 車 事 視 歸, 敢 留 于 于 上乘車,以先至也。 歛, 不驅。 「送形 道 恐其褻也。 祖 六遂之役而致之」是也。 垣,古鄧反。 階 既 神 車、稟車所載之服,盡 恩 奠于主人之南,當 間 正 也。 有厚薄,且 而 君視歛,若不待奠, 柩,爲下賓出等之節。 往,迎 《問喪》: 車 遂匠,遂人所役之匠 凡,「凡士大夫」以 至道 精 0 或有他 而反。」 堩 柩至 「孝子往如慕,反 左,墓道之東。 道 也,見《曾 故也 服 載之柩 于壙,飲 車 , 精 前 柳 是 氣 輅 車 車, 人。 賓 上 也 則 加 所 子

衛。 矢的 謂志。」是志矢爲恒 矢,五分笴長而羽其一,鏃 候物而射之,蓋可 猴音侯,又音候。 死者皆以韋,備制 之弓潘。 秘,弓檠,弛則縛之弓裹,以備損傷, 飾 緣謂之弓,無緣謂之弭。 「竹柲緄縢。」設依撻他達反。 在 軒 兩 乘,志,猶擬也。 《爾雅》:「金鏃翦羽謂之翭。」此短羽亦翦羽也。 鏃。 也。 頭 謂 及 無鏃 衛 撻, 弣側矢道, 所以撻矢令出者, 依用章, 隈 前。 羽也。 而 故平 릲 朝,墊也。 而已。 以伺射近敵者 也 矢之屬, 矢有羽則平,是以羽防衛之,故名羽 翭 令司 亦 矢一 平. 弓矢》注: 可 緣 有韣。 矢皆前 用 ·時志矢骨鏃,此不 張 骨 謂繫約 習射之矢也。 乘,乘, 而 也。 焉。 也。 羽 重後輕, 弓 恒 短,亦 而漆之; 以 衣也。 但 四 依 矢之屬 骨 竹爲之。 不 矢。 示不 鏃 此 纏紘也,後人謂 可 言 前 軒 以 射 無 短 翭 用 後平 緇布爲之。 緣 故知 《詩 齵 衛 朝 猶 撻 有 則 中,所 者 音 志 用骨 候 *\frac{\times}{\times} 無 凡 以 柲 周 鏃 也 矢 前

也 重 中 ○墊音至。 亦 短 衛。 凡以 宗不用

儀 禮章句 卷第十 Ė

端

巾之。

弓

矢之

新

沽

功。

之宜

新

而

功

則

也。

輅横于轅上,

 \exists

主人之南,

則在

車. 設

東

東

面

西

當

輅

麁

鹽

,示不用也

有

弭

回爾

反。

飾

馬、《爾

雅

弓

有

北

車,

主人當

前

束, 輅又在

東南,所

謂

主

一人之南

仁 和吴廷華章句

餘

子爲其彷徨,故祭而安之。 哭,日中而虞于殯宫,蓋骨肉歸于土,精氣無所不之,孝 此 寢 詳《士冠 筵,而禮節 其始也,故以名之。 ,婦人由室而堂,于彼于此,有虞度之義。 H 離也。 士 禮 虞禮第十四虞,安也。 大備。 未葬,奠而不祭,至 0 或云: 于五. 存之以 禮屬 虞, 《檀弓》所謂既葬 度 M 備 也。 禮,當第七,第十四説非, 是以 説 反哭時,主人由 虞易奠,立尸,有 父母之喪, 祭必求神 而虞,不忍 既 葬,反 廟 几 而 西 當 在

裸 薦 之節,始用鬱鬯以 熟,日 及告殺,故祭皆以饋食始。 饋 | 虞禮: 食。 既 食酳 降神, 日 特豕 尸 , 則 饋 裸。 食, 有 特冢,一 迎牲,告殺,薦 加豆 饋,歸 籩 豕也。 也。 羞 豆 食, 籩。 血腥 穀食。 士大夫不 . 日 朝 祭祀 事。

儀禮卷第十

四

禮》。 亨爲亨 日,葬 北,魚次之,腊又次之。 亞之北上。 餘此腥者何爲? 東者,異于吉,不視殺,喪禮略也。 祭于此, 俎用 豕,故 榮, 也。 北 東 據 南 日 酒 壁, 墉 此在東,凡皆異于吉。 左, 鼎雖有升有不升, 要無不亨于鑊, 若右 即 日 北以堂深。 祭 《特牲禮》,主婦視餼爨于西堂下。 胖,蓋以其升左不升右也。 下,當户 鬼神 側 也。 在 西 東。 所在 廟 面 爨,竈也。 側 門,寢 《特牲》注以側爲 亨于 上醴。 也。 , 户 炊黍 水 〇疏 門。 在 在室東南 亨于爨,用鑊。 廟門外之右 稷 亞,謂次于豕鑊。 ○案《雜記 洗 殯 謂 \exists 設洗于西 宫 西 饎 魚腊次于豕 亦謂之廟者, 了**,** 篚 不言爨,可知 亦 尊在室東北 竊案: 上 牲,是也。 在 一黍,東 右, 東 暢 則爨與 東。 階 吉祭 北 面 西 北 百以 也。 壁, 西 殯 悮。 也 上者,豕 正俎 胖不亨,則 ○注 尊 東西 南 魚 雖 側 見 掬, 不于 啟 亦 于 $\hat{\pm}$ 腊 特 饎 兩 用 杵 堂 以 而 右 爨 室 爨 以 甒 最 門 側 喪

657

不待 梧。」注謂喪祭所用。 醴 中 酒 禁 也 幂 用 絺 此無鬯, 布 ; 絺 則士禮不用 布 絺 亦 布 也。 也。 無 0 ·禁,喪 疏: 絺 中 以

三三九

南

四

0

寸, 菹以 不言罍 葛,布 云 \overline{Z} 右醢,便其西 楹之東, 之,實于 藉 醢 敦之 初 祝者,下記: 葵菹 東栗 兩 柄 用 藉敦不應用 在 兩 在。」 亞之,從獻豆,從主 以 鉶東北, 菹 間 階 及 $\overline{\nabla}$ 麻。 栗北 - 嬴 醢 藉 便 别 洗 下 東陳 () () () 也 堂 于 祭 當 也 者 此 面 下 棗 酌 水 籩棗 序 設之, 並 席, 所 匜 從獻 也 北 也。 也 北 錯 栗東栗,栗 言 謂 之用 醢 上 蒸栗 于 席 醢 于 南 則 $\overline{\nabla}$ 西 右 藉 素 兼 苴 西 南 麻葛 如 字因 菹 同 槃 上, 上 豆言 擇 用 子徐 西 几 罍 而 坫 白 中 人獻祝之豆,亞之, , 菹 雜 南 四 北 葦 上 四 上。 槃之用 茅 也。 一栗。」東西自爲二行,不東陳 反。 **下葦席** 醢 籩 南 則 也。 席 饌 則 黍。 鉶 也。 亞之北 各二也。 流 東 亞之。 黍 存 在 饌 刌 矣,南 此尸 如 藉 參。 前 刌 稷 此 七 西 兩 洗 衍 用 本反。 近門 切 豆 序 $\overline{\nabla}$ 面取 也。 加 北上 上。 菹東。 葦 敦 也 也。 下 勺, 在 菹 在 之, 爲 于 席 斷 特性 者, 西 從主婦 鉶 下 醢 茅 P 也 加 階 素 疏 東。 記 得 階 于 從 長 盥 于尊。 禮 敖氏 左菹 几 間 \overline{z} 也。 之 獻 西 束 Ŧī. 疏 豆 無 獻 云: 兄弟 北上, 便 南 本 弔 弟皆然。 兄 偂 塾之西。 右 羞 南 如 同 無服 也。 上 南 弟 以 朝 服 簞 在 肝 蓋 輕

實

豆

兩

與

者,當弔服 門西。 非正 外兄弟在 服, 賓 夕 如 室 也。 肝 巾 阼 在北,便 臨 接 其他各如 葬服、《既夕》: 俎 執事 階 亦 俎 重 其 神 在 統 北 而 上 位 也。 如 服 燔 互. 于 亦 從 面 謂 盛 其 其先取 葬 疑衰 東。」存象 如 鼎。 相 燔 當 重 ιţ 服 南 臨 賓 北 成服, 歛 進 以 來執 以 炙肉 時 哭 也 上,上豕。 南 素冠 免 羞 免 也。 參。 在 即 位 上。 也。 者 以 燔 對 事 也。 也 將 0 其 位 者, 尚 葬 麻 0 0 啟 俎 注 啟,丈夫髽 賓繼之,北 未變 1 東。) 注 于 經 不言肝,文不 服 右 時 祝 以 如下祝佐食之屬。 在 喪 帶 堂亦 第 也。 免 設 祝 免澡 南 禮 除 内 也 爲所 陳 對 扄 帶 》臨位、丈夫門 也 章 西 順 主人葬 一散帶 又輕 如 皆 幂 親 上。 于 葛 饌 塾 人具。 之。 賓 鼎 即 經 具 H 蓋 南 于 婦 垂 執 于 位 L 據 服 面 弔 南 南 臨 門 主人及兄 小 人 于 事 主 取 俎 弔 服 順 順 外西 此 縮 祝 位 及 門 者 人 外 者 服 在 記 與 亦 在 執 由 者 内 及 之 外 如 緦 注 之 西 主 執 堂 面 \Box 北

即門 爲首 主人服,位 私 几 小 臣、《曾 功、卒哭則 経及帶 外 席, 位。 几 子問》士祭不足,則 當東面北上,此南上者,或因祝而易與? 前 及宗人即位于 免言之, 饌于西序下者。 恐免無首 恐祝未必 経也。 取 皆總 右几,神 門西 于兄弟大功以 布 席 小 東 于室中東 功 席 也。 南 面 上也。 又 下者, 南 注 上。 云: 降 面 〇以上 服 宗人 右 當 出, 治 如 葛

也。 反 即 人。 弟、賓即 主人在室,則宗人升,户 父哭位。 位于堂,如 面 宗人 如者,旁三。 位,凡二節: 宗人告有司 位于西方,反哭,所 西階 祝 入門左, 反 入門哭,婦 前 哭,升 門外 北 具,遂請 外北 位, 面 自 北 西 画。 面。二〇以 當 階 門 詔 人 拜 謂堂下 内 東 不與執 禮 哭。 賓 位 面 Ŀ 故 如 東面 門 衆 亦如 近 事同位,接神,尊 臨,請, 主 内 北上 主 位。 臨。 人。 人 也 右第二 下 請之主 及 主人 . 記 兄 如 載。

北

面。卒, 朼

者

逆退復位。

三上

故

E

逆。

位

縮 之",升,入設于几東席 從 祝 盤 東 一, 升 陳, 束處 取 苴,不 在 西 降, Ė 言 篚, ,几東,几外也 洗 則 觶 不 ; 用 升 篚 將 也。 東縮 奠 降 洗 止

> 哭。 言抽 有畢。 設。 爲左。 食及執 畢 主 主人同面 入室也。 特性禮 用桑,長三尺,刻 婦薦,此不薦 ,因 局及之也。 各從其俎。 有 《特牲禮 鼎入,設于 業 事。 左,其 《喪小記》: 事 賓親舉,此喪 盥 主 注 南也。 舉 則 人 0 調袝 其柄與 喪 者門 倚杖 案《雜 匕,執匕匕之,東面。 虞杖不以入室。 禮亞 西 贊薦 練 内 階 禮異 祥用 末。 人。 獻外 記 盥 前 × E 菹 也。 異 之。 注 不 北 醢 于 以桑,長三尺,或 以 東 執 旋 奠也 長 左人 爲 事 倚 面 醢 喪祭所 祝 在 也 北 于 在 西 從 抽 左。 上。 出 佐 贊 北。 序 在 用 扄 舉 亦 食 乃 左 鼎 私 《特 鼏 及 則 匕 轉 \vdash 北 舉 臣 西 此 而 右 俎 Ŧi. 面 鼎 牲 鼏 亦 面 東 尺 禮 從 也 佐 當 西 亦 北

設 户 **贊**設二敦于 今文無之。 在門外。 西。 一鉶 今文無「于 于 俎人,設 ○豕東。 豆 南。 俎 户 南, 于豆東,菹 菜羹 腊 西 -豕 特。 也 南黍, 0 在 饌 豕 己 菹 魚 魚 東 也 南 南 魚 稷。 俎 外 贊 佐 之北 也。 者 食 黍 徹 出 其 亦 魚 醢東 · · 鼎 亞 東 之, 也 于 反

陳設 位 觶 佐 于門外。 所不之,始 于 食 由 鉶 許 南 南,二裸奠而不 諾 祝 面 啟 疑于其位,以奠,以 酌 命 佐 醴 會 食之位, 郤 北 面 于 飲 復 敦 依 命 位 南 神 響以 佐 于 也。 , 復 主 食 祭, 一人之左 此無裸 啟 位 皆 會。 所 户 以奠之。 也。 而 西。 奠者 尊 南 0 祝 南 以 以 面 復 奠 上 神

而

于尸 象之。 祝 符。 當室之白 終。 殤。 明 祝 祭于 謂 萬氏曰: 而 下同。 其説 之環衣, 《曾子問 響之,以申主人致祭之意,庶幾 且厭之爲言飫 祭 ○案: 主 苴 此 人 是 如 謂 祭殤無 也 談甚 再 蓋捲衣以 爲 雖 注 初 在西 者,安神不 神 拜 以此 特 明 祭食 存之以 也。 尸 稽 如 北 非 爲陰厭 H 謂 露臂 隅, 首。 也 指 祭 厭,陰 祭祖 베 方始而奠祝 明 亦 祭 也 拜 ൬ 厞 南 注 ,篇末改饌西 于苴,三」。 厭以 食具。 用 禰尸 足 説之誤 面。 取 也 席,且闔户,于陽厭之義不 黍稷祭于苴 未入之始,與尸 祭子之殤 鬼神 佐 祝饗, 取 安能遽 食許諾 來饗, 膚祭,下 命佐 北 祝 隅 取 飽? 既 陽 爲陽 然後 食 奠依 奠 厭 **鉤** 祭。 記 Ξ, 立户 又陽 既 以 厭 觶 神 出 祭 衵 祭 膚 别 命 之 以 厭 凡 四 遂

> 也。 之饗」是 首。 祝釋孝子 亦 上饗 神 益之。 如之; 拜 ○注 既 如 神。 祭又拜 也。 以 饗辭也。 反,謂 初 不 〇右第三章, 下 前 亦再 記 盡 也 云 自 顯 響 祭醴 此饗辭,下記 尊 拜 相 祝 所 此 稽 云 祝之又反,下 首 還 굸 有 祭前之禮,凡二節: 云 奠 未盡 饗之,拜 祝者,饗以 爲 于 此 所謂 鉶 響 南 辭 益 凡三。 也。 「哀子 並 反奠之。 行 悮。 同。 其 È 哭 禮 某,圭 説 卒,祝 人 出 詳 祝 下 陳設; 再 則 爲 更 記 復 釋 ൬ 酌 拜 祝 其 于尊 位 哀 主 稽 辭 薦

面。 牢禮 人門右,只 P 上者,故 略 先宿之,此則至而 之意,下注 于死者孫行也,主人不迎尸,亦全乎君全乎子之義 爾。 ×: 一人衰 祝 尸,主也,孝子之祭,不見親之形狀, 衰經而不免, 祝 迎 入門 此猶吉祭之所 出 尸。 經奉 迎尸 左 迎之也。 《檀弓》: 于廟門之外,主人降,立于 注 能 以 篚 云: 哭 實牲醴,祭畢奉以出, 俎 從尸 此初 「既則 是 既 柜 封 立尸 後尸。」丈夫 主人贈 尸 , 宜 人,主人兄弟 筮 門 而 故 于 祝宿 少少 立 1 亦吉 阼 踊 尸 日 牢 虞尸。」 階 以 之後 禮 大 婦 主之。 東 功 祝 西 少 文 先 俎 以 則

饗

以

人

象父而

[答拜,則仍别于父,其升自西階

憪

不

于

阼

義可

知

矣。

特性禮

尸

即

席

坐,乃拜,妥尸。

此未坐先拜妥者,喪

祭

拜

也。

P

不答拜者、答、人

事;

祝

神

事

也

P

嘗

醴

奠

階 者 踊 巾 以 《少牢禮 踊之序 匜 延尸。 **心水沃尸** 也,宗人詔 而 延,進 宗人坐奠簞,取巾振之三,以授尸。 盥 也。 也。 之。 尸 北 祝 淳 面 在尸 ,其儀下記詳之。 尸 後,至是進而延之,謂 盤,淳, 沃 也。 宗 謂 尸 人 沃 及 授 升 盤

祝

岸 之。 户 厭 者、蓋尸人及升街哀者 詔 初。 于尸 踊 %少牢禮》: 可 尸升,《少牢 韶止之,尊 自始死至此,無宗人詔 知。 而 不 ○案: 踊 如 祝先入,主人從。 者人 哀至而 入户哭止之例 禮 》: 宜静 有 必 戸 踊,何待于韶? 也。 踊 踊 升 之勢,但 事 此 自 也 云哭 踊 西 耐 『階。」宗 故 日 如 踊 止 詔 如 則舉 初, 尸人門及升乃詔 初 以 則 遂之。 亦詔 則尸人門, 上 止失常,恐 人 哭 詔 也。 且 尸 踊 踊 也。 哭 人 如 其 亦

拜 而 哭踊,喪禮之常也。 婦 른 遂 人入于房。 坐。 主人及祝拜妥尸,妥,安坐也。 少牢尸不言,尸答拜遂 婦 此將祭,有事于房,故入,不但辟執事者 人祭則 在 房,喪則 坐,案父子 在堂 上。 拜以安之。 無答拜 在 堂,尸 節 P 尸 人

别 也。 〇以 Ŀ 迎

義。 間,此攜祭也,亦命之。 席,便其實也。 篚。 左 從 尸 執之,右手將取菹 者 取奠,將祭醴 錯 不于右者, 篚 于尸左 祝 也、先取奠、 右有几。 命 席上、從、奉 取 佐 菹 食 立于 擩 亦天子、諸 墮 于 許恚反,讀 醢 其 篚 祭 北 侯 設 先 于 如 裸 席 篚 豆 之 隋 北 于

近

之皆命 《特牲》第言命擩祭,此 鄉下祭之、故謂之墮。 都之墮。 也。 文有詳 祭。 命佐 略耳,注 0 特言 食使 案: 則 命墮 相之墮。 尸 擩 有 皆 祭、《少 擩 作 墮 祭 墮,下 也。 牢 墮 》皆不言 也。 佐食 皆 手 祝 取 舉 命,要 詔 之, 之。 黍

也。 禮 》: 云,悮。 祭,尊之。 記 稷 「哀子某哀顯相 肺 尸祭之。 公祭, 祭授尸,凡遠 主 祝 膳宰贊授 人 祝 拜 祭,黍 如 之辭也。 此 肺; 初。 亦 于 稷 響 P 肺。 肺 者 食 如 〇疏 祭 也。 此 皆 上 祭 墮 祝 以 取 經 肺 祭 祝 辭 耐 不 也。 也。 爲 授之,尊 亦 言 下肺 哀子 再 饗言 祭奠,先 拜 脊, 之也 稽 某 祝 首 圭 則 則 爲 爲 釋 執 舉 둜 祝 燕 下 後 肺

反,下 稷,此 之。 泰 錯 者。 注云: 也 左 空 則 尸 鉶 言 以 尸受,振 將 爲 南 振 羹 祭 于 醢 以 有解 先啗 食者 尸 豆之北 祝 啐 ·並同 則 第言黍、黍 湆 席 鉶 「不食者, 擩則 飯 待 飯 不 命 不 之,所 涪 自 上。 醢不可 嘗 必入 故 此 祭 播 食 佐 門 設 0 播 也 鉶 故 先 餘 胾 食 湆 其 設 以 口 也。 過多,必 下 飯 餘 于 加 四 于 濔 道 肺 于 設 嘗 疑 右 食通 豆 鉶 尸 後脊 飵 豆 敦 始 祭 則 禮 脱 嚌 手 南 側 故 之, 設 于 辨 飯 也 之, 氣 振去之,乃 也。 稷 味 别設之, 則 成 如 古飯 于 鉶 所 謂 也。 將 矣。 此 又 也 字。 少 肺,食 謂 舉 不 左 南 在 食者,既 牢 黍 而 九 邇 左手 言擩,文省。 觶 佐 佐 庶 敖 不 禮 近 飯 也 祭 之主。 上 胾 南 以 氏 尸 羞 口 户 户 食 食 而嚌 鉶 執之。 切 也 云: 箸 也。 擩 惟 知 舉 舉 特 扱 祝 用 必 肉 則 之也。 脊, 肺 注 牲 奠鱓于 以 幹 胾 振,乃祭。」蓋 佐 喪 用 案:「太祝 云: 庶 禮 柶 脊 正 右 飯 手 禮 食 羞 喪 祭 並 授尸 體 觶 也。 也 異 手 上 特 符 禮 舉 羊 鉶 之貴 菹 將 北 也。 邇 牲 南 鉶 影略 黍 留 晚 豆 黍 祭 不

> 飯。 或實 畢 脅、胳 注: 貴 于 間 設 枚 腊 初。 或 盛 不授 者後 作 也。 也。 偂 食之,以安食氣也。 篚。 飯 右第四章,正祭,凡二節: 時 有 「幹,長 上佐 亦 骼 • 禮 奠于 肩 爲 也。 而 節 佐食受肺 嚌 -0 不言獸幹,喪 也。 四 改 遂實之,略 食 \equiv 之, 豆 者, 饌 脅也。」敖 舉 〇 又 三 舉 成 西 實于 尸 受, 黍 此乃 惟臂、 魚 也 北 錯 隅遺之也,不言牲體者 腊 脊 篚。 飯 于 舉 也。 舉 氏 臑、肫三者在 俎 禮略 席 而 振祭,亦擂 不言授尸, 云: 禮 Ť, 肩 肺 , 俎 授 腊 佐 脊 祭 再 也。 之。 即 食 此 뾆 至 釋三个。 成 乃反之故 迎尸 胳 舉 是始受,則 如 也。 正 實于 又三 也 俎也 可 脅。」 初。 魚 而 胳,下 知 説 腊 飯 振 篚 胳 詳 始于 九 位 牲 釋 之。 尸 每 脅 九 特 飯 實 脛 舉 七體 骨 飯 卒 遺 反 脅 牲 0 干 骨。 嚌 皆執 胳 飯 也 體 以 食 黍 ,終于 e, 之, 連 篚 • 音 上户 祭 舉, 如 之也 舉脊 个,猶 肉 肩 如 實 初 又 魚 見 九 飯

酒 酳以淺反,又土刃反。 主人洗 廢 爵 爵 無 尸 足 0 者 此 服 獻 重 也 不 日 敢 酳 用 者、示 成 也 饋 食不 酌

拜 位。 曰:「送爵,皇尸卒爵。」蓋相拜之辭,亦謂之相 肝右鹽,自執者言也 從、從爵 吉祭酳尸,主人答拜 主飲,以 先拜尊尸。 嚌之,加于俎。 尸卒爵,祝受,不 安 賓長以 へ食氣 實于 尸答拜。 而 믄 肝 俎,縮,從也,進 西 從,肝,炙肝也。 尸左執 面 尸 **豕**俎。 拜, 此言 以上主人酳尸。 相 受爵 賓降,反俎于 北 爵。 爵,右取 面, 柢 喪 相爵者,《特 主 《詩》:「或燔或炙。」 禮 鄉西。 人 異 爾。 北 爵 也 西 擩 右 面 尸 牲 鹽。 塾 答 鹽 祭酒 主 禮 拜。 泌 人 復 振 左

醋 醋 坐 祭,西面。 同 祝 酢。 酌 授尸,此 主人,主人拜 卒爵拜,尸 亦 廢 爵。 答拜。 一,受爵 祝不言洗,文略。 户 , 以上尸酢 答拜 尸 主 人。 主 以

筵

祝

南

面。

祝相尸,尊,故設席

以獻之。

南

面

則

祝 主 獻 北 墉下 祝 人答 左 執 也 拜。 爵 祝 祝席 拜, 祭薦 俱 未聞 當 坐 北 一受爵。 據尸 奠 面 爵 拜,如 席 用 興 此受授皆坐, 佐 葦 取 食。 則 肺 祝 薦 亦 ,坐祭,嚌之; 菹 如 之矣。 則 醢 尸 。 設 亦 主 坐 俎 也。 人

> 興,加 **篚**,西 食 食北 者 食,坐授爵,文略 俎,卒爵 祝 故並得 祭酒 取 肝 |階西 面 于 拜, · 卒 獻 拜。 擩 俎 南 而 鹽 · 不 坐受爵。 爵拜。 禮 升堂復位。 也。 主人答拜。 ,今文無 授 殺于祝,據下 **肺**,别 主人酌 主人答拜,受爵 位如 「擩鹽 于 户。 特性。 高、 言 堂上位。 祝坐授主人。將獻佐 出 祭酒 振祭, 嚌之, 則 佐 主人答拜。 食。 亦 嘗之。 〇以上 室中 佐 ·; 出 獻矣。 主人 食 肝 亦 實 加 獻 從 相 于 佐 干 佐

送。 洗于 則房中有洗,上經略 爵言之,蓋素爵 會之南 篡,不使宗婦者,《喪 篚 在 東。 房中,出 自 主婦 上棗 反 酌,亞 兩 洗足爵于房中,爵 酌 聚美于栗也 籩 則則酌 也。 棗 獻 主 也。 禮 (栗,反, 尸 室中之尊也 婦 路。 ,房中未聞 得 昏 用足 禮 尸 往復也 設 ×: 祭籩、祭酒 于 爵 婦 者,哀輕 有 固 會 如 洗 酒 有 謂 南 主 尊 在. 足, 獻 北 畢,自 人 據《少牢 于 日 棗 堂 足爵 主 儀 如 在 直 反 者 室 西 初 堂 拜 東 據 受及 Ŀ 主 對 隅 此 謂 取 廢

及佐食。

二四六

如 主人獻。 初。 婦拜,尸答。 賓以 燔 從, 〇以上主婦亞 如 初。 如 献尸 肝。 尸 祭燔, 卒 爵

賓 主人獻祝及佐食; 五章,卒食三獻,凡六節: 于主人也。 主婦無飾 以 長 虚 燔從,如初儀。 洗 爵 酌 也 繶 獻 人 不以上嗣,上嗣須舉奠,此雖不舉奠而禮 祝,籩 爵,口足間有篆者,所謂 于 三獻,三、承亞言。 房。 四,主婦亞獻; 潘從, 亦受爵也。 主人儀。 一,主人酳尸,二,尸 獻 佐 五,主 〇以 ○以上賓長三 食皆 獻 飾 上主婦 婦獻祝及佐食; 不用兄弟,兄 也。 如 初。 獻祝及 賓始有 酢主人; 獻。 主人 不可 飾 佐 弟 右 六 儀 食 则 第 越 統 自

也。 也。 將告主人,主人在堂 成,畢也。 主人哭,祭畢 婦 人復位。 言養 禮畢 神 阼 Ŀ 階 將 也。 位 去也。 上 也。 位 告 主人 尸 西 皆 將 而 面 哭。 出 不告尸,嫌促 也。 告 丈夫婦 利 祝出 成。 户,出 人從 利, 其 出 養 主

成禮當退,不待告也 祝入,尸將起 也。 從 者 尸 奉篚 謖。 哭 哭 所 六 如 反。 初。 謖 初, 起 謂 也 初

凡四節:

,祝告利成,二,尸出,三,改饌,

四

禮畢。

人,〇以上告利成

人哭從尸奉館,猶 初; 出户至門, 降堂 踊不絶也。 踊 如 歸 初 俎 也。 ; 〇以上尸 出 祝前 門 亦如之。 出 道之。 尸 出 户**,** 如 踊 如

户。 設于 席 禮徹飲奠于序西南之義,蓋祖 其所也。 几 中,故改饌 歆于此也。 入于房。 東面以北爲下,象神降 在南,如其設,則 以上改饌 西 祝 反,人 厞 北 不 喪禮 薦,謂 出 扶未反, 隅, 室。 神 徹, 屋漏也。 脯 未安,故由 必 又音 醢 八几亦南京 改 鄉 (饌者, 由下, 祝自 師》 非。 矣。 如 禰所饗,不 注 : 室 示 便 用 其 執其 又言之者 而 禮之有終。 其 席 苴,既祭, 堂 設 歆 īſij 也。 也。 俎 序,此 ·忍遽 厞, 出。 此 祝 隱 則 必 如 徹, 無尸,恐 神 也。 薦 束 東 西 贊 已安于 H. 面 耐 席, 北 冀 此 闔 隅 之 去之。 即 其 几 設 牖 徹 喪

稽顙。主人仍就次。○以上禮畢。右第六章,祭後諸雜儀,門外位。宗人告事畢。賓出,主人送,大門外。拜主人降,賓出。主人出門,哭止。皆復位。

實

子

下

鼎

鼎

實

並

減

于

時

牲

略

也

皆

設

扄

左

胖

體

口

牲

上;

膉

脰

肉

也

肺

舉

肺。

升」,于腊見之。

長

後

八爲短,

三爲一也。

無左右,三分之:

前

祭當質明行事 ○注云:「正 此亦當合三爲 一,音粕 膚祭三,取 外櫛。 르 升魚 左胖 浴 髀 肺 爲正 貴 質明。 喪禮 熟乃 初虞 ,股骨也。 肩。 不 不 祭 鱄 陳牲 當 脊。」 脅脅亦三分, ,中爲脡,後爲横。 略 櫛。 體 一,實 升 鮒 升 在 ___ 諸 臂, 也。 解,升 殺 朝 于 九 豚 股 左 骼,同 沐 ○注云: 于 葬 實 廟 臑 腊 也。 于 浴 反哭之後 膉 解 于 廟 門 用 上 鼎 爲 今文無 音 于 不升, 肩 胳 棜 外 益 祭致 解左右肩、 鼎。 中 正脅長脅。 脚 羹 ,古文作 前爲代 亦門右 此 脊 也 鼎。 H 故 近 潔 不言 飪 七體 廟 ,脊 中 用 也 近 竅 日 升 升 賤 前 髀 而 在 髀 股 中 則 櫛 中; 也。 上 腊 離 跗 左 門 北 行 不 爲 合 脅 則 先言苦 時,則 以其 人詔 然。 脊,脅 經已屢言之,此特詳 也 間 柢,則牲 人入室。 画。 柢 鼏 西上,則 猜 東 八爲設 禮,恒近主人。 陳 少牢 面 出 者 之, 及 猶《士喪禮 户 離 此繼敦 執 以 腊 負 執 復 肺 皆 巾 言 依 然

肫

當作

「膊

肩

2,先肩

者,

周

人

西

,主人不視。

及脊,爲七

體

而

业。 扄 也 鼎 者 彼 經 明 小 先 歛 設 後 豚 陳 進 柢; 也 大飲 髀, 載 猶 腊 進 進

事。

首

西

E

寢

右。

近于飾矣,期以

記

虞

沐

再

虞、三虞.

則

仍

用

公食大夫太牢,故詳牛、 人,非謂執與授者各一人也。 主人在室,從尸人。 記説若爲兩人者, 經不言宗人,此特明之。 依之地,故 事者皆宗 類及之。 而 陳 在 經: 東。 其 南 亦以依言之。 干 蓋爲 其 面 人 面 則宗人升,户 羊、豕之芼,此 主人升堂,宗人在西 有 階 位 魚 也。 北 淳 滑 也。 南 間 進 東 P 室中窄隘, \exists 彼 面 髻。 敦 士不應有 南 盤 面 記 執 和 東。 佐 面 鉶 1|1 以 Д. 授 執 者即 食 祝 宗人授 芼 葵 祭 以 經、二敦 則尸 祝 槃 無 用 外 明 俎 荁 依 用 每 授 西 三執 也 豕。 事 苦 北 巾,此 日 事 階 北 面 畢 依 北 若 面 面 巾 乃言薇 每 事 初 夏 者 輒 面 盥 薇 事 皆 亦 在 脰 矣。 出 用 或 南 執 主 宗 宗 宜 階

665

四八

脱屨在無算爵之前,所謂 至門矣。 降此尸降 還,將降階,故還也。 主人不送尸,恐過之相爲禮,故特鄉尸道之,使徑過 在 以將出户 前 不説屨、《少儀》所謂凡祭于室中、堂上無説屨,是 楹之西者, 醢在 有 葵,夏秋生者滑 言不説,正以明其非燕,注則以爲不敢惰也。 西階不言及階者,以主人爲鄉尸之節也 擇。 鄉尸 柶。 , ; 道尸, 先以鄉之爲節也。 也。 及門. 尸人,祝從尸 也。 豆實葵菹 還, 出户,又鄉尸,還,過主人,主人 西也。 如 出 冬用荁, 降必鄉之,防顛 菹 户。 降階,又鄉尸 若正設 「安燕」 以 亦 尸 西 鄉尸。 音 則 也。 坐不 丸。 鸁 醢 還,既鄉尸轉身還 醢 在 躓 祭禮 尸 北 也。 説 此 〇冬春乾者 出 降階 有無算爵 屨。 北據 始設 又鄉 尸 籩 尸 既降 棗 謖 祝 《燕禮 也。 了**,** 上 户 ; 乃 蒸 于 反 滑 也。 祝 祝 此 東 還 而

禮也。 饌,尊 之頃 西; 蓋 祭于 異 參。 人踊 盡去之。 入始于擂祭,終于賓獻,此合始終以概其餘也,無尸,故 及薦饌皆如 不傳重也。 也,此專指女尸言之。 姓,女孫雖親,不 牖 也。 男,男尸。 婦 苴。 初入門位。 户 俎之屬。 不綏同接。❷ 人踊 祝 降,無尸,并無西 主人哭,祝祝卒 佐食所祭。 無尸 升 賓 初。 初, 踊 由 謂 男女拾 孫行。 也 門西 謂 禮 得承祖母之重, 無孫 不使賤者。 祭,無 祝 祝 如 謂 祝 女,女尸; 列可使者,殤亦無尸。 食 祝 衣服、面位、 踊三, 止 -之哭也。 北 以 哭; 間 卒,無尸,故 泰 隅之設 上。 羹 闔户 拾, 聲三,詳《既夕》。 故 湆 庶孫之妾之類 既 升降薦、 更 孫婦 出 用 胾 如 饗, 也。 復 婦 復 尸 無 從 行 位于 迎 位 祝 婦 菹 獻 食 尸 饗 則 必 醢 九 以 異 也。 門 也 禮 使 主 祝 尸 亦 姓

弁服爲上。

○注謂

弁服祭于

君

,此當如

《特牲

》玄端。

存

0 0 人門左,北

面復位,復初入門位,

事

畢也

然

後

、韶降。

韶主人。

尸服卒者之上

服。士以

挼」,原作「綏」,據四 音」,原作「言」,據四 庫本、經解本改 庫本改

也。

○案:此當在

牲,致

潔之牲

也。

[《]曲

合,《曲禮》:

自安。

敢用絜

助祭不名,略也。

夙

夫、士于黍稷,合言普淖而 衆主人皆助主人祭者也。 虞用柔日,甲、丙、戊、庚、壬爲剛,乙、丁、己、辛、癸爲 用柔日,于通幽陰宜也。 文,則如初者,謂上主人人,祝從在 從,啟牖鄉,許亮反。 「哀子某,哀顯相,顯 祝門西北面,佐食西方。 「外事以剛日,内事以柔日。」祭祀,内事也 黍曰薌合。」蓋黍熟則粘聚不散 同潔。 「塞鄉墐户」也。 卒徹,祝佐食降復本脱「復」字。 主人人,親者先,如 「普淖」下, 禮》: 興 夜處不 據此,則葬亦用柔日矣。 〇牖先闔後啟,以 牲剛 已。 喪祭稱 明 「豕曰剛鬣。」香本又作 與「明 也。 宗人詔降如初。 此言香合,記者悮爾。 鬣, 哀,故 · 寧。 左也。 相 如 齊」類 敢,冒昧之辭。 初。 助 與主人並 悲思之至,無 也。 陳。 主人哭,出 出 將見之。 上無啟 主人之外 入由 ,其氣又香 注云: 日 딩 : 户 「薌」。 牖 也。 哀 始 祝 大 時 之 黍 絜 也。 案: 不得 祖 再祭始言虞事之理? 醙,今文或因 ◎無 簡于此爾。 也 以備參。 又遠矣。 清之, 说既不可謂之釀齊, 亦不可混之酒。 漬麴,乃溲釀此酒。 釀此酒也。 薦,菹醢。 一酸。 者, 袝必 ,以與先祖合爲安。」○注説非不似,但此本虞祭,當如 注以此合上明 在 禮》: 薦上。 酒,「溲」,疑 哀薦給 于祖廟 一稷 普淖, 適爾皇 一醴 疏謂 日 訛 也。 明 事, 竊謂 注: 一醴 先 如

設 普,大也。 菹 醢,後 淖,和 設 黍 也。 也。 存 參。

啟户。

祝啟之。

牖,一名鄉,所謂

若然,則普淖爲香合明齊之目 、築。」蓋 與薌 也。 合 明齊,今文作「粢」。 並 陳 也。 溲今文作 蓋指黍言 嘉

「醙」,鄭 」字之訛。 本又訛 蓋醴 酸」爲 有清 渡 有糟 爾。 糟同 0

位。

柔。

《曲禮》:

復位。

堂上位。

《郊特牲》云: 齊爲句。 「明水涚齊。」疏云: 云明齊 新水也 言以清 謂 以 水溲 新 水

乃合此二者爲新水,則牽合矣。 又水之涚齊,止 以

其説,則明

特明

水,齊則

Ŧi.

齊

自香合至此,注皆曲爲彌縫,但記文本悮,並 注 : 「始虞謂之給,主 疏漬麴説,則 一欲給 先 存 祖

下再虞之辭,曰哀薦虞事,安有始祭不言虞,反言給,至 此應在以其班袝之下,蓋袝辭,錯

祖某甫。 某甫, 祖 字。 爾,謂 注云:「告之以 死者。 皇,大也 適 皇

祖

른 響之爾。 所 義 以 敖氏云: 終 安之。」〇案: 再虞皆. 未 順 以 也。 如 袝 始虞而言適 此 初 祭 亦 之辭 如 祔 初, 例之, 祖 之 用柔日 其 辭, 當云尚 義 亦 重 不過 以 饗。 出 下。 于 如 謂 注 此 皆 庶 説 耳。 字, 幾 而

他爲 明 日 日 日 也。 即 不 哀薦 0 袝 及 案:鄭氏合三虞卒哭作句,謂其皆用剛 時 袝 而 祭重于卒哭,當用柔日,故卒哭不得不 成 葬 事。」虞祭成于三,卒哭。 者 其説支離, 故 ĪĒ. 之 亦哭寢之禮 亦 日 如 又以 用 初 剛

剛

日。

他,别

也

謂于柔日之外,别

用

剛

日

也。

蓋

卒

-哭之

日

以

下,皆如初也。

卒哭,他

用

剛

日

調調

惟

卒

·哭用

在西

尸

出

可

知

包三虞言。

曰「哀薦虞事

三虞,句。

0

謂

「柔

尹

之位 西,水尊、玄酒 之右 成 行之祭,以 以也。 加 少 東鄉 獻 南 旦 畢,卒哭之卒食三獻 也。 將 也。 袝 祖 少南者、 廟 于 在 祖 在 酒 東 故 西 以 餞 而 西 北將 之。 餞 上 于 也。 有事 也。 尊 門 西 兩 未徹 與 也。 尊 古禮同 甒 户,如 水 于 乃 尊 廟 餞。 者 其 門 在 惟 即 此。 酒 外 送 次

> 此横于上,加 門之左、若然、 祭,文省爾 酒禮》「五 篚 , 正 在 也,折其正體 西。 脡 二,此 饌 脯 有乾 則 也。 籩 當言 四脡 豆,脯 肉 用二方而已。 門,不 者,彼兼祭之半職 折 俎 塾。 四 必 ,見《士冠禮 脡。 言尊 籩,豆,折 祭半尹 古文作 矣。 也。 水 俎。 ,上言縮 挺」。 在 此 尹 洗 亦 ○≪飲 縮 應有 東, 則

何必 尸 執 出 几 矣? 門 從,素几 右 據下設席後,必衆皆即 南 面 席從。 注謂 俟 葦, 席 設 席 位, 也。 按: 乃 不 即 - 言篚 席 席 從 則 出 尤 即 非 設 俟

設席之謂矣。 席 設 于 尊 西 北 東 面 東 鄉 將 東 適

也。 几 在 南 右几,亦錯篚。 賓 出 復 位 如 初

于尸 位。 也。 主人出 婦人出 即 位于門 即 位于主人之北; 東少南; 視哭位 餞 故 少 南 婦 人 下

亦出 啃 又 鄉尸。 (主婦 須亞獻 尸 即 席 也,其位統于主人。 坐 帷。 主人不 皆西 哭, 出 面 門哭; 哭不

將行 面。 禮, 主 乃不哭。 人 拜 送,北面 洗廢 爵 哭 酌 復 獻 位。 尸 ; 薦 尸 拜 脯 受。 醢 設 東

勺

北枋。

洗

在

尊東

南

與與尊

並

在

門

西。

0

注

謂

在

即

亦

内

奉

踊

明之。 亞獻 之。 重首,服 經,易要經以葛也。 門,哭者 還加于俎。 人及兄弟踊,婦人亦如之。 主婦洗足 在 敝,不能 \Box 拜賓。女賓。 ,送不出大門,以廟在大門内也。 于 篚,哭從之。 如 朐。 尸授,當作「受」。 佐食授嚌。「嚌」,當作「祭」,蓋乾肉之祭 初。 薦 ,如主人 踊 則 有變除者,重 上記 東, 如初。 久服也。 岸 一申一屈 祭酒、卒爵、奠于南方。禮有終。 佐食取 脯 折 既 俎 儀,無從,主人獻亦無從,特 賓出,主人送拜 也。 丈夫説經帶于廟門外。 E 《間傳》: 賓長洗繶爵,三獻,如亞獻 也。 人 祝前,哭者皆從,及 輕之節,亦以齊斬之布疏麤, 脡 俎,實于篚。 徹主人不與。 朐 振祭,嚌,反之,授佐食. 尸左執爵,取脯 則 此 其 男子何爲除乎首也? 屈 俱 者,乾肉 反。 踊 在 稽 如 尸謖,從者 也。 南。 主人不親徹 顙。 初。 二尹 擩 申 人大門 于 尸 主 醢 \Box 除首 數月 男子 如中 半 縮 爵 主 脡, 婦 出 祭 护 而 尸未入所釋 日

也。

胸 屈 俎

禮也。 不能 來日 從食于祖妣。 夕,注則以餞爲卒哭之祭也。 從始死言之,蓋別一記也。三月而葬,遂卒哭。 尸 葛,惟帶不易,至小祥除之。 女子曰:「皇祖妣某氏。」女孫未嫁死,或 名,見親祭也。 而 七字、監本脱、今依《石經》補入。 止,告事畢,此言告,則上餞 が一種の 袝也,此自卒哭之夕言之。 葬,五月而卒哭。 則不餞。 徹 某隮袝爾于爾皇祖某 《雜記》:「士三月而葬。」是月也,卒哭,大夫三月 也。 孫婦某氏于皇祖姑某氏也。 婦 婦 隋,升也,孫入祖廟,故曰升。 猶出 人 日 説 將旦 几席設 首 孫婦 經,不 而 《間傳》云: 祔 薦與 卒 于 如初, 者可 則 辭 死 甫。 説 皇 餞 薦。 知。 曰 祖 其 同 婦婦 :「哀子某, 日 拾踊三。 來日某,又自稱 姑某氏 謂 賓出。 他 言將以明日 而 餞于卒 人重 首 辭 尚 殯,此 經 被出 除 门調 ·哭之 以 麻 哭 士: 無 之 又 Ŀ 皆 易

饗解日 隮 :「哀子某圭爲 一辭也。 圭,潔 也。 而哀 虞及卒哭同。 薦之饗 響辭 明 也。 以

日

之,以 其同 後遷 疑。 也。 相 略 謂 輕 浴 問》,然彼乃使者之權 也。 貌 夫、士無木主, 在 其 厚 也。 據《左傳》孔 三年喪畢。 此 ,此祔辭,不 櫛 班 自 也。 要之,有 時 廟。」《穀 主婦以 其 悝之祏 朱子以爲太速。 主復于 虞 袝。 搔 也。 用 他 至 音爪。 膉 專 袝 其説 如 下 即 卒哭之明 寝、既 出 梁 廟白當 以 膚 俎 傳 悝 饋 筮 脰。 稱 于 傳 爲 翦。 幣主其神。」此許慎、鄭 以 反 甚明,鄭誤解 哀。 時 竊謂膚用 食。 》所 除 此主終 祏説爲大夫士有木主之証。 P 又肥 折 君所 有 禮 喪 但據彼 謂 日 哀 謂祔時也,虞沐 面 《特牲 俎 主。 脯 也 漸 賜。 也。 非 Ę 後遷 入廟 作 取 取 專,蓋孝養之意,其 ,蓋取脰肉之肥 減 $\ddot{\pm}$ 以幣 主 疏 班, 禮 也。 大夫廟祀之大法也 汪 傳説耳。 日 廟。 諸 事 云: 壞 氏 主 也 謂 : 脰 相 畹以 夙 廟 神 作主在十三月 0 繼、故連 昭 膉。 有時 説, 浴 案: 興 孝子 袝 用 康 許 又案疏云: 而 昭 夜 雖 成 嗣 者。 百,于 音益。 説 不 注 説 (處,小 本之《曾 尸。 櫛, 爲 及之, 穆 某 八爲尸 ○案: 也。 無 袝 此 許 練 孝 據 穆 喪 俎 又漸 非 焉 練 氏 壞 徐 専, 沐 也 心 顯 大 注 子 事 無 是 駁 氏 謂 廟 可 而

注 常。 耶? 是也。 普淖 時 懼 之辭。 畏忌 出 年 皆自「中月」二字啟之,諸家但争此 氏説,雖是禮疑從厚,然未爲當。 時物又變,祭亦如之。 某甫,對死者之辭。 十五月,祥 稱祥,不幾于幸其死乎? 薦 之常祭 自漢人,信然。 之實之安在,非是記作之俑哉? 制 中,間也,與 此祥事。」中 又朞 禮者其義甚深, 説經家第以吉祥目 日 普薦 不 親 尚饗 情,其 也。 死已期,時物一 後便禫。 而 薦此 大祥 日 搜當依今文爲 大祥間 吉 身不 朞 是 者 當如王肅 常古文作 月 ,時一變猶 月也 而 對 此從孝子愛日之心,發其遇 以隮 寧。 而 變,孝子因變而祭以安之, 月。 小祥,期之祭名也 喪祭言也。 蓋祥者,變異之兆,所 吉祭 禫。 祔 于是月之説爲順。 「醙 凡二十七月。 用 祥」。 小,再變則 爾 〇案"二十五月之説 禫 尹 猶 兩月之期,而 朱 同 孫 祭 古祭祭 酒 未 子 澹 事 某甫 謂 配。 之,何 脯 大也。 謂 適 儀 朱子云:二 也 其 常 哀 爾 喪 廟 吉 禮 之 未 不 今從鄭 謂 謂 未 對 殺 皇 嘉 祭 日 變之 必 思 禮 之 皇 記 再 烖 畢 也 祖 薦 以 四 多 之 思 祭 祥 祖 而

儀禮章句卷第十四	尚在,不敢純用吉禮也。	卒者言之,蓋死者初祔,其神尚未安。
		生者初除喪,餘哀

某妃配,特牲祝辭所云是也。此未配者,爲父祔而母先

儀禮卷第十五

仁和吴廷華章句

祭,但 蓋山《 則分之所以殊爾。 于此,外此則皆時祭之節也。 之祭,則時祭矣。 經《少牢饋食禮》是也。 士冠禮》。 《曲禮》少牢之士降等而推,理或然也。 據兩筮辭 特 牲 ○經文有與《士虞禮》同者,不復注 饋 並言適其皇祖,又似祔餞及遷廟之辭錯簡 食禮第十五 鄭因經不言歲事及某妃配謂爲禪月之吉 祭於五禮屬吉禮,當第三,十五説非,詳 注以此爲諸侯之士祭祖禰之禮, 其與少牢禮詳略異同之處, 《曲禮》:「士以羊豕。」下 士禮第有 四 時

禮 司 禮,不見于他經。 諏 日于 特牲 主人冠端玄,即 蘭門 饋 也。 食之禮: 據注,則以《少牢禮》「日用丁己」語爲與 及筮 日,「筮于廟門」 位 不諏 于門外 日。 諏, 謀 西 以下, 面 也。 詳《士 子 識日 姓、 有 之

饗!」筮必言饗,蓋饗則其吉可知。 某子。某子,祖字。 北上。席于門中闑 南 筮遠日,如初儀。 者專其責。 長丁丈反。 占,長謂年長。《士冠》言旅者廣其占,此言長 以示主人。主人受視,反之。 席,西面坐。 日 求吉,故變于常禮。」不知士冠 命、《士冠禮》:宰自右贊命。 塾執之,東面受命于主人。 兄弟,子姓,子孫也。 西西 : 「孝孫某筮來日某, 諏此 面北上。 卒告于主人「占曰 卦者在坐,卒筮 有司、羣執事 此錯簡之文,篇首詳之,下同 宗人告事畢。 如 西 主人之服,立于主 閾 此言左,疑悮。 筮日,亦爲神求吉 外。 古古。 宰自主人之左贊 某 如兄弟服,東 筮者許諾,還 ,寫卦。 筮 筮者還,東 事 以上筮日 人取筮 若不吉, 疏云: 適 筮 其 也 人之 一者執 皇祖 「爲神 于 面 則 即 尚 命 西 面

適其皇祖某子,筮某之某爲尸。上某,尸父字,下尸,如求日之儀。命筮曰「孝孫某諏此某事,前期三日之朝,祭前三日質明,中間一日。筮

某,尸 名。 謂 某之子 某。 連 言 其 親, 庶 幾 神 馮 依 之。 尚

饗!」以上筮尸。

尸 禰 皆 面。 也。 故不答拜遂入。主人退。 卒曰:「筮子爲某尸,占曰吉,敢宿。」某,或祖 〇敬故變位也,自 主人服,主人不言 之不敢苟也。 立于主人之後,北面東上。 而已,不稱名及字也。 東 此 尸 P 不 面北 乃 答拜。 北面,則主人亦北面矣,蓋擬其南 敢南 許諾,主人再拜 宿 上。 户。 面當尊,西 主 宗人擯 北 人立于尸外 皆,皆子姓兄弟。 筮尸時,尸亦在子姓之列,乃宿之者,尊 面轉 服,當仍 面 祝許 東 在 稽首。 辭 面 以上宿尸。 主位 爾。 筮 如 諾致 日 而 門 初,初,筮日筮尸之辭。 日辟 子姓、兄弟並往,敬之至 服 르 主人再拜,先拜尊 尸 外。 命。 也。 者,易位,若辟之。 面 入, 主 臨 子姓、 出 以 一人辟 己也。 既許 擯辭 門 左, 則體尊, 同 致命 尸 兄 避。 弟 西 如 于 或 宿賓。 在

賓先 拜, 宿賓。 降于 户。 賓如主人服,出門左, 主 一人東 面 答 再 拜。 西面 宗人 再 擯 拜。

> 拜送。 及宿之禮,凡 敢不敬從!」主人再 未戒,亦云然者,實職 涖之,敢宿 \vdash : 某薦 不言衆賓,可知。 四節: 歲 !」《士冠禮》 事 · 時 在助 一, 筮日; 二, 祭 每 祭,歲以爲常也。 〇以上宿賓。 拜,賓答拜。 》宿賓辭同,但 歲行之,故 . 筮 尸; H 右 被是已戒之實,此 歲 第 主人退,賓 賓 一章,祭前筮 宿 日 吾子將 尸]::「某 四,

西堂。 獸,腊 二尺四寸,深 設,不言俎及尸之盥具,文省。 禁在東序,東序,堂 棜 門外,廟門之東。 豆、籩、鉶 棜。 在 也。 其 厥明夕,筮尸之明夕,祭前 北 西堂,西夾室之前堂。 南南 士腊用兔牲 首 在 東足。 五寸,餘 東房南 順 北 ,棜以實獸,上 同饌 尚右 此鮮 上近序之地 面 上。 北上。 棜。 也。 腊也。 主人及子姓兄弟 注云: 上豆。 實獸 設 也。 有四周 有鼏。 一日之夕也。 洗 牲 西堂近 于 在 于 几、席、 禁,詳《士 作階東南, 其西, 豕生, 不 其上,東首 無足,長四 不言 南。 兩 冠 0 陳 扄 》等 以 即 敦 尺,廣 鼎 可 上陳 禮 位 在 壺 于

門外 門外。 L. 于 當潔,且可濯,注説太曲。 具不言潔,以 籩 從主人也。 賓,衆賓答 濯 面 西 ,即告潔也。 告 東 門 拜。 退于 以 東, 濯 面 宗人升 上所 具。 再拜疑悮。 北 賓。 如 賓及衆賓從,即位于堂下,如外位。 宗人視: 陳皆 上。 有几席。」蓋以几席不在洗内也。 再拜。 初。 不言告潔, 告主人也。 主人 自 濯,舉三者以概 宗人、祝立于賓 初,筮日位。 西 牲, 主人揖入,先人。兄弟從,先賓 《鄉飲酒 再 階,視 告充。 拜,賓 潔或有 賓出,主人出,皆復外 主人作階下西 禮》:主人三拜衆賓,衆賓皆 壺 其餘 賓及衆賓即 不 充,肥 再答拜。 具 濯 也。 也。 一,濯,溉 西北 面。 腯 此也。 0 反 竊謂 具,備 注云:「言 降, 也。 三拜 東 雍 位 几、席亦 也。 及 東 于 面 Œ 位。 作 北 豆 衆 門 南 告 濯

以上 舉 示以尾也。 鼎 殺爲斷 鼏 告潔。 牲須豢養, 惟 取 其 備 鼎 故告充,以見人事之誠, 亦 而 濯 른 以 必 在 以 門外,故别言之。 尾告 者,即 小 兔 以 見 〇以上 諸 大 也 野。

省具。

腊以鑊, 言陳 羹飪 注云: 送。 不言禁及幂 在 視側 東方,本作「房」。 禧」、《周禮》作「鰓」,炊也。 東序, 則舉 丁實鼎. 以上爲期。 殺。 「宗婦爲之。」亨于門外東方,亨, 夙興,主人 請 各 此 期, 乃 鼎 省文。 猶 就爨。 竈、《周 實 日 《士虞禮》「側 陳 而 右第二章,省具,及爲期 設之。 羹飪 于 既實,復陳之門外也。 服 禮 實 南 門 》亨人掌 豆 如 面 外 玄 籩 初, 亨」也。 如 先 爨于西堂下。 酒 告事 鉶 即門 初, 初, 鼎 在 鑊是 陳 謂筮 西 由 畢,賓 外 主 干 鑊以 位 也 婦 日。 房 者 在 尊于户 實于 視 西上 煮 中 西 出 以 立 也。 在 饎 須 如 面 于 西 主 玄 視 也, 東,本 初 北 古 煮 壁。 門 人 殺 酒 此又 文作 豕 上 也 也 外 拜 東

舉

潤

尾

告備

腊

也

±

用

兔,

兔尾

短,

蓋

併

其身舉之而

房。

執

事

之

俎

執事,謂

祝

以

下,

記詳之。

陳

于

階

云:

「豕望視而交睫,腥。」故

作以視其目

,必作之者,豕縛則

豕

雍正

疑内外雍之長。

作,作之起。

《周

禮

庖

人職

寢

也

注

謂

作

之視聲氣

疏

謂

有

疾

則

聲

氣不和

也。

宗

人

章,質 初。 纚 合。 言 實 因諸器而連及之也。 間 羣 也 時已陳,復言之者,以加實及易置 Д. 主婦之俎 亦愿,此不言鼎 F. 耐 内之左也。 巾 加 執 省 ,則西爲右也。 藉,乃 戴笄,其常服 于 祝筵几于室中 立于房中 明 有 事 佐 簟。 具 陳設 以 即 時, 食 司 亦存焉。」 復陳之。 爲 在門内之右。 北 具。 位 面 列 俎 言右者,彼 位之節 于門: ,則升于俎者,惟尸俎之實也。 應 面 則上 東 爾。 在 盛 文 主 注 几 爨所。 面。 尸 者祝 外 于 玄綃衣,猶男子之玄端,則入廟之服 人 云 兩 東 席 盤 如 中 統 自 敦,陳 拜 陳 及佐 面。 與門左, 既 初。 東房。 人 也 庭。 賓 于西 者 實 據下尸 食之俎,如下 水實于槃 如 也。 自西堂設于此。 言 乃 于 初,謂視具,下並同。 立宗人之西。 堂如 初, 主人及賓、兄弟、 似與下一戶 西堂, 則 人 人門左即 主婦 西 而 揖 陳 爲 初。 之。 左 纙 中 藉 獻 注云:「主人 殿 到 之 次 笄 盤 復言陳 盤」之節 用 即 〇右第 此 以上省具 館 宵 自 則 萑 位 列 巾, 衣 廟 此 · 盛 宗 者 也 如 北 不 制 在

> 棘也。 名焉。 葵菹 内。 柄末及兩葉,皆朱。 以畢助之,備失脱且以指揮陳設 喪祭别。 魚腊 食在左,與主人對。 賓盤 遣佐 右,鼎北面,以 魚 牲 腊二 · · · · · · · · · 出 鼎 主婦盤 食及執 主 鼎則 刊末及柄葉博三寸,中 當阼 人 宗人執 鼎 執事在· 主人,魚腊則賓 出舉 及 也 階 東爲右 祝 醢 于 事 鼎 南 據 房中 升,祝 畢 左 在 其材,據下記注以 主人舉牲鼎 盥 此則 也。 面 先 北。 出 除 尚 少 ,内洗,見《士昏禮 入,牲 賓 鼎 右 牢, 鼎。 先入,主人從 長 長不 席前之左, 北。 也。 -鏤去 助 也 則 主 也。 體由鑊升于鼎 止一人矣。 重正俎也。 主人及賓也 迎 ~實舉 鼎 及 委于 畢狀 而 寸, 佐 西 上用 不 鼎 北 柄 食 鼎 如义,以 親 面 醢 長二尺 棘心 舉。 錯, 舉 北 賓長 主 除鼎 南 及執事 西 俎 菹 薦 牲 人降,及 其似 主人 謂 右 皆 面 鼎 兩 四 于外 鼎。 在 宗人 畢 人抽 寸, 西 于 用 豆 右 亦 畢 面 匕 與 舉 在 户 星 佐 用 漆

舉

0 東」、《 儀 禮注疏》作 「南」。 扄

五八

記詳 矣。 肵 以 及 婦 次 鼏 尸,故特升之。 匕 南,又言奠,明其 祝 又以次 西堂者與。 南 鼎 北 以 ,從鼎入,俎錯鼎 面 兩 清腊 音祈。 洗,酌奠,洗 去,徹 郤 降 之。 待事 L 爲右 鉶 兩 而 特 于 事 佐 南。 芼 敦黍稷 也。 敦南, 加 故 〇心舌之俎也。 畢乃復 也 食 于 俎 設 北 就近委之。 匕 俎鼏 席 南者、黍 俎 面 主人升,入復位。 于豆 **鼏之**,設于 去 前 北。 載之,宗 地 于俎 西, 所 未聞 出 鼎。 豆 俎人,設于豆 也 奠鱓,則已 加 鉶 南 立于户,《石經》有「户」字, 在 疑 魚次牲東,腊 各二, 匕東柄,與少牢 南 贊者錯 西 南 加,加于鼎 遂 人指 肵, 如 陳。 西上,房中無敦,其宗婦 命 當 籩 阼 敬 四 使于旁。 牲 佐 祭, 巾 也。 以 階 此鉶 俎, 而 俎 又益 食啟 爲 也。 西。 在 東。 廣 此主人自羞, 加 列, 稷 室中西 當菹 魚北 同。 匕。 之也 佐 在 宗人亦以 左 會。 卒 各 牲 東 豆之南 食 乃朼。 豆 西當 載 俎 在 贊者執 面 當 升 而 每 菹 佐 奠 位 醢。 右 魚 載 東。 肵 畢 且. 也。 所 于 本脱 食 鉶 南 俎 訖 右人 取之 加 載 當 俎 俎 鉶 也。 也。 啟 鉶 主 魚 皆 之 歸 及 爲 下

> 第四章, 奠解饗 西南面 神也 卒祝 主人再拜 ,主人再 稽首。 拜稽 首。 祝在 不言 左, 響,可 爲 主 知 人 釋 爵辛

于

尸。 稷于席 和。 尸 與 主人 即 于階,祝延尸。 者爲禮 亦祝命之,説詳 鉶 面 祭于豆 南之觶 喪祭别。 席,坐,主人拜妥尸 奠鱓答拜,祭鉶嘗之,告旨。 盤。 尸 主 拜 祝迎尸于門外。 也。 左執 人拜,尸 上,便尸 間。 如 也。 宗人授 啐酒,告旨。 主人降,立于阼 初。 解,右 祝 $\hat{\pm}$ 佐 饗, 食也。 市。 答拜。 「虞》。 食 祝 尸 取 取 命 猶 升人。 據《少牢》,授巾即 菹 尸 黍 挼 尸 設大羹箔 0 不拜者,代主人迎之,不敢 未 , 瘦擂同。 同擂 祭之,墮祭。 稷 祝 主人拜。 入時 尸 肺 命 階 祝先, 答拜, 説詳《士虞》。 祭 東。 之饗, 爾 授 于 敦 鉶 尸 于 尸 尸 蓋 執巾 醢 主 執 亦 告旨, 醢, 入門 釋 告旨 人從。 北 佐 者 辭 酒 此 撄 食 授 故 于 · 言 祝 左 染 以 爾 P 拜 墮 所奠 與 其 尸 也 也 北 至 黍 詔 醢

此亦並

舉

骼,下並舉肩,

魚

則

而

린

尸又三

飯

九

飯。

如

初。

此

及下第言獸

不言

何

體

據

£

牲

及

獣

並

舉

幹

則

飯,六飯。

告飽。

祝侑之如

初,舉

骼及

獸

魚

也。

南上,近涪爲上,上膮也,餘

以次而北,四以並。

尸

又

于

左,南

有

醢

四

豆

注

以

爲

膮

炙胾

醢。

左

湆

北

近奠之。

飯畢,

乃

加

于

肵

俎

佐

食

羞

庶羞

四

豆

設

告飽

祝侑

之如

初,

舉

肩

及

獸

魚

如

初。

佐

食

盛

肵

俎

· 取

牲

魚

腊三

鼎

之餘

盛

之

將

歸

P

俎

也

俎

釋

而不食,故奠之。 尸三飯,告飽。 尸受,振 肺, 謂肺 受, 舉 脊。 此執者 振 肺 祭, 嚌之。 祭 也。 主人 祝 侑 嚌 舉 將食之也 冒 勤也。 羞 之,左 肺 肵 脊 佐食 俎 則 主 乃 執 于 脊 三个, 也。 脅、骼 正祭九飯之節 餘十二。 共七體; 反 黍 餘設西 稷于 肩 據記 據 腊 尚 脊 北隅。 注,牲 其 餘 尸 未舉, 臂 所。 俎 腊、 + 臑 舉 餘 飯 俎 肺 亦 肫 體 時 如 釋 脊 Œ 移席上 之,則 魚 脊、 脊、 加 + 長 于肵 有 、脅各 餘 此乃反之。 脅各 Ŧī. 八 此 體 俎,上奠于菹 骨,及臑 也。 牲 骨 俎

及

横

脊

短

已

舉

īE.

脊、

Œ

魚舉

其 三,

尚

魚則

三頭

豆

者

〇右

Ŧī.

觥,罸 主 爵 尸左執角,右取肝 拜 升 菹 皇尸 三豆,禮 送。 酌 人拜,尸 爵,不 ,不言降,于 主人洗角,此 卒爵。」告主人、言所送爵、尸已卒爵 尸祭酒,啐酒,賓長古文無「長」。 畢當加 以 答拜。 獻 于斯 也。 升見之。 據 以上主人酳 《燕禮 記 挳 卒 言 角 于 》所謂 酳 鹽 尸 爵 戸, 祝受尸角,日 ,振祭,嚌之, 角 則 觶 此 P 獻 當 也。 拜 也 用 ,受,主人 或以 爵, 以 以 詔 角 角 肝 加 疑 爲 從。 觥 送 悮 于

主人拜,受爵,尸 祝 酌,授尸,尸 拜 以 送。 醋 古文「 無 俎 者 醋 嫌 作 口 酢 于 尸 也 主 致 爵

<u>一</u> 五

九

腊體數

與牲同,下記

「腊如牲骨」是也。

魚

一, 亦

如之。

如

謂

加

于斯

也。

下

並

同。

尸

實

舉

· 于 菹

食畢,就

受。

加于

肵

俎

;

肵

俎當

歸尸,故

併加之。

舉

獸

幹,

人拜。

佐

食

舉

· 幹 •

腊北

西當涪

一稷也。

食舉。

舉,

亦稱

舉

矣

蓋

正

脊

也。

尸

之;《士虞禮

| | | | |

之北

舉

肺

脊

以

授

尸。

則去豆 異也。 挼祭。 負」注 位; 授祝 尸席前受福曰嘏。 而祭之。 也。 于 主人坐,無席 乃設之,主婦 左袂,受時暫奉之懷, 詩懷之、敖氏云:詩、敬慎之意。 ,祝授尸。尸受以菹 也。 詩 主人左執 于季指; 未設薦蓋 祭酒,啐酒,進 承 執以親 亦然。 也。 禮 嘏,長也,大也。 取 謂 略也。 左小指鉤之,防失墜,且便卒角也。 角,再拜稽首,受,右手受黍。 主人納 主人退,執角反西南位。 П 嘏主 俎之脯 左執 然後實之袖 人。 耐 聽 懷之。 醢 嘏。 豆,奠黍于豆,便于執,授 角,受祭祭之,右手受 授而祭之也。 辭未聞,當與少牢 聽,待也。 古雅反。 右 説 如《内則》所 手實, 相 參乃 佐食摶黍 ○進, 下主 故 佐食授 備 在 禮無大 謂 一婦同。 左袖 謂 卒 實 復 一詩 赴

酌 獻祝, 筵 祝 祝 南 拜 面 受角,主人 主 人自 房 還, 乃 (拜送。 筵 而 獻之。 設 菹 主 醢 人

主人。

嗇,即

黍。

房,東房

也。

祝

以籩受。

重之。

〇以

上户

酢

角

拜。

尸答拜。

主人出,寫嗇于房;

寫,

釋

也。

祝 俎 之,興加于俎,坐祭酒, 俎。祝左執角,祭豆,蓝醢。 左執 ,卒角拜。 角, 右取肝 主人答拜,受角。 挳 于 鹽 啐 振 振 酒,以 興 祭, 取 以上 肺, 肝 嚌 献祝 從。 之, 坐祭, 加 賓 嚌 干

拜送。 卒角拜。 佐食無從,其薦俎,則獻兄弟時,以 升入復位。 酌,獻佐食。 不言豆俎者,上 無從。 以上獻佐食 主人答拜,受角; 佐食北 經執事之俎陳于階 面 齒設之。 拜,受角。 間。 降 佐 下注 反 食 于 坐 云:獻 主人

反 當作「跽」。 宗婦,宗人之主禮者。 啐 南 主人北,北面 酌于室,遂獻之也。 之。 酒 祝 主婦 贊 反于羞燔 兄 主婦受,設于敦南。 弟 洗 拜,别于主人。 爵 長 于房, 者。 以 尸 尸受祭之,祭于 據下 燔從。 拜,受,主婦 羞 酌, 記,兩 燔 宗婦 者 受, 亞 尸 籩 獻 受, 執 棗 尸 棗 兩 北 蒸 加于 振 在黍 豆. 籩 面 栗 間。 酌 户 拜 南 擇。 不言房 肵, 嚌 外 送 祭 栗 出。 之, 坐, 坐。 酒 在 稷 在 則

尸 祝酌尸酢,拜受之節同,惟易爵及不嘏異。 卒爵 卒爵」,所謂 内子。」竊謂此 祝受爵,命 「命送 也。 内外之防,似 送 以爲 如 拜 初。 不得 節 上祝 因 酢 . 辞 ○注云: 而廢。 如 日 主 送 爵 人 〇以上 「不易 ! 儀 皇

席

主

婦亞

獻

惠也。 祭。 撫之,如親祭然。 代主婦祭也 主 如主人儀。以上尸酢主婦 婦 適 房 祭酒,啐酒,入卒爵,入室,明親受 南 主婦左執爵 面。 無席,與主人同。 ,右撫祭,祭在豆間, 佐 食 挼

以上主婦獻祝及佐食 如主人儀。 獻祝 及佐食 ,籩燔從,燔不用 如 初。 獻也。 俎,殺也。 卒以爵入于房。 如 初儀。 亦

舉,蓋三獻禮成,當均神惠,故待之。及主人主婦交相致爵, 二,尸酢主人,三,主人獻祝, 以 發獻酢之端,三獻遂作止爵,然後卒爵以樂神惠之徧也。 上賓三獻。 六,尸酢主婦,七,主婦獻祝,佐食,八,賓三獻,爵止。 賓三獻如初。 右第六章,卒食三獻,凡八節:一,主人酳 燔從如初。 四,主人獻佐食; 爵止。 五,主婦亞 尸奠而未 尸; 0

宗婦贊豆如初,不言箋, 簿,竹豆也。 主婦 飲,卒爵拜,主人答拜。 受爵,酌,醋,以下皆自酢,辟尸 見惡之均也。 肝腝于鹽,坐,振祭,嚌之。 俎,坐,捝手,祭酒,啐酒, 肺, 日取, 則不授也。 爵,祭薦;宗人贊祭。授籩祭。 贊兩豆籩也。 在菹北,栗在西。 婦受,設兩豆兩籩。敖氏云:其豆,菹在北, 席,不言入,可知。 夫婦一體之意。 人受,加于俎。燔亦如之。 于 此文不具。 ·户内。 洗爵,酌,致 俎入設。 興,席末坐,卒 主 左執爵拜; 主人答拜。 曰致,則以主人之酒,致之主人而 案記宗婦北堂北 人西 主人拜,受爵。 爵 画 坐,絕祭,嚌之,興,加 執事設之在豆西。 于主人。 此 主婦 主婦出,反于房。 爵 肝從。 致 也。 上,則不止一宗婦 曰坐,則 一酌而 敬 拜。 亦 之意 《祭統》夫婦酢必易 奠爵;興,取 主 獻 初,謂 也。 備 取時興也。宗 主 婦 左執爵,取 與 再從與尸等 主人左執 坐祭,立 婦 拜 言 受 亞獻。 酢 其籩,棗 答拜, 獻 送 르 異 主 似 也。 于 主 亦 得 非

位。 爵 從 西 主 婦 降,洗, 獻 面 酌 也 以上主人主 答拜。 肝 酢 席 燔 酌 于 自 主婦 皆 房 酢。 致 婦 如 當 中 致 爵 主 爵 卒 北 南 于 面。 人。 爵, 主 面 宗婦 婦 降 如 主 致 ; 入房 爵 薦 婦 實 于 豆 拜 致 爵 主 之 受爵 俎 于 人。 亦 亦 篚, 日 主 兩 致 人 主 豆籩。 者 復 更 人 因 東

爲主 食。 及 爵 主 賓不拜 起 獻 婦 也 祝佐 酢 婦 亦 前 酢 更 舊 爵 于主人,爲主人自 略 爵 食等。 説 獻 言主人以概之也。 止于 也。 ⊟ : 作 燔 此獻之。 酢。 客 止 從,不言肝 入,北 爵 口 面 洗爵 酢 賓 賓。 也。 \Box 酢 則 卒 也。 皇尸 日 酌 · 復位。 肝 酌 \equiv 盡 方獻 致 請舉爵」。 獻 賓 也。 者 也。 主 于主人主 以上 皆 婦 以 獻 事 如 故易爵 賓 尸 名之。 祝 初 作 卒 及 止 婦 爵 作, 爵 佐 更 亦

洗 面 拜 卒洗, 受爵 主 人 降 揖 阼 主 讓 人 階 升 在 西 酌 右 面 答 拜 西 拜 賓 階 如 上 百 初 獻 面 ; 賓 洗。 薦 脯 賓 賓 醢 北 辭

衆賓 賓衆 答受爵之 辩。 拜。 拜。 拜 以 絶 設 鄉 面 降 祭 折 飲 受爵 北 不 酒 每 俎 主 主人答拜,受爵 上。 齊之; 酢 祭,脯 獻 人 拜 也 記 薦、 也。 坐 賓 人,則設之,位 坐 》立卒爵 也。 言 祭, 祭, 左 興 俎 此 實 執爵 西 當 從設。 爵 加 立 者,不 卒 面 在 飲。 于 明 爵 坐 奠 曏 祭 在實 , 酌 拜 俎 于 拜 祭」上。 有 備 既 立 豆 南。 其 司 受 坐 爵 飲 酢, 執之以從。 賓 爵 位 奠 捝 降于 主 也。 薦 降 ; 答 爵 奠 手 人備 賓 位 拜 爵 俎設 0 實 祭 賱 賤 如 以 拜。 爵 揖 答拜 酒 衆 不 取 初 上 于 備 于 賓 · 卒 肺 主 其 執 賓 禮 人 堂下 篚 焉 升, 也 位 答 爵 坐 獻

神惠也。 人坐祭,卒觶拜。 面 加 勺, 栅 賓 尊 南枋, 兩 主人 賓 壺 在左。 洗 西 于 觶 方 阼 亦 階 賓答拜。 酌 主人奠 如 東 于 之。 爲 西 旅 方之尊, 觶 此 酬 主人洗觶,賓 賓之尊 拜,賓 設 之。 東 此 答 西 西 兄 階 拜 設 弟 之尊。 前 尊, 主 北 廣

解于 奠觶于薦 賓拜亦奠觶,卒 主人對,卒洗, 薦 北 南 -拜,復 賓 ,揖復位。 坐 酌 執解。 取 西 觶 面 以上主人酬賓,開 文省爾。 還 ; 賓 東 北 面 主人答拜。 拜 面 拜。 ; 由 旅酬之端 北 主人奠 面 還 也。 賓

酌 東尊。 主 儀 人 洗爵,獻長兄弟于阼階上,如賓 謂 獻賓 洗獻衆本脱 「衆」字。 兄弟 如衆 儀。

賓儀。

以上獻兄弟。

節: 受爵也。《少牢》下篇:「主人洗,獻内賓于房中,南 主人酬 上獻兄弟。 爵。」更爵酢,卒爵;降,實爵于篚; 兄弟之儀。 宗婦也。 一,主人主婦致爵; 賓衆; 洗 以獻内兄弟于房中,內兄弟,姑、姊妹及內賓、 房中尊,見下記。不殊其長,婦人略也。 右第七章, 偏獻以爲旅酬之始, 均神惠也。 四,主人酬賓; 主人西 二,賓作止爵,及獻祝佐食等;三, 面答拜,言答拜,則内兄弟皆 五,主人獻兄弟; 入復位。 六,主人獻内 如 面 獻衆 拜受 凡 以 六 拜

長 兄弟洗觚爲加爵,大夫士三 獻 而 禮 成。 增 兄弟

之,則 如 獻。 初無從。 不 \exists 及佐 加。 變 食; 致,謂主人主婦。 一爵 用 加 觚,則 爵 禮 略。 酒 亦 不言祝,不 有 〇以上長兄弟爲 加 矣。 及 如 可 初 知 儀, 加 爵 洗 如 致

衆賓長爲加爵 如初,爵止。 爲旅 酬 止 也。 0

以上衆賓長爲加爵

人,北 箋》: 天子、諸侯適子亦 嗣舉奠,主人適子也。 面 再 拜稽首。 獻 爵。 尸 執 此舉 調將 奠,親舉奠授之,下 奠以 舉奠, 存 實 獻 未舉 意 而 也。 已 又親 《詩 盥

尸拜,受,舉奠答拜。 也。 章,獻尸之加禮,凡三節: 啐酒, 奠之。 拜。尸備答拜焉。凡三答拜。舉奠洗,酌,入, 酒。 王世子》上嗣受爵。此雖士子,其爲 舉肝,優之也。 以事名之。 尸 舉 莊 進受,復位。 舉奠出,復位。 進受肝媵 舉奠左執 一,長兄弟爲加爵,二,衆賓長爲 不言拜送,異于獻。 復位 解, 拜位在主人北,少退。 再 嗣 以 拜稽首,舉奠,嗣 Ŀ 坐食 也。 嗣 舉奠。 肝,卒觶 祭酒, 尸 祭酒 右 第八 令文 啐

二六四

加爵;三,❶嗣舉奠。

子也。 酬賓之爵對,亦以開 兄弟,其父及伯 兄弟弟子洗,酌于東方之尊,兄弟弟子,兄弟 獻長兄弟、故酌東尊。 叔 心也。 旅酬之端也。 如 主 阼階 人 〇以上弟子舉觶 酬 前北 賓 儀 面 舉 此與上主 觶 于 長 人

者等。 則 乃 設 此亦當與《少牢》「宰夫羞房中之羞于尸、侑、主人、主婦 俎而未祭者,皆告之使祭,以 宗人告祭晉。 此注謂自祝至内賓無内羞,未然。 案:《少牢禮》: 晉,俎 Œ. 祭及賓尸,兩 成禮。 也。 衆賓及兄弟、内賓。 以將旅酬,恐無及也。 〇以上祭脀及羞 有羞,不實 亦然。 凡

衆賓 拜。 長兄 弟; 東 長兄弟拜,北面。 面 長兄弟在右。 長 弟 賓立卒觶, 賓坐 自 西 鄉所酬將授之,因拜,故辟而立,非立以待拜 取 階 《石經》有「自」,本脱。 觶,主人所奠。 前 北 受鱓; 酌 面 尊賓。 于 舉 其 賓酬解 賓北 尊,長兄 賓奠觶 **阼階前** 左受旅 面答拜 西 酬 弟 拜,長兄弟答 衆賓 北 尊 如 , 揖 也,謂 面酬 東 初。 西錯 復位 長兄 東尊。 在 也 也 長

算爵亦然。 篚。 以徧。 錯 長兄弟酬賓, 弟之儀。 爵者作止爵,衆賓長也。 長兄弟北 于其尊,西尊,賓尊也。 兄弟左、賓 以 以上旅酬。 辩。 如 賓酬 禮 案 : 面答拜,揖 也 黨 長兄弟無作 五酬 初 兄弟之儀,以 賓解既 此 當有内實旅酬之節 謂 以 賓酬長兄弟。 徧 至 復位。 西 乃取弟子所 于 作 止爵 面 徧。 :請尸 立。 辩。 事,此當是衆賓 卒爵 皆 衆賓及衆兄弟交 長兄弟卒觶 如 受旅者拜,受。 卒受者實 奠以 記 自 初 詳 酢。 而 酬 儀 經 賓 如 長 略 亦 觶 之悮。 爲 長 爾 交錯 于 兄 加 酌

拜。 拜; 尊,兄弟東尊。 北之中也。衆子衆,上其少長者。 以上十 長皆答拜。 賓弟子 字、監 ·及兄: 中 庭 舉觶 本無,今依 北 弟 弟 面 者祭,卒 西 子 上; 洗 石 舉觶于其長, 各 經 中 酌 》 補 觶 庭者、各于 拜; 于 人。 其 舉 長 尊 其 觶 皆 奠 階 賓 觶 西

■ 「三」,原作「四」,據經解本改。

皆 洗, 長兄弟,以次各舉其弟子所舉觶交錯以徧,文省爾。 偂 復。 以 復位答拜。 右。今文曰「奠于薦右」。 違其位, 酌畢乃復。 無算爵。 長皆拜 己。 揖其弟子,弟子皆復 此凡四 各酌于其尊,復初位 爵皆無算。 此則偏後又舉,以 也。 右 節 第九章,廣神惠之事,其 長 上復位後,又進奠輝,此又復位也。 一,弟子舉觶;二,祭脀及羞;三,旅 皆奠觶 長皆拜。 承上旅酬言,但旅 醉爲度是 長皆執以 于其所,奠之,將 其 ; 舉觶者皆奠 初 位。 無算 文主 人酬· 位, 酬 也。 中 違位答拜,故又言 惟 興,舉觶 庭 兩輝,交錯以 賓節 以 位 下當 也。 衆相 别 觶 答拜 〇以上 有賓 洗 入第七 者 于 酬 酬 酌 者 也 皆 薦 及 皆 徧 成

也。 以 獻 酒 此乃名之者,利 也。 于 利獻尸。 酢; 利洗散,佐食也。 室中 及 此 祝 亦 執 養 加 事 ; 成 惟 爾 也。 獻 祝 祝。 日 及 利亦獻者, 利, 日利者 獻 如 者 奠以 初 , 利 利養也。 儀 卑 酒 祝始, 以 不 安食氣,養必佐以 降實散于 敢 故 與 佐食、主養,至 獻以 爲加 利 爵者等 終 篚。 也。

> 當依敖本作「面」。 有司受而歸之尸。○以上尸 食徹尸俎,所俎。 祝反,及主人入復位。復室中 也。 主人出,立于户外 爲尸出之節。 祝東面 俎出 尸 謖 出 于 告利成。 起也。 西 廟 南 門; 位者, 事 祝 佐 户 P 前,主 食 當徹 外之西,告 禮 以 畢 也。 俎 出 人 命佐 廟 降。 利養 南

在阼也。 子》上食登暮,其 升入,東面。 奠,及長兄弟盥,舉尊,嗣 佐食分簋鉶。 此下暮也。 者,謂命養者嘗食 古文作「餕」,于峻反,下並同。 去,或將與族人燕。 立于西階 徹庶羞,設于西序下。 嗣繼體爲重,故長兄弟亦從之。 皆 下, 坐。 尸席,此 禮 也。 東 分簋及鉶,則其餘皆共之。 筵 面 佐 也。 祭餘不敢言食,嘗之而 對 北 食授舉 上暮也。 7席,設 上。 舉奠 者食祭之餘日 子 待 也。 許諾,長兄弟亦如之。 對 · 脊 尊神之餘 長兄弟對之, 事 席, 也。 肺 盤, 則尸 折 祝 以 在 也。 ,故設之, 將 宗人 席 己。 蓉,命嘗食蓉 西 命 階 餕 不設 不 嘗 《文 王 下 致 改 遣 食 設 俎 西 者 潔 面 舉 也 · 授 也 父

Д

無算爵

也。 禮 席 爵。 殺」也 祭黍稷,又左祭舉,乃食黍稷。 設 酌, 酳上暮, 上暮拜, 受爵, 主人答拜, 食舉,正祭,尸祭鉶嘗之乃食黍稷,此食乃祭鉶, 許諾,不言 亦當思其所以 之而已。 亦如之。 人拜于下暮 何其久也? 南 相與之與,戒 如 二 養,故主人自 初, 祝曰: 卒食,主 (未分, 各一 許 舊説主人北面授下暮爵。 皆 席 層,則 諾 也。 必 南。 嗣 取 此從俎分之。 膚。 也 有以也」之以,言先祖有德以 子 酳 舉 膚未授 蓋祝釋辭以戒之。 祝曰:「養有以如字。 當 人 兩 有 ,祭食,祭舉乃食,左取脊 尸 洗 與長 降, 與 俎三 暮 一爵、宰洗 也。 也。 兄弟等, 執 洗 膚 主人四 爵 祭鉶,食舉。 皆答拜。 爵 此用 如 拜 相與以奉 初 將酳 兩 其二,其 爵贊之。 主人拜,亦在下暮 祭 儀 面 暮奠舉于俎 酒 暮 再 若是者三。 享此祭。暮者, 與, 先祖之舊澤 拜 也。」 卒 注所謂 及祭鉶,遂 主人 膚 如 **酳**下暮 宰 爵 舊 則 諸 贊 以,如 肺,右 侯以 將改 拜。 説 升 禮 主

主

人答

拜。

兩

喜

皆

降

實

爵

于

篚。

上

喜

洗

嗣子。 實鄉奥 乎 ? 者, 在也。 事而非人事矣。 戒之,何妨親爲之説? 與」,其説直而嚴,其戒如彼,其拜如此,其節不 者,此無文,則父不拜子可知。 不足深辨。 爵 位,與下暮 答主人,遂以主人之拜爲拜兩蕞爾。 者二,古無是禮。 ○案:主人父也,舉奠子也。 爵,降,實 坐答拜。 内」,與「出」字不合,今依舊本改「外」。 示禀命 ,升,酌,酢主人, 或曰:其悮在未審皆答拜「答」字爲衍文。 據鄭氏謂主在奥,尸 《文王世子》上嗣登 而不鄉 又據注 于 對 今崑山徐氏疑爲解舉奠者之悮,竊謂舉奠之爲 主人坐祭,卒爵 神 于篚。 , 則 Ŀ 所 也。 長 載舊説、謂主人拜于下暮之南、上 在 神事當拜神, 敖氏繼公以事 下 暮之南者,亦 禀 則 命 其 主人出立于 而必委其事 于 拜, 在其 主人拜受爵。 一卷説, 神 非拜 此父子相拜者三,而父之先拜 而 北。 乃不 又戒辭曰:「喜 戒之, 喜 確 神 拜。 如事 在上暮 拜神 奥,室之西 于祝,委其事 有 而 據《少牢 聞 明証 何? 者 尸解之,其説不倫 户 而拜其子,有 上 西 之南 有 不 外,諸本皆 暮答拜,受 面 不許 戒 稱,且 有以 · 》主人 上暮 南 之而 因以 可 雖 隅 于 謂 諾 以 H 喜 祝 解者 必 神之所 即 其 而 £ 即 西 拜 拜 拜 是 則 拜 酳 拜 苔 面 位 神 神 而 有

乎? 更可 文明 其説 宰之答上暮從可 自代主人酳上暮可知。 者 攝之,此經宰贊一 者悮爾。 下 洗三 主人之例也。 如 知矣。 矣。 則 有與也」之下,言兩暮拜而不言答,則此 爵,主人受于户内。 此 兩 《士冠禮》父禮子則賓攝之、《燕禮》君飲 又或曰: 暮 宰代主人而直謂之主人者、《燕禮》、《大射 愚案: 之拜,亦 其答卒爵拜亦言主人,則主人自答下暮 知矣。 爵,即彼二經攝主之例也。 父子無獻酢之禮 經文本可疑,二説略近,姑並 所以 宰代主人酳上暮,則亦代主人受酢 但 拜神之戒,何答之可言? 此宰贊一爵,不言主人受,則 主人之文雜出 ,此經乃有酳酢者 ,故解者易悮 據《少牢》, 「答」字之爲 臣,則 存之以 且 》膳 膳宰 亦 即 爾 宰 贊 解 而 室 衍 據

婦 也。 豆 面 籩不歸,人于房,將以之燕。 于户 故 命,命佐 徹其俎。 祝 西。 命 徹 食。 〇以 自徹其俎。 阼 下,謂 俎、 上徹俎 東 豆、籩設于東序下。 序端 宗 婦 徹 徹 主 祝 祝 婦 執 豆籩, 薦 其 俎 俎 入于 以 宗婦 出 主人 相 房, 東 主 俎 備

參。

几 在 南 佐 食徹 **犀用** 尸薦俎 筵 納一尊。 敦,設 于 室無尊故也 西 北 隅 言尊 此屋 則 漏 爵 也。 在

止

弟

也。 矣。 位 東序端徹之。 賓出,主人送于門外, 者。 ,利獻尸,二,尸出,三,養, 降 佐 ○以上改饌 出 食 蓋 堂下俎 主 牖 人 户 而禮畢。 降 降。 畢 即 # 右 位 祝 再 四,徹俎; 第十章,祭禮之終, 拜。 告 賓及兄弟諸俎,各設 階 利 下。 成,又 佐 食徹 宗 五,改饌 人 告,爲 阼 告 凡 俎 事 降 Ŧi. 一于其 之節 畢 節 自

榮。 端、玄裳、 帶 也。 爵,爲主婦易爵,又三獻爵 端玄也。 與主人同服」,蓋因記不言主人,經第于 弟子舉 者 緇鞸。 觚,長兄弟 也 四 水 記 觶 觶 存參。 : 在 于 特牲 奠鱓, 黄裳、 洗 角 見《士冠 其長,三; 洗 東。 設洗 觚 主 饋 爲 人酳 雜 禮 食 加 主人酬賓奠于薦 篚 其 裳 南 >, 下 其 爵 尸 四 在 止,主 北 可 大 服 則 同 洗 以 致 也 皆 疏 婦 堂深 主 謂 西,), 皆 散 尸、祝、佐 朝 又致 衆 人 及 服,玄冠 賓 南 南 笼日 爵 利 長 主 東西 未 順, 鞸。 所 爲 婦 舉一 言主人冠 加 主 獻 須 實 當 人也。 食 爵 易 注 玄 緇 東 壺 爵 兄 觚 謂

安下, 魚腊 **盈水** 順言,大夫用棜,士用 言縮 屬,乾之,冬滑于葵,此 祭日 禁,饌 本 在 爨 心 位 ,夏葵冬苣。苦,苦菜。 裹 者,于 爨之準 也 覆 謂 ·, 末 · 棗 在 匕 西 而 爲明日。 實于牲鼎,載心立,舌縮 平. 兩 壁 刻 徹 廟 明 割 俎爲横,于人爲縮 午 烝、栗 于 壺 之,戶 也 門 日 其下,故可 割 東 焉, 棘心,木名。 經 卒奠,冪 外東南,經已見之,此 卒奠,謂實之並奠于 **、字**,南 之,午,謂 所謂 魚 即 擇。 蓋 腊 位也。 禁,此合棜 西 在 爨 立 無 堂 羊 鉶 順 南 載 在 用 下」也。 刻,鏤之。 ,彼經所謂 中 也 亦 ,上經已見,此爲於 芼 加 其 絡 央從横割 用 滑, 未 勺, 用 禁言之, 又《少 南 ; 苦, 實,故 苦若 調和之名。 設壺 皆 肵 籩 其 則 注謂 俎 牢 所 「進下」也 俎 巾 増「南 芼 在祭前 之,勿絶中 薇, 去 則 西 也,乃 》舌言 可 蓋 以 刻 《少牢》 禁 心 面 覆之, 隨 龍 綌 亦 」字,爲 荁, 堇 皆 舌 夕,故 横 頭 用 用 名 及 也 幂 * *\`\`\` 皆 也 也 有 賓 饎 此 央 以 棜 南 也。 之。 爾。 然。 蓋 或 食 許

滑

纁

即

以

也

棜

牲

棘

爨

當事 不迎 北。 槃者 沃尸 受之,人設于 執巾爲二人,合上三人共五人,多于少牢禮二人,疑 宗人爲之。 言賓及長 與長兄弟之薦自東房,其 云: 一人也。 其説是也。 南 無 淳沃,謂稍注之。 故 諾 東 盤 嗣 以《少牢禮 則户外 面授尸 辟, 事 者 舉 面 兄弟之薦 宗人即執巾者、《儀 則 宗人東 執 宗人 奠,佐食設 賓從之,言 席 人。 中 前 尸人,主人及賓皆辟 **卒**,執 匜者 南 》準之,則當以執 獻 也 庭 所 面 此 與 北 面 自 0 匜北, **如** 西 與下爲 賓, 旅 注 來,又堂 面 取 豆 面 太羹庶羞之屬,皆户 以 則 巾者受。 监 巾 執匜者之北 鹽 淳 當事 禮 目 他 于衆 凡 例 :沃,執 謂 可 匜 東 餘 振 祝 爲將 爲 多變 知 者 之三, 每 無 在 賓。 矣。 有 呼 西 事 籩 據此 東堂。 食 事 也。 稱 面 ф 豆 淳 而 宗人私 命 人 出 位 者 其 則 去 少 故 沃 也 也 未 外 實 授 主人 亦 在 佐 牢 明 至 爲 南 巾 經 未 悮 之。 句 皆 佐 食 如 也 奉 敬 不 龃 面

686

長

脅

二骨,

短

曰二骨,

則

皆

折

有

肉

E

殽

所

折

骨

直

破

折

餘

體

口

脊

骨,

Œ

祭

用

右

肩

以以

下

皆

右

萬者 ·, 南 從之,以 脅 功 也 利 賓 南 禮 出 賓 也 也。 臂 上 尊 無算爵亦 養 苔 器 從 執 し也の 上。 則 宗 下 尸 也 無代脅, 燔 宗婦 又 臑 存 尸 以 P 爲婦 同 燎 卒 婦 折 去遠 '**,** 上 送尸之意而 佐 坐于 宗 尊 于爨。 其 肫 祭館爨亨人祭雍 食 亦 然。 人設 食 膚 此 兩 一言辟 矣,故 婦 ___ 當 而 旅 于 九 户 西 壺 内尊 夫爨者 北 體重 作 祭 矣,此 西 横 外 面, 旅 反也 于 堂, 苔 已。 饎 膊 面 也 異 监 脊 用 房 授 其二, 爨 老 于 又 于 東 中 内 俎 P 改 無 \exists 爨, 婦 獻 旅 胳 雍 主 兄 脡 面 賓 饌 之 西 出 從 俎 爲 用 獻 旅 弟 爨 婦 脊 祭 者 Œ 北 廟 立 牖 黍 + 酬 南 肺。 食俎 也。 臂,正 月,《少 皆 IE. 體, 也。 有 膚 俎 離 食 長 體 0 殺 公 俎 兄 重 : 肺 $\hat{\hat{\pm}}$ 尸 疏: 有 重 佐 脾 弟及宗 用其二爲七。 脀 賓 有 觳折 牢 一喪禮 離 脊脅。 用 食 主人、主 同 骼 擇 禮 司, 同 其 肺 舉 俎 牢 此 议 髀。 升。 二爲 亦 肺 賓 正 注 : 其 然 觳 婦 體, 也 執 0 觳 脡 Ŧi. 骨

也。

其

儀

與

(男子

同

上

主

婦

及

内

于

其

北,

東

面

佐

食

亦

私

臣

重

其

作

埔

下

脯

與

衆

賓

齒

掌宗

廟

面

宗婦

贊

門,乃反

位

俎

辟

大

主人辟後又

盛 肉

于盆

尊

于

瓶

注

以

八尸享

祭,竈

有

而

E

無

籩

豆

俎

凡

費

皆

然

薦

其

脊二骨,横 人折,不言所折 衆賓及衆兄 分與。 爲足跗 左 則 各 殺于尸 事 主 餘 脊二 折 尊 刌 者。 脊, 骼 骨 婦 膚 脊,脅。 卑等 其 今文 也。」 折 跗 俎 與降殺以 一骨,脅 魚 長 私 餘 分用之。 足趾 也 + 賓 作 脅 臣, 弟、 如 離 觳 不 略 有 切 在 腊 阼 用 注 折 肺 家 Ŧi. 也 _ 内 兩者 骨, 尊 獸 俎 此 如 骨 臣,或 膚 體 賓、 則 肺 其 牲 水 當阼 别,主 後 短 故 脊、 疏 體 宗 蹄 骨 物 餘 阼 隸 脅 代 用 卑 脅、 也。 俎 取 子 婦 如 離 脅,此 其 俎 婦 之臂 者 祭 數 膚 弟 全。 同 若 佐 肺 佐 祝 Ŧī. 從 于 肺

也。 飲。 北面西上,此皆以近門爲上也。○案:公有司,賓 如之,此記不知何指也。 門西,北面東上,獻次衆賓。 殺者,升之俎,又略也。膚一,雜肺一。公有司 據經賓及衆賓,即位于門西東面北上,堂下之位亦 據經、獻皆由賓以及兄弟、與此獻次同。 獻次兄弟。升受,降 私臣門東,

儀禮章句卷第十五

儀禮卷第十六

仁和吴廷華章句

少牢饋食禮第十六牢閑,所以養牲。牲易中, "大田禮》。" (世) "世) "世) "世) "明之,故曰牢。少牢,羊、豕也。謂之少者,殺于太牢, 故) "是也。" (世) "世) "是, "世) "是, "

○注以此爲諏日,又謂丁寧自改變,取其令名。據易甲庚先言之,不言乙者,或以乙爲柔日之首,臣子分卑,不敢用與?柔日,乙、丁、己、辛、癸皆是。言丁己,如下丁亥之類,隨舉少年饋食之禮: 日用丁己,音紀。○內事以

也。 人。主人曰:「孝孫某,來日丁亥,不贊命,文略 後,固 不曰某子,其與告請有別與。以某妃配某氏。 也。丁未必亥隨舉一日言之,擇日之末,以示謙抑與。 筮,右兼執韇以擊筮,以轒擊筮,若聞之者然。 子氏之類,若白以某妃某氏配也。 薦歲事于皇祖伯某,伯某,其字,言伯以概仲、叔 有史二人,即此。 《太史職》云:「大祭祀,與執事卜日。」敖氏云:《周官》筮人 執筮,右抽上韇,兼與筮執之,東面受命于主 太史、小史,不掌筮,此筮人曰史,則筮人又名史,公有司 ·諾!」西面于門西,抽下韇,抽筮出韇。 某妃如元妃之類,合食曰配,又言某氏者,妃姓,如姜氏 皆有令名也。 主人朝服,西 竊謂彼府史掌文書而已,未必能筮。 筮旬有一日。 面于門東。 尚饗!」史曰 史朝 筮于廟門之 服,《周官 左執 也 也 用 左 遂

假,借也。泰,尊之之辭。常,言吉凶有常,可馮信也。此命「假爾大《曲禮》作「泰」。 筮有常。不言爲日,略也。述命,下兼命筮及述命,此第言述命,重主人命也。 曰:

者别。 以告 占。 于皇 酒,不言牲, 滌 尚 筮 日 筮 戒,戒諸官,謂某官戒某人以某事,如下 卦 及 也。 謂 日 以 饗 戒 吉則: 如 于主人: 木。 祖 !」此述 溉 宿 宿。 孝孫 乃官戒, 伯 濯祭器 初。 某, 文省。 史 轉筮,藏餘筮于韇也。 卒 筮, 前 某,來日丁亥, 遠日 命。 祭 , 掃 用,謂 占 筮日 除宗 旬 日筮尸 乃書 乃 乃 外一 日 用 退。 即 釋 廟 此 戒 從。」 及宿後 韇 日 日祭 凡應致潔者皆命之。 卦 爲 也。 若 于木,示主人, 立 有 所 也 用 不 又宿 此 十日 筮 謂 薦本作「爲」。 吉則 與《士冠禮》本日 **筮從** 以 所云 諸 齊, 史兼執筮 某妃 挂 官也。 也, 也。 及 且 者 備 蓋求吉 遠 在 西己 〇以 宗人 宰命 具 日 某 左 也 與 乃 歲 上統 又筮 得 坐, 氏 爲 命 卦 退 事 又 官 吉

日 凡 孝孫某 也 孫 行 前 可 如 爲尸 宿 筮 來日丁亥,用薦 者,皆 H 日 之儀、「儀 宿 宿 戒尸。 之 也 ∽, ≪石 明 前祭二日 歲 H 經 事 朝 作 于皇祖 筮 也、未筮 禮 尸 宿 命 先 伯 尸 宿 日 之明 某, 則

> 也。 首。 乃備。 以 上筮尸及宿 氏,《特牲 拜 日 遂 筮 六卦 某妃 許 丁亥,用薦歲 宿 若不吉則遂 主人 諾 尸 主 0 占 ; 配 ×: 人再 拜而 (退,尸送,揖 祝 如 某氏, 卒 初。 擯 許之, 拜 曰筮子爲某尸,占曰 稽 事于皇祖 此下 改筮尸。 嫌 以某之某爲 禮 首。 筮 隆于 當 儀 與 不 祝告 或 特性。 拜。 特 别, 伯 日 牲 故 遂 日 某, 禮 P 重言之。 則 主 吉。」敢宿 : 尸。 揖 》同,其 即 以某妃 送,亦 人又再 孝 H 筮 孫 尚 略 吉 也。 隆 者 某, 饗 于 配 則 拜 相 特 尸 某 稽 乃 來 以 牲 冬

告節。 比次 H 期。」主 南 及戒 面 謂 而 既宿尸,反爲 〇以 請于主人也。 宿,二 比次早晏,在宗人也。 人 亦 朝 Ŀ \Box 一爲期。 服。 筮尸及宿; 比 宗 右第 毗 主人曰: 人 期于 志 三,爲 反。 朝 章, 宗人曰: 服 廟門之外。 於子 祭前之禮 諾 北 面 **,** 比 乃 凡三 日 日 退。 次 主人 明 : 也 節 行 亦當 八門東 子, 請 事 宗 祭 筮 有

饎其職 也。 卒 東 矣。 在 如 甑 官 上。 鼎 也。 北 東 士奉犬牲,據此 司空奉豕」,其不然與。 摡 隔子,然則 有 》廩人掌九穀,司 堂下,合溉,乃分設之。 首東上。 雍爨之北。 1 方 放 司宫溉豆、籩、勺、爵、觚、觶、几、洗、篚 底,匕穿。 司士擊豕。 上羊爨。 饌 俎于 一一一 南 也 面 豆、籩 甑 則東上豆 似 雍 鄭氏衆曰: 豕、魚、腊皆在,上羊。 甗 , 則 無 廩 將 暴, 概. 皆 底 視 兩爨第言溉, 與能 人 司 徒之屬也。 陶器 也。 擊,亦殺也。 馬 殺 摡 也。 及 兼奉羊,司寇兼奉豕。 下 甑、 宗人告備,乃退。 同 濯 于房中, 用以 「甗無底。」林氏《考工圖 · 篇 燅 尸 設洗于作階東 溉 勺、爵、觚 甗 宰宗 其職曰: 温物,並 據下言羹定,則 雍爨 〇《周官》司馬奉馬牲,司 匕 俎,其 放于 司馬 與 人西 受一石二斗八 大祭祀共接盛,則 在 敦 以 門 觶 此 西 于 刲羊 面 與? 《天官》注 方, 實于 東南, 南, 廩爨 北 雍人摡 溉畢即 一》謂 - , 封, 殺 上,牲 當 放,至 廩 篚 《周 底 升 東 北 ; 于 爨 炊 虚 謂

明

日

祭日。

主人朝服,即

位于廟門之外,

臂,臑 食。 二骨併之,以多爲貴也。 一,正脅一,代脅一,凡十一體,合六體二骨爲 榮。 于一鼎。 不食溷腴。 脊一, 挺脊一, 横脊 皆一骨以並,今文皆爲「併」。〇脊脅骨多,六體 腊從羊,膚從豕。 腊各有爨,此在羊鑊之西 陳 Ŧi. 此,則司士又掌魚腊 司士升豕右胖,髀不升,肩,臂,臑,膊,骼,正 馬升羊 一,皆二骨以並,舉肺一,祭肺三,豕無腸胃,君子 飯 鼎 舉 祭肺三,尸一,主人主婦受酢各一。實于一鼎 不言以堂深,可 一腊 Ŧi. ,膊,骼,正脊一,**挺脊一,横脊** 三鼎, 肩 右胖,升于鼎。 實于一鼎。 司 則 士 亦 在 體 二鼎 又升魚、腊,魚 解 也 羊 知。 鑊 但 在 ,則魚腊之鑊近于羊矣。 腊 一,短脅一,正脅一,代 腸三,胃三,舉 左 之 雍 豕鑊之西。 以 髀 右胖全骨 西,三鼎,羊及魚、腊 上 人倫膚九,倫,擇 純 不升, 視殺及 而 鼎 +爾 濯 近竅 有 豕及 純,全也。 腊 Ŧī. 羹定,雍 肺 賤 用 一,短 膚也 而 也 注 曰 : 麋。 鼎 也。 十七。 據下 尸 各 肩, 實 所 司 鹿 據 魚 取 魚

之間同 子。 器。 設 于 斗,與挹酒者等。 水 神,戒以無足 門之外,東方北 火槃、匜 房 于洗東,有 右 卒晉,同升。 中 第二章,祭日羹定 校,校,亦 南 與 也。 面 簞 科,音主。 如 設 皆 巾 禁 面 皆設 饋 篚 有 也 于 北 于 之設,實 幂 前後陳設之禮,凡二節:一,視殺 西 上。 兩 高 甒 洗 〇科以 階東。 甒同 九西? 幂, 有 司宫尊 一樣 略 乃 南 豆 鄭水,蓋勺類,取象于 玄 爲尸盤。 肆。 舉。 籩 酒。 也。 之之實。 兩 注云: 改饌 司宫 陳 甒 0 鼎 于 以 若不爲 房 設 于 小 豆 上陳 祝 籩 罍 户 庿 俎。 匕

筵于 洗 羊 出 加二勺于二尊覆之,南 鼎 迎 餘 兼執以升,乃啓二尊之蓋幂,奠于棜上, 舉 鼎, 奥,奥之北。 主人朝 則司士舉之。 鼎 迎 則不 主人先人。 服 親舉也。 即 祝 雍 位 設 正 于阼 几 除 執 枋。 司宫取二勺于篚,洗 于 鼎。 階 筵上,右之。 匕以從,雍 鼎序 東, 示親之。 人,下篇司 西 面。 士盤 府 主 執 司 馬 外 人 宫 几 舉 平.

記

及

濯;

二、實鼎及陳器

載于 也。 爲上,次爲下,佐食上利猶言上佐食也。 洗,内洗。長丁丈反。 設于鼎西, 上,膚爲下。 皆合執二俎,以 五勺也。 實繼之,主人不匕。 主人,就于阼階、主人不匕、曰就者、明親臨之。 故可 俎 以從、雍府未詳,其府史之府與? 而 切本,使平 陳鼎于東方,當序南,于 肵 其 日西 立 載 俎。 也。 司 肆 于 士: 西 舌 則 也; 心皆安下,切上,午 肵 合執二 加也。 肆。 皆 俎 俎 切上,切 佐 有 相 切 上下識記 末在 食上 從 **斯**俎在羊俎之北,亦 朼。 匕皆加 本,末亦 俎 人。 末也。 以 上。 利 古文作「匕」。 而 Ŧi. 從。 升牢,利 于 上 鼎 此 没, 午 東。 洗西, 鼎 Ŧī. 又執四勺,❶ 特 司 牢,羊、 俎 割 絶 割 東 牲記 士 也。 宗人遣 又一 勿 勿 即 ○賓 贊者二人 枋 皆 没 没; 豕。 佐 》所 餘 斯俎·爲六 西 皆 食 詳 長 謂 西 此 也。 Ŧī. 賓 俎 安,平 先, 盥 立本 心 面 特 不言 肆。 鼎 皆 舌 就 北 次 于 牲 長 當

⁰ 勺」,經解本同,四 庫本作「匕」。 下句「匕」同

胃 ;

體

其疑衍。

載于俎,皆進下。

體者,合言二俎

敖氏

在

肺下

也。 上

下

利

升

豕,其載

如

羊,

無

腸

膊與脊脅

陳

俱

在

此第言肩

膊賤,

故略之也。

不言腸胃,

肩

在

上。

上端俎之左端也。

此承上文據在上者言之,肩

脊、脅、肺、

及下言在俎之次,以牲體之前後爲上下也。

之骨體

蓋横載

也。

進下,謂

以

每體之下鄉神,其

(載則

鄉

俎

之右也。

主人進

腠,腠是本;

此進下,下則末也。

司

士

人升

魚、腊、

膚。

魚

用

鮒

+

有

Ŧī.

而

俎

縮

載

此蒙上皆字,謂皆亨于爨也。 西縮,乃反。佐食二人。上 升,肩,臂,臑,膊,骼, 一,短脅一,正脅 前 舌 升鼎不言 不 立 也。 一, 代 佐食 心 舌 皆 去皮也。 在 右首 第三章,鼎 九 則載時魚寢左,腴 縮載,則 上。 而 俎 進 此言肩 由 順,謂以膚 入升俎 亦横 南 腹。 而 北 在 腹 載 在 上 腴 革 西 執 革 也 也。 則 相 俎 順。 次 牲 左 生人 亦 腊 端 作 如之, 亦 進 行 進 之, 列,而 純 亦 鰭 據此 骨 則 而 牲 體 首 載不 俎 横 則 也 死 載 右 縮 錯雜 亦進下 由 言 執 也 東 革 俎 也。 而 \Box

則

膚不

膚

〇右

遷肵

俎

于阼

階

西

嫌不在爨,故特明之。

利

升

羊,載

右

胖

髀

不

正

脊

一,脡脊

一,横脊

拒;

同距。

〇長及距,則下垂也。

舉肺一

長終肺,祭

,皆二骨以

並

,腸三,胃三,長皆及俎

肺三皆切。

不長。

肩、臂、臑、

膊、

骼在

兩端,此

安,則

不

必

平.

也。

其

載

於

肵

横之。

西。

此

進

腴

肩

如

初

皆,皆羊、豕。

爲之于

,爨也。

之,禮盛。 侈袂, 髲鬄、、周 階。主人盥,升自 也。 主 此亦綃衣侈袂者,袂本尺二寸,三分益一,得尺八 人從,户内西 執葵菹 自東房, 韭菹 婦贊者一人,亦被錫 主婦不 卒脀,不言徹鼎,文省。 、嬴今文作「蝸」。 坐奠于筵 興,不興,則贊者入户授也。 禮 面 》所謂「 醢 前 主 作階。 ; 次」也。 婦 《周 醢 ,衣侈袂 疏: 被 官 以 錫 祝 祝 》朝事 編髮爲之,首服之尊者 韭 授主 **依注作** 先 盤 菹 于 八豆之二, 入,南 赞者, 在 婦。 南 洗, 遂受,陪設 「髪 醓 亦宗婦與。 饋 升自 醢 面 寸。 食之豆 在 食用 北。 薦 衣 主 西

句

房。 于東, 羊 房 腊 黍,文省。 俎 人 菹 菹乃分南北 執一 羊 俎 在 執 醢, 之 佐食 豕 魚 在 各 南。 金敦黍 東,特膚當俎 腊、 豆 邪 菹 上 鄉 東, 在南,葵菹 則 婦 利 爲 膚 興受,坐設于魚俎 漢 落 道 費者執 南 當 有 執 俎 北 鸁 1,序で 蓋,金 羊 在 醢 注 醓 俎 醢 北 所謂 升 敦 在 ,下利執 東 敦, 豕 端 稷 自 北。 紟 亞 羸 敦 以 西 也 醢 飾 腊俎 其 授 在 此皆在 階 以 北 · 韭 菹 主 豕 北 主 金 相 俎,司 婦。 者。 婦 東 魚 上 主婦 從 又興受贊 興, 在羊 如 兩豆 坐設 不言執敦 四 士: 自 隅,二 一之東, 東, 干 于 東 設 \equiv

> 氏。 再 拜 稽 尚 首 饗 ! 右第 此 所謂 四 章。 響 也。 室 中 陳設 餘 詳《士 及 虞禮 主 人又

人從。 人。 阼 從。 北。 東。 尸入門 祝在左。 之三,以授尸, 于槃上,卒盥, 面 面 階 于 進 以受尸巾。 與 主人升自 在上兩宗人之中,尸 如 祝 庭 東 尸 近席 奉 尸 出 左,宗上當有「一」字。 特 南。 西 答拜,遂坐 樂者 牲 祝、 升 北 面 迎 禮 筵、祝、 相 近 南 》矣 主人皆拜妥尸 尸 鄉。 門。 鄉 作階,祝升, 坐 坐取簞,興; 祝 祝延尸 于 也。 奠 先入門 廟 尸 主人 簞 北 宗 宗 取 門 祝 注謂未 面 奉節 人 人 之外。 韭 盤 反 西 即 右。 尸 奉 奉 人奉芳勇反。 菹 南 有 面 巾 故鄉之。 升 以上七字、依 升自 簞 也 辩 事 也。 面 者。 西 立 至西 果 巾 水, 主 挳 面 于 西 取 將 祝先入; 階 人 百 户 乃 韶尸及佐 南 西 巾 階,人, 下, 擩 則 降 内 不言; 沃 面 面 石 待 槃, 興 于户 于三 口 于 于 鄉 立 經 食 主 外 祝 振 盤 槃 槃 東 補

故西 象神。 南

有首。

主

婦

興

入于房。

祝

酌

奠,酌

而

奠之。

遂

設

于

南。

四

敦

亦

紟

也。

敦皆

「南首。

敦

以

龜

飾

·, 故

者敦黍,坐設于稷南;

又興,受贊者敦稷,坐,

主

婦

南

首。

祝

祝

 \Box

孝

孫

某,

敢

用

柔

毛、

剛

鬣

嘉

薦

普淖,

用

薦

歲事

于

皇祖:

伯某,以

某妃

配

某

南。

各敦之南

主人西

面

祝

在

左,主人再

拜

稽

命佐

食啓會。

佐食啓會,蓋二以重

一、設于

敦

祭,所祭豆實之處,即 ,亦祭于豆 不言命墮 , 韭菹、 上佐食。 古右之。 《特性 于 切 受」, 于房 以 兩 肵 列。 **肺,即** 亦 醢 四 之南。 祭。 一祭,文省。 詔 命 俎,升 鉶,爲下之目 豆 敦。 羸 依 禮 所 之 中 上 皆芼,皆 間 刊肺 醢, 遂以 所 上佐 謂 也。 石 説 敦,金敦, 以 以 則 近 舉 特牲 詳《 經 也。 自 致 從。 席,與 祭豕 下 肺脊」。 食 Ŀ 慎,不 士 阼 改 豆. 羊、豕各一、言 禮》「祝 佐 兼 佐 有 虞 正 者,二 階, 獨 上 初 鉶 取 食舉 食 禮 與黍 爾之, 必 柶 佐 兩 取 置 上 祭 問 ; 命 ₩. 豆 食 其 0 嘗 佐 以 尸 羊 户 于 之悮。 于 尊 牢 爾 受, 肅 注 列。 羊 扱 鉶 也。 牢 授 膚 食 豆. 此 否 謂 七飯。 横之。 注 : 鉶。 侑, 固 拜。 也,下 隅。 食以 拜 飯 尸 飯。 振祭,嚌之;上佐 又 瓦 祭,嚌之。 食,四 受, 侑 豆,有醢,亦 亦 道之。 胾 E 一勸之。 腊 豕不言嘗,次 侑曰 與載 尸 同。 振祭, 嚌之。 **峥**,羊胾在 飽 佐 又食。 祝 告飽。 飯。 食 言 三飯 : 醢 尸 尸受,振 佐食受,加 耐 舉 食胾。 祝 與 又食。 不 皇 五飯。 醢 尸 西 用瓦 牲 拜, 南,豕 祝 戸 略之。 牢 邪 面 上 主人拜而不言,親 西 祭,嚌之。 相鄉,羊 食受,加于 未 上佐食舉 佐 骼 胾 于主人之南。 豆,兩醢。 上佐 八 佐 面 實 在 飯。 食舉尸 食舉 于 食 北 于 如 食舉尸 肵 裁則 心以 受, 實, 主 Ŀ. 初 舉, 户一 人 佐 飽 佐食受, 設 在 四 牢 加 上 脈。 薦 也。 之 如 食 醓 于薦 腊 肺 幹 疎 于 佐 魚 舉 醢 豆準之,亦 脊 南 舉 之别 肩 幹 之北 主 肵 侑 食 也 ; 又食。 獨 豆之北 尸 羞 尸 加 也 牢 尸 將 侑 又 也 受 俎之魚 不 胾 于 飯 又言 食。 肩 作 不 尸 肵 P 六 振 先 DП

肺、正

一脊以

授尸。

爾

1

敦

黍于筵上

右之,便于取。

主

人

羞

于房

中、坐設于

坐

設

于

羊

鉶

之南

以

柶

祭

羊

鉶

下

佐

食

又

取

豕

鉶

北。

亦特。

上佐

食

羞

則羊

刌

肺

矣。

以授

切

肺

于

俎

中, 户

牢。

也。 此一各

Ŀ.

佐

食取

黍

稷

肅其職,不

命。

竊

言 取,

亦

其

命

也。

豆,

挳

必于

醢

四

豆

惟

醓

于

豆

間

此

擩

祭

也

尸

受

同

本作

同

豆

受,則十一飯並執之矣。 加于 肵。右第五章,迎尸正祭又三飯,十一飯。 上佐食受尸牢肺正脊,至是始

飯之祭

在後。 牢肝 祝受尸爵。 取 尸拜受,主人拜送。 豆也,葵菹則 肝,換于俎鹽 主人降,洗爵; 鹽 在 俎 遠矣 右。 縮 尸答拜。 執 肝 卒爵 ; 俎 右也,亦在俎。 振祭,嚌之,加于菹豆,韭菹 ,執右廉。 升,北 以上主人酯尸,一獻 尸 祭 主人拜。 酒 面 肝 尸 酌 亦縮; 啐 左執 酒, 亦 酒 相 乃酳 爵,右兼 拜 進 賓長 加 末,本 特牲。 尸。 羞

遂啐酒 拜,禮 爵 以 切 受爵,尸答拜。 綏 ,右受佐食,受墮祭。 肺,以墮祭也 盛。 同 祝 墮。 l酌,授本作「受」。 尸,尸醋主人。 主人 上 祝與二佐食皆出,盤于洗,將贊祝嘏 佐 祭。 食 ,取之尸俎。 亦 取 主人 擩 四敦 于 西 醢, 坐 以授上 黍稷; 面 一祭之; 以授 奠爵,又拜。 主人。 一佐食。 下佐食 又祭酒 主人 上佐 取 受酢 不 左執 牢 興 拜 食 而 俠

「釐」。 坐也。 田,年 以嘏 嘗之,納諸内。 拜。 引、長也。主人坐 疆于女音汝,下並同。 祝。 季指,執爵以 **黍**; 兼受,兼受下佐食者。 洗新之。 坐振祭, 嚌之; 卒命祝 執爵以興,出。 于主人,曰:「皇尸命工祝,承致多 豐則禮洽也。 坐卒爵,執爵以興;坐,奠爵 女孝孫,釐,賜也。 人。二佐食各取黍于一敦。 ,祝受以東,北面于户西 興,坐而興矣。 納于房。 奠爵;興,再拜稽首,興,受 眉壽 摶之以 詩懷之,實于左袂,挂 宰夫以籩受嗇 孝孫。 萬年,勿替引之。」替,廢。 〇以上尸酢主人及嘏 使女受禄于天,宜 復坐者,進坐受黍,乃反 授尸 承傳 ; 也。 尸 拜。 近 來 執 上 鄉主人。 注 主人 福 以 佐 稼 讀 于 無 命 作

受。 牢 「葵菹 髀,不言尻, 南面。 嬴 主人獻 醢。 疏: 主人 祝,設 則殊也。 饋 西 食 禮 面 席 當 答 横 用饋 南 拜。 脊 面。 短短 食之豆 薦 祝 兩 脅 也 拜 豆 菹 于 佐 三者皆 席 醢 食 上坐 設 俎 下

脅亦設 俎折 興。 佐食户 也。 興,加于俎,卒爵興。 當作「牢肝 祝 尻,不殊之,尤賤 髀 體 西 祭 膚。 屬 尻,脊骨盡 俎設于兩階之間,俎不入室,又無席,略之。 俎 于尻。 面 以上主人獻祝及佐食。 膚。 内 于階間 ,祭酒,啐 答 牖 拜。 腸一 祝 又略。 苦刀反。 處,兩 東 也。 取 胃 西 北 佐 酒。 上,晉,亦俎也。 股 肝 面 祝 食祭 主人又獻下 間,所謂 C 拜。 挳 取 ,膚三,魚一,横之,腊)兩髀左右皆升,此羊豕魚腊 主人酌,獻上佐食。 肝 菹 于 酒、卒爵 坐受爵。 牢 鹽 挳 髖 從。 也。于竅尤近,連 ,振祭,嚌之; 于 佐食亦. 上,上佐食。 醢,祭于 杭氏云: 拜,坐授 與祝相鄉。 如 斤肝 之, 豆 亦折 牢, 屬于 共 爵, 間 其 不 其 上 主 兩 俎

中,出 房 人之北,西面 中。 有司 酌,人户 婦 贊者取爵 贊者受,以 , 西 拜 面 送 于篚 拜 爵 授 、獻尸。 。尸祭酒,卒爵。 以升,授主婦 主 婦。 尸 主 拜受。 婦 洗 贊者于 主 于 婦 房 主

婦拜。 祝受尸爵。尸答拜。 以上 主 亞 獻

禮

殺

也。

答拜。 禮,不嘏; 卒爵 面于主人之北受祭,祭之; 易 爵、洗酌 上佐食挼同墮。 拜。 授 户。 尸答拜。 祝也。 其挼祭如主人 亦授之也。 以上尸酢 主 婦 拜 主主婦 受爵 主 婦 ~; 尸 西

坐授 婦受爵,以 卒爵,坐授主婦。 以授主婦于 佐食北面拜,坐受爵,主婦西面答拜。 坐受爵。 主婦 主 婦。 主婦答拜于主人之北。 以爵· 人于房。 ,房中。 主婦受,酌,獻上佐 出。 。 主婦 入房。 主婦洗酌,獻 以上主婦獻祝及佐食。 獻下 贊者受,易 佐食 亦如之。 食于 卒爵 祝。 爵于 祭酒 户 不興 祝 拜, 内 篚, 主

拜。 拜。 本作「 尸。 不止 以上賓長三獻尸 賓長 西 爵,將賓尸 洗爵,獻于尸,三 北 面 也。 拜 送 不 · 賓則 爵。 止 獻。 尸 祭酒,卒爵 尸拜受爵,實户 祝受尸爵,尸 答 賓

祝 酌,授尸。 賓拜 受爵。 尸 拜送爵。 賓

爵以興,坐奠爵拜。尸答拜。以上尸酢賓長。坐奠爵,遂拜,執爵以興,坐祭遂飲,卒爵,執

拜。 祭事將畢,示醉也。 祝 賓 祭 酌 酒,啐酒 獻 祝。 ○以上賓長獻祝 祝 奠爵 拜, 于其 坐受爵 筵 前 賓 不卒 北 一爵者, 面 答

三,主人獻祝及佐食,四,主婦亞獻尸 西 主婦獻祝及佐食; 祝先,尸從,遂 祝; 出。 階 尸謖。 上 十,尸出 主人出, 右第六章,凡十節: 東 面 主人降,立于 立于阼階 七,賓長一 出 祝告 于 爾門。 . 曰 「利 一,主人酳尸,二,尸酢主人, | 獻尸; L. 阼 西 賓則尸人于次。 成 八,尸酢賓長; 階 , 五. 画。 東 P, 相鄉告 西 祝 酢主婦; 面 出 九 寸. 也 〇以上 階 賓長 六 下。 于 祝

位 佐 不 司宫設 歸尸俎 食盤 祝 祝 反,復 對 命 祝 ,升,下佐食對之,上佐食東面,下佐食西 席 佐 佐 食亦不徹俎 ",四 食 位 徹 人 于室· 肵 二席 俎,降 中。 又無西北隅之饌 乃 兀 ··, 設 主人 人 于堂 暮 亦 人 以以 下 于 , 同 將 阼 賓尸 餕 室, 階 南。 也。 面 復 H

拜。

主人答一

拜。養者三人

興出

暮

將

嘏。

主人受上暮爵

醋于户

内

西西

面

坐

奠

皆答拜 也。 端,資 焉。 舉一 賓長 暮者。暮者奠爵皆答拜,皆祭酒! 洗 **治于兩下。 徧祭之**。 席 食,進 士 三爵,酌。 賓長在下佐食之北 進 上。 若是以辯。 司 爵升,酌 鉶于上喜,又進 敦 士乃辯舉,養皆祭黍、祭舉。 減 東面 主人西面 一人備 敦 皆反, 黍,厚執 也。 黍 者 主人受 減置 瓦豆也。 于 在 以 事也。 備四 南,西 日 于羊 Ŀ 授 皆不拜受爵。 南也。 反,則違 三拜暮者。暮者奠舉 佐 人 暮,隆于 上暮。 于户 俎 乃皆食食舉。 面 賓 食, 兩 者 食俎上者 兩 端 内,以 其 鉶于次 在 下 又 位 北。 則 \Box . 是 特性 進 一授,禮 拜 也 暮 賓長在 而 資 授 主人 也, 暮 르 殺 次暮 黍 敦 卒爵 取 亦 7、又進 也 卒食,主 兩賓長爲 司 Ŀ 于 黍 皆 舉。 東 西 佐食之南 士编舉,遂 西 羊 · 下 右 于 贊 奠爵 面 于 對 俎 之于 下 者 司 俎 下暮 拜 洗 豆 +: 佐 司 在

儀禮章句卷第十六

1 1 1 1 1

儀禮卷第十七

仁和吴廷華章句

有

司徹第十七有司,助祭諸執事也。

徹

謂

祭

仍其舊 字,不足概 爲祊繹、據《詩》及《爾雅》,祊是祭前求神之禮,繹 之名,當起于兩戴,鄭氏因之,然向説是也。 諸 又據 饌 畢 無祭,又牲即尸食之餘 又祭之禮,皆别用 吉禮,當第二。 向以此爲《少牢》之下篇。 節。 西北隅,此徹之節也。 ·徹俎豆之實,以賓尸于堂也。 《特牲禮》,卒食三獻 上篇曾未之及,俱于此篇賓尸、不賓尸詳之,故劉 而 存是説以正之, 説經處則仍曰上下篇 篇大義,是當依劉氏作《少牢》下篇。 第十七説非,詳《士冠禮 牲。 賓尸又祭之餘節爾,此篇有賓 尚可謂之繹乎? 徹而賓尸,蓋以紓其象神之勞。 後,尚有獻賓衆及旅酬無算爵 其别爲 上篇卒食三獻而暮,改 篇 而加 又 以 「有司 案: 此于五禮屬 有 是明 注 徹三 司 今姑 以 徹 而 H 此

> 職與。 正祭,下並同。 羞。 減少,故併之。 羊、豕、魚三鼎,無 温 正祭之俎而曰 埽 士 也。 ,以尸爲主,故獨言尸。 一冠禮 存參。 有司 爲賓尸于堂,新之。 攝 乃設扄 徹: 酒用司宫者,據 「尸俎」,爲賓尸言之,且有肵俎 ○以上備具。 腊亦當併,但 埽堂。 鼏 腊 陳 此雍人司 與 掃者,有司也。 「汎埽日 一無考 《燕禮 鼎于門外 膚 尸 爾。 俎。 影司 一埽,埽 注 : 士爲之。 宫設 「膚從豕。」 用 席前 注 司官 奠,故 甑 如 謂 在 卒 甗 : 日 也。 初。 温于爨也 攝 以 燅 攝 捹。」 此汎 腊 蓋 諸 酒 酒 乃 初 祭餘 俎皆 亦其 爲 · 詳 升 謂 庶

外。 人戒侑。 又筵于西序,東面。 者以侑尸,即 尸在外次,就之。 乃議侑于賓,以異姓。 不用祝,賓異于 名曰侑,示利養之用 司宫筵于户西,南 侑席。 祭。 〇以上立侑 也。 侑 議 出 用 詢謀 異 俟 姓 也。 于 廣 面 敬 廟 擇賓之賢 也 門 尸 席 之 宗

謂全乎臣子也 P 與 侑 北 侑 面于 亦 北 面 廟 門之外, 主人出迎尸,宗人擯 西 上 尸 北 面 所

揖乃 階,尸侑升自西階, 主人東楹東 人揖,先 主人拜。 讓。 入門右。 没 尸答拜。 雷 北 相 面 揖, 拜 道之。 及階 至,尸 主人又拜侑,侑答拜。 西楹西北 又讓。 尸人 答拜。 門左,侑從亦 主人先 面東上。尸 拜 至,實 升自 禮之始 在 左。 東。 阼 主

也。

主人又拜侑,侑答拜。

以上迎尸。

不並 並,皆 鼎西、 四 俎 : 枋。 雍府 魚鼎 故覆之。 疏 合執 通 也 刻 執 乃舉 以人。 爲尸、侑、主人、主婦,正俎 二俎 西縮,此 爲雲氣,日 亦西縮。 一俎設 〇以 覆二 舉鼎。 以 匕以從,變四爲二,無膚及腊 上設 疏 于 從,司士贊者亦合執二俎以從。 陳鼎 鼎俎。 加俎也。 羊鼎 覆曰縮,則葉鄉下而直設于 匕于其上,皆 雍人合執 司 如 馬舉羊鼎,司士舉豕鼎舉 右第 西 並、二以並。 初。 西 章,先事陳設 縮 也。 雍 縮 俎,陳于羊鼎 IE. 二俎 匕皆 俎 執 此言並,則上 西 鼎 皆設 加于 俎也。 枋。 面位之儀,凡 也。 L 以 鼎東 疏, 司 于二 未用, 西, 從, 四 Ľ, 土 俎

宰授几,主人受,二手横執 四 升,几爲尸設也。 自東方來,當受于阼階東。 節: 主人降,受宰几。 一,備具; 二,立侑; 主人升,尸、侑升,復位。 三,迎尸 尸侑降, 言爲受几降也。 几,揖 四 主 設鼎 人 P 下乃受之,几 辭 獨

升,户 東楹 辭, 尸 楹東北面 縮之,還几者,横受几,乃轉几 手,受于手間,主人兩手之間。 拂之。 面答拜。 廉,將北面設于筵上之東, 主人亦辭降。 面奠于筵上,左之南縮 西面,左手執几,縮之。以右袂推拂几三,外 東 ん、有 二手横執 對。 北 侑亦拜,從尸也。 升。 面 奠爵,答拜,降 卒盥,主人揖,升,尸、侑升。 口 拜。 辭 尸 几,進,授尸 洗。 拜送几。 西 楹 主人對,卒洗,揖。 故右手,北 西 主人降、洗。 不 P 盤。 北 而縮之也。 復位,尸 主人退。 面拜 坐。 于筵前 面以 尸、侑降,主 尚 洗 東爲右也 右手執 有 與侑 事。 尸侑降, 尸還几 戸 戸 主 P 進二 揖 皆北 主 主 主 主 尸使 東 北 外

西、當 鬱與 主 方。 于初籩之南, 蕡,扶云反。 于 兩 醢 東 坐 豆 籩, 也。 婦。 南, 北 取 一 婦贊者執昌、菹、醢,昌,昌本也。 爵 面 外列; 未詳其實,當視此也。 昌 亦熬者,稻 下八豆籩、皆朝事之實。 也 拜送爵。 酌 在 ○皆熬者,麥曰麷,麻子曰 I 獻 尸。 以 東 白 授主 麷 方。 \Box 在 在 白 主婦自東房薦韭、菹、醢 尸 西 婦。 黍日 東 興, 北 方; 方。 黑。 面 取 主 坐奠于筵前 興,退。 拜,受爵,主人東 籩 經: 婦贊者執白 婦 主 于 不 婦不興,受。 主人主婦交致爵 蕡。 房, 興, 以上主人獻尸 受。 坐設于 醢,麋臡。 麷 菹 黑以 芳中 陪 在 · 。 設 授 豆 反。 楹 設 西 各 蓋

脊 正 正祭脊、脅 載。 艇 乃升。 在 臂 下 脊 下 司 六體各二骨,此 此 士 司 同。 在 横 馬 骼 **朼羊**,亦 脊 下者,折之,爲 載右體,肩, 各存 短 司 脅 馬 肉 骨, 豕俎同 載。 涪 臂,脏,骼, Œ 俎 脅 也 兩 司 見下。 馬 , 代 腸 也: 臑 脅 正

> 同。 載于正常 少二。 分此。 脊 之實,以 豕臑未聞,其 L 匕溍皆當以舟盛之。 木爲槃,深可五寸,加于俎上,大小如俎,仍存舟名,則肉 酒尊,舟如槃,俎之舟亦然。 在俎無汁,非 之,此爲之目 俎。 載于一俎。 一,四者皆正俎之分。 豕,亦司 膚 臑折、正俎所折。 , 横 俎,此二 載 胃一,少二。 次并 Ŧi. 于 脊 ,膚九,今存五 爾。 折 也。 載 南 士 一俎則更 此司士 亦 于 俎。 載 據聶氏崇義云: 0 在 此。 短 案: 亦 下 以 番迭用者也 所設第 脅 者,不 此雍人所設羊 羊 祭肺 經無明文,古制遂 嚌肺 俎 正 右 不可 肉 脊 ○愚嘗從那拉監丞家見之。 嚌 與羊 體 湆 正 俎 肺 : 以 0 俎異 也, 脋 肩, 盛 宋初俎有 離肺 少二, 涪, 俎 正 肉 蓋 正 一,代脅 也。 西二 湆 臂 脅 祭 也 IE. 故 俎 失傳 肺三,無存。 舉 俎 肉 疏 先 即 俎 正 肫, 骼 舟。」《 不 肺 謂 載 在 之 舉 脊一 爾。 他 腸 汁 在 餘 肺, 用。 進 中 禮 鼎 自 臨 ,脊脅 司 , 脡 者, 肉 圖 有 事 即 他 正 湆 1: 汁 湆 載 胃 刳 并 俎 加 俎

❶ 「迭」,原作「送」,據四庫本、經解本改。

上篇十五

魚

此惟

七魚者,餘

以

爲膴

也

皆

加

膴

祭

左肩 司士所設第二俎 于 一,亦折。 一, 左 俎。 肫, 載 此 亦 于一 也 正 雍 脊 人所 俎。 侑俎: 設, 用 脋 更 左,則 豕左肩折 迭 用 無右 之者 腸 體可 也。 胃 正脊 知。 侑 俎 此 切 : Œ 俎, 脅 肺 羊 則更

尸

席

俎,司 膚 俎: 脊 也。 俎 : 俎 肺 膚 此雍人所設者。 俎無體,下于尸,以肺代之,肺尊。 Ŧi. 三,齊肺 一,脅一,腸 膚三, 羊肺 羊左 羊肉湆: 士 魚, 無 所 設 祭 横 臑 - 舉肺。 切 肺 第 脊 載 而 四 肺 有 臂 , 載 豕脀: 用膚,以主人無羊 俎 之 嚌 胃 也。 肺 載于 一,用左,侑 **,** 于 祭肺 侑、主人皆 亦 司 俎 下于 一,皆用左。 俎。 士化魚,亦司 也。 侑。 俎。 嚌 ,亦羊肺。 用肩,主人用臂,下之也。 臂 此 此雍人所設者。 體,不 肺 Œ 載 此雍 俎,司 一,載于一 于 敢 脊一, 脅 腸 魚, 人所設者。 載于 備 士所設第 一, 胃 士: 也。 俎 亦 載 横 嚌 主 俎。 此 三俎 俎。 • 尸 羊 阼 載 婦 正

> 于 俎 其 送用之,時至乃升 前 Ŀ 入時 割 惟六俎、蓋 魚 腹 爲 大臠 四 Œ 以 俎不 祭。 他 卒 用 升。 , 故 先 以 升之。 上 載 俎 其 凡 俎 +

湆俎 興,左 謂之歃 東,二 上,以 縮之, 遠,故須授。 與俎。 匕,挑,他羔反,又讀如一 故 升筵自 也,以匕 P 自 賓長 一手執 執 興, 郤 東 制 取 之。 爵。 同 右 面 匕消,下同。 設 西 在俎,故謂之匕 左 尸受,兼祭于豆祭。 K 挑 受 手 羊俎于 方,坐,左執 而 宰夫贊者取 執 右將受匕。 執 豆、祭于豆 石 于 柄 爵, 經》作 長 羊 匕 用 枋,將受涪 受于鼎西 右 鼎 豆 「或春 桃。 以 俎。 取 之 南 次 挹 西 賓 肺 爵, 注 或扰」之「扰」、音由。 匕必在俎者 間 白 昌 L 縮 黑 菹 右 坐 挹 1,左手 枋 故仰 醢 司 執 尸 雍 取 祭 瀉 之南 以 以 馬 K 取 人授 手。 之, 也。 韭 挹 授 俎 以 在 麷 執 也。 菹 涪, 須挹湆 P 以 若 羊 縮 俎 次 祭酒。 賓 蕡, 升 挳 是 注 鼎 于 賓 左 ○挑 白 者 也 之 俎 于 于 廉 疏 此 黑 近

疏

匕

以 肉 可 手 取 且. 不 挹 湆 也 若 是 以 授 爵; 執 爵 以

肉

湆

俎

不

用

化者,

匕 也 尸 若是者,言如 郤手受匕枋,坐祭, 此 縮 執匕 俎 進 齊之; 即 授尸 , 嫌 興, 或 覆 置 俎 手 而 以 授

以 授 降。 匕 賓亦 俎皆 覆手以 降。 尸 席 受,本作「授」。 末 坐 啐 酒 興 縮 匕 坐 于 奠 俎 爵 上

興, 拜。 拜 告旨, 取 司 肺 馬 執 羞 坐 爵 羊 以 絶 · 肉 興。 祭。 涪, 嚌 主 縮 人北 之。 執 俎 興, 面 于 尸 反 東楹 坐 加 奠 于 東 俎 爵 答

奠于其 肉溜俎 可 馬 縮 (南? 奠于羊俎西乃載之,載于羊俎也。 奠 俎 敖氏曰:「「湆」字衍。」蓋據下尸酢主人司馬 于 羊 · 湆 俎 南,上羊溍俎已降矣,又 此 亦載于羊俎, 安得 羞

羊 俎 旛 縮 了**,** 上 執 載 俎 組無 以 烽則 降 自 内塾來也,下並 尸 坐, 執 爵 同。 以 興。 縮 執 次賓 俎 縮 羞 亦

應奠于羊

俎

旁。

敖

説

是

也。

乃

載

于

羊俎

;

卒

載

挳 執 于 燔 于俎 鹽 以 降 坐 上 振 鹽 降 在 嚌之; 筵, 右。 北 尸左 興 面 于 加 執 西 于 爵 羊 ,受燔,右 楹 俎 西, 坐 賓 受。 卒 縮

俎

尸

北 面 于 東 楹 東 興,坐奠 答拜。 爵 主人受爵。 拜 ; 執 爵 以 尸 興。 升 主 人

于筵末。 以上薦 豆俎卒爵

主 人 酌 獻 侑 侑 西 楹 西, 北 面 拜 受

奠于 主人 筵前 在 其 右 醢 北 在 面 南 答 方 拜 婦 主 贊 者 婦 執 薦 韭 籩 菹 麷 醢 坐

以授 主婦 主婦不興,受之,奠麷 于醢 南 蕡

馬 在 横 麷 執羊 東。 俎以升,設于豆 主 婦 入于房。侑 東。 升筵自北方。 侑 坐 一,左執 计

右 取 菹 **媆于醢**,祭于豆 間; 又 取 麷、蕡,同

酒; 于 豆 興,左執 祭 ; 興, 左 爵。 執 爵, 次賓羞羊燔, 右 取 肺 如 坐, 尸 禮。 祭之, 侑 祭 降

筵自 北 方、北面 于西 楹 西; 坐 卒爵,執 爵 以

興; 坐 奠爵,拜。 主人答拜。 以上主人

西 東 面 尸 受侑 主 人 爵 降 降 自 洗。 阼 酢 階 主人。 辭 洗 侑 降 尸 亦 立 辭 于 降 西 尸 階

興

(),反

加

于

湆

俎

司

馬

縮

奠

湆

俎

于

羊

俎

西

載之;

卒

載

縮

執

虚

俎

以

降

主

人

坐

取

爵

以

興。

次賓

羞

燔

主人受如尸

禮。

主

人

降

筵

受肺,言受,則

有授

授其設

俎者與。

坐

絶

祭

嚌

之

馬

羞

羊肉湆

縮

執

俎

主人坐

一奠爵

于

左

興,

匕溍

如如

尸

禮

席

末

坐,啐酒

執執

爵

以

興

司

左執

爵

右

取

肺

坐,祭之,祭

酒

興

次

賓

羞

;

一人對。 黄 坐 奠 P 席 升 主 ; 卒 奠 主 于 西 人 自 于 盤 爵 筵 東 升 婦 楹 西 者 就 侑 楹 坐 奠 自 一,主人獻尸,薦豆籩, 敖氏曰 一奠爵于 , 升 皆 爵 西 北 席 答 方 也。 拜 再 主 北 「「升」、「就」二字,宜 拜 東 人 0 執 面 以 序 北 爵 于 上户 侑 南 面 亦從尸 以 阼 酢 二,載 興。 于 階 主 侑 東 Ŀ 人。 拜 升。 俎; 尸 楹 坐 也 衍 右 卒 東 西 其一 尸、侑 第二 主 爵 楹 薦 再 。」筵。 人 章, 西 豆 執 拜 及 俎 皆 答 爵 尸 崇 卒 獻 北 拜 不降 以 侑皆 酒 爵 凡 面 興 而 Ŧi. 主 四, 于 節 日 西 人 坐 主 升

答拜

降

盤。

主人

降,

P

辭,

主

階。

主

拜

洗。

P

北

面

于

西

楹

西

坐

奠

爵

于

篚

興

對。

卒洗

主

人升

户

西,

北

面

答

拜。

主

婦

薦

韭

菹

醢

坐

序

西

面

主人

東

楹

東

北

面

拜

,受爵,

主

人

升,

尸

升, 坐,

取

爵

酌。

司

宫設

前;

菹

在

北

方。

婦

贊

者

執

籩

麷

之東。 餌 腶 不 面 尊 坐 也 脩 奠 興,受,設于 于 南 于 主人之席 西 ,《籩人》注 司 以 腊 宮取 韭 面 授 人》 菹 拜 主婦。 注 獻 西 爵 \overline{z} 굸 羊 北 于 尸 乾 用 鉶 主 拜 篚 0 肉 主 粉稻米黍米合蒸 之 婦 送 薄 尸 婦 以 折 西 贊 爵 授 洗 拜 \Box 者 脯 爵 婦 于 人于 興,人于 執 捶 筵 于 贊 豕 之 房,取 上 房 者 \exists 鉶 而 一受。 于 餌 中 施 以 房, 薑 糗 房 從; 出 桂 者 主婦 取 東 羊 H 實 擣 主 房 糗 腶 鉶 粉 脩 人 西 與 爲 外

筵自

北

方,主婦

入于房。

長

賓設羊

俎

于

豆

獻

侑;

五,尸

酢主

人

而

獻

畢

不

興

(), 受;

設麷

于

菹

西

北

蕡

在變

西。

西。

主人坐,左執

爵,祭豆籩,

如

侑之祭;

興,

載

于羊

俎,

卒

乃

豕

燔

侑

受

如

尸

禮

坐卒

. 爵

拜

主

婦

答

;

以上主婦獻侑

晉。 執爵,受燔 奠之,以 脅明矣。 奠爵,拜 **湆之禮**。 鉶 同 立 執 執爵,嘗上鉶,羊鉶 祭于豆祭,以 于主人席 以 ,祭于豆祭,祭酒。 上尸俎 出 俎降。 尸 ; 尸坐,此言坐,則受匕湆 ,坐,奠爵,興,受,如羊肉湆之禮。 坐 無豕骨,經又不言豕俎,則司 ,如羊燔之禮,坐,卒爵,拜。 主 設 北 坐,取爵,興,次賓羞豕 婦 之。 西 答 羊鉶 面 拜, 也。 糗 之 相 挹 羊 鉶,遂以 在 次賓 尸 執 右嘗之。 蕡 坐,左執 爵 (西,脩. 羞 以 豕 興。 執 興也 士所載 匕溍 爵 在 爵,祭 白 燔。 司 以 啐 西 士 興; 如羊 酒 糗 ; 尸 主 羞 挹 即 脩 興, 左 婦 坐 豕 豕 左 亦 1 此 賓羞 東

答拜。 脩 糗 北 于 西 兼 受爵 麷 面今文無 祭 以上主婦獻尸。 南,脩 于 豆祭。 酌 一西面 獻 在 侑。 蕡 司 南。 答拜。 侑拜,受爵,主 + 縮 侑 執 坐, 左執 主婦 豕 香,以 羞糗 一婦主 爵 脩, 升。 取 取 人之 坐奠 糗、 侑 爵。 拜。

主人不致爵,略也。

○以上主婦致爵于主人。❶

糗脩, 爵,主 如尸 如 兼祭 P 禮。 禮。 也。 受爵,酌,以 如 婦 北 尸 祭鉶,祭酒,受豕匕 嘗鉶 坐,卒爵,拜。 禮。 面 于 不拜。 作階上答拜。 主人共祭糗 致 于主人。 其受豕脀,受 主 婦 脩,共祭,即 涪,拜, 主人筵上 主 北 一婦設 面 答 豕 啐 拜 燔 拜, 酒 上 鉶 所 受 亦 皆 受 與 謂

于 不辭洗,禮略也。 降, 尸 侑。 西階 侑 尸 降。 卒 西 降筵,受主 洗揖之升也。 南。 皆從降。 主人立于洗東 尸 易 主 婦 爵于篚 主人升。 婦 爵 人 以 于 降 盤 北 房 尸 洗 西 將 升自 酢 爵 婦 面 主 人不從 婦。 西 主人 侑 階 降, 東 主 揖 侑 人 面 亦

0 下「主」,原作「士」,據四 庫本改

興

取

肺、坐、祭之。

司

士縮

奠豕脀于羊俎

之

席西。

〇以上尸

酢主

婦。

右

第三章,亞獻,凡四

節:一,主

立。 從。 尸 主 酌 人 北 主 面 婦 立 出 于 于 東 房 楹 東, 西 面 侑 拜,受 西 楹 爵 西 北 尸 面

不坐 蕡,兼 者執 執 主 薦 房 北 婦 次賓羞羊燔。 祭,嚌之;興, 主 楹 執 婦 韭 婦婦 中 面 爵,右取菹, 換 西 升筵。 菹、醢 **麷蕡以授婦贊** 爵以出于房,西 于 立 南 祭于豆祭。 北 其 贊者不興受; 于 侑 面 位 面 席 東 也 ,坐奠于筵前,菹 答 司 設 西。 拜 拜。 席者、夫婦 執 主婦 加 馬設羊俎于豆 今文曰 爵 于俎,坐,捝 主婦 于醢,祭于豆間; 主婦 主婦 拜。 (者; 興受燔,如主人之禮。 設麷于菹 面于主人席北 南 等 入于 奠爵, 執爵 人,立于房。 注 : 也。 面 立于 房。 拜,變于主人。 婦人贊者, 房中, 在 興 南。 手,祭酒,啐 西方。 西 席 司宫設 蕡 西。 則男女之别 取 主婦 立, 卒 肺 又取 謂宗婦之少 在 入房,立 ··, 坐 婦 婦 坐,左 麷 П 人 贊 席 麷、 爵。 酒, 絶 南。 主 贊 也。 西 者 于 于

主婦 婦 獻尸 ; 主 婦 獻 侑 ; Ξ, 主 婦 致 爵 于 主 人 四 户 户

酢

主人 也。 酌獻 舉 前復阼階上位,乃 人實爵,尸拜,受爵。 主人奠爵于篚對,卒洗。 東北面坐奠 尸升,侑 祭,遂飲,卒爵 尸 ,神惠不敢數專也。 奠爵于薦左。 尸 奠爵 Ë, 尸 主人降洗爵 方止爵 不升。 主人及 尸 于 ,即酬之者,尸 拜受爵。 爵 篚 拜。 拜。 拜。 辭。 辟酬尸。 止爵。 侑 〇以上主人酬尸。 尸 皆 明 尸 尸 尸 本作 北 就 主人反位,答拜。 賓 答 對。 事畢, 賓降。 西 面 È 筵。 拜。 西 「觶」,應 楹 坐奠 人實爵酬 主人升,尸 乃徧 楹 卒洗揖。 西 上 降 以上賓長獻尸 西 北 作 獻 爵 賓 洗。 北 也 「觶」。 面 于 洗 面 答 薦 尸,東 尸 爵 主人揖 P 拜 升。 拜。 0 左。 降 侑 以 授爵席 送 止 將 山爵。 酬尸 降 升, 升 主 坐 楹 不

之羞于尸、侑、主人、主婦,皆右之;房中之羞,尸、侑、主人皆升筵。乃羞,宰夫羞房中

食糝 所柳反。 反。 也。 主人、主婦,皆左之。 之日 自 糁, 小 食。 房中 酏 餈。 以 臅,昌蜀反,一音粟。 糗,熬 來 支反。 切牛、羊、 酏, 徑 也。 也。 周 食 也 粉 官》羞籩之實,糗餌粉資; 豕 並 溲稻. 音嗣 肉,合稻米爲餌, 屑 之也。擣 米,合狼臅膏爲之,謂 庶羞、 糝,素感反。容,之然反。 司士羞庶羞于尸、侑、 稻黍, 羊 臐、 煎之。 熬大豆,合蒸日 豕 膮皆有 羞豆之實, ○ 餈 狼臆中 胾 昨資 溲, 醢。 餌 膏 酏

殺也 拜。 衆 于 不實等 三拜。 宰夫 豆北 長 于篚 主人洗爵,長賓辭。 主人降,南 腸 晉 賓 自 胃 ,羊骼古文作 升,拜受爵 興 衆賓 俱不升 東 **学** 房 門 面拜衆賓于門東,言門東,明 前 薦脯、 切 卒 東 亦 未載, 肺 · 洗, 升, 北 胳。 主人在 醢 面皆答壹今文作「一」。 F 不言降,未升 祭肺。 一,左骼 注 醢 酌 所 在 謂 其 獻 膚 西。 事 右 也。 至 賓 也。 乃 0 司 北 于 載 此 體, 士 主人 是 面 西 就拜 俎 也。 答 設 階 及 禮

用者用 爵。 興,取 興; 酌授之。 面 酌 隨獻隨設也。 受爵,其薦 爵,主人答拜。 所在,于此明之。 事,故先取之。 爵。 賓坐,左執爵,右取 而 ± 執 南 酢 坐, 奠爵 俎以 賓 宰夫贊主 在左。 之。 皆 干 肺,坐祭之; 若今文作 坐取祭以 東 長 註 從,設于 0 脯醢 面。 賓 云 西 注謂 主人坐奠爵 拜,執 宰 面 人 與晉,設于其 其 如。 主 亦 夫 坐,祭,立飲,卒爵, 「徧獻乃薦」、未然。 坐 降,長賓也 酌,主人每 人 有 脀 執 薦 委 自 切 祭 肺, 體 爵 薦 是 東。 于 肺 酢 酒 儀 膚。」 以 挳 以 以 西 拜,執 亦 也 興。 辩。 獻畢,奠空爵 遂 階 于 從,設于 衆賓長升,拜, 以 乃 祭 位 辟 醢, 西 飲,卒爵, 升 儀 脯 爵 尸 亦 主人答 南。 及 其 長 祭之; 度 宰夫贊 以 以 加 西 也 ·祭東。 位 長實準 賓 興 上不言實位 也。 于棜 不拜 階 総 度 也 已 尊 執 主 上 執 體 宰 所 北 人 既 受 受 賓 司 以 爵 則 辩 夫 口 有

聘禮》詳之。

右,陰,左,陽也。

〇以上羞

洗,賓辭。 賓西面 酌,降復位。 賓答拜。 下,長賓獨有酬,尊之。 拜,坐祭遂飲,卒爵,執 人獻賓及酬 坐奠爵于薦 賓降。 坐祭遂飲,卒爵拜。 主人坐,奠爵 降酬 上酬位。 長賓于 宰夫洗 賓在 左。 賓拜受爵,主人拜送爵。 左。 此將舉,與尸别。 西階南,北 爵以興; 觶 于篚,對,卒洗,升 以 主人坐奠爵,拜, 升。 賓答拜。主人 主人受酌, 坐奠爵拜。 面。 〇以上主 酬 在 堂 晉。

之,無定品 折脅,尊之,且 先生之晉:折脅 爲設薦之節,謂每升則薦 飲,不拜既爵。 之長升拜受爵。 在洗東西 主人洗,升 也。 面 明其餘不 〇以上主人獻兄弟 北 上。 皆若是以辯。 酌,獻兄弟于阼階 一、膚 一。先生,長兄弟也。 主人在其右答拜。 用 東堂下。 也。 脅也。 其薦脀設于其位。 其衆儀也。 升受爵,再言升受爵 辯受爵,其位 上。 可用 坐 祭 兄弟 者用 此有 其 立

等。 鄉之。 于主婦之席東。」南 以上主人獻内賓 坐祭立飲,不拜既 主人洗,易爵洗也。 主人南 面 面拜受爵,户 于其右答 爵 獻内賓于房中。 拜 若是以 在 南,主人由 同 面 辯,亦 拜 與 户入,故 注: F. 有 獻 薦 獻 賓

卑 特明之。 人答其長拜。謂室老及士。 人獻私人。 兩日亦,卑之。 臣爲私人,獻私人而降洗, 拜既爵。若是以辯。宰夫贊主 也。 主人降洗,易爵。 主人于其群私 其位繼兄弟之南,亦北上,亦有薦 主人就筵。古文曰「升就筵」。 人不答拜。 重獻禮也。 升獻私 乃降,坐祭立飲,不 人于阼階 拜于 嫌群如 一人酌。 下 升 其 〇以上主 不親 長 Ŀ 受,主 也,故

也。 禮然也。 爵 縮執 司 尸作三獻之爵。 士縮奠俎于羊 司士羞湆魚, 俎以 升。 尸 涪中有魚,故膴在 特牲賓作之,此尸親作之者, 取 俎 南,横 膴 祭, 祭之,祭酒 載于羊俎,魚亦 其中,猶 ¨, 卒 肉

家

拜。 故拜而答之。 于羊 俎 獻 賓尸 北 〇以上尸作三獻爵 禮異 面 答拜受爵,三獻亦賓也 也。 卒 乃 縮 執 俎 以 降 ,此爵賓所獻 P 奠爵

卒爵 東楹 答拜 本作 東北 拜。 ,受爵,酌 酌 獻 羞 三獻答拜,受爵 面 侑 湆 答拜。 致主 魚 侑拜受,三 司士 人。 如尸 羞一 禮。 主人拜受爵。 獻北 以上賓獻侑及主人。 **湆魚**,如尸禮 卒 面 爵 答 拜 拜。 三獻 \equiv 司 獻 士

筵南 拜。 獻内賓; 西 右第四章,三獻之始終,凡十節:一,賓長三獻爵止,二,主 人酬尸;三,羞; 楹 ,酢蜜 面 西 尸 答拜。 七、獻私人,八、尸 降 答 北 拜,拜于席與主人别。 面 筵,受三獻,酌 拜受爵,尸 四,主人獻賓及酬; 執 爵 以 作 降,實 在其右以授之。 止爵; 以 酢之。 于篚。 坐祭遂飲,卒爵 五,主人獻兄弟; 九,賓 献侑 酢 以 賓。 上尸 及主人; 尸 三獻 酢 六 升 賓

二人洗觶,三獻禮畢,使二人舉觶爲旅酬,以廣神

拜送。 答拜。 之。 略也。 位。 侑答 酬 惠也。 之,皆飲于上。 侑 不祭立飲,卒爵,不拜既爵,尸道飲,凡不者,酬禮 侑 所,乃反位也。 尸、侑皆拜受爵, 之,如主人之禮。 坐祭遂飲,卒爵,執爵以 面 主 奠觶 于 東 主人拜受爵 西楹西,言復者,以酌則違其位也。 西 人; 拜。 上 與 酌就于阼階 皆降洗,升酌,反位。 主 楹 于 坐 鄉飲酒 西; 右。 不 主人在右。 , 奠 人復筵,乃 祭立飲,卒爵,不 爵 遂 侑 尸遂執 尸 拜,執 《燕禮 在 遂及 至于衆賓,遂及兄弟 Ŀ 拜送。 左。 酬主· 影略 升長 觶 坐奠 爵 私 同。 興、坐奠爵 以 坐 人,拜受者 以 人。 奠 尸就 興, 賓。 升 爵 興 西楹西 舉觶 爵 實 拜既 言就, 拜,主人 北 贊升之。 筵,主 侑 拜 爵 P 面 位也。 拜受,主 者皆拜 拜, 爵 于 執 則主人立待 西 侑 升 阼 人 爵 楹 答拜 尸、侑 答 酌于尊 受下 侑 階上 亦 酌 以 興 西 送 人 如 栅 復 子 北 弟

至

私

人皆

旅

也

 \Box

亦,則賓獻已遂之于下矣。

〇以

上

次

爵

也

初

謂

上

賓

獻。

亦遂之于下。

遂之于下,

謂

賓兄

乃羞庶羞于賓、兄弟、内賓及私人。以上旅酬爵于篚。卒飲者無所酬,亦自飲奠之,内賓亦旅,文不具。飲,卒爵升酌,以之其位相酬辯。卒飲者實

及羞

升 爵 升 定。 爵 拜,執爵 一酌降。 以興; 岸 酌降,北 于其長,後生,弟子也。 兄弟之後生者舉觶古文皆作「爵」,延熹中 猶上經賓奠爵于薦左。 以興; 坐奠爵拜,執爵以 長拜受于其位 面 立 長答拜。 于阼階 南 長 早 ○以上弟子舉觶于其長。 坐祭遂飲,卒爵 不一長 長在 興,長答拜。 爵 者 左。 以 東 次 面 而 坐奠 答 徧。 拜。 洗 執 爵 洗 改

一無筭爵,一尸

出

異 無 流音,三 爵不止 賓 長獻于尸 獻有涪 ,即以其爵 人舉爵 魚,此 獻侑 于尸 如 九無之魚 主人也。 初 如初,一人,次賓長者, ; 盡 此加 也。 ○以上賓加爵 爵 爵 也。 不止。 初,謂 此言其 獻 亦加 户。

弟子舉鱓于其長;三,賓長加爵;四,次賓加爵。 有第五章,旅酬之儀,凡四節:一,二人舉鱓;二,

交錯相酬也。皆遂及私人,爵無筭。以上無筭爵。賓及兄弟交錯其酬,始于尸,終于私人,賓主二黨

有司徹。 衆賓從。 送賓禮也 尸 ,出,侑從。主人送于廟門之外拜,主人 尸不顧 俱出也。 以上尸出。 ; 司 右第六章 拜 士 侑 歸 與 尸 無筹爵 長 侑 賓亦如之。 之 而禮 俎 畢,凡二等: 主人退, 拜送

其賤者,腊 脊, 則祝侑 皆羊豕者。 成。 拜,侑曰: 有四飯,故注謂七飯 俎 : 若不賓尸,牲物同 骨也,下三 亦如之。 + 「皇尸未實,侑。」是也。 肵俎。 魚 體,五 匕 體同。 臑, 時 飯 腊 侑,祝獨侑也。 也。 時已舉 從下至上。 辩 横脊,短脅,代脅,皆 如者,上篇七飯 但 無 一肩加 體 髀 不備爾。 P 于 上篇尸十一 徧 食,八飯 肵 臂,脏, 謂 則 右體 告飽 餘見上篇 惟 十體 同 皆升 飯,此篇尚 祝 膊。 乃 也 獨 篇首 牢 盛音 惟 侑 卒 脡 去 不

受牢 摭,拾 也,正 祝 取 所 个,惟存七个,釋三个,則 羊 于 盛 並 下,無受舉之節,此言如償,則上篇七飯以上,實尸與否其 飯 也。 人、主婦各一个言,不知下已明言皆取于是矣。 左,兼髀十二體,脊連于右爲十一體。 \vdash 餘于此,以 同 謂釋者,注 俎東有 之,餘,謂 肵 乃舉 、主人之魚 告飽。 「羊」,當作 據下主人腊 也,取也。 祭所釋,將爲改饌 舉 七飯以下, 魚 佐 牢 如 載 俎 謂三 衆俎 食 肩 儐 主 魚四 ,此實在 「魚 取 十五 臂, 腊 ,則爲賓尸者之禮,與此不同。 脅 也。 舉 尸 个, 骨也 拜 主婦 取 受,振 肺 魚,上篇舉 魚 俎 不言牲俎,可 乃 侑 于 腊 脊, **灿鬼東**。 摭四 餘用之衆俎,故先釋 腊 于堂下以 八个也。 摭 是。 不言; 〇注 言 臑 个也。 于 牢 日羊俎者,統于尊也。 不言主 祝 云 魚 則 則 一腊摭 嚌 加于肵 知。 腊 羊豕 實于 腊,右 尸又三飯。 注 釋三个,則摭八个也。 之。 人,此 以 婦, 俎 Ŧi. 奠于 皆 爲 枚, 文闕,是所摭俎 體已盛,此 又盛斯俎 存 骼 俎 佐 正 爲衆俎 矣。 俎 釋三 也 羊俎 祖,而 食受, 同者,則 蓋去祝、主 其 以 埽 尸 佐 餘 去七 摭之 堂以 用 敖氏 摭所 出。 東。 皆 食 不 加 以 禮 其

如儐明之也。下並同。○以上尸卒食。

儐。 尸 爵,主人拜,祝受尸爵。 如 儐。 以 醋 主婦其洗獻于尸亦如儐。 主人洗 其獻 主人,亦. 祝與二佐食,其位 酌 酳 如 尸 儐。 賓羞肝, 其 尸 挼 答拜 同 皆 一,其 墮。 以上酳尸一 如 薦 祭 祝 儐 其 晉 酌 授 卒 如

受尸 醋主婦,主婦主人之北 以 婦 實時設之而加 棗 祭,嚌之。 羞 無此四邊,據《特牲 不興,受設之,栗在糗 授尸。 牢燔 興,反位。 在 , 爵,尸 主婦 稷南,糗 用 尸 俎 反,取籩于房中 祝受,加于 答拜。 盛。 兼 尸左: 鹽 在 禮 此亞 祭于豆祭,祭酒 一、東南。 在 並 執爵 右 献即 祝 」獻薦兩 易 東, 肵 薦之者, 尸 (、取棗、糗。 婦 拜受爵 爵 卒 爵。 -,執棗 籩 脯 兼 贊 洗酌 則 在 取燔 者 以 禮 棗 執 下無 所 ,受尸。尸 尸答 擂 啐 東。 栗 主 應 薦 婦 酒 祝 有。 脯 上篇 于 坐設之, 節 拜 拜 取 賓尸 也 鹽 次 栗 È 正 者 以 祝 振 脯 主 主

糗,坐,設棗于菹 又拜。 儐。 楽、 尸 答 婦 禮。 拜 糗,祭于豆祭, 俠 主 主 拜。 西,糗在 人之北 婦受爵,以 卒爵。 主 上佐食挼同 婦 獻 棄南。 答 主 祝 拜。 婦受爵 祭酒 人 其 于 墮。 酌 主婦設之。 宰 房。 啐 如 夫 祭如 酌 酒 儐 房 薦 無 獻 儐。 棗、 篚, 祝 次 拜 于房。 人答拜 送。 爵。 佐 婦 坐, 锐手, 祭酒 食。 答拜 尸 坐祭遂 答拜。 尸 洗致爵于主人。 , 受爵, 作 卒 飲,卒爵拜。 止 爵 祝酌,授尸。 酌 ; 爵,祭酒 拜。 執 以 爵 一醋,更 主 以 人 卒 爵。 主人席上 興,坐,卒爵 答 一爵。 口 拜。 答拜。 户 内

設席 執 棗 北 肺 面 皆 興 方。 于 菹 主人 賓長 拜。 取 牢, 右 婦 北,糗在 主 取 牢 洗爵, 婦 拜受,主婦 膚 贊者執 爵 菹 肺,坐,絶祭,嚌之,興,加于俎, 薦 止 一,

押

于 韭 獻于 棗 魚 棗糗以從; 菹、 主 西。 鹽 户 婦 P 醢 祭 腊 西 洗 佐食 ,坐,設于 臂。 于 北 于 尸 豆間 房 設 主婦 面 拜 亦 拜 中, 俎,臂,脊,脅, 受, 用 不興,受,設 送 左。 席 遂 酌致 賓 爵 前 祭籩,奠 P 主 菹 人 于 西 司 左 宫 主 在 北 挳 祭,嚌之,興,加于俎,坐,捝手,祭酒

爵,酌 于菹 拜。 魚 豕 席 北 者執棗、糗,授婦贊者; 于 折,不言所折,略之。 東 面 南,糗 面。 答 醢 婦贊者薦 致 腊 拜 一一一一 祭之; 臑 主婦 于主 在棗東。 坐祭遂 主 席北 韭 婦。 婦 祭籩,奠爵,興, 菹 升筵坐, 易爵。 羊脊,脅,祭肺 東 飲、卒爵拜。 佐食設俎于豆東:羊 醢 面 婦費者 菹 拜,受爵 主 左執 在南、 賓拜,受爵 婦 不 北 取 爵 方。 賓拜。 主 ·興,受,設棗 堂; 賓 賓答拜,受 拜受爵 北 獻祝 右 婦 肺 一,膚 拜。 面 婦 西 司宫 以 坐, 取 拜 人 及 P 祝 爵 面 菹 臑 誊 拜 受 絶 設 賓 主

以爵入者,將酌致主人。〇以上亞

獻

佐

食,亦

如

賓羞

燔

如

左

執

爵,

取

卒爵

拜

P

坐受爵

主

婦

反

位

九 Ŧi.

執

興,筵 爵 奠于篚。以上三獻之終始 主人答拜。 ,易爵于 兆 東 篚 面 卒 ,洗酌,醋于主人,户西 立,卒爵,拜。 爵 拜,主 人答拜。 賓答 賓 拜。 以 北 爵 面 賓 降, 拜, 受

酬 降,實于篚。 賓 儐 内賓與私人,皆如 尸、祝、主人、主婦,内羞在右,庶羞在左。 兄弟弟子 其位,其酬醋,皆如儐禮。 禮。 長獻于尸 主人降,拜衆賓,洗,獻衆賓。 乃羞。 宰夫羞房中之羞,司士羞庶羞 筭 舉觶 卒, 爵 乃羞 徧 加爵。 以下當有賓及長兄弟兩階相酬,及賓弟子、 以 旅 上 諸 于 獻 節, **儐禮**。 賓、兄 尸醋。 酬 文不具 及 無筭爵。 弟、内 爾。 其位,其薦脀,皆 獻祝 主人洗,獻兄弟 案旅 賓 致醋。 賓及 兄 酬 弟 其薦 禮雖 私 交 賓以 以上羞。 人辯。 簡于 錯 脀, 與 其 爵 如 于 賓

祭 酒 啐 利 洗 酒 爵 奠之。 獻 于 尸 主人出, 尸 醋 立 獻 于 祝。 作階 祝 上西 受,

族人燕也

有

司

本

可

徹,因

下

徹

室中之饌,故并

徹

徹

, 然經文太略,當合特牲及賓尸二禮相參

而得之。

户。 食乃徹 利 反。 終立尸之意,後則改饌室中告之,以終尸末入祝饗之意 執其 之祭,埽而埋之。 納 室中 于室中。 面。 又先告以爲主人降立之節,再告以爲主人送賓之節。 薦 受,歸之。 之義,其周密如此。 謖。 俎 成」。 尊於室中。 西 婦 祝告「利成」,兩告利成者,先爲事尸禮畢告之,以 祝出,立于西階上東 俎 乃暮 P 北 祝 人 以 主人亦入室矣。 乃徹 俎 前 出 隅 祝人,主人降,立于阼 衆賓 ,尸從,遂出 如如 南 于廟門外;有司受,歸之。 主人 立 婦婦 面, 乃執 儐。 出 説詳《士虞禮》。 于 費者 出,立于 如 西 卒暮,有司官徹 俎 饋之設,右 主 也。 階 祝命佐食徹尸俎 以 人 于廟 凡不 上 出 面。 拜 東 作階 于庿 歸者皆徹 送 門。 司宫埽祭。 面 祝告于主 于 上西 几, 門外, 階 廟 祝 司 門 東 厞 反, 饋 宫 面 西 外 用 或 徹 復 有 闔 當 $\overline{\Box}$ 席 面 阼 于 佐 \exists 乃 位 口 牖 祝 間 禮

筹爵;七,禮終諸雜儀。 戶,一獻;三,亞獻;四,三獻之終始;五,羞;六、獻酬及無婦儀。右第七章,不賓尸之禮,凡七節:一,尸卒食;二,酯婦而已。此助祭者俱出,故仍以婦人徹之。○以上禮終諸婦而已。此助祭者俱出,故仍以婦人徹之。○以上禮終諸室中之饌。室中事,本婦人所掌,祭時助祭人衆,惟贊主

儀禮章句卷第十七

二九七

鳴

謝

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮 建 新 先 生

NE·TIGER 時裝有限公司董事長 張志峰先生

文 哲先生 税 人

壹佰萬元 壹佰萬元 伍拾萬元

壹佰萬元

壹佰萬元

北京大學《儒藏》編纂與研究中 is:

拾 萬元 本册責任編委本 册 審 稿 人

王豐先

陳

殿

